

# Holy Bible

*Aionian Edition®*

**ANWNV GAMLV  
Tagin Bible, Good News**

[AionianBible.org](http://AionianBible.org)  
The world's first Holy Bible untranslation  
100% free to copy and print  
also known as " The Purple Bible "

*Holy Bible Aionian Edition ®*  
ANWNV GAMLV  
Tagin Bible, Good News

CC Attribution NoDerivatives 4.0, 2018-2024  
Source text: eBible.org  
Source version: 2/21/2024  
Source copyright: CC Attribution 4.0  
The Word for the World International, 2018

Formatted by Speedata Publisher 4.19.2 (Pro) on 6/22/2024  
100% Free to Copy and Print  
TOR Anonymously  
<https://AionianBible.org>

Published by Nainoia Inc  
<https://Nainoia-Inc.signedon.net>

We pray for a modern public domain translation in every language  
Report content and format concerns to Nainoia Inc  
Volunteer help is welcome and appreciated!

*Celebrate Jesus Christ's victory of grace!*



# Preface

Tagin at [AionianBible.org/Preface](http://AionianBible.org/Preface)

The *Holy Bible Aionian Edition* ® is the world's first Bible *un-translation!* What is an *un-translation?* Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aīdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aīdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is *eternal!* However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Take the time to understand these eleven words. The original translation is unaltered and a note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at [eBible.org](http://eBible.org), [Crosswire.org](http://Crosswire.org), [unbound.Biola.edu](http://unbound.Biola.edu), [Bible4u.net](http://Bible4u.net), and [NHEB.net](http://NHEB.net). The Aionian Bible is copyrighted with [creativecommons.org/licenses/by-nd/4.0](http://creativecommons.org/licenses/by-nd/4.0), allowing 100% freedom to copy and print, if respecting source copyrights. Check the Reader's Guide and read online at [AionianBible.org](http://AionianBible.org), with Android, and TOR network. Why purple? King Jesus' Word is royal... and purple is the color of royalty!



# Table of Contents

## NEW TESTAMENT

|                       |     |
|-----------------------|-----|
| Metiu .....           | 11  |
| Mark .....            | 97  |
| Luk .....             | 151 |
| Jon .....             | 241 |
| Nyingnam .....        | 308 |
| Roman .....           | 397 |
| 1 Korintian .....     | 441 |
| 2 Korintian .....     | 482 |
| Galasian .....        | 508 |
| Epesian .....         | 523 |
| Pilipian .....        | 538 |
| Kolosian .....        | 549 |
| 1 Tesalonian .....    | 560 |
| 2 Tesalonian .....    | 568 |
| 1 Timoti .....        | 573 |
| 2 Timoti .....        | 584 |
| Taitas .....          | 592 |
| Pilemon .....         | 597 |
| Hebru .....           | 600 |
| Jems .....            | 630 |
| 1 Pitar .....         | 641 |
| 2 Pitar .....         | 653 |
| 1 Jon .....           | 661 |
| 2 Jon .....           | 672 |
| 3 Jon .....           | 674 |
| Jud .....             | 676 |
| Nyikrwkaatamnam ..... | 680 |

## APPENDIX

- Reader's Guide
- Glossary
- Maps
- Destiny
- Illustrations, Doré



# **NEW TESTAMENT**



Jisu minto, "Abu! bunugv rimur a mvngnga laka, bunu chima bunu ogugo ridudw."

Bunu ninyigv vji a amin chinkala baakminsuto.

Luk 23:34

# Metiu

**1** Si Abraham gvlo linv Dabid gv husi Jisu Kristo gv nwdwv. **2**  
Abraham lokv naalaila Dvbv Dabid lobv soogv nwdw ha lvkpvpv:  
Abraham Isaak gv abuv, Isaak Jakob gv abuv, Jakob Juda  
gvla ninyigv boru vdwgv abuv. Okv Tamar gvlokv bvngnam  
Perej gvla Jera gv abuv Juda. Okv Perej Hejron gv abuv, okv  
Hejron Ram gv abuv. Ram Amminadab gv abuv, Amminadab  
Naason gv abuv, Naason Salmon gv abuv. Salmon gv kuunyilo  
hv Boaj, hv Rahab gvlokv bvngnam v, okv Boaj gv kuunyilo  
ngv Obed, hv Rut gvlokv, okv Obed gv kuunyilo ngv Jesse  
okv Jesse gv kuunyilo ngv Dvbv Dabid. **6** Dabid lokv naalaila  
Israel nyi vdwa Bebilon lo nyirabv naakunam lobv soogv nwdw  
vdwa lvkpvpv: Okv Jesse Dvbv Dabid gv abuv, Dvbv Dabid gv  
kuunyilo ngv Solomon (Ninyigv anv ngv Uriah gv nywng ngv),  
Solomon Rehoboam gv abuv, Rehoboam Abija gv abuv, Abija  
Asa gv abuv. Asa Jehosapat gv abuv, Jehosapat Jehoram gv  
abuv, Jehoram Ujjiah gv abuv. Ujjiah Jotam gv abuv, Jotam  
Ahaj gv abuv, Ahaj Hejekiah gv abuv. Hejekiah Mannasse gv  
abuv, Mannasse Amon gv abuv, Amon Josia gv abuv. Okv  
Josia Jehoiachin gvla ninyigv boru vdwgv abuv, so si Bebilon  
lo nyirabv rila doodw ngvku. **12** Bebilon lo nyirabv rila dooro  
koching lokv naalaikula Jisunyi bvngdw lobv soogv nwdw ha  
lvkpvpv: Jehoiachin Sealtiel gv abuv, Sealtiel Jerubbabel gv  
abuv. Jerubbabel Abiud gv abuv, Abiud Eliakim gv abuv, Eliakim  
Ajor gv abuv. Ajor, Jadok gv abuv, Jadok Akim gv abuv, Akim  
Eliud gv abuv. Eliud Eliajar gv abuv, Eliajar Matan gv abuv,  
Matan Jakob gv abuv. Okv Jakob, Kristo vla minam Jisunyi  
bvngnv Meri gv nyilu Josep gv abuv. **17** Vbvrikunamv Abraham  
lokv Dabid lobv singtam vrng gola api go, okv Dabid lokv

Bebilon lo nyirabv rila doonam lobv vring gola api singtam go okv hokv naalaikula Jisu Kristonyi bvngnam lobv singtam vring gola api gobv ritoku. **18** Jisu Kristonyi svbvching mooku so dwrboklin toku. Ninyigv anv Merinyi Josep gvlo minggag jitoku, vbvritola buniyiv nywng nyilubv rila dooba sutv madvbv hv Darknav Dow lokv anga go dootvdu vla chinsu toku. **19** Josep tarwkbaknv nyi go, vklvgabv Merinyi nyi vdwgv kaagialo hinying momare mvngla, mingak minsu nama atubongv kayu dukubv rungtoku. **20** Ho lvkwngbv ninyigv vBV mvngdung rilo, Ahtu gv nyidogindung ako yumalo aala ninya mintoku, “Josep, Dabid gv husi, Merinyi no gv nywngbv naase nga busu mabvka. Ninyigv kuugvnam v Darknav Dow lokv gvdunv. **21** Nw kuunyilo ako bvngri, okv no hum Jisu vla amin minre—ogulvgavbolo hv ninyigv nyi vdwa bunugv rimur loka ringlin reku.” **22** Vjak so mvnwng si ridu Pwknyarnv gv kvlo nyijwk vdwlo minam dvdv nga jvJV bv rilin modubv. **23** “Darknav nyijar gunv kuu gvla, okv kuunyilo gubv bvngre, okv ninya Immanuel vla minre” (So minam si, “Pwknyarnv ngonugv rikulo reming gvduku,” vnam v). **24** Vklvgabv vdwlo Josep gudung tokudw nw nyidogindung gv ninya ritokv vla mingkubv nw Merinyi nywngbv naatoku. **25** Vbvrifola nw Meri gv kuunyilo nga bvngtv madv yika nw Merinyi doogvkargv matoku. Okv Josep ninya Jisu vla amin mintoku.

**2** Judia mookugv Betlehem banggu lo Jisuni bvngtoku, Herod gv DvBV bv rila doori hoka. Vbvridanam gula doonyi chaagu mooku lokv nyido takar a chinv nyi mego Jerusalem lo aatoku **2** okv tvvkato, “Jius vdwgv DvBV bv rijinv vmi anga nga ogolo bvngpv? Ngonu ninyigv takar a chaagu kiambv chaalin nama kaala ninya kumdujodubv aapvnv.” **3** Vdwlo DvBV Herod sum tvpa tokudw, hv achialvbv mvngru toku, okv Jerusalem gv

nyi mvnwng ngvka. 4 Nw Nyibu Butvny mvnwngnga okv pvbv tamsarnv vdwa gokkum tola bunua tvvkato, "Ogolodw Kristonyi dwrboklin jikuv?" 5 "Judia mookugv Betlehem lo," bunu mirwkt. "Vkvlgavbolo nyijwk vdwv svbv lvkpvpv: 6 'Judah mookugv kvdw Betlehem a, no Judah mookugv pamtv mvnwng lokv miang nvgobv ribwng kumare; noogv lokv rigv nvgo linre, hv ngoogv Israel nyi vdwa rigvre.'" 7 Vkvlgabv Herod chaagu lokv kaalknv nyi vdwa kvba doosi kolo goklwk toku okv bunugv lokv chintoku takar v dw tvrwlk lo boklin pvnvnyi vla. 8 Vbvrikunamv nw bunua svbv gaam mingv rikula Betlehem lo vngmu toku: "Vngnyika okv anga nga alvbv makar laka, okv vdwlo nonu mapa ridw, ngaaka chimu labv, ngo ka vngla ninyia kumdujodubv."

9 Okv vklvgabv bunu vngrap toku, okv bunugv lamtvlo bunu doonyi chaagu kiamgv takar kaanam anga lvkodv kaapa toku. Vdwlo bunu um kaapa tokudw, bunu achialvbv mvngpu laku, bunu achialv himpu punya toku! Hv bunua vngcho-vngcho gvla anga gv dooku lo vnglwk gvtoku. 11 Bunu naam arwnglo aatoku, okv vdwlo bunu vmi anga nga anv Meri nga lvkobv doodubv kaato kudw, bunu lvbwng ngv kumpvla gublwk dvla ninyia kumtojotoku. Bunugv amin gynamv ain go, nampunv tvli go, okv nampunv amokayok jungnv guka naalinla ninyia jitoku.

12 Vbvrikunamv bunu akusunv lamtvbv vngla bunugv mooku lo vngkurla vngtoku, ogulvgavbolo Pwknyarnv bunua yumalo gamrwto Herod gv dookubv vngpit kumabvkv vla mintoku. 13 Bunugv vngyuro kochingbv, yuma goloka Ahtu gv nyidogindung gonv Josep gvlo aala mintoku, "Herod vmi anga nga mvkidubv vla ninyia makar kardu. Vkvlgabv gudung tvka, okv vmi anga hala anv nga vnggv laila Ijipt lo kisum gvtoka, okv vdwlo ngo vnglakukv vla mima redw hoka doobwng laka." 14 Josep dokrap

toku, vmi anga hala anv nga vnggv laila ayu ljipt lo kisum toku,  
**15** Nw hoka Herod gv sima dvdvlobv dobwgnto. So si Ahtu gv nyijwk vdwlo, minpvnam gaam “ljipt lokv ngoogv Kuunyilo nga gokpv kunv,” vnam a jvjbv rilin modukubv si ripvnv. **16** Vdwlo Herod chaagu kiamgv kaalwknv nyi vdwv ninyia mvvpv kunvnyi vla chinto kudw, nw achialvbv dokcha toku. Nw Betlehem okv doosindoin gv vminyilo nytingnyinv okv miangnv mvnwngnga mvkidubv orto go jitoku—so si vBV ritoku vdwlo chaagu kiamgv nyi kaalwknv vdwa takar gv unglin jirilokv nw sum chintoku.

**17** Svbvrila nyijwk Jeremia gv minam v jvjbv bv rilin toku: **18** “Rama lo dutv rungnv adu go tvvpadu, hidwkla kapnam adu go. Rakel gv kuu vdwv siro kunam lvkwngbv: nw maaku jimakov vla, siinyimar mvla kapdu.” **19** Herod gv siro kochingbv, Ahtu gv nyidogindung ako ljipt lo Josep gv yumalo aalwk toku **20** okv minto, “Gudungto, vmi anga hala okv ninyigv anv nga naalaila, Israel mookubv vngkur tokuka, ogulvgavbolo vmia mvkidubv rungnv vdwv siroku.” **21** Vkvlgabv Josep gudung toku, vmi hala okv anv ha naalaila, Israel mookubv vngkur gvtoku. **22** Vbvrilola vdwlo Josep Arkelaus Judia lo ninyigv abu Herod gv DvBV svngtung nga svngsit pVkv vla tvvpa pVkudw, nw hoka vngdubv busuto. Ninyia yumalo abuyabv mintamto, vkvlgabv hv Galili gv mooku lo vngtoku **23** okv Najaret vnam banggu lo ninyigv naam a mvtoku. Okv vkvlgabv nyijwk vdwgv “Ninia Najarene vla minre” vnammv jvjbv rilin toku.

**3** Vbvrire hoka Jon Baptist Judia gv chukrimooku lo aala japgo raptoku. **2** Nw minto, “Nonu rimur lokv mvngdin tokuka, ogulvgavbolo Nyidomooku Karv ngv nvchi dooku!” **3** Jon vkvnv nyi ako nyijwk Aijaya gv minam angv, Aijaya minto, “Chukrimooku v nyi go gokdungdo, ‘Ahtu gv lvgabv lamtv nga mvkimvak jilakv;

ninyia vngmu dubv lamtv nga sorchi dubv mvtokv!" 4 Jon gv vjiv  
kemel amw lokv mvnam go; hv apin hukpia go hukto, okv ninyigv  
dvnam v takamyarup okv tangungula go. 5 Jerusalem lokv Judia  
mooku mvnwng lokv Jordan svko nvchi gv mooku lokv nyi  
vdvw ninyi gylo aanyato. 6 Bunu bunugv rimur lokv mvngdin  
nyatoku okv nw bunua Jordan svko lo baptisma jitoku. 7 Vdwlo  
Jon Parisis okv Sadusis vdwa ninyi gylo baptisma jikudubv  
aadu bv kaato kudw, nw bunua minto, "Tabw vdw nonu—yvla  
nonua Pwknyarnv gv mvriririt jikulo nonu aamare vla minv? 8  
Nonu rimur lokv lirung pvku vla kaachin dukubv rinam go rito  
kuka. 9 Okv nonuno Abraham nonugv abu v vla Pwknyarnv  
gv mvriririt mvji kolo aamare vla mvngma bvka. Ngo nonua  
mindunv Pwknyarnv so vlwng vdw sum naala Abraham gv husi  
bv mvlare! 10 Yagwng ngv singnv nga miami laalubv palin dubv  
dooriado; singnv alvnv apwasi svvmanv dvdv nga palinla okv  
vmvlo orlwk dunv. 11 Nonu mvngdin pvku vla kaatambv ngo  
nonua isi lokv baptisma jidunv, vbvritola ngoogy kochinglo aarinv  
angv nonua Darwknv Dow lokv okv vmv lokv nonua baptisma  
jireku. Nw nga achialvbv kaiyadunv; okv ngo ninyigv lvkiam haka  
dvbwng yadubvka riyn yakuma. 12 Nw ninyigv aamtami kapkak  
nvnv upua doogv sudu. Nw ninyigv amkarmikar a nesunglo  
gvvlwk reku, vbvritola amsokmisok a nyimanv vmvlo ramyok  
reku." 13 Vbvrile hoka Jisu Galili lokv aalwk la okv Jon gylo  
Jordan Svko lo aatoku, nw gvlokv baptisma naadubv vla. 14  
Vbvrile Jon ninyigv mvngnama mvngkurmvngrwk modubv  
gwngkwto, Jon minto, "Ngo ya no gylo baptisma naaya svnga,  
no ngoogylo ayapvi!" 15 Vbvrile Jisu ninyia mirwkto, "Vjakgv  
lvgabv vvbv doomu lajuka. Svbv rila Pwknyarnv gv mvngnam  
mvnwngnga rilajuka." Vkvlgabv Jon mvnglwk minggv toku. 16

Jisu baapubv baptisma naanam gula, nw isi lokv agum lo daklin toku. Vbvrikunamv Ninyi gvbv nyidomooku ngv kokok jito, okv Nw Pwknyarnv gv Dow v taakw jvbv ritola ninyi gylo jarlwk loodubv kaatoku. **17** Vbvrikunamv nyidomooku tolokv gaamgo minto, “Si ngo atubogv paknam Kuunyilo ngv, ngoogv mvngyum namv.”

**4** Vbvrikunamv Dowv Jisunyi chukrimooku lo okv ninyia Uyu am pokayarka modukubv vnggvt. **2** Alu champi gula okv ayu champigo dvmabv dooro koching so, Jisu kano toku. **3** Vbvrikunamv Uyu ninyi gylo aala minto, “No Pwknyarnv gv Kuunyilo ngvbolo, so vlwng vdw sum vtwngbv ridubv mintoka.” **4** Vbvrilola Jisu mirwksito, “Darwknv Kitaplo mindu, ‘Nyi si vtwng lokv mwng turma dunv, vbvrilola Pwknyarnv gv minam gaam mvnwngnga dinchi dunv.’” **5** Vbvrikunamv Uyu ngv Jisunyi Jerusalem bv vnggv toku, Darwknv Pamtv lo, ninyia Pwknyarnvnaam aoyachoknv mwnglo aolo dakmuto, **6** okv ninyia minto, “No Pwknyarnv gv Kuunyilo ngvbolo, atubongv sokv poklu kaatoka, vklvgavbolo Darwknv Kitaplo mindu, ‘Pwknyarnv no gvbv ninyigv nyidogindung nga orto jire; bunu nam bunugv laak lo dvvbwngre, vklvgavbolo noogv lvchu nga achidubv vlwng aolo mvmu madubv.’” **7** Jisu mirwksito, “Vbvrilola Darwknv Kitaplo vBV mintadu, ‘Noogv Pwknyarnvni no rikwripak mabvka.’” **8** Vbvrikunamv Uyu hv Jisunyi vnggv laila moodw aoyachok kolo chaagv toku okv ninyia nyiamooku gv achialvbv kainv karv vdwa kaatam toku. **9** Uyu v minto, “No nga gublwk dvla kumbojobo lo, nam ngo so gv kaagv dvnam mvnwng sum jire.” **10** Vbvrikunamv Jisu mirwk toku, “Uyu! No vngroto, Darwknv Kitaplo mindu, “Noogv Pwknyarnv nyimwng kumlajolaka okv Ninyigv lvgabv rimwng laka!”” **11**

Vbvrikunamv Uyu ngv Jisunyi vngyu toku; okv nyidogindung ngv aala Jisunyi ridur toku. **12** Jonnyi patwk lwknama vdwlo Jisu tvpa pvkudw, nw Galili bv vngyu toku. **13** Nw Najaret lo dooku mato, vbvritola Jibulun gvla Naptali mooku gv Sspar adar lo doonv banggu, Kaparnaum lo doodubv vngtoku. **14** Svbvrinam si nyijwk Aijaya gv minpv nama jvjbv rilin modukubv ritoku, **15** "Jebulun gv Kvdw okv Naptali gv kvdw, lamtv ngv svmasa lo inv, Jordan Svko gv takdv gonylo, Galili, Jentail vdwgv kvdw! **16** Kanv arwnglo doonv nyi vdwv, kairungnv Loung go kaapare. Sinv vdwgv kanv mooku lo doonv vdwgvlo loung ngv ungjire."

**17** Vbviriri lokv Jisu ninyigv doina japrap toku: "Nonuno rimur lokv mvngdin tokuka ogulvgavbolo Nyidomooku gv Karv ngv nvchi duku!" **18** Jisu Galili gv Sspar gv adar lo vngkar rilo, achiboru sinyi go aminv Saimon (Pitar vnam) okv ninyigv boru Andriu vsap lokv svpar lo ngui naadung dubv kaapato. **19** Jisu bunua minto, "Nga vngming gvlaka, okv ngo nonua nyi naadubv tamsarre." **20** Vjakgobv bunu vsap a kayupila ninyia lvkobv vngming gvtoku. **21** Nw vngdavngra la kvvbi achiboru sigodv kaapato, Jibedi gv kuunyilo Jon nyila Jemsnyi. Bunu svpw lo vsap a mgemvrap sila doonyato. Jisu bunua gokto, **22** okv bunu vjakgobv svpwa okv bunugv abua kayupila ninyia lvkobv vngming gvtoku. **23** Jisu Galili gv mooku mvnwng lo vnggo karto, Jius kumku-naam lo tamsarla, Nyidomooku gv Karv gv lvkwng nga japgola, nvgwngnv achiapikla lvvmanv nyi vdwa mvpujila ritoku. **24** Jisu gv vbvrinam gv yunying ngv Sairia gv mooku mvnwnglo dusik kartoku, vkvlvgabv nyi vdwv nyi nvgwngnv achiapik nvnga, okv suru nvnga, nyi uyuvram gvnv nga, okv sv mik tabnv nga, okv digwng nvnga, ninyi gvlo aagv nyatoku, okv nw bunu mvnwngnnga mvpu jitoku. **25** Nyi nyipam twngtv

nvgo ninyia vngming gyto, hv bunu Galili lokv, okv Dekapolis  
lokv, Jerusalem, Judia, Jordan Svko gv takdv gony lokv.

**5** Jisu nyipam vdwa kaatokula okv moodw putungbv chaato,  
hoka nw dootungto, **2** okv ninyigv lvbwlaksu vdwv ninyia  
dooyumto, okv bunua tamsar raptoku: **3** "Yvvbunudw yalu  
lo heema do vla chindunv; bunu mvngpuv, Nyidomooku gv  
Karv ngv bunu gvngv! **4** "Yvvbunudw tinggw dunv, bunu  
mvngpuv; Pwknyarnv bunua maare! **5** "Yvvbunudw nyanyak  
dunv, bunu mvngpuv; bunu Pwknyarnv ogugo milv pvdw um  
naarwk sireku! **6** "Yvvbunudw Pwknyarnv gv mvngnam a  
kaiyachokbv rinwng dunv bunu mvngpuv; Pwknyarnv bunua  
mvngnam mvnwngnga nyumchi more! **7** "Yvvbunudw kvibi  
ajina aya mvngpa dunv bunu mvngpuv; Pwknyarnv bunua  
aya mvngpare! **8** "Haapok darwknv vdwv mvngpuv; bunu  
Pwknyarnvni kaapare! **9** "Yvvbunudw sarsopoyo gv lvgabv  
ridunv, bunu mvngpuv; Pwknyarnv bunua ninyigv umvuu bv  
minre! **10** "Yvvbunudw Pwknyarnv gv mvngnama rigv rila  
mvdwkmvku nama paadunv hv bunu mvngpuv; Nyidomooku  
gv Karv ngv bunu gvngvku! **11** "Nonuno mvngpuv vdwlo nyi  
vdwv nonua nyarjikaula okv mvdwkmvku la okv nonuno gvlo  
mvvnamrunam a mvvlwk rulwk la mvrekudw, ogulvgavbolo  
nonuno ngoogv nyi bv rinam lvkwngbv. **12** Mvngpula okv  
sakpu yalaka, nonugv lvgabv kairungnv rijo lakmu kaanam go  
nyidomooku aotv vvpv jipvnv. Nonua richo dakcho yanv krim  
gv nyijwk vdwaka mvdwkmvku nyatoku. **13** "Nonuno nyia opi  
mvnwng gv lvgabv alu jvbw ridunv. Vbvrilola aluv vdwlo tinama  
nyemu kubolo, um lvkodv tidukubv mvnyu kuma. Hv anyung  
kaamanvgobv ridu kunv, vklvlgabv um ora dukunv okv nyi vdwv  
um chaajap chariap mvdukunv. **14** "Nonuno nyiamooku mvnwng

gv lv gabv loung jvbv ridunv. Moodw putunglo pamtv mvnama vysi  
nyuma dunv. **15** Yvvka mdurupuma vmv baanu gvrila bati akonv  
takmam madunv; vbvmabvy a hv um ungka kolo vvdin gvrila  
naam gv nyi mvnwngnga loung ungka modunv. **16** Hvkv aingbv  
nonuno nyi vdwgv kaagialo loung bv unglaka, vklvgabv nyi vdwv  
nonugv alvbv rinama kaapa gvrila, nyidomooku lo doonv nonugv  
Abunyi hارت reku. **17** "Ngam Moses gv Pvbv ngala nyijwk vdwgv  
tamsar nama rila ria dubv aapvnvg vla mvngma bvka. Ngo  
bunu gvnga ria dubv aama, vbritola bunugv tamsar nama jvjbv  
rilin modubv aapvnv. **18** Mvngpa laka nyido ngvla kvdwv vdwlo  
nyemabv doobwng redw, Pvbv gv gaam akor chargoka rilaria  
nyumare—ogumvnwg gv nyeri loka nyemare. **19** Vklvgabv so  
Pvbv gv gaam minam akin guka yvvdw tvvma gvrila ajin haka  
vbw rigv bolo hv Pwknvyarnv gv Karv lo miangyachok nvgobv  
rire. Kvbi gaam gunvlo, yvvdw Pvbv gaama tvvgvrila ridula  
ajin haka vbw rimu bolo, hv Pwknvyarnv gv Karv lo kainvgobv  
rireku. **20** Ngo nonua mindunv, nonu Pvbv tamsarnv vdwa  
okv Parisis vdwa alvyala Pwknvyarnv gv mvnglwk vribolo  
Pwknvyarnv gv Karv lo aalare. **21** "Nonuno tvdu krim nyi  
vdwa minto, 'Gwngrw gwma bvka; yvvdw gwngrw gwinv um  
hinching chingmure.' **22** Vbritola vjak ngo nonua mindunv:  
yvvdw ninyigv achiboru a haachi dunv um hinching chingmure,  
yvvdw ninyigv achiboru 'Noogy alvnamv ogu anyung kaama!'  
Vla mindunv um kvba lo boolwkre, okv yvvdw ninyigv achiboru  
anyung kaamanv pvchanvno vla minv ngv vmv maatarbv guku  
uyumooku lo vngyare. (**Geenna g1067**) **23** Vklvgabv no vdwlo  
noogy Pwknvyarnvnyi amin jise nga yugwnglo jitv rinyi hoka  
no achiboru gv nam rining nama mvngpa bolo, **24** noogy  
amina hoka yugwng hoka kayupila baapuby noogy achiboru gylo

vngla alvbv sarsopoyo dukubv rimisipikula aakur lakula noogv  
amina Pwknyarnvnyi jilaka. **25** “Nam akonv rinyingla kort lo  
kvba japdubv vnggv rinyi, no kort lo vngtv madvbv baapubv  
yalung nga japdarjapa minsu laka. No hoka aaku bolo hv nam  
jwngkadakanv gylo jilwk reku, hv nam pulis lo laklwkre okv nam  
patwk tumlwk reku. **26** Ngo nonua mindunv, no hoka noogv aje  
nga dornyama dvdlo doobwng reku. **27** “Nonuno tvvtoku, ‘Nyimv  
nyilo bv rimur minsu mabvk’ vla minam a. **28** Vbvrilola vjak  
ngo nonua mindunv: yvv akonv mvvga anga doogvkargv daloka  
vla kaabiunv hv ninyigv haapok lo ninyia lvkobv rimur roku.

**29** Vklvgabv noogv nyikbik nyikkv naam kaamur moduboloka,  
um koolinla ora tvka! Hv alvyare noogv ayak aba gony kaama  
namv, ayak mvnwngnga uyumooku bolo orlwk komam svnga.  
**(Geenna g1067) 30** Noogv laak lakkib angv nam rimur gvdubolo,  
um palin gvrila ora tvka! Hv achialvbv alvyare noogv laak gunv  
kaama namv, ayak mvnwngnga uyumooku bolo vngmam svnga.

**(Geenna g1067) 31** “Sika vbvka minto, ‘Yvv akonv atubogv nywng  
nga burbolo burdukunv vla mvnwngnga chimpa modubv siti go  
ninyia jirung laka.’ **32** Vbvrilola vjak ngo nonua mindunv: nyi  
akonv ninyigv nywng nga nyilo rinying koma gvrila kvvbi rimur  
lokv burdunv, okv nywng ngv kvvbi nyilu go naakubolo nyilu  
naachonam angv ninyia rimur modukunv; okv yvv ho nyimv anga  
nywngbv naaya dunv hvka rimurlo aata dunv. **33** “Nonuno krim  
gv svbv minam haka tvvnyato, ‘Noogv milv nama topu mabvka,  
vbvrilola noogv ridubv vla Ahtu gylo milv nama rito laka.’ **34**  
Vbvrilola ngo vjak nonua mindunv: vdwlo nonu milvnam go  
minredw, ogugo mintak nyoka. Nyidomooku a mintak nyoka, tv  
Pwknyarnv gv dogingngv; **35** sicingmooku haka mintak nyoka  
si ninyigv lypa gv lvnu kongy, Jerusalem haka mintak mabvka so

si kainv Dvbv gv pamtv ngy. **36** Noogy dumpo haka mintakla milv yoka, ogulvgavbolo no dwmw sogo nyika yapung yakia dubv mvnyu mare. **37** ‘Vkv vmaloo maakov’ vse nga minda tvka-um lvvbo yadubv noogy minammv Alvmanv Angv gvlokv aadunv. **38** “Okv nonuno tvvpado svbv minam a, ‘Nyik kvlwk v nyik ngurv go, okv hijung kvlwk v hijung ngurv go.’ **39** Vbvrilola ngo vjak nonua mindunv: nonua rimur nvnga mvrwkrirwk siyoka. Nyi gony nam moobik tanga svbiak bolo, ninyia noogy moochi tangaka svbiak dvmu laka. **40** Okv nyi gony noogy jvkoklaklwk ka dvrit laila kort lo nam kvba mintv bolo, ninyia noogy jvkoklaklwk haka jitam yalaka. **41** Okv sipai akonv nam yikungyira nga lvtw akin go gvji labvkv vla minbolo, no lvtw anyigo gvji laka. **42** Vdwlo nam nyi gunv ogugo kooridw, ninyia jirung laka; vdwlo nyi gony nam ogugo narlabvkv vrinyi, um no ninyia narrwk silaka. **43** “Nonuno tvvpa nyado svbv minam a, ‘Ajin a paklaka, nyiru nvnga kaanwng mabv rilaka.’ **44** Vbvrilola vjak ngo nonua mindunv: nam nyirunv vdwa paklaka okv nam mvdwkmvkunv vdwgv lv gabv kumlaka. **45** vBV rigvrikula nonuno nyidomooku lo doonv nonugv Pwknyarnv Abu gv umvuu bv ridu kubv. Nw tarwkbaknv nyi majeka okv tarwkbaknv nyi jeka ninyigv doonyi a bunu gvlo nyika jimudu. Okv alvbw rinv haka okv alvmabv rinv jeka doochar a sarlu jimudu. **46** Nonuno nonua paknv nga pakmwng bolo, ogulvgabv Pwknyarnv nam aya nga jidubv? Lampu naaria nvngvka um risu gvrila! **47** Okv nonu noogy ajin vdwa gaam raamwng bolo, um no alvnvgo ripv mvngsu duai? Mvngjwng manv vdwvka um rinyadu! **48** No rilakriku runglaka—noogy Abu nyido tolo doonv gv rilak rikunam aingbv!

**6** “Nonuno hima sulaka, nonugv dormo kumla ridungripa rinama nyi vdwa kaadubv vla nyi kaapam lo rima bvka, hvbv nyi

kaapam lo riku bolo, no noogy Pwknyarnv Abu gvlokv rijo paamare. 2 "Vkvlgabv vdwlo no heemanv nyi ha ogugo jitv rinyi, um no nyi vdwa kaibv kaatam mabvka, kaakudubvrinv nyi vdwgv kumkunaam vdwlo okv lamtv sugulo ripia aingbv riyoka. Bunu vklvgabv rinyadu nyi vdwv kaagvila bunuam hartv dubv vla. Ngo nonua jvjbv mindunv, bunuam jise mvnwngnga jiropvkunv. 3 Vbvrilola vdwlo nonu dvmahemmanv nyi vdwa ogugo ridur tvinyi vvb rilaka noogy dooku lo doonv ajin haka um chimpa madubv. 4 Vbvrilobolo hv no atugv risunam bv rire. Okv noogy Abu no ogugo ridudw um kaayanv nam rijo nga jire. 5 "Vdwlo nonu kumredw, kaadubv rinam aingbv rima bvka! Bunu kumkujoku naam lo okv lamtv sugulo daktola kumnwng nyadunv, nyi mvnwngnga kaakudubv vla. Ngo nonua jvjbv mindunv bunu ogumvnwng nga paaro pkunv. 6 Vbvrilola vdwlo no kumdubv mvngidw, noogy karchung arwng lo aalaka, agi a koktum laka, okv noogy kaapa manam Abuni, kumlaka. Okv noogy Abu no ogugo risududw um kaayanv, nam rijo nga jire. 7 "Vdwlo no kumredw, arin-kamanv gaam mimabvka, Pwknyarnvnyi chimanv vdwgv ripiabv rima bvka, bunu mvngdu bunugv Pwknyarnv ngv tvvdunv oglvgaibolo bunugv kumnam v asunam lvgabv. 8 Bunugv aingbv rima bvka. Noogy Abu chinchodu, noogy dinchi nama ninya no kootv madvbv. 9 Vbvrilamv so sibv nonuno kumlaka: 'Nyidomooku lo doonv ngonugv Abu: Noogy darwknv aminv kairungnv; 10 noogy Karv bv rimu laka; nyidomooku hv oguaingbv ridudw vkv aingbv sichingmooku so noogy mvngnambv rimu laka. 11 Ngonugv dvsetvngse dinchi nama silu ngonua jilaka. 12 Ngonua rimur nvnga ngonu oguaingbv mvngnga pvdw, vkv aingbv ngonugv rimur a mvngnga jilabv. 13 Ngonua hila manv pokayarka go rikw

moma bvka, vbvritola ngonua Alvmanv Angv loka ringya labvka.' [Ogulvgavbolo noogv mooku hv okv jwkrw hv, okv yunglit hv krim lokv doobwng rungnv.] Amen. **14** Kvibi gv nam rimur rinam a no mvngnga bolo, aotolo doonv noogv Abu ka nam mvngnga jire. **15** Vbvrifola no kvibi ham mvngnga mabolo, aotolo doonv noogv Abu ka, noogv rimur rinam a mvngnga jimare. **16** "Okv vdwlo nonu yikrinyi, kaadubv rinam aingbv nyukmua mvngrubv kaatamla rimabvka. Bunu ayakka mvngru nvgovb mvsudo ogulvgavbolo nyi mvnwngngv bunu yikla doodu nvnyi vla kaare. Ngo nonua jvjbv mindunv, bunua achialvbv jijinamha jiro pvkunv. **17** Vdwlo nonu dvmabv vngrinyi, nonugv nyukmua monyupla okv nonugv dwmw a tai toksu laka, **18** vbvribolo kvbbiv nonua yikdunv vla chimare—nonugv kaapa manam Abu mwngchik chinre. Okv nonugv Abu nonu ogugo risududw um kaayany nonua rijo nga jire. **19** "Bununo atubongv nyiamooku so nyitv nga tvpv mabvka, soka tapin pungla okv chwnglwng dokla ramla okv dvchony mvkola chojiku so vvpvyoka. **20** Vmabvya, noogv nyitv nga nyidomooku lo tvpv yalaka, tolo tapin pungla ramla mare, okv dvcho nvngv mvkola chola mare. **21** Okv ogolo noogv nyitv nga tvpv pdw haapok hvka hoka doore. **22** "Nyik si ayak gv lvgabv mvdurupum gubv ridunv. Noogv nyik hv alvbolo noogv ayak mvnwngngv loung bv ridunv; **23** vbvritola noogv nyik hv alv mabolo noogv ayak hv kanv arwng lo doodunv. Vkvlgabv noogv loung ngv kanv arwng lo dooku bolo hv achialvbv mvngru gubv ridu kunv! **24** "Yvka atu anyi gv nyirabv rinyu mare; nw akonyi pakri okv akonyi kaanwng mare; nw akonvgv minam a tvre okv akonyi miakayare. No Pwknyarnv nyila morko nga lvkobv anyia lvinbv riji-vngji nyulamare. **25** "Vkvlgabv nonua ngo mindu, nonu hv turla singnam lvgabv dvkor tvngkor

ham mvngdwk mabvka, okv ayak lokv vji vbee lvga ngaaka, ogulvgavbolo turnam hv dvnam mamsenga kaiyama nvri? Okv ayak si vji gvnam mamsenga arv doya madunvre? **26** Pvta vdwa kaatoka: Bunu aliamu pakma, aamtami nvla, nesunglo gvlwkma; vbvritola noogv Abu nyidomooku lo doonv ngv bunua kaaya tayadu! No pvta vdwa achialvbv arv doya nvngv mai? **27** Nonu gv lokv akonv vbv mvngrula achuk kaiyago svngnyu re? **28** "Okv ogubv vji lvgabv mvngdwk dunv? Mootum gv apung agar vdwgv singnam a kaatoka: bunu atu v vji vbee lvgabv mvsu risuma. **29** Vbvrilola ngo nonua minjidunv Dvbw Solomon ka ninyigv nyitv mvnwng lokvka so gv apung agar so gv kaapu aingbv vji gvnam go kaamato. **30** So si Pwknvyarnv yvvdw mootum gv nvmwng nga vji koomunv-nvmwng ngv silu doodu okv aarunyi dooku majinv, vmvlo ramyok jinamv. Nw jyjv rungbv nonua vji vbee koomu mabv kayure? Nonugv mvngjwng ngv miang dulaka! **31** "Vkvlgabv mvngru rungrap kuyoka: ngoogv dvse ngv tvngse ngv okv vji hv ogolo aatv rinvdw vla?" **32** (So mvngru runam dvdv si Pwknvyarnvni chimany nyi vdwgv lokia mvngnam v.) So mvnwng sum nonu dinchi dvnv vla nonugv Abu nyidomooku doonv ngv chindu. **33** Vmabvya ogumvnwngnga sv-nga kaiyabv Pwknvyarnv gv Kary nga okv Pwknvyarnv nam ogugo mvngpvdw um dinchi yalaka, vbvribolo Nw nam so ogu kvvbi mvnwng haka jitare. **34** Vkvlgabv aaru gv lvgabv mvngdwk mabvka: aaru gv mvngdwk hv dwkgu namgo doosure. Alu gv lokulo adwkaku logy nama, hoka lwktam svgo kaama.

**7** "Kvvbia jwngkadaka mabvka, Pwknvyarnv ka nonua jwngkadaka madubv. **2** Nonu nyi kvvbia oguaingbv jwngkadaka dudw, vbdvdvbw Pwknvyarnv ka nonua jwngkadakare, okv nonu nyi kvvbia oguaingbv kiika dudw vbvching Pwknvyarnv

ka nonua kiikare. **3** Ogulgavbolo nonu atugv nyik nywkrw chartvyanv nga kaama yabv, nonuno achiboru gv nyik nywkrw charching yanv yanga kaadunv? **4** Nonu oguaingbv nonugv nyik lo nyikrw chartvyanv go doomu gvrila, achiboru gv nyikgv nyikrw charching nvnga naalin laju vla minyu dubv? **5** Kaakudubvrinv no! Nonu atubogv nyikgv nyikrw naalin chotoka, vbvribolo nonugv achiboru vdwgv nyikgv nyikrw naalin dubv nonu kaapa nyulare. **6** “Darknv ogu ogua iki vdwa jimabvka-hv bunu tapkur danv nam chhyare. Tasing laktv nga vrikbv orji mabvka—hv bunu lvpa lkwnglo chaajap chariapre. **7** “Kolaka, okv nonu koopare; malaka, okv nonu mapare; takdin laka, okv nonu gvbv agi a kokda pjire. **8** Ogulgavbolo mvnwngngv yvv koodunv koopare, okv yvvdw madunv mapare, okv yvvdw takdin dunv ninyigv lvgabv agi a kokda pjji dunv. **9** Yvvgv abu ngvla kuunyilo nga vtwng go koomu gvrila vlwng pwgo jinv ngv? **10** Vmalo ninyia ngui nvgo koomu gvrila nonu tabw sogo jiya dubvre? **11** No vdwo alvmanv gubv rida jvka, no gv umvuu vdwa alvbv jisv nga chindu, vkv aingbv, nonugv nyido Abu ka, ninya konv nga, alvbv jisv nga, achialvbv chindunv. **12** “No kvibi nyi a no gv lvgabv kainvgo riji svgo vla mvngnam aingbv, no kvibi nyi gv lvgabvka riji laka: so si Moses gv Pvbv gyla okv nyijwk vdwgv tamsar namgv arin jvngv. **13** “Lamtv takching kolo vnglaka, oglulgavbolo uyumooku bv vngnv lamtv ngv geety koyodo okv ho vngku lamtv ngv vngyin dunv, okv ho nyi vdww achialvbv vngyadu. **14** Vbvrilola turku lo vngnv lamtv ngv takching dunv okv ho gv vngku lamtv ngv vngru vngya dunv, okv hoka nyi vdww miang go vngmwngdu. **15** “Nonu mvvnvrunv nyijwk vdwa hima sulaka; bunu nonugv kaagialo agum mv svlar jvbw ridu, vbvrilola bunugv arwng ngv mootum svcha jvbw ridunv. **16** Bunugv gwngnam rinam lokv

nonu chinreku. Hvngnv vrintv lokv anggor svma dunv, tanyum singnv lokv koksitkokrik svvlin madunv. **17** Bakboknv singnv ngv alvnv apw asi svvdunv, vbvritola yaagapolonv singnv ngv alvmanv apw asi svvdu. **18** Bakboknv singnv ngv alvmanv apw asi svvnyu madunv, okv yaagapolonv singnv ngv alvnv apw asi svvnyu madunv. **19** Okv singnv apw asi alvnv svvma nvnga patap gvrila vmvlo orlwk dunv. **20** Vkvlgabv, mvvlarula nyijwk vdwa nonu bunugv gwngnam rinam lokv chinreku. **21** "Nga Ahtu, Ahtu vla goknv mvnwngngv Pwknyarnv gv Karv lo aala mare, vbvritola yvvdw ngoogv nyido Abu gv mvngkubv ridu vngdunv, hv mvngchik aanyure. **22** Vdwlo jwngkadaka aluv lori kudw, nyi achialvgo nga minreku, 'Ahtu, Ahtu! No gv amin lokv ngonu Pwknyarnv gv doin a japgo pvnv, no gv amin lokv ngonu uyuvram vdwa chara pvnv, okv achialvgo lamrwpanam vkv rila kaatam pvnv! **23** Vbvrikunamv ngo bunua minreku, 'Ngo vdwloka nonua chimapvnv. Alvmanv nyi vdwv nonu, ngo gvlokv adu roto!' **24** "Vkvlgabv, yvvdw ngoogv gamchar vdwa, tvgvrla um ridu vngdunv, hv mvnglak rilaknv nyi go, ninyigv naam a vlwng aolo mvlwnv aingbv ridunv. **25** Nyido doochar hv sarluto, svko isi hv tvvluto, okv ritv doori hv rila ho naam ha tvging rigingto. Vbvritola ho naam anga myyakmvchak nyumato, ogulvgavbolo hv vlwng aolo mvlwnv aingbv ridunv. **26** "Vbvritola yvvdw ngoogv gamchar vdwa tvgvrla okv um rima vngma dunv, hv pvchany nyi go ninyigv naam a chukrilo mvlwnv aingbv ridunv. **27** Nyido doochar hv sarluto, svko isi hv tvvluto, ritv doori rila ho naam a tvging rigingto, okv naam angv taba toku. Okv ho hv achialvbv mvngru runam gubv ritoku. **28** Vdwlo Jisu gv vbv minya robv, nyipam hv ninyigv tamsar sarku nama tvvla lamrwpanya toku. **29**

Nw Pvbv tamsarnv vdwgv aingbv rima; vmabvya nw kaiyachokbv jwkwr doonv gubvrila tamsar yatoku.

**8** Vdwlo Jisu moodw lokv lvkwngbv ito kudw, nyipam tvngtv nvgo ninyia vngming gvto. **2** Vbvrikunamv taik rila silvmanv nyi ako ninyi gvlo aatoku, ninyigv kaagia lo lwbwng ngv kumpvla, okv ninyia minto, "Tamsarnv, no mvnggelo nga no darwk dubv mvnyure. **3** Jisu nw gv lak v laklin daanv okv ninyia mvsit toku. Nw mirwkto, "Ngo mvngdunv," "Darwk tokuka!" Vto, vbv minam gula vjakgobv nyi angv gv lvvma ngv poya toku. **4** Vbvrikunamv, Jisu ninyia mintoku, "Tvriato! Yvvnyika minpa mabvka, vbvritola nyibu gvlo vngdavngra yika okv ninyia no jwngkadaka kolaka; vbvrla no poorung pvku vla nyi mvnwngnga chimu laka, Moses gv ortojinam lokv erinpeelwk svnga rnlaka."

**5** Vdwlo Jisu Kaparnaum lo aalwk tokudw, Roman nyigam gunv ninyia kaarwksuto okv ridur labv vla kooto: **6** "Tamsarnv, ngoogv pakbu hv achialvbv lvvmala, naam gadw lo binyu tapnyu mabv, karpvk." **7** Jisu minto, "Ngo vngla ninyia alvdubv mvreku." **8** "Oo, Tamsarnv, ma," vla nyigam angv mirwk toku. "Ngo nam ngoogv naam lo aaji labv vla mvngma. Vjak so orto jmwng tvka, okv ngoogv pakbu ngv poyeriku. **9** Ngo ka kainv nyigam vdwgv arwng lo doonv nyi akonv, okv ngoogv arwng loka sipai hv doodunv. Ngo so doonv anga 'vngto' vla orto jibolo hv vngdunv; okv ngo olo doonv anga 'so aato' vla orto jibolo, hv aadunv; okv ngo ngoogv pakbu nga, 'Sum rito' vla orto jibolo okv hv um ridunv." **10** Vdwlo Jisu hum tvtokudw, nw lamrwpotoku okv ninyia vngming gvnv nyi vdwa minto, "Ngo nonua minpa dunv, Israel mooku lo ngo svbv mvngjwng nvgo vdwloka kaapama. **11** Ngo nonua jvjbv mindunv nyi achialvgo doonyi chagia okv doonyi aagia lokv aakumla Abrahamnyi, Isaaknyi okv Jakobnyi

Ivkobv Nyidomooku gv Karv dvpam dvmin lo dooming gvvre.

**12** Vbvritola yvvdw Karv lo doorung jinv nga kanv jiriak kolo orlwkreku, hoka bunu achiapik v hila kumaby hijung nga hitwk kwrwk sila dooreku.” **13** Vbvrikunamv Jisu nyigam anga mintoku, “Naam bv vngyi kuka, no ogugo mvngjwng pvdw hv nam riji reku.” Okv nyigam gv pakbu angv ho pooya datoku. **14** Jisu Pitar gv naam lo vngtoku, okv hoka Pitar gv ayuv ramla gadw lo doodubv nw kaapa toku. **15** Jisu hvkvgv laak ha mvsetto; ramnamv ninyia vngyu toku, okv hv gudung laku, Jisunyi dynamtvngnam jirap toku. **16** Vdwlo arium tokudw, nyi vdww uyuvram naanam nyi vkv achialvgo Jisu gylo aagv jito. Jisu Gamchar lokv uyuvram vdwa chara toku, okv lvvmanv mvnwngnga mvpv jitoku. **17** Ninyigv svbvrinam si nyijwk Ajaya gv “Nw atubongv ngonugv achiapit mvnwngnga naasuto okv ngonugv lvvma mvnwngnga gvaav jipvku,” vla minam a jviv modukubv ritoku. **18** Vdwlo Jisu nyipam v ninyia dakyum pvbo vla chinto kudw. Nw ninyigv ltblaksu vdwa svparslv gv takdv gonylo vngyi laka vla minto. **19** Pvby tamsarnv nyi ako ninyi gylo aato. Hv minto, “Tamsarnv, no ogolo vngjeka ngo vngming gvdubv vla doodu kunv.” **20** Jisu ninyia mirwkt, “Svlwng ngv arung doodunv, okv pvtv vdww taasup doodunv, vbvritola Nyia Kuunyilo ngv ogoloka doonudaknu kogoka kaama.” **21** Ltblaksu kvbinyi gunv minto, “Tamsarnv, ngam vngla ngoogy abunyi svma riicho molabvka.” **22** Jisu mirwkt, “Ngam vngming gvlaka, okv bunugv svma nga bunua riisu motoka.” **23** Jisu svpw gulo chaala dooto, okv ninyigv ltblaksu vdww ninyia vngming gvtv. **24** Dvminmabv kairungnv dooridoogum ako rilwkla svparslv nga rigingto, okv svpw ngv maatarbv isi holwk tvvto. Vbvritola Jisu yuptoku. **25** Ltblaksu vdww ninyi gylo aala ninyia mvuto. Bunu minto, “Ahtu, ngonu

sida jiku nvlaka, ngonua ringla bkv." **26** Jisu mirwkto, "Nonuno ogulvgabv busu nyadunv, nonugv mvngjwng ngv achok gomwng hai!" Vbvrikunamv nw gudungdanh dooridogum okv svkiok ka choibkv vla mintorto, okv ho jematai bv ritoku. **27** Nyichar mvnwngngv tvnga-rvnga nyatoku. "Ogu aingnv nyi gubvri si, doori vla svkiok kv ninyigv minam a tvvdu!" vla bunu mintoku. **28** Vdwlo Jisu svparslv gv takdv gonvgy Gadara mooku lo chaalin tokudw, ninya hoka nyibung lo doonv nyi anyigo vngrwk sito. So nyi anyi lo uyuvrammv dooto okv ho lamtv hoka achialvbv busu nyala yvka vngnv kaamato. **29** Vjakgobv bunu svgokto, "Pwknvyarnv gv Kuunyilo, no ngonu gvlo ogugo mvngpv? No ngonua dw vaatv madvbv mvrit dubvre?" **30** Aduyoma lo vrik riktwng go hoka dvla rikar nyato. **31** Vkvlgabv uyuvram vdwv Jisunyi koodwkkrrkla kooto, "No ngonua charlin dubv mvngdu nvlo, ngonua vlo gv vrik riktwng alo vngmulabv." **32** Jisu bunua minto, "Vnglaak" vkvlgabv bunu kiyu laku okv riktwnglo kilwk nyatoku. Riktwng mvnwngngv svparslv gv raktam lo chapchar minsula okv isi chaplwkl sinya toku. **33** Riktwng nga kaayanv nyi vdwv kilaku, okv banggulo vngtoku, hoka bunu ogugo ripvdw hum mvnwngnga okv uyuvram doonv nyi anyi aka ogugo ripv kudw hum minji nyatoku. **34** Vkvlgabv banggu gv nyi mvnwngngv Jisunyi kaarwk sudubv vnglin nyatoku; okv vdwlo bunu ninya kaapa tokudw, bunu ninya bunugv mooku lokv vngro jilabv vla kodwkkrrkla koola minto.

**9** Jisu svpw lo aalwk toku okv svparslv a rapkur la ninyigv banggubv vngtoku, **2** hoka nyi megonv digwngnv nyi ako gadw lo karmu tvla nw gvlo joolwk jito. Jisu bunugv kaibv mvngjwng nama kaagv rikula digwngnv nyi anga minto, "Ngo gv kuunyilo nga, ator bkv! Noovv rimur vdwa mvngnga jipvkunv." **3**

Vbvrikunamv Pvbv tamsarnv megony bunu minsunyato, “So nyi si Pwknyarnvnyi nyarjitaridu!” 4 Jisu chinto bunugv mvngnam a, vklvgabv nw minto, “Nonuno ogulgabv svkvnv alvmanv go mvngdunv?” 5 “Noogy rimur ham mvngnga jipvkunv vla minam mvre, vmalo gudungto okv vnglaku vla minam mvre, ogolo angv minpu yapv? 6 Nyia Kuunyilo ngv nyiamooku so rimur a mvngnga nvnv doodunv vla ngo nonua kaachin modukubv ritam reku.” Vklvgabv nw digwngnv nyi anga minto, “Gudungto, noogy gadw nga naarap tvka okv naambv vngnyikuka!” 7 Nyi angv gudung toku okv naambv vngtoku. 8 Vdwlo nyi vdwv um kaapa tokudw, bunu busu nyatoku, okv Pwknyarnvnyi harty nyato hvkvnv jwkrw aya nga nyi vdwlo jilwk jinam lkwnglo. 9 Jisu ho mooku a vngyu toku, okv ninyigv vngdungrilo, nw lampu naaya nngo kaapato, aminv Metiu, nw ninyigv opislo dooto. Jisu ninya minto, “Nga vngming gyakla.” Metiu gudungdanv ninya vngming gvtoku. 10 Vdwlo Jisu Metiu gv naam lo dvnam dvla doorilo, lampu naayanv okv toa kunam nyi achialvgo Jisu gyla ninyigv lkbwlaksu vdwgv dvku tvbul lo aapwng mingvla dvmin gtvo.

11 Parisis megony hum kaapato okv ninyigv lkbwlaksu vdwa tvkato, “Ogulgabv nonugv Tamsarbo vkvnv nyi vdwa lkvobv dvbam tvngbam dunvdw?” 12 Jisu tvvpala bunua mirwksito, “Nyi chrvv nvngv daktor dinchi madunv, vbrvitola yvvdw lvvma dvnv hv bunu dinchi dunv. 13 Darwknv Kitaplo ogu vla minpvdw vngla kaabwk tvka: ‘ngooogy mvngnam v aya kaapa minsunam si, svnwngsvmin erin-peelwknam hum yama.’ Ngo mvngdvnam nyi vdwa gokbv aama, vbrvitola toa kunam nyi vdwam yabv.”

14 Vbvrikunamv Jon baptist gv lkbwlaksu vdwv Jisu gylo aala tvkato, “Ogulgabv ngonu la Parisis vdwv yiknama ridarira gyre, vbrvitola noogy lkbwlaksu vdwv lkvoka yiknam go rikw

madunv?" **15** Jisu mirwksito, "Nonuno vbv dmin dunvri nyidalo  
nyi vdww mvngrula paapumgvjinvvg lkvobv doodubv? Vbvrirung  
mare! Vbvritolal alu go looreku paapum gyji bonga bunugv loka  
naaro dukubv, okv vbvrikubolo bunu yiknam a rirap rekunv.  
**16** "Yvvka jvtvlaklwk ainapin lo anwnvgo hamtak lwknv kaama  
dunv, ogulvgavbolo anw hamtak lwknam angv takgv la okv  
jvtvlaklwk ka abuyayabv ungko nga kotv moyare. **17** Okv yvvka  
anggor ala anw nga anggor ala aku gvnvnv pumchup lo pwlwknv  
kaama, pwlwk kubolo pumchup v boktakre, okv anggor ala ngv  
sarlinre, okv pumchup v alvkumare. Vmabvyaa anggor ala ngvla  
pumchup v anyiv alvdubv, anggor ala anw nga pumchup anw  
lo pwlwk yadunv." **18** Vdwlo Jisu vBV mindung rilo, rigvdogvnn  
Jius nyi ako ninyi gylo aala, ninyigv kaagialo lvbwng kumpvla,  
okv minto, "Ngoogv kuunyijar v vjak dadi siyibv; vBvritola no  
aala noogv laak v lakpv jibolo nw turri kunvpv." **19** Vklvgaby  
Jisu gudungla okv ninyia vngming gvtoku, okv ninyigv lvbwlaksu  
vdww ninyia lkvobv vngming gvtato. **20** Mvvga aka nyiringring gola  
nyingnyi go oyi sarla silvkumanv, Jisu gv adar lo aatoku okv  
ninyigv vji a mvsit to. **21** Hv atubongv minsuto, "Ngo ninyigv  
vji a mvsit mwngbolo, ngo poyeriku." **22** Jisu kaitkarla ninyia  
kaapato, okv minto, "Ngoogv kuunyijar a mvngrw laka! Noogv  
mvngjwng ngv nam poya mopvku. **23** Vbvrifikunamv Jisu ho  
rigvdogvnn nyi agv naam lo vngtoku. Vdwlo nw siku gv siinyimar  
gv adua okv nyi vdwgv adupvbin a kaiyayabv tvvpa tokudw,  
**24** Nw minto, "Nyichar mvnwngngv, agumbv linroto! Vmi nyijar  
angv simakv—nw yupdung mwngdunv!" Vbvrifikunamv bunu  
mvnwngngv ninyia nyarji nyato. **25** Vbvritolal baapubv nyi vdww  
agum linro sopikda, Jisu nyijar angv gv karchung lo aatoku okv  
ninyigv laakka gakbwngto, okv nyijar angv gudung toku. **26**

Svbvrinam gv yunying ngv ho mooku mvnwng hoka dupwng toku. **27** Jisu ho mooku a vngyu toku, okv nw gv vngdungrilo, nyikchingnv nyi anyigo ninyia vngming gvrasto. Bunu gokto, "Dabid gv Kuunyilo, ngonua aya mvngpa labv!" **28** Vdwlo Jisu naam agi arwngbv aatokudw, nyikchingnv nyi anyi vka aaming gvto okv bunua tvvkato, "Ngo nonyia mvpu nyure vla, nonyiv mvngjwng dunvri?" "Tamsarbo, vkv!" vla bunyiv mirwkto. **29** Vbvrikunamv Jisu bunugv nyik a mvsit toku okv minto, "Nonyi gv mvngjwngnam lokv vbvirirung jilakal!"— **30** okv bunyi gv nyik v nyiktarla kaapa toku. Jisu bunyia kaagapla minto, "Sum yvvnyika minji mabvka!" **31** Vbkritola bunyiv vnglaku okv Jisu gv lvkwnglo yunying nga, ho mooku mvnwnglo dusik motoku. **32** Nyi vdwgv vngyu rikulo, nyi mego uyuvram naanam nyi ako gaam milin nyuma nvgo Jisu gvlo aavg jito. **33** Vbkritola uyuvram a chara ronam gula, nyi angv gaam rarap toku, okv nyichar mvnwngngv tvngarvnga nyatoku. Bunu hartvla minto, "Ngonu Israel mooku so vdwloka svkvnvg go kaakw mapvnl!" **34** Vbkritola Parisis vdwv minto, "So si uyuvram vdwa rigvdogvnl hvkvgv jwkrw a ninyia jipv nvgo, uyuvram vdwa chara dubv." **35** Jisu banggu vdwlo okv nampum vdwlo vnggo karto. Nw Jius kumkunaamlo tamsarto, Tvpunv Yunying nga Karv gv lvkwng nga japgo jito, okv nyi vdwa nvgwngnv achiayakla, lvmma nvnga mvpujito. **36** Nw nyipam vdwa kaadung dula ninygv haapok v bunua aya mvngpato. Ogulvgavbolo bunua ridur nvgo kaamabv mvngru nyato, sylar lartwng go kaayanv kaamanv jvby. **37** Vklvlgabv nw ninygv lvbwlaksu vdwa minto, "Aam nvse ngv awgo doodu, vblrivola nvvkum yaji nvngv miang go. **38** Rongo atua kumto ho nw aam nvvjinv vngmu gvrila ninygv aam a nvvkum modukubv."

**10** Jisu ninyigv lvbwlaksu vring gola anyia gokkumto okv bunua alvmanv dow a charanvnv okv lvvma nvgwngnv okv achiayak nvgwng nvnga mvpuripu dubv jwksw a jitoku. **2** So si Apostol vring gola anyi gv aminv: mintubv Saimon (Pitar vnam) okv ninyigv boru Andriu; Jems okv ninyigv boru Jon, bunyi gv abu v Jibedi; **3** Pilip okv Bartolomiu; Tomas okv Metiu lampu naakumyany; Jems Alpius gv kuunyilo, okv Tadius; **4** Saimon ringrianv, okv Judas Iskariot, Jisunyi kupnv. **5** So nyi vring gola anyia Jisu svbv mingvrila vnglin moto: Nonuno Jentail mooku lo vmalo Samaritan banggu vdwlo vngma bvka. **6** Vmabvyu nonuno Israel gv svlar nyekunv nyi vdwylo vnglaka. **7** Vngnyika okv japgo laka, 'Nyidomooku gv Karv ngv nvchi duku!' **8** Lvvma nvnga mvpu laka, sinv nga turkur molaka, yvvdw taik ridunv mvpu jilaka, okv uyuvram vdwa chara laka. Nonuno arv jimabv naapvn, vklvlgabv jinyubv jilaka. **9** Nonugv jekap lo ain, raaji, okv morko go gvma bvka; **10** moing vngkulo giagonv kochak vmalo jvkoklaklwk bornyi vmalo lvsup anyi vmalo bangngi guka gvyoka. Rinv anga ogugo dinchi pvdw jirung dunv. **11** Vdwlo nonu Banggu lo vmalo napumlo aalwk redw, aagv rila nonua alvbv aamu jinv go kaaying laka, okv ninyia lkvobv dooming gvlaka nonugv ho mooku loks vnglinma dvdvlo. **12** Vdwlo nonuno naam gulo aaridw, 'mvngpuv nonua lkvobv doi laka' vla minlaka." **13** Ho gv naam nyi v nonua alvbv naarwk siredw, nonugv kumrwkltak nga ho doolwk molaka; vbvritola bunu nonua alvbv naarwk sima bolo, vbvribolo nonugv kumrwkltak nga naakur lakuka. **14** Okv vdwlo banggu gunv vmalo nampum gunv nonua alvbv naarwk sima boloka vmalo tvria maboloka vbvrikunamv ho mooku a kayulaka okv lvcu gv pvmar haka moolu laka. **15** Ngo nonua jyjv nga minjidunv jwngkadaka

alu lo Pwknyarnv ho banggu gv nyi vdwa svnga Sodom okv  
Gomora banggu gv nyi vdwa aya yari nvpv! **16** “Tvriato! Ngo  
nonua vnglin mogv rinvla sylar a svcha chatwng lo vngmunam  
aingbv. Nonuno tabw gv apiabv hima sunvbw rilaka okv taakw  
jvbw angam nvgobv rilaka. **17** Himasulaka nonua naatungla  
tumjinv okv kvbanaam lo boolwk jinv doodu nvla, okv bunu  
nonua Jius kumkunaamlo dvngri nvla. **18** Ngoogv lvgabv nonua  
dvbw vdwgv okv rigvdogvnv vdwgv kaagialo mvrit rinvla okv  
Jentail vdwa okv bunua Alvnv Yunying nga minjinam lvgabv.  
**19** Vdwlo bunu nonua mvrit kolo aagv rikudw, nonu ogu gonyi  
minse ngvdw vmallo oguaingbv mindu bvdw vla mvngru mabvka.  
Vdwlo mindubv riri kudw nonua minse nga jiri kunv. **20** Nonugv  
gamchar dvdv ngv nonu gvngvma, hv nonugv Abu gv Dow v  
nonu gvlokv japdunv. **21** “Nyi vdww atugv achiboru vdwa mvki  
modubv laklwk reku, okv abu vdww vbvdvdvbu bunugv umvuu  
vdwa rire; umvuu vdww anvabua rining reku okv bunua mvki  
moreku. **22** Ngoogv lvgabv nyichar mvnwngngv nonua kaanwng  
mareku. Vbvrutola yvvdw ataranya lobv gakbwngla rilin doolin  
rinv hv turnama paariku. **23** Vdwlo bunu nonua banggu ako  
lo mvdkmvku rikudw, banggu ako gunvlo joklwk laka. Ngo  
nonua jyvbw mindunv nonu Nyia Kuunyilo gv aatv madvbw  
Israel gv banggu mvnwnglo rise gwngse nga rinya nyumare. **24**  
“Purinv vmiv Tamsar nvnga kaiyama dunv; nyira ngv ninyigv  
atau kaiyama dunv. **25** Vklvgabv purinv vmiv ninyigv tamsarbo  
aingbv rirung dubv mvngdum laka, okv nyira ngvka vbvdvdv  
bv ninyigv atu aingbv. Vpin ara gv nyiloyachok ka Biljebul vla  
minbolo, vpin gv nyi vdwa hum tvrukaya yadubv bunua minre! **26**  
“Vklvgabv nyi vdwa busu mabvka, ogugonyi vjak takmamla vwpv  
pvdw mvkok reku, okv arwnglo vvsinam ma chimpa morikunv.

27 Ngo kanv lo nonua ogugo minpa pvdw nonuno um pua tota lo ridv laka, okv nonuno ogugo tvsi pvdw nonu hum naam mwnglo ao lokv gokpa jilaka. 28 Ayakka mvki jinv nga busu mabvka, vbvritola yaji yalu ha mvki nyumare; vmabvya ayak hala yaji yalu ha uyumooku lo mvyak jinv Pwknyarnvnyi busu yalaka. (Geenna g1067) 29 Morko abar mvngchik lokv nonu pvdwng nvnyi go rvvla madunvre vbvritola nonugv Abu mvngma rinyi pvdwng nvgoka kolv lo hoolu madunv. 30 Nonu gvbv dumpo dwmw haka kiro pvkunv. 31 Vkvlgabv busu mabvka; Nonu pvdwng mvnwng haka arv doya nvngv! 32 "Yvvdw nyi vdwgv tvvpam kaapam lo rvbwngvrwngbv Jisu ngo gv-ngv vla minre kudw, ngooka ninia nyido mooku tolo doonv ngo Abu gv kaagia lo vbvrire. 33 Vbvritola yvvdw nga nyi vdwgv tvvpam kaapam lo mia siredw, ngooka ninia nyido tolo doonv ngo Abu gv kaagialo mia siitv ngurure. 34 "Nyia mooku so nga himpukain a aagvla aapvnv vla mvngma bvka. Ma, ngo sarsopoyo nga aagvdubv aama, vbvritola riekse nga aagv yapvnb. 35 Ngo aapvnv kuunyilo vdwv bunugv abu vdwa rining modubv, kuunyijar vdwv bunugv anv vdwa rining modubv, nyang vdwv bunugv ayu vdwa rining modubv; 36 Nyi gunv gv kairungbv nyiru minsu namv ninyigv ogu naam gv nyi gubv rire. 37 "Yvvdw nga lvyabv ninyigv anv okv abua pakdunv, hv ngoogv lvbwlaksu vla mindubv riyoma; yvvdw nga lvyabv ninyigv kuunyilo okv kuunyimv ha pakdunv, hv ngoogv lvbwlaksu vla mindubv riyoma. 38 Yvvdw ninyigv daapo nga joorapla ngoogv kochinglo vngming gvma dunv hv ngoogv lvbwlaksu vla mindubv riyoma. 39 Yvvdw ninyigv singdung nga kai modubv mvngdunv, hv ngooyare, okv yvvdw ninyigv singdung nga ngoogv lvgabv ngoomu dunv hv singya re. 40 "Yvvdw nonua alvbw naark sidunv, hv nga alvbw naarksinam mv; okv yvvdw

nga alvbv naarwk sidudw, hv nga vngmunv nw nyika alvbv naarwk sita dunv. **41** Yvvdw Pwknyarnv gv gindungpingko nga naarwk sidunv, ogulvgavbolo hv Pwknyarnv gv gindungpingko ngv, hv nw gylo rijo nga paare. Okv yvvdw alvnv nyi ha alvbv naarwk sidunv, ogulvgavbolo hv alvnv nyi hv, hv nw gylo rijo nga paare. **42** Nonu jvjvbv mvngrung laka yvvdw nga reming gvnv miangyachok nvgonyi isi koobu go jidunv ogulvgavbolo hv nga reming gvnv ngv, hv jvjv rungbv rijo nga paarungre.”

**11** Vdwlo Jisu ninyigv lvbwlaksu vring gola anyi vdwa soogv minam vdwa minro koching so, nw ho mooku ha vngyula nvchilo doonv banggu vdwlo tamsar okv japgo dubv vla vngtoku. **2** Vdwlo Jon baptist patwklo doopv tvvla Kristo gv rinamvngnama tvvpa pkudw, nw ninyigv lvbwlaksu mego Jisu gvlo vngmuto. **3** Bunu minto, “Ngonu ham minpalabv, no Jon gv ako aarinvk vla minam angvri, vmalo ngonu kvbi ako gunyi kariadu yadu bri?” **4** Jisu mirwkt, “Vngkur lakula Jonnyi minji tvka nonu ogugo tvdu okv kaadu: **5** nyikching nvngv nyikpo duku, lvpik nvngv vngkar nyuduku, yv bunudw apin hv yala doonv vdw hv darwk nyapvku, rungji nvngv tvvpa duku, sinv vdwa turkur mopvku, okv Alvnu Yunying nga heema opin vdwa japji pvku. **6** Vdwgo mvngpu ngv yvvdw nga tintinroru bv mvngma dunv!” **7** Vdwlo Jon gv lvbwlaksu vdwgv vngyurilo, Jisu nyipam ha ninyigv lvga nga japji toku: “Vdwlo nonu Jon gvlo chukrimooku lo vnglin rinyi, nonu ogugo kaapare vla dvmin dunv? Nvmwng anv ngv doorilo yapchar dunvri? **8** Nonu ogugo kaadubv vnglin pvnv? Nyi ako vji kaapubv gvnv gore? Vkvnv vji gvnv nyi vdwv Dvbv gv karlo doodunv! **9** Nga minpalabv, nonuno ogu kaadubv vla agum vnglin pvnv? Nyijwk ako-nyiri? Hv rung, vbvritola nonuno nyijwk ka kaiyanv go kaagv nyibv. **10** Jon Darwknv Kitaplo minam angv:

‘Pwknvyarnv minto, ngo ngoogv gjindungpingko nga no gv lvgabv lamtv nga mvko modubv nam vngcho yamure.’ **11** Ngo nonua jyjvbv mindunv Jon Baptist kkvlo gv richo dakchonv nyi dvdv nga kaiyanv. Vbvrilola yvvdw Nyidomooku gv Karv lo miangyachok nvngv hv Jonnyi kaiyanv. **12** Jon gv doin japri lokv rila vjak lobv Nyidomooku gv Karv ngv achialv alvmanv hirukaya hindu, okv alvmanv nyi vdvw hum mvtum dubv rikwto. **13** Moses gv Pvby ngyla nyijwk mvnwngngv Jon gvlobv Pwknvyarnv gv Karv lvga nga minyato; **14** okv nonuno bunu vdwgv doin ha tvjing dunvlo, Jon Elija kv, ninyigv aanama mincho jipvnv. **15** Vbvrikunamv tvttoka, nonuno nyarung gvdu nvlo! **16** “Vjak ngo ogu gonyi mintakla mindubv silugv nyi vdw sum? Bunu piokpamdpamlo vmi metwng go doonv aingdo. Vmi apum gunv ngv apum gunv nga gokdu, **17** ‘Ngonu nonugv lvgabv nyida gunrigungga mvdu, vbvrilola nonuno naas rima! Ngonu nonu gvby siinyimar rijito vbvrilola nonuno kapma!’ **18** Vdwlo Jon aatokudw, nw yigto okv opo tvngmato, okv nyichar mvnwngngv, ‘Nw gvlo uyuvram hv doolwkdu!’ vla minto. **19** Vdwlo Nyia Kuunyilo ngv aato kudw, nw dvtoku okv tvngtoku, nyichar mvnwngngv, ‘So nyi sum kaatoka! Nw dvki tvngki rianv go, lampu nayanv vdwgv okv kvvbi nyi toa kunam vdwgv ajin go!’ Pwknvyarnv gv mvngkimvnglak v ninyigv rinamvngnam lokv jyjv gubv kaadar modu.” **20** Jisu ogolo ninyigv lamrwpadubv mvnam rinam ma kaiyabv kaatam pvkudw ho banggu gv nyi vdvw bunugv rimur lokv mvngdin manya toku, vklvlgabv nw ho banggu vdwa haachito. **21** “Vdwnvgo mvngru runam gubv rire ‘Chorajin’ no! Okv vdwgo mvngru runam gubv ritare, ‘Betsaida’ no! Nonu gvlo lamrwpam kaatam nama Taire okv Sidon lo rinv guilo krim ho gv nyi vdvw bunu krim rimur lokv mvngdin dukunv vla kaatam nvbv tagjam vji ha kopv kunvpy, okv

bunu atu hv mvchu tayu nga taabum sipv kunvpv! 22 Ngo nonua jvjvbv minjidunv jwngka daka alu lo Pwknyarnv nonua sv-nga Taire okv Sidon gv nyi vdwa kaiyago aya kaatam yariku! 23 Okv Kaparnaum no gvbv, no atubongv nyidomooku tolo naacha sidubv mvngpv ai? Nam uyumooku bolo orlu tainv! Nonu gvlo lamrwpanam kaatamnam vdwa Sodom lo kaatam nvgo yilo, hv vjaklodvbv doobwng pvnvpv! (Hadēs g86) 24 No hum mvngjv lvlaka, jwngkadaka alu lo Pwknyarnv nonua svnga Sodom ha kaiyago aya kaatam riku!" 25 Ho dw hoka Jisu minto, "Abu, nyidomooku gvla kvdw mookugv Ahtu! Nam ngo umbonyikv vla mindunv ogulvgavbolo no gv chinvpanv nyi vdwa vssi nama silu no chimapamunv vdwa kaatam kunam lvgabv. 26 Vkv Abu so si no gv rimu dvbv vla mvngnam mv. 27 "Ngo gv Abu nga ogumvnwgngna jipv. Yvvka Kuunyilo nga chima Abu mvngchik, okv yvvka Abunyi chima Kuunyilo ngv mvngchik okv Kuunyilo gv nw atu v kaatam dubv vla darnam nyi vdwv. 28 "Mvnwgngv ngoogyo aalaka, yvvdw ainv yikungyira baktola anyu kumaby ridunv, okv ngo nonua doonu modubv jire. 29 Ngo gv rvngko nga no naala mvlwk sila gvtola ngoogy kochingbv vngming gvtoka, ogulvgavbolo ngo dow lo alvnb okv nyaknyaknv; okv nonuno doonu nama paare. 30 Ngoogy nonua rvngko jinam angv gvpv dunv okv ngoogy nonua vge bakmu namv haajup dunv."

**12** Achukgo ayungjvma nga Jius Doonualu golo Jisu radv rongolo vngkarto. Nwgv lvbwlaksu vdwv kano nyato, vkvlgabv bunu radv dape pikla dvrap nyato. 2 Vdwlo Parisis vdwv hum kaapa tokudw bunu Jisuni minto, "Kaatoka, no gv lvbwlaksu vdwv Jius Doonualu so vbvrinamv ngonugv Pvbv nga rinyingdu!" 3 Jisu mirwksito, "Dabid la ninyigv nyi vdwv vdwlo bunu kano tokudw ogugo ripv hum no vdwloka puri rika mapv nvri? 4

Nw Pwknyarnv gv naam arwngbv aato, okv nw la ninyigv  
nyi vdwv Pwknyarnv gvlo kumlwk joolwk nam vtwng nga  
dtvo, hum bunu dvbolo Pvbv nga rining nam gubv riku jvka-  
ho gv hum nyibu vdwv mvngchik dvmwng dunv. **5** Okv nonu  
Moses gv Pvbv ngaaka puri rika mapv nvri Jius Doonualu gv  
dwkia nyibu dvdv ngv Jius Doonu alu gv pvbv nga mvvkmvrwk  
ropv, vbvritola bunuv rigakpama duai? **6** Ngo nonua minjidunv  
Pwknyarnvnaam a kaiyanv go sika si doodu. **7** Darwknv  
Kitaplo mindu 'aya kaapa minsunam si ngoogv mvngnam mv,  
svnwngsvmin rinji nama makv.' Soogv minam sum no jyjv bv  
chirung bolo, nonu mia kumare nyi rimur manv vdwa; **8** Nyia  
Kuunyilo ngv Jius Doonualu gv Ahtu hv." **9** Jisu ho mooku ham  
vngyula Jius kumkunaam bv vngtoku, **10** hoka nyi ako laak  
hv lakpik nvgo dooto. Nyi mego hoka Jisuni rimur rimu gvrila  
gungnying lwkdubv vla dooria nyato, vklvgabv bunu ninya  
tvvkato, "Jius Doonualu lo mvpu jinam si ngonugv Pvbv nga  
rining nambv ridu nvri?" **11** Jisu mirwksito, "Nonugv lokv akonv  
svlar go doore okv hv Jius Doonualu lo ungrung arwng gulo  
holwk rinyi? Hum nw gakbwng gvrila agum joolin maredw? **12**  
Okv nyi si svlar ham achialvbv kaiyanv gukv! Vklvgabv ngonugv  
Pvbv ngv ngonua Jius Doonualu lo kaadurridur minsu dubv jilin  
dunv." **13** Vbvrikunamv nw nyi lakpiknv hum minto, "Noogv laak  
hv lakda tvka." Nw hum lakdakvra jito, okv hv lvkodv alv toku,  
laak lakgonv aing toku. **14** Vbvrikunamv Parisis vdwv vngyu toku  
okv Jisuni mvkidubv rungrap toku. **15** Vdwlo Jisu nyi vdwgv  
ninya mvki dubv gwngnam a tvvpa tvkudw, nw ho mooku ha  
vngyu toku; okv nyipam twngtv nvgo ninya vngming gyto. Nw  
nyi lvvmanv mvnwngnga mvpu jitoku **16** okv bunua nw gv lvga  
nga yvvnyika minji mabvka vla mingap to. **17** Nw gv svbvrinam

si Pwknvyarnv gv nyijwk Aijaya gylo minam ma jvјv bv rilin modubv rito: **18** “Ngoogv darnam, pakbu hv si doopv, ngoogv paknam, yvvnyi ngo alvbv mvngpvdw. Ngo ninyigv aolo ngoogv Dow nga jilwkre, okv nw ngoogv jwngkadaka nama diringmooku mvnwnglo gokgo jire. **19** Nw vdwloka larmare vmalо achialvbv gokmare vmalо banggu lamtv loka sudu pvin rimare. **20** Nw vdwloka nvmwng yapchar nvgoka mvrik mare, vmalо mvru gudor manv ngaaka mvngit mare. Nw jvјv nga riya yamuma dvdlo nw ribwngdvvre, **21** okv nw gylo nyi vdw mvnwngngv mvngging reku.” **22** Vbvrikunamv nyi vdvw nyikching okv uyuvram gvtola gaam milin nyumanv nyi ako Jisu gylo aagv jito. Jisu nyi anga mvpу jitoku, vkvlvgabv nyi angv nyiktar laku okv gaam milin nyutoku. **23** Nyipam nyi mvnwngngv lamngak nyatoku, Jisu gv rinam a kaagv rikula. Bunu tvvkato, “Si nyi si Dabid gv Kuunyilo ngvdw?”. **24** Vdwlo Parisis vdvw hum tvvpa pvkudw, bunu mvrwkt, “Hv uyuuvram vdwa chara nyudo ogulgavbolo bunua rigvdogvny Biljebul ninia vbv rinyu dubv jwkrw a jipv nvgo.” **25** Jisu chintoku, bunugv ogugo mvngnam a, vkvlvgabv nw bunua mintoku, “Diringmooku gunv ngv atuv apinain sula akonv ako nvnga mdar minsu nvngv ayungbv dooma dunv. Okv banggu okv vpin gunv apinain sula akonv ako nvnga mdar minsu nvngv hv ngoodunv. **26** Vkvlvgabv Uyu gv karv lo akonv ako nvnga mdar minsu bolo, hvbv rinam hv manv bunu apinain suro pvku okv baapubv ngoonam bv rireku! **27** Nonuno nga mindu Biljebul nga jwkrw jinam lvgabv ngo vbv uyuuvram vdwa chara nyudunv vla, Alvdo, vbvrinamv nonua reming gvnv vdwva yvvla bunua chara nyudubv jwkrw jinv ngv? Nonua reming gvnvgv ogugo rinam lokv nonu mimor rungdo vla kaalin modu! **28** Ma, si Biljebul maky, ybvrilola Pwknvyarnv gy Dow v, nw nga uyuuvram vdwva

chara nyudubv jwkrw jinv ngv, so si Pwknyarnv gv Karv ngv nonu gvlo aapvku vla ho kaalin modu. **29** “Yvvka gwlkvn nyi gv naam lo mvko mvro la aala yikungyira nga naanyu mare, vdwlo nw gwlkvn nyi anga leepv choma bolo; leepv chobolo hv yikungyira nga dvrit nyulare. **30** “Akonv yvvdw ngogvbv rima dunv hv nga rining rungdunv; akonv yvvdw nga ridur madunv naakum namvka ayak apak rungdunv. **31** Okv vklvgabv ngo nonua minji dunv nyi vdwgv rimur a okv bunugv alvmanv mimur minam a mvngnga nyure; vbvritola yvvdw Darwknv Dow a alvmabv mimur redw hum vdwloka mvngnga nyulamare. **32** Yvvdw Nyia Kuunyilo nga alvmabv minyingmiru go minjeka hum mvngnga nyulare; vbvritola yvvdw Darwknv Dow a alvmanv minyingmiru go minredw hum vdwloka mvngnga nyulamare-vjakka okv kokwng nyika. (aiōn g165) **33** “Alvnv apwasi paanam lvgabv, no bakkoknv singnv sorung laka; no singnv yaagampolov sobolo apwasi alvmanv paare. Singnv nga apwasi svlin kolokv kaachin dunv. **34** Kaakudubvrinv nonu-oguaingbv nonu atubongv alv mapv tvla, alv nvnga minyu dubv? Haapok gv karukaya nga gaam lokv milin dunv. **35** Alvnv nyi v ninyigv alvkolokv alvnvnga naalwk dunv; alvmanv nyi v ninyigv alvmaku lokv alvmanv nga naalwk dunv. **36** “Nonuno mvngjelvlaka jwngkadaka alu lo mvnwngngv alvmanv gaam raanam dvdv nga kikala jidubv rireku. **37** Nonuno rimur pvdw ma rimur mapvdw, nonugv gamchar dvdv lokv nonua kaadar nvnv reku.” **38** Vbvrikunamv Pvbv tamsarnv nyi mego okv Parisis nyi mego milin nyato. Bunu minto, “Tamsarny, ngonu nam lamrwpanam go ridubv kaanwngdo.” **39** “Sili meru gv nyi vdwsi achialvby alvmanyado okv pwknnyarnv kaama nyado!” vla Jisu minto. “Nonu ngam lamrwpanam rinam go koodu ai? Ma! Nonua lamrwpanam go kaatam svngv hv nyijwk Jona gv

lamrwpanam nga kaatamre. **40** Jona gv kainv ngui arwnglo alu loum gola ayu yubom go doonam apiabv Nyia Kuunyilo ngvka kvdw arwng bolo alu loum gula okv ayu yubom go doore. **41** Jwngkadaka alu lo Ninebe gv nyi vdwv dakrap la nonua yamre, ogulvgavbolo bunu vdwlo Jona gv japji nama tvtokudw mvngdin nyatoku; okv ngo nonua minjidunv Jonanyi kaiyanv go si doopv! **42** Jwngkadaka alu lo Seba gv Dvnv ngv dakrapla nonua yamre, ogulvgavbolo nw adubv moing vngla ninyigv mooku lokv ngv Solomon gv chinampaanam bv tamsar nama tvbv vngto; okv ngo nonua jvjbv mindu Solomonnyi kaiyanv go si doopv! **43** “Vdwlo alvmanv dow v nyi gvlokv linri kudw, hv mooku mvnwnglo dooku makarla vnggo kardunv. Hv vdwlo dooku ako mapa kuma bolo, **44** hv atubongv minsu dunv, ‘Ngo ngoogv naam lo vngkur reku.’ Vklvgabv hv naam aakur laku naam a arochoko dubv, kakakbvrak dubv, okv mvnwngngv alvla doin dubv paadu kunv. **45** Vbrikunamv hv vngkur dyla kuring ninya kaiyabv alvmanv dow kanw go naalwk dukunv, okv bunu aala ho doolwk dukunv. Vklvgabv so si vBV rinya vngnya kubolo, ho nyi angv kvlo gvnga kaiyago alvmayabv ridu kunv. So si vBVku silu meru gv alvmanv nyi vdwa rirekunv.” **46** Jisu nyi vdwa gaam raadungla doorilo, ninyigv Anv okv boru vdwv aalwkla ninya gaam mindubv vla agumlo tvkala daknyato. **47** Vklvgabv hoka nyi akonv minto, “Kaatoka, noogv anv okv boru vdwv, nam gaam mindubv vla agum v daknya pv.” **48** Jisu mirwkt, “Yvila ngoogv anv ngv? Yvila ngoogv boru vdwv?” **49** Vbrikunamv nw ninyigv lvbwlaksu vdwa chigap dyla minto, “Kaatoka! So vdw si ngoogv anv okv boru vdwv! **50** Yvvbunudw ngo Abu nyidomooku tolo doonv gv mvnglwk kaalwk bv ridunv hv bunu ngoogv boruv, ngoogv bormv ngv, okv ngoogy anv ngv.”

**13** Ho alu akin hoka Jisu naam ha vngyula svparsvlv kiambv itoku, hoka nw dootung tvla tamsarto. **2** Ninyia doyumdochinv nyi vdwv achialvbv twngtv kunam lvgabv nw svpw gulo aala dooto, nyipam gv agum lo dakrilo. **3** Nw minchisinam minv nvla bunua ogumvnwngnga minjito. “Alu gulo nyi ako rongolo radv chibv vnglinto. **4** Nw rongolo radv ha chirilo, megonv lamtvlo hopvto, okv pta vdwv aala hum dvtoku. **5** Kvgonv lvngtak aolo hopvto, hoka kvdw miang go dooto. Amw v Vjakgobv boksu dato, ogulvgavbolo kvdw v rungrwng mato. **6** Vbvrilola vdwlo doonyi v chaalin tokudw, agar anga kaayok toku; ogulvgavbolo miamiv rungrwngbv harlwk madvto, agar angv baapubv sinyok toku. **7** Amw kvgonv mootum tv pvdwng lo hopvto, hv singlin toku, singnv vdwv hum yuptwngpatoku. **8** Vbvrilola amw kvgonv alvnv kvdw lo holwk toku, okv radv vdwv svngla dape pelin lakula; kvgonv chaam bv, kvgonv chamkvbv okv kvgonv lwnggobv lintoku.” **9** Okv Jisu minyabv minto, “Tvvtoka, nonuno nyarung doodu bolo!” **10** Vbvrilunamv lgbwlaksu vdwv Jisu gvlo aala tvvkato, “No nyi vdwga gaam minrinyi ogubv minchisinam minvla mindunv?” **11** Jisu mirwkto, “Nyidomooku gv Karv gv lgva nga nonua minji ropvkunv, vbvrilola bunua minji madv. **12** Yvnyi hv ogugo doodunv hum jitamre, ninyia kaiyayabv doomu kunam lvgabv; vbvrilola yvvdw oguka kaama dunv ninyigv achukgo doonam haka dvrit reku. **13** Ngoogy bunua minchisinam minvla minam gv lgva ngv bunu kaagapdo, vbvrilola kaapama, okv bunu tvvdu, vbvrilola tvvpama okv chima. **14** Vkgvlgabv Aijaya gv nyikrw kaanam hv bunua mindu: ‘So nyi vdw si tvvdu okv tvvdu vbvrilola tvchinma; bunu kaadi kaadidu, vbvrilola kaapa ma, **15** ogulvgavbolo bunugv haapok vdwv pvcha nyapv, okv bunugv nyarung nga mvtum sinyapv okv bunugv nyik a nyikching

sinyapv. Vbv mvmabolo bunugv nyikkv kaapare, bunugv nyarung ngv tvvpare, bunugv haapok v chiri kunvpv, okv bunu nga dakrwk reku, Pwknyarnv mindu, okv bunua ngo mvpu pvku nvpv.'

**16** "Nonu gvbvdv vdwgo gamdakpv! Nonugv nyik v kaapadu, nonugv nyarung ngv tvvpadu. **17** Ngo nonua jyjbv mindunv, nyijwk achialvgo okv Pwknyarnv gv pakbu achialvgo, nonugv kaagv dvnam a kaadubv mvngyato, vbvritola bunu kaapama, okv nonugv tvvgv dvnam a tvvdubv mvngnyato, vbvritola bunu tvpa riakuma. **18** "Vbvrikunamv, tvria nyato, okv chinlaka amw chinam minchisinam si ogu vdw. **19** Yvvdw Pwknyarnv gv Karv gv doin a tvvgv rila hum tvchin madunv hv lamtvlo amw hoolunv jvbw ridunv. Bunu gvlo amw chilwk nama uyu vrammv aala dvrin dunv. **20** Amw v lvngtak aolo hopvnv nvngv hobunua mindunv doin a tvdanam gula himpula torwk sinv vdwa. **21** Vbvritola bunu ho rungrwngbv miami hv harlwk madu, okv bunu doobwng jinv gubv rikuma. Vkvlgabv vdwlo doin gv lkvngbv adwkaku vmalo mvdwkmvkuv aari kudw, bunu vjakpi gubv topu riku. **22** Amw v tvv pvdwng gulo holknvngv hobunua mindunv doin a tvgvrila; vbvritola ninyigv singdung lvgabv mvngrula, okv nyitvnyigam lvgabv mvngbiu namv doin ha yuptoku, okv bunu apw asi svlin kuma. (aiōn g165) **23** Okv amw hv alvnv kvdw lo chilwk kunam hv ho bunua mindunv yvvdw doin ha tvgvrila hum tvchin dunv; apw asi svlin dunv, megony chaam bv, kvgonv chamkvbv, okv kvgonv lwngbv bv." **24** Jisu bunua kvvbi minchisinam go minjito: "Nyidomooku gv Karv ngv svbv ridunv. Nyi ako ninyigv rongolo alvnv amw a chilwkto. **25** Ayu yupgolo, mvnwngnga yupmu tvla, nyimak ako aala vvng amw mego ampu apumlo paklwk pila vngyu toku. **26** Vdwlo agar hv garlin tokudw anw hv paalin raptoku vBVrikunamv vvng nga kaapa raptoku. **27** Nyi

hvkgv pakbuv aala ninyia tvvkato, ‘Atu, no gv rongolo no amw alvn vkv paklwk pvnv; vvng ngv ogolo lokv aapvnvdw?’ **28**  
Nw mirwksito, ‘Nyiru nvgony hum ripv.’ Bunu ninyia tvvkato,  
‘No ngonua vngla vvng nga bulin svgo vla mvngdure?’ **29** Nw  
mirwksito, “Ma, nonuno vvng nga bulin rinyi ampu ngaaka butak  
linjila. **30** Vvng hala ampu nga bunya lvkobv svngba rimutvka  
Nvvkumdw lobv. Vbvrikunamv ngo nnvkum jinv vdwa vvng nga  
naakum chotoky, puching tvkv, ramyok tvkv vla minre, okv ampu  
nga nnvkumla ngoogy nesunglo baglwk laka vla minreku.” **31**  
Jisu bunua kvvbi minchisinam akodv mindvto; “Nyidomooku gv  
Karv ngv svbv ridunv. Nyi ako yingmw charge naalaila ninyigv  
rongolo hum paklwk to. **32** So si amw mvnwngnga charching  
yachoknv, vbvritola vdwlo hv svnrap tokudw, hv tamitasa  
mvnwngnga kaiyachok nvgobv ritoku, hv singnv gubv ritoku,  
vbvrikunamv pvtv mvnwngngv aala ho gv hakbv dvdlvo asup  
mvlwkla doonya toku.” **33** Jisu bunua vjaklodvbv minchisinam go  
minji jidvto: “Nyidomooku gv Karv ngv vBV ridunv. Mvga ako  
vpap naala okv hum moida ata keji champigo naala pvchwng lo  
myomvchidu goocharma dvdllobv.” **34** Jisu minchisinama minv  
nvla ogumvnwngnga nyipam a minjito; Nw minchisinama mintak  
mabv bunua ogugoka mimato. **35** Nw gv svbvrinam si nyijwk  
gv minpv nama jvjbv rilin modukubv rito, Vdwlo ngo bunua  
gaam minridw ngo minchisinam minv nvla minre; Ngo bunua  
krim Sichingmooku sam pwklinyarlin rilokv naala vjak lobv chima  
nama minjire.” **36** Vdwlo Jisu nyipam a vngyula naam lo aato  
kudw, ninyigv lvbwlaksu vdwv nw gvlo aala tvvkato, “Tamsarnv,  
noogy rongo vng nga minchisila minammy ogu hvdw ngnoua  
minjilabv.” **37** Jisu mirwksito, “Alvnb amw chilwkkunv nyi angv si  
Nyia Kuunyilo ngv; **38** rongo ngv nyiamooku si, alvnb amw v

Karv gv nyi vdwv; vvng ngv Alvmanv Angv gv nyi vdwv; **39** okv  
vvng amw a chilwknv angv Uyudvbv. Nvvkumdw aluv nyiamooku  
gv ataranya ngv, okv nvvkum rianv vdwv nyidogindung ngv. (**aiōn**  
**g165**) **40** Vvng nga oguaingbv nvvkumla vmvlo ramyok dvdw, vkv  
aingbv rire nyiamooku gv ataranya alulo; (**aiōn g165**) **41** Nyia  
Kuunyilo ngv ninyigv nyidogindung vdwa vnglin more ninyigv  
Karv lokv, yvvbunudw nyi vdwa rimur modunv, okv kvvbi alvmanv  
ridunv, ho vdwa naakum more, **42** okv bunu vdwa achialvbv  
vmv gukulo bunu orlwk reku, hoka bunu kapriku okv bunugv  
hijung nga kotwkkrwk sila dooreku. **43** Vbvrikunamv Pwknyarnv  
gv nyi vdwv bunugv Abu gv Karv lo doonyi ungnam aingbv  
rireku. Vbvrikunamv nonuno nyarung gvdu nvlo tvria laka! **44**  
“Nyidomooku gv Karv ngv svbv ridunv. Nyi akonv rongo gulo  
yikungyira vysi namgo kaapa toku, hum nw lvkodv mvtum toku  
okv himpu puyingla vnglaku ninyigv ogumvnwgnga piokla kula  
okv vngkur laku ho gv rongo nga rvvtoku. **45** “Nyidomooku gv  
Karv ngv svbv rita dunv. Nyi akonv svngtor singku kaapunv  
makar dubv rito, **46** okv vdwlo nw kaapuyaung nvgo kaapa  
tukudw, nw vnglaku ogugo svnggyrigv pvkudw mvnwngnga  
piokla kula ho gv svngtor singku nga rvvtoku. **47** “Nyidomooku  
gv Karv ngv svbvka rita dunv. Ngui naany nyi megony bunugv  
vsap a svparsvlv lo orlwk nyala nvgwngnv ngui vkv naanyato. **48**  
Vdwlo vsaplo yarbina tokudw, bunu hum agum lo svlin toku  
okv dootung nyatola ngui a darpin sidula: alv nvnga bunugv  
pvtak lo lwktokv alvmanv vdwa ora nyatoku. **49** Ataranya  
alu lo vBVChing rireku: nyidogindung ngv vnglin nyala alvnv nyi  
vdwgv apum lo alvmanv nyi vdwa naakum riku (**aiōn g165**) **50** okv  
bunua achialvbv vmv guku lo orlwk reku, hoka bunu hijung nga  
kotwkkrwk sila dooreku. **51** Jisu bunua tvvkato, “Nonuno so vdw

sum tvvchinpvri?" Bunu "vkv" vla mirwksito. **52** Vkvlgabv nw bunua mirwkto, "Vbvrikunamv so gv minam si Pvbv tamsarnv mvnwngngv Nyidomooku gv Karv lo lvbwlaksu bv rikubolo, hv benu naam atuv ninyigv karchung gv yikungyira nga aku jeka anw jeka lvkobv naalin nv atu jvbw ridu." **53** Vdwlo Jisu so gv minchisinam sum bunua minjila minya tokudw, nw ho mooku a vngyu toku **54** okv ninyigv banggu lo vngkur toku. Nw jius kumkunaamlo tamsar toku, okv nw gvlo tvvn vdwv tvngarvnga nyatoku. Bunu tvvkato, "Nw svkvnv mvngkimvnglak kv ogolo paapv nvyu? Okv ninyigv lamrwpanam rinam v oguvkudw? **55** Nw yikungyira mvnv gv kuunyilo mangvri? Meri ninyigv anv mangvri? Okv Jems, Josep, Saimon, okv Judas benu ninyigv boru mangvri? **56** Ninyigv bormv vdwv so dooma dvnvdw? Nw so mvnwng sum ogolokv paapv nvyu?" **57** Okv vbv benu ninya toa nyatoku. Jisu bunua minto, "Nyijwk ka ninyigv banggu naam lo okv nw atugv vpin nyi ngv mvngdv madunv, vbvritola mooku mvnwnglo mvngdv nama paayadunv." **58** Ogulgavbolo benu mvngjwng namgo kaama, okv nw hoka achialvgv lamrwpanam goka riji mato.

**14** Hvbw riri hoka Galili nga rigvdogvnb Herod, Jisu gv lvkwng nga tvvpa toku. **2** "Nw jvjvbv Jon Baptist turkur pvku nvgo vla ninyigv nyigam vdwa minto. "Vkvlgabv nw lamrwpanam ridubv jwkrw doopvnb." **3** Kvlokvcho Herod Jonnyi naatungla leetola patwk tumdubv orto jitoku. Nw gv svbvrinam si ogulgavbolo ninyigv boru Pilip gv nywng Herodias gv lvgalo. **4** Lvkogulo Jon Baptist Herodnyi minto, "Noogv Herodiasnyi nywng mvnam si myin madunv!" **5** Herod ninya mvkidubv mvngto, vbvritola Herod Jius nyi vdwa busuto, ogulgavbolo benu Jonnyi nyijwk akobv mvngnyato. **6** Herod gv nvium dvdw alulo Herodias gv

kuunyijar angv nyi mvnwng gv kaagjalo kaapu alvbv naasi rijito. Herod achialvbv himpula 7 nw ninyia milv jito, “Ngo jyjbv milv jidunv no ogugo koopvdw hum jirungre!” 8 Hv ninyigv anv gv minkulo, vBV minto, “Ngam so vjak Jon Baptist gv dumpo nga kumpok gulo jilabv!” 9 DvBV ngv mvngruto, vbvritola ninyigv nyi mvnwng gv tvvgia kaagjalo milvkunam lvgabv nw nyijar gv mvngnam ma jidukubv orto jilin toku. 10 Vkvlgabv nw Jon gv dumpo nga patwklo paalin toku. 11 Dumpo nga kumpok gulo bvnglwk toku okv nyijar anga jitoku, hv ninyigv anv gylo bvnglwk jitoku. 12 Jon gv lvbwlaksu vdvv aatoku, ninyigv svma nga bakro toku okv hum nyibung ritoku; vbvrikunamv bunu vnglaku Jisunyi minpa jitoku. 13 Vdwlo Jisu Jon gv lvga yunying nga tvppa tokudw, nw atuv hoka kongv vngyula jvmataiku mooku lo vngtoku. Nyi vdvv hum tvppa tvku, vklvlgabv bunu banggu a kayu pikula lvpabv kvdw lo ninyigv kochingbv vngming gvtoku. 14 Jisu svpw lokv lintoku, okv vdwlo nw nyipam pamtv nga kaato kudw, ninyigv haapok v bunua aya mvngpa toku, okv nw lvmamv vdwa mvpu jitoku. 15 Ho arium hoka ninyigv lvbwlaksu vdvv nw gylo aala minto, “So si achialvgo ayung pvku, okv so si jvmataiku mooku go. Nyi vdwa vngmu tvkuka okv bunua atuv nampum lo vngla dvnamtvngnam rvvsu motoka.” 16 Jisu mirwkto, “Bunu vngsv kaama, nonuno atu v bunua dvnamtvngnam jirung svgo!” 17 Bunu mirwksito, “Ngonu mvnwng gv aralo vtwng tangu gula ngui nvnyi gomwng kv.” 18 Jisu minto, “Vbvrikunamv hum soka ngooggylo bvnglwkt.” 19 Nw nyi vdwa vvng aolo dootung dubv minto; vbvrikunamv nw vtwng tangu hala ngui nvnyi ha naatoku, nyidomooku aobv kaadungto okv Pwknyarnvnyi umbonyikv htvo. Nw vtwng nga pintungpiungto okv hum lvbwlaksu vdwa jitoku, okv lvbwlaksu vdvv hum nyi vdwa jitoku. 20 Mvnwngngv

dvgudvbw dvtku. Vbvrikunamv lvbwlaksu vdwv dvlv nga paapi  
vring gola anyigo yarpok dubv naakum toku. **21** Hum dvnv ngv  
mvvga vmi ha kiya mabv nyiga dvdv ngv hejar angu to. **22**  
Vbvrikunamv vdwlo ninyigv nyi vdwa vngmu rikulo Jisu lvbwlaksu  
vdwa svpw lo aamu toku okv svparslv gv taggo nvbv lincho  
modubv ritoku. **23** Nyi vdwa vngmuro kochingbv nw atu hv  
kumdubv vla moodw gulo chaatoku. Vdwlo arium pvkudw, hoka  
Jisu akin mwngto; **24** okv hvbv riri hoka svpw v svparslv lo  
mego adubv vngtoku, doori v rikorla hum achialvbv riging kunam  
lvgabv, svpw v svkiok kiocknam lokv kUBLWk tvvtoku. **25** Aru gv  
gunta aom gyla akv gv pingkolo Jisu isi aobv vngla lvbwlaksu  
vdwgyllo aatoku. **26** Vdwlo bunu ninya isi aobv vngdubv kaapa  
tokudw, bunu achialvbv busu nyatoku. Bunu busu nyala svrokla  
minto, "Si vram gumabv." **27** Jisu vjakgobv bunua minto, "Mvngrw  
lakv!" si ngoovk. Nonuno busu mabvka!" vla nw minto. **28**  
Vbvrikunamv Pitar minto. "Ahtu, hv jvjb bv no vrungbolo, ngam  
isi aobv no gylo vngdubv orto jikato." **29** Jisu mirwkto, "So aato!".  
Vkvlgabv Pitar svpw agumbv linto okv Jisu gv kiambv isi aobv  
vngrap toku. **30** Vbvritola vdwlo kainv doori v ritokudw nw hum  
himpala busuto okv isi arwngbv holwk tvvto. "Ahtu ringla bvkv!"  
vla nw kapto. **31** Vbvrikunamv Jisu vjakgobv aachilaku ninya  
gagbwng toku okv minto, "Noogy mvngjwng ngv miang mvngpv  
no ogubv tintinrorubv mvngdunv?" **32** Bunyi anyiv svpw lo aaba  
sutoku, okv vbvrikunamv doori v ringin toku. **33** Vbvrikunamv  
svpw lo doonv lvbwlaksu vdwv Jisuni kumtojotoku. Bunu hartvla  
minto, "No Pwknvyarnv gv Kuunyilo jvjb gurung." **34** Bunu  
svparslv nga vngbola Gennesaret vnam mooku lo aalwk toku,  
**35** hoka nyi vdwv Jisuni kaachin toku. Vkvlgabv bunu lvvmanv  
nyi vdwa mingo jinv vngmuto dokardovr mooku lo lvvmanv vdwa

Jisu gvlo aagv modubv. **36** Bunu ninya koodwkkrwkla koola minto, lvvmanv vdwa ninyigv vji jylap a mvsit modubv; okv ywbbunudw mvsit pvkudw mvnwngngv pooya nyatoku.

**15** Vbvrikunamv Parisis mego okv Pvbv tamsarnv mego Jerusalem lokv Jisu gvlo aala okv ninya tvvkato, **2** “Noogv lvblaksu vdww ogulgabv ngonugv abuapa vdwgv Pvbv jilu nama tvmarima dunv? Bunu dvnam dvtv madvbw laakka alvbw lasoklakak madu!” **3** Jisu mirwk suto, “Okv nonuno oglvgabv Pwknyarnv gv gamrw nama tvmarima gvrila nonunogv mvnggwngbv tamsarrisar kolo vngya dunv? **4** Ogu lvga Pwknyarnv mindu, ‘Noogv anv okv abuni mvngdv laka,’ okv ‘Yvvdw ninyigv anv okv ninyigv abua beedunv hum mvkidubv riduku.’ **5** Vbkritola nonuno tamsardo nyi gunv ninyigv anv okv abua ridurdubv ogugo doopv tvlaka, vbkritola minre, ‘Si Pwknyarnv gvbw ripvkunv,’ **6** hv ninyigv abua mvngdv dubv dinchi kumadu. Svblrila nonu Pwknyarnv gv gamrw nama pakma dunv, nonugv mvngkubv tamsar kolokv riming gvnam lvgabv. **7** Kaakudubvrinv nonu, Aijaya gv nonunogv lvgabv nyikrw kaapv namv jvjbv rungpv! **8** “Pwknyarnv mindu, “So nyi vdw si nga gamchar lokv mwng hارتv mvngdo, vbkritola bunugv haapok v jvjbv nga adu nyado. **9** Bunugv nga vbv kumnamjonam v ogu arin go kaama, oglvgavbolo bunu nyi gv mvnam pbv nga ngoogv Pvbv aingbv tamsar nyadu!” **10** Vbvrikunamv Jisu nyipam ma nw gvlo goklwkt okv minto, “Tvvgv rila okv chintoka! **11** Nyi gv gaam lo aavn ngv ninya darwk madubv mvvma dunv; vbvmabvy, ninyigv gaam arwng lokv linnv ngv ninya darwk madubv mya dunv.” **12** Vbvrikunamv lvblaksu vdww nw gvlo aala minto, “Noogv minamv Parisis vdwa tvnying modu vla no chindure?” **13** “Ngoogv Abu nyidomoku tolo

doonv gv lvvlwk manam singnv mvnwngnga bua rikunv," vla Jisu minto. **14** Bunugv lvgabv mvngru yama bvka! Bunu nyikching tola nyikchingnv nyi vdwa rigv nvngv; okv vdwlo nyikchingnv akonv kvvbi nyikching nvnga vnggv rinyi, anyiv ungrung golo holwk dunv." **15** Pitar milinto, "So minam sum ngonua minbwk jilabv."

**16** Jisu bunua minto, "Nonuno vjaklodybv kvvbi vdwa chilv yanv gubv rima pvnvre. **17** Nonuno tvchinma hai? Nyi gv gaam lo aanv ngv leit arwnglo aadunv okv vbvritokula ayak lokv agum lo lindu kunv. **18** Vbvrítola gaam lokv linnv ngv haapok lokv lindunv, okv si nyi nga darwk madubv mvdunv. **19** Nyi gv haapok lokv alvmanv ngv linla ninya mvki mvmar modunv, yoogio modunv, okv kvvbi rimur haka rimu dvnv; dvrit mola, mvvmula, okv kvvbia minsingmia mola. So vdw si nyi a darwk madubv mvdunv. **20** Vbvrítola nonugv laak lasok mabv dvnam, bunugv nonua rirung svgo vla minam-si nyi nga darwk madubv mvvma dvnv. "Vbvrítola bunugv rirung sego vla mvngnam—Lasok mabv dvku lokv nyi si darwkmanv gubv rima dunv." **21** Jisu ho gv mooku a vngyu toku okv Taire okv Sidon gv nvchi mooku lo vngtoku. **22** Kananait mvvga ako ho mooku hoka doonvgo nw gylo aato. Mvvga nvngv kapla minto, "Dabid gv Kuunyilo! Ngam aya mvngpa labv, tamsarnv! Ngo gv kuunyijar v uyuvram gvpv okv nw achialvbv hiru kaayala doopv." **23** Vbvrítola Jisu nyimv nvnga gamgo ka mimato. Ninyigv lvblaksu vdwv nw gylo aala kodwkkrwkla koola minto, "Ninyi vngmu tvkuka! Nw ngonua vngming gvla tvvsupkayap dubv minkidu!" **24** Vbvríkunamv Jisu mirwk suto, "Ngam Israel gv svlar nyekunv vdwgv lvgabv vngmupvnv." **25** Hvbg rinam gula mvvga nvngv Jisu gv lypa lo gublwk dvla minto, Tamsarnv, nga ridur labv!" **26** Jisu mirwkto, "Vmi gv dvtung nga naaritla iki bv orji nam si alv rungma." **27** "Tamsarnv, hv jvjv

ngv" vla nyimv nvngv mirwksito; vbkritola iki vdwv atu gv dvkulo dva nama tvbul lkwng loka dvria dunv." **28** Vklvgabv Jisu mvvga nvnga mirwkt, "No kaibv mvngjwngnv nyimv go! No ogugo rijilabv vla mvngdudw hum noogv lvgabv riji reku." Okv hvbv mimisiri hoka ninyigv kuunyijar hv poya toku. **29** Jisu ho gvngv vnglaku Galili gv svparslv kiambv vngtoku. Nw moodw gulo chaala dootung toku. **30** Kairungnv nyipam go nw gvlo aato, bunugv lkvobv lvpiknv vdwa, nyikchingnv vdwa, digwngnv vdwa, pvchanv vdwa, okv kvvbi lvmavnv nyi vdwa aagv nyato, ho bunua Jisu gv lvpv lkwnglo vvpv nyato; okv nw bunua mvpu jinya toku. **31** Nyi vdwv lamrwpanya toku pvcha nvngv milin nama, digwngnvgv alvkunam a, lvpik nvngv vnglak kunama, okv nyikching nvngv kaapa kunama, kaagv rikula bunu Israel gv Pwknyarnv nga hartv nyatoku. **32** Jisu ninyigv lwbwlaksu vdwa goklwk toku okv minto, "Ngo so gv nyi vdw sum aya mvngpa do, ogulvgavbolo bunu nga reming gvkunamv alu loom pvku okv vjak bunu ogu dvsv guka kaakuma. Ngo bunua dvnam dvmu mabv vngmu nwngmado, bunu nampum lo vngtvrikunyi lamtylo anyukumare." **33** Lwbwlaksu vdwv ninyia tvkato, "Ngonu ogulo dvnam naala so gv nyipamma dvgudvby jinyure?" **34** Jisu tvkato, "Nonuno hvkamgo vtwng gvpv?" Bunu mirwksito, "Vtwng takkanw go okv ngui charchingnv mego." **35** Vklvgabv Jisu nyipamma kvdw lo dootung dubv mintoku. **36** Vbvrikunamv nw vtwng kanw hala ngui a naatoku, Pwknyarnvnyi umbonyikv vto, pintung piyung toku, okv hum lwbwlaksu vdwa jitoku; okv lwbwlaksu vdwv hum nyi vdwa hortoku. **37** Bunu mvnwngngv dvgudvby dvnya toku. Vbvrikunamv lwbwlaksu vdwv dvlv dvkv lvin kunamma paapi kanw go yarpok dukubv naakum toku. **38** Hum dvnv dvdv ngv mvvga vmia kiya mabv nyiga dvdv ngv hejar

api gubv ritoku. 39 Vbvrikunamv Jisu nyi vdwa vngmu toku,  
svpw gulo nw aatoku, okv Magadan mooku lo vngtoku.

**16** Parisis megola Sadusis mego bunu Jisu gvlo gwngkup dubv  
vla aanyato, vkvlvgabv bunu Jisunyi Pwknyarnv gv kiinam  
gurung vla kaadubv lamrwpanam go ritokv vla tvvkato. 2  
Vbvrilola Jisu mirwkto, “Vdwlo doonyi v poklwk tvi kunyi, nonu  
mindu, ‘Ngonu alvnu doonyi a paato kuji, ogulgavbolo nyidokolo  
ngv yalwng dooku.’ 3 Okv arukamchinyi nonu mindu, ‘Sili nyido  
hoi jinvgo, ogulgavbolo nyidokolo ngv yalwng yakia bv ridu.’  
Nonu nyidokolo nga kaagvrila minbwk jichodu, vbvrilola nonu  
vdwloka vjakgv lamrwpanam gv lvkwng nga minbwk jinyu ma!  
4 Vdwgo alvmabv okv Pwknyarnv chimanv nyi bv ridu silugv  
nyi vdw si! Nonu nga lamrwpanam go koodu nvre? Ma! Nonua  
lamrwpanam go jijinam si Jona gv lamrwpanam rjinam vmwng.”  
Vklvgabv nw bunua kayu pikula vngyu toku. 5 Vdwlo lvbwlaksu  
vdvw svparslv gv takdv gonylo rapto kudw, bunu vtwng gvse  
nga mvngpa mato. 6 Jisu bunua minto, “Hinsu laka; Parisis  
gvla Sadusis gv vpap am hima kaaya sulaka.” 7 Bunu bunugv  
aralo raami surap nyato, “Ngonu vtwng gvmanam lvkwngbv  
nw vvb mindu.” 8 Jisu chinto bunu ogugo minpvdw, vkvlvgabv  
nw bunua tvvkato, “Nonu vtwng gvmanam lvkwngbv ogubv  
raami sikwng dunv? Nonunogv mvngjwng ngv achok gomwng! 9  
Nonuno vjvlodvbv chima dunvre? Nonu ngoogv vtwng tangu  
ham nyi hejar angu lvgabv pintung piyung nama mvngpama  
ai? Paapi hvkamgo nonu darbingpvnv? 10 Okv nyi hejar api gv  
lvgabv vtwng takkanw gv lvkwng ngv oguv? Paapi hvkamgo  
nonuno darbingpvnv? 11 Ngoogv vtwng gv lvkwng nga nonua  
gaam raami suma nama nonugv chima namv hv ogubv ripvnv?  
Hima kaaya sulaka Parisis gvla Sadusis gv vpap ham!” 12

Vbvrikunamv lvbwlaksu vdwv Jisu bunua, Parisis gyla Sadusis  
gv vtwng lo lwknam vpap ham hima sulakv vla gamrw kumanyi,  
vbvritola bunugv tamsar nama mindukunvnyi vla chintoku. **13**  
Jisu Pilippi gv Sijari banggu gv nvchi mooku lo vngtoku, hoka nw  
ninyigv lvbwlaksu vawa tvvkato, "Nyia Kuunyilo nga, nyi vdwv  
yvv vla minya do?" **14** "Nyi megonv Jon Baptist kv vla minya do,"  
vla bunu mirwkt. "Kvzbiv Elija kv, okv kvgonv Jeremia kv vmal  
kvbi nyijwk go vla minya do." **15** Nw bunua tvvkato, "Nonu  
gvbv oguv? Okv nonu ngam yvv vla mindunv?" **16** Saimon Pitar  
mirwksito, "No Kristo, turla doobwngnv Pwknvyarnv gv Kuunyilo  
ngv." **17** Jisu mirwkt, "Jon gv kuunyilo Saimon, no alvrungnv go!  
no gylo so gv jvjj si nyi gylokv aama, vbvritola naam sum ngoogv  
Abu nyido tolo doonv ngv jipv. **18** Okv Pitar, vklvlgabv ngo naam  
mindunv: No vlwng go, okv so gv vlwng aolo ngo, ngoogv Gvrja  
nga mvlwkre, okv sinam ngenam v sum vdwloka rigumriya yala  
mare. (**Hadēs g86**) **19** Ngo naam Nyidomooku Karv gv chabi  
nga jidunv; noogv nyiamooku so maakv vnam a nyido mooku  
tolo maakv vreku, okv no ogugo nyiamooku so umkv vnam a  
nyido mooku toloka umkv vreku." **20** Vbvrikunamv Jisu ninyigv  
lvbwlaksu vawa mintoku nw Kristo kv vla yvnyika minji mabvka.  
**21** Ho gv alu lokv Jisu ninyigv lvbwlaksu vawa mindamirala minpa  
jirap toku, "Ngo Jerusalem bv vngrungre okv nyigagaatv, nyibu  
butvny, okv Pvby tamsarnv vdw gylokv hinching chingnam ma  
paarungre. Nga mvki nyareku, vbvritola alu loom kochinglo ngo  
turkur reku." **22** Pitar ninyia sesum laila yamla minto, "Ahtu,  
Pwknvyarnv sum noogv lokv adu motoka, no gylo si vdwloka  
rimare!" **23** Jisu dakkur dakrwk dukula Pitarnyi minto, "Uyu no,  
ngo gylokv vngroto! No ngoogv lamtvlo atup asi yanv gubv  
rido, ogulvgavbolo no gv svbv mvngnam si Pwknvyarnv gylokv

aama vbvritola nyi gylokvaanv go.” **24** Vbvrikunamv Jisu ninyigv lvbwlaksu vdwa mintoku, “Yvvdw nga lvkobv vngming gvso mvngnv ngv, hv atubongv mvngnnga sirung laka, ninyigv rvngko nga bagtola, nga vngming gvlaka. **25** Yvvdw atubogv singdung lvgabv mvngdunv, hv ngooriku; vbvritola yvvdw ngoogv lvgabv ninyigv singdung nga ngoomu dunv hv singnam ma paaya reku. **26** Nyi gunv nyiamooku mvnwngnnga paalv yagvre vbvritola nw atubogv yajiyalua ngoomu bolo, hv ogugo paabin yapv? Hvbv ma! Nw vdwloka ninyigv turnamam paakor kunam lvgabv oguguka nw jinyu kumare. **27** Nyia Kuunyilo ngv ninyigv Abu gv jwkrew lokv nyidogindung nga lvkobv aagvla aareku, okv vbvrikunamv nw akin-akin a kaigo ripvdw ma miang go ripvdw hum kaala amina jireku. **28** Ngo nonua jyjbv mindunv ho-hoka mego si doopv bunu Nyia Kuunyilo gv Dvbv bv rila aanama kaama dvdvlo simare.”

**17** Alu lokv gv kochinglo Jisu Pitar nyila achiboru Jems okv Jon bunua moodw aolo chaagvla hoka bunu mwngchik doobam nyato. **2** Bunugv vBV kaadung rilo, Jisu gvlo akusubv rilwkto: Ninyigv nyukmuv doonyi loung jvBV ungtoku okv ninyigv vjiv yapung toji toku. **3** Vbvrikunamv lvbwlaksu aom v Moses nyila Elija buniya Jisuni lvkobv gaam raami sidubv kaatoku. **4** Vkvlgabv Pitar Jisuni mintoku, “Ahtu, ngonugv soka doonam si alv rungnvgo! No mvnggelo, ngo soka taabio aom go mvre, akonyi no gvBV, akonyi Moses gvBV okv akonyi Elija gvBV.” **5** Ninyigv vBV mindung rilo, haapum ungnv go bunu gvlo aalwkto, okv haapum lokv gaamgo milinto, “Si ngoogv pakyachoknam Kuunyilo ngv, nw gylokv ngo mvngpu dunv-Ninyi tvvria laka!” **6** Vdwlo Lvbwlaksu vdwv vlv nga tvtokudw, bunu achialvBV busula kvdw lo gipv nyatoku. **7** Jisu bunu gvlo aala bunua mvsit toku.

Nw minto, "Gudungto, busu mabvk!" **8** Vkvlgabv bunu kaarap  
toku nyi kaapa kuma vbkritola Jisu akin mvngku. **9** Vbv bunugv  
moodw lokv idung rilo, Jisu bunua orto jitoku, "Nyia Kuunyilo  
ngv sipi kula turkur kuma dvdvlo, nonunogv nyikrw kaanam  
sum yvnyika minji mabvka." **10** Vbvrikunamv lgbwlaksu vdwv  
Jisunyi tvvkato, "Ogulgabv Pvbv tamsarnv vdwv hoka Elija  
aacho yinv pvkv vla mindunv?" **11** "Elija aanam gvbv aachore,  
okv nw ogumvnwng nga mvpvripv jireku," vla Jisu mirwk toku.  
**12** Vbkritola ngo nonua jyjvby mindu, Elija aaro pvkunv, okv  
nyi vdwv ninyia kaachin mato, vbkritola bunugv mvnggwng bv  
mvmin nyatoku. Ho mvbia bv bunu Nyia Kuunyilo ngaaka vby  
alvmabv mvreku." **13** Vbvrikunamv lgbwlaksu vdwv tvchin toku  
nw Jon Baptistnyi mindu kunvgo vla. **14** Vdwlo bunu nyipam  
vdwgvlo aalwk tokudw, nyi ako Jisu gvlo aala, lgbwng kumpvla,  
**15** okv minto, "Tamsarbo, ngoogv kuunyilo nga aya mvngpa  
jilabv! Nw svmk tapdu, okv vby alvmabv kamdaramda bv rila  
vmvlo okv isi lo poklwk kidu. **16** Ngo ninyia noogy lgbwlaksu  
vdwgvlo aagv jito, vbkritola bunu ninyia mvpu nyuma." **17**  
Jisu mirwk toku, "Nonu achialbv vngjwngmanv nyi gonya  
laka! Vdwgo ngo nonua lgbobv doodubv? Vdwgo ngo nonua  
mindinmimbia dvdvdbv? Vminyilo nga ngoogylo aagvto!" **18**  
Jisu uyuvram a orto jitoku, okv hv vminyilo gv lokv kelin toku,  
okv vjakpi gubv vmi angv ho poya datoku. **19** Vbvrikunamv  
lgbwlaksu vdwv vngsila Jisu gvlo aala tvvka toku, "Ogubv rila  
ngonu uyuuvram a charlin nyuma pnv gubvri?" **20** Jisu mirwkto,  
"Hv nonuno vngjwng doomanam lgbwngbv, ngo nonua milv  
jidunv, nonuno yingmw aing goka vngjwng dubolo, nonu so  
moodw sum minlado sokv kongv alo vlo vngroto vbo, hv tvla  
vngjire. Nonu ogumvnwng nga rinyure!" **21** Okv kvvbi lokv rinyu

mare kumnam lokvla okv yiknam lokv svkv nvnga charlin nyure."

**22** Vdwlo lvbwlaksu mvnwngngv Galili lo aakum tokudw, Jisu bunua mintoku, "Nyia Kuunyilo nga nyiga vdwylo laklwk tvduku  
**23** bunu ninyia mvki reku; vbvritola alu loom kochinglo nw turkur reku." Lvbwlaksu vdwv achialvbv mvngru nyatoku. **24** Vdwlo Jisu la okv ninyigv lvbwlaksu vdwv Kaparnaum lo aato kudw, Pwknyarnvnaam lvgabv lampu narianv Pitar gylo aato okv tvvkato, "No gv Tamsarbo, Pwknyarnvnaam lvgabv lampu a jidu nvri?" **25** "Jidu nvpv," vla Pitar mirwkto. Vdwlo Pitar naam lo aatokudw, Jisu mincho yato, "Saimon, no gv mvngnam v ogubv? Nyia mooku so gv dvbv vdwva yvvla rijo naanv vmalu lampu jinv ngv? Diringmooku so gv nyi vdwv re vmalu nyebunyi vdwv re?"  
**26** Pitar mirwk suto, "Kvbi mooku lokv aany nyi vdwv. Jisu minto, "Alvpv, vbvrikunamv, vnam hv mannv nyidung nyi vdwv jikur kaama. **27** Vbvrilola ngonu so naarianv vdwva adwkaku molama. Vkvlgabv svparslv lo vngnyika, okv noogv karpak a soolwk ngurv tvka. Naachonam ngui a svwilin tvka, okv ho gv gaam lo noogvla ngoogv lvgabv Pwknyarnvnaam lampu jisv lokdwng charge kaapare. Hum naala ngonu gvbv lampu jjii laka."

**18** Ho alu lo lvbwlaksu vdwv Jisu gylo aala, tvvkato, "Nyidomooku gv Karv tolo yvbla kaiyachok jinv ngv?" **2** Vkvlgabv Jisu vmi go gokla bunugv kaagialo dakmuto, **3** okv minto, "Ngo nonua milv jidunv vdwlo nonu mvngdinla so vmi so aingbv rima redw, nonu vdwloka Nyidomooku Karv tolo aala mare. **4** Yvvdw so vmi aingbv rila nyanyak dunv hv Nyidomooku gv Karv tolo kaiyachok nvgorv rireku. **5** Okv yvvdw svkvnv vmia ngoogv amin bv alvbv naarwk sidunv, hv ngamka naarwk sidunv." **6** "Yvv akonv so miangnv vdw sokv akonyi nga mvngjing nvnga mva riadunv, ho nyi angv vbvribolo alvyare ninyigv lvngpo lo

vlwng pwkvtv nvgo paklwk sutola svmasa bolo poklwk sunam mv.  
7 Achialvbv mvngru runam gubv rire nyiamooku gv nyi vdwa  
ogulvgavbolo bunugv mvngjwng nga ngoomu jinv ngv achialvdu!  
Vkv nvngv lokia ribwngre-vbvrilola yvvdw um bunua rimudunv hv  
achialvbv mvngru runam gubv rire! 8 "Noogy laak gunv vmal  
lvpa gunv noogy mvngjwng nga mvlamva riadu bolo, hum palin  
gvrla ora tvka! noogy lvgabv hv alvyare turnamlo laak vmalo lvpa  
gunv kaamabv vngnam mv, vbvmayabv laak laknyia okv lvpa  
lvnyia gvtola vmv doobwngnv gula dookulo orlwk komam svnga.  
(aiōnios g166) 9 Okv noogy nyik gunv noogy mvngjwng nga nyemu  
bolo, hum kolin gvrila ora tvka! Noogy lvgabv si alvyare no nyik  
nyikin tvvla singkulo vngnam mv, vmabvya nyik nyiknyia gvtola  
uyumooku bolo orlwk komam svnga. (Geenna g1067) 10 "Kaatoka  
nonuno miangnv vdw so gv akonyika mvngnyekalo mabvka.  
Ngo nonua mindu, bunugv nyidogindung ngv lokia nyidomooku  
lo doonv ngo Abu gvlo dooming gvnya dunv. 11 Nyia Kuunyilo  
ngv nyekunv vdwa ringlin tvkubv aapv kunv. 12 "Nonuno ogugo  
mvngdu nyi ako svlar lvnggo dooto okv akonv nyetoku? Nw  
kvbi chamkia gula kia nga moodw lo nvmwng dvla rimu pila, nw  
vngla nyenv anga makardu. 13 Vdwlo nw hum kaapa rekudw,  
ngo nonua mindu, nw nyenv akin ho lvgabv nyemanv chamkia  
gula akkia ngam svnga achialv kaiyago mvngpu yareku. 14 So  
gv apiabv noogy Abu nyidomooku tolo doonv so gv miangnv vdw  
so akonyika ngoomu dubv mvngma dunv. 15 "Noogy achiboru  
ngv nam rinyingla rimur dubolo, vngla ninygigv rimur a kaatam  
laka. Vbvrilola um nonyi anyi gv pingkolo risila rila ka. Nw noogy  
minam a tvvdu boloka, no noogy achiboru a ria yaala paakor  
pvku. 16 Vbvrilola nw noogy minam a tvvma dubolo, no nyi  
lo ako vmalo anyigo noogy lvkobv vnggy laka, ogulvgavbolo

Darwknv Kitaplo minam aingbv 'Rimur mvnwngnga tvyakaayanv anyi aom lokv tvbwkkalo dukubv.' **17** Okv nw bunua tvmabolo, ogumvnwng nga Gvrja lo minpa laka. Ataranyabv nw Gvrja gv minam haka tvvma kubolo, ninyia mvngjwng manv gubv vmalo rimurnv nyi gubv toa lakuka. **18** "Okv vkvlvgabv ngo nonua mindunv: nonu sicingmooku so ogugo maakv vrikudw hum nyido mooku toloka maakv vrikunv, okv nonu sicingmooku so ogu gonyi vkv vrikudw hum nyido mooku toloka vkv vriku. **19** "Okv ngo nonua minta jidunv: Vdwlo nonu sicingmooku so anyi gunv tolwk minsula ogugonyi kumridw, hum nonugv lvgabv ngoogy nyidomooku gv Abu ngv rijireku. **20** Ogo lo anyi gunv vmalo aom gunv ngoogy amin bv dookum redw, ngo hoka bunua lvkobv dooming gvdunv. **21** Vbvrikunamv Pitar Jisu gvlo aatoku okv tvvkato, "Ahtu nga ngoogy boruv riningla rimur morbwng bolo, ngo ninyia vdwgo mvngnga jidubv? Kanw guri?" **22** Jisu mirwkt, "Ma, kanw mwngma, kanw hv chaamkanw lo gubv, **23** ogulvgavbolo Nyidomooku gv Karv ngv svbv ridunv. Kvlokvcho dvbv ako dooto, nw ninyigv pakbu vdwgv narnamha kaaka dukubv mintoku. **24** Nw vBV rirap kunam gula bunugv lokv pakbu ako, nw gvlo morko kororgo narnv aagv toku. **25** Pakbu angv morko dvdu nga dorla kuma toku, vkvlvgabv dvbv ngv morko dvdua dordu kubv nw nyila ninyigv nywng umvuu vdwa nyirabv okv ninyigv yikungyira dvdv nga piokdu kubv orto jitoku. **26** Pakbu angv lwbwng kumpvla dvbv gv habolo gipvto. Nw kodwkkkrwkla koola minto, 'Nga achukgo dooria jilabvkv, okv ngo nam ogumvnwng nga dorku nvpv!' **27** DvBV ngv ninyia aya mvngpa toku, vkvlvgabv dvbv ninyia morko dvdu nga mvngnga jitoku okv ninyia vngmu toku. **28** Vbvrikunamv nyi angv vnglintoku okv ninyigv pakbu ajin gonyi vngrwk suto

hv kkvlo nw gvlo morko achukgo narnv go. Nw hum gakbwng  
gvrila dvngrapto okv minto, "Ngoogylo narnam a baapubv jikur  
lakubv." 29 Ninyigv pakbu ajin angv ninyigv lvpv lvkwnnglo gjpv la  
ninya koodwkkrrwkla koola minto, 'Nga ayala achukgo dooya  
jilabv, ngo nam dvdua dorku nvpv!' 30 Vbvritola nw um tvvmato;  
vmabvyia nw nyi anga dvdua dorma dvdvlo doomure vla patwk  
tumlwk yatoku. 31 Vdwlo dvbv pakbu gunv vbvrinam a kaapa  
tokudw, dvbvnyi ogumvnwng nga minpa toku. 32 Vkvlgabv nw  
pakbu anga goklwk toku. Nw minto, 'Arin kaamanv nyira noo!  
Noogv ngoogylo morko narnam mvnwngnga ngo nam mvngnga  
jitoku, noogv nga vbv koonam lvkwngbv. 33 Ngoogv nam aya  
mvngpanam aingbv, no pakbu ajin a aya mvngpa rungse gui.' 34  
Dvbv ngv achialvbv haachi toku, vkvlgabv nw pakbu anga dvdu  
nga gvma dvdvlo mvrit modubv vla patwklo vngmu toku." 35 Okv  
Jisu minyabv mintoku, "Vkv aingbv ngoogv Abu nyidomooku tolo  
doonv, mvnwngnga mvre, vdwlo nonuno haapok raying lokv  
achiboru gv rimur a mvngnga maridw."

**19** Jisu vdwlo so ogumvnwngnga minya tokudw, nw Galili  
nga vngyu toku okv Jordan Svko gv tagonv Judia mookubv  
vngtoku. 2 Nyitwng go ninya vngming gvto okv nw bunua hoka  
mvpu jitoku. 3 Parisis nyi mego nw gvlo aala, ninya mimur  
modubv vla svbv tvvkato, "Ngonugv Pvbv ngv nyi hv atugv  
nywng nga ninyigv mvngnambv gungnying lwknam lwksubv  
lwktola burmisidubv jipv ai?" 4 Jisu mirwkto, "Darwknv Kitaplo  
mindu krim atuakelo Pwknyarnv nyi vdwa pwklin rilo, nyimv  
bvla nyilo bv pwkto, vla minam a nonuno puri rikw mai? 5  
Okv Pwknyarnv minto, 'Svkv lvkwngbv nyi hv ninyigv anv  
okv abua kayupila vngyula atugv nywng nga lvkobv ribam  
yalaku, okv anyiv akin gubv ridu kunv.' 6 Vkvlgabv bunu anyibv

ribwng kumare vbvritola akin vku. Vbvrikunamv Pwknyarnv gv ogugo naadum sunamma nyi v mvpin sirung mabvka.”

7 Parisis vdwv ninyia tvvkato, “Vbvrikunamv, ogubv Moses Pvbv lo nyiga ngv nywng nga mvnwngnga chimpa modubv vnggvnvnv siti go mvlinla ninyigv laak lo jilwk gyrikula vngmu dukubv minpvnv?” 8 Jisu mirwkto, “Moses nonua nywng vdwa burmi sudubv jito ogulvgavbolo nonua tamsar sarnyu manam lvkwngbv. Vbvritola krim pwklinyarlin rilokv vBVma. 9 Ngo nonua minjidunv, vBVrikunamv nyi gunv atugv nywng nga nyi kvvbi gulo karbamla rimur moma gvrila kvvbi rimur lokv burmisulaku nw kvvbi nywng go naaku bolo hv rimur dukunv.” 10 Ninyigv lvbwlaksu vdwv ninyia minto, “So si nywng gvla nyilu gv pingkolo bvridu bolo, nywng nyilubv naami summa nammv alvyari.”

11 Jisu mirwkto, “So tamsar sarnam si nyichar mvnwng loma, vBVritola Pwknyarnv gv um jinam vdwa mwng. 12 Nyi ngv ogulvgabv nyimv naala madunv ho gv lvkwng ngv akuaku sidunv: kvgvo nvnga nywngnyilu rinyu madubv bvnglinto; kvvbi gonn, nyi vdwv bunua vBV rimu rungdubv vla mvnammv; okv mvgonv nyidomooku Karv gv lvgabv nyimv naama nyadunv. Yvvdw so gv tamsar nama torwk sidunv ninyia vBV rimutvka. 13 Nyi mvgo vmi vdwa Jisu gvlo ninyigv laak v bunua mampo gvrila bunugv lvgabv kumji modubv vla aagv jito, vBVritola lvbwlaksu vdwv nyi vdwa yamtoku. 14 Jisu minto, “Vmi vdwa ngoogvlo aamuto okv bunua mintor mabv, ogulvgavbolo nyidomooku gv Karv ngv svbv rinv vdw gyngv.” 15 VBVrikunamv nw ninyigv laak v bunu gvlo mampv jitoku okv vBVripikula vngyu toku. 16 Lvko nvnga nyi go Jisu gvlo aala tvvkato, “Tamsarnv, turbwngnv singnam a paanam lvgabv, ngo ogualvnv ridung go rirung svgobvri?” (aiōnios g166) 17 Jisu mirwkto, “Alvnam gv lvkwngbv no nga ogubv tvvka

dunv? Akin gomwng alv nvngv. No turnamlo aanvpv mvngdu nvlo Pwknyarnv gv gamkinam gaam vdwa alvbv pvvlaka.” **18** Nyi angv tvvkato, “Ogu gamkinam?” Jisu mirwkto, “Gwngrw gwma bvka; nyimv rimur mabvka; dvcho mabvka; mvvlarula yvynyika gungnying milwk mabvka; **19** noogv anvabua mvngdv laka; okv no atubongv oguaingbv paksu dudw vBV namrwk ajin a paklaka.” **20** Nyi angv mirwksito, “Ngo so gv gamkinam mvnwng sum ripvkunv, ngo ogugo rita svgo doopv?” **21** Jisu ninyia minto, “No abwkalo nvgobv riso mvngbolo, vngla noogv ogumvnwng nga piokla morko nga heemanv vdwa ortoka vBVribolo no nyidomooku tolo nyityachok nvgobv rireku, vBVripikula aala nga vngming gvlakuka.” **22** Nyitvnv nyi angv vdwlo hum tvvtokudw nw mvngrula vngyu toku oglvgaibolo nw achialvbv nyitvto. **23** VBVrikunamv Jisu ninyigv lvbwlaksu vdwa mintoku, “Ngo nonua milv jidunv: nyitvnv nyi v nyidomooku gv Karv tolo aanam lvgaby achialvbv aanyu manam gubv ridunv. **24** Ngo mintin jidunv: nyitvnv nyi v Pwknyarnv gv nyidomooku gv Karv lo aapvnam lvgaby aanyu manam gv hiru kaaya ngv kemel gv pwsi ungko lo ngwngpik tvvnam gv hirukaya nga kaiyadunv.” **25** LvbwlaKSU vdwv vdwlo um tvvtokudw, bunu achialvbv tvngarvnga nyatoku, “VBVrikunamv, yvvkula ringnam a paajikunv,” vla bunu tvvka nyato. **26** Jisu bunua kaagap jinjinla kaala mirwkto, “So si nyi gvbv choopu manam gubv ridunv, vBVritola Pwknyarnv gvbv ogumvnwng ngv choopu dunv.” **27** VBVrikunamv Pitar mintoku, “Kaatoka” nw minto, “Ngonu ogumvnwng nga topu pikula nam vngming gvdu. Ngonu ogugo paari kudw?” **28** Jisu bunua minto, “Nonuno paarung jinv ngv, vdwlo Nyia Kuunyilo ngv anw bv singtam gunv tolo ninyigv kairungnv DvBV dooging lo doolwk rikudw, vBVrikunamv nonu ngoogv vring gola anyigo rigvnam

vdwvkam dootare Israel gv haalung vring gola anyia rigvdogv  
dukubv. **29** Okv yvvdw naam a achiboru vdwa, anyibormv vdwa,  
anvabua, umvuu vdwa, rongo vdwa ngoogy lvgabv kayu pikula  
vngyu dukunv, hv lwnggo lvvyago paatv dukunv okv turbwngnv  
singnam a jirung rikunv. (aiōnios g166) **30** Vbvritola megonv vjak  
yvv atukchobv ridunv, hv kochingreku okv megonv vjak yvv  
kochinglo ridunv, hv atokchoreku.

**20** “Nyidomooku Karv ngv svbv ridunv. Kvvllo nyi ako ninyigv  
anggor rongo nga ridubv vla rwklap lapnv nyi makarla arukamchi  
bv vnglinto. **2** Nw bunua alu nyilap bv joobwngnam, raaji lokdwng  
charge jidubv tolwk gvrila bunua rongolo vngmu toku. **3** Nw  
lvkodv aru gv kia baji lo vngkur toku piokpamdpam kolo, ho nw  
nyi mego ogurimabv doonv vkv kaapa toku, **4** vkvlvgabv nw  
bunua mintoku, ‘Nonu ka anggor rongo vlo vngla riteka, okv  
ngo nonua alu rwklap lapjoa jire.’ **5** Vkvlvgabv bunu vngtoku.  
Vbvrikunamv nw alu gv gunta vring gola anyi lola okv arium gv  
gunta aom lola vbvdvdybv minla nyi vdwa vngmuto. **6** Arium  
gv gunta angu baji tvvtoku vdwlo nw piokpam dorpamlo vngla  
kvibi nyi vkv vjaklodvbv hoka dakbwng nvgo kaapa toku. Nw  
bunua tvvkato, ‘Nonuno ogubv alu longa soka ogu rimabv  
anyubv doomin dunv?’ **7** Bunu mirwksito, ‘Ngonua yvvka minnv  
kaama,’ Vbvrikunamv, alvpv, nonuka anggor rongo vlo vngla  
riteka,’ vla nw bunua mintoku. **8** “Vdwlo arium tokudw, rongo  
atuv rongo rigv nvnga mintoku, ‘Rwklap lapnv vdwa goklwkl  
bunugv alu nyilap lapjo nga jooto kuka, goknyung yanam lokv  
jirap laila gokcho yanam lobv jila jime tokuka.’ **9** Gunta angu  
baji lo aalwk mwngla rinv vdwa raaji lokdwng charsak go jitoku.  
**10** Vkvlvgabv gokcho yachoknam nyi vdwa aamu gvrila jootv  
tvri ho, bunu mvngtoku bunu kaiyago paari nvpv vla; vbvritola

bunuaka raaji lokdwng charkin sakgo jimwng toku. **11** Bunu bunugv morko nga naatokula rongo atua bvdur-bvdurbv japria nyatoku. **12** ‘So nyi vdw si goknyung yanammv gunta akin gomwng rongo rinam v,’ vla bunu minto, ‘ngonu doonyi v hila madubv rila rekwnng gvvre—vbvritola no bunua ngonua jinam apiabv jigvre! **13** ‘Tvriato, ajin,’ rongo atuv mirwksito, bunugv lokv akonyi, ‘Ngo nonua rikup mapvnv. Minjyjbolo, nonu alu nyilap a raaji lokdwng chargobv tolwk minsupvnv. **14** Nonu vjak nonugv alu nyilap a naalaikula naambv vngnyikuka. Ngo koching yachokbv ngoogv goklwk kunam nyi so, nonua jinam apiabv jirung tvdunv. **15** Ngo atubogv morko nga mvnggwngbv mvnyu madu nvlare? Vmalo ngo jipu nvgorv rinam lvgabv nonuno tanyum gvvria doi?’’ **16** Okv Jisu minyabv mintoku, “Vkvlgabv yvwdw atokchochuk yabv ridunv hv koching yabv rireku, okv yvwdw koching yabv ridunv, hv atokchochuk yabv rireku.” **17** Vbv Jisu Jerusalem bv chaadungla charilo, nw lvblaksu vring gola anyia akusubv naarwsito okv bunu lamtvlo vngdung dula nw bunua minsila minto. **18** “Tvriato,” vla nw bunua minto, “Ngonu Jerusalem bv chaadungdo hoka Nyia Kuunyilo nga Nyibu butvnb vdwgv okv Pvbv tamsarnv vdwgv laak lo ninyia laklwk riku. Bunu ninyia miyakaayala mvkidubv minreku. **19** Okv vbvrikunamv ninyia Jentail vdwgylo laklwk reku, bunu ninyia nyarjikau riku, svnyak pareku, okv daapo lo ninyia takki reku; vbvritola alu loom kochinglo nw turkur reku.” **20** Vbvrikunamv Jibedi gv nywng ngv kuunyilo anyia aagvla Jisu gylo aato, ninyigv kaagialo gubwngla ninyia akusubv mvngkiamnam go kooto. **21** Jisu ninyia tvvkato, “No ogugo mvngpvla?” Nw mirwkt, “No vdwlo Dvbv bv riku bolo ngoogv kuunyilo anyi sum noogv lakkik tangvlo akonyi okv lakchi tangvlo akonyi doomure vla, no ngam milv jilabvka.” **22**

Jisu kuunyilo anyia mirwkt, "Nonu ogugonyi koodunvbvre ho lvga nga nonu chima." "Nonuno ngoogv hinching koobu tvngji nama, tvngla redw?" Bunu mirwkt, "Um, ngonu tvnglare." **23**  
Jisu bunua mintoku, "Nonuno tvngnam gvbv ngoogv koobu lokv tvnglare, vbutola ngoogv labkik okv lakchilo dooji nvnga dardubv ngoogylo kaama. So dooku vdws i ngo Abu gv mvpvripv jikunam bunu vdw gvngv." **24** Vdwlo kvbi lvbwlaksu vdwv hum tvvpa pvkudw bunu achiboru anyia haachi nyatoku. **25**  
Vkvlgabv Jisu bunu mvnwngnga goklwk toku okv mintoku, "Nonu chindu Jentail vdwra rigvdogvn vdwv bunua rigvdogvn lanv jwkrw doodunv, okv rigvdogvn vdwv tujupkunam gubv rinya dukunv. **26** Svbrinam aingbv nonu gvlo doorung moyoka. Nonu gvlokv akonv kainvgobv riso mvngbolo, hv mvnwng gv pakbu bv rirunglaka; **27** okv nonu gvlokv akonv atokcho yaso mvngbolo, hv kvbi vdwgv nyirabv rirunglaka— **28** Nyia Kuunyilogv jvby, nw rijikodubv aama vbutola nw riji yagv rila okv nyi achialvgo ringlin kunam lvgabv nw atubogv gv svngtung nga mvngnga siyadunv."  
**29** Jisu la ninyigv lvbwlaksu vdwv Jeriko nga vngyu rikulo nyitwng go bunua vngming gvt. **30** Nyikchingnv nyi anyigo lamtv hoka doonv Jisu vngpit rikv vla tvvpato, vkvlgabv bunu gokrap toku, "Dabid gv Kuunyilo nga! Tamsarnv, ngonua aya mvngpa labvka!"  
**31** Nyitwng ngv bunua choibkv vla mintoku. Vbutola bunu kaiayabv gokto, "Dabid gv Kuunyilo nga! Tamsarnv, ngonua aya mvngpa labv!" **32** Jisu daktung toku okv bunua goklwk toku. Nw bunua tvkatoku "Nonu nga nonugv lvgabv ogugo rijilabv vla mvngpv?" **33** Bunu mirwksutoku, "Tamsarnv, Ngonu nam ngonugv kaapa nvnv nvnga jilabvkv vla mvngdunv!" **34** Jisu bunua aya mvngpa toku okv bunugv nyik a mvsit jitoku; Vjakgobv bunugv nyikkv kaapa nyutoku, okv bunu ninyia vngming gvtoku.

**21** Jisu la ninyigv lvbwlaksu vdwv Jerusalem vngchi dvlvbv  
rito, bunu Betpej gv Olib Moodw lo aatoku. Hoka Jisu lvbwlaksu  
anyi gonyi vngcho moto **2** svbv mingvrila: “nonugv vnglwkjiku  
nampum vlo vngnyika, okv Vjakgobv nonu hoka siak go kuu  
nga lvkobv takpv namgo kaapare. Um nonu paksoklaila ngoogv  
dookuso boolwk tvka. **3** Okv nyi gunv ogugo minbolo, ninya  
‘Ahtu sum dinchidu,’ vla minlaka; okv vbvminku bolo hv vjakgobv  
bunua boomu reku.” **4** Svbrinam si nyijwk gv ogugo minpv nama  
jvjj modukubv ritoku: **5** “Jayon gv pamtv nga minji teka, Kaatoka,  
nonugv Dvbw ngv nonu gvlo aarikunv! Nw nyanyak nvgo okv nw  
siak kuu nyi riokw manv gv aolo dootola.” **6** Vkvlgabv lvbwlaksu  
vdvv vngla Jisu gv bunua ritokv vnam a riji toku: **7** bunu siak  
hala okv hvkvgv kuu nga boolwk jitoku, bunugv jekok ka ho  
pipv jitoku okv Jisu gecha toku. **8** Twngtv rungnv nyipam go  
bunugv jvkok ka lamtvlo pipv jinya toku, okv kvvbi vdwv singnv  
vdwlokv hakbv paalin nyala lamtvlo pipv jinya toku. **9** Nyipam v  
Jisu gv kokwng habobv vngkar nyato ho vngkarnv vdwv gokrap  
nyato, “Dabid gv Kuunyilo nga hartv nyato! Ahtu gv amin bv  
aanv sum Pwknyarnv ninya aya jirung laka! Pwknyarnvni  
hartvdu!” **10** Vdwlo Jisu Jerusalem lo aalwk tokudw, pamtv gv  
nyi mvnwngngv chikchakyayak bv ritoku. Nyi vdwv tvvkato, “Si  
yvvla?” **11** Nyipam v mirwkt, “Si Galili gv Nazaret lokv nyijwk  
Jisu kv,” **12** Jisu Pwknyarnvnaam lo aatoku okv hoka pioknv  
rvnnv vdwva mvyakmvchak jitoku. Nw morko lwkko lwkpiknv tvbul  
am, okv taakw pioknv gv dooging ngaaka dutap durap mvji toku,  
**13** okv bunua mintoku, “So si Darwknv Kitaplo lvkpvdo hoka  
Pwknyarnv mindu, ‘Ngoogv Pwknyarnvnaam a kumkunaam  
bv vdunv.’ Vbvrilola nonuno sum dvcho nvgv tosi siging kobv  
mvpv!” **14** Nyikchingnv okv lypiknv ho Pwknyarnvnaam arwng

hoka nw gylo aanya toku, okv nw bunua mypu toku. **15** Nyibu butvnv vdwv la okv Pvbv tamsarnv vdwv Jisu gv lamrwpadubv mvnam rinam a kaala okv vmi vdwgv "Dabid gv Kuunyilo nga hartvdu" vla goknam a tvvla haachi nyatoku. **16** Vkvlgabv bunu Jisunyi tvvkato, "Bunugv ogugo minam a no tvvpa dunvre?" "Tvnam gvbv ngo tvvpadu," vla Jisu mirwkto. "Nonuno Darwknv Kitap so vdwloka puri rikw mapvi? 'Nonu vmi vdwala okv anga vdwva risarrima la aluyaungbv hartv modubv ripv.'" **17** Jisu bunua vngyula okv Betani pamtv lo vnglinlaku, hoka nw ayu yuplwk toku. **18** Nw gv pamtv bv vngkur rikulo, logo nvgv arukamchi lamtv hoka Jisu kano toku. **19** Nw lamtv adar hoka koksitkokrik singnv nvgo kaapala ho aalwk toku, vbvritola ogu guka kaapama anvv vmwng. Vkvlgabv nw singnv nga minto, "No vdwlo lvkoka asi svvlin kumare!" singnv nvngv vjakgobv sinyuk toku. (aiōn  
g165) **20** Lvbwlsku vdwv hum kaatokula tvngarvnga nyatoku. Bunu tvkato, koksitkokrik singnv ngv vjakgobv oguaingbv sinda yinv gubvri?" **21** Jisu mirwkto, "Ngo nonua jvjbv midunv, vdwlo nonu mvngsarmanam go kamabv mvngjwng bolo, nonu ka rilare ngoogv so koksitkokrik singnv nga rinam aingbv. Okv svbv mwngchikma, vbvritola nonu vBVKA so gv moodw a minyure, 'Gudungla no atuv svmasa bolo orlwksuto vbole,' hv vBV rijire. **22** Nonuno mvngjwng bolo, nonu ogugo kumla koopvdw um paare." **23** Jisu Pwknyarnvnaam lo aakur toku; okv ninigv tamsar rilo, nyibu butvnv vdwv, nyigagaatv vdwv nw gylo aala tvvkato, "No ogubv mvngla so vdw sum rimin dunv? Nam svbv rila dubv yvvla tujupkunam a jinv ngv?" **24** Jisu bunua mirwkto, "Ngo nonua gaamgo tvvkare, okv nonuno nga mirwk bolo, ngo ka so vdw sum ogubv rila dunvdw um ngo nonua minjire. **25** Jon gv baptisma jinammv ogolokv aapvnv: hv Pwknyarnv gylokv aapv

nvri vmalo nyi gylo kri?" Bunugv aralo larrap minsuto, "Ngonu ogugo mirwksidubv? Ngonu Pwknyarnv gvlokv, vla mirwk bolo, nw ngonua minre, vbvrinamv, ogulvgabv nonu Jonnyi mvngjwng mapvnv?" **26** Vbvritola ngonu 'Nyi gvlokv' vla minse ngaaka busudo, ogulvgavbolo mvnwngngv Jonnyi nyijwk akobv mvngnya dukunv." **27** Vkvlgabv bunu Jisuni "Ngonu chimakv" vla mirwk toku. Okv nw bunua mintoku, "Ngooka nonua minjimare ngo so vdwsom ogubv rila pvnvdw." **28** "Vjak, nonuno ogugo mvngdu? Ho hoka nyi ako dooto, hv kuunyilo anyigo dooto. Nw achiyagv dookulo aala okv minto, 'Kuunyilo, silu no anggor rongo vlo vngla riteka.' **29** 'Ngo vngnwng ma,' vla hv mirwkto, vbvritola koching so hv mvngdin lakula vngtoku. **30** Vbvrikunamv abu angv kuunyilo gunvlo vngla vbvdvdvb mintoku. 'Tamsarbo, vkv vla mirwkto, vbvritola nw vngmato. **31** Yvla anyi lokv abu gv mvnglwkbv rinv angv?" "Achi ya angv," vla bunu mirwkto. Vkvlgabv Jisu bunua mintoku, "Ngo nonua minjidunv: Lampu naayanv okv yookar nvngv nonua Pwknyarnv gv Karv tolo vngchoyare. **32** Jon nonu gylo aala alvnb lamtv nga naamu dubv kaatam jitoku, okv nonuno ninyia mvngjwng mato; vbvritola lampu naayanv vdww okv yookarnv vdww ninyia mvngjwng toku. Okv um nonu kaagy rilaka, nonu koching so ka mvngdin nyama okv ninyia mvngjwng kuma. **33** Jisu minto, "Kvvbi minchisinam godv tvrianyato. "Kwlo gwngda mooku atu go dooto, nw anggor rongo go mvlwkto, hum svlung rakyumto, anggor nyumjik dubv ungrung ako dupv toku, okv kaaria nvduby aokoloknv taabio go mvtoku. Vbvrikunamv nw anggor rongo nga rwktin tinlwk pikula adubv moing vngyu toku. **34** Vdwlo anggor naakumdw aato kudw, nw ninyigv nyira vdwa rwktin vdwgvlo anggor naakum kunamha ninyigv baak am naarwk modubv vla vngmuto. **35**

Rwktin vdwv ninyigv nyira nga naatung toku, akonyi dvngto, kvvbia mvkito, okv kvvbi gunyi vlwng orkito. **36** Lvkodv nyi angv nyira vngmuto, vngcho monam vdwa kaiyanv go, okv rwktin vdwv ho vdwaka vbvdvdbv mvrutto. **37** Ataranya ngaku nw ninyigv kuunyilo nga bunu gylo vngmu toku. Nw mintoku, “Bunu ngoogv kuunyilo nga jyjvbv mvngdv yiku nvpv.” **38** Vbvrilola rwktin vdwv vdwlo kuunyilo nga kaapa tokudw, bunu mimi sunyato, ‘Si atu gv kuunyilo ngv, klai mvki laju ninya, okv ngonu ninyigv yikungyira nga paadu kubvl!’ **39** Vkvlgabv bunu ninya naatungla anggor rongo agum bv dvlin la okv mvki toku. **40** Jisu tvvkato, “Vjak, vdwlo anggor rongo atuv aarikunyi ho rongo rwktin vdwa ogubv mvri kudw?” **41** Bunu mirwksito, “Nw jyjvbv ho nyi alvmanv vdwa mvki reku, okv anggor rongo nga naala kula ninyigv paasv nga jidw lo jilwk jikunv kvvbi rwktin lo tinlwk reku.” **42** Jisu bunua minto, “Darwknv Kitaplo ogugo minpvdw um nonu vdwloka puri rikw mapv nvri? ‘Naam mvnv vdwgv arin kaama vla toa kunam vlwng ngv mvnwngnga arin doyachoknv gubv ritoku. So si Ahtu gv riku namv; si achialvbv kaasartabo rungnv goku!’ **43** “Okv vkvlgabv ngo nonua minjidunv,” Jisu mindvjito, “Pwknvyarnv gv Karv nga nonu gylo konga naalakula okv alvbv apwasi svvlin jikunv nyi vdwlo jireku.” **44** Yvvdw so vlwng aolo lo hopv rinv hv atung ayung reku; okv vlwng angv akonvgv aolo hopv ridw hum amwkamak dubv mvreku. **45** Nyibu butvny vdwv la okv parisis vdwv Jisu gv minchisila minam a tvtokula nw bunugv lvkwng nga mindu nvgo vla tvvchin nyatoku, **46** vkvlgabv bunu ninya naatung dubv rikwto. Vbvrilola bunu nyitwng nga busu nyato, ogulvgavbolo nyitwng ngv Jisuni nyijwk gubv mvngnyato.

**22** Jisu minchisinam lokv minvla nyi vdwa minto. **2** Nyidomooku gv Karv ngv svbv ridunv. Kvvlo dvbv aka dooto, nw ninyigv

kuunyilo gv lvgabv nyida dvpam go pamgyto. 3 Nw ninyigv pakbu vdwa nyi goknam vdwa dvpam lo aalwk tokukv vla minpa modubv vngmu toku, vbvritola nyi goknam vdww bunu aalwk nwngma toku. 4 Vkvlgabv nw kvvbi pakbu gunyi nyi goknam vdwgv lvgabv svbv gaam milwk gvrila vngmu toku: 'Ngo dvpam gv dvnamtvngnama vjak mvpvripv pvkunv; ngoogv svbv svv ngaaka dintwkbv twkpv pvkunv, okv ogumvnwng nga mvpvripv pvkunv. Nyida dvpam lo aalwk nyala kukv!' 5 Vbvritola nyi goknam vdww um tvjvkamv nyato okv bunugv pwsepaase lvkwnglo vngnya toku: akonv nw gv rongolo vngtoku, kvvbiv ninyigv dukan lo, 6 kvvbi gunv pakbu vdwa twkbwng gvrila dvngla, okv bunua mvki nyatoku. 7 Dvbw ngv achialvbv haachi toku; vkvlgabv nw ninyigv sipai vdwa vngmutoku, bunu vngla gwngrw gwnv vdwa mvki toku okv bunugv pamtv nga ramyok jitoku. 8 Vbvrikunamv nw ninyigv pakbu vdwa goklwkl bunua mintoku, 'Ngoogv nyida dvpam a vjak mvpvripv pvku, vbvritola ngoogv nyi goknam vdww sum aala dyyin nvbv rima. 9 Nonu vjak namrwk pinkobv vngnyila nyi kaapanv dvdv nga goktv kuka.' 10 Vkvlgabv pakbu vdww namrwk vdwgv pingkobv vngla bunugv nyi kaapanam mvnwngnga alv jvka alv majvka gokkumto; okv nyida naam lo nyi vdww yarbing toku. 11 "Dvbw ngv nyi goknam vdwa kaabv vngtoku, nw nyi ako nyida vji koomabv oguaingbv so aapvnv?" Vla dvbw ngv ninyia tvkatoku. Vbvritola nyi angv oguka mirwk simato. 13 Vbvrikunamv dvbw ngv pakbu vdwa mintoku, 'Ninyia lypa okv laakka leetoka, okv agum gv kanv kolo orlwk tvkuka. Hoka nw ninyigv hijung nga kotwkkrwkla kapla dooreku.'" 14 Okv Jisu minyabv mintoku, "Mvnwngnga gokpv, vbvritola darnamv miang gomwng." 15 Vbvrikunamv Parisis vdww vngyu laku okv Jisunyi tvunam lokv

tvgrikula kupdubv vla rungtoku. **16** Vbvrikunamv bunu nw-  
bunugv lvbwlaksu mego okv Herod gv nyi vkv Jisu gylo vngmu  
toku. Bunu vngla minto, “Tamsarnv, ngonu chindu no jyjv nga  
mindu. No nyi gv lvgabv Pwknyarnv gv jvjvnv mvngnam lvkwng  
nga tamsardu, nyi vdwv ogugo mvngdudw hum chigamrai madu,  
ogulvgavbolo no nyi gv kai miang nga kimado. **17** Vbvrikunamv,  
no ogubv mvngdu, ngonugv Roman Dvbvyachoknyi lampu jinam  
si ngonugv Pvbv nga rining dunvri ma rining madunvre? **18**  
Jisu, ogubv rijvka bunugv alvmabv rungnam a chintoku, okv  
vkvlvgabv nw minto, “Kaakudvbv rinv nonu! Nonu ogulvgabv nga  
kupdubv rikw nyadunv? **19** Lampu jise lokdwng nga kaatam  
labv!” Bunu lokdwng charge nw gylo bvnglwk jito, **20** okv  
nw bunua tvvkato, “Si yvvgv nyukmu ngvla aminv?” **21** Bunu  
mirwk suto, “Dvbvyachok gv.” Vklvgabv Jisu bunua minto,  
“Alvd, bvvrinamy, Dvbvyachok gvnga Dvbvyachoknyi jilaka,  
okv Pwknyarnv gv-nga Pwknyarnvbv jilaka.” **22** Vdwlo bunu  
sum tvtokudw, bunu lamngak toku; okv bunu ninyia kayu pikula  
vngtoku. **23** Nyi si sitokula lvko turkur kumadunv vla minv  
Sadusis mego ho alu Jisu gylo aato. **24** Bunu minto, “Tamsarnv,  
Moses minto, nyi gunv umvuu doomabv sikubolo, ninyigv boruv  
hvngmi nga doogv gvrila sinv hvkv gvbv umvuu bvngji molaka  
hto. **25** Vjak, achiboru kanw go soka doodung nvgo. Achi  
yachok angv nyimv naatoku okv umvuu dooma dwbv sitoku,  
vkvlvgabv ninyigv hvngmi nga hvkvgv boru hv nywng mvtoku.  
**26** Vbvdvdvbw boru anyi nvnv loka ritoku, aom nvnv loka, okv  
Anyungnga achiboru kanw mvnwnglo. **27** Ataranya ngaku mvvg  
nvngv sitoku. **28** Vjak, sinv vdwv turkur alulo, nyimv nvngv  
yvvgv nywngbv rireku? Mvnwngngv ninyia nywngbv mvpkunv.”  
**29** Jisu bunuam mirwkto, “Nonu achialvbv mvngmurdu! so si

ogulvgavbolo nonuno Darwknv Kitap a vmalo Pwknyarnv gv  
jwkw nga chimanam lvgalo. **30** Sinv ngv vdwlo turkur rikunyi,  
bunu nyidogindung jvbw ridunv nyimv nyilo bv naami siku  
madunv. **31** Vjak, sinv ngv turkurkunam sum: Pwknyarnv gv  
nonua minpv jinam a nonuno lvkoka puri rikw mai? Nw minto, **32**  
'Ngo Abraham gv Pwknyarnv ngv, Isaak gv Pwknyarnv ngv,  
okv Jakop gv Pwknyarnv ngv.' Nw turnv vdwgv Pwknyarnv  
ngv, sinv gvngvma." **33** Vdwlo nyipam v sum tvvtokudw, bunu  
ninyigv tamsar nama tvvla lamngak nyatoku. **34** Vdwlo Parisis  
vdvw Jisu Sadusis vdwa choi dubv mingvnyibv vnam a tvvpa  
tokudw, bunu aakum nyatoku, **35** okv bunugv lokv akony, Pvby  
tamsarnv ako Jisuni tvunam go tvvgv rila mingkup dubv vla  
rikwto. **36** Hv Jisuni tvvkato, "Tamsarnv, Gamkinam gv aralo  
ogolo angv gamlo yachokkv?" **37** Jisu mirwkto, "'Pwknyarnvnyi  
paklaka, noogy Pwknyarnvnyi, no gv haapok raying lokv, no gv  
yalu mvnwng lokv, okv no gv mongrumara mvnwng lokv.' **38** So  
si kaiyachoknv okv dinchi yachoknv Gamki namv. **39** Anyinvbv  
gamlo yachokkv si: No atubongv oguaingbv paksu dudw vBV  
namrwk ajin a paklaka.' **40** Moses gv Pvby mvnwng ngvla okv  
nyijwk mvnwng gv minam v so gv Gamkinam anyi gv arwnglo  
doodunv." **41** Vdwlo Parisis mego aakum nyato kudw, Jisu bunua  
tvvkato, **42** "Nonuno Kristo gv lvkwng nga ogubv mvngdu? Nw  
yvvgv husi bv ridunv?" "Nw Dabid gv husi bv ridunv," vla bunu  
mirwkto. **43** Jisu tvvkato, "Vbvrinamv, ogulvgabv Dabidnyi Dow  
hv ninya Ahtu vla mimu pvnv? Dabid mintoku, **44** 'Ahtu ngoogv  
Ahtunyi minto: Ngo no gv nyimak vdwa no gv lvpa lvkwnglo  
pvma dvdlo ngoogv lakk tangv so dootoka.' **45** Vbvrinamv  
Dabid ninya 'Ahtu' vla minpv bolo, oguaingbv Kristo Dabid gv

husi bv ridubv?" 46 Jisunyi yvvka gaam gamgo ka mirwk nyuma toku, okv ho alu lokv yvvka Jisunyi tvu dubv choopu nyuma toku.

**23** Vbvrikunamv Jisu nyitwng ngala okv ninyigv lvbwlaksu vdwa mintoku. 2 "Pvbv tamsarnv vdwv la okv Parisis vdwv Moses gv Pvbv nga miriadubv tolwkkunam vdwvku. 3 Vkvlgabv nonuno bunugv ritokv vla minam a tvvrung tvka; vbvrijyka, bunugv rinam a rimwng gvyoka, ogulvgavbolo bunu oguaingbv japidudw vbv bunu rima. 4 Bunu nyi vdwgv nangkulo ai ngv baknyu madubv baknam go mvwk jido, ho gv bakjinama baknam lvgabv bunu ridur dubvka lakching ngvka chikka madu. 5 Bunugv rinam minam mvnwngngv nyi vdwa kaakudubv vla rinam gomwng. Kaatoka bunu darwknv Kitap lokv akor a chartv dubv lvktola atubogv toktam lo lvngbwnglo gvn a, okv kaadvtkva vji jenyam a asukoyo dubv gvn a." 6 Bunu dvpam tvngpam lo alvyachoknv dooku a doonwng nyadu okv Jius kumkunaamlo dooku a atu tola gakchodu; 7 Bunu bajar lo mvngdvla salaam mvrwk konwng do okv "Tamsarnv" vla mingku nwngdo. 8 Nonuv "Tamsarnv" vla mirung mase ngv, ogulvgavbolo nonuv tamsarnv akin gomwng doodu okv nonu mvnwngngv achiboru hvku. 9 Okv nonuno sicingmooku so yvnyika 'Abu' vla miyoka, ogulvgavbolo nonugv abuv akin gomwng nyidomooku tv doodunv. 10 Vmaloka nonuno 'Rigvdakgvn' vlaka minse mangngv ogulvgavbolo nonugv rigvdakgvn Kristo akin mwng. 11 Nonu mvnwng lokv yvv kaiyachokbv ridunv, hv miang nvgobv rirunglaka. 12 Yvvdw atubongv kainvgobv mvsu dunv, hv miang nvgobv rire, okv yvvdw atubongv miangbv mvngsudunv, hv kainvgobv rireku. 13 "Vdwnvgo achialvbv mvngru runam gubv rirekunv, Pvbv tamsarnv okv Parisis kaakudubvrinv nonu lo! Nonu nyi vdwgv kaagjalo nyidomooku gv Karv nga mvtum nvngv,

okv nonu atuv aama gvri okv nyi v aadu bv vla rikw nvnga ka  
aamu magvri! **14** Pvbv tamsarnv okv Parisis kaakudubvrinv  
nonu achialvbv mvngru runam gubv rire! Nonu hvngmi vdwa  
riging nvminla okv bunugv naam nesung nga dvritpaapi jila, okv  
kumrinyi tvvpa modubv vla asu dubv kumla! vbvrinam lvkwngbv  
nonugv hirukaya hinse ngv achialvbv alvmanv gubv rireku!

**15** “Pvbv tamsarnv okv Parisis kaakudubvrinv nonu achialvbv  
mvngru runam gubv rire! Nonu nyi ako naalwkkunam lvgabv  
svmasa vdwa durapla okv mooku mvnwngnga vngbo nyala; okv  
vdwlo hum rijik rikudw, nonu bunua lvnyi yago uyumooku bolo  
vngmu dubv myadu, nonu atubongv bolo vngrung jinv aingbv!

(Geenna g1067) **16** Kanvpvram lo vnggvnv nonu, achialvbv mvngru  
runam gubv rire! nonu tamsardo, ‘Yvv akonv Pwknyarnvnaam  
lo milv mvngdunv, hv ogu arin kaama, okv yvvdw ain nam  
Pwknyarnvnaam lo bvnglwka milv dunv, hv milvnam lo doorung  
dunv’ vla. **17** Nyikchingnv nonu! ogulo angv dinchiyanv, ain vri  
vmalo ain nam darwk dubv mvnv yugwng yangvri? **18** Nonu vbvka  
tamsardu, ‘Yvvni gonv Pwknyarnvnaam lo amin bvnglwka  
milv dunv, hv milvnam gv anyung kaama; vbvritola nw amin  
go bvnglwka milv dubolo hv milv namgv anyung doodunv.’ **19**  
Achialvbv nyikchingnv nonu! ogulo angv alvyanyv, amin vri vmalo  
amen nam darwk monv yugwng vri? **20** Vkvlgabv vdwlo akonv  
Pwknyarnvnaam lo milv rikudw, nw hum okv ho gv doonv amin  
mvnwng ngaaka milv dukunv; **21** okv vdwlo nw Pwknyarnvnaam  
lo milv rikudw, nw Naam haka okv hoka doonv Pwknyarnv nyika  
milv dukunv; **22** okv vdwlo yvv nyidomooku a milv nvbolo, nw  
Pwknyarnv gv dooging nga okv ho doonv nw nyika milv dukunv.  
**23** Pvbv tamsarnv okv Parisis kaakudubv riinv vdw nonu achialvbv  
mvngru runam gubv rire! nonuno pwnampaanam lokv miangjeka

vring lokv akin jinam a jibwng gvri, nonunogv nayam lokv ujiuu  
miang nvnga ka, vrvritola nonu pbv lokv dinchi nvnga rimadu  
hv minkiam miriam manam, aya minsunam, okv alv minsunam,  
sum nonu rirung svngv, akonyika kayu mabv. **24** Kanpvram lo  
vnvgvnv nonu! Nonu nonugv tvngku lokv tanyik jarlwk nvnga  
naala naa gvri, vrvritola kemel go dvmit gvri! **25** Pvbv tamsarnv  
okv Parisis kaakudubrvinv vdw nonu achialvbv mvngru runam  
gubv rire! Nonu nonugv taali koobu gv agum a harkak do,  
vrvritola arwng ngv mvvnamrunam mv okv atu mvngwngbv rimin  
kunam mv awyaje duku. **26** Nyikchingnv Parisi nonu! Koobu  
arwng nga kakcho tvka, okv vrvrikubolo agum hvka darwk  
minggv riku! **27** Pvbv tamsarnv okv Parisis kaadubv rinv, nonu  
achialvbv mvngru runam gubv rire! nyibung nga tanu piaknam  
jvbw ridu, hv agum hv kaarinyi kaapudo vrvritola arwng ngv svma  
alo ako ngvku yaaku nvngv doodu. **28** Hvkv aingbv, nonu agum  
lo mvnwngnga alv nvgubv kaatamdo, vrvritola arwnglo nonuno  
tanyumtaa ngv rimur doomur v awyaje duku. **29** Pvbv tamsarnv  
okv Parisis, kaakudubv rinv nonu achialvgo hirukaya hinre! Nonu  
nyijwk vdwgv lvgabv alvnv nyibung mvdu okv nyi alvbw svngto  
kula sinv vdwgv nyibung ngaaka kaapu alvbw kaau pvnanggo  
mvdu. **30** Okv nonuno mindu, nonu nonugv abuapa vdwgv doori  
ho doonv guilo, bunugv rinam aingbv nyijwk vdwa gwngrw gwma  
dunvpv. **31** Vkvlgabv nonuno nyijwk vdwa gwngrw gwnv gv  
husi gubv minduku. **32** Vrvrikunamv, vngnyila nonugv abuapa  
gv rirap kunam a rime tvkuka! **33** Tabw nonu okv tabw vdwgv  
umvuu vdw nonu! Nonuno oguaingbv miyakaya nama paala  
uyumooku bolo ima rinvpy vla dvmin dunv? (**Geenna g1067**) **34** Okv  
vkvlvgabv ngo nonua hum minpa jidunv, ngo nonu gvlo nyijwk  
vdwa vngmure okv chinv mvngnv vdwa okv tamsarnv vdwaka;

nonu bunua kvgonyi mvkire, kvgonyi daapo lo takire, okv kvgonyi Jius kumkunaamlo svnyakpare, okv bunua banggu lokv banggu gunvlo charare. **35** Vbvrikunamv, alvnv nyi mvnwngnga gwngrw gwnv vdwa mvriririt svngv nonu gvlo doolwkre, alvnv Abelnyi gwngrw gwnam lokv naalayila Berukia gv kuunyilo Jakarianyi nonugv Pwknyarnvnaam gvla yugwng gv pingko lo gwngrw gwkunamv. **36** Ngo minam gvbv nonua jvjbv minpa jidunv: So gwngrw gwnv mvnwngnga mvriririt svngv vjakgv nyi vdwlo doolwk rikunv! **37** “Jerusalem, Jerusalem! Nonu nyijwk vdwa mvkito okv Pwknyarnv gv nonu gvlo gindungpingko vngmunam vdwa nonu vlwng orkito! Vdwnvgo ngo noogy nyi mvnwngnga laakhv laakyum dubv ridukubv, poruk roknv gv ruu vdwa ninygv laap lokv lapyumnam aingbv, vbvritola nonu ngam vBV rimuma!

**38** Okv vklvgabv nonugv Pwknyarnvnaam ma toapagga laku oguka dooku mare. **39** Vjakgv lokv rila, ngo nonua mindunv, vdwlo nonu, “Ahtu gv amin lokv aanv nga Pwknyarnv boktalwkji laka” vla mima dvdylo, nonu nga vdwloka lvkodv kaapa kumare.

**24** Jisu Pwknyarnvnaam ma vngyula vngrilo ho ninygv lvbwlaksu vdvv aala ho gv naam vdwa kaakw tvkv vla ninyia mintoku. **2** “Umkv” vla nw minto, “Nonu so mvnwng sum kaanammv alv rungpv. Ngo so nonua minpa dunv: So gv vlwng pwgoka dooku lo doobwng kumare; bunu mvnwngnga ngorlula ngorra rikunv.” **3** Jisu gv Olib moodw lo dootung rilo, lvbwlaksu vdvv aasila nw gvlo aatoku. Bunu ninyia minto, “Ngonua minpalabv, vdwlo so minam vdw si ritv tvdunv, okv noogy aadw hvku okv so si sicingmooku gv ataranya aluv vla kaachin dubv ogugo ritv tvdunv.” (**aiōn g165**) **4** Jisu bunua mirwkt, “Nonuno hima kaaya sutoka, yvnyika mvvkup rikup koyoka. **5** Nyi achialvgo, ngam mingningv vdvv, aare okv minre,

‘Ngoonv Kristo!’ okv bunu nyi achialvgó mvvkupre. **6** Nonuno nyimak gv sudu pvinna, adubv okv nvchibv tvpa tvdu kunv; vbkritola adwkaku mabvka. Hvkvnvngv rirungjinv, vbkritola hv bunu ataranya alu hv aarikunv vnam kaama. **7** Diringmooku vdvw mvmi sireku, Karv vdvw pami sireku. Hoka dvmayarwng ngv okv moobi hv mooku mvnwnglo rireku. **8** So ogumvnwg si kuu bvngtubvngke bv bvngrinyi, achichinam apiabv rire. **9** “Vbvrikunamv nonua mvritririt dukubv okv mvki mvmar dukubv laklwk reku. Nyi vdw mvnwngngv ngoogv lvkwnglo nonua kaanwng kumare. **10** Hvby ririlo achialv nyi go bunugv mvngjwng nga ngoomu reku; bunu koa minsureku okv kaanwng kumabv rimi sireku. **11** Vbvrikunamv mvvnvrund nyijwk vdvw aalwk reku okv achialv nyi go mvvkup rikup reku. **12** Hvkvnv vdvw alvmanv nga dupwng monv gubv rireku, hoka nyi mvnwnggv pakmi sunam mv, ngeya yaya reku. **13** Vbkritola yvvdw gakbwngla ataranya lobv doolin redw, hv bunu ringnam a paare. **14** Okv so gv Alvny Yunying Karv gv lvkwng nga nyi vdw mvnwngnga tvmu dubv nyiamooku mvnwnglo japgo karreku; vbvrigvrikula ataranya aluv aariku. **15** “Nonuno nyijwk Daniel gv minam, ‘Achialvbv Alvmanv Busu Namgo’ kaapare. Hv darwknv mooku lo dakdung reku.” (Puririnv vdwa minpa jidu: Si ogugonyi mindunv chinlaka!) **16** “Vbvrikunamv yvvbunudw Judia lo ridunv, hv bunu moodw vdwllo kicha runglaka. **17** Nyi gunv ninyigv namwng aolo doonv, vdwlloka naam arwngbv aala ninyigv yikungyira nga naadubv rirung mabvka. **18** Nyi gunv rongolo rinv vngkur la ninyigv vji laklwk a naadubv rirung mabvka. **19** Ho aluv mvvga kuu gvñv gvbv okv anv kuu anga doonv gvbv achialvbv mvngru runam gubv rire. **20** Pwknyarnvnyi kumtoka, ho no kamching poolu lo okv Jius Doonu alu lo jokkyu la jokkwng madubv! **21** Ho gv

hirukaya ngv maatarbv hinchi manam alvkuma nvgobv rila, ho  
gv mooku hoka lvkoka rikw manam gubv rire, nyiamooku gv  
rirap lokv vjakgv alu lobv. Okv vbvdvdvbv hoka lvkoka rikw  
kumare. **22** Vbvrilola Pwknyarnv ho gv alua loodwng mopvkunv;  
Nw vBV mvma nvgo yilo, yvvka svngnyu mapvnvpv. Ninyigv  
darnam nyi vdwgv lvgabv, ogubvrijvka, Pwknyarnv ho alu vdwa  
loodwng mopvkunv. **23** "Vbvrikunamv, nyi gunv nonua, 'Kaatoka,  
Kristo si doopvku!' vmaloo 'V nw doopv!' vla minbolo—ninya  
mvngjwng mabvka. **24** Mvvnrurunv Kristo vdwv okv mvvnvrurunv  
nyijwk vdwv aalwk reku; bunu kairungbv lamrwpanam rila okv  
kaasartabobv rire, okv rilabolo Pwknyarnv gv darnam nyi vdwa  
kupdubv mvre. **25** Tvvriato! ngo nonua hv ritv madvbv mincho  
jidunv. **26** "Vmalo rinyu bolo nonua vBV mintamre, 'Kaatoka, nw  
chukrimooku v redu!'—hoka vngma bvka; vmaloo bunu 'Kaatoka,  
nw si tosila doopv!' vla minbolo, um mvngjwng mabvka. **27**  
Nyia Kuunyilo ngv dooriak jvBV nyidomooku mvnwngnga doonyi  
chaagu kiamngv lokv aagia kiamngv lobv loung ngv ungpola  
aariku. **28** "Ogolo svma ngv dooridw, adwn dvnv pvtv ngv  
doookumre. **29** "Hirukaya alu vdwv vngro danam gula, doonyi v  
kanv riku, pooluv ungku mare, nyido tology takar vdwv holu reku,  
okv nyidokolo tology jarkarnv jwkrw gvnv vdwvka bunugv lamtv  
lokv ngeriku. **30** Vbvrirkubolo Nyia Kuunyilo ngv nyidomooku tolo  
kaachin dubv rilwk reku; okv sicingmooku so gv nyi mvnwngngv  
Nyia Kuunyilo gv jwkrw gvla okv kairungbv yunglit nvgobv rila  
doomwk lo aaku nama kaala kapnya riku. **31** Kairungnv tapung  
ngv mire, okv ninyigv nyidogindung vdwa sicingmooku gv  
chvnyung api lo vngmure, okv vBVrikunamv bunu vngla ninyigv  
darnam nyi vdwa Siching gv kvdw dootar gunv lokv dootar  
gunv lobv naakum reku. **32** "Nonuno kaachin sinam lvgabv

koksitkokrik singnv nga tamsar ako sarku laka. Vdwlo so gv hakbv vdwv jejila kaapu laku okv anv harlin laku riku bolo, nonuno dwrw hv nvchi duku vla chindu. **33** Hvkv aingbv, vdwlo nonu so mvnwng sum kaaku bolo, nonuno dw ngv nvchi duku, rirap tvduku vla chinreku. **34** Mvnggap laka so mvnwng si richore vjakgv nyi singnv mvnwng si sitv madvbv. **35** Siching nyido ngv ngelare, vbvritola ngoogy gamchar vdwv vdwloka ngemare. **36** “Ogubvrijvka, yvvka ho alu okv dw v vdwloaatv rinvdw chinv kaama—nyido tologv nyidogindung ngvre vmalo Nyia Kuunyilo ngvre; Abu mvngchik chindu. **37** Nyia Kuunyilo gv aanam hv Noah gv dw lo ogugo ripv kudw ho apiabv rireku. **38** Ho alu svcharmoyer gv aatv madvbv nyi vdwv dvdikdvyik nyato, nyimv nyilo vdwv nywng nyilubv naami sinya toku Noah gv svpw lo aalwkri alu hoka; **39** vbvritola bunu mvngdin kuma, Anyungnga bunua svcharmoyer isihv tvvlula nungla vnggv toku. Nyia Kuunyilo gv aari kunyi vbvdvdvby rireku. **40** Ho gv dw lo nyi anyi gunv rongo ribamre: akonyi naareku okv akonyi hoka kayu reku. **41** Mvvga anyi gunv chvngpar lo daa hwgba sure, akonyi naareku okv akonyi hoka kayu reku. **42** Vbvrirkunamv, nonuno hima sulaka, ogulvgavbolo nonu chima ogunv alulo nonugv Ahtu aarikudw. **43** Naam atuv dvcho nvgv aadw a chinku bolo, nonu jvjvby chinsudo nw yupma bv hula doogv rila, ninyigv naam a dvcho nvnga cholwk momare. **44** Vkvlgabv nonuka lokia agerap sula doolaka, ogulvgavbolo Nyia Kuunyilo ngv nonugv ninyia dvmminmabv dooridw gunyi aariku. **45** “Vbvrinamv, yvvla alvnv okv mvnglaknv pakbu hv? Ho angv hvkv nvgo ninyigv atu hv ninyia kvvbi pakbu vdwa kaayataya mola dvdw tvngdw lo dvmu tvngmunv akobv pvvnam angv. **46** Vdwnvgo mvngpu gubv rire vdwlo ninyigv atuv naam aari kunyi ninyia vbvridubv

kaaku bolo. **47** Rinam gybv vbvriri nvpv ngo nonua minpa jidu, ninyigv atuv ninyia ninyigv yikungyira mvnwngnga kaayataya nvgorv jire. **48** Vbvrilola nw almanv pakbu gubolo, nw atubongv minsu dunvpv nw gv atuv baapubv aakur kumare. **49** Okv nw ninyigv pakbu ajin vdwa dvngrap dunvpv okv dvkium tvngkium dubv dvdu tvngdu nvpv. **50** Vbvrlikunamv ho pakbu gv atuv alu gunyi ninyigv dvmimabv doori gulo okv ninyigv chima dw alulo aakur riku. **51** Atuv ninyia patungpayung mvreku, okv ninyigv kaakudubv rinam aje nga naaria nvbv mvre. Hoka nw kapreku, okv hijung nga kotwkkrwk sireku.

**25** “Ho alu lo Nyidomooku gv Karv ngv vbvrire. Lvkogulo nyijar vring go dooto, bunu bunugv mdurupum a naalayila makbu rijibonga kaarwk sibv vnglin nyatoku. **2** Angu gunv pvcha nyato okv kvvbi angu gunv mvnglak nyato. **3** Pvchanv vdwv bunugv mdurupum a bvngla vngnyato vbvrilola bunu tvli gvpwng mato. **4** Mvnglaknv angu hv bvngia nvnllo bunugv mdurupum lvgabv tvli vkv yarbing dubv bvngtoku. **5** Makbu rijibongv aadu bv tapv toku, vklvgabv nyijar vdwv yumi mirapla yupngak nyatoku. **6** “Ayuyupra bv ritoku, ho sudu go dulinto, ‘Siinv makbu rijibongv! Aala okv ninyia kaarwk sulakuka!’ **7** Nyijar vring ngv hurap nyala bunugv mdurupum baanu nyatoku. **8** Vbvrlikunamv pvchanv vdwv nyebanv vdwa minto, ‘Klai, ngonua nonugv tvli lokv jilabv, ogulvgavbolo ngonugv mdurupum hv ngejiku.’ **9** Nyebanv vdwv mirwkto, ‘Ma,’ ‘Nonu gvbv la ngonu gvbv tvli hv chimare. Dukan lo vngnyika okv nonuno lvgabv rvvti laka.’ **10** Vklvgabv pvchanv nyijar vdwv tvli mego rvvdubv vngnya toku; okv bunugv vngro kochingbv makbu rijibongv aatoku. Nyijar angu kaayanv vdwv makbu rijibonga lvkobv nyida dvpam lo vngming gvtoku, okv agi a koktum toku. **11** “Ayungjvma nga kvvbi vdwv aalwk

nyatoku. Bunu, 'Tamsarnv, tamsarnv! Ngonua arwng aamu labv!' vla kapla goknya toku. **12** 'Ma rung! Ngo nonua chima,' vla makburijibongv mirwk toku." **13** Okv Jisu minyabv mintoku, "Vbvrikunamv nonuno hinsu laka, ogulvgavbolo nonu alu vmal dw nga chima. **14** "Ho alu lo Nyidomooku gv Karv ngv svbv rire. Alu gulo nyi ako dooto, nw adu lo moing vngtv tvvto; nw ninyigv pakbu vdwa goklwk gvrila ninyigv yikungyira nga kaaya dubv tinglwk toku. **15** Nw nyi vdwa rilajinv nga kaala akin—akin a kaagvrila jito: Akonyi nw ain lokdwng hejar angu go jito, akonyi hejar anyigo okv akonyi nw hejar akin go jito. Vbvrikunamv nw moing vngyu toku. **16** Hejar angu lokdwng go naarwknv pakbu angv vjakgobv vngda bongv ninyigv morko nga mvjinmvta toku okv hejar angu godv mvlin jitoku. **17** Ho apiabv ain lokdwng hejar anyigo naarwk sinv pakbu angv hejar anyi godv mvlin jitoku. **18** Vbvritola lokdwng hejar go naarwk sinv pakbu angv vngla, kvdw lo ungrung go dutola ninyigv Ahtu gv morko nga hoka vysi toku. **19** "Achialvgo ayungjvma nga ho pakbu vdwgv atu angv aakur toku okv bunua lvkobv morko nga sapka toku. **20** Lokdwng hejar angu go naarwksinv pakbu angv aatoku okv hejar angu go paatam nam hum laklwk toku, okv minto, 'Atu, no ngam lokdwng hejar angu go jito, okv kaatoka! siinv ngo kvvbi hejar angu gudv ngo paalwk pvkunv.' **21** 'Alvbv ripv, no alvnvgo okv jwkjwkvrwkpv pakbu go!' ninyigv atuv minto, 'No miangnv morko nga alvbv mvjinmvtapv, vkvlvgabv ngo nam kainv morko nga kaaya modubv jire. Aatoka, soka okv ngoogy himpua pumin gylaka!' **22** Vbvrikunamv pakbu morko lokdwng hejar anyigo jinam angv aala okv minto, 'Atu, no nga lokdwng hejar anyigo jito. Kaatoka, vjak ngo hejar anyi godv paalwk pvkunv.' **23** 'Alvbv ripv, no alvnvgo okv jwkjwkvrwkpv pakbu go!' ninyigv atuv minto.

'No miangnv morko nga alvby mvjimmtapv, vklvlgabv ngo nam kainv morko nga rigv modubv jire. Aatoka, okv ngoogv himpu lo pumin gylaka!' **24** Vbvrikunamv lokdwng hejar akin go naarwk sinv angv aala okv minto, 'Tamsarbo, ngo chindu no raainv nyi go; no noogv rongo mvma kolo aam gvdu, okv no noogv aam chima kolo aam nvvdv. **25** Vklvlgabv ngo busula vngla noogv morko nga kvdw lo vysi pkunv. Kaatoka, siinv no gvngvku.' **26** Ninyigv atuv ninyia mintoku, 'No alvmanv okv svpenv pakbu go!' 'No nga rongo mvma kolo aam gvdubv okv aam chima kolo aam nvvdubv chindu ai? **27** Vbvriku nvgo yilo, alv rinvpv, no ngoogv morko nga morko benk lo lvktola ngoogv aakur rikulo kuu naatak la ngo naaku nvgo yilo. **28** Vjak morko nga nw gylokv dvrit gyri kula nyi morko lokdwng hejar vring go doonv lo jitoka. **29** Yvvdw ogugo doodudw, um jitam yayare, okv nw kaiyayabv dooreku; vbyritola yvvnyiv ogu guka dooma dunv, ninyigv achukgo doonam haka nw gylokv dvrit jireku. **30** Svby alvmabv rinv pakbua—agum kanv kolo ninyia ora tvka; hoka nw kapla hijung nga hitwkkkrwk sireku.' **31** "Vdwlo Nyia Kuunyilo ngv Dvby bv rila aarikudw okv nyidogindung mvnwngngv ninyia lkvobv aariku, nw ninyigv Dvby dooging lo dootung reku, **32** okv diringmooku mvnwng gv nyi vdw mvnwngngv ninyigv kaagialo dookum reku. Vbvrikunamv nw bunua anyi gubv mvpin sureku, svlar kaaya nvgy svlar hala yabin a mvpin sunam apiaby. **33** Nw alvny nyi vdwa ninyigv lkbik kiamlo vvpv reku okv kvvbi vdwa ninyigv lkbik tanylo vvpv reku. **34** Vbvrikunamv Dvby ngv ninyigv lkbik tanylo nyi daknv vdwa minreku, 'Aatoka, nonuno ngo Abu gv aya jinam vdww! Nyia mooku a pwkri lokv nonugv lgabv pwklin jikunam Karv nga aala kaato kuka. **35** Ngo kano toku okv nonu nga dvmu toku, tvngnwngto nonu nga tvngse

go jitoku; ngo nyen bv rito nonu nga nonugv naam lo naarwk sutoku, **36** vji gvypa mabv abinto nonu nga vji gvmutoku; ngo lvmato okv nonu nga ringchum yato, patwklo dooto okv nonu nga kaalwk toku.' **37** Alvñv nyi vdvw ninyia mirwk reku, 'Ahtu, vdwlol, ngonu nam kano kvbvi kaapa namv okv nam dvmu kunamv vmalo tvngnwng kunam a tvngse go jinamv? **38** Vdwlol ngonu nam nyen bv kaala ngonugv naam lo nam aamu namv, vmalo abin dubv kaapala nam vji gvmunamv? **39** Vdwlol ngonu nam lvmma dubv okv patwk doodubv kaala nam kaalwk namv?' **40** Dvbv ngv mirwk reku, 'Ngo nonua minpa jidunv, vdwlo nonu ngoogv nyi miang nvgo nyika so vdw sum riku bolo, hv ngo lvgabv rinam vku!' **41** Vbvrikunamv nw ninyigv lakchikiam gv nyi vdwa minre, "Ngo gv lokv vngroto, Pwknvyarnv gv beenam arwng lo doonv vdw nonu! Uyudvbv okv ninyigv nyidogindung vdwgv lvgabv mvpv kunam doobwngnv vmlvo vngroto kulaka!"  
**(aiōnios g166)** **42** Ngo kano toku vbvritola nonu nga dvnam jima, tvngnwngto vbvritola nonu nga tvngse go jima; **43** Ngo nyen bv rito vbvritola nonu ngam nonugv naam vdwlo aamuma, vji koopa mato vbvritola nonu ngam vji jima; ngo lvmato okv patwklo dooto vbvritola nonu ngam ringchumriaima.' **44** Vbvrikunamv bunu ninyia mirwk sireku, 'Ahtu, vdwlol ngonu nam kano dubv, vmalo tvngnwng dubv, vmalo nyenbv ridubv, vmalo vji gvypa madubv, vmalo lvmma dubv, vmalo patwk doodubv kaagvrla ridur maanammv?' **45** Dvbv ngv mirwk reku, 'Ngo nonua minpa jidu, vdwlo nonu ngoogv nyi miang nvnga ridur maanammv hv nga ridur kuma namv.' **46** Vbvrikunamv, so vdwa hirukaya nyema kolo vngmu reku, okv alvnv nyi vdwa turbwngla dookulo vngmu reku." **(aiōnios g166)**

**26** Vdwlo Jisu so mvnwngnga tamsar sarro kochingbv nw ninyigv lwbwlaksu vdwa mintoku, **2** “Nonuno chindu, alu lonyi kochingbv Vngbo Dvmin Pumja ngv, okv Nyia Kuunyilo nga daapo lo takki dubv laklwk reku.” **3** Vbvrikunamv nyibu butvnb vdwv okv nyigagaatv vdwv nyibu Butvyachok Kaipas gv Naam lo kaarwk minsu toku, **4** okv Jisunyi naasila naatung gvrila mvkidubv rungnyato. **5** Bunu minto, “Ngonu Pumja riri soka rima bvjuka, vbvribolo nyi vdwv yalungyachung bv rire.” **6** Jisu Betani lo Saimon vnam kvvlo taik rila silvmanv gv naam lo dooto. **7** Jisu gv dvla doorilo, mvvga nvgo takam pvchwng gulo achialv arv doonv nampunv tvli vkv bbla yila, nw gvlo aala dumpo nga pwke to. **8** Lvbwlaksu vdwv sum kaatola haachi nyato, “Sum mvnwng sum ogubv mva dunvdw?” Vla bunu twka nyato. **9** “So nampunv tvli sum kainvgobv piokgv rila morko nga heemanv vdwlo jibolo alvyare!” **10** Jisu bunugv minam a chintoku, vkvlgabv nw bunua minto, “Nonuno ogubv so mvvga nvnga dwkyva dunv? So si alvnvgv rigvnyibv okv ngam kaapu nvgo riji gvibv. **11** Nonuno alu gv dwkia heemanv nyi vdwa lvkobv ribam dakbam tvdu, vbvritola nonuno ngam alu gv dwkia lvkobv ribam dakbam tvvma. **12** Nw gv ngam ogugo rinam si tvli nga ngoogv ayak lo pwke do ngam svma rijinama richo dunv. **13** Vjak ngo, nonua milv jila mindunv, so Gamlv sum ogolo mooku mvnwnglo japji rikudw, nwgv svbvrinam sum ninya mvngpanam gubv minbwng jila minreku.” **14** Vbvrikunamv lwbwlaksu vring gula anyi lokv akonv—Judas Iskeriot vnam angv—nyibu butv gvlo vngtoku **15** okv tvvkato, “Ngo Jisunyi nonu gvlo koa lwkji kubolo, nonu ngam ogugo jire?” Bunu raaji lokdwng chaam go saplinla ninya jitoku. **16** Hokv kongv Judas Iskeriot Jisunyi bunu gvlo laklwk jidukubv vla age kaarap toku. **17** Vpap lwmabv Vtwng dvdw

Pumja gv lotuloke alu lo lvbwlaksu vdwv Jisu gvlo aala tvvkato, "No ngonua ogolo noogv lvgabv Vngbokunam dvmin a mvpvipv svgo vla mvngdu?" **18** Nw bunua minto, "Pamtv lo nyi ako gulo vnggv rila minpa tvka: Tamsarbo mindu, ngoogv dw ngv aapvku; ngo la ngoogv lvbwlaksu vdwv vngbo dvmin a noogv naam lo rigingre." **19** Jisu gv minkubv lvbwlaksu vdwv vngbo dvmin a mvpvipvla riji toku. **20** Vdwlo arium tokudw Jisu la lvbwlaksu vdwv dvbam dvkubv vla dootung nyatoku. **21** Dvnamb dvbam rilo Jisu minto, "Ngo nonua minpa jidunv, nonugv lokv akonv ngam koa reku." **22** Lvbwlaaksu vdwv achialvbv mvngru nyala okv akonvgv kochingbv akonv ninyia tvvka raptoku, "Ahtu, jvjvbv no ngam mindu nvgo bri?" **23** Jisu mirwkto, "Yvvdw ngam lvkobv vtwng nga taali lo nwkbok mingv dunv hv ngam koa reku. **24** Nyia Kuunyilo ngv Darwknv Kitaplo oguasingbv minpvdw vbvrila nw sire, vbvritola yvvdw Nyia Kuunyilo nga kupnv hv maatarbv mvngru runam gubv rire! ho nyi anga hv alvyayijinyi ninyia dwrwboklin manv guilo!" **25** Judas Iskeriot koanv angv minto, "Tamsarnv, jvjvbvbv no ngam mindu nvgo bri?" Jisu mirwk toku, "No minggv nyibv." **26** Bunugv lvkobv dvdung rilo, Jisu vtwng ariap go naagvrila, umbonyikv vla kumto, pintung piyung toku, okv um ninyigv lvbwlaksu vdwa jitoku. Nw minto, "Sum nonu naato, okv dvtoka, si ngoogv ayak kv." **27** Vbvrikunamv nw koobu a naatoku, Pwknyarnvnyi umbonyikv vtoku, okv um bunua jitoku, "Sum nonu mvnwngngv tvngtoka," nw minto; **28** "Si ngoogv oyv hv, si Pwknyarnv gv umkvapk vnamha mvu pvvnamv, ngoogv oyv hv mvnwng gv rimur vdwa mvnganganam lvgabv sarlin jipvnv. **29** Ngo nonua minpa jidunv, vdwlo ngo nonua lvkobv ngo Abu gv Karv lo anw bv aala tvngbam ma dvdvlo ngo sum aala sum vdwloka tvngdv kumare." **30** Vbvrikunamv bunu

miriminpak go minbam pikula Olib Moodw bv vnglin nyatoku. **31**  
Vbvrikunamv Jisu bunua mintoku, "Siyu gv ayu ching-ching nonu  
mvnwngngv nga kayupila kiyakkipak nyareku, Darwknv Kitaplo  
mindu, 'Pwknyarnv svlar kaaya nvnga mvkire, okv svlar vdwv  
kiyakkipak rekunv.' **32** Vbvrilola ngoogv turkurro kochingbv ngo  
nonua Galili bv vngchoyare." **33** Pitar minda minrala Jisuni  
minto, "Mvnwngngv nam vngyu dajvka, ngo nam vdwloka vngyu  
mare!" **34** Jisu Pitarnyi minto, "Ngo nam minpa dunv, siyu gv ayu  
lo rokpuv kokma dwbv no lvom go ngam chimakov vla minre." **35**  
Pitar mirwk suto, "Ngo noogv lvkobv siitv dajvka, ngo vdwloka  
um mimare!" Okv lvbwlaksu kvvbi vdwvka vbvdvdbv minya  
toku. **36** Vbvrikunamv Jisu lvbwlaksu vdwa lvkobv Getsemane  
vnam mooku lo vngtoku, okv nw bunua minto, "Ngoogv alo  
vngla kumrilo, nonu soka doolaka." **37** Nw Pitar nyila Jibedi gv  
kuunyilo anyia nw gv lvkobv vnggv toku. Nw gvlo achialvbv  
mvngdwk okv mvngruv aatoku, **38** okv nw bunua minto, "Ngo  
haapok gv mvngruv achialvbv kaiyajvla boktak tvduku, soka  
dootola ngam lvkobv hula doolaka." **39** Nw achukgo adubv  
vngla, kvdw lo gublwk dyla okv kumto, "Ngoogv Abua, so si rila  
pvbolo, so ngoogv hinching koobu tvngtv dunam sum naa jilabv!  
Vbvrilola ngoogv mvngnam bvma, noogv mvngnam bvyaka."  
**40** Vbvrikunamv nw lvbwlaksu aom gvlo aalwk toku bunua  
yupngakla doodubv kaapa toku; okv nw Pitarnyi minto, "Si ogubv  
ridu kunvla, nonu ngam lvkobv gunta akin goka hula doonyu  
madunv? **41** Huladarla kumla dooto laka, nonuno pokayarka  
lo holwk madubv. Dow v mvnglwk yadu vbvritola ayak amar  
v mvngkam yama." **42** Lvkodv Jisu vngla okv kumto, "Ngo gv  
Abua, so gv hinching koobu sum ngo tvngma dvdbvlo naa nyula  
manam gubv ridu bolo, noogv mvngnambv riya tukuka." **43** Nw

lvkodv aakur kunamv okv lvbwlaksu vdwa yupngakla doodubv kaapa toku; bunu nyikkv nyiktarla doonyu kuma toku. **44** Jisu lvkodv bunua kayupila okv vngla, okv lvom nvbv gamchar minam akin a minla kumto. **45** Vbvrikunamv nw lvbwlaksu vdwyglo aala kula minto, "Nonuno vjaklodvbv doomin yupmin doi? Kaatoka, Nyia Kuunyilo nga rimurnv nyi vdwgv laak lo laklwkdw gv aadu kunv. **46** Gudungto, klai vnglaju. Kaatoka, siinv ngam koa kunv nyi angv!" **47** Jisu gv minbwng rilo, Judas, lvbwlaksu vring gola anyi lokv akonv aalwk toku. Ninyigv lvkobv Nyibu butv okv nyigagaatv vdwgv vngmukunam nyitwng go riokse okv daadwng bvngnv vkv aagv toku. **48** Koanv nyi angv nyipam nyi vdwa kaachin modubv mvringsmvma go mrvwjito: "Nonu gv naajinam anga ngo mopup nvpvla hum nonu naatung laka!" **49** Judas Jisu gvlo vngdavngrala minto, "Tamsarnv, mvngpuv nam dooming gvlaka," okv ninya mopup toku. **50** Jisu mirwkto, "Ajinha, um baapu bkv!" Vbvrikunamv bunu aalaku, Jisuni naatungla, okv ninya achialvbv letwkkrwk toku. **51** Jisuni lvkobv rinv vdwlokv akonv ninyigv riokse nga svvlin dabuv Nyibu Butvyachok gv nyira gv nyarung nga paalu jito. **52** Jisu ninya minto, "No gv riokse nga svlwk tokuka, yvv mvnwngngv riokse nga naadunv, hv riokse lokv sire. **53** Nonuno chima lare ngo Abunyi ridur lvgabv goklado, okv nw ngoogv lvgabv vjakgobv nyidogindung sipai hejar awgo vngmure? **54** Vbvritola vbvrinam gubv riku bolo, Darwknv Kitaplo so si vbvrirung svngv vnam gaam vdvw jyjv kumare?" **55** Vbvrikunamv Jisu nyitwng nga minto, "Nonuno ngam toa kunam nyi aingbv mvngnya la naatung dubv riokse okv daadwng bvngla yila aanyapvi? Alu gv dwkia ngo Pwknyayarnvnaam lo dootung tvla tamsarto, okv nonuno ngam naatung ma. **56** Vbvritola so mvnwng si ripvnv nyijwk vdwgv

Darwknv Kitaplo lvnknam vdwa jvjv modukubv." Vbvrikunamv ninyigv lvbwlaksu mvnwngngv ninya kayupila kiyu nyatoku. **57** Jisunyi naatung kunv nyi vdwv ninya Nyibu Butvyachok Kaipas gv naam lo boolwk nyatoku, hoka Pvbv tamsarnv vdwvla okv nyigagaatv vdwv dookum nyatoku. **58** Pitar adu-adubv vngming gvtoku, Nyibu Butvyachok gv kvba baaku naam prvr adu aingbv. Nw kvba baaku naam arwngbv aatoku, okv kaayanv vdwa lvnkobv dootung mingv tvla mvnwngngv oguaingbv linri kudw vla kaaria toku. **59** Nyibu butvnb vdwvla okv kvba nyi vdwv Jisunyi mvkidubv vla mvvnam gungnying go mapadubv rikw nyatoku; **60** Vbvrilola bunu ogugoka mapa matoku, mvnwngngv aala ninya mvvnamrunam vkv minkwng kubvka. Atar anyabv nyi anyigo aalwk toku **61** okv minto, "So nyi si minto, 'Ngo Pwknyarnvnaam sum mvyakmvchak gvrila okv alu loom kochinglo um ngo mvkor ladoku.'" **62** Nyibu Butvyachoknv dakrap la okv Jisunyi minto, "Nam gungnying lvnknam vdw so no ogu mirwk sise domai?" **63** Vbvrilola Jisu choibv doobwgto. Nyibu Butvyachoknv lvnkodv ninya tvvkato, "Vjak ngo Pwknyarnv gv amin bv nam tvvka dunv: minpalabv no Kristo okv Pwknyarnv gv Kuunyilo ngvbolo." **64** Jisu ninya mirwk sitoku, "No mingvnyibv. Vbvrilola ngo mvnwngnga minpa jidunv: nonu Nyia Kuunyilo nga vjak lokv naalayila Pwknyarnv gv lakklo doodubv okv mokpu haapam lo dootola nyidomooku toloky aadu bv kaapare!" **65** Vbv minam gula Nyibu Butvyachoknv atugv vji a putakpuyak mvgvrila mintoku, "Si Pwknyarnvnyi nyarjitari namgo! So lvyva lo ngonu gungnying minji nvgo mvngkuma! Nonuno vjak ninyigv Pwknyarnvnyi nyarjitari nama tvvsu gvibv!" **66** Nonuno ogubv mvngpv?" Bunu mirwk suto, "Nw siyin dubv rimur rungpv." **67** Vbvrikunamv bunu ninyigv nyukmu lo tachor chorbiak nyatoku okv dvngtoku; okv

ninyia svbiaknv vdwv **68** minto, "Kristo no ngonugv lvgabv nyikrw kaakato! Chinkato yvvla nam dvngnv!" **69** Pitar kvba baaku naam agum lo dominto ho Nyibu Butvyachok gv paknv akonv aato, okv ninyia minto, "Nooka Galilian go Jisunyi lvkobv rinv golaka." **70** Nw mirwk suto, "Noo ogu gonyi mindu nvbvre, ngo hum chima," vla nw mvnwng gv kaagialo chimakov vla mintoku, **71** okv kvba japku aajiku agi lo vnglintoku. Kvobi paknv akonv ninyia kaatola hoka nyi doonv vdwa minto, "Nw ka Najaret lokv Jisunyi lvkobv rinv go." **72** Lvkodv Pitar chimakov vla mvvdvto okv mirwkto, "Ngo jvjvbv milv jidunv ngo ho nyi anga chima!" **73** Achukgo ayungjvma nga hoka nyi daknv vdwv Pitar gvlo aala minto. "Vmabv nooka bunugv lokv akonv, noogv minam mvnwng lokv no atubongv miring sidu!" **74** Vbvrikunamv Pitar minto, "Ngo milvla jvjvbv mindunv! Pwknvyarnv nga mvrit laka, ngo jvjvbv mima dunvlo! ngo ho nyi anga chimarung!" Vbvrikunamv, vjakgobv rokpuv koktoku, **75** okv Pitar Jisu gv ninyia minam a mvngpa toku: "Rokpuv koktv madvby no nga chimakov vla lvom go mvvla minre." Nw agumbv gwlin dukula achialvbv mvngrula kaptoku.

**27** Arukamchi bv Nyibu butv mvnwng ngvla okv nyigagaatv vdwv Jisunyi riningla mvki dukubv rungtoku. **2** Bunu ninyia rvngja mvlwk toku, linggv toku, okv Roman gobunor Pilot gvlo laklwk toku. **3** Judas koanv angv vdwlo Jisunyi miakaya pukukv vla chinto kudw, nw mvngdin toku okv raaji lokdwng chaam a naatokula Nyibu butvnu vdwgvlo okv nyigagaatv vdwgvlo bvngkur jitoku. **4** Nw minto, "Alvnu nyi nga koa la mvki monam si ngo rimur tokubv!" Bunu mintoku, "Hum ngonu oguriya dubv, hv noogv pwkor paakor gv ridung ngv!" **5** Judas lokdwng nga Pwknvyarnvnaam lo orlwk pikula vngtoku; vbvrikunamv vnglaku

okv nw atubongv hoksar sila sitoku. **6** Nyibu butvnv vdwv lokdwng nga naarapla mintoku, "Si oyi morko ngv, okv sum pwknvyarnvnaam gv morko vvpvkolo lwkbolo Pvbv nga rinying jire." **7** Vbv minla koching so bunu ho lvkwng nga minjupminsi toku, ho morko nga bunu pvchwng pwknv nyi gv kvdw a rvnv nvto okv hum kvdw a kvvbi mooku lokv aala sinv vdwa svma riikubv mvtoku. **8** Hvkv lvkwngbv ho rongo nga ho alu lokv "Oyi rongo" vla mintoku. **9** Vbvrikunamv nyijwk Jeremia gv minamv jvjvbv rilin toku: "Bunu raaji lokdwng chaam a naatoku, Israel nyi vdwgv ninya jidubv vla tolwkkunam morko nga, **10** okv morko nga pvchwng pwknv nyi gv kvdw a rvnv nvtoku, Ahtu gv nga minpia aingbv." **11** Jisu Roman gobunor gv kaagialo daktoku, hv ninya "Noo Jius vdwgv Dvbw ngvre?" vla tvuto. Jisu mirwkto, "No minam hv kv." **12** Vbvrilola nw minto, Nyibu butvnv vdwgv, okv nyigagaatv vdwgv gungnying milwknam lo oguka mirwk simato. **13** Vkvlgabv Pilot ninya mintoku, "Nam so ogumvnwng gungnying milwk nama no tvpa madunvre?" **14** Vbvrilola Jisu gamgoka mirwk sumato, hum kaala gobunor angv achialvbv lamtoku. **15** Vngbokunam Pumja rirap dwkibv Roman gobunor hv nyitwng gv koonam patwklo tumnam nyi akonyi tulin dukubv ribwng ako dooto. **16** Ho gv dw lo mvnwng gv chimbwng kunam nyi ako aminv Jisu Barabas vnamgo patwklo dooto. **17** Vkvlgabv vdwlo nyitwng ngv aakum tokudw, Pilot bunua tvvkato, "Nonuno nga nonugv lvgabv yvnyi tulin svgo vla mvngdu? Jisu Barabas vnam sumre, vmalo Jisu Kristo vnam sumre?" **18** Jius nyi kainv vdwv Jisuni kavtarv laila ninya nw gvlo lakiwk pnv vla Pilot alvrungbv chintoku. **19** Pilot gv jwngkadakaku dooging lo dootungla doorilo ninyigv nyimv ngv gaamgo milwkla mimuto: "Ho nyi alvnvnga oguka

rima bvka, ogulgavbolo siyu ngo yuma mala, ho nyi angv gv  
lvkwngbv achialvbv hirukaya himpvnv.” **20** Nyibu Butvnv vdvw  
okv nyigagaatv vdvw nyitwng nga Barabasnyi anyubv tulin tvkv  
okv Jisunyi mvki tvkv vla Pilotni mintokv vla miarto. **21** Vbvrilola  
Pilot nyitwng nga tvvkato, “So nyi anyi sokv yvvnyi ngam nonugv  
lvgabv tulin jilabv vla mvngdu?” “Barabasnyi” vla bunu mirwkto.  
**22** Pilot bunua tvvkato, “Vbvrilolam Jisu Kristo vla minam sum  
ngo ogu mvdubv?” Bunu mirwkto, “Nyinyi daapo lo takkito!”  
**23** Vbvrilola Pilot tvkato, “Nw ogurimur go ripv?” Vbvrilolam  
bunu gamtvayabv gokla minto: “Nyinyi daapo lo takkito!” **24**  
Vdwlo Pilot so ribwng minbwng tvbolo oguanyung kaamare,  
yalungyachung yabvyia riya jinv go vla kaapa tokudw, nw isi  
koobu goya naagv rikula, si nonugv rinam mv, ngogvbv so nyi gv  
sinamv ogu aje doyama vla nyitwng gv kaagialo lasok toku. **25**  
Nyitwng lokv nyi mvnwngngv mirwkto, “So nyi gv sinam gv aje  
nga ngonu gvlo okv ngonugv umvuu vdwgvlo doolwk molaka!”  
**26** Vbvrilolam Pilot Barabasnyi bunugv lvgabv anyubv tulin  
jitoku; okv Jisunyi svnyak pamuro kochingbv nw Jisunyi bunu  
gvlo daapo lo takki modukubv laklwk jitoku. **27** Vbvrilolam  
Pilot gv sipai vdvw Jisunyi boola yila gobunor gv naam lo aagv  
toku, okv nyi mvnwngngv ninya doyumdoch nyatoku. **28** Bunu  
ninyigv vji a pilin toku okv vji lwngching lwngbo nvgo pilwk toku.  
**29** Vbvrilolam bunu tvv doonv hakbv ako naala um biotung  
bv mvtola ninyigv dumpo lo pilwk toku, okv bangngi daago  
ninyigv lakkib laak lo laklwk gvrila; vblrilolam bunu ninyigv  
haabo lo gublwk gvrila nyarjikau nyatoku. Bunu minto, “Jius gv  
dvbv, turbwng laka!” **30** Bunu ninya tachor chorbiak nyatoku,  
okv laak gv bangngi nga naartla ninya dumpo nga dvngto.  
**31** Vdwlo bunu ninya nyarjikau rise nga rinya tokudw, bunu

ninyigv jvkoklaklwk ka naalin toku okv ninyigv vji gvvbwng nga pikur lwktoku. Vbvrikunamv bunu ninyia daapo lo takki dubv vla vnglin gvtoku. **32** Vbv bunugv vnglinla vngdungrilo, bunu Sairene lokv nyi aminv Saimon vnam a vngrwk suto, okv sipai vdwv ninyia Jisu gv daapo nga baktovk vla mintap minrap to. **33** Bunu Golgota vnam kvdw lo aalwk toku, so gv minam si, "Dumpo pakumku." **34** Hoka bunu Jisuni kvchaknv mvyomvchinam opo vkv jito; vbvritola um Jisu riakka gvrila tvngku mato. **35** Bunu ninyia daapo lo takki toku okv vbvrikunamv ninyigv vji a vlwng likw sila orpin oryin minsu toku. **36** Vbv mvro kochingbv bunu hoka dootung tokula ninyia kaaria nyatoku. **37** Nyinyia gungnying lwknam hum bunu: "Si Jisu, Jius vdwgv Dvbv ngv" vla lvktokula, nyi mvnwngnga kaamu dubv vla ninyigv dumpo aolo timpv jitoku." **38** Vbvrikunamv bunu Jisu gv lvkobv rimurnv nyi anyi guka, akonyi ninyigv lakkik tangvlo okv akonyi ninyigv lakchi tangvlo daapo lo paggin pvvtku. **39** Hoka vngpiknv nyi vdwv Jisuni kaagvrila dumpo ngv dumpv-dumpvla nyarjikau nyatoku: **40** "No, Pwknyarnvnaam a mvyak gvrila okv hum alu loom lo mdvi tvkunv! No Pwknyarnv gv Kuunyilo ngvbolo atubongv ringsu tvkuka! Daapo lokv itokuka!" **41** Ho apiabv Nyibu butvnu vdwv okv Pvbv tamsarnv vdwv okv nyigagaatv vdwv ninyia nyarjikau nyatoku: **42** "Nw kvvbi vdwa ringdu, vbvritola nw atubongv ringsu nyumado! nw Israel gv dvbv mangvri? Vjak nw daapo lokv ikubolo, ngonu ninyia mvngjwng riku! **43** Nw Pwknyarnvnyi mvngjwng nvgo, okv Pwknyarnv gv Kuunyilo bv minsudo. Vbvrikunamv alvpv, kaaria laju, vjak Pwknyarnv ila ninyia ringri kudw!" **44** Nvnyia lvkobv daapo lo pakpvnam rimurnv nyi anyi hvka, ninyia ho apiabv nyarjikau toku. **45** Alu lopo lo mooku mvnwnglo kanvjeriak toku, hv gunta aom gobv

doobwngto. **46** Alu gv aom baji nnvlo Jisu achialvbv svgokla gokto, "Eli, Eli lema Sabakthani?" So gv minam si, "Ngoogv Pwknyarnv, ngoogv Pwknyarnv, no nga ogubv topu duku nvla?" **47** Hoka nyi mego daknv vdwv tvvpa gvrila minyato, "Nw Elijahi gokdu!" **48** Bunugv lokv akonv vjakgobv joklwkla, svngchak alum a naala, kungsoknv opolo svbok gvrila, okv um singda nyiktoklo putin tvla, okv ninya tvngmu dubv rikw toku. **49** Vbbritola kvvbi vdwv minto, "Dooyato, lvkonyika Elija aala ninya ringji nvgobvre, kaaria laju!" **50** Jisu lvkodv achialvbv svgokla, okv saknamma saknya toku. **51** Vbvrikunamv Pwknyarnvnaam lo vji torchik nnvng adum lokv ako lobv anyi gubv takpin sutoku. Sichingmooku si moobi hwktoku, lvngtak kv takpin takyin sutoku, **52** nyibung ngv detakla kokdariaka patoku, okv Pwknyarnv gv nyi sikunv vdwv turkurla svngnya toku. **53** Bunu nyibung nga vngyu nyatoku, okv Jisu gv sitokula turkurro kochingbvku, bunu Darwknv Pamtv lo vngnya toku hoka nyi achialvgo bunua kaatoku. **54** Armi nyigam angvla okv sipai ninya lvkobv rila Jisuni kaadungnv vdwv moobi hwknam a okv nvgwng nvbv rinam a kaatokudw bunu achialvbv lamngak nyato okv minto, "Jviv rungbv nw Pwknyarnv gv Kuunyilo gurung!" **55** Hoka mvvga achialvgo doonyato, bunu adu lokv kaanyala doonyato, bunu Jisuni Galili lo vngming gvnv, okv ridurnv vdwv. **56** Bunu vdwv, akonv Meri Magdalene, Jems gyla Josep gv anv Meri, okv Jibedi gv nywng. **57** Vdwlo ho arium tokudw, Arimatia lokv nyitv nyi go aachi toku, ninyigv aminv Josep, okv nw ka Jisu gv lvbwlaksu go. **58** Nw Pilot gv dookulo aala okv Jisu gv svma nga kootoku. Pilot svma nga Josepnyi jidubv milin jitoku. **59** Vkvlgabv Josep svma nga naatoku, vji pakria anwnv lokv puching toku, **60** okv um nw atubogy nyibung lo joolwk toku,

hv ninyigv vlwng lvngtak ka ungrungbv kodak sopik namgo. Vbvrikunamv nw vlwng pwktv nvgo nyibung agi a ngortum pikula vngyu toku. **61** Meri Magdalene okv kvbi Meri gunv nyibung nga doorwk tvla dootung nyato. **62** Alu logo nvnga, hv Jius Doonu alu bv rito, Nyibu Butvnv vdvwla Parisis vdww Pilotnyi lvkobv kaarwk sutoku **63** okv minto, "Tamsarnv, ngonu mvngpadu ho nyi mvvnv angv gv turla rire hoka nw minto, 'Ngo alu loom kochinglo turkur reku.' **64** Vbvrikunamv, no ninyigv nyibung nga alu loom nvnv tolo lobv sipai vdwa mingvrila dakria motoka, ogulgavbolo ninyigv lvbwlaksu vdww aala nw gv svma nga chola madubv, okv bvrikunamv nyi vdwa nw sinam lokv turpv kunv vla mima dubv. So gv ataranyabv mvvnam angv si mvvcho kunam vdwa kaiyabv alvmanv gubv riyi npvpla." **65** Pilot bunua mintoku, "Dakria moto laka, okv nyibung nga nonugv lvglvma lokv haatinklin dubv mvto laka." **66** Vkvlgabv bunu vnglaku nyibung nga achialvbv haatinklin dubv mvgvrikula kaachin dubv vlwnglo mvu lwktoku okv sipai vdwa dakria nyadubv vngyu nyatoku.

**28** Jius vdwgv Doonualu kochinglo, Vjwng alugv aru doonyi nyilin rilo, Meri Magdalene okv dvbv Meri akonv nyibung nga kaalwkbv vngtoku. **2** Lamdokpada dubv hoka moobi go achialvbv hwkto; nyidomooku tolkov Ahtu gv nyidogindung ngv itoku, vlwng nga ngora jitola okv hoka dootung toku. **3** Hv dooriak jvbv kaanam go, okv ninyigv vjiv tapam aingbv yapung toji toku. **4** Dakyanv sipai vdww bunu achialvbv busu sungak laku jinjinpaperla nyi sinv aingbv rinya toku. **5** Nyidogindung ngv mvvga vdwa mintoku. "Nonuno busu rungma bvka, ngo chindhunonu daapo lo takkinam Jisuni makar dunvgo. **6** Nw si domakv; nw turrapla gudung ropvkunv, ninyigv minam aingbv. Soka aala kaatoka ninyigv karku a. **7** Vjak baapubv vngnyika, okv

ninyigv lvbwlaksu vdwa minpa jilaka, ‘Nw sinam lokv turkur pvkunv, okv vjak nonua vngchoyala Galili bv vngdungdo; hoka nonu ninyia kaapa reku!’ Ngo nonua ogugo minpvdw mvngpa laka.” **8** Vkvlgabv bunu baapubv nyibung nga vngyu toku, busu bvla okv mvngpu bvla ritola, ninyigv lvbwlaksu vdwa minpa dubv joktoku. **9** Lamdokpada dubv Jisu bunua kaarwksula okv minto, “Mvngpuv nonugv lvkobv dooming gvlaka.” Bunu nw gylo aatoku okv ninyigv lpa nga jarbwng nyatola ninyia kumnyajonya toku. **10** Jisu bunua minto, “Busu mabvka, vngnyila ngoogv boru vdwa Galili lo vngdubv minpa jiteka, okv hoka bunu ngam kaapa reku.” **11** Mvvga vdwgv lamtvlo vngdungrilo, nyibung nga dakrianv sipai megonv pamtv bv vngkur lakula ogugo ripvkudw ho mvnwngnga Nyibu butvnbv vdwa minpa jitoku. **12** Nyibu Butvnbv vdwv nyigagaatv vdwa kaarwksula bunugv mvngnam a rungtoku; bunu sipai vdwa morko achialvbv jitola. **13** okv minto, “Nonu vBV minlaka, nonugv yupla doorilo, ninyigv lvbwlaksu vdwv ayu bv aala ninyigv svma nga dvchoola baggv yinv vlaka. **14** Okv so yuning sum gobunor tvpa bolo, ngonu ninyia tvvlwk dubv minre, ho vdwv chimapvnv vla, ho lvgabv nonu mvngdwk mabvka.” **15** Nyibung nga Kaayanv sipai vdwv morko nga naagvrikula, bunugv minkubv riji toku. Okv vkvlgabv so yuning sum Jius nyi vdwv vjaklodvbv dugola dupwng modu. **16** LvbwlaKSU vring gula akin vdwv Jisu gv vnglakv vku Galili gv moodw lo vngtoku. **17** Vdwlo bunu ninyia kaapa tokudw, kvgonv mvngjwng matolaka, bunu nvnyia kumtojotoku. **18** Jisu bunugv nvchilo aala minto, “Ngam nyidomooku okv sicingmooku mvnwngnga rigvdogy nvgobv jipvkunv. **19** Vbvrikunamv, nyi vdw mvnwng gylo vngnyika okv bunua ngoogv lvbwlaksubv myteritekuka: bunua Abu gyla, Kuunyilo gyla, okv Darwknav Dow

gv amin bv baptisma jilaka, 20 okv ngoogy nonua gamki nama  
bunua tamsar gvrila tvvmurimu laka. Okv ngo alu gv dwkibv  
nonua lvkobv reming gvvre, ataranya alu lobv." (aiōn g165)

# Mark

**1** Si Pwknyarnv gv kuunyilo, Jisu Kristo gv Alvñv Yunying ngv  
2 Si nyijwk Aijaya gv lvkpv kunam aingbv rirap toku: "Pwknyarnv  
minto, 'Ngo ngoovg gindungpingko nga nonu gylo vngcho more  
nw nonugv lvgabv lamtv nga mvko jire.' **3** Chukrimooku lo nyi  
go gokdungdo, 'Ahtu gv vngku lvgabv lamtv nga sorchi dvbv  
pacho laka!" **4** Vkvlgabv Jon chukrimooku lo aalwkto, baptisma  
jitoku okv Japkar toku. "Nonu rimur lokv lintokuka okv baptisma  
naalakuka," Nw mintoku nyi vdwa, "Okv Pwknyarnv nonugv  
rimur a mvngnga jiriku." **5** Judia mooku lokv okv Jerusalem  
pamtv lokv nyi achialvgo Jon gv minam a tvvbw linlaku bunu  
atubogv rimur a mintam jilaku Jon gylo Jordan svko lo baptisma  
jiku toku. **6** Jon Kemel gv amw lokv chumnam vji a kooto  
okv ninyigv kipo lo apin hook go hokto okv ninyigv dvnam v  
takamyarup okv mootum gv tangu-ngula. **7** Nw nyi vdwa minpa  
jito, "Ngoovg kochinglo ngam kaiyanvgo aare ngo ninyigv lvsup  
a choobap la taasok yadubvka alvka yama. **8** Ngo nonua isi  
lokv mwng baptisma jidu, vbvritola nw nonua Darwknv Dow lokv  
baptisma jireku." **9** Ayungjvma nga Jisu Galili mookugv Najaret  
lokv aalaku, Jordan svko lo Jon gylokov baptisma jiku toku. **10**  
Jisu isi lokv daklin sopikda, nw kaapato nyidomooku v kokok  
dubv okv Dow v taakw jvbw nw gylo holwk dubv kaato. **11** Okv  
ho nyidomooku lokv gaamgo gokto "No ngoovg pakyachoknam  
kuunyilo akin v, nam lvkobv ngo mvngpu dukunv." **12** Vjakgobv  
Darwknv Dow hv ninya chukrimooku lo vngdubv mvto, **13**  
hoka nw alu champigo dookunamv, mootum lo Uyu ngv ninya  
pookayarka toku. Hoka svnwngsvmin vka dooto, vbvrikunamv  
nyidogindung vdwv aatoku okv ninya ridur toku. **14** Jonnyi patwk  
tumlwkro kochinglo, Jisu Galili mookulo vngla okv Pwknyarnv

lokv Alvnv Yunying nga japkar toku. **15** “Alvnv alu v aadukukv,” nw minto, “Okv Pwknyarnv gv Karv ngv nvchi dukukv rimur lokv lintokuka okv Alvnv Yunying nga mvngjwng tvka!” **16** Jisu Galili gv svparslv lvgumlo vngkar rikulo, ngui naanv nyi anyigo nw kaapato, Saimon okv ninyigv boru Andriu, vsap lokv ngui naadungto. **17** Jisu bunua mintoku, “Ngam lvkobv aato, okv ngo nonua nyi naadubv tamsarre.” **18** Vjakgobv bunu vsap a topu pikula okv ninya lvkobv vngtoku. **19** Nw achukgo vnglindvda hoka boru anyi godv kaapa toku, Jebedi gv kuunyilo Jems okv Jon bunyia. Bunu bunugv svpw arwnglo vsap a mvdinla dootoku. **20** Jisu bunua kaapa namgola nw bunua gokto; ho bunu bunugv abu Jebedi okv riria jinv bunua svpw lo doomupila okv Jisuni lvkobv vngtoku. **21** Jisu okv ninyigv lvbwlaksu vdwv Kaparnaum banggu lo aatoku, okv akonvgv Jius Doonualu lo Jisu Jius kumkunaam lo vngtoku okv tamsar rapto. **22** Nyi vdwv ninyigv tamsar nama tvvla lamrwpayato, oglvgavbolo nw pvbv tamsarnvbv mimabv tojupkunam jvbw tamsar yato. **23** Vjakgobv bunugv Jius kumkunaamlo ho alvmanv dow v nyi ako gvlo aakunamv nw gamtv rungbv segokto, **24** “Najaret gv Jisu No ngonu gvlo ogugo naadubv? No ngonua soka mvyakmvchak dvbvi? Ngo chindu no yvwdw—No Pwknyarnv gv darwknv gindungpingko ngv!” **25** Jisu gamki la dow a minto “Mimabvk, no nyi lokv liro tokuk!” **26** alvmanv dow v ho nyi ham achirungbv hwkdin moto okv gamtv rungbv segok moto, okv nyi lokv lintoku. **27** Nyi mvnwngngv achialvbv lamrwpanya lakula akin-akin v mirwk minsu raptoku, “Si ogu goda? Si re jvjbv ogu gonyi anw bv tamsarnamv? So nyi angv si tojupkunam go nw alvmanv dow vdwaka kaanam namla do okv bunuka ninya tvjidu!” **28** Okv vkvlvgabv Jisu gv lvkwng yunying ngv Galili gy mooku mvnwnglo

baapu bv dupwng toku. **29** Jisu okv ninyigv lvbwlaksu vdwv  
Jems okv Jon bunya mintala, Jius kumkunaam ha kayupila  
okv vngdavngrala Saimon okv Andriu gv naamlo vnglwkt. **30**  
Saimon gv ayu gadw lo ramla lvmala dooto, Jisu aachi sopikda,  
bunu ninya hvkvgy lvgabv minjito. **31** Jisu ninyigvlo aato,  
laak lokv gakbwngto, okv ninya ridurla dakrap dubv svyinto.  
Ramnam hv nw lokv ngetoku, okv nw bunua jiraphorap toku.  
**32** Doonyi v poklwkro kochingbv ariumrikulo hoka nyi vdwv  
lvmavn mvnwngnga okv vram naanam nyi vdwa Jisu gvlo  
aagvjito. **33** Banggu hokv nyi mvnwngngv aakumla naam agi lo  
dakpamto. **34** Jisu awgo nvgwngnv lvmma nvnga mpujito okv  
awgo uyuvram haka chara jito. Nw uyuvram vdwa gaam milin  
momato, ogulgavbolo bunu chinsuto nw yvvdw. **35** Aru gonvgv  
arukamchi bv puaharing madvbw kanv dvdbv, Jisu gudungla  
okv naam lokv vngtoku. Nw banggu ha vngboto jimiku mooku  
golo, hoka nw kumto. **36** Vbvrilola Saimon la ninyigv ajin vdwv  
vnglinto Jisunyi makarby, **37** okv vdwlo bunu nw a kaapa tokudw  
bunu minto, "Mvnwng hv nam kaakardu." **38** Vbvrinamv Jisu  
mirwksito, "Ngonu vngrung laju kvvbi dokardovr nampum vdw  
soka. Ngo bunugv lvgabv japtam jidubv, ogulgavbolo ngo hvkv  
lvgabv aapvn." **39** Vklvgabv nw Galili mookulo mvnwngnga  
vnggola okv ho vdwgv Jius vdwgv kumkunaamlo mingojito okv  
uyuvram vdwa charkak jito. **40** Apin hv yaarikla arwnam lvmavn  
nyi go Jisu gylo aato, lvmwgngv kumpvto, okv mvdur lvgabv  
ninya dinchi rungbv koto. "No mvnggilo," nw minto, "No nga  
darwk dubv mvlare." **41** Jisu aya mvngpato, okv ninyigv laak v  
ilindola nyi ham mambwngto. "Ngo mvnggidu," nw mirwk toku.  
"Darwk tokuka!" **42** Vjakgobv nyi agv lvmma ngv ngetoku, okv nw  
darwk toku. **43** Vbvrinamv Jisu ninya kadwk rungbv minto okv

ninyia vjakgobv vngmu toku 44 ninyia “Tvvtoka, so gv rinam sum yvvnyika mintam mabvka,” vla mingv rikula. “Vbvritola nyibu gvlo vngdavngra laka okv ninyia no jwngkadaka kolaka; hvbv rigvrila nyichar mvnwngnga no poorung pvku vla chimu laka, Moses gv ortojinam lokv erinpeelwk a rinto laka.” 45 Vbvritola nyi angv vngtoku okv minrap toku Yunying nga mooku mvnwnglo dupwng motoku. Nw vvb achialvbv minkunamv Jisu ka banggu lo nyi ha kaapa kodubv vngnyu kumato. Vmabvya, nw agumlo jemataiku mookulo dootoku, okv mooku mvnwng gv nyi vdwv nw gvlo aakumto.

**2** Alu lonyi loom gv kochinglo Jisu kaparnaum lo vngkur toku, okv ho nw naam lo doopkv vla yuning ngv dusik toku. 2 Vkvlgabv hoka nyi vdwv achialvbv aakum kunamv aronv karchung goka dooku mato, okv agi gv agum loka dooku kaamato. Jisu bunua doin japjito. 3 Vdwlo nyi api v aalwk tokudw, digwngnv nyi go Jisu gvlo joolwk toku. 4 Nyi twngtv kunam lvgabv, ogubvrijeka, bunu nyi um ninyi gvlo aagv nyumato. Vkvlgabv Jisu ogolo doopvdw ho tintwbv bunu namwng aolo ungko go mvko toku. Vdwlo bunu mvko tokudw bunu nyi a ninyigv joko lo karmu tvla soolu jitoku. 5 Bunugv achialvbv mvngjwng kunam a kaagv rikula, Jisu digwngnv nyi anga minto, “Ngoogv kuunyilo, noogv rimur vdwa mvngnga jipvkun.” 6 Pvbv tamsarnv megonv ho vdwv doodum tvla bunu mvngsu nyato, 7 “Ogubv so nyi si svbv gaam minladunv? Si Pwknvyarnvnyi nyarjitarl namgo! Pwknvyarnv akin mwng yvvdw rimur ham mvngnga ladunv!” 8 Vjakpi gobv Jisu chintoku ho vdwgv ogugo mvngnam am, vkvlgabv nw bunua minto, “Ogubv nonu vBV mvngdunv? 9 Vbvri minpubv minla, so digwngnv nyi sum, ‘No gv rimur vdwa mvngnga pvkunv,’ vmaloo mindubai, ‘Gudunglak, naraplak noogv karpunvnv nga,

okv vngkarto'? **10** Vbvrijyka Nyia Kuunyilo ngv nyiamooku so rimur ham anyubv kayu jidubv tojupkunamv doodu hum ngo kaatam dubv rinam go." Vkvlgabv nw digwngnv nyi a minto. **11** "Ngo nam mindu, dakrap tvkuka, naaraplak noogv karpunvnv nga, okv naam lo vngnyikuka!" **12** Vbvririlo ho mvnwngngv kaadumto, nyi angv dakrap laku, ninyigv karpunvnv nga naarap toku, okv baapubv vngtoku. Bunu mvnwngngv lamngaknyato okv Pwknyarnvnyi hartvla, minto, "Ngonu vdwloka svkvnvgo ogugoka kaakw mapvnv!" **13** Jisu Galili svparsvlv adarlo lvkodv aakur toku. Nyitwng go nw gvlo aakumto, okv nw bunua tamsar rapto. **14** Nw vvb vngrilo, nw kaapato lampu naakumyanv, Lebi Alpius gv kuunyilo, ninyigv opislo dooto. Jisu ninyia minto, "Nga vngming gvtv." Lebi gudungto okv nw a vngming gvtoku. **15** Kochinglo Jisu Lebi gv naamlo dvnam dvla dooto. Twngtv rungnv lampu naakumyanv okv toa kunam nyi vdwvka Jisuni vngming gvtv, okv ninyi gvlo megony aapwngto okv ninyigv lvbwlaksu vdwv tvbul adarlo dooto. **16** Pvbv tamsarnv nyi mego, Parisis nyi vdwv, Jisuni lampu naakumyanv vdwa okv toa kunam nyi vdwa lvkobv dvdbuy kaapato, vkvlgabv bunu ninyigv lvbwlaksu vdwa tvuto, "Ogubv nw vkvnv nyi vdwa lvkobv dvduv?" **17** Jisu bunuam tvvpato okv mirwkto, "Nyi ngv yvzbunudw chrvv nvngv Daktor a dinchima, vblrivola yvzbunudw lvvmanvngv mwng. Ngo mvngdvnv nyi vdwa gokbv aamato, vblrivola rimurnv vdwa." **18** Doopam gulo Jon gv rigvnam vdwv la okv Parisis vdwv bunu yikla doonyato. Nyi megony Jisu gvlo aato okv ninyia tvuto, "Si ogu vdw Jon gv lvbwlaksu vdwv la okv Pharis gv lvbwlaksu vdwv yikla doogvre, vblrivola no gvngv dooma dunv?" **19** Jisu mirwkto, "Nonuno nyidaloo doonv vdwa dvmatvngma bv vngmu dukubv dvmin dunvre? Hvbv rirung mare! Makbu v doodv dvbv

bunuam, bunu hvbv rimare. **20** Vbvratola alu go aariku makbu a bunugv loka vnggv roriku, okv vbvratololo bunu ho yigrap reku. **21** “Yvvka vji jenw ariap ham vji jikulo hamtak lwknv kaama; Vbvratololo ninyigv jenw hamlwk namv takche rikunyi takgv riku okv ungko ngv kootv yayare. **22** Yvvka anggor ala anw ham pumchup akulo pwlwknv kaamare; vbvribolo anggor ala anw ngv pumchup aku lo hypokre, okv anggor ala ngyla pumchup v alv mariku. Vmabvya anggor ala anw a pumchup anw lo pwlwk yadunv.” **23** Jius Doonualu golo Jisu radv rongo apum gulo vngpitla vngto. Nw gv lvbwlaksu vdwa lvkobv vngming gtvo, bunu radv damw dooku ham gakbwngla pikrap nyatoku. **24** Vkvlgabv Parisi vdww Jisuniy minto, “Kaato laka, noogy lvbwlaksu vdww jius Doonualu lo vbvrinam si ngonugv Pvbv nga riningdu!” **25** Jisu mirwkt, “Nonu Dabid vdwllo dvnam go dvnwng rilo ogugo ribvdw um nonuno lvkoka puri rikw mai? Nw la okv ninyigv nyi vdww kano toku, **26** hoka nw vngtoku Pwknyarnv gv naamlo okv dvtoku Pwknyarnv gylo kumlwknam vtwng nga. Svrvrito vdwllo Abiatar nyibu butvyachok bv ririlo. Ngonugv Pvbv ara lokv nyibu vmwng vtwng nga dvnyu nvngv—vbvratola Dabid um dvtoku okv ninyigv nyi vdwlka jita toku.” **27** Okv Jisu minya toku, “Nyi si Doonualu lvgabv mvvma; Doonualuv nyi gv alvnam lvgabv mvpvnv; **28** Vkvlgabv Nyia Kuunyilo ngv Doonualu gvka Ahtu hv.”

**3** Vbvratola Jisu lvkodv Jius kumkunaamlo aato kuring, ho hoka nyi go dooto hv laak v lakpik nvgo. **2** Hoka Jisuniy rimur nvgobv vla minjinv nyi mego toyala dooto; Vbv bunu Jisuniy nyi anga Jius Doonualu lo mvpu ridw vla kaagapla doyato. **3** Jisu nyi anga minto, “Aatoka kaagia so.” **4** Vbvratola nw tvuto nyi vdwa, “Ogugo ngonugv Pvbv ngv rimudunv Jius Doonualulo? Ridur dubvri

vmalo ridur madubvri? Nyi gv singdung nga ringdubvri vmalo  
ngoomu dubvri?" Vbvrilola bunu oguka minkuma. **5** Jisu haachila  
bunuam kaitto, vbvrilola vjakgobv nw bunua aya mvngpa toku,  
ogulvgavbolo bunuv achialvbv vlwnghapok bv gvvnyadu okv  
rimur nyadu. Vbvrirkunamv nw minto nyi anga, "Noogv laak v  
laklinto." Nw laklinjito, okv hv lvkodv alvtoku. **6** Vkvlgabv Parisis  
vdwv Jius kumkunaam lokv lintoku okv Herod gv nyi vkv lvkobv  
kaarwksuto, okv bunu Jisunyi mvkidubv rungrap toku. **7** Jisu  
okv ninyigv lvbwlaksu vdwv Galili gv svparsvl lo vngtoku, okv  
kairungnv nyitwng go ninyia vngming gvto. Ho vdwv Galili lokv  
aatoku, Judia lokv, **8** Jerusalem lokv, Idumia mooku lokv, Jordan  
svko chaagu takdv lokv, okv mooku dokarku Taire okv Sidon  
Pamtv lokv. So nyi mvnwngngv Jisu gylo aato ogulvgavbolo  
bunuv ninyigv rinam a tvvpato. **9** Nyitwng v achialvbv twngtvto  
ho Jisu minto ninyigv lvbwlaksu vdwa svpw ako ninyigv lvgaby  
naapv jidubv, vkvlgabv ho nyi vdwv ninyia chapma dubv. **10** Nyi  
achialvgo nw mvpu kunamv, okv lvmmanv mvnwngngv nw gylo  
aala mvsit dubv vla nvngpin nvngyin minsula aanyato. **11** Okv  
vdwlo alvmanv dow gvnv nyi vdwv ninyia kaapa tokudw, bunu  
ninyigv kaagialo guplwkla okv goklinto, "No rung Pwknvyarnv gv  
Kuunyilo ngv!" **12** Jisu alvmanv dow vdwa nw yvvdw um yvnyika  
minpa mabvkv vla kadwk rungbv mintoku. **13** Vbvrirkunamv  
Jisu yvnyi vnggvnvpv mvngpvdw goklaila moodw putung golo  
chaato. Bunu hoka nw gylo aato, **14** Okv nw darlinto vrng  
gola anyigo, yvnyi nw Apostol vla amin minpvdw. "Ngo nonua  
darlin pnvng nga lvkobv ridubv," Nw bunua minto. "Ngo ka nonua  
agumlo japdubv vngmure, **15** okv nonu gylo uyuvram vdwa  
charkak nvnv jwkrw v doore." **16** So vrng gola anyi si ninyigv  
darlinnam: Saimon (Jisu Pitar vla ninyia amin minto); **17** Jebedi

gv kuunyilo Jems okv ninyigv boru Jon (Bunuam Jisu Boanarjes vla amin minto, vnam si “Doogumbv rinv nyi v”); **18** Andriu, Pilip, Bartolomiu, Metiu, Tomas, Alpius gv kuunyilo Jems, Tadius, Saimon Ringrianv **19** Okv Judas Iskeriot, yvvdw Jisunyi koanv. **20** Vbvrikunamv Jisu naam vngtoku. Lvkodv nyi twngtv rungnvgo aakumto ho Jisu okv ninyigv lvbwlaksu vdvw dvdw doomato. **21** Vdwlo ninyigv lvga nga vpin v hum tvvpapvdw, bunu ninya naatung dubv rito, ogulvgavbolo nyi vdvw minto, “Nw suru duku!” **22** Pvbv tamsarnv mego Jerusalem lokv aala minto, nw gv arwnglo Biljebul doopv! So si uyuvram vdwgv dvbv ngv yvvdw nw a gwlwk jigvrla bunuam agumlo chara dubv jwkrw jipv nvgo. **23** Vkvlgabv Jisu bunuam nw gvlo goklwkt okv bunuam minchisinam go minto: “Oguaiingbv Uyu ngv atubonga chara nyudubv? **24** Mooku gony yakpin sisula v pami sikubolo hv yagiak reku. **25** Vpin gony yakpin sisula vpin akonyi pami sikubolo, v vpin v yagiak reku. **26** Vkvlgabv uyu gv karv ngv apumbv yakpin sikubolo, v vdwloka hvngdwng mare, vbvrikubolo yagiak reku okv ala ngeriku.” **27** “Gwlkvn nyi a leepv choma bolo yvka hvkgv naam a mykola aala oguogua naanyu mare; leepv chobo lomwng naam loka naala vnggv nyure.” **28** “Ngo nonua jvjbv mindu, nyi vdwgv rimur mimur rinam mvnwng okv Pwknyarnv nyika ogu minyingminchu milin nama mvngnga nyudunv; **29** Vbvrilola yvnyiv Darwknv Dow a minyingminchu nvnga vdwloka mvngnga nyumare, oglvgavbolo nw doobwngnv rimur a ripv.” (*aiōn g165, aiōnios g166*) **30** (Jisu gv sum minam si ogulvgavbolo nyi twnggonv, “Nw gvlo darwkmavn dow v doodu” vnam lvgabv.) **31** Vbvrinamv Jisu gv, anv la okv boru vdvw vngchito. Bunu naam gv agumlo dakto okv ninyia tvkarla gaam gamgo milwkto. **32** Hoka nyitwng go Jisunyi dookarto, okv bunu

ninyia minto, "kaalak, noogyv anv okv noogyv boru vdwv okv noogyv bormv vdwv agum v bunu nam dinchipv." **33** Jisu mirwk suto, "Yvv bunula ngoogyv anv ngv? Yvv bunula ngoogyv boruv?" **34** Ninyia dokarnv nyi mvnwngnga nw kaitkarto okv minto, "Kaato! Si bunu ngoogyv anv okv boru vdwv! **35** Yvzbunudw Pwknyarnv gv mvnglwkbv ridunv hv bunu ngoogyv anv, ngoogyv bormv, boruv."

**4** Lvkodv Jisu Galili Svparslv adarlo tamsar rapto. Nw a ho dokarnv nyitwng v achialvbv twngtvto vkvlvgabv nw svpw arwnglo chaala dooto. Svpw v arwng kiambv vnglinto, okv nyitwng v dakto isi sidar biyagilo. **2** Nw bunua awgo tamsar dvla minchisinam vkv minvla minjito: **3** "Tvvt! Kvlo nyi ako dooto nw radv chibv vnglinto. **4** Vdwlo nw amw vdwa rongolo chiak rapto kudw, kgongv lamtvlo olinpvto, okv pvtv vdwv aala okv hum dvtoku. **5** Kgongv lvngtak lo holula hopvto, hoka kvdw achakgo dooto. Amw v ainbv boklin toku ogulvgavbolo kvdw v rungrwng mato. **6** Agar miami v rungrwngbv harlkku kaama laila vbvrinamv, vdwlo doonyi v chaalin tokudw agar a kaayok toku; okv ogulvgavbolo miami v rungrwngbv kvdwlo aamato, agar v baapubv sintoku. **7** Kgongv tvv apumlo holwktv, v singtoku okv agar a yuptoku, okv bunu oguka dape peelin mato. **8** Kgongv hooluto kvdw aluyaung kolo, okv agar v baapubv garlinto, singto, okv dape peelin toku: kgongv dasum chaam go kgongv chamkv, okv kgongv lwngbv." **9** Okv Jisu minya toku, "Vbvrinamv, nonuno nyarung doodu nvlo, tvvtoka!" **10** Vdwlo Jisu akin tokudw ninyigv minam a tvvnv nyi kgongv bunu lvbwlaksu vrng gola anyi gv lvkobv aala ninyia minchisinama minbwk jilabkv vtoku. **11** Jisu mirwksito, "Pwknyarnv gv rungrwng rungnv Karv gv lvkwng nga nonua jiroku. Vbvitola kvvbinyi vdwv, ogumvnwng nga minchisinam lokv tvvdunv, **12** vkvlvgavbolo,

‘Bunu kaadv-kaadv la kaare, vbvrijvka kaapa mare; okv tvvdv-tvvdv la tvvre, vbvrijvka tvvchin mare. Vkvlgavbolo bunu chinvgilo bunu Pwknvyarnvnyi dakrwk dukunvpv, okv nw bunua mvngnga jidu kunvpv.’ **13** Vbvrinamv Jisu bunuam tvvkato, “Nonu minchisinam sum chimadunvri? Vbvrikubolo nonu oguaingbv kvvbi minchisinam go chindubv? **14** Amw paknv Pwknvyarnv gv doin a pakje jito. **15** Kvgonv nyi v ho lamtvlo amw hosoknam jvby; bunuv baapubv doin a tvvdasopitda, Uyu ngv aareku okv hung naala vnggvreku. **16** Kvgonv nyi v amw v lvngtak aolo hopvnam jvby. Bunuv baapubv doin tvvdasopitda bunu hiimpula hum tvvrwksito. **17** Vbvritolu bunulo rungrwngbv aalwk manam lvgalo, okv bunu vdwloka hvngdwng mare vkvlgabv vdwlo adwkaku v vmalo mvdkmvku v aarikudw doin lvga lokv, bunu vjakgobv kayudariku. **18** Kvgunv nyi v tvv hvdwnglo amw holwnam jvby rido. So vdw sinv yvv doin ham tvvdunv, **19** v bvritolu mvngrudu so singse lvgabv, nyitv lvgabv pakyado, okv nvgwng a mvngbiula nyitwng arwnglo okv doin a ngemu duku, okv bunu asi svlin kumanv. (*aiōn g165*) **20** Vbvritolu kvgonv nyi v alvnv kvdw lo amw paknam jvby rito. Bunu doin a tvvgapto, hung tvvrwksito, okv asi svlinto: kvgonv chaam bv, kvgonv chamkvby, okv kvgonv lwngbv.” **21** Jisu minbwngto, “Nyi akonv mvdurupum ako naalwkla okv hum bati kyampwk takmamla vmalo gadwgv kyampwk lo vvpv dynvri? Hum tunggingnvv gv aolo nw vvpv madunvri? **22** Ogugo vysi pvdw hum agumlo bvnglinla mvko riku, okv ogugo takmam pvkudw v takmam kumare. **23** Vbvrinamv, tvvto nonuno nyarung doodu nvlo!” **24** Nw bunua lkvody mindvto, “Alvbv tvvgapto ogugo no tppvdw! Ogu kiinvnv lokv no nyi ham jwngkadaka dvdw vvbv kiinvnv lokv Pwknvyarnv ka nam jwngkadaka—vbvritolu humka kaiyanvgo rire. **25** Nyi v

yvvdw ogugo doodudw hum kaiyago jire okv nyi v yvv ogugoka domapvdw vkvgyllo achukgo doonam haka naarit reku.” **26**  
Jisu minbwngto, “Pwknyarnv gv karv ngv svbv rido. Nyi akonv ninyigv rongolo amw paklwkkto. **27** Nw ayulo yuptoku, alu dukubv v gudung toku, okv vbvririlo amw mvnwngngv boksula okv garrap toku. Vjyka um nw oguaingbv ridu nvdw um chinkuma. **28**  
Kvdw v atubongv singnv a singmusido okv asi a svlin mosudo. Atukchochukbv radvdada ngv, okv danv ngv, okv ataranyabv dape mvnwng a kaapado. **29** Vdwlo radv ngv kamkubolo, nyi v parap toku hum ninyigv rioktung lokv, ogulvgavbolo rongo mvdw dw v aatoku. **30** “Pwknyarnv gv Karv ngv svbv rido vla ngonu oguaingbv minsedw?” Jisu tvuto. “Ngonu hum ogugonyi minchisinvla minbwk jidubv? **31** So si svbv ridu. Nyi akonv yingmw go naato, nyiamooku gv amw charching yachoknv, okv um kvdwlo lvvwk toku. **32** Ayungjvma nga v singcha toku okv singnv mvnwngnga kaiyachok nvgbv ritoku. Hv hakbv ngv vvbv kairungbv harlin toku ho pvtv ngv aala bunugv asup vdwa ho gv doonyum lo suplwk toku.” **33** Jisu ninyigv doina nyi vdwlo japijito, mintaknvto awgo kwbi minchisinam sibe minvla; nw mintamto bunua vkamgo bunu tvvchin nyodudw. **34** Nw ogugoka mimato bunua minchisinam mintak maby, vbritola vdwlo nw akinpvdw lvbwlaksu vdwa lvkobv, nw ogumvnwg nga bunua minbwk jitoku. **35** Ho alu akin gv arium hoka, Jisu ninyigv lvbwlaksu vdwa minto, “Klai svparslv takdv gonv durap linlaju.” **36** Vkvlgabv bunu nyitwng nga vngyu toku; lvbwlaksu vdww Jisu gv doolwkku svpw lo aalwk mingvto, okv bunu ninya bunugv lvkobv vnggv toku. Kvbi svpw vdwwka hoka dooto. **37** Dvminmaby kairungbv doori v rirapto, okv sikiok v svpw arwnglo kioklwkt, vkvlgabv isi v hoka yarbing tvvtoku. **38** Jisunyi svpw

arwng gv koching kiambv dooto, nw domtom golo dumpo ngv dumpv tola yupminto. Lvbwlsku vdwv ninya muuto okv minto, "Tamsarnv, no ngonua mvngpa kumare ngonu sida jiku nvlaka?"

**39** Jisu dakrapto okv dooria mintoku, "Choibv dooto!" Okv nw minto sikiok aka, "Doochingbv dooto!" Doori v ringin toku, hoka kairungbv jematai toku. **40** Vbvrikunamv Jisu ninyigv lvbwlsku vdwv minto, "Ogubv nonu busu nyadunv? Vjaklodvbv nonu nga mvngjwng malare?" **41** Vbvritola bunu achialvbv busuto okv akonv akonyi mimisito, "Yvvla so nyi si? Doori vla sikiok hvka ninya tvvdu!"

**5** Jisu okv ninyigv lvbwlsku vdwv vngchi toku Gerasa mookugv Galili svparsvlv takdvlo, **2** Vdwlo Jisu svpw lokv korlin sopikda nw kaapato nyigo hv nyibung bungpam hoka lvngpk lokv linvgo. So nyi si alvmanv dow gvnvgo. **3** Okv nyibung bungpam lo doonvgo yvvka ninya rwngja ngv vdwloka leepv nyumato; **4** Vdwnvgo ninyigv lvpv okv laak a leepv kwtku, vbvritola leeri gv dwkibv nw rvngja nga dokpwkla mvmwkmvmakto ninyigv lvpv gv riokdar haka. Nw achialvbv gwlwkrongto yvvka ninya naatung nyumato. **5** Alu okv ayubv nw nyibung bungpam lo vngkarto okv moodw lokv, segok karto okv vlwng ngv atua tupsuto. **6** Nw mego aduto vdwlo Jisuni kaapa tokudw; vklvgabv nw joklwk toku, ninyigv kaagialo lvbwng ngv kumpvla, **7** Okv gamtvrongbv segokto, "Jisu, Kaiyachoknv Pwknyarnv gv kuunyilo! No ngoogvlo ogugo mvngdu? Pwknyarnv gv amin bv, nam ngo koodunv, nga mvrit mabvka!" (**8** Nw svbv minto oglulgavbolo Jisu mintoku, "Alvmanv dow, so nyi sokv liro tokuka!") **9** Vklvgabv Jisu ninya tvvkato, "No gv aminv ogu vla?" Nyi angv mirwkto, "Ngoogv aminv '(Mob)' nyitwng—ho ngonu twngtv nvgo!" **10** Okv nw Jisuni alvmanv dow vdwv ho mooku loka adu lo vngmu mabvka

vla kodwkkrwkla koola minto. **11** Hoka kairungbv vrik riktwng go moodw nvchi hoka dvla reto. **12** Vkvlgabv dow v Jisuni kooto, "Ngonua riktwng alo vngmulabvka, okv ngonua bunu gylo aalwk molabvka." **13** Jisu bunua vngmuto, okv alvmanv dow v ho nyi lokv lintoku okv riktwnglo aalwk toku. Riktwng mvnwngngv lvngring anyi dvsegobv vrik v rito-chapchar minsula svparslv kiambv taraklo holula okv svparslv arwngbv holwk toku. **14** Vrik ka kaayanv vdww joklakula banggu lo okv rongolo minggo kartoku. Hv ogubv ripv nvdw vla nyi mvnwngngv vnglinla kaatoku, **15** okv vdwlo bunu Jisu gylo aatokudw, bunu alvmanv dow atwng go gvvkinv nyi um kaapa toku. Nw hoka dooto, vjikotoku okv mvngnam rinam v alvtokula; okv bunu mvnwng v busu nyatoku. **16** Alvmanv dow vdwgv lvkobv nyi angv um ogubv ripvnvdw okv vrik vdwgv lvkwng bvka kaanv vdww nyi vdwa mintam nyatoku. **17** Vkvlgabv bunu Jisuni bunugv mooku lokv vngro tokukv vtoku. **18** Jisu gv svpwlo aalwkrilo, nyi alvmanv dow vdwa gvvnv nyi angv ninya kooto, "Ngamka noogy lvkobv vngmulabvka!" **19** Vbbritola Jisu ninya vngmumato. Vbvmabvdv, nw ninya minto, "Ahtu noogy lvgabv vdwgo ripv kudw okv vdwgo aya pvkudw no noogy naam lo vnglakula nyi vdwa mintam jilakuka." **20** Vbvrinamv ho nyi vnglaku Jisu gv ninya ogugo ripvdw hum Banggu Vring nyi lo minggojitoku, hoka nyi mvnwngngv tvvtokula lamngak nyatoku. **21** Jisu vngkorla vngrap toku svparslv takdv gonvlo. Ho svparslv hoka kairungbv nyitwng go ninya vngkumla dooyumto. **22** Jairus, Jius kumkunaam gv nyigam gobv rinv aalwkto, okv vdwlo nw Jisuni kaapa pvdw, nw atubongv Jisu gv lvpa lvkwnglo gilwk toku **23** Okv dinchi rungbv ninya kooto, "Ngoogy kuunyijar angv achialvbv lvvmapv. Ayala aagvrila noogy laak v ninya mampo jilaby, vbvribolo nw poyeriku okv turreku!"

**24** Vbvrinamv Jisu ninyia lvkobv vngrap mingv toku. Twngtv rungnv nyi go Jisuni lvkobv vngming gvto hoka vngku dvdvlo ninyia nyitwng ngv kaiyaya bv vngyumto. **25** Hoka mvvga ako nyiningring gola nyiningyi achialvbv oyi sarla silvmanv go dooto, **26** Daktor achialvgo ninyia vdwnv dw go mvkwrikw toku. Nw atugv morko mvnwngnga mva tvku, vbvritola alvyaku svnga nw alvmabvya riayaya toku. **27** Nw Jisu gv lvkwng a tvvpato, vklvlgabv nw ninyigv adar ayi nyitwng gv arwnglo aato, **28** Atu v minsuto, "Ngo ninyigv vji a mvsit bolo, ngo poyeriku." **29** Nw Jisu gv vji a mvsit toku, okv ninyigv oyi sarnam v ho vjakgobv nyedatoku; okv nw atu v arwnglo himpa sitoku nw adwkaku lokv poya kunam a. **30** Vjakgobv Jisu ninyigv lokv mvpunvn go linyi bv vla himpa sito, hoka nw dakyitkarla kaakarto nyitwng a okv tvuto, "Yvvla ngoogv vji a mvsit nvngv?" **31** Ninyigv lwbwlaksu vdvw mirwkto, "No kaatoka vkamgo nyi nyitwng ngv nam lvvbum nama; ogubv no tvka doonv yvvla nam mvsit nvngv vla?" **32** Vbvritola Jisu kai tacha karla kaakarto yvzbvri rinysi vla. **33** Mvvga angv dwdw toku ogugo ninyia ripvkudw, vklvlgabv nw busu v jinjinrumrumla aato, Jisu gv lvpalo guplwkt, okv ogumvnwng nga jvjkvlv bv ninyia minpa toku. **34** Jisu ninyia mintoku, "Ngoogv kuunyijar, noogv mvngjwng ngv nam mvpu pvku. Sarsopoyo bv vngnyi kulaka, okv noogv hindwkhingku lokv poya lakuka." **35** Jisu gv svbv minri hoka, Jairas gv naam lokv nyitampingko mego ho aalwkla okv Jairasnyi minpa toku, "Noogv kuunyijar v siro. Ogujego tamsar nvnyi mindwkminku dunv?" **36** Bunu ogugo minpvdw Jisu tvvriamato, vbvritola ninyia minto, "Busu mabvka, mvngjwng mvnglaka." **37** Vbvrikunamv nw Pitar, Jems okv ninyigv boru Jon nyimwng ninyigv lvkobv vngmuto, yvnyika vnggv mato. **38** Bunu Jairas gv naamlo vngchi

toku, hoka achialvbv kapku nama siinyimar rinam a okv ogu kaagartapa madubv rinam vdwa Jisu kaatoku. **39** Nw arwnglo aala bunua minto, "Ogubv svbv kaagartapa madubv rinya dunv? Ogubv nonu kapdunv? Vmi si sima laka—nw yumwng dvlaka!" **40** Bunu ninyia nyarji nyato, vklvgabv nw bunu mvnwngnga agumlo nvnglintokula, vmi gv anvabua okv ninyigv lvbwlaksu aom a aagvla, vmi gv karku karchung arwngbv aatoku. **41** Nw vmi nyijar a laak lokv gakbwngto okv ninyia minto, "Talita koum," So minamsi, "Vmi nyijar, ngo nam mindunv gudung tokuka!" **42** Nw vjakgobv gudung toku okv vngcharvngyar raptoku. (Nw nyiringring gola nyiringnyi kunvgo.) Vbvriri hoka, bunu mvnwngngv lamngaknyato. **43** Vbvritolu Jisu kadwk rungbv bunua minto yvnyika minpa mabvka, okv nw minto, "Ninyia dvnam ogugo jigvrila dvmuto."

**6** Jisu ho mooku a kayupila okv atugv banggu naamlo aakur toku, ninyigv lvbwlaksu vdvv vngming gvto. **2** Jius Doonualu lo kumkunaamlo nw tamsar raptoku. Ho nyi v achialvbv dooto; okv vdwlo bunu ninyigv lokv tvtokudw, bunu mvnwngngv lamtoku. "So mvnwng sum nw ogolokv paapv nvdw?" Bunu tvvkato. "Ninyia si ogunv mvngkimvnglak go jipvkunvdw? Ogu ayimbv nw lamrpanam vdwa rila kaatam dunvdw? **3** Nw yikungyira mvnv, Meri gv kuunyilo, okv Jems, Josep, Judas, okv Saimon gv abwng mangvri? Nw gv bormv vdvv soka dooma dunvri?" Okv vklvgabv bunu ninyia toa toku. **4** Jisu bunua minto, "Nyijwk a mooku mvnwnglo mvngdvdo, mvngdv makuv nw atugv dooku banggu lo okv amiasa lo okv ninyigv uguni mvngchiklo." **5** Nw hoka lamrpanam go rila kaatam nyumato, hoka nw lvmav nyi mego gv ao lo laak lakptvto okv bunua mvpu jimwng toku. **6** Nw kairungbv lamtoku, ogulvgavbolo nyi vdvv mvngjwng nyamato.

Vbrikunamv Jisu hoka nampum dvdlo vnggokarla nyi vdwa tamsar toku. **7** Nw lvbwlaksu vring gola anyia lvkobv goklwkt okv bunua anyi-anyibv vnglin motoku. Nw bunua alvmanv dow vdwa yaanvnv jwkaw a jitoku **8** okv bunua minto, "Nonugv mooying vngkulo bangngi mvngchik a bvnglaka ogugoka gvyoka—vtwng guka gvyo, giagonv kochak a gvyo, noogv jvkap lo morko guka gvyoka. **9** Lvkiam gylaka, vbkritola kvvbi jekok lvvyago gvyoka." **10** Nw mindvto, "Ogolo nonua alvbv aamudvdw, ho naam lo nonu dooto laka, ho mooku lokv vnglinma dvdwbv. **11** Nonu banggu lo aabolo hoka nyi vdvv nonua alvbv aamu mabolo vmaloo minam a tvvria mabolo, um kayulaka okv lvpa gv amukayuk a pakak jilaka v bunua gamrw rwkjnam gubv rire!" **12** Vklvgabv bunu vnglin nyatoku okv nyi vdwa rimur lokv lirung tokukv vla japij toku. **13** Bunu uyuvram achialvgo charkak toku, okv lvvmanv nyi achialvgo olib tyli piaktoku okv bunua mvpu toku. **14** So mvnwng gv lvkwng nga vjak Herod Dvbw tvvpa toku, ogulvgavbolo Jisu gv singnamrinam mv mvnwnglo dupwng toku. Nyi kgvony minto, "Jon Baptist gylo turnam v aakurpvku! Vklvgabv nw so jwkaw lokv lamrwanam kaatamdo." **15** Kgvony vby minyato, "Nw Elija." Kvbbigonv minto "Nw nyikrwaanv go, Kvlokvcho gv nyikrwaanv vdwlokv akony jvby kaanam go." **16** Vdwlo Herod um tvvpapvdw, nw minto, "Nw Jon Baptist bri! Ngo ninigv dumpo nga paa-pvkunv, vbkritola nw turkur pvkui!" **17** Herod nw atu v mingap gyrla Jonnyi naatung moto, okv nw ninyia jaako lvktola okv patwk arwnglo tumto. Herod gv svbvrinam si Herodias gv lvkwnglo, yvnyi nw nywngbv mvpvdw, ninigv boru Pilip gv nywngbv rijeka. **18** Jon Baptist minbwngto Herodnyi, "Si no alvrima noogv boru gv nywng nga atu nywngbv mvsunam si!" **19** Vklvgabv Herodias Jonnyi maatarbv tanyum gyto okv ninya mvkidubv

mvngto, vbvritola Herod gv lvkwnnglo nw milin nyumato. **20** Herod Jonnyi busuto ogulvgavbolo nw chinto Jon alvnvgo okv darwknv nyi go vla, okv vkvlvgabv ninyia ogu mvmabv alvbv doomuto. Nw dw mvnwnglo ninyi gylokv tvvla kairungnv adwkaku nvgobv rijeka, ninyi gylokv tvvnwng dvto. **21** Anyungnga Herodias alvnv dw go paatoku. Hv vbv rito Herodnyi kuubvngdw alulo, nw sorkari nyigam kainv mvnwngnга, sipai nyigam gamtvlbwng vdwa okv Galili lo nyi rigvdakgvla kairungnv vdwa nvlum dvpam pamgvrilo. **22** Herodias gv kuunyijar aato okv naasi rijito, okv Herod nyila ninyigv nyen vdwa mvngpu dubv mvtoku. Vklvgabv dvbv ninyia minto, “No ogugo mvngdu? No ogugo koodudw nam ngo jirungre.” **23** Hoka nw awgo milvnam go mintakla ninyia minto, “Ngo milvla mindunv no ogugo koopvdw ngo jirungre, minbinla ngoogv karv patung gunyi minjeka!” **24** Vklvgabv nyijar v vnglintoku okv ninyigv anv nga tvvkato, “Ngo ogugo koose ngvdw?” “Jon Baptist gv dumpo ngaky,” Anv ngv mirwkto. **25** Nyijar angv dvbv gylo baapubv vngkur toku okv koorap toku, “Ngo nam vjak svka Jon Baptist gv dumpo nga taali gulo jilabvkv vla mvngdunv!” **26** Si dvbnyi achialvbv mvngru motoku vblrivola nw maakov vlakumato ogulvgavbolo ninyia nw nyen vdwgv dookulo milv kunam lvkwngbv. **27** Vklvgabv nw dakyakaya nvnga Jon Baptist gv dumpo nga baapubv bvnglwk tvka vla orto jigvrla vngmu toku. Dakyakaya nvngv vngla, Patwklo aalwk laku, okv Jon gv dumpo nga palin toku; **28** Vbrikunamv nw taali gulo bvnglwk toku okv um nyijar a jitoku, nyijar angv um atugv anv gylo bvnglwk jitoku. **29** Vdwlo Jon gv lvbwlaksu vdvv um tvypa tokudw, bunu aatoku okv ninyigv svma ngam gvvlnku okv um nyibung riitoku. **30** Apostol vdvv aakum toku okv Jisuni lvkobv kaarwksuto, okv bunu ogugo ripvkudw okv

tamsar pvkudw ninyia minpa toku. **31** Hoka nyi v achialvgo aanv aadu okv vngnv vngdu mvkunamv Jisu la ninyigv ltblaksu vdvw dvnam dvdubvka dw kaaku mato. Vklvgabv nw bunua minto, "Klai mvnwngngv vnglaju ngonu mvngwngbv mooku golo hoka ngonu mvngchikre okv nonuno achakgo doonu ladubv." **32** Vklvgabv bunu atuv jemataiku mooku lo vngdubv vla svpw gulo vngrap nyatoku. **33** Bunugv vngnam a okv bunu yvvdw um nyi achialvgo kaapato okv chinyato, vklvgabv nyi vdvw bunu banggu mvnwng lokv kvdw bv vngla Jisu gvla ninyigv ltblaksu vdwgv vnglwk jikulo aachi choyato. **34** Vdwlo Jisu svpw lokv lintokudw, nw so nyi nyitwng nga kaapa toku, okv nw gv haapok v bunua aya mvngpato, ogulvgavbolo bunu svlar a rigvny kaamanv aingbv rinyato. Vklvgabv nw bunua achialvgo tamsar raptoku. **35** Vdwlo achialvnu dw gubv ritokudw, ninyigv ltblaksu vdvw ninyi gvlo aala minto, "Si jemataiku mooku go, okv so ngonu achialvgo dootokubv. **36** Nyi vdwa vngmu tokuka, okv bunua vngmula nvchi gv rongo vdwlo okv nampum vdwlo bunu atu v dvnam rvvla dvsu dubv," **37** "Nonu atu v bunua dvse go jitoka" Jisu mirwksito. Bunu tvuto, "No ngonua vngla okv ain lokdwng lvngnyi lokv vtwng rvvla bunua dvmu svgo mvngduri?" **38** Vklvgabv Jisu bunua tvuto, "Nonuno vtwng vkamgo doopv? Vngla kaateka." Vdwlo bunu paato kudw, bunu ninyia, "Vtwng tangu gula okv ngui nvnyi guka paapv," vla mintam toku. **39** Jisu vbvrikunamv ninyigv ltblaksu vdwa minto nyi mvnwngngva nvmwng yajinv aolo apum-apum bv dopindoin motoka. **40** Vklvgabv nyi vdvw apum-apum bv doonyala pamkin lo nyi lvnggobv okv chamngu gubv doonyato. **41** Vbvrinamv Jisu vtwng tangu hala ngui nvnyi a naatoku, nyidomooku bv kaadungto, okv Pwknyyarnvnyi umbonyikv vtoku. Nw vtwngnga

pimwk toku okv nyi vdwa ortokv vla ninyigv lvbwlaksu vdwa jitoku. Nw ngui nvvnyi haka nyi mvnwngnga ortoku. **42** Nyi mvnwng v dvgudubv dvtoku. **43** Vbvrikunamv lvbwlaksu vdwv vtwng okv ngui dvlv nga paapi vring gola anyigo naakum toku. **44** Dvnv dvdv ngv nyiga ngv hejar angu gobv ritoku. **45** Jisu nw nyipam a vngmu rikulo, lvbwlaksu vdwa svparslv gv takdv gony Betsaida lo vngcho moodubv vla svpw gulo baapubv aamu toku. **46** Nyi vdwa alvbv vnglakukv vla minro kochingbv nw moodw lo kumdubv chaatoku. **47** Vdwlo arium tvkudw, svpw v svparslv gv aralo dooto, vbvritola Jisu dvpwlo akin bv rito. **48** Nw ninyigv lvbwlaksu vdwa svpw a pullo ngv tormisidu bv kaapato, ogulvgavbolo doori v bunu gylo rilwkto; vkvlvgabv aru gv aom gyla akv baji gv pingkolo, nw isi ao bv vngla bunu gylo aatoku. Nw bunua vngbo yatvto, **49** vbvritola bunu ninyia isi ao lo vngkar dubv kaatoku. Bunu mvngtoku, "Si vram go!" okv svgok toku. **50** Bunu vdwlo ninyia kaapa tokudw bunu achialvbv busu nyatoku. Jisu vjakgobv bunua mintoku, "Mvngrw tvka!" "Si ngo sumabv, busu mabvka!" **51** Vbvrinamv nw bunua lvkobv svpwlo aatoku, okv doori v ringin toku. Lvbwaksu vdwv achialvbv lamngak nyatoku, **52** ogulvgavbolo hejar angu a dvnam dvmunam gv arwng gv jvjv nga bunu chimato; bunugv mongrumara ngv um chindubv kamchi madvto. **53** Bunu svparslv nga rapbo toku okv Gennesaret kvdw hoka aatoku, hoka bunu svpwa takpvtoku. **54** Vbv bunu svpw a vngyurilo, nyi vdwv Jisuni vjakgobv kachindato. **55** Vkvlvgabv bunu ho mooku mvnwnglo joklakula; okv ogolo nw doopv vla tvpa pvkudw, bunu lvvmanv nyi vdwa bunugv kargianvnv lo karmutvla ninyi gylo aagv toku. **56** Okv Jisu gv vngku dvdvlo nampum vdwlo, banggu vdwlo, vmallo rongo vdwlo, nyi vdwv nw bunugv lvvmanv nyi vdwa

piokpamどpamlo aagylia ninyia kodwkkrwkla kooto mamavjeka  
lvvmanv vdwa ninyigv vji jelap a mvsit moobkv vla. Okv yvv  
bunu um mvsit pvkudw bunu pooya nyatoku.

**7** Jerusalem lokv aanv Parisis okv Pvbv tamsarnv mego aadum  
sila Jisunyi dooyumto. **2** Bunu ninyigv lvbwlaksu megonyi  
lasok mabv dnam ham dvdubv kaapa toku, vbvrinam v ribu  
mato—ho v, bunu Parisis vdwgv nyi v vbvrifika vnam aingbv  
bunu lasok mato. **3** (Parisis vdwv, Jius kvgonv vdwvkam, abuapa  
gv tamsarnam lokv rimingvto: bunu aluyaungbv lasok mabo loka  
dnam dvmato; **4** vmallo bunu bajar lokv aanv ogu-ogu a harkak  
chomalo dvmato. Okv bunu bunugv chinam achialvbv kvvbi ribu  
vkv riming gvtato vBV rito, koobu vdwa, pvcchwng vdwa, talu  
vdwa, okv gadw vdwa aluyaungbv harkaknam.) **5** Vkvlgabv  
Parisis vdwv okv Pvbv tamsarnv vdwv Jisunyi tvvkato, “Noogy  
lvbwlaksu vdwv ngonugv abuapa vdwgv tamsarla jilu nama  
riming gvmabv, vbvrifoa lasok mabv dnam a dnam si ogubv  
ridunv?” **6** Jisu bunua mirwkt, “Aijaya nonugv lvkwngbv nyikrw  
kaapv namv vdwgo jvfv rungpvku! Nonuno kaakudubvrinv, vBV  
ninyigv lvknam aingbv: ‘Pwknyarnv mindu, so nyi vdw si, ngam  
gamchar lokv mwng mvngdvdu, vbvrifola jvfvbv bunugv haapok  
v ngam adudo. **7** Bunugv ngam kunamjonam v bunugv lvgabv  
ogu anyung kaamanvgobv rinyadu, ogulvgavbolo bunu nyi gv  
mvnam pbv nga ngoogv pbv aing gubv tamsardo!’ **8** “Nonu  
Pwknyarnv gv gamki nam a gakte pvtola okv nyi gv tamsar  
kolo vngyadu.” **9** Okv Jisu minbwngto, “Nonuno nyebabala  
Pwknyarnv gv Pvbv nga tua yatola, bununo atugv tamsar nama  
bvngya dubv vla ridu. **10** Moses gamkito, ‘Nonugv Anv okv  
nonugv Abua mvngdv laka,’ okv, ‘yvzbunudw atugv Anv vmallo  
atugv Abua alvmabv beedunv hum sidubv mvreku.’ **11** Vbvrifola

nonu tamsardo ho nyi v ninyigv anv okv abua ridur nvdbv  
ogugo doopv tvla, vbvritola minam v, 'So si Korban' (hv minam  
v, si Pwknyarnv gv rise ngv ngokv yama), **12** nw ninyigv anv  
vmalo abua ridur svngv lokv mvngnga suduku. **13** So apiabv  
nonugv nyi vdwa tamsar sarlwknamv Pwknyarnv gv gamchar a  
milamia yadu. Okv ho apiabv kvvbi rinam vka achialvbv nonu  
ridu." **14** Vbvrinamv Jisu lvkodv nyitwng go goklwk tvla okv  
bunua minto, "Nonu mvnwngngv, ngoogv minam a tvvria tvka,  
okv chinlaka. **15** Agum lokv ogu-ogu v nyi gv arwnglo aavn hv  
ninya darwk madubv mvla madunv. Vmabvyadv, so si nyi gv  
lokv ogu-ogu linv hv nyi a darwk madubv mvya dunv." Tvvto laka,  
hvbvrikunmv, nonuno nyarung doodu nvlo. **16** Vbvrinamv,  
tvvtoka, nonu nyarung gvdubolo. **17** Vdwlo nw nyitwng ham  
kayu pikula okv naamlo vngtoku, nw gv lbbwlaksu vdvw so gv  
minam sum minbwk jilabv vla ninya tvuto. **18** Jisu mintoku  
bunua, "Nonuno yvv kvbinyi aka chilvyama," "Nonu chima? Nyi  
a agum lokv arwnglo aavn ogu-ogu hv jyjvbv ninya ogugoka  
darwk madubv mvlama, **19** ogulvgavbolo si ninyigv haapok lo  
aamadu vbvritola ninyigv leit arwnglo okv vblrinamv ayak lokv  
agum liyadoku." (Svby mindula, Jisu minbwk jito dvnam dvdv  
ngv alvdv dvdubv.) **20** Okv nw minbwngla minto, "So si ogugo  
nyi arwnglokv agum linv hv yadv ninya darwk madubv mvdu.  
**21** Arwng lokv, nyi gv haapok lokv, alvmanv nga mvnglindu  
hv ninya gwngmursingmur ridung nga rimudu, chorit modu,  
mvki modu, **22** kvvbi gv nywngnyilu nga kaabiu modu, dvgum  
mola, okv alvmanv dvdv nga rila; dvkupdvritla, konurvnvla,  
Tanyumtakitla, mvngyakayala, kaimvngsula, okv riporiola **23**  
So mvnwng si alvmanv ngv nyi gv arwng lokv lindu okv ninya  
darwk momadu." **24** Vbvrinamv Jisu vngyula vnglintoku Taire gv

pamtv mooku adarlo. Nw naam gulo aatoku okv ninya hoka doopv vla yvnyika chingku nwngmagvri, vbvritola nw doosi nyumatoku. **25** Nyimvmvvga go, ninyigv kuunyijar a alvmanv dow naanamgo, Jisuni tvvpato okv vjakgobv ninyi gvlo aato okv ninyigv lvpalo gilwkto. **26** Nyimvmvvga angv Jentail go, Sairia gv Poenesia mooku lo bvngnam go. Nw Jisuni koodwkkrrwlk kooto ninyigv kuunyijar lo alvmanv dow a charkak jilabv vla minto. **27** Vbvritola Jisu mirwksito, “Klai ngonu vmi vdwa dvmu cholaju. So si alvbv rima vmi gv dvnam a dvritla okv iki vdwa orjinamv.” **28** “Tamsarnv,” Nw mirwksito, “iki vkadv vmi gv dvgianvn Tebul lvknglo dootola dva nama dvriadu!” **29** Vkvlgabv ninya Jisu minto, “Ho mirwk sinam lokv, no naambv vngkur nyiku laka, hoka no kaapare uyu gv dow v noogy kuunyijar lokv liro kunam a!” **30** Nw naambv vngtoku okv kaapato ninyigv kuunyijar a gadw lo kardubv; alvmanv dow v jvjvrungbv ninya kayupila vngrotoku. **31** Vbvrikunamv Jisu Taire gv namrwk a vngyula okv Sidon gv Galili svparsvlv nga vngpitla, pamtv vrng gv lamtvlo vngdungrilo. **32** Nyi megonv nw gylo nyi ako aagvjito hv rungi okv milin nyumabv minvgo, okv bunu Jisuni kodwkkrrwlk kooto ninyigv laak v nyi agv aolo lakpv jilabv vla. **33** Vkvlgabv Jisu nyi hum nyitwng lokv serwlaila ninyigv lakching ngv nyi agv nyarung nga chilwkto, okv nw atubogv lakchinglo chorbiak gyrla ninyigv riu ha mvsit to. **34** Vbvrikunamv Jisu nyidomooku tolo kaadung tvla, achialvbv sagwngto, okv nyi angv tvvpav nyula toku, vkgvg gangkakla minam v nyetoku, okv nw miraptoku ogu mintupminchi kaakumabv. **35** Vbvrikunamv Jisu nyi vdwa orto jitoku so sung yvnyika minpa mabvka; Vbvritola nw bunua mimabvkv vla vdwgo orto jikubvdw, bunu kaiyayabv minbv toku.

37 Okv hum tvppanv mvnwngngv lamrwpabv tvvto. "Oguainingbv nw alvrungbv ogumvnwng nga ridapvnv gubvri!" Bunu mvngpula gokto. "Nw rungji nvnga tvvpa dubv okv gangkak nvnga japdubv, mvrungdu!"

**8** Achakgo ayungjvma nga kainv nyitwng kvvbigo aadumsito. Vdwlo nyi vdwv oguka dvse kaaku mato kudw, Jisu lgbwlaksu vdwa ninyigvlo goklwkti okv minto, 2 "Ngo aya mvngpadu so nyi vdwgv lvgabv, ogulvgavbolo bunu nga lkvobv remin gvkunamv alu loum pvku okv vjak oguka dvse kaakuma. 3 Ngo bunua dvniam dvmumabv bunua naam lo vngmu kubolo, bunu vngkulo bunu anyu kumare, ogulvgavbolo bunu megonv adu lamtv lokv aato." 4 Nw gv lgbwlaksu vdwv ninya tvvkato, "Vbkritola nyi vdwsum chukrimooku arwng soka yvvla dvniam dvgubv dvmu svgo paanyujinv?" 5 "Nonugvlo vdwgo vtwng doopv?" Jisu tvvkato. "Vtwng takkanw go," bunu mirwkto. 6 Nw nyitwng a kvdw aolo doodubv minto. Vbrikunamv nw vtwng kanw a naatoku, Pwknyarnvnyi umbonyika hvto, vtwng nga pinpinpiinto, okv nyitwng nga orpinoryin dubv ninyigv lgbwlaksu vdwa jitoku; okv lgbwlaksu vdwv vBV rjjito. 7 Bunu gvlo achokgo ngui miyangnv vkv dootato. Jisu umbonyika hvto ho hung okv lgbwlaksu vdwa bunua ortadubv mintoku. 8 Mvnwngngv dvtoku okv dvguto—hoka nyi v nyigagaatv dvdv ngv hejar api gobv rito. Vbrikunamv lgbwlaksu vdwv pintungpiung dvlv nga paapi kanw go yarpok dubv naapv toku. Jisu nyi vdwv vngmutoku 10 okv vjakpi gobv ninyigv lgbwlaksu vdwa lkvobv svpw akolo aatoku okv Dalmanutha mookulo vngtoku. 11 Parisis kvgonv Jisu gvlo aato okv ninya lkvobv larmi surapto. Bunu ninya naatung dubv, vklvlgabv bunu ninya tvvkato lamrwanam go kaatam labkv ho kaapadubv Pwknyarnv ngv ninya yarlwknama. 12 Vbkritola

Jisu haang arwng lokv sakwla okv minto, "Ogulvgabv silugv nyi vdwsi lamrwanam go rito vla tvvka dunv gubvre? Maa, ngo nonua mindunv! Svkvn kaachin nvnvgo jimare so nyi vdwa!"

**13** Nw bunua vngyula, svpw arwnglo aakur lakula, okv vngrap toku svparsvlv gv takdv gonylo raptoku. **14** Lvbwlsku vdwv vtwng dvgudvbv bvnglwk svnga mvngpa kuma toku okv vtwng takin gomwng bunugv lvkobv svpw hoka gylwkt. **15** "Hintolaka," Jisu bunuam gamrwto, "Okv nonuno atu v Himasulaka Parisis vdw gvla okv Herod gv vpap am." **16** Bunugv arwnglo bunu atubongv jraprap minsuto: "Nw sum mindo ogulvgavbolo ngonu gvlo vtwng kvvbigoka kaakuma." **17** Jisu chinto bunugv ogu gunyi minpvkudw, vklvgabv nw bunuam tvvkato, "Ogulvgavbolo nonuno ogu dvnam gvma vla raamisidunv? Nonuno chima vmaloo vjakka chimare? Nonuno haang ngv achialvbv pvchapvn ai? **18** Nonuno nyik doodu—nonu kaapamadu nvri? Nonuno nyarung gvdu—nonu tvvpa madonvre? Nonu mvngpa madunvri **19** vdwlo ngo hejar angu nyi vdw lvgabv vtwng tangu a pintak piyak ika? Vdw paapi akomaring nvgo pintungpiung dvlv nga nonuno naakumpv?" "Vring gola anyi," bunu mirwkto. **20** "Okv vdwlo ngo hejar api nyi vdw lvgabv vtwng takkanwa pintak piyak ika," Jisu tvvkato, "Vdw paapi akomaring nvgo Pintungpiung dvlv nga nonuno naakumpvn?" "Kanw go," bunu mirwkto. **21** "Okv vjaklodvbv nonuno chimadunvri?" Nw bunuam tvvkato. **22** Bunu Betsaida lo aatoku, ho hoka nyi twnggonv nyi nyikchingnv ako Jisu gylo aagyjito okv ninyia gaksit jibkv vla kodwkkrwkla kooto. **23** Jisu nyikchingnv nyi hum laak lokv svla ila okv ninyia nampum agum bv vnggyto. Nw nyi vkgvg nyik a chorbiakro kochingbv, Jisu ninyigv laak v nyigyl olaakpvtv okv nw a tvvkato, "No ogugo kaapa lado kure?" **24** Nyi angv moorapla kaato

okv minto, "Vvm ngo nyi vdwa kaapa ladoku, vrvritola bunu singnv aingbv vngit kardu." **25** Lvkodv Jisu ninyigv laak v nyi vkvgv nyiklo mampvto. So dw lo nyi angv kaanwngla kaarapto, ninyigv nyik kaapa nvnv ngv aatoku, okv nw ogumvnwng nga kaabwk toku. **26** Vbrikunamv Jisu nyi hum, "Nampum arwng bv vngkur kuyoka" vla minggap gvrila naam bv vngmu toku. **27** Vbrikunamv Jisu okv ninyigv lvbwlaksu vdww Kaisaria Pilippi nampum adarlo vnglintoku. Lamtv vngtunglo nw bunua tvvkato "Nga minpato, nyi vdww nga yvv vla mindu?" **28** Megonv mindu no Jon Baptist kv, bunu mirwkto; "Kvvbi v mindu no Elija kv, kvgonv mintadu no nyijwk vdwlokv akonv noo kv." **29** "Nonu ogubvla?" Nw bunua tvvkato. "Ngam nonu yvv vla mindunv?" Pitar mirwksito, "No Kristo rung." **30** Vbrikunamv Jisu bunua gamrwto, "Ngoogv lvkwng nga yvnyika minpa mabvka." **31** Vbrikunamv Jisu ninyigv lvbwlaksu vdwa tamsar raptō: "Nyia Kuunyilo ngv hinchingre okv nyigagaatv vdwgv, nyibu butv vdwgv, okv Pvbv tamsarnv vdw bunugv toa kunam gobv rire. Ninyia sidubv mvre, vrvritola alu loum kochinglo nw turkur riku." **32** Nw hum bunua chinbwkdubv ritoku. Vkvlgabv Pitar ninyia gaklaila vngsum gyto okv ninyia yamrapto. **33** Vbrvitola Jisu dakkur dakrwkla, kaato ninyigv lvbwlaksu vdwa, okv Pitarnyi yamtoku. "Uyu no, ngoogv lokv vngroto," nw minto "Noogv mvngnam v Pwknyarnv gv lokv aama vrvritola nyi gylok!" **34** Vbrikunamv Jisu nyitwng nga okv ninyigv lvbwlaksu vdwa ninyi gylo goklwktō. "Yvvdw ngoogylo aanvpv mvngdunv," nw bunua minto "Hv atu v mvngnga sutola, ninyigv daapo nga gytola okv ngam vngming gylnaka. **35** Yvv atubongv gv singdung nga singdubv mvngnv ngv hv ngoore; vrvritola yvvdw atugv singdung nga ngogvbv ngoobolo okv Alvnv Yunying lvgabv mvngbu v singyare. **36** No

nyiamooku mvnwng sum no gvby mvtola, no atubogv yalu a nyemu namv, hv no ogu anyung go doopvla? Anyung kaama! **37**  
Nw gv singdung nga lvkodv singdukubv ninyia jinyunv oguguka kaama. **38** Yvvnyi hv pwknvyarnv chimanv okv alvmanv alu so ngam la ngoogv tamsar nama hinying dunv, humka nyia kuunyilo ngv vdwlo nyidogindung gv lvkobv ninyigv Abu gv yunglit lo aarikudw ninyia hinying ngurv riku."

**9** Okv nw minbwngla minto, "Ngo nonua mindunv, ho mego si doodu hv vdwloka simare Pwknvyarnv gv Karv nga jwkvw nga lvkobv aaku nama bunu kaama dvdvlo." **2** Alu lokv kochingbv Jisu, Pitar, Jems, okv Jon, bunua aonv moodw golo chaagvto, ho kvvbinyi kaama bunu mwng. Ho Jisu bunugv kaakulo akusubv ritoku, **3** Okv ninyigv vjiv Yapung toji toku—nyia mooku so yvvgv vji a nukakjeka hung yapung yanv kaamare. **4** Vbvrikunamv lvbwlaksu aom v kaapato Elija okv Moses Jisunyi lvkobv raami sidubv. **5** Pitar milinla Jisunyi minto, "Tamsarnv, ngonugv soka doonam si achialvbv alvnamgo! Ngonu so taabio aomgo mvre akonyi noogv lvgabv, akonyi Moses gvby okv akonyi Elija gvby." **6** Pitar la kvgonv achialv busuto ho nw ogugo minsedw chingkumato. **7** Vbvrikunamv haapum ako kaklwkla okv bunua doonyum lokv nyumrumto, okv haapum lokv gaam gamgo milinto, "Si ngo atugv paknam Kuunyilo ngv—ninyia tvyyato!" **8** Bunu baapu alvby kaitkarto vvvritola yvvnyika kaapamato; Jisu mwng bunugv lvkobv dooto. **9** Bunu moodw lokv iku nvngv, Jisu bunua minto, "Yvvnyika minpa mabvka nonu ogugo kaapvdw, nyia kuunyilo ngv sinam lokv turkurma dvdvlo." **10** Bunu ninyigv minamtvto, vvvritola bunugv arwnglo bunu rarap minsuto ho gaam am, "Sinam lokv turkurkunam' si ogu a mindu nvgubvre?" **11** Okv bunu Jisunyi tvvkato, "Ogubv Pvby tamsar

nvngv mindu ho Elija aacho yinpv?" **12** Nw gv mirwknamv, "Elija jyjvklvbv aachoreku ogumvnwng nga alvbv ripv reku. Vbbritola Darwknv Kitaplo ogubv mindu ho Nyia Kuunyilo ngv achialvbv hinching reku okv toanam gobv rireku? **13** Ngo nonua mindunv, ogubvrijeka, Elija aapvku okv ho nyi vdwv Darwknv Kitaplo ninyigv lvkwng nga minam jvbwv ninyia bunugv mvngkubv rinyato." **14** Vdwlo bunu lgbwlaksu kvgonyi vngdum sitokudw, bunu nyitwng go bunua vngyum dubv kaapato Pvbwv tamsarnv megonv lkobv larkwng minsuto bunuam. **15** Vdwlo nyi vdwv Jisunyi kaatodw, bunu maatar alvbv lamkato, ho ninya jokrwkto okv naarwk sila luurwkt. **16** Jisu lgbwlaksu vdwa tvvkato, "Ogugola nonugv bonuam larmisinam hv?" **17** Nyitwng lokv nyi akonv mirwkto, "Tamsarnv, ngo ngoogv kuunyilo nga no gvlo aagv jipvnv, ogulgavbolo ninyigvlo alvmanv dow v dootola okv milin nyumado. **18** Vdwlo ninya dow v aalwk ridw, hv ninya dookulo taba modu, okv ninyigv gaam lokv svpiktait v lindu, ninyigv hijung ngv hitwkkwkdu, okv mvnwnglo kamdaramda lwkdu. Ngo noogv lgbwlaksu vdwa darwkmanv dowa charlin jilabvkv vkwto, vbkritola bunu rila nyumato." **19** Jisu bunuam minto, "Vdwgo mvngjwng manv nyi vla nonu! Vdwgo ngo nonua lkobv doobamre? Vdwgo ngo nonua lkobv mindin minbiayare? Vminyilo nga ngo dookuso bvnglwkt!" **20** Ninya bunu Jisu gvlo bvnglwkt. Vjakgobv dow v Jisunyi kaapa sopikda, ung vminyilo nga dvato, vkvlgabv nw kvdw lo hopvto okv gaam lokv svpiktait linla, gwchargwyarto. **21** Jisu abua tvvkato, "Vdwlokv nyi si svbv ripvvn?" Abu v mirwkto, "Nw gv vmi anga lokv." **22** "Achialvgv darwkmanv dow v ninya mvkidubv gwngkwto vmvlo nw joklwkla okv isi loka. Ngonua aya labvka okv ringlabvka, no riso mvngbolo rilare!" **23** "Vm," Jisu minto, "No ogubv mindunv, no rilabolo

vla! Ogumvnwng a riladu nyi v yvv mvngjwng pvdw.” 24 Abu v  
vjakgobv kapkok linto, “Ngo mvngjwngdu, vbkritola mvngchima.  
Awgo doodubv ngam ridur labvka!” 25 Jisu chintoku nyitwng gv  
bunua nvchilo jokkum kunam a, vkvlvgabv nw alvmanv dowa  
gamkito. “Rungji okv gangkaknv dow,” nw minto, “Ngo nam  
mindunv so vminyilo sokv linro tokuka okv lvkodv nw gvlo aakur  
kuyoka!” 26 Dow v svrok toku, vminyilo anga alvmabv jinjin  
mola gipv motokula, okv lintoku. Vminyilo angv sipvkunv aingbv  
kaato, okv mvnwngngv mintoku, “Nw sipvkul!” 27 Vbkritola Jisu  
vminyilo anga laakbv gagbwng toku okv ninya godung dubv  
ridurto, okv nw godung toku. 28 Jisu arwnglo aaro kochingbv,  
ninyigv lvbwlaksu vdwv ninya tvrwsula tvkato, “Ogulvgabv  
ngonu dowa charlin nyuma dunv?” 29 Jisu mirwkto, “Kumnam  
mvngchik lokv vkv nvnga charlin nyure; ogu gunvka rinyu mare.”  
30 Jisu okv ninyigv lvbwlaksu vdwv ho mooku a kayupikula  
okv Galili nga vngpikla vngtoku. Jisu nw atu hv ogolodw um  
yvnyika chimmuso mvngmato, 31 vkvlvgabv ninyigv lvbwlaksu  
vdwa nw tamsarto: “Nya Kuunyilo nga nyi gv laaklo laklwk  
reku bunu ninya mvki riku. Alu loum kochinglo, ogubvrijeka, nw  
turkur reku.” 32 Vbkritola bunu tvvchin mato so tamsarnam si  
ogu vdw, okv bunu busu nyato ninya tvvka svnga. 33 Bunu  
Kaparnaum lo aatoku, okv arwnglo aachinam kochingbv Jisu  
ninyigv lvbwlaksu vdwa tvkato, “Nonuno lamtv vngtunglo ogubv  
lardung minsupvnv?” 34 Vbkritola bunu ninya mirwkmato,  
ogulvgavbolo bunugv pingkolo yvvbvri kaiyachok jinv ngv vla  
lamtv vngtunglo lardung minsu kunam lvgabv. 35 Jisu dootokula,  
lvbwlaksu vrng gola anyia goklwkt, okv bunuam minto, “Yvvdw  
vngcho nvpv mvngdunv v atubongv mvnwng gv kochinglo  
vngtoka okv mvnwng gv pakbu bv ritoka.” 36 Vbrikunamv nw

vmi ako gakbwng toku okv ninyia mvnwng gv atuklo dakmu  
toku. Nw gv laak hv vmi anga chegapto okv bunuam minto, **37**  
“Yvvdw so vmi vdw sokv ako gonyika ngoogy amin bv naarwk  
bongv, hv ngaaka naarwk sidunv; okv yvvdw ngam naarwk  
sidunv, hv ngam mvngma vbvrítola ngam so jilwkbu angaka  
naarwk dunv.” **38** Jon Jisuni minto, “Tamsarnv, ngonu nyi ako  
noogy amin bv uyuvaram vdwa charkak dubv kaato, okv ngonu  
ninya rima bvkv vla minto, ogulgavbolo nw ngonugv apum  
lokvma.” **39** “Ninya mintor dubv rikw mabvka,” Jisu bunuam  
minto, “Ogulgavbolo yvvdw ngoogy amin bv lamrwpadubv  
rinv ngv hv koching nga baapubv ngoogy amina minyingminsu  
mimare. **40** Yvvdw ngonua rinik madunv v ngonu gvbyku. **41**  
Ngo nonua jyjvbv mindunv yvvdw nonua isi tvngse go jidunv hv  
ninyigv jijo amina paarungre ogulgavbolo nonu ngo gvngv. **42**  
“Yvvdw akonvnga mvngjwng doonv vmi sum gwngka riadunv,  
v alvyare ho nyi angv vlwng pwktv nvlo atugv lvngpolo yiklwk  
sutola okv svmasa lo poklwk sunam v.” **43** Vkvlgabv nogv laak  
gonv noogy mvngjwng nga ngoomu dvbolo, ung paato! Si alvyare  
laak gonv kamabv singkulo aalwknamv okv laak laknyia gvgvrila  
uyumooku bolo vmv ngapma kolo vngmam svnga. (**Geenna g1067**)  
**44** Hoka bunuam tapum vdwv chedu v vdwloka simare, okv vmv  
ngv bunuam gudu v vdwloka ngapmare. **45** Okv noogy lvpv gonv  
noogy mvngjwng nga ngoomu dvbolo, ung paato! Si alvyare  
lvpv gonv kamabv singkulo aalwknamv okv lvpv lvnya gvgvrila  
uyumooku bolo japlwk kosenga. (**Geenna g1067**) **46** Hoka bunuam  
Tapum v chedu v vdwloka simare, okv vmv ngv bunuam gudu v  
vdwloka ngapmare. **47** Okv noogy nyik gonv noogy mvngjwng  
nga ngoomu dvbolo, hung kolinto! Si alvyare noogy lvgabv nyik  
nyikin tvla Pwknyarnv gv karvlo aalwknamv okv nyiknyi ha

gvgyrila uyumooku bolo japlwk kosenga. (Geenna g1067) **48** Hoka  
bunuam Tapum v chedu v vdwloka simare, okv vmv ngv bunuam  
gudu hv vdwloka ngapmare. **49** “Mvnwngnga vmv lokv ramdarre  
oguaingbv erinpeelwk nama alu lokv piakdar dvdw. **50** “Alu v  
alvnggo; vbvritola ho gv tinam v ngeku bolo, oguaingbv lvkodv  
ung tidukubv mvnyure? “Alu jvbv nonugv pinkolo ajin jinla, okv  
sarsopoyo bv ribam dakbam laka.”

**10** Vbvrikunamv Jisu ho mooku a vngyula, Judia mookubv  
vngtoku, okv jordan svko nga raptoku. Nyitwng v lvkodv ninyia  
vngyum toku, okv ninyigv ribwngnam aingbv, bunuam nw tamsar  
toku. **2** Parisis kvgonv ninyigvlo aato okv ninyia kupdubv gwngto.  
Bunu tvvkato, “Ngonua minpa labv, ngonugv Pvbv lo nyiga  
ngv atugv nywng nga apak dubv dopvnvre?” **3** Jisu mirwk  
siyingla tvvkato, “Moses nonua ogu Pvbv go minpvpi?” **4** Bunugv  
mirwknamv, “Moses gv minpv namv nyiga ngv atugv nywng  
nga apak dubv vnglin nvnv pota go lvktola vngmulaka hvpv.” **5**  
Jisu bunuam minto, “Moses nonugv lvgabv so Pvbv nga lvkto  
ogulvgavbolo nonua tamsar sarnyu manam lvgabv. **6** Vbvrifola  
atuake ho, Pwklinyarlin rilo, ‘Pwknvyarnv bunua nyimv okv nyilo  
bv,’ darwknv Kitaplo vBV mindu. **7** ‘Okv vkvlvgalo nyiga ngv  
atugv anv okv abua kayupila okv atugv nywng nga lvkobv ririku,  
**8** okv anyiv akin gubv ririku.’ Vklvlgabv bunyi anyikuma, vbvritola  
akinhvku. **9** Vbvrikunamv, Pwknvyarnv gv naadumsiku nama  
nyia ni gunv yvvjvka um naapin sirung mabvka.” **10** Vdwlo bunu  
naamlo vngkur tokudw, lvbwlaksu vdwv so gv lvkwng nga Jisunyi  
tvvkato. **11** Nw bunuam minto, “Nyi v yvv atugv nywng nga apak  
tvla okv kvvbi nyimvmvga nga nywng mvbolo atugv nywng nga  
rinyingdu. **12** Vkv aingbv, nyimvmvga ngv yvv atugv nyilu nga  
apak tvla okv kvvbinyi go nyilu naakubolo hv jwkjwkvrwk manv.”

**13** Nyi megonv vmi vdwa Jisu gvlo aagvto ninyigv laak lokv  
bunuam mampv modubv vla, vbvritola lgbwlaksu vdww nyi vdwa  
yamtumto. **14** Vdwlo Jisu um kaapa kunamv, nw haachito okv  
ninyigv lgbwlaksu vdwa minto, "Vmi vdwa ngoogylo aamuto, okv  
bunua mintor mabv, ogulvgavbolo Pwknvyarnv gv Karv ngv bunu  
aingnv gvngv. **15** Ngo nonua jvjvbv mindunv. Yvv vmi aingbv  
Pwknvyarnv gv Karv nga naarwk madudw nw hoka vdwloka  
aanyumare." **16** Vbvrikunamv nw vmi vdwa nw gvlo laachumtoku,  
ninyigv laak v bunua akinakinbv mampvto, okv bunua  
boktalwkji toku. **17** Jisu ninyigv vngkubv lkvodv vngrap tvvdubv,  
nyi ako joklwk toku, ninyigv lvgaplo gublkto, okv ninyia tvvkato,  
"Alvbv Tamsarbo, ngo turbwng nama paadubv ogugo rise vdw?"

(aiōnios g166) **18** Jisu ninyia tvvkato, "No ngam ogubv alvnvgo vla  
mindunv?" "Yvvka alvnvgo kaama Pwknvyarnv akin mwng. **19**  
No gamkinam vdwa chinsudo: 'Gwngrw gwmabvka; nywngnyilu  
ribo minsu mabvka; dvcho mabvka; yvvnyika mvvla mimur  
mabvka; dvkup mabvka; noogv anv okv noogv abua mvngdv  
laka.'" **20** "Tamsarnv," nyi angv minto, "Ngoogy yaapa singsa  
yilokv rila, ngo gamkinam vdwa tvvla ripvkunv." **21** Jisu ninyia  
paknambv kaagap jinjinla minto, "No rise ako doodu. Vngnyika  
okv noogylo ogugo doopvdw mvnwngnga pyoktoka okv morko  
ngi heema vdwa ortoka, okv no nyidomooku tvlo nyitvyachok  
reku; vbvritokula aalakula okv ngam vngming gylaka." **22** Vdwlo  
nyi angv so tvpa kunamv, ninyigv nyukmu v motvkrv tokula, okv  
mvngdwkla vngtoku, ogulvgavbolo nw achibv nyitv nvgo. **23** Jisu  
hoka ninyigv lgbwlaksu vdwa kaitkarla kaato okv bunua minto,  
"Nyitvny nyi vdwgv lvgabv Pwknvyarnv gv Karv lo aatv rinyi  
achialvbv aanyu manam gubv ridu!" **24** Lgbwlaksu vdww ho gv  
gaam minam vdwa lamtoku, vbvritola Jisu minbwng jito, "Ngoogy

vmi vdwa, Pwknvyarnv gv Karv lo aadu bv so si achialvbv  
aanyu manam gubv ridu! **25** Nyitvnv nyi gv Pwknvyarnv gv  
Karv lo aatv rinyi kemel gv pwsi ungko lo vngpit tvnam um  
svnga, si achialvbv aanyu manam gubv riya dunv.” **26** Hokaku  
lvbwlaksu vdvw achialvbv lamngak nyatoku okv akonv-akonyi  
tvka minsu toku, “Vbvribolo, yvvkula ringnam a paala jinv?”  
**27** Jisu hoka bunuam kaadichinchinla kaato okv mirwkt, “So  
si nyi gvbv rikanyuma nvgo, vvvritola Pwknvyarnv gybvma;  
Pwknvyarnv lvgabv ogumvnwng ngv rinyu dunv.” **28** Vbvrinamv  
Pitar milin toku, “Kaato, ngoro ogumvnwng nga topu tokula okv  
nam lvkobv vngming gvdunv.” **29** “Vm,” Jisu bunuam minto, “Okv  
ngo nonua mindunv ho yvv akonv naam vmaloborudv vmaloborudv  
bormv vdwa vmaloborudv anv nga vmaloborudv abua vmaloborudv kuu vdwa vmaloborudv  
rongo nga ngoogv okv gamlv gv lvgabv topu kubolo, **30** sogv  
singnam sum kaiyachok yago paariku. Nw paariku lwnggo lvyya  
naamgo, boru go, bormv go, anv go, kuu go okv rongo go—okv  
ngam mvngjwngnam lokv mvdwkmvku haka; okv singnam gonv  
aaku bolo nw turbwngnv singnam a paariku. (aiōn g165, aiōnios  
**g166) 31** Vbvrinamv, awgony vjak yvv kainvgobv singpvdw, hv  
miang nvgorv singreku, okv awgony yvv vjak, miang nvgorv  
singpvdw, hv kainvgobv singreku.” **32** Jisu okv ninyigv lvbwlaksu  
vdvw Jerusalem lo chaadubv lamtvlo vngdungto. Jisu lvbwlaksu  
vdwa vngchoyalv vngto, kvgony lamnyato; adarlo vngming gvny  
nyi vdvw busunyato. Lvkodv Jisu vrng gola anyi lvbwlaksu  
vdwa adargolo lingvto okv hoka ninyia ogugo rijinvnga ung  
mintoku. **33** “Tvyyato,” Nw bunua minto “Ngoro Jerusalem bv  
vngdungdunv hoka Nyia Kuunyilo nga nyibu butvny vdwgylv okv  
Pvbv tamsarnv vdwgylv laklwk reku. Bunu ninyia simu dukubv  
miyakaya reku okv vvvritola ninyia Jentail haalung gylo laklwk

reku, **34** Ho bunu ninyia nyarikau reku, tachor chorbiakre, svnyakpare, okv ninyia mvkire; vrvritola nw alu loum nvnga turkur reku.” **35** Vbrikunamv Jebedi gv kuunyilo, Jems la Jon, Jisu gvlo aato. Bunu minto, “Tamsarnv, ngonugv mvngnam akonv ngonugv lvgabv rijilabv vla mvngdunv.” **36** Jisu bunua tvvkato, “Hv ogugola?” **37** Bunu mirwkto, “Vdwlo no noogv yunglit rungnv Karv lo doori kudw, ngonu mvngdu no ngonua noogv lakchilo akonyi okv lakkiblo akonyi, noogv dookulo lvkobv doogv labv vla mvngdunv.” **38** Jisu bunua minto, “Nonuno chima nonu ogu gonyi koodudw, Ngoogv hinching koobu lo tvngjinam sum um nonu tvnglare? Ngoogv Baptisma naajinam um nonuno naalare?” **39** Bunu mirwkto, “Ngonu rilare.” Jisu bunua minto, “Rinam gvbv nonu ngoogv tvngjikunam hinching koobulo tvnglare okv ngoogv baptismnaa jinam apiabv naamwng gvlare. **40** Vbrikunamv ngoogv lakchilo okv lakkiblo yvv dooridw um dardubv ngoogvlo kaama. So dooku sam Pwknvyarnv yvvgv lvgabv mvpvjila vvpvnw nw jire.” **41** Vdwlo lvbwlaksu vrng ngv um tvppa tokudw, bunu Jems nyila okv Jonnyi haachi toku. **42** Vkvlgabv Jisu bunu mvnwngna lvkobv ninyigvlo goklkwtok minto, “Nonu chindu yvnyiv Jiusmanv nyi vdwgv dvbv bv ridunv bunu vdwv bunuam rigvdu, okv rigvnbv vdwv achialvbv tojupkunamv doodu. **43** Si, ogubvrijeka, nonugv pingkolo rima svngv. Nonuno gvlo akonv kai yanvpv mvngdulo, nw mvnwng gv pakbubv rirunglaka; **44** Okv nonuno gvlo akonv vngcho nvpv mvngdudw, nw mvnwng gv nyirabv rirunglaka. **45** Nyia kuunyilo jesing ngv rijikodubv aama; Nw rijitebv aato okv ninyigv singtung nga mvngnaga yala achialv nyi go ringlin dukubv.” **46** Bunu Jeriko lo aalwkto, okv Jisu ninyigv lvbwlaksu vdwala okv nyitwng nga lvkobv vnggvla vngrilo, Timias gy kuunyilo Bartimas vnam nyikching tola giago

nvgu lamtv adar lo dooto. **47** Vdwlo nw Najaret lokv Jisu kunyi vla tvvpapvdw, nw gokrapto, “Dabid gv kuunyilo, Jisu, ngam aya mvngpa labv!” **48** Achialvnv nyi v ninyia yamto, okv ninyia bunu choibvkv vla minto. Vbvritola nw gamtvayabv gokto, “Dabid gv kuunyilo, nga aya labvka!” **49** Jisu daktungto okv minto, “Ninyia goklwkto.” Vkvlgabv bunu nyikchingnv nyi um goklwk jitoku. “Mvngpu laka!” Bunu minto. “Gudunglak nam Jisu gokdu.” **50** Vkvlgabv nw atubogv vji laklwk ka ora toku, pegin pokrapto, okv Jisu gvlo aatoku. **51** “No ngam ogugo rjjikoso mvngdu?” Jisu nyi um tvuto. “Tamsarnv,” Nyikchingnv nyi v mirwksito, “Ngo lvkodv kaapa nwngdo.” **52** “Vngnyika,” Jisu ninyia minto, “Noogv mvngjwng ngv nam alvdvbv mvpvku.” Vjakgobv nw kaapatoku okv lamtv ho Jisunyi vngming gvtoku.

**11** Bunu Jerusalem vngchi dase rilo, Betpej gv okv Betani gv banggu nvchilo, bunu Olib Moodwlo aatoku. Jisu ninyigv lvbwlaksu anyigo kanamla vngcho moto **2** Svkvnv gaam milwko: “Nonugv vnglwkjiku nampum alo vngnyilaka. Nonu alo vngchi sopikda, siak ako takpvla lvkoka riokw manamgo nonu kaapare. Um paksoklaila okv um soka aagv teka. **3** Okv nyi gonv nonua ogubv vbo ridunv vla tvvka bolo, so gv Ahtuv sum naanwngdu okv sum baapubv jikur reku vla ninyia minpa laka.” **4** Vkvlgabv bunu vngto okv lamtv vngtunglo siak ako naam ako gv agi lo rvngpv dubv kaapa toku. Bunu um taasok rilo, **5** nyi mego hoka daknv vdwv bunua tvvkato, “Nonu ogubv rila, siak a taasok dunv?” **6** Bunu Jisu gv milwknam jvbw mirwkto, okv nyi vdwv bunua boomu toku. **7** Bunu siak a Jisu gylo boolwk jito bunugv vji laklwk a siak aolo pujito, okv Jisu aolo gecha toku. **8** Nyi mvnwngngv bunugv vji laklwk a lamtvlo pupvjito, kvgonv rongo lokv svngming pala okv um bunu lamtvlo pipv jito. **9** Koching okv

habobv vngming gvnv nyi vdwv gokrap nyato, "Pwknvyarnvnyi hartvto! Pwknvyarnv boktalwkji laka Atugv amin bv aanvnga! **10** Pwknvyarnv boktalwkji laka aainv ngonugv Dvbw Dabid gv Karv nga! Pwknvyarnvnyi hartvdu!" **11** Jisu Jerusalem lo aalwk toku, kumkunaam arwnglo aatoku, okv ogumvnwng nga kaitkarto. Vbvrilola alu v loodwng kunam lvgabv, nw lvbwlaksu vring gola anyi lvkobv vnglingvla Betani bv vngtoku. **12** Logo nvnga, bunu Betani lokv vngcurla vngrilo, Jisu kano toku. **13** Nw adu bv koksitkokrik singnv go anv ngv harbum dubv kaapato, vklvlgabv nw koksitkokrik apw doopv bvri vla aala kaato. Vbvrilola vdwlo nw aatokudw, nw anv mvngchik a kaapa toku, ogulvgavbolo hoka koksitkokrik apw svvdw madvto. **14** Jisu hoka koksitkokrik singnv nga mintoku, "Yvvka lvkody noogylo koksitkokrik dvlwk kumare!" Okv ninyigv lvbwlaksu vdwv um tvvpato. (*aiōn g165*) **15** Vdwlo bunu Jerusalem lo vngchi tokudw, Jisu Pwknvyarnvnaam lo vngtoku okv pyoknv okv rvvnv mvnwngnga mvyakmvchak rirap toku. Nw morko lwkkolwkpiq nvgy tvbul okv taakw pyoknv dooging okv pyokgingnvnv nga duyakdutchak toku, **16** Okv nw yvnyika Pwknvyarnvnaam agum bv ogugoka gvvpik momato. **17** Vbvrilolamv nw nyi vdwa tamsarto: "So si Darwknv Kitaplo lvkpdu ho Pwknvyarnv minto, mooku mvnwng gv nyi mvnwng lvgabv 'Ngoogv Pwknvyarnvnaam hv diringmooku nyi mvnwng gv kumgingjoging naam vla mindunv.' Vbvrilola um dvchochony vdwgvbv tosi siging kobv nonuno kokda pvjiduku!" **18** So sum nyibu butvnb vdwv okv Pvbv tamsarnv vdwv tvvpato, vklvlgabv bunu Jisuni ogolo mvki sogobvri vla agi kaarap toku. Bunu ninyia busu toku, ogulvgavbolo ninyigv tamsar nama nyitwng mvnwngngv lamngak nyatoku. **19** Vdwlo arium tukudw, Jisu okv ninyigv lvbwlaksu vdwv pamtv nga vngyu toku. **20** Logonvgv

arukamchi lo, bunu lamtvlo vngying dula, bunu koksitkokrik singnv go kaato. Hv singmwng lokv miami mvnwng lobv sintoku.

**21** Pitar mvngpa toku ogugo ripvdw okv Jisunyi minto, “Kaato, Tamsarnv, noogv beenam koksitkokrik singnv ngv sinpvku!”

**22** Jisu bunua mirwk toku, “Pwknvyarnvnyi mvngjwngtvka.

**23** Ngo nonua jyjvkly bv mindunv ho yvvdw so moodw sum gudungla okv atu v svmasa bolo orlwksuto vla okv ninyigv haapoklo mvngngvm manam kamabv, vbkritola ogugo ninyigv minam v rirungre vla, mvngjwng bolo v nw gvbv rijire. **24** Svkv lvgabv ngo nonua mindunv: vdwlo nonu kumredw okv ogugonyi kooridw, mvngjwngtvka ung nonu paapvku, okv ogugonyi nonu koobolo nonua jirung reku. **25** Okv vdwlo nonu dakla okv kumbolo, mvngnga laka yvvdw nam rining pvdw, vklvgabv ho nyidomooku aogv doonv Abu noogv rimur a mvngnga jireku.

**26** No kvibi haka mvngnga mabolo, noogv Abu nyidomooku aogv doonv tvka noogv rimur rinam vdwa mvngnga mare.” **27** Bunu lvkodv Jerusalem lo aachitoku. Jisu Pwknvyarnvnaam lo vngkarto, nyibu butvnb vdwv, Pvbv tamsarnv vdwv, okv nyiga vdwv ninyigvlo aato **28** okv nw ha ttvkato, “No so vdwsum ridubv ogu rilanvn go doopv? Yvv nam so rilanvn nga jipvnv?”

**29** Jisu bunua mirwkto, “Ngo nonua vjak gamgo tvkare, okv nonuno nga mirwksito, ngo nonua minpare ogu rilanvn go ngo doopvdw so vdwa ridubv. **30** Ngam minpalabv, ogolokv Jon gv Baptisma jilanvnv ngv aapvnn: v Pwknvyarnv gylore vmaloyi gylore?” **31** Bunugv pinkolo bunu larrap minsuto: “Ngonu ogugo mindubv? Ngonu Pwknvyarnv gylokv vla mirwk sibolo, nw minre, ‘Ogulgabv, vbvirinamv, nonu Jonnyi mvngjwng mapvnn?’

**32** Vbkritola ngonu ‘Nyi lokv vla minbolo...’” (Bunu nyi vdwa busunyato, ogulgavbolo nyi mvnwngngv Jonnyi nyijwk akobv

mvngjwng nyato.) **33** Vkvlgabv Jisunyi bunugv mirwknamv, “Ngonu chimado.” Vbvrikunamv Jisu bunua minto, “Ngooka nonua minjimare, ogu rilanvnu lokv ngo so vdw sum ridunvdw.”

**12** Vbvrikunamv Jisu bunuam minchisinam lokv mintoku: “Kvvlo nyi ako dooto hv anggor rongo ako mvtku, hum svlung rakyum toku, anggor nyumjit kobv ungrung ako dutoku okv kaaya koku taabio akochin bioto. Vbvrigrila nw rwktinnam nyi lo tinlkw toku okv naam a mooying vngyu toku. **2** Vdwlo anggor a naakumdw hv aato kudw, nw pakbua rwktin gvlo vngmu toku ninyigv paase nga bunu gvlo naarwk simudubv vla. **3** Rwktin tinam vdwv pakbu nga naatungto, ninya jvngto, okv arochoko bv vngkur motoku. **4** Vbvrikunamv atu v pakbu gonvnyi vngmuto; rwktin tinam vdwv ninya dumpo lokv jvngrap toku okv ninya achialvbv nyarjikaola mvitungmvre toku. **5** Atu hv pakbu ako godv vngmuto, okv ninya bunu mvki toku; okv bunu achialvbv kvvgo nyika vbdvdvbw mvto, kvgonyi jvngto kvgonyi mvkito. **6** Akin mvngchik go doomwng toku vngjikunv hv rongo atugv paknam kuunyilo ngv. Vbvrikunamv, atar anyabv, nw ninyigv kuunyilo nga rwktin vdwgvlo vngmu toku. Nw minto ‘Ngo jvjbv mvngdunv bunu ngoogv kuunyilo nga mvngdvri.’ **7** Vbvritolra rwktin vdwv bunugv arwnglo raamisito, ‘So si rongo atu gv kuunyilo ngv. Klai, aakumto ninya mvki laju, okv ninyigv yikungyira ngv ngonu gvbv rireku!’ **8** Vkvlgabv bunu kuunyilo anga naatungto okv ninya mvki toku okv ninyigv svma nga rongo agumlo joa toku.” **9** “Vbvrikubolo, rongo atu v ogu rirekudw?” Jisu Tvvkato. “Nw aareku okv ho nyi vdwa mvkire okv rongo nga kvvbi rwktin lo tinriku. **10** Darwknv Kitaplo nonu sum puri rirung pvnvi? ‘Naam mvnv vdwgv anyung kaama vla daranam vlwng ngv mvnwng a alvyachok nvgobv rito. **11** Si Ahtu lokv ritoku; Si ogu kaasartabobv kaanam go!” **12**

Jius rigvñ vdwv Jisunyi naatung tvvtoku, ogulvgavbolo ninyigv  
minchisinam minam v bunuam minikla mindu vla bunu ho  
tvchinto, vbkritola bunu nyitwng nga busunyato, vkvlgabv bunu  
ninya kayula okv vngyutoku. **13** Parisis nyi megola okv Herod  
gv nyi megola Jisu gvlo vngmuto ninya tvu svgo tvka gvrila  
naatung dubv vla. **14** Bunu nw gvlo aala minto, "Tamsarnv,  
ngonu chindu no jyjv a mindunv, nyi vdwv ogugo mvngdu ho  
lvkwngbv mvngdwk mabv. No nyi vdwgv mvngnam lokv vngma,  
vbkritola nyi lvgabv Pwknyarnv gv ogugo mvngnam jyjv nga  
tamsaryado. Ngonua minpalabv, Roman Dvbyachok ka lampu  
dornam si ngonugv Pvbv nga rining dunvri? Ngonu dordu  
bri vmalo dorma dubvri?" **15** Vbkritola Jisu bunugv gwngsi  
nama kaapatvla mirwksito, "Nonu ogubv nga naatung dubv  
gwngdunv? Ain lokdwng lo charge bvnglwkjilabv, okv um nga  
kaamulabv." **16** Bunu charkin go ninyigvlo bvnglwk jito, okv  
Jisu tvvkato, "Si yvvgv nyukmu vla okv aminv?" Bunu mirwkt  
"Dvbyachok gv." **17** Vkvlgabv Jisu minto, "Alvdo, vbvrinamv,  
Dvbyachok gvnga Dvbyachoknyi jitoka, okv Pwknyarnv gvnga  
Pwknyarnvnyi jilaka." Hoka bunu Jisunyi lamngak panyatoku.  
**18** Vbrikunamv nyi sinv, turkur madunv vnv Sadusis mego, Jisu  
gvlo aato okv minto. **19** "Tamsarnv, ngonugv lvgabv Moses so  
Pvbv nga lvkpj jito: 'Nyi gunv atugv nywng nga kuu bvngma  
dwbv siyu bolo ho nyi gv boruv hvngmi nga nywng mvla doogv  
gvrila siyunv nyi ho gvbv kuu bvngji motoka' **20** Lvko nvnga  
achiboru kanw go dooto; Achi yachokkv nywng naatoku okv  
kuu dooma dwbv siyuto. **21** Vbrikunamv boru yangv nywng  
nga doogv toku, okv nw ka kuu bvngma dwbv siyutoku. Boru  
aom nvnv vka vbdvdvritoku, **22** okv vBVrikunamv boru dvdv  
ngv: boru kanw mvnwngngv nyimvmvvga anga nywng mvto

okv kuu bvngma dwbv siyu nyatoku. Atar anyabv nyimvmvga angv sitoku. **23** Vjak, bunu kanw mvnwngngv ninyia nywng mvto, turkurdw alu lo vdwlo sinv mvnwngngv turkur rikunyi, nyimvmvga angv yvvgv nywngbv rirekudw?" **24** Jisu bunua mirwk toku, "Vdwgo nonu mvngmur nyadunv! Okv nonu chindure ogulvgabv? So si ogulvgavbolo nonu Darknv Kitap a vmalo Pwknyarnv gv jwkrw nga chima namv. **25** Vdwlo sinv vdwv turkur rikudw, bunu nyidogindung jvbw ririku okv nywngnyilu naami sikumare. **26** Vjak, sinv ngv turkur nama: nonu lvkoka Moses gv Kitaplo singnv amwng nga vmv gunam lvkwng nga puri rika mapv nvri? Hoka svbv lvkdu Pwknyarnv Mosesnyi minto, 'Ngo kuna Abraham gv, Isaak gv okv Jakob gv Pwknyarnv ngv,' **27** Pwknyarnv turnv vdwgv Pwknyarnv ngv, sinv gvngvma. Nonu achialvbv mvngmordu!" Pwknyarnv turnv nyi vdwgv Pwknyarnv ngv, bunu siro kujvka, turdunv. Nonu achialvbv mvngmordu!" **28** Vbv raami sirilo Pvbv tamsarnv ako hoka tvla dakto. Nw kaatoku Jisu sadusis vdwa alvrungbv mirwk gvnyibv vla, vklvlgabv nw Jisu gylo tvusvgo mvngla aatoku: "Gamkinam mvnwng lokv kaiyachoknv gamlo yachokkv ogolo angv?" **29** Jisu mirwkto, "Gamlo yachoknv sinv 'Tvvgap tvka, Israel! Ahtu ngonugv Pwknyarnv mvngchik Ahtuv. **30** Ahtunyi paklaka noogy Pwknyarnvni noogy haapok mvnwnglo, noogy dow mvnwnglo, noogy mongrumara mvnwnglo, okv noogy gwlwk mvnwnglo.' **31** Gamnyi nvnv gamlo yachokkv si, 'No kvvbinyi haka paktoka oguaingbv no atu nvnga paksudvdw.' So gv gamlo gamnyi so lvvyabv ho kaiyanv gamkinam yagu kaama." **32** Pvbv tamsarnv Jisuni minto, "Tamsarnv, Alvbv ripv, so si jvfv ngvrung no mingvnyibv, ho Ahtu mwng Pwknyarnv ngv okv ho hokaka kvvbi Pwknyarnv yago kaama vbvritola nw mwng. **33**

Okv nyi v Pwknyarnvnyi haapok mvnwnglo pakrung laka, okv mongrumara mvnwng loka okv ninyigv gwlwk mvnwng loka; okv kvvbinyi haka no atu v oguaingbv paksudvdw vBV pakmin sirung laka. Svnwngsvmin okv kvvbi go Pwknyarnvnyi erin rinji mamsenga so gv gamkinam gaam anyi sum achialv bvyta tvvgap mvnggapla rise gorung.” **34** Jisu kaapa toku vdwgo alvrungdo ninyigv mirwknamv, okv vkvlvgabv Jisu ninyia minpa toku, “No Pwknyarnv gv Karv lokv adu ma.” So kochingbv yvvka Jisunyi tvu svnga choopu nyuma toku. **35** Pwknyarnvnaam lo Jisu tamsar sardungla ririlo, nw tvunam go tvvkato, “Pvbv tamsarnv vdwv Kristonyi Dabid gv husi gubv rire vla oguaingbv mindu nvdw? **36** Dabidnyi Darwknv Dow lokv mimuto: ‘Ahtu ngoogv Ahtunyi minto: Ngo noogv nyimak vdwa noogv lvpa lkwnnglo domuma dvdvlo ngoogv lakklo dootoka.’ **37** Dabid atubongv ninyia ‘Ahtu’ vla gokto; vkvlvgabv Kristo oguaingbv Dabid gv husi bv ridubv?” Nyitwng kairungnv go Jisu gv minam a tvvpuby tvvria nyato. **38** Nw gv bunuam tamsar rilo, nw minto, “Pvbv tamsarnv vdwv jvtvlaklwk asudubv gvtola vngnwng nyanv okv piokpamdrpamlo mvngdv konwng nyanv vdwa himasuto laka, **39** Yvv jius kumkunaam vdwlo alvnb dooging nga okv dvpam dvkulo alvyachoknv dooku haka gaknv. **40** Bunu hvngmi vdwa rinvnvmindu okv bunugy naam a dvrtpapidu, okv vbvrikunamv kaatamdu kumnam a asudvby kumdu. Bunugy hiru rusengv sinama Ivyabv rire!” **41** Jisu Pwknyarnvnaam lo morko lwkku jampa nvchilo dooto, nyi vdwgv morko paalwk nama nw kaayato. Nyitvnb nyi vdwv achialv kaibv morko nga paalwk nyato; **42** vbvrikunamv nyima harianv hvngmi go aalwk toku okv lokdwng charchingnv charnyi go hikki arv go paalwk ngurvto. **43** Jisu ninyigv lvbwlaksu vdwa goklwka bunuam minto, “Ngo nonua

minpa dunv so nyima harianv hvngmi angv mvnwngnga kaiyabv  
Daan jampa so paalwk gvnyibv. **44** Kvbbi vdwv bunugv nyitvla  
lwlvin kunam a paalwk nyato; vbvritola hvngmi v, nyimaharia bv  
rirung dvlachin, nw vdwgo doopvdw hum lwknya chekato—nw  
ninyigv turgv nvvse ngaaka lwktar jito.”

**13** Jisu Pwknyarnvnaam lokv vnglin rikulo, ninyigv lwbwlaksu  
akonv ninya minto, “Tamsarnv, kaatoka! Si achialv kaapu rungv  
vlwng okv naam go!” **2** Jisu mirwkto, “Nonu kaadure kainv naam  
vdwsum? Vlwng pwkin goka dookulo doobwng kumare; mvnwng  
sum ngorlula ngora reku.” **3** Jisu ninyigv Pwknyarnvnaam  
kaatok gonvgv Olib Moodw lo doorilo Pitar, Jems, Jon okv Andriu  
bunu ninyi gylo aasila aatoku. **4** Bunu minto, “Vdwnyi si ritv  
rinvdw ngonuam minpalabv, okv so gv mvnwng sokv ridw v  
aaduku vla ogu go kaaring sinv namgo richo tvdunvdw hum sin  
ngonua minjilabv.” **5** Jisu bunua minto, “Yvvka nonua mvvkup  
madubv himasito laka. **6** Achialvgo nyi v ngoogv amina gakka  
minsure, aagvrila minre, ‘Ngo kuvn Jisu!’ okv bunu awgo nyi  
vdwa mvvkupre. **7** Okv vdwlo nonu nyimak gv sidupvbin a  
nvchibv tvvla okv nyimak gv yunying nga adu lo tppala adwkaku  
mabvka. Vkv nvnga rirungjinv, vbvritola v rinya alu v aapvku  
vnam kaama. **8** Diringmooku mvnwngngv padar minsí reku; Karv  
vdwv mvmisureku. Mooku mvnwnglo moobi hwkriku, okv ho  
dvmayarwng aariku. So vdw si kuu bvngtv rinyi huchi chichonam  
jvbv rire.” **9** “Nonuno atubongv himasito laka. Nonuam naatung  
reku okv kvbanaam lo boolwk reku. Nonuam Jius kumkunaam  
vdwlo mvrit riku; Ngoogv lvkwng lokv bunua Gamlv a minpa  
dubv nonuam rigvnb vdw okv kvvbi vdwgv kaagialo dakmure.  
**10** Vbvrítola rinya alu v aama dwbv, Gamlv nga chinggodogo  
haalung mvnwnglo japcho jirungre. **11** Okv vdwlo nonuam

naatung rekudw okv kvbanaam lo vnggv rekudw, nonu ogugo minsedw vla mvngchola mvngdwk mabvka; vdwlo mindw v aarikudw, minlaka vbvribolo ogugo nonua minpv jipvdw. Nonugv gaam minam vdww nonu gvngvma; v vdww Darwknv Dow lokv aareku. **12** Nyiga vdww bunu atugv achiboru a mvki modubv laklwk reku, okv abu vdvvka bunugv kuu a vbdvdvb rire. Kuu vdvvka bunugv anvabu vdwaka rirwk sire okv bunuam mvkisure. **13** Nyi mvnwngngv nonua ngoogv lvgalokv kaanwng mare. Vbvritola yvvdw rinya alu lobv gakbwngla rilin redw v ringnam a paareku. **14** “Nonuno ‘Achialv busu namgo hv myakmvchak jinv go.’ Hoka ninyigv dakma svnglo dakdubv kaapare.” (Purinv vdwa mindu: Si ogu gonyi mindunvdw chirung laka!) “Vbvrikubolo yvv bunu Judia lo doodunv moodw bv kicha laka. **15** Yvvnyi angv nw gv naam namwng mwnglo aolo ridunv naam arwngbv yikungyira naadubv irung mabvka. **16** Yvvnyi angv rongolo ridunv ninyigv vji laklwk lvgabv naamlo vngkur kuyoka. **17** Hv alu v nyimvmvvga vdww kuu gvdunv okv anv vdww yvv anga aijingnv doodunv ho vdwgvbv achialvbv alvmanv gobv rire! **18** Svkv nvngv kamching poolu lo rima dubv Pwknyarnvnyi kumtoka! **19** Ho alu gv hirukaya ngv Pwknyarnv gv nyiamooku a pwklinyarlin rilokv vjak lobv nyia nyi vdwgv hingkw kunam um svnga si achialvbv alvmanv gubv riyare. Vbdvdvbv kokwloka vkvngvo lvko ridv kumare. **20** Vbvritola Ahtu ho alua loodwng modu; nw vBV rimabolo, yvvka turla renyu mare. Nw gv darkunam nyi vdwgv lvgabv, nw ho alu vdwa loodwng mopvnn. **21** “Vbvrikunamv, ‘Kaatoka, Kristo si doodukv!’ Vmaloo, ‘Kaatoka, nw alo hv!’ Vla nyi gonv nonua minbolo—ninya tvjing mabvka. **22** Mvvnrund Kristo ngv okv mvvnrund nyikrwkaanv aare. Rilabolo bunu Pwknyarnv gv nyi vdwa mvvkup dubv

lamrwpadubv okv kaapunv rila kaatamre. **23** Nonuno atugv  
lvgabv hima silaka! Ridw hv aamadwbv ngo nonua ogumvnwng  
nga mincho jipvkunv." **24** "Hirukaya alu vdwv vngro kochingbv,  
Doonyi hv kanv riku okv Poolu vka loung kumare, **25** takar vdwv  
nyidomooku lokv holu re, okv nyidomooku tolo jargvnv gwlwk  
hv bunugv lokv ngeyu reku. **26** Vbvrikubolo nyia kuunyilo ngv  
daklwk riku, jwkrw kairungnv okv yunglit nvgoqv rila doomwk  
lo aareku. **27** Nw ninigv nyidogindung vdwva nyia mookugv  
chenyung api lo vnglin more okv nyido dootar gonn lokv dootar  
gonv lobv Pwknyarnv gv darnam nyi vdwva makum more. **28**  
"Koksitkokrik singnv lokv nonu kachin sutoka. Vdwlo so gv hakbv  
ngv jjibv okv kaapubv riri kudw okv anv harlin rapku bolo drrw  
hv nvchi duku vla nonu chindu. **29** Ho apiaby, vdwlo nonu svkv  
nvnga ridubv kaapa rikudw, rirap dukubv, dwv nvchi duku vla  
nonu chinreku. **30** Nonu mvnggap laka so ogu mvnwng vdw si  
rire vjakgv nyi singnv mvnwng vdwsim dwbv. **31** Siching  
nyido hv ngelare, vbvritola ngoogv gaam minam hv vdwloka  
ngemare. **32** "Ho alu, vmalodw, vdwlo aarikudw hum chinv  
kaama-aomooku gv nyidogindung vdwvka, kuunyilo vka um  
chima; Abu mvngchik chindu. **33** Kaaya laka, hula doolaka, vdwlo  
dwv aarikunvdw nonu chima. **34** So si nyi gunv atugv naam  
ha nyira vdwgylo akinakin gv rise nga parlwkla okv agi kaaya  
nvngaka kaaya dubv parlwk pela adu lo mooying vngyu nyonam  
aingbv rire. **35** Himasuto laka vBVrikunamv, ogulvgavbolo nonuno  
chimado vdwlo naam gv atu hv aarikudw—si arium nyika vmalodw  
yupra nyika vmalodw arumadv bv vmalodw doonyie poklin madvbv. **36**  
Nw dvminmabv aaku bolo, nonua yupla doodubv ninyia kaamu  
rungyoka. **37** Ogugo ngo nonua mindudw, vBVrikunamv, ngo  
mindunv mvnwng ha: Hima silaka!"

**14** Vngbodynam okv Vpap lwkmabv vtwng dvnam pumja alu vdwgv aase ngv loonyi go doodubv, nyibu butv vdwv la Pvbv tamsarnv vdwv Jisunyi nyi chimpa madubv naatungla mvkidubv vla kaakarnyato. **2** Bunu minto, "Nyi vdwv yalungyachung bv rjila, ngonu pumja alulo sum rijojuka." **3** Jisu Betani lo Saimon gv naam lo dooto, nw apin yaritla lvvma kunvgo. Jisu gv dvnam dvla doorilo, nyimvmvga aka daaching pumchup gulo achialv arvdoonv nampunv piaknam ala darwk dubv mvlinnam vkv akudubv bvngla hila aato. Nw pumchup a mvkok gvrila nampunv ala um Jisu gv dumpo lo piakto. **4** Hoka nyi kvgunv haachirapto okv akonv akonyi raamisito. "Ogu rinvla nampu nvnga pwgga mindunv? **5** Sum lwngngom lvnv raaji lokdwng gubv piokgv rila okv um morko nga heemanv vdwa jiya bolo alvnamy!" Okv bunu nyimvmvga nga achialvbv darminto. **6** Vbbritola Jisu minto, "Ninyia akinbv kayu tvka! Ogubv nonu ninyia mindwkminku yadunv? Nw ngam alvnvg okv kaapu rungnvgo rijipv. **7** Nonu aludwkia heemanv nyi vdwa lvkobv ribam tvdu, okv vdw dw lo mvngidw, nonu ho bunua ridurladu. Vbbritola nonu nga aludwkia lvkobv doobam paamare. **8** Nw ogugo rila pvdw nw rigvnyibv; Nw nampunvnga ngoogv ayaklo piaknam si ngam nyibung riidwlo rise nga riicho dunv. **9** Vjak, ngo nonua jvjvbv mindu, ogoloka ho Gamlv nga nyiamooku mvnwng so japgo redw, ninyigv rinamssum, ninyia mvngpala minpa nvnv gobv ribwngre."

**10** Vbrikunamv Judas Iskeriot, lvblaksu vrng gola anyi lokv akonv, nyibu butv vdwgvlo Jisunyi bunu gvlo koa lwdubv vla vngtoku. **11** Bunu ninyigv minam ha tvvla mvngpu nyatoku, okv ninyia morko jidubv milv nyato. Vkvlgabv Judas Jisunyi bunu gvlo laklwkdubv alvnv dw makarto. **12** Vpap lwkmabv vtwng dvdw pumja gv loocco alulo, ho alu vngbodynam lvgabv

svlarkuu nga mvki toku, Jisu gv lvbwlaksu vdwv ninya tvvkato,  
“Ogulo no ngonua vngbodynam dvmin nama noogv lvgabv  
richola ripv tebv vngnyika mvngdunv?” **13** Vbvrikunamv Jisu  
bunugv lokv anyi gonyi svbv milwk gvrila vngmuto: “Banggu  
alo aaika, okv nyi go isi pvchwg joonv go nonua vngrwksire.  
Ninya vngming gvla **14** ninya naam arwng aaming gvlaka,  
okv naam atua minlaka: ‘Tamsarnv mindu, ngo la okv ngoogv  
lvbwlaksu vdwv vngbodynam dvjiku karchung ngv ogolola?’ **15**  
Vbvrikunamv nw nonua aolo kairungnv karchung go kaapubv  
okv mvdum ridumla pvvnamgo kaatamre, hoka nonu ngonu gvbv  
ogumvnwng nga mvpvripv nama paare.” **16** Lvbwlaksu vdwv  
vngrapla, okv banggu lo vngtoku, okv Jisu gv bunua mingkunam  
aingbv ogumvnwng nga paatoku; okv bunu vngbodynam ha  
mvpvripv toku. **17** Vdwlo arium tokudw, Jisu lvbwlaksu vrng gola  
anyia lvkobv aatoku. **18** Bunu tvbul lo dvbamla doorilo, Jisu  
minto, “Ngo nonua mindu, nonu lokv akonv ngam koare—ho  
angv nga lvkobv dvbamdu.” **19** Lvbwlaksu vdwv mvngru toku  
okv ninya tvvka rapto akonv kochingbv akonv, “Jvjvbv no nga  
mima dvbvre, no midunvre?” **20** Jisu mirwkt, “Hv nonu vrng  
gola anyi lokv akonv yvv ngam lvkobv pwrw lo ninyigv vtwng nga  
nwkbok minggvnv. **21** Nyia kuunyilo ngv Darwknv Kitaplo nw  
vbvrire vnam aingbv rila sire; Vbvrilola nyia kuunyilo nga koanv  
nyi hv vdwgo mvnglv manam mvngru hiru gobv rirekudw! So nyi  
so gv lvgabv alvyajibvnyi ninya bvnglin manv guilo.” **22** Bunugv  
dvla doorilo, Jisu vtwng alap go naato, umbonyikv vla kumto,  
um pimwkto, okv um ninyigv lvbwlaksu vdwa jitoku. Nw minto,  
“Sum naatoka si ngoogy ayak hv,” **23** Vbvrikunamv nw koobu a  
naata toku Pwknyarnvnyi umbonyikv vto, okv um bunua laklwk  
toku; okv um bunu mvnwngngv tvngbam toku. **24** Jisu minto,

"Si ngoogv oyi hv, mvnwng gv lvgabv sarlin pvnv, ngoogv oyi  
hv Pwknyarnv gv mingkimiay nama miu pvnam hv. **25** Ngo  
nonua mindu, ngo so gv anggor ala sum vdwloka tvngku mare  
vdwlo Pwknyarnv gv Karv lo sum anw bv tvngma dvdlo." **26**  
Vbrikunamv bunu miriminpk go minto kula okv Olib moodw  
bv vnglin nyatoku. **27** Jisu bunuam minto, "Nonu mvnwngngv  
ngam kayupila kireku, Darwknv Kitap hv mindu, Pwknyarnv  
mvkire svlar kaaya nvnga, okv svlar mvnwng hv kiyak karriku.  
**28** Vbkritola ngoogv turkurro kochingbv, ngo Galili lo nonua  
vngchoyare." **29** Pitar mirwkto, "Mvnwngngv vbv risujeka, ngo  
nam vdwloka kiyumare!" **30** Jisu Pitarnyi minto, "Ngo nam  
mindunv, siyu gv ayulo rokpu hv lvnyi go kokma dwbv ho no  
ngam chimapvn vla lvom go minre." **31** Pitar abuyabv atorla  
mirwkto, "Ngo nam lvkobv sidajeka, vdwloka ngo vbv mimare!"  
Okv kvvbi lvblaksu mvnwng vka lvkobv vbv mintoku. **32** Bunu  
Getsemane vnam mooku lo aalwkto, okv Jisu ninigv lvblaksu  
vdwa minto, "Ngoogv kumrinyi soka dooyato." **33** Jisu Pitar, jems,  
okv Jonnyi lvkobv vnggv linto. Achialvbv mvngdwk okv sakdwk  
kv ninyi gylo aalwk toku, **34** okv nw bunuam minto, "Ngoogv  
haapok so gv mvngdwk v achialvbv kaiyajvla v nga cheloyanga  
mvdup duku. So dooyato okv kaayato." **35** Jisu achuk gobv adu  
vngto, nw atubongv kvdwlo gipvto, okv vBV kumto, rinyubolo,  
nw hindarkasu hinkulo vngmadubv vla. **36** Nw kumto "Abua"  
"Ngoogv Abua! No gvBV ogumvnwng nga rinyudo. Mvngdwk gv  
koobu sam ngoogv lokv naapak labv. Vbvjka ngoogv mvngnam  
bvma, vBkritola noogv mvngnam bvka." **37** Vbrikunamv nw  
linkurto okv lvblaksu aoma yupngakla doodubv kaapato. Nw  
Pitarnyi minto, "Saimon, no yupdu nvri? Nonu gunta akin gv  
lvgabvka hula doonyu mai?" **38** Okv nw bunua minto, "Hula

doobwngto, okv nonu v ho pookayarka lo gilu madubv kumtoka. Dow hv alvnvnga rinwngdu vbvritola adwn hv nyakriadu.” **39** Nw lvkodv vngdyla okv kumtoku, minam akin gaam a minbwngto. **40** Vbvrikunamv nw lwbwlaksu vdwlo aakur toku okv bunuam yupdubv kaapato; bunugv nyik hv nyiktarla bunu doonyu mato. Okv bunu chima toku ninyia ogugo mirwk svngvdw. **41** Nw vdwlo lvom nvnv bv aakur dvto, nw bunua mintoku. “Nonu vjak gudvbv yupdyla okv doomin nyaduai? Hv kubvcho! Kaatoka Nyia Kuunyilo a rimurnv nyi vdwgv laak lo lalkwdw v aadukunv! **42** Godung to, klai ngonu vnglaju. Kaatoka, siinv yvvdw nga koanv nyi angv!” **43** Vdwlo Jisu gv gaam mindung dvduby vring gola anyi lwbwlaksu lokv akonv Judas, aachitoku. Nw gv aakulo lvkobv nyibu butv vdwgv, Pvby tamsarnv vdwgv okv nyiga vdwgv kanamla vngmunam vkv riokse, okv daadwng bvngnv nyitwng go aaming gtvo. **44** Koanv nyitwng nga riring rima go mirwjito. “Ngo yvvnyi mopup redw hv nonugv naajinam nyi angyla. Nw ha naatung laka okv ninyia kaaria kolo boolwkla vnggvlaka.” **45** Judas aachi sopikda, nw Jisu gylo aato okv minto, “Tamsarnv!” Okv ninyia moopupto. **46** Vkvlgabv bunu Jisuni naatung toku okv ninyia laak ha achialvbv gakbwng toku. **47** Vbvritola hoka daknv nyi akonv atugv riokse nga svlin gvrila okv Nyibu Butvyachok gv pakbua nvnglinla nyarung ha paluto. **48** Vbvrikunamv Jisu minrap lakuila okv bunua minto, “Nonu riokse okv daadwng gv lvkobv aala nga naatung dubv ripv ai, ngam Pvby agumlo rinv aingbv? **49** Ngo alu gv dwkibv Pwknyarnvnaam lo nonuam tamsarla rito, okv nonuno nga naatung mato. Vbvritola Darwknv Kitap gv minam hv jyjvby aarungre.” **50** Vbvrikunamv lwbwlaksu mvnwngngv ninyia kayupila okv adubv kitoku. **51** Nyi yaapa rungnvgo, yji pakria gvnvggo, Jisu gv kochinglo vngming

gvto. Nw ha bunu naatung tvvto, **52** Vbvritola nw vji ha adarla  
kayupila ayak abinbv kiyu toku. **53** Vbvrikunamv Jisuni Nyibu  
Butvyachok gv naam lo aagv toku, hoka nyibu butvnb vdwv,  
nyiga vdwv, okv Pvbv tamsarnv vdwv doopam nyato. **54** Pitar  
adu bv vngming gvto okv nyibu Butvyachok gv naam gv pvrlo  
aaming gvto. Nw atu v hoka agi dakrianv vdwa lkvobv, vmv yigu  
mingyla dooto. **55** Nyibu butv vdwv okv dookumnv mvnwng hv  
rikw nyato Jisuni mingging nvnv malinla ninya mvkinvdubv,  
vbvritola bunu ogugoka malin nyumato. **56** Achialvnv mvvnam  
vkv Jisuni minv nyato. Vbvritola bunugv minam hv lvin akin  
mato. **57** Vbvrikunamv nyi kvgony dakrapla okv so mvvnam  
gaam sum Jisu gvlo milwkto: **58** “Ngonu ninya vBV mindubv  
tvvto ‘Ngo nyi gv mvnam Pwknyarnvnaam sum mvyakre, okv  
alu loum kochinglo ngo ho nyi gv mvmanam ako mvre.” **59** Bunu  
mvngchikma, vbvrijvka, bunugv minam ha lvin akin dubv minyu  
mato. **60** Nyibu Butvyachoknv mvnwng gv kaagialo dakrapla  
okv Jisuni tvuto, “Bunu mvnwng gv nam gungnying lwknam ha  
no ogu mirwk sise kaama lare?” **61** Vbvritola Jisu sudu mato  
okv gamgoka milin mato. Lvkodv nyibu Butvyachoknv Jisuni  
tvuto, “No Kristo rungre, Ngonugv kumnamjonam Pwknyarnv  
gv kuunyilo vrungre?” **62** “Vm Ngo maby,” Jisu mirwkto “Okv  
Nyia Kuunyilo ngam kainv Pwknyarnv gv labkiklo doodubv  
okv nyidomooku tololv doomwk lo aadu bv nonu mvnwngngv  
kaapare!” **63** Nyibu Butvyachoknv atugv vji ha putak puyak sito  
okv minto, “Ngonu so gv aolo kvvbi twlakaala minjinv yago  
dinchi kuma! **64** Nonu ninyigv Pwknyarnvnyi nyarjitari nama  
tvgvnyibv. Nonugv minbwk svngv ogugola?” Bunu mvnwngngv  
ninya tokum lwktoku: nw rimur rungpv sirung dubv ripv. **65** Bunu  
kvgonv Jisuni tachor chorbiak rapto, okv bunu Jisu gv nyik

a putumto okv ninya nwkt. "Minjwk kaato yvla nam nwkbu hv!" Bunu minto. Okv dakrianv vdwv ninya svbiak svriakto okv ninya vnggv toku. **66** Vdwlo Nyibu Butvyachok gv nyijar paknv vdwlokv akonv aalwkrilo Pitar vjaklodvbv pvrlo doodvto. **67** Vdwlo hv Pitarnyi vmvlo atubongv yigula doodubv kaapa pvdw, hv ninya kadichinchila kaato okv minto, "No kai Najareth Jisu gv lvkobv rinvgo ai." **68** Vbvrilola nw um mvvtoku. "Ngo chima... No ogugo mindunv ngo tvvchinma," nw mirwksito, okv nw aagia gv agi dookubv vngyi toku. Vbvrlikunamv vjakpi gubv rokpu ako koktoku. **69** Paknv nyijar angv ninya hoka kaatola okv kaala daknv vdwa mindvito, "Nw bunugv lokv akonv!" **70** Vbvrilola Pitar lvkodv um mvvdvto. Achakgu ayungjvma nga dakkam vdwv Pitarnyi gungnying milwkto, "No mvvnyu mare ho bunugv lokv ako nvngvma vla, ogulvgavbolo no ka, Galili lokv mabv." **71** Vbvrlikunamv Pitar minto, "Ngo atubongv jvjbv ho milv sidunv! Ngo jvjbv minma dvnvlo Pwknyarnv ngam mvrit laka! Nonu yvnyi mindunv ho nyi anga ngo chima!" **72** Vbv minam gola rokpu hv lvnyi nvbv kokto, okv Pitar Jisu ogugo ninya minpykudw mvngpa toku, "Rokpu hv lvnyi go kokma dwbv ho no lvom go nga chima vla minre." Okv nw mvngdwk hv mvngtung sinyu kumabv rila kaptoku.

**15** Arukamchi bv nyibu butvnb vdwv, baapubv nyiga vdwa, Pvbv tamsarnv vdwa, okv dookum mvnwngnga lvkobv kaarwksuto. Okv bunugv rungnam vdwa mvtoku. Bunu Jisuni jaako lvktola, ninya vnglin gvto, okv Pilot gylo ninya laklwk toku. **2** Pilot ninya tvuto, "No Jius vdwgv Dvbw ngvri?" Jisu mirwkt "No gv minam v mabv." **3** Nyibu butvnb vdwv Jisu gylo gungnying awgo milwkto, **4** vklvlgabv Pilot Jisuni tvvdidvto "No mirwk dubv mvngmare? Tvvtoka vdwgo bunu mvnwngngv nam gungnying lwkdunv!"

**5** Lvkodv Jisu gamgoka mirwk sumato, okv Pilot mvngngak pala mvngtoku. **6** Vngbodynam Pumja ngv rirap dwkibv Pilot gvlo vknv ribwng namgo dooto patwklo tumnam nyi vdwlokv akonyi nyi vdwgv koonam anga anyubv limu dukubv. **7** Vbvriri ho nyi ako aminv Barabas vnam gonyi vdwa yalung dula gwngrw gwnv go patwk arwnglo dooto. **8** Vdwlo nyitwng ngv vngkum tokudw okv bunu Pilot ninyigv ribu ha rijilabv vla kooto. **9** Nw bunua tvvkato, “Nonu ngam jius gv Dvbv nga nonugv lvgabv anyubv topu jilabv vla mvngdure?” **10** Bunugv tanyum gvnam lokv nyibu butv vdwv Jisunyi ninyi gvlo laklwk dunv vla Pilot alrvungbv chinto. **11** Vbvritolu nyibu butvnu vdwv nyitwng nga bunugv lvgabv Barabasnyi anyubv tulin jilabv vla Pilotnyi mintokv vla miarto. **12** Pilot nyitwng nga lvkodv tvvkato, “Vbvrikunamv, nonugv Jius vdwgv dvbv ngv, vnam nyi sum ngam ogu ritokv vla mvngdu?” **13** Bunu rumla gokorto, “Ninyia Daapolo takki toka!” **14** Pilot tvvka tokuda, “Vbvritolu ogunv rimur gula nw ripvnv?” Bunu abuyabv rumla gokto “Ninyia Daapolo takki toka.” **15** Pilot nyitwng nga rinyok dubv mvngto, vklvlgabv nw bunu gvby Barabasnyi anyubv tulin jitoku. Vbvrikunamv Pilot Jisunyi svnyak pamutoku, okv bunugv laaklo ninya daapo lo takki dukubv jilwk toku. **16** Sipai vdwv bunugv ajin vdwa gokkum silaila Jisunyi Pilot nyigam gv kvba baaku prvlo vnggvtoku. **17** Bunu lvngching lwngbonv vji vkv jtvvlaklwk gubv Jisunyi pilwkto, tvv doonv hakbv lokv dunggar bv mvto, okv um ninyigv dumpo lo pilwkto. **18** Vbvrikunamv bunu salaam mvminto: “Jius vdwgv Dvbv ngv turbwng laka!” **19** Bunu ninyigv dumpo nga daadwng lokv dvngto, ninya tachor chorke toku. Ninya bunu lvbwng ngv kumpvto, okv guplkto. **20** Vdwlo bunu ninya rijirio svngam rinya tokudw, bunu ninyigv ayak lokv lvngching lwngbonv vji pilwk nama pilintoku

okv ninyigv vji gvbwnng nama pikkur lwktoku. Vbvrikunamv bunu ninya daapolo takki dubv linggv toku. **21** Lamtvlo bunu nyi go aminv Saimon vnamgo vngrwk suto nw mooku lokv pamtv bv aanvgo, okv ninya sipai vdvv Jisu gv Daapo ngam joodu bv mililalato. (Saimon nw Sairene lokv okv Alekjandar gyla Rupus gv abuv.) **22** Bunu Jisunyi Golgota vnam mooku lo aalwk gvtv. "Golgota vnam si dumku gv mooku." **23** Hoka bunu ninya anggor ala lo nvnv myvomvchinam miir vnam, vkv jitv tvvto, vbvritola Jisu um tvngmato. **24** Vbvrikunamv bunu ninya hoka daapolo takki toku okv ninyigv vji ha bunu mvnwng hv ormi sitoku, vji arip ha yvv paaridw vla kaakanvby vlwng lika suto. **25** Vdwlo ninya bunu Daapolo takki rilo ho aru gv gunta kiya bajv bv ritoku. **26** Ninya gungnying lwgvnvnv nga "Jius vdwgv Dvbw" vla lvktola kaapadubv timpvto. **27** Bunu dvrithnaaritnv nyi anyi goka Jisunyi lvkobv akonyi lakkib kyambv okv akonyi lakchi kyambv takkito. [ **28** Vkv aingbv Darwknv Kitap hv jvjbv ritoku ho mindu "Nw alvmanv nyi vdwgv aje ha naapin sipv"] **29** Lamtv lokv vngpiknv nyi vdvv dumpo ngv dumpv panyula riying dyla Jisunyi minjimiobv svbv minto, "Ah ha! No Pwknyarnvnaam ha myak gvrila alu loum lo mvrung tvdukui! **30** Vjak Daapo hokv itokuka okv no atu hv mvtursito kuka!" **31** Vbvdvdbv nyibu butvny vdvv okv Pvbv tamsarnv vdvv, Jisunyi nyarji minto, bunu mimisito, "Nw kvvbi vdwa ringlato, vbvritola nw atu hv ringsu-nyuma! **32** Klai kaalaju Kristonyi, Israel gv Dvbnvyi, vjak Daapo lokv idu kubv, ho ngonu ninya mvngjwng rikunv!" Okv ninya takulo taktanam nyi anyi vka Jisunyi minjimiola mindvto. **33** Vdwlo alu lopo tokudw, mooku mvnwnglo kanv toku, v gunta aom gubv doobwngto. **34** Gunta aom bajv bv Jisu gamtv rungbv gokla minto "Eloi, Eloi, lama Sabakthani?" So vnam si "Ngoogv Pwknyarnv,

ngoogv Pwknyarnv no ogu bv ngam topak duku nvla?" **35**  
Nyi mego hoka doonv vdwv ninyigv minam um tvgvrila minto,  
"Tvvtoka nw Eljanyi gokdu!" **36** Bunugv lokv akonv riolkto  
tachak pupam go bvngla, um kungsoknv opolo nwkbokto, okv  
um singda nyiktoklo pubwngto. Vbvrilola nw um Jisugv naptwng  
naborlo tungsala tungpvto okv minto, "Dooyato! Klai kaalaju  
lvkonyika Elja aala ninya Daapo loka naalu ridw!" **37** Gamtv  
rungbv gokto kula Jisu sitoku. **38** Pwknyarnv gv naam arwnglo  
darwk yachoknv karchung lo vji torchik nvnv ngv mvngring lokv  
lvtwng lobv taknyi gubv takpinsito. **39** Sipai nyigam daapo kaagia  
gv nvchilo daktola, Jisu oguaingbv sipvvdw um vdwlo kaatodw nw  
svbv minto, "Si Nyi si jyjbv Pwknyarnv gv kuunyilo gurung!"  
**40** Hoka nyimvvga vkv mego, adu lokv kaatinla dakto. Hv  
bunu Meri Magdalene, boruya Jems gvla Josep gv anv Meri okv  
Salom. **41** Bunu Jisu gv Galili lo rerilo remin gvnv ngv okv ninya  
ridur nvngv. Okv ninya vngming gvla Jerusalem lo vngming  
gvnv nyimvvga vkvsin awgo rito. **42** Arium dindin bv ritoku,  
vdwlo Arimatia lokv Josep aalwk todw. Nw Jius kvba vdwgv  
mvngdvnam nyi gubv rito, nw Pwknyarnv gv Karv gv aase nga  
dooya nvgo. Ho alu hv Richo minchola ridw alu bv rito (Vnamsi  
Jius Doonualu ham loochoyanv), vkvlgabv Josep mvngrwla  
Pilot gv dookulo aala Jisu gv svma nga kooto. **44** Jisu sipyku  
vnam ha tvvtola Pilot achialvbv lamtoku. Nw sipai nyigamnyi  
gokla okv Jisu kajo sirokuri vla tvvkato. **45** Sipai nyigam gvlo  
tvgapro kochingbv, Pilot Josepnyi svma nga naala duku vla  
minto. **46** Josep vji jebor go rvvgv rila, svma nga naalu laku, vji  
jebor hv tumgy rikula, okv nyibung arwnglo vwpv toku, nyibung  
ngv vlwng lvngtak golo dulwknam go. Vbv mvgrila nw agi a  
vlwng pwktv rungnvgo ngortum to. **47** Meri Magdalene okv Josep

gv anv Meri bunu kaariala okv Jisu gv svma nga vvpv konga  
kaatoku.

**16** Jius Doonualuv vngro kochingbv, Meri Magdalene, Jemsgv  
anv Meri, okv Salom bunu Jisu gv svma lo piakdubv vla amok  
nampunv vkv rvvtoku. **2** Vjwng alu gv achialv arukamchi bv,  
doonyi chaalin dukubv, bunu nyibung lo vngto. **3** Bunu lamtvlo  
akin akin v raami sila vngto, "Yvvkudw ngonugv lvgabv nyibung  
agi gv vlwng a ngorkok jijinv?" (Ho vlwng angv maatarbv pwktv  
nvgo.) Vbvrikunamv bunu kaadung namv vlwng ngv ngorkokla  
doodubv kaapato. **5** Vkvlgabv bunu nyibung arwnglo aato, hoka  
bunu nyi yaapa go yapungnv vji gvnvgo lkbik kyambv doodubv  
kaapato, ho bunu lamla busuto. **6** Nw minto, "Lamla busu maby"  
"Ngo chindu nonu Najaret lokv Jisuni makardu, yvnyi daapo lo  
takki nama. Nw so dooma—nw turkur roku! Kaatoka bunugv  
ninya vvpv konga. **7** Vjak vngyikula okv ninyigv lvbwlaksu  
vdwam, Pitarnyi mintala bunua so doin sam minji tekuka: 'Nw  
Galili lo nonua vngchoyare; ninyigv nonuam mintam kunam  
aingbv, nonu ninya alo kaarwk sire.'" **8** Vkvlgabv bunu achialvbv  
mvngdwkla okv lamla nyibung lokv jokla kula vnglintoku. Bunu  
yvnyika ogugo mimato, oglulgavbolo bunu busu nyato. [ **9** (note:  
**The most reliable and earliest manuscripts do not include Mark 16:9-**  
**20.**) Jisu gv sitokula turkurro kochingbv Vjwng alu gv arukamchi  
bv, nw Meri Magdalenyi kaatam sichoto, ninyigv uyuvram  
kanw go charlin kunam anga. **10** Nw vngtoku okv mvngdwkla  
kapla rila doonv Jisu ninyigv lvkobv rigvnam bunu vdwa mintam  
jitoku. **11** Bunu Jisu turpvku okv nw Jisuni kaarwksuto vnam um  
tvvtolaka, bunu hum jvjbv mvngma nyato. **12** So kochingbv, Jisu  
nyidum anyi gonyi akusubv kaatam sutoku vdwlo bunu bunugv  
diringmooku lamtvlo vngrilo. **13** Bunu vngkur toku okv kvvbi

vdwa minpa toku vbvrijvka bunu hum tvvjing mato. **14** Ataranya  
bvku, Jisu lvbwaksu vring gola akin gonyi kaatam sutoku bunugv  
dvnam dvla doorilo. Nw bunua yamtoku ogulgavbolo bunu gylo  
mvngjwng doomato okv ogulgavbolo bunu achialvbv tvvjing  
nyuma nvgobv rito yvv bunu ninyia turpv vla kaatola mintam  
namaka tvvjing mato. **15** Nw bunua mintoku, "Vngnyika nonu  
nyiamooku mvnwnglo okv Gamlv nga nyi mvnwnglo japij teka.  
**16** Yvv bunu mvngjwngla Baptisma naaredw v bunu ringnam a  
paareku; Okv Yvv bunu mvngjwng maredw bunu ngooriku. **17**  
Mvngjwngnv vdwgvlo svkvnv lamrwpabv rigvnnv jwkwr ngv  
lvkobv dooming gvriku: Bunu ngoogv amin lokv uyuvram vdwa  
charpakre; Bunu akusunv gaam japlare; **18** Bunu tabw vdwa  
naarapjeka vmalo chumdwk haka tvngjeka, bunua ogu rimare;  
bunu nyi lvvmanv aolo laak lakpvbolo lvvmanv poyeriku." **19**  
Ahtu Jisu gv bunua mintamro kochingbv, ninyia nyidomooku bv  
naacha toku, okv ninyia Pwknvyarnv gv lakkik kyamlo doomu  
toku. **20** Lvbwaksu vdww vnglintoku okv mooku mvnwnglo japgo  
jitoku, okv Ahtu bunua lvkobv reming gvto okv bunugv japij namv  
jyjv gorung mvngduby lamrwpadubv rila kaatam jitoku.]

# Luk

**1** Ayanam Tiopilas: Ngonugv pinko so ogugo ripvkudw hum lvkdubv awgo nyi vdwv bunugv lvgvlvmabv rikw nyatoku. **2** Ogugo ripvkudw um atuk alu lo tvvnvkaanv vdwgv doin a japkarla ngonua minji kunama bunu lvktoku. **3** Okv vkvlvgabv, ngonugv chinpanv nga, ogulvgavbolo so minam gaam mvnwng nga atuk lokv ngo alvrungbv himpv kaapv kunv, hung mvnwngnga nonugv lvgabv jubjirvyi dubv lvkla pyji bolo alvyari vla ngo mvngtoku. **4** Ngo sum ridu ogulvgavbolo nonua minjinam ho gv jyjv mvnwngnga alvbv chimuso mvngla. **5** Herod gv Judia lo Dvbw bv rila singriko hokaka nyibu go aminv Jakaria vnamgo dooto, nw Abija vnam gv nyibu buli haalung lokv. Ninyigv nyimv gv aminv Elijabet; hvvka nyibu buli haalung lokv. **6** Anyiv Pwknyarnv gv kaagialo alvbv rila reto, okv Ahtu gv nyetin Pvbw nga alvbv mvnggapla rila reto. **7** Bunyi kuu kaamato ogulvgavbolo Elijabet akoka bvngmato, okv nw okv Jakaria bunyi achialvbv nyikam ongu toku. **8** Alu logolo Pwknyarnvnaam lo Jakaria nyibubv rila ninyigv kudungkua rise nga naala ridungto, **9** Nyibu vdwgv riching bv rila, Pwknyarnvnaam lo nampunv mwkwmwya mwwkulo mwwnam lvgabv amin chinka sila riku lo ninya chimpa toku. Vklvlgabv nw Ahtu gv Pwknyarnvnaam lo vngtoku, **10** vdwlo nampunv mwkwmwya mwwdw v aapv kudw nyi nyitwng ngv agumlo kumtoku. **11** Ahtu gv nyidogindung gonn nampunv mwkwmwya mwwku lakkib kiambv daktola ninya kaatam sitoku. **12** Vdwlo Jakaria nyidogindung nga kaapa tokudw, nw lamla okv busuto. **13** Vbkritola nyidogindung ngv ninya minto, “Jakaria, busu mabvka! Pwknyarnv noogv kumnam a tvvpa pvku, okv noogv nyimv Elijabet nam kuunyilo ako bvngire. No ninya Jon vla amin minlaka. **14** Vdwlo ninya bvnglin kubolo, noola okv

kwbi vdwv vdwgo mvngpunam gubv ririkudw! **15** Nw Ahtu gv kaagjalo kainv nyi gobv rire. Nw opo tvngrung mare. Ninyia bvnglin rilokv nw Darwknav Dow gvnvgubv rire, **16** okv nw Israel nyi vdwam Ahtu gvlo bunugv Pwknyarnv gvlo awgo aagv jireku. **17** Nw nyijwk Elija gv aingbv gwlwk okv kaibv gwlwk am gvla, Ahtuni vngchoyare. Nw lvkodv abu hala kuu vdwa lvkobv naadum sireku; Nw tvvma kaamanv nyi vdwa jvjgv lamtv yalo vla mvngkur dukubv mvreku; Nw Ahtu gv nyi vdwa Ahtu gv lvgabv mvpvripv jidukubv mvreku.” **18** Jakaria nyidogindung nga minto, “Ngo oguaingbv hum chinbwk sudubv? Ngo nyikam roku okv ngoogv nywng vka ongngu roku.” **19** Nyidogindung ngv mirwkto, “Ngo Gabriel, ngo Pwknyarnv gv kaagia lo daknv, nam gaam japdubv okv soogv alnv yunying nga minpa modubv nw ngam vngmupvnn. **20** Vbvrilola ngoogv doin ridwlo jyjbv rilin jinvnga no tvjwngma. No mvngjwng manam lvgabv, no gaam japlin nyuma reku; vdwlo ngoogv nam milvnamv jyjbv rilin maredw no choibv dooriku.” **21** Vbvrilelo nyi vdwv Jakarianyi kaaya toku okv bunu ninya ogubvdabvre ogubv Pwknyarnvnaam arwnglo vkamjegu ringak dvnvdw vla mvngnya toku. **22** Vdwlo nw agumlo lintokudw, nw bunuam gaam minyu matoku, vkvlgabv nyi vdwv ninya Pwknyarnvnaam arwnglo nyikrw go kaapv nvgo vla mvngnya toku. Gamgoka milin nyumato, nw bunuam laak lokv riringrimabv riji toku. **23** Vdwlo ninyigv ridung rise nga ritokubvdw nw naambv vngtoku. **24** Dw mego dooro kochingbv ninyigv nywng Elijabet kuu gvvtoku okv poolu pwngu go naam a vngyu matoku. **25** Nw minto “Vjak ataranyabv Ahtu ngam ridur pvku, nyi vdwgv kaagjalo ngoogv hinying svnga Ahtu naala naa jipvku!” **26** Elijabet gv kuu gvla poolu pwkv rikulo, Pwknyarnv nyidogindung Gabrielnyi Galili gv

banggu aminv Najareth vnamlo vngmu toku. **27** Nw gylo nyijar agv lvgabv minji dubv doin go dooto, hv nyi ako golo aminv Josep vnam gylo mingak jinam go, Josep Dvbv Dabid gv husi brito. Nyijar gv aminv Meri. **28** Nyido gindung ngv nyijar gylo aala minto, "Mvngpuv nam lvkobv doolaka! Ahtu nam lvkobv doodu okv nam kairungbv boktalwkjidi!" **29** Nyidogindung gv doin lokv Meri achialvbv adwkaku toku, okv nw ninyigv gaam minamv oguvdw vla mvngdung mvngbap kartoku. **30** Nyidogindung ngv ninya minto, "Meri, no busu mabvka; Pwknyarnv nam achialvbv ayado. **31** No kuu gvvre okv nyilo gobv bvngre, okv no ninya Jisu vla amin minre. **32** Nw kainvgobv rire okv Kaiyachoknv Pwknyarnv gv Kuunyilo ngv vla ninya minre. Ahtu Pwknyarnv ninya Dvbv gobv mvre, ninyigv abuapa Dabid aing gubv, **33** okv nw Jakob gv husi lokv doobwngjinv Dvbv gobv rire; ninyigv Karv ngv vdwloka ngekumare!" (aiōn g165) **34** Meri nyidogindung nga minto, "Ngo nyijar darwk nvgo. Vbvrirkunamv si oguaingbv rinyure?" **35** Nyido gindung ngv mirwkto, "Darwknv Dow ngv no gylo doolwkre, okv Pwknyarnv gv loung ngv no gylo doonure. Vkvlgabv darwknv anga hum Pwknyarnv gv Kuunyilo ngv vla minre. **36** Noogv amiasa Elijabetnyi mvngka tvnv. Ninya vdwloka kuu doonyu kumare vla minyato, vbvritola nw achialvbv ongubv ritolaka vjak atuv kuu gylaku poolu pwkv pvku. **37** Vkvlgabv Pwknyarnv gylo ogugoka rinyu manamgo kaama." **38** Meri minto, "Ngo Ahtu gv paknv ngv, noogv minam vBV ngam rimulaka." Okv nyidogindung ngv ninya vngyu toku. **39** Vbvrilo sopikda Meri baapubv mvgemvrap sitoku okv Judia mooku gv moodw lokv doonv banggu akolo baapubv vngtoku. **40** Nw Jakaria gv naamlo aato okv Elijabetnyi mvngpula raarwk sitoku. **41** Vdwlo Elijabet Meri gv mvngpula raarwk sinama tvpa

pvkudw, leit gv anga ngv biitoku. Elijahet gylo Darwknv Dowv doolwkto **42** okv gamtv rungbv gokla minto, "Nyimv mvnwng lokv no kaiyachokbv boktalwkji kunamgo, okv noogv anga bvngjinam angv boktalwkji nama gvnvg! **43** Svkvnv ogu kainv ngoogylo ogubv ripv nvdw, v ngoogy Ahtu gv anv ngv aala ngam kaalwkyadunv? **44** Noogv alpvri vnama ngo tvvpa sopikda, ngoogy arwng gv anga si mvngpula chumkar toku. **45** Ahtu gv nam minam v jvjvbv ho rirungre vla mvngjwng kunamv no vdwgo mvngpu vku!" **46** Meri mitoku, "Ngoogy haapok v Ahtunyi hartv do; **47** ngoogy yalu hvka mvngpudo oglvlgavbolo Pwknyarnv ngoogy Ringnv, **48** nw nga mvngpa toku, ninyigv anyanyv paknv gvbv Vjak gvlokv nyi mvnwng ngv ngam mvngpunv vre, **49** oglvlgavbolo Kairungnv Pwknyarnv ngoogy lvgabv kainvgo rijipv Ninyigv aminv Darwknv; **50** yvvdw ninyia mvngdv dunv um nw singtam gony lokv singtam gony lobv aya kaatamu. **51** Ninyigv kainv laakv laklinla okv kai mvngsunv bunugv rungnam mvnwngnga myakriyak toku. **52** Nw kainv dvbv vdwa bunugv dvbndoing vdwloka naalu toku, okv nyaknyinv vdwa naacha toku. **53** Nw kanonv vdwa alvnu dvnam lokv dvji motoku, okv nyitv vdwa laakv aroby vngmu toku. **54** Nw ngonugv abuapa vdwa milv kunama vvbwgnto, okv ninyigv pakbu Israel vdwa ridurbv aatoku. **55** Nw Abraham okv ninyigv husi mvnwngnga dvbvsingtambv aya jise nga mvngpa toku!" (*aiōn g165*) **56** Meri poolu pwom gubv Elijahetnyi lvkobv dootokula okv vBVrikunamv naambv vngkur toku. **57** Elijahet ninyigv kuu nga bvnkgunam lvgabv dw v aatoku, okv nw kuunyilo gobv bvnglin toku. **58** Ninyigv namrwk ajin okv ninyigv amiasa ngv tvpatoku vdwgo kairungnv alvnvg ninyia Ahtu ripv vla, okv bunu mvnwngngv ninyia lvkobv himpu minggy toku. **59** Vdwlo anga ngv kaila

alu pinw tokudw, bunu ninya ayakmvu dubv aatoku, okv bunu ninya abu Jakaria gv kochingbv vla Jakaria vla amin mintvto. **60**  
Vbbritola ninyigv anv ngv minto, “Maa! ninyigv amin am Jon vdubv.” **61** Bunu ninya minto, “Vbbritola ho aminv nonugvlo vkvnv amin doringnv kaama!” **62** Vbvrirkunamv bunu ninyigv abua vmia ogu amin minso mvngpvdw vla kaachin dubv rijitoku. **63** Jakaria lvknvnv atakgo kooto okv lvktoku, “Ninyigv aminv Jon.” Bunu mvnwngngv lamdokpanya toku! **64** Vbvrire hoka Jakaria lvkodv gaam milin nyutoku, okv Pwknyarnvnyi hartv raptoku. **65** Namrwk ajin mvnwngngv lvkobv busu nyatoku, okv svbv rikunam gv yunying ngv Judia gv moodw diringmooku mvnwnglo dupwng toku. **66** Hum tvvpanv vdww ho lvkwng nga mvngnyato okv “Si vmi si ogubv riji nvgo bri?” Vla tvvka nyato, vklvgavbolo ninyigvlo Ahtu gv jwkrvv kaapadubv doolwk rungpv. **67** Jon gv abu Jakaria gylo Darwknv Dow v doolwkto, okv nw Pwknyarnv gv doin a minto: **68** “Klvi Ahtunyi hartv laju, Israel gv Pwknyarnvnyi! Nw ninyigv nyi vdwa ridurnam lvgaby aatoku okv bunua ringlin toku. **69** Nw ngonua kainv ringria nvgo jipvku, ninyigv pakbu Dabid gv husi go. **70** Kvwlo lokv nw milv toku ninyigv darwknv nyijwk vdw gvlokv (**aiōn g165**) **71** nw ho ngonua nyimak vdwloka ringria jinvku, ngonua kaanwng manv vdwgv gwlok vlok ngaka. **72** Nw ngonugv abuapa vdwa aya kaatamre vla minto okv ninyigv darwkbv milvnam a mvngpa reku. **73** Ngonugv atu Abrahamnyi lvkobv gamrw go rwkmi sunam v, nw milv toku ngonugv nyimak lokv nga ngonua ringdukubv okv ninya busu kaakumabv ririavngria jidukubv, **75** Ngonugv singnam alu dvkiam ngonu ninyigv kaagia lo darwk okv jvjv kunam lvgaby.” **76** “No, ngoogv kuu, nam minre Kaiyachok nvgy Pwknyarnv gv nyijwk. No Ahtunyi vngchoyare ninyigv

Ivgabv lamtv nga pachola papv jire, 77 ninyigv nyi vdwa minpa tvka ho bunugv rimur a mvngnga jila bunu ringnam a paariku. 78 Ngonugv Pwknyarnv aya okv nyanyaknv. Nw nyido tolokv ringnvbaanv gv loung am ngonu gylo unglwk jire 79 okv hoogv siku gv kanv doonyum lo doonv mvnwng gylo nyido tolo gvngv ungka dukubv, ngonugv korla vngnam a sarsopoyo lamtvlo chigudabia dukubv.” 80 Vmv singchala amar lokvla dow lokv chvrto, okv nw Israel nyi vdwlo kaatam sudw alu lobv mootum lo rito.

**2** Ho gv dw lo Dvbvyachoknv Agastas Roman mooku mvnwng gv nyi vdwa kika dubv vla amin lvkdubv kanam go namlin to. 2 Vdwlo ritu rike bv nyi amin kiraplykrap tokudw, ho Kuirinas Sairia gv gobunor bv rito. 3 Vbrikunamv nyi mvnwngngv, atuatu gv nampum lo amin lvkdukubv vngnya toku. 4 Josep Najaret banggu Galili lokv Betlehem banggu gv Judia lo Dvbw Dabidnyi bvngku lo vngto ogulvgavbolo nw Dabid gv haalung lokv. 5 Nw ninyigv nywng bv vla milvla mingak kunam Merinyi lvkobv amin lvkgap dubv vnggv toku. Meri hoka leit lo kuu gvtoku, 6 okv vdwlo bunu Betlehem lo aalwk tokudw ho kuu anga bvnglin dw v aatoku. 7 Nw bvngtubvngke bv kuunyilo gubv bvnglinto, vji lo kvlap gvrila svv dvgiannv dooku lo joopvto—hoka hotel lo bunugv Ivgabv doojiku aronv karchung go dookumato. 8 Ho gv mooku hoka svlar kaayanv vdvw rongolo ayu a yupram dvla, nwbunugv svlar am kaaya nyato. 9 Ahtu gv nyidogindung go bunu gylo daklwkt, okv Ahtu gv yunglit a bunugv aolo kaatamto. Bunu achialvbv busu nyatoku, 10 vbvritola nyidogindung ngv bunuam minto, “Busu mabvka! ngo soka nonugv Ivgabv alvnn yunying nga aagvd si nyi mvnwngnga kairungbv mvngpu more. 11 Soogv alu so Dabid gv banggulo nonua Ringnv nga dwrboklin pvku—Hv

Ahtu Kristo! **12** Okv so sum nonu vbv kaachin riku: Anga go vji kvlap tvla svv dvgianvnv dokv lo doodubv kaapare.” **13** Lamdadubv nyidomooku gv kainv nyidogindung vdwv achialvbv nyidogindung anga lvkobv kaarwksula Pwknyarnvnyi hartvla mirimimpak minto: **14** “Yunglit namv aoyachoknv nyidomooku lo doonv Pwknyarnv gvbvkula, okv mvngpuv Sichingmooku so ninyigv mvnglwkbv rinv vdwlo doolwk laka!” **15** Vdwlo nyidogindung vdwv bunu gvlokv vngro tokudw nyidomooku lo chaakor toku, Sylar kaayanv vdwv raamisito, “Klai ogugo ripvkudw Ahtu gv ngonua minpa kunam vdwsum kaadubv, ngonu Betlehem bv vnglaju.” **16** Vklvlgabv bunu baapubv vngla okv Meri nyila Josepnyi paato okv svv dokv arwnglo anga nga doodubv kaapa toku. **17** Sylar kaayanv vdwv ninya vdwlo kaato kudw bunu hoka anga gv lvkwng nga nyidogindung vdwv ogugo minpvkudw um bunua mintam jitoku. **18** Sylar kaayanv vdwgv minama tppanv mvnwngngv lamdokpanya toku. **19** So ogumvnwng sum Meri mvngapla okv soogv lvkwng nga rungrwngbv mvngtoku. **20** Sylar kaayanv vdwv bunu ogugo tppv kudw okv kaapv kudw ho lvkwngbv Pwknyarnvnyi hartvla mirimimpak miyingla vngkur toku: nyidogindung gv bunua minam jvbw si ritoku. **21** Alu kanw kochinglo, vdwlo anga nga ayakmvu dw ngv aatokudw, nyidogindung gv ninya leit lo gvvmadwbv amin minama minla, ninya Jisu vla amin mintoku. **22** Moses gv Pvbv gamki kolokv, Josep okv Meri bunyi kumkakjokak sidukubv dw ngv aatoku. Vklvlgabv bunu anga nga Ahtu gvlo kumlwk dukubv vla Jerusalem lo aagv toku, **23** Ahtu gv Pvbv lo svbv lvkpdu: “Kuunyilo bvngchonam dvdv nga Ahtu gvlo kumlwk jidubv.” **24** Bunu kobutor vmaloo taakw kwpa nvvnyi go erinpeelwk dubv bvnglayila vngto, hv Ahtu gv Pvbv lokv ribwngnam ridung

ngv. 25 Ho gv dw lo hoka nyi ako aminv Simeon Jerusalem lo  
doodung nvgo. Nw alvnvg, Pwknyarnvnyi busu nvgo okv nw  
Israel nyi vdwa ringlinbaalin nama kaayala doonvgo. Darwknv  
Dowv nw gvlo dooming gvto 26 okv ninyia milv jito nw vdwloka  
sicho mare Ahtu gv milv kunam Kristonyi nw kaama dvdvlo. 27  
Darwknv Dow gv riku lokv, Simeon Pwknyarnvnaam bv vngto.  
Vdwlo Anvabuv anga Jisunyi Pwknyarnvnaam lo Pvbv gv rise  
nga ridubv vla aagv tokudw, 28 Simeon anga nga naala ninyigv  
laaklo joobwng gvrila Pwknyarnvnyi umbonyikv vto: 29 “Vjak,  
Ahtu, no vvpvrungdo noogv milv nama, okv no noogv nyira  
nga sarsopoyo bv vngmu riku. 30 Ngoogv nyik lokv ngo noogv  
ringlinbaalin nama kaatokubv, 31 noogv nyi mvnwng gv kaagia lo  
mvpvripv jiku nama: 32 Noogv mvngnama Jentail vdwa loung bv  
kaatam svnga okv noogv Israel nyi vdwlo yungnam gobv naalwk  
jise nga.” 33 Ninyigv lvkwngbv Simeon gv minama anga gv  
any okv abuv tvtokula mvngngak patoku. 34 Simeon bunuam  
boktalwkji toku okv ninyigv Anv, Merinyi minto, “So vmi anga si  
Pwknyarnv gv gaknamgo mvyaknam lvgabv okv Israel lo awgo  
turnama paakunam lvgabv. Nw Pwknyarnv gylokv kachinnam  
gubv rire ho awgo nyi v ninyia minyingre. 35 Okv vbvrila kaatamre  
bunugv mvngsila mvngnama. Okv mvngdwkkv, noogv atubogy  
haapok am rioktung ripunv ako nwkkko sunam aingbv rire.” 36  
Ho hoka nyimv nyijwk ako dooto, hv hvngmi go aminv Anna,  
Paanuel gv kuunyijar Asher haalung lokv. Nw anying kanw go  
nyilo doogvla dootokula okv vjak nw anying chaampinw gula  
nyingpi loku ongubv ritoku. Nw Pwknyarnvnaam a vdwloka  
vngyu mato; aluayu bv nw Pwknyarnvnyi kumlajola okv yikla  
dooto. 38 Ho dw akin hoka nw aalwktokv Pwknyarnvnyi  
umbonyikv hvto okv yvzbunudw Jerusalem um vdwlo ringtv

dunvdw um Pwknyarnv gylo kaayala doonv vdwgv apumlo  
vmi anga agv lvkwng nga mintoku. **39** Vdwlo Josep la Meri  
Ahtu gv Pvbv gv minam rise nga rinya tokudw, bunyi Galili gv  
banggu Najaret bunugv naamlo akur toku. **40** Vmi hv okv gwlwk  
nvgobv singchato; nw chingkipakok nvgobv, okv Pwknyarnv gv  
boktalwkji namv nw gylo doomin gyto. **41** Anying dwkibv Jisu gv  
Anvabu hv Jerusalem bv vngkito vngbo dmin pumja lvgabv.  
**42** Vdwlo Jisu anying nyngiring gula nyngnyi tokudw, bunu  
pumja vngbwng nga vngto. **43** Vdwlo dvbamnam pumja ngv  
riya tokudw, bunu naam bv vngkur raptoku, vbvritola vmi Jisu  
Jerusalem lo doolwkto. Hum nw gv anvabuv chimato; **44** bunu  
ninya nyitwngnga lvkobv vngdunvpv vla mvngto, vkvlvgabv bunu  
alu logo vngkwng toku okv vbvritola ninya bunugv amiasa lo okv  
ajin vdwgvlo makar raptoku. **45** Bunu nw am mapa kumato,  
vkvlvgabv bunu ninya makarla Jerusalem lo vngkur toku. **46** Alu  
loum nvnlo bunu ninya Pwknyarnvnaam lo Jius tamsarnv  
vdwa lvkobv, bunuam tvrialia okv tvunamgo tvkala doodubv  
kaapa toku. **47** Nw gv chingkipakok rungbv mirwk sinam a tvvv  
vdww mvngngakpanya toku. **48** Ninyigv anvabu v mvngngakpala  
mvngto vdwlo ninya kaapa tokudw, okv ninyigv anv ninya minto,  
“Ngoogv Kuunyilo no ogubv svbv ngonua ridunv? Noogy abu okv  
ngo achialvbv mvngdwkla nam mapadubv vla rikar dunv laka.”  
**49** Nw bunua mirwkto, “Nonu ogubv ngam makar dunv? Ngo  
Abu gv naam lo doojinv um nonu chima dunvre?” **50** Vbvrifola  
bunu ninyigv mirwknam a chimato. **51** Vklvgabv Jisu bunua  
lvkobv Najaret lo vngkur toku, hoka ho nw bunugv mvnglwkbv  
ritoku. Ninyigv anv ngv ninyigv vbvrinam mvnwng nga haapoklo  
mvnggapla vvpv toku. **52** Jisu adwn amarbv okv chinvpanv

rungbv, Pwknvyarnv gylola nyi vdwgvlo lvkobv ayummiyum  
kunam gubv singchato.

**3** Dvbvyachoknv Tiberias gv nyiningring gola nyingu bv rigvla  
ririlo; Pontius Pilot nw Judia gv gobunor bv rito, Herod Galili  
gv regvnvbv, okv ninyigv boru Pilip Ituria okv Trakonitis mooku  
lo regvnvbv; Laisanias Abilene lo regvnvbv, **2** okv Annas okv  
Kaipas buniy Butvyachok nvbv. Ho gv dw lo Pwknvyarnv gv  
gaam v chukrimooku lo Jakaria gv Kuunyilo Jon gvlo aato.  
**3** Vklvgabv Jon Jordan svko gv mooku mvnwglo vnggoto  
japjito, "Rimur lokv mvngdin tokuka okv baptisma naatokuka, okv  
Pwknvyarnv nonugv rimur a mvngnga jireku." **4** So si nyijwk  
Aijaya gv kitaplo lvkpvnam aingbv: "Chukrimooku arwng v nyi  
ako gokdu: 'Atu gv lvgabv lamtv nga mvpv jitoka; Nw gv vngkubv  
lamtv nga dinda dubv mvtoka! **5** Haakap mvnwng a bagring  
laka, Moodw diching ditv nga mvrung laka. Lamtv pakungpala  
nvnga dinda dubv mvrung laka, okv lamtv alvmanv nga alvdubv  
mvrung laka. **6** Nyi opi dvdv ngv Pwknvyarnv gv ringlinbaalin a  
kaapa reku!" **7** Nyitwng mvnwngngv Jon gvlo Baptisma jikudubv  
aato. "Tabw nonu!" nw bunua minto. "Yvvla nonua Pwknvyarnv  
gv mvriririt jilwk tvkulo nonu aapa mare vla minv? **8** Vkvnv  
rinamgo no ritoka noogv rimur lokv lirung duku vla kaabwk dubv.  
Okv nonu atuv Abraham nonugv abuapa ngv vla nonu vdwloka  
minrap mabvka. Ngo nonua minpadu Pwknvyarnv so vlwng sum  
naala okv Abraham gv haalungbv mvlare! **9** Yagwng ngv singnv  
vdwa miami laarukbv parikla tvngtap lodobv dooyadu; singnv asi  
alvnb ssvma nvnga tvngtапла okv vmvlo orlwk dunv." **10** Nyi  
vdww ninya tvvkato, "Hv bolo, Ngonu ogugo risegubvri?" **11** Nw  
mirwkt, "Yvv vji bornyi go doodunv borgonyi yvv gvpamadunv  
um jirung laka, okv yvv dvnam dvpayadunv dvgvrunglaka." **12**

Lampu naayanv mego baptisma naadubv aato, okv bunu ninyia tvvkato, "Tamsarnv, ngonu ogugo rise vdw?" **13** Nw bunua minto, "Naadin lokv naabo mabvka." **14** Sipai mego ninyia tvvkato, "Ngonua ogubv? Ngonu ogugo rise vdw?" Nw bunua minto, "Akonvgv morko nga dvrit mabvka homajeka akonyi miyum mabvka. Noogv pwтарааtар lo ho nyumchi laka." **15** Nyi vdwgv mvngtinnv kaiya toku, okv bunu Jon vnamsi lvkunyika Kristo madw vla lamrap nyatoku. **16** Vkvlgabv Jon bunu mvnwngnga minto, "Ngo nonua isi lokv Baptisma jidunv, vbvritola nyi go aadungdu hv ngam achialvbv kaiyanvgo. Ngo ninyigv lvpa gv lvsup ngaka tasok dubv riyin yama. Nw nonua Darwknv Dow okv vmv gv lvkobv baptisma jireku. **17** Kapkak nvnv upu hv ninyigvlo doodu, amya kaplin reku okv aam akarnvnga naakum lakula ninyigv nesunglo gwlwk reku; vbvritola nw amya nga vdwa ngemanv vmvlo ramyok reku." **18** Jon akuaku sunv lamtv lokv Gamlv nga nyi vdwgvlo japji toku okv bunua rimur lamtv lokv linto kuku vla mintvmiru toku. **19** Vbvritola Jon gobunor bv rinv Herodnyi yamto, ogulvgavbolo nw ninyigv boru gv nywng Herodiasnyi nywng mvto, okv alvmanv ngaka awjego ritoku. **20** Vbvrikunamv Herod Jonnyi patwk lwktokula abuyayabv alvmanv nga rimin toku. **21** Nyi mvnwngnga Baptisma jirokoching bv, Jisu nyika Baptisma jitoku. Vdwlo nw kumto kudw, nyidomooku v kokdariaka toku, **22** okv Darwknv Dow v ninyigv aolo taakw jvbv ritola holwkto. Okv gamgo nyidomooku tolokv ito, "No ngoogv pakyachoknam Kuunyilo ngv. Ngo nam lvkobv mvngpu dunv."

**23** Vdwlo Jisu ninyigv kudungkua nga rirap tokudw, nw kaila anying chaam toku. Nyi vdwv mvngto nw Josep gv kuunyilo ngv, Josep Heli gv kuunyilo ngv, Heli **24** Matthat gv kuunyilo, Matthat Lebi gv kuunyilo, Lebi Melki gv kuunyilo, Melki Jannai

gv kuunyilo, Jannai Josep gv kuunyilo, **25** Josep Mattathias  
gv kuunyilo, Mattathias Amos gv kuunyilo, Amos Nahum gv  
kuunyilo, Nahum Esli gv kuunyilo, Esli Naggai gv kuunyilo,  
**26** Naggai Maath gv kuunyilo, Maath Mattathias gv kuunyilo,  
Mattathias Semein gv kuunyilo, Semein Josek gv kuunyilo,  
Josek Joda gv kuunyilo, **27** Joda Joanan gv kuunyilo, Joanan  
Rihesa gv kuunyilo, Rihesa Jerubbabel gv kuunyilo, Jerubbabel  
Shealteil gv kuunyilo, Shealteil Neri gv kuunyilo, **28** Neri Melki gv  
kuunyilo, Melki Addi gv kuunyilo, Addi kosam gv kuunyilo, kosam  
Elmadam gv kuunyilo, Elmadam Er gv kuunyilo, **29** Er Josua gv  
kuunyilo, Josua Eliejer gv kuunyilo, Eliejer Jorim gv kuunyilo,  
Jorim Matthat gv kuunyilo, Matthat Lebi gv kuunyilo, **30** Lebi  
Simeon gv kuunyilo, Simeon Juda gv kuunyilo, Juda Josep gv  
kuunyilo, Josep Jonam gv kuunyilo, Jonam Eliakim gv kuunyilo,  
**31** Eliakim Melea gv kuunyilo, Melea Menna gv kuunyilo, Menna  
Mattatha gv kuunyilo, Mattatha Nataan gv kuunyilo, Nataan  
Dabid gv kuunyilo, **32** Dabid Jesse gv kuunyilo, Jesse Obed  
gv kuunyilo, Obed Boaj gv kuunyilo, Boaj Salmon gv kuunyilo,  
Salmon Nashon gv kuunyilo, **33** Nashon Amminadab gv kuunyilo,  
Amminadab Admin gv kuunyilo, Admin Arni gv kuunyilo, Arni  
Hejron gv kuunyilo, Hejron Perej gv kuunyilo, Perej Juda gv  
kuunyilo, **34** Juda Jakob gv kuunyilo, Jakob Isaak gv kuunyilo,  
Isaak Abraham gv kuunyilo, Abraham Terah gv kuunyilo, Terah  
Nahor gv kuunyilo, **35** Nahor Serug gv kuunyilo, Serug Reu  
gv kuunyilo, Reu Peleg gv kuunyilo, Peleg Eber gv kuunyilo,  
Eber Shelaa gv kuunyilo, **36** Selaa Kainan gv kuunyilo, Kainan  
Arphajad gv kuunyilo, Arphajad Sem gv kuunyilo, Sem Noah  
gv kuunyilo, Noah Lamek gv kuunyilo, **37** Lamek Methuselah  
gv kuunyilo, Methuselah Enouk gv kuunyilo, Enouk Jared gv

kuunyilo, Jared Mahalaleel gv kuunyilo, Mahalaleel Kenan gv  
kuunyilo, **38** Kenan Enosh gv kuunyilo, Enosh Seth gv kuunyilo,  
Seth Adam gv kuunyilo, Adam Pwknyarnv gv kuunyilo.

**4** Jisu Dorwknv Dow ngv akomaring tokula Jordan lokv linkur  
toku okv Dow v ninya chukrimooku lo vnggvtoku, **2** Hoka  
alu champigo dookunamv Uyudvbv v ninya pokayarkato. Ho  
dw mvnwnglo nw ogu goka dvkwmato, vdwlo hum doonya  
kunamv, nw kano toku. **3** Uyudvbv ngv ninya minto, “No  
Pwknyarnv gv Kuunyilo ngv bolo, vlwng sum mingvrila vtwng  
gobv rimutvka.” **4** Vbvrilola Jisu mirwkto, “Darwknv Kitaplo  
mindu, ‘Nyi si vtwng lokv mwng turla madunv.’” **5** Vbvrirkunamv  
Uyudvbv ngv ninya putung gulo chaagv toku okv nyiktap  
gulo nyiamooku gv karv mvnwngnga kaatam toku. **6** “Ngo  
nam so yikungyira mvnwngnga okv jwkrw a jire,” Uyudvbv  
ngv ninya minpa toku. “So mvnwngsum ngam jipvkunv ngo  
atubogv mvngnambv ngo yvnyika jilare. **7** Vbvrinamv, no ngam  
kumbojobo lo, so mvnwng si no gybv rire.” **8** Jisu mirwksito,  
“Darwknv Kitaplo mindo, ‘Pwknyarnvnyi kumlajolaka okv nw  
lvgabv rimwng laka!’” **9** Vbvrinamv Uyudvbv ninya Jerusalem  
bv vnggvtoku okv ninya Pwknyarnvnaam gv namwng mwnglo-  
ao lo dakmuto, okv ninya minto, “No Pwknyarnv gv Kuunyilo  
gurung bolo, sokv no atu v poklu kaato. **10** Darwknv kitaplo  
mindu, ‘Pwknyarnv ninyigv nyidogindung nga ortojire ho bunu  
alvrungbv nam kaayare,’ **11** Si mindvdu, ‘Bunu nam bunugv laak  
ao lo dvbwngre ogulvgavbolo noogv lvpv nga vlwnglo tupmu  
madubv.’” **12** Vbvrilola Jisu mirwkto, “Darwknv Kitaplo mindu,  
‘Ahtunyi noogv Pwknyarnvnyi vdwloka rikaripakla rikw mabvka.’”  
**13** Vdwlo Uyudvbv Jisunyi nvgwngbv pokayarka svnga rinya  
tukudw, nw achukgo ayungjvma gv lvgabv ninya vngyu toku.

**14** Vbvrikunamv Jisu Galili lo aakur toku, okv Darwknv Dow gv gilwk v ninyi lvkobv dooto. Ninyigv lvga yunying ngv ho mooku mvnwnglo dupwng toku. **15** Nw Jius vdwgv kumkunaamlo tamsar toku okv nyichar mvnwng gv hartv kunam gubv ritoku. **16** Vbvrikunamv Jisu Najaret lo vngtoku, ogolo ninya soochapvdw, okv Jius doonualu golo ninyigv vngchingbv Jius kumkunaamlo vngtoku. Nw Darwknv Kitap a puri rilindubv dakrapto **17** okv ninya nyijwk Aijaya gv kitap a laklwk toku. Nw tibungnam kitap a tikokla okv ogolo svbv lvkpv nama kaapa toku, **18** “Ahtu gv Dow v ngoogylo doolwkdu, ogulvgavbolo nw ngam gaktoku heemanv vdwa Gamlv bvngji dubv. Nw ngam vngmu toku leela vnam vdwa topunam gv gaam a japgo jidubv okv kaapa manv vdwa kaapa modukubv, okv chaatinam vdwa anyubv tulin dukubv. **19** Okv ho gokpa jidukubv dw v aapvku vla vdwlo Ahtu ninyigv nyi vdwa ringrekudw.” **20** Jisu tibungnam kitap a taatum toku, okv kaaria riria nvnga jikur toku, okv dootung toku. Jius kumkunaam arwng gv nyi mvnwngngv bunugv nyikkv ninya kaagap nyatoku. **21** Nw bunua svbv minto, “Soogv lvknam abor si silu jvjbv rilin pvku, nonu tvvgvnyibv um rilin nama.” **22** Bunu mvnwngngv lvkobv ninya achialvbv mvngto okv ninyigv jwknam kioknamby gaam minama lamdok panambv tvvnyato. Bunu minto, “Nw Josep gv kuunyilo mangvri?” **23** Nw bunuam minto, “Ngo jvjbv mindunv nonu so nyetin sam ngam mintaknre, ‘Daktor, no atubongv mpu silak.’ Nonu ngam mindvre ngoogv banggu naam so ridubv, Kaparnaum lo nonugv tvvnam um ripia aingbv. **24** Ngo nonua sum mintam jidunv,” Jisu mindvto, “Nyijwk ka ninyigv banggu naam lo vdwloka alvby naarwk suma. **25** “Ngam tvvriato: So si jvjbv ngvrung Israel lo vmiv achialvto Elija gv rerilo, vdwlo nyininggom gola patung go nyido hooku manammv okv mooku

mvnwnglo achialvbv dvmayarwng ripwng toku. **26** Rigvrila Israel lo Elijahi yvv goloka vngmumato, vbvritola Sidon mookugv Jarepat lo hvngmi ako doodungnv angv lomwng. **27** Okv Israel mookulo nyijwk Elisha gv doorilo; nyi mvnwngngv achialvbv apin yala silvmabv rinyato rigvrila yvvka poyamato, vbvritola Sairian gv Naaman mvnchik poyatoku.” **28** Jius kumkunaam gv nyi mvnwngngv vdwlo um tvvtokudw, bunu lvkobv sakcha nyato. **29** Bunu dokrapla, Jisuni Banggu agumlo tunglin nyato, okv bunugv Banggu a mvlwk koku moodw putunglo ninya aagv nyatoku. Bunugv vbvrinamv ninya tarak rakla bv tunglu dubv vla, **30** vbvritola nw nyitwng gv pingkolo vngpikla okv ninyigv lamtvby vngsu tuku. **31** Vbvrikunamv Jisu Galili gv banggu, Kaparnaum lo vngtoku, hoka nw nyi vdwa tamsartoku Jius Doonualulo. **32** Ninyigv tamsarku lokv bunu mvnwngngv lamrwpanya toku, ogulvgavbolo nw tujupkunam gobv japto. **33** Jius kumkunaam arwnglo alvmanv uyuvram dow doonv nyi ako dooto; nw gamtv rungbv svgok goklinto, **34** “Aa! Najaret lokv Jisu, no ngonua ogugo mvngpv? No so ngonua mvyakmvchak dubvre? No yvwdw ngo chindu: no Pwknvyarnv gv darwknv gindungpingko ngv!” **35** Jisu dow a orto jitoku, “Choibv okv nyi gvlokv agum linroto!” uyuvram v nyi hum bunugv kaakulo orpvpila okv ninya achijeyo madubv mvpila vngyu toku. **36** Nyi mvnwngngv kaangak nyatoku okv ajin anying nga mimisito, “Si ogunv gamchar vkudw? Tujupkunam okv jwkrw a lvkobv si nyi si alvmanv dow a charnam v okv bunu agum linro duku!” **37** Okv Jisu gv lvkwnglo so yunying ngv ho mooku mvnwnglo dupwng toku. **38** Jisu Jius kumkunaam a vngyu pila okv Saimon gv naam lo vngtoku. Saimon gv ayuv achialvbv tamiram karla dooto, okv bunu ninyigv lvga nga Jisuni minjitoku. **39** Nw ho ninyigv dookulo aala daktoku okv tamiram a

ninyigv lokv vngroto vla yamto. Tamiram v ninyigv lokv vngro toku, okv nw vjakgobv gudung toku okv bunua dvnamtvngnam jirap toku. **40** Doonyi poggaro kochingbv nyi mvnwngngv yvv bunu ajin doopv kudw yvv bunu nvgwngnv lvmabv ridukudw bunua Jisu gvlo aagv jitoku; Nw mvnwngnga akinakinbv ninyigv laak hv lakpv jitoku okv mvnwngnga mvpu toku. **41** Uyuvram vdvw segokto “No Pwknyarnv gv Kuunyilo ngymabv!” vbvmiying dula nyi megonvgv lokv kelin toku. Jisu uyuvram vdwa yamto okv bunua milin momato, ogulvgavbolo bunu ninyia Kristo rung vla chintoku. **42** Alu v loolin tokudw Jisu banggu a vngyu toku okv jemataiku mooku lo vngtoku. Nyi vdvw ninyia kaakar nyatoku, okv vdwlo bunu ninyia kaapa tokudw, bunu ninyia vngyu momare vla rikw nyatoku. **43** Vbkritola nw bunua minto, “Ngo Pwknyarnv gv Karv Ivgagv Gamlv nga kvvbi banggu loka japji rungdubv ripv, vkvlvgalo Pwknyarnv ngam rimudubv vla vngmu pvnv.” **44** Vklvlgabv nw ho mooku mvnwng gv Jius kumkunaam vdwlo japgo jitoku.

**5** Alu golo Jisu Gennesaret svparslv adarlo dakto ho nyi vdvw Pwknyarnv gv gaam tvvdubv vla ninyigv kiambv chapcha nyato. **2** Nw svparslv adarlo svpw anyigo pucha dubv kaapato; ngui naanv vdwv ho kayupila okv vsap a kakdungto. **3** Jisu svpw akonvlo aatoku—hv Saimon gvbv rito—okv ninyia minto achukgo adar lokv nvnglwk tvkv vla. Jisu svpw lo doopv tvla okv nyitwng nga tamsarto. **4** Vdwlo nw raanam a raanya tvkudw, nw Saimonnyi minto, “Svpw a adu dubv isi arayabv tunglwkt, okv no la noogv ajin vdwv ngui naanam Ivgabv vsap a orlwkt.” **5** “Tamsarnv,” Saimon minto, “Ngonu siyu harkwng pvnv vbvrijvka oguguka naapama. Vbkritola no vbv mindu nvbolo, ngo vsap vdwa orlwkre.” **6** Bunu vsap vdwa orlwkt okv vsap vdwa bokpwk

tvdukubv achialv kaibv ngui vkv naatoku. **7** Vkvlgabv bunu bunugv ajin vdwa pudumsedum labvkv vla goklwkt. Bunu aato okv svpw anyilo ngui v aku dubv naaku namv svpw vdvv isi bv hoolwk tvvtoku. **8** Ogugo ripvkudw um Saimon Pitar kaagv rikula, nw ninyigv lypa lvkwnglo Jisu gv habolo gipv tkula okv minto, "Ahtu! ngoogv lokv vngroto, ngo rimurnv nyi vla!" **9** Nw okv ninyia lvkobv rinv kvvbi mvnwngngv bunugv achialvbv ngui naakunama kaangak nyatoku. **10** Saimon gv ribam ajin Jibedi gv kuunyilo Jems okv Jon bunyi ka kaangak toku. Jisu Saimonnyi minto, "Busu mabvka; vjak lokv no nyi naakar reku."

**11** Bunu svpw vdwa segumlo pucha toku, ogu mvnwngnga kayupila Jisuni vngming gvtoku. **12** Jisu lvkogulo Banggu akolo dooto ho hoka nyi ako apin hv yala arwnam lvvma nvgo dooto. Vdwlo nw Jisuni kaapa tokudw, nw atubongv gipv gvrila okv Jisuni kodwkkrwkla kooto, "Tamsarnv, no mvngduboloka, no ngam darwk dubv mvlare!" **13** Jisu ninyigv laakkv idaira linla okv ninyia mvsit toku. "Ngo vbv mvngrung dunv," nw mirwkt. "Darwk tokukv!" Vjakgobv lvvma ngi hum kayupila vngtoku.

**14** Jisu nyi hum minggapto "Yvvnyika minpa mabvka, vbvritola nyibu gylo vngdavngra nyika okv ninyia jwngkadaka motoka; vbvrigvrila nyi mvnwngnga chimpakaapa molaka no poorung pvku vla, erin nvsenga jilaka Moses gv minkubv." **15** Vbvrifola Jisu gv lvkwnglo kaiyayabv dupwng toku, nyi nyitwng ngv aala ninyigvlo tvvto okv bunugv lvvma vdwlokv pooya dukubv aato.

**16** Vbvrifola nw jematai kolo vngla, hoka nw kumtoku. **17** Alu golo vdwlo Jisu tamsar rilo, Parisis okv Pvbv tamsarnv nyi mego hoka dooto hoka doonv kvgonv Galili banggu mvnwng lokv okv Judia lokv okv Jerusalem lokv aanvgo. Ahtu gv jwkrw v Jisu gylo doolwkto lvvma nvnga mvpv dubv. **18** Nyi mego digwngnv

nyi go gadw aolo doodubv joolaila aato, okv bunu naam arwng  
joolwk dubv rikwngto okv ninyia Jisu gv kaagialo joopv jidubv  
vla. **19** Nyitwng ngv achialv twngtv kunam lvgalo, bunu ninyia  
ogoloka arwnglo joolwk jiku mapa matoku. Vkvlgabv bunu  
ninyia namwng aolo joocha toku, namwng nga mvkoto, okv  
ninyia gadw aolo doomu tvla soolu jitoku nyitwng gv pingkolo Jisu  
gv kaagialo. **20** Vdwlo Jisu bunugv vkvnvggo achialvbv mvngjwng  
kunama kaapa tokudw, nw nyi hum minto, “Ngoogv ajin a, noogv  
rimur vdwa mvngnga jipv kunv.” **21** Pvbv tamsarnv vdwv okv  
Parisis vdwv bunu atu v minrap nyato, “Yvila so nyi si svkvnvgo  
nyarjitari dunv! Pwknvyarnv mvngchik rimur vdwa mvngnga  
mvngdunv!” **22** Jisu bunugv mvngnam a chintoku, okv bunua  
minto, “Ogubv nonu svkvnvgo mvngdunv? **23** So si minpubv  
minse gure, ‘Noogv rimur vdwa mvngnga ropvku,’ vmalu miya  
svigure ‘Gudung gvrila okv vnglakuka’? **24** Vbvrinam v, ngo  
nonua himpa more, Nyia Kuunyilo ngv sicing gwngda so jwkrw  
doodunv rimura mvngnga dubv.” Vkvlgabv nw digwngnv nyi um  
minto, “Ngo nam mindunv, gudungto, noogv kartaknvnv nga  
naarapto, okv naam bv vngnyiku!” **25** Vjakgobv nyi mvnwnggv  
kaagialo nyi angv gudung toku, ninyigv dootak kartaknvnv nga  
naatoku, okv Pwknvyarnvnyi hartvla, naam bv vngtoku. **26**  
Bunu mvnwng ngv achialvbv kaangak tangak nyatoku! achialvbv  
busu datoku, bunu Pwknvyarnvnyi harty yingla minto “Ngonu  
silu kaasartabo rungnvgo kaatokubv!” **27** So kochingbv, Jisu  
agumlo vnglinto, okv lampu nakumyanv nyigo kaapato aminv  
Lebi, ninyigv opislo dooto. Jisu ninyia minto, “Nga vngming  
gylaak,” **28** Lebi gudung datoku, ogumvnwgngka kayu toku, okv  
Jisuni vngming gvtoku. **29** Vbvrikunamv Jisu gv lvgabv Lebi  
ninyigv naamlo kainv dvmam go mvptoku, okv goklwknam nyen

lokv lampu naakumyanv nyi ngv twngtv yato okv kvvbi nyi hvkv  
ta. **30** Parisis nyi megola okv Pvbv tamsarnv nyi mego bunugv  
apumlo rinvgo bunu Jisu gv lvbwlaksu vdwa miakaayala minto,  
“Nonu ogubv lampu naayanv vdwa okv toa kunam nyi vdwa  
dvbam tvngbam dunv?” vla bunu tvuto. **31** Jisu bunua mirwkto,  
“Yvvnyi hv chrvv nvngv daktor lodanv mvngma dvnv, vbvritola v  
bunu mwng yvvbunudw lvvma dunv. **32** Mvngdwnv nyi vdwa  
mvngdin modubv ngo aama, vbvritola toa kunam vdwgvbv.” **33**  
Nyi mego Jisunyi minto, “Jon gv lvbwlaksu vdvv yikla dookidu  
okv kumdakumra dvkv, okv Parisis vdwgv lvbwlaksu vdvvkam  
vbvridu; vbvritola noogv lvbwlaksu vdvv dvki okv twngki nyadu.”  
**34** Jisu mirwkto, “No vbv dvminchok dunvri nyidalo makburiji  
bongngv najibongv okv ninyigv ajin vdwa doodv mogvrila nyen  
vdwa ogu dvmatvngma bv vngmu dubvi? Vdwloka vbvrirung  
mare! **35** vbvritola vkvn alu hv aare vdwlo makburiji bongngv  
bunugv lokv naarorikudw vbvrikubolo ho bunu yikrap reku.” **36**  
Jisu mindyjito bunua so minchisinam sam: “Yvvka vji jenw nga  
ariap go pulinla jekulo hamtak lwknv kaama. Nw vbvrikubolo vji  
jinw nga takmure, okv ho jinw ariap v jekulo ape simare. **37** Yvvka  
anggor ala anw nga anggor ala aku pumchup lo pwtamlwknv  
kaama, ogulgavbolo vbvribolo pumchup hv takla anggor ala  
ngv yarpok linla pumchup hv alv kumare. **38** Ho mabvy aanggor  
ala anw nga pumchup anw lo pwlk rungsego! **39** Okv yvvka  
anggor ala aku tvnggvrla anw lodanv vla mvngmadvn. Nw  
mindu, ‘anggor ala aku v alvyadu.’”

**6** Jius Doonu alu golo Jisu ampu rongolo vngkarto. Ninyigv  
lvbwlaksu vdvv aam amring nga puik gvrila, lakchulo nepung  
gvrila achar ha dvto. **2** Parisis nyi mego tvvkato, “Nonu ngonugv  
Pvbv lo no Jius Doonualu lo riyoka vnam ham ogubv ridunv?”

**3** Jisu bunua mirwkto, "Nonu puri rika malare Dabid ogugo ripvdw vdwlo nw la okv ninyigv nyi vdvv kano tukudw? **4** Nw Pwknvyarnv gv naam arwnglo aatoku, Pwknvyarnv gvlo tolwk jinam dnam ham naatoku, hum dvto okv hum ninyigv nyi vdwaka jitato. Kvbi nyi gv lvgabv hv ngonugv Pvbv nga rining kunamv nyibu mvngchik um dnam um dvmwng dunv."

**5** Okv Jisu minyala minto, "Nyia Kuunyilo ngv Jius Doonu alu gv Ahtu hv." **6** Jius Doonualu gonnnga Jisu Jius kumkunaam lo vngtoku okv tamsarto. Ho nyi ako dooto ninyigv lakbik laak angv digwng nvgo. **7** Pvbv tamsarnv nyi megonv okv Parisis nyi megonv Jisuni gungnying lwdubv rimur lodanv mvngto, vklvgabv bunu ninya Jius Doonualulo mvpu gvi jibvre vla kaagap jinjinla kaariato. **8** Vbkritola Jisu bunugv mvngnam ha chinto okv nyi anga minto, "Dakrap tvka okv kaagia so aato." Nyi angv gudungto okv hoka daktoku. **9** Vbrikunamv Jisu bunua minto, "Ngo nonua tvka dunv: Ngonugv Pvbv ngv ngonua Jius Doonualu lo ogu rila dubv minpv? Ridur dubvre ma mvki dubvre? Nyi gv singse nga ringya dubvre vmalo um ngoomu dubvre?"

**10** Nw bunu mvnwngnga kaagapla kaagoto; vbrikunamv nw nyi anga minto, "Noogv laakkv laklinla lakrapto." Nw vBV rijito okv ninyigv laakkv lkvodv alv tuku. **11** Bunu achialvb sakcha toku okv Jisuni bunu ogugo rila rikunvdw vla bunugv apumlo tvukapak minsri raptoku. **12** Ho dw lo Jisu kumdubv vla moodw golo chaatoku okv ayu hoka Pwknvyarnvnyi kumyingla dooto. **13** Vdwlo alu hv loolin tokudw, nw ninyigv lwbwlaksu vdwa nw gvlo goklwk toku okv bunu vrng gola anyia dartoku, bunua Apostol vla amin mintoku: **14** Saimon (Yvnyi Pitar vla nw amin minpvkudw) okv ninyigv boru Andriu; Jems okv Jon, Pilip okv Bartolomiu, **15** Metiu okv Tomas, Jems Alpius gv kuunyilo okv Saimon (Yvnyi

Toryagayanv vla minpvkudw), **16** Judas Jems gv kuunyilo, okv Judas Iskeriot, yvvdw kupnv gobv rikunv. **17** Vdwlo Jisu moodw lokv ninyigv lvbwlaksu vdwa lvkobv ito kudw nw mooringku gulo dakto achialvbv ninyigv lvbwlaksu vdwa lvkobv nyi nyitwng twngtv nvgo hoka aato Judia gv mooku mvnwng lokv, okv Jerusalem lokv, okv svtpambw adar aigv pamtv Taire okv Sidon lokv. **18** Bunu nw gylo tvvdubv aato okv yvv bunua alvmanv dow vdwv mvwdwkmvku pvkudw bunuka aatoku okv mvpu tuku. **19** Nyi mvnwng ngv ninyia mvsit dubv vla rikw nyato, ninyi gylo jwkrw v linla okv bunu mvnwngnga mvpu toku. **20** Jisu ninyigv lvbwlaksu vdwa kaagapto okv minto, “Heemanv vdwv nonu mvngpu; Pwknyarnv gv Karv ngv nonu gvngv!” **21** “Vjakgv kanonv vdwv nonu mvngpu; nonua dvji more!” “Vjakgv kapdunv nonu mvngpu; nonu nyormin reku!” **22** “Nyia Kuunyilo gv lvgabv, nyi vdwgv kaanwng manam nonu, toa kunam nonu, mvngsa kunam nonu okv alvma vnam nonu, mvnwngngv mvngpu! **23** mvngpu laka vdwlo hv vdwv rirekudw, himpula harkwpajok laka, ogulvgavbolo kainv yikungyira go nonugv lvgabv nyidoomooku lo vvpv jido. Bunugv abuapa vdwvka vbvdvdvbw nyijwk vdwaka rito.” **24** “Vbvrilola vjak yvv nyitv dunv nonu vdwgo mvngdwk rekudw; nonu himpula singcho ropvku!” **25** “Vjakgv kitvdvlvnv nonu vdwgo mvngdwk rekunv; nonu kanola vngreku!” “Vjakgv nyorminnv vdw nonu vdwgo mvngdwk reku; nonu mvngdwk reku okv kapreku! **26** “Vdwlo nyi mvnwngngv nonua harty redw mvngdwk hvla; Bunugv abuapa vdwvka vbvdvdvbw mvvnvrund nyijwk vdwaka rito. **27** “Vbvrilola nga tvvnv vdwa ngo nonua mindu: Nonua nyirunv vdwa pakto laka, alvngvo riji laka yvvdw nonua kaanwng madunv, **28** nonua beenv vdwa boktalwjii yalaka, okv nonua alvmaby rinv vdwgv lvgabv kumto laka. **29**

Ako nvgonv nam nyukmu tagonyi svbiak boloka ninya nyukmu tagonyika svbiak modvlaka; ako nvgonv noogv jvtvlaklwk a naapv bolo, ninya noogv lwkjär aka naamu laka. **30** Jilaka mvnwngnga nonua ogugo koopvdw, okv vdwlo akonv nonugv yikungyira nga naapv bolo, um kookor kuyoka. **31** Kvvbi nyi gv lvgabv riji laka no bunua noogv lvgabv oguaingbv rijilabv mvngdudw. **32** “Nonuno nonua paknvrinv nyi vdwa pakmwng bolo, nonu oguaingbv boktalwkji namgo paadubv? Rimurnv vdwvka bunua paknv nga pakrwksidu! **33** Okv nonuno nonua alvbv rinv vdwa alvbv rimwng dubolo, nonu oguaingbv boktalwkji namgo paadubv? Rimurnv vdwvka um risugvrila! **34** Okv nonuno yvv gylo paakor reku mvngnam ma naarrwk nyumbolo, nonuno oguaingbv boktalwkji namgo paadubv? Rimurnv vdwvka rimurnv vdwlo jinama paakor rungreku mvngla narrwk dunv! **35** Ma! nonua nyirunv vdwa pakto laka okv alv nvgo bunua riji laka okv paakor reku mvngma bvka. Vbribolo nonu kairungnv amin go paare, okv nonuno kaiyachoknv Pwknyarnv gv kuu bv rire. Nw kaalwkmabv rinv haka okv alvmanv haka ayadu. **36** Noogv Abu oguaingbv aya dudw vvb no ayanvby rilaka. **37** “Kvvbia jwngkadaka mabvka, okv Pwknyarnv nam jwngkadaka mare; kvvbia miakaya mabv, okv Pwknyarnv nam miakaya mare; kvvbia mvngnga laka, okv Pwknyarnv nam mvngnga re. **38** Kvvbia jilaka, okv Pwknyarnv nam jire. Jvjvrungbv, no lvvpok dubv paarungre, ayabv ridur nama, noogv laaklo joolwk jire—no vdwgo bvngla dvdw. Noogv kvvbia kiinv nvnga hum Pwknyarnv nam kiinv nvre.” **39** Okv Jisu so minchisinam sam bunua minjito: “Nyikchingnv akonv vdwloka akonyi vnggv nyulamare; nw vnggvbolo, anyiv ungrung golo hoolwkre. **40** Tamsarnam vmiv tamsar sarnv nga kaiyama doonv; vbvritola tamsarnam vmiv, vdwlo nw risar minsar nama

rina rikudw ninya tamsarnv aingbv ridukunv. **41** "No atubogv nyikgv nyikrw nga mvngmabv, ogubv no noogv achiboru gv nyikgv nyikrw nga kaadunv? **42** No oguaingbv noogv achiborunyi minladubv, achiboru, klvi, noogv nyikgv nyikrw nga ngam naalin molabv, vjakgobv no atubogv nyikgv nyikrw nga kaapa magvrila? Kaakudubvrinv no! no atukchochukbv no atubogv nyikgv nyikrw nga naapak chotoka, okv vbvrikubolo no noogv achiboru gv nyikgv nyikrw nga kaabwk riku okv hum naapak nyureku. **43** "Baboknv singnv ngv alvmanv asi svvma dunv, yaagampolonv singnv ngv vdwloka alvnv asi svvma dunv. **44** Asi svlinnam lokv singnv mvnwngnga chindunv; No tanyum nyumki singnv lokv koksitkokrik pulama vbvmalachin hakar lokv anggor gvma dunv. **45** Alvnv nyihv haapok lokv alv nvnga mvnglin rilindo, alvmanv nyi ngv arwnglo alvmabv mvngkum nama mvnglin rilindo. Haapok lo ogugo mvngkum pvdw vBV gaam lo milindo. **46** "Okv ngoogv minam a rima gvrila, nonu nga ogubv 'Ahtu, Ahtu,' vla gokdunv? **47** Yvv akonv ngoogylo aala ngoogv gaam a tvvdunv okv um ridunv ngo nonua kaatamre hv yvv aingbv ridunv. **48** Hv nyi ako ninyigv, naam ha, vlwng aolo achialvbv ungrung runglwkla okv mvnv aingdo. Isi hv achialvbv tvvlula okv naam ha tvvgingto vbvrijvka bidubv mvnyu mato, ogulvgavbolo hv alvrungbv mvnam lvgabv. **49** Vbvrilola yvv akonv ngoogv gaam ha tvvgvrila okv hum rimanv hv vkv aingbv rido, nyi ako ninyigv naam ha alvrungbv mvmabv; vdwlo isi hv tvvlu tvkudw ho naam ha tvvgingto hv vjakgobv taba tuku—okv hv achialvbv alvmabv yaknamgobv ritoku!"

**7** Vdwlo Jisu so gv minse mvnwngnga nyi vdwa minya jito kudw, nw Kaparnaum bv vngtoku. **2** Roman nyigam ako hoka pakbu go dooto hv ninya achialvbv mongrumara lo aanvgo; hv nyi

angv lvvmato okv sida svngvby ritoku. **3** Nyigam angv vdwlo Jisu gv lkvwng nga tvvpa tokudw, nw Jius nyiga vkv vngmuto Jisunyi tvula naam aala okv ninyigv pakbua mypu modubv vla. **4** Bunu Jisu gvlo aatoku okv ninya dinchialvbv minto, “So nyi si jvjvrungbv noogv ridur ha dinchi rungdu. **5** Nw ngonugv nyi ha ayado okv nw atubongv ngonugv lvgabv jius kumkunaam go mvjito.” **6** Vkvlgabv Jisu bunua lkvobv vngming gvto. Nw naam lokv adu kuma toku, vdwlo nyigam angv ajin vkv vngmuto ninya minpa modubv, “Tamsarny, atubongv agarapi bv mvsuyoka. Nam ngoogv naamlo aamu dubv ngo alvka yama, **7** vbvmaka ngooka noogv dookulo nyidum gubvrila aadu bv alvnv nyi bvka riyama. Gaam bv milin jimwng boloka okv ngoogv pakbu hv pooya reku. **8** Ngooka ngam kaiyanv nyigam vdwgv arwnglo doonv nyi go, okv ngoogv arwnglo ngoogv sipai vdwv doodu. Ngo so anga, ‘Vngto’ vla orto jibolo okv nw vngdu; ngo olo doonv anga ‘So aato’ vla orto jibolo hv aadu; okv ngo ngoogv nyira nga ‘Sum rito’ vla orto jibolo hv um ridu.” **9** Jisu hum tvvgvrila lamtoku; nw dakkur dakrwk dvla ninya vngming gvnv nyitwng nga minto, “Ngo nonua mindunv, ngo vdwloka svkvnv mvngjwng go himpa tvvma, Israel arwng so lvrika kaama!” **10** Jokjijanv vdwv nyigam gv naam lo vngkur toku okv ninyigv pakbuv chrv dukubv kaatoku. **11** Ayung madwbv Jisu Nain vnam banggu lo vngtoku, ninyigv lvbwlaksu vdwv la okv nyitwng go vngming gvtoku. **12** Nw banggu gv agi lo aachinam gula, svma bvngla vnglinnv vdwa kaapato. Sinv nyi angv hvngmi gv tumpu hotum gubv rito, okv banggu gv nyitwng twngtv nvgo ninya lkvobv reming gvto. **13** Vdwlo Jisu hvngmi a kaapa tokudw ninyigv haapok kv achialvbv ninya aya kaapa toku, okv hvngmi ha minto “Karma bvka.” **14** Vbvrikunamv nw vngsito okv maari

ha mvsitto, bvngnv nyi vdwv daktungto. Jisu minto, "Nyi yaapa bongv! gudungto, Ngo nam mindunv!" **15** Nyi sikunv gudung toku okv gaam raarap toku, okv Jisu ninyia ho anv gvlo jikur toku. **16** Bunu mvnwngngv busuto okv Pwknyarnvnyi hartv nyato. "Kairungnv nyijwk go ngonu gvlo aapvku!" bunu minto "Pwknyarnv aapvku ninyigv nyi vdwa ringdukubv!" **17** Jisu gv lvkwngbv so yunying si jarkar toku mooku mvnwnglo okv adar aigv mooku lo. **18** Vdwlo Jon gv lvbwlaksu vdwv so gv ogumvnwng nga mintam tokudw, nw bunu gvlo anyi gunyi gokto **19** okv bunya Ahtu gvlo tvvka moodubv vla vngmuto, "No rungri Jon gv aainvkv vla minamy, vmalo ngonu aku kvibi gunyi kaaya dubvri?" **20** Vdwlo bunu Jisu gvlo aatokudw, bunu minto, "Jon ngonua nam tvvka jilabv vla vngmupvnv ninyigv aainvkv vnam hv no rungre, vmalo ngonu ako gonyi kaaya segore."

**21** Hoka dw hoka Jisu lvvmanv nyi mego mvpu toku, bunugv achiayakha, okv alvmanv dow vdwa okv nyikchingnv nyi mego kaapa motoku. **22** Nw Jon gv gindungpingko vdwa mirwkt, "Vngkur yikuka okv Jonnyi minpa teka no ogugo kaadu okv tvvdu: Nyikchingnv kaapa nyuduku, lvpiknv vngla duku, yvzbunudw apin alvmabv lvvmanv vdwa darwk mopvku, rungjinv vdwv tvvpa nyuduku, sinv vdwa turkur moduku, okv Gamlv nga heemanv vdwlo japji duku. **23** Vdwgo mvngpuv yvvdw ngoogv lvkwng nga mvngngum madunv!" **24** Jon gv gindungpingko vdwgv vngro kochingbv, Jisu nyitwng nga japji raptoku Jon gv lvkwng nga: "Vdwlo nonu Jon gvlo chukrimooku lo vnglin rikulo, nonu ogugo kaapare vla dvminpvnv? Nvmwng anw hv doorilo yapchar dubv? **25** Ogugo kaadubv nonuno vnglin pvnv? Nyi ako vji kaapubv gvnv gore? Vkvnv nyi vji kaapubv gvnv okv himpukain bv doonv vdwa dvbvkarp vdwlo paadunv! **26** Nga minpalaby,

nonu ogugo kaadubv vla vnglin pnv? Nyijwk akore? Am hv  
jvbo, vbkritola nyijwk ka achialvbv kaiyanv go nonuno kaato. **27**  
Jon Darwknv Kitaplo minpanam akonv: ‘Pwknvyarnv minto, ngo  
ngoogv gindungpingko akonyi nonu gvlo vngcho more nonugv  
lvgabv lamtv nga mvkok modubv.’ **28** Ngo nonua mindu,” Jisu  
mindvto, “Jon kaiyanv singcho dvdvnv nyi lokv. Vbkritola yvvdw  
Pwknvyarnv gv Karv lo miangdunv nw Jonnyi kaiyadunv.” **29** Nyi  
mvnwngngv ninyigv minam ha tvttoku; bunu okv lampu naayanv  
vdwv yabv Pwknvyarnv gv jvjvkly nga mvngya kunv okv Jon  
gvlokv baptisma naakunv vdwv. **30** Vbkritola Parisi vdwv la Pvbv  
tamsarnv vdwv nwbutugv lvgabv Pwknvyarnv gv mvngnamha  
toa tuku okv Jon gvlokv baptisma naamare vtoku. **31** Jisu  
mindvto, “Vjak ngo ogugonyi mintaknvla minladubv svjak silugv  
nyi vdwsum? Bunu oguaingbv ripv? **32** Bunu piokpamdpamlo  
vmi dopamnv aingbv rido. Twnggonv twnggonyi gokdu, ‘Ngonu  
nonugv lvgabv nyida sidupvbin dumuto, vbkritola nonuno harkw  
pajokma! Ngonu siinyimar mvto, vbkritola nonuno kapma!’ **33** Jon  
Baptist aatoku, vbkritola nw yikto okv opo tvngmato, okv nonuno  
minto ‘Nw gvlo uyuvram doodu!’ vla. **34** Nyia Kuunyilo ngv  
aatoku, okv dvto okv tvngto, okv nonuno minto, ‘Kaatoka so nyi  
sam! Nw dvria nvgo okv tvngria nvgo, lampu naayavv vdwgv okv  
kvbi nyi toakunam vdwgv ajin go!’ **35** Pwknvyarnv gv mvnglak  
kv jvjvrungbv kaatamdu, mvnwng gvlo yvvdw um mvngrwk  
vdwv.” **36** Parisis akonv Jisuni gokto ninyia lkobv achin dvbam  
dubv vla, okv Jisu ninyigv naam lo aatoku okv dvdukubv dootung  
toku. **37** Ho banggu lo nyimv nvgo rimurla doonvgo dooto. Nw  
Jisuni Parisis gv naam lo dvla doodukv vla tvvpato, vklvlgabv  
nw pumchup golo nampunv ala vkv akomaring dubv bvnglwkt  
**38** okv Jisu gv lypa koching kiambv lypa nga ninyigv nyikla ngv

sarbum dubv kapla dakto, vbvrikunamv nw ninyigv dwmw lokv  
Jisu gv lvpa nga tipw to, mopup to, okv nampu nvnga lvpa lo  
pwke toku. **39** Vdwlo Parisis angv um kaato kudw nw atubongv  
minsuto, "So nyi si jvjvbv nyijwk guloka, ninya gakka nvnga  
chindu nvpv ogu nyimv gudw; ogu rimur go rila nw svngpv nvdw!"  
**40** Jisu gamtv rungbv ninya minto, "Saimon, ngo nam mintam  
segu doodukv." "Vkv, tamsarnv," nw minto, "Nga mintam labv." **41**  
"Ho hoka nyi anyigo dooto bunyi morko narnv gylo morko narto,"  
Jisu minrap toku. "Akony ninyigvlo ain lokdwng lwngu go narto,  
okv kvvbi angv chamngu go narto. **42** Bunyi lokv yvvka ninya  
jikur nyuma toku, vklvgabv nw bunyi gv dvdu doonam a kayu  
jitoku. Vbvrikunamv, ogolo angv ninya kaiyabv ayare?" **43** "Ngo  
mvngkanamy," Saimon mirwkt, "Hv ho angv nvpv yvnyi kaibv  
kayu jinam angv." "No minjwk gvibv," Jisu minto. **44** Vbvrikunamv  
nw nyimv nvnga kaarwk toku okv Saimonnyi minto, "No so nyimv  
sum kaadure? Ngo noogv naam lo aato, okv no ngoogv lvpa  
lvgabv isi jimato, vblrilola nw ninyigv nyikla lokv ngoogv lvpa  
nga harkakto okv ninyigv dwmw lokv hum tipw toku. **45** No ngam  
naam lo alvby aamu rilo moopup mato vblrilola nw ngoogv aaro  
lokv lvpa nga moopup nama topuma. **46** No ngoogv dumpo  
lvgabv olib tvli jimato, vblrilola nw ngoogv lvpa nga nampunv  
vkv harbun pvku. **47** Ngo nonua mindunv, vblrilola nw gv  
kairungbv aya kaatam kunam si ninyigv achialvbv rimur vdwa  
mvngnga jipvku vla chimu rungduku. Vblrilola yvnyi miang go  
mvngnga jipv kudw miang go aya nga kaatam mvngdo." **48**  
Vblrilola Jisu nyimv nvnga mintoku, "Noogv rimur vdwa  
mvngnga jipvkunv." **49** Tvbil lo doodungnv kvvbi vdwv atu  
hv minrap suto, "Yvvdw si, rimur haka mvngnga jikunv?" **50**

Vbvrítola Jisu nyimv nvnga mintoku, “Noogy mvngjwng ngv nam ringsupvku; alvbv vngnyiku.”

**8** Ayungjvma gv kochinglo Jisu banggu vdwlo okv nampum vdwlo vngkarto, Pwknyarnv gv Karv lvgabv Gamlv nga japgo jito. Lvbwlaksu vríng gola anyi vka ninia lvkobv vngto, **2** vkv aingbv nyimv vdw—vka yvv bunua alvmanv dow okv lvvma vdwloka mpu kunam vdwv: Meri (Yvvnyi Magdalene vla minpvdw), yvv gylokv uyuvram kanw go charlin pvkudw; **3** Joana, Yvvgv nyilu ngv Chuja yvvdw Herod gv naamlo nyigam bv rinv; okv Susanna, okv achialv nyimv vdwvka yvv bunu atugv pwnampaanam lokv Jisuni okv ninigv lvbwlaksu vdwa ridur kunv. **4** Nyi vdwv Jisu gvlo aadung nyato banggu akonvgv kochinglo akonv; okv vdwlo kairungnv nyitwng gubv vngdum tokudw, Jisu mintoku minchisinam sum: **5** “Alu golo nyi ako rongolo radv chitv bv vngliinto. Ninigv vvb rongolo amw chirilo, kvgonv lamtv korpv kolo holula hopvto, okv pvtá vdwv um pala dvtoku. **6** Mego-kvgonv lvngtak aolo hopvto, okv vdwlo amw hv boksu tokudw, bunu sintoku ogulvgavbolo kvdw v dwsidwla kaamato. **7** Amw megonv yamdwng yamchum tvv pvdwng lo holwktó, hv singnv vdwa lvkobv svngto okv bunua yuptoku. **8** Okv amw megonv alvnv kvdwlo holwktó; agar v svngtoku okv dabak baklin toku, akin-akinlo lwnggobv dachar charlin toku.” Okv Jisu minyabv mintoku, “Vbvríkunamv, tvvtoka nonuno nyarung gvdubolo!” **9** Minchisinam si ogu v vla Jisuni ninigv lvbwlaksu vdwv tvvkato, **10** okv nw mirwkto, “Pwknyarnv gv Karv gv arwng gaam vdwa nonua chimu pvkunv, vbvrítola kvvbi vdwa minchisinam vdwlo aadunv, vkvlvgalo bunu kaadu vbvrítola kaapama, okv tvvdu vbvrítola tvvchinma. **11** “Si ogu hv minchisinam gv lgva ngv: Amw ali vdw hv Pwknyarnv gv gamchar hv. **12** Amw lamtvlo hopvvn

bunu tvvpvdw; vbvritola Uyudvbv hv aala okv doin a bunugv  
haapok lokv-nga naaro toku ogulvgavbolo bunua mvngjwng okv  
ringnam lo doomu madubv vla. **13** Amw hv lvngtak aolo hopvnv  
yvzbunudw doin ha tvda namgola okv um mvngpula torwk sito.  
Vbvrifola hv bunu gvlo alvbv rungrwng lo harlwk manam lvgabv;  
bunu miang go mvngjwng mvngto vbvrifola vdwlo gwngkarika ngv  
aakunamv, bunu kayu toku. **14** Amw hv yamdwng yamchum tvv  
vdwlo holwknv hum mindo yvv bunu tvvpvkudw; vbvrifola nyitv  
nyigam okv himpukain bv mvngla mvngdwk hv dooyum laku okv  
bunua yuptoku, okv bunugv asi hv vdwloka ngimareku. **15** Amw  
hv alvnbv kvdw lo holwknv hum mindo yvv bunu doin a tvgvrila  
okv um alvbv haapok lo vvpv gvrila mvnggapla rinv, okv bunu asi  
svvma dvdvlobv rwkrwk mvbwngto. **16** “Yvvka mvdurupum a  
runu gvrila okv bati takmamlv vmalv gadw kyampwk lo vwpvnv  
kaama. Ho mabvdv, nw hum tunggingnvnv aolo vvpv yadunv,  
vkvlvgavbolo nyi vdwv bunu arwng aarilo loung nga kaapa  
yadubv. **17** “Ogugo vvsila vvsum pvpvdw agumlo naakok linreku,  
okv ogugo takmam pvkudw kaapa reku okv lounglo naalin  
reku. **18** “Himasuto laka, vbvrinamv, nonu oguaingbv tvvdudw;  
ogulvgavbolo yvvdw ogugo doodudw jitam yayare, vbvrifola  
yvvdw arochoko dunv ninyigv achukgo doonv ngaaka dvrit reku.”  
**19** Jisu gv anv okv boru vdwv ninyi gylo aato, vbvrifola nyi twngtv  
kunam lvgabv ninya vngming gvla nyumato. **20** Nyi gunv Jisunyi  
minto, “No gv anv okv boru vdwv agum vka dakdungdu okv nam  
kaanwng pkv vla.” **21** Jisu minto bunu mvnwngnnga, “Yvzbunudw  
Pwknyarnv gv gaam a tvvgap gvrila ridunv v ngoogv anv  
ngv okv boruv.” **22** Alu logo lo Jisu svpw golo dooto ninyigv  
lvbwlsksu vdwv lvkobv okv bunua minto, “Klai svparsv lv takdv  
gonvbw vngrap laju.” Vklvlgabv bunu vnglinla vngrap toku. **23**

Bunu vdwv dula vngrilo Jisu yuplwk toku. Lamdadubv kairungnv dooridoogum go rilula svparsvlv nga ricingto, okv svpw lo isi hv yarlwk raptoku, vklvgabv bunu mvnwngngv achialvbv busu kaapala dootoku. **24** Lvblaksu vdwv Jisu gvlo vngtoku okv ninyia mvu toku, vbv miyingto, “Tamsarnv, Tamsarnv! ngonu sida jikunvkv!” Jisu gudung toku okv dooria gaamgo gamkito okv isi sekiok hwknv haka; bunu ringin toku, okv hoka kairungbv sarsopoyo toku. **25** Vbvrikunamv lvblaksu vdwa nw mintoku, “Ogulo nonugv mvngjwng ngv?” Vbvritola bunu lamrwpato okv busuto, okv akonv ako nvnga mimisito “Yvv bvri so nyi si? Nw doori okv sekiok a gamki namv, okv bunu ninyi tvjidu!” **26** Jisu okv ninyigv lvblaksu vdwv Gerasa mooku lo dulwk toku hoka hv Galili svparsvlv takdv gony ngv. **27** Jisu gv isi segumlo korpy rilo, ninyi nyi ako kaarwk sito hv banggu lokv ngv okv nw gvlo uyuvram vdwv dooto. Mvngchi kuma nvgo so nyi si vji koomaby relin nvgo okv naam lo dooma nvgo, okv ninyigv singnam ha nyibung bungpam gv lvngpwk lo relwk nvgo. **28** Vdwlo nw Jisuni kaapa tokudw nw achialvbv gokla kapto, atubongv ninyigv lvpa lkwnglo gipvto, okv segokto, “Jisu, Kaiyachoknv Pwknyarnv gv Kuunyilo! No ngoogvlo ogugo mvngdunv? Ngo nam koodwkkrrwk la koodunv nga mvrit mabvka!” **29** Nw vbv minto ogulvgavbolo Jisu uyuvram dow ha ninyigv lokv linro toku vla gamkinam lvgalo. Ninyia achialvgo naatung pvla vvkwt, okv ninyia tumla vka lakuka ninyigv lvpa okv laak ha rwngja lokv leela, nw rwngja nga dokpwkto okv uyuvram hv ninyi mvdok laila chukrimooku bv limuto. **30** Jisu ninyia tvvkato, “No gv aminv ogu hv?” “Ngo gv aminv ‘Mob’” nw mirwkto ogulvgavbolo uyuvram achialvgo nw gvlo aatoku. **31** Uyuvram hv Jisuni koodwkkrrwkla kooto bunua dotarkamanv ungrong bolo charlu

mabkv vla. (Abyssos g12) 32 Ho hoka nvchilo vrlik riktwng go reto, moodw lo dvkar nyala. Vkvlgabv uyuvram vdwv Jisuni koodwkkrwk la kooto bunua riktwng arwnglo vngmulabv vla, okv nw bunua vngmuto. 33 Bunu nyi golokv lintoku okv riktwnglo aatoku. Riktwng mvnwngngv chapchar minsula tarakbv riolula svparsvlv lo riolwk nyala sitoku. 34 Riktwng nga kaayanv vdwv ogugo ripvdw um kaatoku, vkvlgabv bunu joktoku okv yunying nga banggu okv rongo vdwlo dupwng motoku. 35 Nyi vdwv vnglintoku ogugo ripvdw um kaadubv vla, okv vdwlo bunu Jisu gylo aatokudw bunu uyuvram linrokunam nyi anga kaapa toku Jisu gv lvpalo doodu kubv vji koto kula okv mvngnamsaknam hv alv tokula; okv bunu mvnwngngv busu nyatoku. 36 Yvv bunu um kaatokudw nyi vdwa minpa toku nyi angv oguaingbv poyapvku nvdw. 37 Vbvrikunamv ho mooku lokv nyi mvnwngngv Jisuni mintoku vngro tokuka vla, ogu lvgavbolo bunu achialvbv busu nyatoku. Vkvlgabv Jisu svpwlo dootoku okv vngyu toku. 38 Uyuvram linrokunam nyi angv Jisuni kodwkkrwkla kooto, "Ngam noogy vngkulo lvkobv vngmulabv." Vbvritola Jisu ninyia vBV mintola vngmuyato, 39 "Naam bv vngkur nyikuka okv minpa laka Pwknyarnv noogy lvgabv ogugo rijipvdw." Nyi angv Jisu ninyigv lvgabv ogugo rijipvdw, banggu lo vnggola minkar toku. 40 Vdwlo Jisu svparsvlv takdv gonylo rapkur lintokudw, nyi vdwv ninyia alvbv kaarwk toku, ogulgavbolo bunu ninyia kaaya nyatoku. 41 Vbvrikunamv nyi ako aminv Jairas vnamgo aachito; nw Jius kumkunaam gv rigvnb akobv rito. Nw atubongv Jisu gv lypa lvkwnnglo gipvto okv kodwkkrwkla Jisuni kooto ninyigv naam lo vngji labv vla, 42 Ogulgavbolo ninyigv kuunyijar akin v, yvvdw anying nyingring gola nyingnyi mwngnv, sitv tvku. Jisu gv vngrilo nyipam hv apum bv ninyigyo pamlwk nyato vngku mvnwng lokv.

**43** Bunu nyipam lokv anvnyimv nvgo yvvdw oyi sarla lvvma la  
nyingring gola nydingnyi kunvgo; nw gv paanam mvnwngnga  
daktor vdwlo mva toku, vbkritola yvvka ninyia mvpu nyumato. **44**  
Nw nyipamlo aalwk dabuv Jisu gv kochinglo aalwkla okv Jisu gv  
vji jylap a mvsit toku, okv vjakgobv ninyigv oyi sarnam hv sarngin  
toku. **45** Jisu tvvkato, “Yvvla nga mvsit nvngv?” Mvnwngngv  
um miasuto, okv Pitar minto, “Tamsarnv, Nyi mvnwngngv nam  
dooyumdo okv no gvlo nyipam bv nam pamyumdu.” **46** Vbkritola  
Jisu minto, “Nyi gunv nga mvsit gvibv, ngo um chinto vdwlo  
jwkrw go ngo gvlokv lintokudw.” **47** Nyimv nvngv kaatoku ninyia  
kaapa gvi kubv vla, vkvlgabv nw jinjinrumrum la aatoku okv nw  
atuhv Jisu gv lvpa lvkwnglo gipv toku. Hoka nw nyi mvnwng gv  
kaagialo, nw Jisunyi minpa toku ogulvgabv nw ninyigv vji a mvsit  
pvnvdw okv oguaingbv nw vjakgobv poyapvku nvdw. **48** Jisu  
nyimv nvnga mintoku, “Ngoogv kuunyijar a, noogv mvngjwng ngv  
nam alv mopyvku. Alvbv vngto kulaka.” **49** Jisu gv vBV mindung  
riko, gindungpingko ako aatoku nyigam gv naam lokv. “Noogv  
kuunyijar hv siro yikubv,” nw Jairasnyi minto; “Tamsarbonyi  
vkvnvgo mindwkminku mabvk.” **50** Vbkritola Jisu um tppato okv  
Jairasnyi minto, “Busu mabvka; mvngjwng mvngtoka, okv nw alv  
reku.” **51** Vdwlo nw naam lo aachi tokudw, nw yvvnyika ninyia  
lvkobv arwng lo aamu mato, Pitar, Jon okv Jems mvngchik okv  
vmi gv anv okv abua. **52** Hoka nyi mvnwngngv vmi gv lvgabv  
kapdungto okv mvngdwk dwkdung nyato. Jisu minto, “Kapma  
bvka; vmiiv siima kv—nyi yupmwng dunv!” **53** Nyi mvnwngngv  
ninyi nyarji nyato, ogulvgavbolo bunu chintoku nyijar angv siro  
pvku vla. **54** Vbkritola Jisu ninyigv laak a gakbwng toku okv  
goklinto, “Ngoogv anga, gudungto!” **55** Nw gv turnam hv aakur  
toku, okv nw vjakgobv dakrap toku, okv Jisu bunua minto ninyia

dynam go jila dymuto. **56** Nyijar gv anvabu hv lamrwpatoku, vvvritola Jisu bunua minggapto yvvnyika minpa mabvka ogugo ripvkudw.

**9** Jisu lvbwlaksu vring gola anyia gokdumto okv rigum minggum nvnv nga jitoku okv uyuvaram mvnwngna charanvnj jwksw haka okv lvvma vdwaka mvpunvn nga. **2** Vvvrikunamv nw bunua vnglin motoku Pwknyarnv gv Karv lvga nga japji modukubv okv lvvma nvnga mvpu modukubv, **3** bunua miro kochingbv, “Moing lv gabv ogu guka gvyoka: daadwng gyvo, giagonvnk kochak guka gyvo, dynam gyvo, morko gyvo, jekok borgu lyyva gvma bvka. **4** Ogolo nonua alvbv aamu pvdw, ho banggu lokv vnglinma dvdllo naam akinlo doobwng laka; **5** Ogolo nyi vdww nonua alvbv aamu mapvdw, ho banggu ha vngyu laka okv lypa gv pvmar haka kaklu laka bunua riw mrvw chonam aing gubv.” **6** Lvbwlaksu vdww vngtoku nampum mvnwnglo vnggola, Gamlv a japji toku okv mooku mvnwnglo nyi vdwa mvpu toku. **7** Vdwlo Herod, Galili ha rigvdakgvn, ogugo ripv kudw ho mvnwng gv lvga nga tvvpa toku, nw achialvbv abwkmato, ogulvgavbolo nyi megonv minto Jon Baptist turkur pvkukv vto. **8** Kvvbi vdww minto Elija aapvku, vjakgobv kvvbi vdww krim gv nyijwk ako turkur pvkukv vto. **9** Herod minto, “Ngo Jon gv dumpo nga paa prvn; vvvritola so nyi si yv vri ngo soogv lvga nga tvvdu?” Okv nw Jisuni kaadubv vla rikwng to. **10** Apostol vdww aakur toku okv bunugv rinam mvnwngna Jisuni minpa jitoku. Nw bunuam nw gv lvkobv naatoku, okv bunu atuhv Betsaida vnam banggu akolo vngtoku. **11** Vdwlo nyipam hv ho gv lvga um tvvpa tvkudw, bunu ninyia vngming gvtoku. Nw bunua alvbv aamu tuku, bunua Pwknyarnv gv Karv lvga nga japji toku, okv dinchinv vdwa mvpu jitoku. **12** Vdwlo doonyi hv pokga tvtokudw, lvbwlaksu vring gola anyiv nw

gvlo aatoku okv minto, "Nyi vdwa vngmu tukuka ogulvgavbolo  
bunu nampum vdwlo okv rongo rwktak vdw soka vngla dvnam  
okv yupku paamu tvka, ogulvgavbolo so si jymataiku mooku  
go." **13** Vbvrilola Jisu bunua minto, "Nonu atu hv bunua dvnam  
go jila dvmu tvka." Bunu mirwkto, "Ngonu mvnwng gvlo vtwng  
takngu gola ngui nvnyi gomwng. No ngonua vngla so nyipam  
mvnwng gv lvgabv dvnam rvkar teka mvngdure?" **14** (Hoka  
nyiga vdwv hejar angu gobv ritoku) Jisu lvbwlaksu vdwa mintoku,  
"Nyi vdwa nyipamlo chamngu-chamngu bv mvgrila doomu  
tvka." **15** Lvbwaksu vdwgv svbv mvro kochingbv, **16** Jisu vtwng  
takngu okv ngui nvnyi a naatoku, nyidomooku bv kaadung to, um  
Pwknyarnvnyi umbonyikv vto, um pimwktoku, okv um lvbwlaksu  
vdwa jitoku nyi vdwlo ormu dubv. **17** Bunu mvnwngngv dvtoku  
okv dvgu nyatoku, okv lvbwlaksu vdwv dvlv nga paapi vrng gola  
anyigo naakum toku. **18** Alu logo lo Jisu akinv kumla doorilo,  
lvbwlaksu vdwv nw gvlo aatoku. Nw bunua tvvkato "Nyipam v  
nga yvv vla mindu?" **19** Bunu mirwkto, "Megonv nam Jon Baptist  
kv vdu." "Kvvbi vdwv nam Elija kv vla mindu, kvvbi vdwv vbv  
mindungdo krimklu gv nyijwk go turkur pvku vla." **20** Nw bunua  
tvvkato, "Nonu gvbv oguhv?" "Nonu ngam oguhv vla mindunv?"  
Pitar mirwkto, "No Pwknyarnv gv Kristo." **21** Vbvrirkunamv Jisu  
bunua mingap linlinla minto sum yvnyika minji mabvkv vla.  
**22** Nw bunua mintato, "Nyia Kuunyilo ngv hinching rungre okv  
nyigagaatv vdwgv, butv vdwgv, okv Pvbv tamsarnv vdwgv toa  
kunam gobv rire. Ninji mvki reku, vblrilola alu loom kochingbv  
nw turkur reku." **23** Okv nw mvnwngnga minto, "Yvv akonv ngam  
lvkobv vngming gvso mvngdunv, nw atua mvngnnga sitola, alu  
gv loki a ninjyg daapo nga bvngla okv ngam vngming gvlaka.  
**24** Vkvlgabv yvvdw atu atubogv singdung nga singmu nypv

mvngdunv um ngoomu re, vbvrilola yvvdw ninyigv singdung nga  
ngoogv lvgabv ngoomu yadunv um singmu yare. **25** Nyidum  
gunv mooku mvnwngnga mvgumrigum gvrila vbvrilola nw atu v  
ngooya kunv gubv vmalo yaaku kunv gubv riku bolo hv ogu  
tuksarnam go paarikudw? Vbvrirung maare! **26** Nyidum gunv  
ngam okv ngoogv tamsar sarlwk nama hining bolo, vbvrikubolo  
Nyia Kuunyilo vka ninyia hining reku vdwlo nw gv okv Abu gv  
okv nyidogindung gvka kairungnv yunglit gubvrila aari kunyi. **27**  
Ngo nonua jvjbv mindunv ho megony si doodu bunu simare  
vdwlo Pwknyarnv gv Karv nga kaama dvdvlo.” **28** Lokkanw  
dvse toku nw gv so ogu a minro kochingbv, Jisu nwha lvkobv  
Pitarnyi, Jonnyi, okv Jemsnyi vnggvla okv kumdubv moodwlo  
chaatoku. **29** Nw gv kumdung rilo, nw nyukmu v angu suto,  
okv nw gv vjiv yapung toji toku. **30** Lamdadubv hoka nyi anyigo  
ninyi lvkobv gaam raami suto. Ho anyiv Moses okv Elija, **31**  
buniy kairungnv nyidomooku gv yunglit nama kaatam toku okv  
Jisunyi lvkobv gaam raami suto ninyigv Jerusalem lo sigv rila  
Pwknyarnv gv minkipvnam a baapu alvbv rilin jise gv lvkwngbv.  
**32** Pitar okv nw a lvkobv rinv vdwv yupngak toku, vbvrilola bunu  
hurap datoku okv kaapa toku Jisu gv yunglit a okv nyi anyi  
ninyi lvkobv daknam a. **33** Nyi anyi gv Jisu nyi vngyu tvrilo,  
Pitar Jisu nyi minto, “Ahtu, ngonugv so doonam si alvrungnv go!  
ngonu so taabio aom go biore, akonyi no lvgabv, akonyi Moses  
gvbv, okv akonyi Elija gvbv.” (Nw ogugo mindungvdw um alvbv  
chimato.) **34** Nw gv vbv mindung rilo, haapam ako kaklwkto okv  
bunua doonyum bv nyumrum toku; okv lvbwlsksu vdwv busu  
toku haapam gv vbv bunu gvlo kaklwk rilo. **35** Haapam lokv  
gaamgo milinto, “Si ngoogv darnam, Kuunyilo ngv—ninyi gvlo  
tvvtolaka!” **36** Vdwlo gaam v minya tokudw, hoka mvnwnglo Jisu

akin mvngku. So mvnwng gv lvga nga lwbwlaksu vdwv choibv doobwngto, okv bunu ogugo kaapvdw ho dw hoka yvvnyika minpa mato. **37** Logo nvnga Jisu okv ninyigv lwbwlaksu vdwv moodw lokv lvkwnng itoku, okv kairungnv nyipam go Jisunyi kaarwksuto. **38** Nyipam lokv nyi ako gokto, "Tamsarnv! ngo nam kodwkkkrwkla koodunv, ngoogv kuunyilo nga kaakato—ngoogv kuunyilo akin al. **39** Dow v ninya lamdubv mrapla okv ninyi semit taplwk modu, vkvlvgabv nw gaam lo sepit taik lindubv mvdu; vbvdvdvbv ninya achi dubv mvbwngla okv vngnyu madubv ninya vngmudo! **40** Ngo no gv lwbwlaksu vdwa kodwkkkrwkla kooto um chara modubv vla, vbvritola bunu mvnyu mato." **41** "Nonu vdwnvgo mvngjwng manv okv rimurnv nyi vdw golaka! ngo nonua lvkobv vdwgo doodubv? Vdwgo ngo nonu gvlo laklwk sula doodubv?" Vbvrikunamv, nw nyi anga minto, "Noogv kuunyilo nga so aagv teka." **42** Vmi gv aadungrilo, alvmanv dow hv ninya kvdw lo hwkluto okv semit taplwk dubv mvtoku. Jisu uyu dow a orto jitoku, vmi a mvpu toku, okv ninyi ninyigv abua jikur toku. **43** Nyi mvnwngngv Pwknyarnv gv kairungnv jwkrw a kaala lamrwpanya toku. Nyi vdwv vjaklodvbv lamrwpanyato Jisu gv ogu mvnwng ridung nama, vdwlo nw ninyigv lwbwlaksu vdwa minto kudw, **44** "Mvngpa mabv riyoka ngo nonua ogugo mintam tvdudw! Nyia Kuunyilo nga nyi vdwgv laak lo laklwk tvduku."

**45** Vbvritola lwbwlaksu vdwv chimato ho gv minam v ogu vdw. Bunugv lokv si toosi nam gubv rito vkvlvgabv bunu hum chinyu maatoku, okv ho gv lvga nga bunu ninya tvvka svngaka busu nyatoku. **46** Lwbwlaksu vdwv bunugv lokv yvvdw kaiyachok jinv vla larmisinya toku. **47** Jisu chintoku bunu ogugo mvngdung dudw, vkvlvgabv nw vmi ako naatoku, nw gvlo dakmu toku, **48** Okv bunua minto, "Yvvdw ngoogv amin bv so vmi sum alvby

torwk sidunv, nga torwk sinamv; okv yvvdw nga torwk sidunv, nga imu nvnga ka torwk sidunv. Vkvlgabv nonu mvnwng gvlo yvvdw miangyachok dunv hv kaiyachok nvngv.” 49 Jon minto, “Tamsarnv, ngonu nyi ako noogv amin lokv uyuvram charlin nvgo kaapa tvbv okv ngonu ninyia mintorto, ogulvgavbolo nw ngonugv rikulo rinvma.” 50 “Ninyia mintor dubv rikw nyayo ka,” Jisu Jonnyi okv kvvbi lvbwlaksu vdwa minto, “Ogulvgavbolo yvv nonua rinying maadudw hv nonu gvngv.” 51 Jisuni nyidomooku bv naachadw hv kvnwk ltv toku, nw mvngnam a mvngbwk datoku okv Jerusalem lo vngdubv ninyigv lamtvlo vnglintoku. 52 Nw gindungpingko vkv vngcho moto, v samaria nampum arwnglo vngto ninyigv lvgabv ogumvnwngnga paala mvkimvak pvvdukubv. 53 Vbvrilola nyi vdwv ninyia naarwk sima toku, ogulvgavbolo ho v nw ninyigv lamtv nga Jerusalem bv vngdu vla abwk toku. 54 Vdwlo lvbwlaksu Jems okv Jon hum kaatokudw, bunu minto, “Ahtu, no ngonua nyidomooku tolokv vmv go goklu la bunua guyak guchak modubv mvngdure?” 55 Jisu dakrwk la bunua yamto. 56 Vbvrirkunamv Jisu okv ninyigv lvbwlaksu vdwv kvvbi nampum lo vngtoku. 57 Vbv bunugv lamtvlo bunu vngdungrilo, nyi ako Jisuni minto, “No Ogolo vngdaka nam ngo vngming gvvre.” 58 Jisu ninyia minto, “Haaringpaksar ngv ungrung doonyado, okv pvtv ngv asup doosu nyadu, vbvrilola Nyia Kuunyilo ngv oguloka karku guka okv doonu jiku guka kaayama.” 59 Nw kvvbinyi akonyika minto, “Nga vngming gvlaak.” Vbvrilola ho nyi angv minto, “Tamsarnv, atukchochukbv nga vngkur mola okv ngoogv abuny svma riiso molabv.” 60 Jisu mirwkt, “Sinv nga bunugv svma nga risu motoka. No vngnyika Pwknyaynv gv Karv nga japgo tvka.” 61 Kvzbinyi akonv minto, “Ngo nam vngming gvvre vbvrilola atokchochukbv nga ngoogv

vpin a alvbvka vmu labv." **62** Jisu nw a minto, "Yvvnyi akonv kvdw a gwor raptokula okv vbvrinamv kochingbv kaakor dvdvn Pwknyarnv gv Karv lo rinv nvdu bv rima dunv."

**10** So kochingbv Jisu kvvbi nyiga vkv chamkanw gula anyi go gokla, nw atu v vngjiku banggu mvnwnglo okv mooku lo anyi anyibv vngcho moto. **2** Nw bunua minto, "Aam nvse ngv hoka achialv duku, hum nvji nvngv miang gumwng. Kumtoka aam atu gv lvgabv nw aam nvji nvnga vnglin more ninyigv aam nvse um nvvmure. **3** Vngnyikal! ngo nonua svcha chaapamlo svlar vdw jebv vngmu gvrinvla **4** Nonu morko vgianvnu, vmalu giagonvgv chapa vmalu lvsup; lamtvlo nyi vdwa alvpri vla minam a topu mabvka. **5** Vdwlo nonu naam ako gv arwng aarinyi, atokcho bv minlaka 'So naam soka mvngpu v lvkobv doolaka.' **6** Hoka sarsopoyonv nyi go doodu bolo, nonugv sarsopoyo ngaaka ninyigvlo doolwk molaka; vkv kaama bolo, nonugv sarsopoyo nga naakur lakuka. **7** Ho gv naam akinlo doobwng laka, dvdunglaka okv tvngdung laka oguggo nw nonua jilin dudw, rinv nga ninyigv rijo nga jirung dunv. Naam namgunv lokv kvvbi namgu nvlo vnggo mabvka. **8** Vdwlo nonu banggu ako gv arwnglo vngrikudw okv alvbv aamu pkulo, ogu go nonua mvpvripv jipvdw dvlaka, **9** ho banggu gv lvvma nvnga mvpu jilaka, okv hoka nyi vdwa minlaka 'Pwknyarnv gv Karv ngv nonu lo nvchibv aapvku vla.'

**10** Vbvrítola vdwlo nonu banggu akolo vngridw okv alvbv aamu mapvlo, vnglin lakuka lamtvlo hoka minlaka, **11** 'nonugv banggu gv dwmar ngonugv lvpalo doonv haka ngonu nonua rinying bv mvlu jidunv. Vbvrítola mvnggap laka Pwknyarnv gv Karv ngv aapvku nonugv nvchilo!' **12** Ngo nonua milv jidunv Jwngkadaka Alu lo Pwknyarnv ho banggu um svnga Sodom a kaiyago aya kaatamre! **13** "Chorajin! no lvgabv vdwgo mvngdwk dwknam

gubv rire, Betsaida! no lvgabvka vdwgo mvngdwk dwknam gubv  
rire, nonu gylo lamrwpadubv mvkunam vdwa Taire okv Sidon  
lo rinv guilo, ho gv nyi vdwv krim doopam dukunvpv, tagiam  
vjia kooto kula okv mvchu a bunu atu v harbun sitokula, nw  
bunu rimur lokv mvngdin dukunv vla kaatam bvku ripv kunvpv!

**14** Nonu am svnga kaiyago Pwknyarnv Taire okv Sidon ha

aya kaatamre Jwngkadaka Alu lo. **15** Karparnaum! Okv no

lvgabv, no atu hv nyidomooku ao tolo harsa sidubv mvngdure?

Nam uyumooku bolo paalu rinvla!" (**Hadēs g86**) **16** Jisu ninyigv

lvbwlaksu vdwa minto, "Yvv bunu nonua tvriadunv hv ngamka

tvriadunv; yvv bunu nonua toa dunv hv ngamka toa dunv; okv

yvv bunu nga toa dunv hv nga so imu nvngaka toa dunv." **17**

Nyiga chamkanw kanw gula anyi vdwv aakur toku kairungbv

himpula. "Ahtu" bunu minto, "Uyuvram vka tvvdu vdwlo ngonu

noogv amin bv bunua mintodw!" **18** Jisu bunua mirwkto, "Ngo

Uyu nga nyidomooku lokv dooriak jvby hoolu dubv kaato. **19**

Tvriato! ngo nonua jwkrw a jipv kunv, vkvlgabv nonu tabw

vdwgv okv dwkung vdwgv aolo vngla dukubv okv nyimak gv

jwkrw mvnwngnga rigum yadubv, okv nonua ogugoka alvmanv

rika madubv. **20** Vbvrilola alvmanv dow vdwv nonua tvvdu vla

himpu mabvka, vmabvya himpu yalaka ogulvgavbolo nonugv

amina nyidomooku tv lvkpv yadu." **21** Ho dw lo Jisu himputo

Darwknv Dow doonam lvkwng lokv okv minto, "Abu, nyidomooku

gvla Sichingmooku gv Ahtu! Ngo nam umbonyika mvngdunv

ogulvgavbolo no chima nvnga kaatam jikunam lvgalo noogv

chinkichiak okv chinpanv lokv vvsivrum nama. Vmabv Abu si

noogv mvnggy rila rimu nvpv mvngnam a rimunamy." **22** "Ngo gv

Abu nga ogumvnwng nga jito. Kuunyilo ngv yvvdw um yvvka

chiny kaama Abu mvngchik chindu, okv Abu yvvdw um yvvka

chinv kaama Kuunyilo mvngchik okv Kuunyilo gv ninyia kaatam dukubv vla darkunam vdvv.” **23** Vbvrikunamv Jisu ltblaksu vdwa dakrwk toku okv bunua minsila minto, “Nonuno gamdak nvgo laka nonugv ogu kaadubv mvngnam a nonu kaapa mindu! **24** Ngo nonua mintam jidunv vdwnv nyijwk vdvv okv kvvbi vdvv nonugv kaanam um kaanwng nyato, vbvritola bunu kaala matoku, okv nonugv tvvnam hum bunu tvngnwngto vbvritola bunu tvvpa kuma toku.” **25** Pvbv tamsarnv ako aato okv Jisuni mingkup tvvto. “Tamsarnv,” nw tvuto, “Turbwngla singnam a paanam lvgabv ngo ogugo rise gubvre?” (**aiōnios g166**) **26** Jisu mirwkto, “Darwknv Kitaplo ogu vla minpv? Okv um no oguaingbv japjidunv?” **27** Nyi angv mirwkto, “Atunyi, noogv Pwknyarnvnyi no haapok mvnwng lokv, noogv yalu mvnwng lokv, noogv gwlwk mvnwng lokv, okv noogv mongrumara mvnwng lokv; okv no atu hv oguaingbv paksu dudw vkv aingbv noogv namrwk ajin a pakmi sulaka.” **28** “No alvbv mingvnyibv,” Jisu mirwk suto; “sum rilaka okv no turriku.” **29** Vbvritola Pvbv tamsarnv nyi angv atu v abwk nvpv mvngtoku, vkvlvgabv nw Jisuni tvvkato, “Yvila ngoogy namrwk doobam ajin v?” **30** Jisu mirwkto, “Ho hoka nyi ako dooto, nw Jerusalem lokv Jeriko bv idungto ho ninyia dvchotvnglanv nyi vdvv naatungto, ninyia vji pibinto, okv achialvbw dvngto, siloyasi dubv mvtola kayuto. **31** Hum hoka vbw rimutvla lamtv hoka nyibu ako idungto; vbvritola nyibu angv nyi anga vdwlo kaapa tokudw, nw vngyela, kvvbi lamtvbw vngto. **32** Vbvdvdbv Libait ako vngtato, vngsito okv nyi anga kaato, okv vbvrikunamv vngyela, kvvbi lamtvbw vngtoku. **33** Vbvritola samaritan ako ho lamtvlo vngdung nvgo aala nyi angv dookulo aato, okv vdwlo nw ho nyi anga kaatokudw, ninyigv haapok hv aya mvngpa toku. **34** Nw nyi angv gv dookulo aato,

nyi angv gv ungylo tvli okv opo pwbumto okv hum putum toku; vBVRIKUNAMV nw ho nyi a ninyigv svnwng aolo joopvto okv hotel golo baklwk toku, hoka nw nyi anga ringchum yatoku.

**35** Alu logo nvlo nw ain lokdwng charnyi go naalinto okv hum ringchum nvnga jitoku. ‘Ninyia ringchum laka,’ nw ringchum nvnga mintoku, ‘okv vdwlo ngo so lamtvbv vngkur rikudw, no nyi so gv lvgabv ogugo ngoopvdw um ngo nam jireku.’” **36** Okv Jisu minyabv minto, “Noogv mvngnam lokv, so nyi aom sokv yvvla namrwk ajin jvbw ripvnv dvchonv nyi vdwgv dvngnam nyi anga?” **37** Pvbv tamsarnv angv mirwkto, “Ninyia ayanv angv.” Jisu mirwkla minto, “Vbvrikunamv no vngnyi, okv vbvdvdvby rilaka.” **38** Jisu la ninyigv lvbwlaksu vdvv bunugv lamtvlo vngrilo nw nampum golo aatoku hoka Marta vnam nyimv go ninyigv naam lo Jisunyi alvbv aamu toku. **39** Nw bormv ako dooto aminv Meri, nw Jisu gv lvpa lkwnglo dootola ninyigv tamsar nama tvvriato. **40** Marta ninyigv gwngserise ngv achialv kunam lvgalo nw timbuto, vklvlgabv nw aato okv ninyia minto, “Ahtu, ngoogv bormv, nga gwngserise ngv awgo doomu gvrila nga vngyunam sum no kaachin malare? Ninyia ngam ridumduby mintokv!” **41** Ahtu ninyia mirwkto, “Marta, Marta! no gwngserise achialv gv aolo timbula okv adwkaku dunvre, **42** vBVRITOLA akin go dinchi yadu. Meri alvyanv go gakyapv, okv sum nw gvlo vdwloka dvrit nyulamare.”

**11** Alu logolo Jisu mooku golo kumla dooto. Vdwlo nw kumngin tokudw, ninyigv lvbwlaksu akonv ninyia minto, “Ahtu, ngonua kumsar labv, Jon ninyigv lvbwlaksu vdwa kumsarnam jvbw.” **2** Jisu bunua minto, “Vdwlo nonu kumrinyi, sum minto: ‘Abu: Noogv darwknv aminv mvngdnam gubvka; noogv Karv ngv aalaka. **3** Ngonugv dvsetvngse nga alu-alua jilaka. **4** Ngonugv rimur

vdwa mvngnga jilaka, ngonua rimurnv vdwa ngonu mvngnga jidunv. Okv ngonua alvmanv gwngkarika moyoka.” **5** Okv Jisu ninyigv lvbwlaksu vdwa mintoku, “Svkv aingbv nonu gylokv akonv ayuyupra nga ajin gv naam lo vngla minre, ‘Ajin, nga vtwng taggom go narlabkv. **6** Ngoogv ajin ako moing vngnvgo nw vjakpi ngoogv naam lo aalwkpv, okv ngo ninyigv lvgabv dvnam go dooma!” **7** Okv svkv aingbv noogv ajin v naam arwng lokv mirwk bolo, ‘Nga no mindwkmkingku mabv! vriap agi ngv koktum ropvku, okv ngo la ngoogv kuu vdwv gadw lo doopv kunv. Ngo gudungla nam ogugo jinyuma.’ **8** Alvdo, vbvrikunamv ogugo rire? Ngo nonua minpadu, nw ngoogv ajin v vla gudungla nam ogugo jima jeka noogv hinying mabv koodv-koodvnam lokv nw gudungla nam ogugo jirung reku. **9** Okv vkvlvgabv ngo nonua mindunv: Kolaka okv no paarungre; makar laka no mapare; takdin laka, okv agi nga no lvgabv kokda pjire. **10** Mvnwgngv yvv koodunv hv paadu, okv yvvdw makar dunv mapare, okv yvvdw takdin dunv ninyigv lvgabv agi a kokda pjire. **11** Nonu gv abu vdwv yvla kuu nga vtwng go koomu gvrila tabw go jinv? **12** Vmalo no ninyia pvpw go koomu gvrila dwkung go jiredw? **13** No alvmanv gubv rijeka, no chindu oquaing bv alvngvo kuu nga jise ngvdw. Vbvrikunamv ung achialv kaiyanv go, nyidomooku lo doonv Abu Darwknv Dow a jirungre yvvdw ninyia koodunv!” **14** Jisu milin momanv uyuvram ako charlin toku; vdwlo uyuvram angv vngro tokudw, nyi angv milin raptoku. Nyipam vdwv lamrwpatoku, **15** vbvritola megonv nyi vdwv minto, “Si Biljebul pvnv go, uyuvram vdwgv dvbv, v ninyia bunua charanvny jwkrw a jiriadu.” **16** Kvvbi vdwv Jisunyi gwngkup dvbv mvngto, vkvlvgabv bunu ninyia lamrwanam go kaatam labv Pwknyarnv nam yarlwk pvnlo vla kooto. **17**

Vbvitola Jisu bunugv mvngnam a chinto, vklvgabv nw bunua minto, "Diringmooku gunv atu v apum-apum gubv yakpin sila hv padar minsu kubolo hv vdwloka doobwng lamare; vpin akonv atu v apinain sila rinying minsunv, hv ngoopinngoin dukunv. **18** Vklvgabv Uyu gv karv ngv apum gubvrila padar minsu kubolo, oguaingbv hv doobwng nyudubv? Nonu mindu nga uyuvram vawa charadu ogulvgavbolo Biljebul ngam jwkrw jinam lokv vBV rimu doonv vla. **19** Vbv rungbv ngo bunua charlin dunv bolo, nonua reming gvnv vdwv oguaingbv bunua charlindunv? Nonua reming gvnv vdwv nonua rimur do vla gakdu! **20** Ma ho mabvdv ngo Pwknyarnv gv jwkrw lokv bunua charlindunv, okv si kaatamdu Pwknyarnv gv Karv ngv nonu gvlo aapvku vla." **21** "Vdwlo gwlwknv nyi akonv, ninyigv panvnaanv nvnga lkvobv doogu sila, atubogv naam a kaaria sikubolo ninyigv yidu vdwv ngemare. **22** Vbvitola vdwlo nyi gunv ninyia gwlwk yanvgo nw gvlo palwk laku ninyia mya yaku bolo, atu gv mvngging kunam yidu vawa gvla yikula okv ogugo dvrit pvkudw orpin-oryin sireku." **23** "Yvvdw ngogvbv rima dunv jvjbv hv nga rinying nvngv; yvvdw nga ridur madunv, naakum nvngv ka jvjbv ayakapakdu." **24** "Vdwlo alvmanv dow v nyidum lokv linri kunyi, hv pvtwngko mooku lo dooku makarla vnggo kardu, hv dooku akoka mapa kuma bolo, hv atu v mindu, 'Ngo ngoogy naam lo aakur reku.' **25** Vklvgabv nw aakur dukula naam a doin doopa dubv kaapa duku. **26** Vbrikunamv vnglinlaku okv ninyia alv mayanv uyu dow kanw go aagv dukunv okv bunu aalaku hoka doolwk duku. Vklvgabv vdwlo vBV rirekudw, ho nyi gv rinamdknam hv kvlo gvngka kaiyabv alvmayabv ridu kunv." **27** Vdwlo Jisu hum minto kudw, nyimv nvgo nyipam lokv goklin la ninyia minto, "Achialv mvngpu v ho nyimv angy nam dwrboklin la sootv bongv!" **28**

Vbvitola Jisu mirwkt, "Vmabvya, achialv mvngpu v yvvdw Pwknyarnv gv gaam a tvvdunv okv hum ridunv!" **29** Nyi vdvw Jisunyi nyipam bv dooyum lylv toku, nw mimbwngla minto, "Sili meriu gv nyi vdw si achialvbv alvmado! bunu lamrpanam go koodu, vbvitola Jona gv lamrpanam a jmwngre kvbi lamrpanam yagu bunua jimare. **30** Ho apiabv nyijwk Jona Ninebe nyi vdwgv kaaringtamanam gobv rito, vklvgabv Nyia Kuunyilo vka silu meriu gv nyi vdwgv kaaringtama nam gubv rire. **31** Jwngkadaka Alu lo Seba gv Dvnv angv dakrapre okv silugv nyi vdwa gungnying milwkre, ogulgavbolo nw ninyigv mooku lokv lamtv mvnwngnga vngmila vngtoku Solomon gv mvnglakmilak a tvvdubv vla; okv ngo nonua mindu Dvbw Solomon nyika kaiyanv ogugo sika si doopv. **32** Jwngkadaka Alu lo Ninebe gv nyi vdvw dakrap dyla nonua gungnying milwkre, ogulgavbolo bunu Jona gv japij nama tvvla bunu bunugv rimur lokv mvngdin toku; okv ngo nonua jvjb bv mindunv Jona nyika kaiyanv go sika si doopv! **33** "Yvvka mvdurrupum a baanu gvrila vsila vmalo bati lkwnglo vvpvnv kaama; vmabvya, nw hum tunggngnvlo vvpv yadunv, ogulgavbolo nyi aanv vdwa kaapa modubv. **34** Noogv nyik vdvw ayak gv lvgabv mvdurrupum jvbw rido. Vdwlo noogv nyik vdvw alvbolo, noogv ayak mvnwnglo loung ngv akomaring do; vbvitola vdwlo noogv nyik vdvw alvmabolo, noogv ayak mvnwngngv kany arwng lo dooreku. **35** Vbrikunamv, mvnggap tvvlaka, no gvlo loung doodunv am kany madubv. **36** Noogv ayak mvnwnglo loung yayabv, ogugoka kanvnamgo kamabv ridu bolo, hv mvnwnglo achialvbv loungre, mvdurrupum gonvgv achialvbv ungnam loung ngv, nam ungnam jvbw rire." **37** Vdwlo Jisu mintung nga minya tokudw, Parisis ako ninia lkobv dvnam dvbam dubv vla gokto; vklvgabv nw vngtoku okv dvdbv vla

dootung toku. **38** Jisu gv dvma dwbv lasok manama Parisis nyi angv kaatokula lamkisak patoku. **39** Vkvlgabv Jisu ninyia mintoku, “Vbvrikunamv vjak, nonu Parisis vdvv nonugv koobu okv taali a agum a harkakdu, vbvritola arwnglo nonu dokchanam okv alvmanam v yarbingdu. **40** Pvchany! Pwknyarnv yvv agum gvnga mvnv, arwng gvnga mvmapvnre? **41** Vbvritola noogv koobu okv taali arwnglo ogugo doodudw um heemanv vdwa jitoka okv ogu mvnwngngv nonugv lvgabv darwk reku.” **42** “Vdwnvgo hirukaya gubv rire nonu Parisis nonu vdwa! nonu Pwknyarnvnyi uji-uu linku loka vrng lokv akonyi jinam a jidu, pudina uu okv achialv amok jungnv nvmwng uu okv kvvbi mvnwng uu hvkv nvnga, vbvritola nonu alvby rinam a okv Pwknyarnvnyi paknam a rimadu. So vdw sam nonu risar-sise ngvrung, dvbv vdwaka topu mabv. **43** “Vdwnvgo hirukaya gubv rire nonu Parisis vdwa! nonu Jius kumkunaam vdwlo alvyachoknv doogingnvng nga mvngbiu nvngv okv piokpam dorpamlo vdwlo alvyochok bv mvngdv konwng nvngv. **44** Vdwnvgo hirukaya gubv rire nonua! nonuno nyibung bungpam a mvu magvrila nyi vdwgv chimaby vngkarnam jvby rido.” **45** Pvby tamsarnv nyi akonv ninyia minto, “Tamsarnv, vdwlo no svbv minam v ngaaka miyakaya tadunv!” **46** Jisu mirwksito, “Pvby tamsarnv nonuaka vdwnvgo hirukaya gubv rire! nonu nyi gv nangkulo bagla madubv vge mvlwkdu, ho vge a bagduby nonu atu v lakching vka ridur dubv chilin many. **47** Nonua vdwnvgo hirukaya gubv rire! nonu nyijwk vdwgv lvgabv alvny nyibung mvpvdo, ho nyijwk vdwa nonugv abuapa vdwgv gwngrw mingku namv. **48** Vbvrikunamv nonuka ho aaming gduku, nonugv abuapa gv rinam am tolwk duku; bunu nyijwk vdwa gwngrw mintoku, okv nonu bunugv nyibung vdwa mvto. **49** So lvgabv Pwknyarnv gv mvnglak v minto, ‘Ngo nyijwk

vdwa okv gindungpingko vdwa vngmure bunu gvlo; bunu mvkire bunu kvgonam okv kvgunam mvritre.' **50** Vkvlgabv selu gv nyi vdw sum mvritre ogu lvga nyiamooku a pwklin rilokv rila nyijwk mwnwgnga mvkijinam lvgalo, **51** Abelnyi gwngrw gwnam lokv rila Jakarianyi gwngrw gwnam lobv bunua mwkwymya mwwku gvla darwknv kumku pingkolo mvkitoku. Hum, ngo nonua mindunv, bunu mwnwng gv lvgalo selu gv nyi vdw sum mvritre!" **52** "Vdwnvgo hirukaya gubv rire Pvbv tamsarnv nonua! nonu chinapanam gv naam a yikoknvn chabi a vvpv riadu; nonu atu v hoka arwng aama gvri okv kvvbi vdwaka arwng aamu madol!" **53** Vdwlo Jisu ho mooku a vngyu tokudw, Pvbv tamsarnv vdwv la Parisis vdwv ninya achialbv minjimio rapto okv ninyi ogumvnwgnga tvuto, **54** bunu ninya kupdubv vla okv rimur go gakdubv vla rikw nyatoku.

**12** Hejar hejar nyi v nyipam bv aakum kunamv, vkvlgabv bunu chaajap minsu toku, Jisu mintuminke bv ninyigv lgbwlaksu vdw minto, "Parisis vdwgv vpap am himasuto laka—Ngo minamsi bunugv kaakudubv rinam a. **2** Ogugonyi mvtum pvdw hum mvkok reku, vvsinam mwnwng vdw chimu reku. **3** Vkvlgabv, nonu ogugo kanv arwnglo minpvkudw hum alulvpa loung kolo tvvpa reku, nonugv naam a koktum tvvla arwnglo japsi nama naam mwnglo aolo chaapv tvvla gokpa reku." **4** "Ngo nonua mindunv, ngoovv ajin vdw, ayakka mvki jinv nga yvnyika busu mabvka vbwritola ayungjvma kochinglo ogu alvmanvgo rinyu mare. **5** Yvnyi busu svngvdw ngo kaatamre: Pwknvyarnvnyi busu laka, nw gvlo, mvkiro kochingbv, uyumooku bolo horlu nyudubv jwkrw doodu. Nga tvjwng laka, ninyinv nonugv busu svngv!" (**Geenna g1067**) **6** "Pvdwng nvnga barnyi gubv piokma dvnri? Vbvrijka Pwknvyarnv pvdwng nvkin gunyika mvngpa

mabv rima. 7 Nonu gv dumpo gv dwmw mvnwng haka kingam  
ropv. Vkvlgabv busu mabvka; No pvdwng vdwa achialvbv arv  
doya nvgo!” 8 Ngo nonua jvjbv mindunv yvvdw nyi vdwlo ngo  
gvngv vla nw minpok jidunv, Nyia Kuunyilo ngvka vbvdvdvbw  
bunua rire nyidogindung vdwgv Pwknyarnv gv kaagialo. 9  
Vbbritola yvvdw nga nw gvngema vla minpok dunv, Nyia Kuunyilo  
ngvka bunua nw gvngvma vla mintare nyidogindung vdwgv  
Pwknyarnv gv kaagialo. 10 “Yvvdw Nyia Kuunyilo nga minying  
dunv hum mvngnga nyulare; Vbbritola yvvdw Darwknv Dow a  
minying dunv hum vdwloka mvngnga nyulamare.” 11 “Vdwlo  
bunu nonua Jius kumkunaamlo rika dubv vmalobunor vdwgv  
kaagialo vmalobunor kvbi vdwgvlo, nonu atu v oguaingbv mvnging  
svngvdw vla vmalobunor ogugo minsedw vla mvngdwk mabvka.  
12 Nonu ogugo mirung svngvdw hum hoka Darwknv Dow v nonua  
tamsarre.” 13 Nyipam lokv nyi ako Jisunyi minto, “Tamsarnv,  
ngoogv achiboru a minjilabv abu gv yikungyira vngyu nama ngam  
lvkobv orpin sudubv.” 14 Jisu ninyia mirwkto, “Ajin, nga nonyi  
gv pingkolo miriadubv vmalobunor yikungyira nga baag nyuladubv  
jinv ngv yvvla?” 15 Okv nw mvnwngnga minbwngto, “Raarwnv  
mvnwng gylokv nonu atuv himasuto laka; ogulgavbolo nyi gv  
jvjbv singnam v ninyigv yikungyira lokv mvvma, nw vdwgo nyitv  
dajvka.” 16 Vbvrirkunamv Jisu so minchisinam sum bunua miji  
toku: “Ho hoka nyi ako dooto nw kvdw go rongo ali amw alvbv  
linji nvgo dooto. 17 Nw atu v mvntrap sutoku, ‘Ngo ngoogv  
ali amw a vvpv jikugo kaakuma. Ngo ogugo rila dukunv? 18  
Ngo so svbv rireku,’ nw atu v minsuto; ‘Ngo ngoogv nesung  
nga mvyak reku okv sungtv nvgo mvgyrekula hoka ngoogv  
ali amw okv ngoogv yikungyira mvnwngnga vvpv reku. 19  
Vbvrirkula ngo atu v minsureku, Gamdaknv nyi go! no achialv

anying gv lvgabv dinchijinam alvnv ogu mvnwng ngv doosupvku. Himpu alvbv svngmin laka, dvmin laka, tvngmin laka okv no atuv himpu dubv rimin sulaka! **20** Vbvrilola Pwknyarnv ninyia minto, ‘Pvchanvno! Siyu gv ayulo no noogv singnam a topu rungdubv rireku; vbvrikunamv no atubogv lvgabv ogu mvnwng nga mvpvripv kunama paajikunv yvvkudw?’ **21** Okv Jisu minyabv minto, “Atubogv lvgabv nyitv tvvtola vbvrilola Pwknyarnv gv lvgabv nyitv manv ngv so svbv ridunv.” **22** Vbvrilola Jisu lwbwlaksu vdwa minto, “Okv vklvgabv ngo nonua mindunv nonu dvla singdubv vla dvse lvgabv vmalu nonu ayak gv lvgabv vji kose go vla mvngdwk mabvka. **23** Singnam si dynam a achialvbv kaiyanv, okv ayak si vji a achialvbv kaiyanv. **24** Paak ka kaatoka: bunu ali lilwkma vmalu aam nvvma; bunu nesung naam kaama; Pwknyarnv bunuam dvmu tvngmudu! nonu pvtu vdwa achialvbv arv doya nvgo! **25** Hum mvngdwk gvrila nonu gylokv akonv yvyla svnggv nama achukgo svngsu yadubv svnglajinv? **26** No svkvnv ogu miang nvnga rilwk nyuma bolo, ogubv kvvbi ogua mvngdwk yadunv? **27** Kaatoka mootum gv apung ngv oguaing bv svngdu: bunu ogugo rima vmalu bunu atugv lvgabv vji vbi mvvma. Vbvrilola ngo nonua mindunv Dvbw Solomon achialvbv nyitv nvgobv rikubvka vji vbi gvnam vka so apung vdwgwv kaapu aingbv rinv gvmato. **28** So si Pwknyarnv yvvdw mootum gv nvsing nvmwng nga vji koomunv—nvmwng v silu doodu okv aaruni nyeki kunv, vmvlo rampak svngv. Nw nonua vji gvmu dubv vla ogumvnwngnga mvngma rungredw? Nonugv mvngjwng ngv miang gomwng doodu!” **29** “Vklvgabv mvnwnglo ogugo dvsvdw okv tvngsedw vla alu gv dwkia mvngap dvdlia mvngdwk mabvka. **30** (Sichingmooko so gv Pwknyarnvni chimanv vdww aludwkia so ogu mvnwng gv lvgabv mvnggap dvdv dvnv.) No

so vdw sum dinchi dunv vla noogy Abu chindu. **31** Vmabvyva Pwknyarnv gv Karv lvga nga mvnggap yato, okv nw nonua so gv ogumvnwgngna jire.” **32** Twngtv manv nonu, busu mabvka, nonugv Abu nonua ninyigv Karv nga jidubv mvngbiudu. **33** No ogugo doodudw hum mvnwngnga pyoktoka okv morko nga heemanv vdwa jitoka. Morko vgianvnv ungko manvlo no atu v orsu laka, okv no gv nyitv a aomooku tolo tvvpv tvka, tolo vdwloka ngoomare, ogulvgavbolo dvcho nvngv tolo bunu gvlo aachi mare, okv bunua taram dvmwk jinv guka kaamare. **34** Ogolo no gv nyitv nga tvvpv pvdw hoka no gv haapok vka alu loki a doore. **35** “Ogugo aaridw ho lvgabv Kaya laka, rinam lvgabv kaya laka, okv no gv mvdurruum a baanu tvla doogv laka, **36** Nyira vdwgv bunugv atu v nyida lokv aari kunvpv vla kaayala doonam aingbv. Vdwlo nw aalaku okv takdin kubolo bunu vjakgobv agi nga ninyigv lvgabv kokda jiriku. **37** Ho nyira vdwv mvngpu v yvvgv atu v aakur rikulo bunua hula doodubv okv kaayala doodubv kaanam vdwv! Ngo nonua mindu, nw ninyigv jtv am pilin reku, okv bunua dootung dubv minreku, okv bunuam jilahola rireku. **38** Vdwgo mvngpu guku bunu nw bunua kaayala doodubv kaapa kubolo, nw yupra jama nga aaku jvka vmaloo koching nyijvka! **39** Nonu chinsudo naam namgo gv atu v dvcho nvvgv cholwk dwa chincho bolo, nw vdwloka dvcho nvnga ninyigv naam a tarkola amumare. **40** Okv nonuka, dooya segorung, ogulvgavbolo nyia Kuunyilo ngv nonugv vdwlo dvmin mari gonyika aariku.” **41** Pitar minto, “Ahtu so gv minchisinam si ngonua mindu nvre, vmaloo mvnwngnga mindu nvre?” **42** Ahtu mirwkt, yvv, vbvrikunamv, alvnv okv mvnglaknv nyira ngv? Hv ho angv ninyigv atu hv ninyia naam nyi vdwa rigv dubv jinam, okv nyira kvvbi a bunugv dvse nga dvdw lo dvnam jinam. **43**

Vdwgo mvngpu vku ho pakbu angv ninyigv atu v vdwlo naam  
aaku namv ninya vbvridubv kaapa koku namv! **44** Vbvrung, Ngo  
nonua mindunv, Atu v ho pakbua-nга ninyigv yikungyira nga rigv  
modubv jire. **45** Vbvrutola ho pakbu angv nw atu v minsu bolo  
ninyigv atu moing vngro baapubv aakur nyuku mare vla kvvbi  
nyira vdwa okv nyimv daka nyilo daka dvnrap laku, dvlaku  
tvnglaku okv dvkium tvngkium kubolo. **46** Vbvrirkunamv Atu  
alugonyi aakur reku vdwlo pakbu gv ninya dvmin marilo ho gv  
dwa nw chimpa kuma. Atu v ninya patungpayung mvriku okv nw  
gv tvvma nvnga hingkw moreku. **47** Pakbu ngv yvv atu gv nw a  
ritokv mvngnam chindunv, vbvrutola nw atu v hum ridubv okv  
agiarap madunv, hum achialvbv svnyakpare **48** Vbvrutola pakbu  
ngv yvvdw ninyigv atu gv mvngnam um chima gvrila nw dvngku  
yadubv riredw hum miang yabv dvngre. Yvv nw kaigo jipvdw  
hum kaigo koore; Yvv nw kaiyachok go jipvdw um kaiyachok  
go koyare. **49** “Ngo nyiamooku so vmv rulwk tebv aato okv hv  
vbv ngoogv mvngkulo riro duku nvgo vla ngo mvngdu! **50** Ngo  
baptisma naase go doodu, okv hum richima dvdylo ngo mvngdwk  
sakdwk bv ridu! **51** Nonu nga nyiamooku so sarsopoyo alvbv  
rigv nvnv nga aagvla aapvnv mvngdu nvlare? Ma, sarsopoyo  
bvma, vbvrutola apinain dubv. **52** Vjak gylokv rila vpin akolo nyi  
angu go doonv apin-ain reku, aom gunv anyia rining reku okv  
anyiv aom a rining reku. **53** Abu vdww bunugv kuunyilo vdwa  
rining reku okv kuunyilo vdww bunugv abu vdwa rining reku;  
anv vdww bunugv kuunyijar vdwa rining reku okv kuunyijar  
vdww bunugv anv vdwa rining reku; ayu vdww bunugv dungnv  
vdwa rining reku okv dungnv vdww bunugv ayu vdwa rining  
reku.” **54** Jisu nyi vdwa mindvto, “Vdwlo nonu haapam a pogga  
takbv chaadubv kaapa bolo, vjakgobv nonu mindado nyido hotv

dvnvg vla—okv v vbv rido. **55** Okv vdwlo mooko takbv doori richa nama nonu himpa bolo, nonu mindu si agu v gurap tvdu vla—okv vbvrudu. **56** Kaakudubvrinv! nonu nyiamooku a okv nyidomooku a kaagvrila doonyi nyinam nyima nga minla gvri; ogubv vbvrinamv, vjakgv dw sum chima dunv?" **57** "Ogulvgabv nonu atubongv alvnvgam mvngchinla kaakw sima dunv? **58** Nyi gunv nonua kvba japmi sidubv vla nonua mila yila kvba naambv vnggbolo, nonu um rikin a ninyi alvbv minjupminsi dubv rilaka kvbanaam ha vngsi madvbv. No vbv rima boloka, nw nonua boola yila kvba japji nvgv kaagialo boolwkre, hv bunu nonua pulis vdwgvlo laklwk reku, okv nonua patwklo tumriku. **59** Ngo nonua mindu, nonu morko dvdua dornya ma dvdvlo, hoka nonu dooreku."

**13** Ho hoka nyi mego dooto bunu Jisu nyi minjito Pilot gv Galili nyi vdwa Pwknyarnvnyi kumla erin rijila rimu gvrila mvki namgv lvga nga. **2** Jisu bunua mirwkt. "Ogulvgabolo ho Galilian vdwa vBV mvkito, hum nonu bunua kvvbi Galilian vdwa kaiyabv rimur morya nvnga kaatam dubv ripv vla mvngdunvre? **3** Ma vbvmare, Okv ngo nonua mindu nonu vdwlo nonugv rimur lokv linku mabolo, nonu mvnwngngv bunugv sinam aingbv sire. **4** Nyi vrng gula pinw go Siloam lo aokoko dubv rakchanam naam hv vdwlo darlula darki nama ogubv mvngpv? Um nonu bunua Jerusalem gv nyi mvnwngnka kaiyabv rimur murnv go vla kaatannam gubv ripv vla mvngdure? **5** Ma vbvmare! Okv ngo nonua mindu, vdwlo nonu nonugv rimur lokv linku maridw nonu mvnwngngv vbvrila sire." **6** Vbvrikunamv Jisu so minchisinam sum bunua minjito: "Ho hoka nyi ako dooto nw niniygv nayamlo koksitkokrik singnv vkv soto. Nw vngtoku hoka apw kaakarla vbvritol kaapa kuma toku. **7** Vkvlgabv nw niniygv nayam kaaya nvnga minto, 'Kaatoka, so

gv koksitkokrik singnv so ngo apw lvgabv anying nyinghom go kaalwkto, okv ngo ogu goka kaapa ma. Um tvnglwkt! vlam ougaingbv kvdw lo doomu dubv?" **8** Vbvrilola nayam kaayanv angv mirwkto, atu, anying goda akinbv vlam doomuto; ngo vlam kvdwa dugo gvrila naya-naka lo lwkbum kwnvpv. **9** Aarinv anying tolo singnv ngv apw charlin bolo, v alvyachok namv; vbv maloka, no um tvngnga toku mabv." **10** Jius Doonualu golo Jisu Jius kumkunaamlo japjila dooto. **11** Hoka nyimv nvgo nyiringring gola nyipinginw go alvmanv dow hv ninyia lvmala doodubv mvkunam go dooto; nw pookung toku okv achukguka gudung nyuku matoku. **12** Vdwlo Jisu nyimv nvnga kaapa tokudw nw nyimv nvnga goklinto, "Nyimv angv, no noogv lvmala lokv adu dukunv!" **13** Nw ninyigv laak v nyimv nvngv gv aolo lakpvt, okv vjakgobv nyimv nvngv adinabia dakunv gudung toku okv Pwknyarnvni harty toku. **14** Jius kumkunaam gv rigvdogvnv haachi toku Jisuni doonualu lo mpu nvgobv vla, vklvgabv nw gamtv rungbv gokla, okv nyi vdwa minto, "Ngonu kudungkua ridubv alu lookv go doodunv; vklvgabv ho alulo aatoka okv mpu kotoka, vblrilola doonualu loma!" **15** Ahtu ninyia mirwkto, "Kaakudubvrinv nonu! Nonu gv lokv akonv ninyigv svv vmalo siak ka Jius Doonualu lo oso nga pakyak laila isi tvngmu dubv naam lokv vnglin madunvre? **16** Vjak so si Abraham gv husi v ninyia Uyu nyiringring gola nyipinginw go tumla vvpvpv; sum Jius Doonualu lo limu madu kubvri?" **17** Ninyigv mirwksinamv nyirunv vdwa hinying simudubv minto, nyi vdvw ninyigv lamrwpadubv mvnam rinam lokv himpu nyatoku. **18** Jisu tvvkato, "Pwknyarnv gv Karv ngv ougaingbv ridunv? Um ngo ogu-am lvkobv mintak nvdubv? **19** Hv svbv ridu. Nyi ako yingmw naala okv ninyigv rongolo paklwkd. Agar hv garlinla okv singnv guby ritoku, okv

pvta vdwv ho aala bunugv asup a vkvgv hakbv vdwlo suplwk  
toku.” **20** Jisu lvkodv minto, “Pwknvyarnv gv Karv nga ngo ogu  
gonyi lvkobv mintak nvdubv? **21** Hv svbv ridu. Nyimv nvgonv  
vpap mego naala okv hum kainv pvchwng gulo vtwng nga  
mvyomvchila nyakma dwdvlobv vvpvnam aing bv rido.” **22** Jisu  
banggu vdwlo okv nampum vdwlo vnggoto nyi vdwa japgo jila  
okv ninyigv lamtv nga Jerusalem takbv vngdula. **23** Nyi gonv  
ninyi tvkato, “Tamsarnv, nyi miang gonv mvngchik ringnam a  
paamwng redw?” Jisu bunua mirwkto, **24** “No vdwgo rilapvdw agi  
takching kolo vngpit dvbv rilaka; ogulvgavbolo nyi mvnwngngv  
hoka vngpit rungdubv rikwre vbvritola rinyu mare. **25** Naam atu  
v gudung reku okv agi a koktum reku; vbvrikubolo vdwlo no  
agumlo daktola okv agi a takdin reku okv minre, ‘Ngonugv lvgaby  
agi a kokda jilabv, Ahtul!’ nw nonua mirwksire, ‘Nonu ogolokv  
aapvnv ngo chima!’ **26** Vbvrikunamv nonu mirwksire, ‘Ngonu  
nam lvkobv dvbamto okv tvngbumto; no ngonugv banggu lo  
tamsarto!’ **27** Vbvritola nw lvkodv mindvre, ‘Ngo nonua chimaky  
nonu ogo lokv aapvnv. Ngoogv lokv vngroto, nonu alvmanv  
nyi vdwv!’ **28** Nonu Abraham, Isaak, okv Jakob okv nyijwk  
mvnwngnga Pwknvyarnv gv Karv lo doodubv kaapa rikunyi, hoka  
nonua orlinla ora rikulo, nonu kapla, hijung nga kotwkkrwkla  
rire! **29** Nyi vdwv doonyi chaagu lokv okv aagia lokv, yordum  
okv yorko lokv aakumla Pwknvyarnv gv Karv lo dootung tokula  
dvpam pamminre. **30** Vbvrikunamv yvv bunu vjak koching dunv  
vngcho reku okv vjak yvvbunudw vngcho dunv kochingreku.”  
**31** Ho gv dw akin hoka Parisis mego Jisu gvlo aato okv ninya  
minto, “No sokv linro lakuka okv dooku kvbbiv gulo vngnyikuka,  
ogulvgavbolo Herod nam mvki nvpv mvngdu.” **32** Jisu bunua  
mirwkto, “Vngnyila haaringpaksar a minpa tvka: ‘Ngo uyuvaram

vdwa charkakdu okv silu okv aaru kaatamre mvpuripu nama,  
okv loum nvnvlgo ngo ngoogv kudungkua nga rinya reku.' 33  
Ogubvrijeka ngo silu ngoogv lamtvlo vngrung rikunv, aarunyi,  
okv logo nvnga so si nyijwk ka kvvbi mookulo mvki dubv riku  
mare Jerusalem mvngchiklo. 34 "Jerusalem, Jerusalem! nonu  
nyijwk vdwa mvki do, nonu gvlo Pwnvyarnvgv gindungpingko  
vngmunama nonu vlwng kungpv! Vdwnvgo ngo noogv nyi vdwa  
laak kv lakyum nwngdu kubv, roknv gv ruu vdwa laap lokv  
lapyumnam aingbv, vbritola nonu nga vBV rimuma! 35 Okv  
vkvlvgabv nonugv Pwknyarnvnaam arochoko reku. Ngo nonua  
jvjvBV milv jidunv nonu nga vdwloka kaapa mare vdwlo nonu  
'Pwknyarnv aya laka yvvdw Ahtu gv amin lo aavnv nga vla  
mindw v aama dvdvlo."

**14** Doonu alu golo Jisu Parisis nyi rigvnvgv akogv naam lo  
achin dvBV aato; okv nyi vdwv Jisuni orchok mvla kaayato. 2  
Nyi ako lvpa laak bingla lvvma nvgo Jisu gvlo aato, 3 Okv Jisu  
pvBV tamsarnv vdwa okv Parisis vdwa tvkato, "Ngonugv PvBV lo  
doonu alu lo lvvma nvnga mvpu dubv minpvri?" 4 Vbritola bunu  
ogugoka mimato. Jisu nyi anga naatoku, ninvia mvpu toku, okv  
ninvia vngmu toku. 5 Vbvrirkunamv Nw bunua mintoku, "Nonugv  
lokv akonv kuunyilo go dooto vmalv svvhvpu angv doonu alu  
lo ungrung golo holwk kubolo, hum no doonu alu lo dorlin  
maredw?" 6 Vbritola bunu so gv lvga nga ogugoka mirwk nyula  
mato. 7 Jisu kaapato nyen goknam vdwv dooku alvyachoknv  
vdwa gakdubv, vkvlvgabv nw so minchisinam sum bunua minjito:  
8 "Vdwlo nonua nyi gonv nyida dvpam lo gokbolo, alvyachoknv  
dooku lo doomabvka, vbvrinam goka doore nam kaiyanv nyi  
goka gokpv kuso, 9 okv nonyi gv atu, nonvia goknv, v aala kula  
minre, 'Soogv dooku sam ninvia doomu tvka.' Vbvrirkunamv

nonu hinying reku okv dooku alv makulo doodubv rireku. **10** Ho mabvdv, vdwlo nonua gokpv kudw, vnglaka okv koching yachok dooku lo doolaka, vklvgabv nonua goknv atu v nonu gylo aala minre, ‘Ngoogv ajin a, dooku alvku so, chaatoka.’ Svbvrinam si nonua dvbvnyi goknam vdwgv kaagialo mvngdv modu. **11** Yvv mvnwng v atu v kainvgobv mvngsu dvdw hum miang more okv yvv mvnwngngv atu v miang nvgobv mvngsu dvdw hum kai dubv mvre.” **12** Vbvrikunamv Jisu ninyia goknv atua minto, “Vdwlo no alu dvniam vmalo arium dvniam go jirinyi, no noogv ajin a vmalo noogv abwngboru a vmalo noogv agungasa nga vmalo noogv namrwk doobam nyitvn vdwa gokmabvka bunu nonua gokrwk sireku, okv vbvrila noogv ogu rinam dvdvgv rijo nga no paaro riku. **13** Vdwlo nonu dvpam go dvmu tvdudw, heemanv vdwa, pookungnv vdwa, lvpiknv vdwa, okv nyikchingnv vdwa goklaka; **14** Okv no aya choknam gubv rire, ogulvgavbolo bunu nonua rirwk sinyu kumare. Pwknyarnv nonua rirwk jireku vdwlo alvvn nyi vdwgv sinam lokv turkur rikunyi.” **15** Vdwlo tvbul doodungnv nyi akonv hum tvpa tokudw nw Jisuni minto, “Vdwgo mvngpu v yvvdw Pwknyarnv gv Karv lo dvpam lo doolwknv!” **16** Jisu ninyia minto, “Ho hoka nyi ako dooto nw kainv dvpam go dvmu dubv nyi achialvbv gokto. **17** Vdwlo dvpam dw hv aato kudw, nw ninigv pakbua kanamla vngmuto ninigv nyen vdwa minpa modubv vla, ‘Ogu mvnwngngv mvpvripv pvku, aakum tokuka!’ **18** Vbvitola bunu mvnwngngv mvngnga labv vla minrap nyatoku. Atuk gv nyi angv pakbua minto, ‘Vjakpi rongo go rvvtobv okv um vngla kaadu bv ripv; ayala ngoogv minam sum tvji labv.’ **19** Nyi akonv minto, ‘Ngo hvpu derring go rvvtobv okv ngo hum rikala lamtvlo lingv segorung; ayala ngoogv minam sum tvji rungla bv.’ **20** Nyi akonv minto, ‘Ngo vjakpi nyimv naada pvny,

ho lvga lo ngo aala nyuma.' **21** Pakbu angv vngkur toku okv ogumvnwngnga ninyigv Atua minpa jitoku. Atu angv achialvbv hachiv kvchakbviak toku okv ninyigv pakbu nga mintoku, 'Baapu bv banggu arwnglo okv banggu gv chenyung lo vngnyika, okv heemanv vdwa, pookungnv vdwa, nyikchingnv vdwa, okv lvpiknv vdwa aakur gvteka. **22** Pakbu angv baapubv minto, no gv gamki nama rito kubv, tamsarnv, vbvritola karchung ngv nyi megonvgv lvgabv doodvpv.' **23** Vkvlgabv Atu v pakbua minto, 'mookugv lamtvbv vnglin nyika okv nyi vdwa arwng lo aadu bv mvtoka, vklvlgabv ngoogy naam lo yarbing dukubv. **24** Ngo nonu mvnwngnga mindunv so nyi tamnam vdw sokv yvvka ngoogv arium dvnam a dypa kumare!"' **25** Lvko nyipam kainvgo Jisunyi lvkobv vngming gvrilo, nw dakrwkla bunua minto, **26** "Yvvdw ngoogvlo aadunv ngoogy lgbwlaksu gubv rinyumare vdwlo nw ninyigv Abu okv ninyigv anv, ninyigv nywng okv ninyigv kuu vdw, ninyigv achiboru okv ninyigv anyibormv, okv nw atubongv alvrungbv paknama lvyabv nga pakma dvdylo. **27** Yvvdw atu ninyigv daapo nga bakma dunv okv nga vngming gvma dunv hv ngoogy lgbwlaksu gubv rinyu mare. **28** Nonu gvlokv akonv naam aokolo nvgo mvdbv rungbolo, nw atukchobv doopv tvla okv vkamgu arv ngv ritv rinv bri nw um morko v um rinya nvnv go doodudw kaaka chor. **29** Nw dooku mabolo, naam a mvrapro kochingbv nw vdwloka mvnya nyuku mare; okv ogugo ripvdw nyi kaanv mvnwngngv ninya nyarji reku. **30** Bunu minreku, 'So nyi si naam a mvdbv mvrap toku vbvritola mvnya nyukuma.' **31** Dvbw gonv hejar vring nyiga go vnglingvla dvbw hejar chamnyi doonvgo mvmi sidubv riku bolo, nw atokchobv doopv tvla japka riku dvbw nga mvmi sinyu redw ma mvmi sinyu maridw vla. **32** Nw choopu kuma bolo, nw gjindungpingko go vngmure dvbw

anga kaarwk sidu kubv okv sarsopoyo lvgabv tvvka siya dukubv  
ninyigv adu lo vngdungla vngngo lvpa rikulo.” 33 “Ho apiabv,”  
Jisu minyabv minto, “Nonu lokv yvvka ngoogv lwbwlaksu gobv  
rinyu mare vdwlo nonuno nonugv ogumvnwngnga kayu maredw.”  
34 “Alu v alv nvgo, vbvritola si tinam a ngemu kubolo, hum  
lvkodv tidukubv myjiku lamtv kaakuma. 35 So si kvdw gv lvgabv  
alv kuma vmaloo eriung gvbvka alvkuma; hum aduloo ora duku.  
Tvvtoka, vbvrikunamv, nonuno nyarung gvdubolo!”

**15** Alu golo lampu naakumyanv okv toakunam vdwv achialvgo  
Jisu gvlo tvvdubv aatoku, 2 Parisis vdwvla Pvbv tamsarnv  
vdwv minsiminpit rapto, “So nyi si toa kunam vdwa naarwk  
sidu okv bunua lkvobvka dvbam tvdu!” 3 Vkvlgabv Jisu bunua  
so minchisinam sum mintam toku: 4 “Vkv aingbv nonugv lokv  
akonv svlar ngv lwnggo doore okv bunugv lokv akonyi ngemure-  
nw ogu rireku? Nw chamkia gula kia nga nvmwnglo kayupila  
okv ngenv akin a kaapama dvdvlo makar reku. 5 Vdwlo nw  
mapa rikudw nw achialvbv mvngpu laku hum ninyigv gorbwnglo  
vvpv toku. 6 Okv um naam lo bakkor lwktoku. Vbvrikunamv  
nw ninyigv ajin vdwa okv namrwk vdwa gokkum tokula bunua  
mintoku, ‘Ngo achialvbv mvngpu duku ngo ngoogv svlar ngenv  
anga paakunamv. Klvi ngonu naayap lakuju!’ 7 Ho apiabv, ngo  
nonua mindunv, nyidomooku tolo hum kaiyabv mvngpure rimurnv  
nyi go mvngdin kubolo chamkia gula kia yvv mvngdin kusegu  
kaakumanv mamsenga.” 8 “Vmaloo nyimv nvgo ain lokdwng  
charring go doonv chargunyi ngemu toku—nw ogu ripvku? Nw  
mvdurupum a baanu toku, ninyigv naam a pakak toku, okv  
kaapama dvdvlobv um alvyauengbv kaakar toku. 9 Vdwlo nw  
hum kaapa tokudw, nw ninyigv ajin vdwa okv namrwk ajin vdwa  
gokdum sitoku, okv bunua mintoku, ‘Ngo achialvbv mvngpu

dukunv ngo ngoogv ngemu kunam lokdwng nga paapvku. Klvi ngonu naayap lakuju! **10** Ngo nonua mindu, ho apiabv rimurnv nyi gunv mvngdin kubolo vkvgv aolo Pwknvyarnv gv gindungpingko vdwv achialvbv mvngpu yadunv.” **11** Jisu mimbwngla minto, “Ho hoka nyi akonv nw kuunyilo anyigo dooto. **12** Boruya angv ninya minto, ‘Abu, vjak yikungyira ngo gvnga ngam jilabv,’ Vkvlgabv abu hv yikungyira vdwa kuunyilo anyi gv pingkolo orpin sitoku. **13** Lonyi loum kochinglo boruya angv ninyigv yikungyira vdwa pyoktoku okv morko nga gvtokula naam a vngyu toku. Nw adu koko mookulo vngtoku, hoka nw rikunamv ninyigv morko nga mvnam mvsuvv mva toku. **14** Nw vdwgo gvku bvdw hum mvnwngnga mva toku. Vbvrikunamv dvmayarwng go ho mooku hoka vngtoku, okv nw hoka oguka kaaku maby ramkar toku. **15** Vkvlgabv nw ho mookugv nyi gonvgv lvgabv kudungkua riji dukubv vngtoku, hv ninya ninyigv rongo adukolo lo vrik kaaria modubv vnglin motoku. **16** Nw ninyigv dvse a vrik gv dvnam dvku lokv dvsu tvnvpv mvngto, vbvritola yvvka ninya dvnam jinv kaama toku. **17** Anyung anya nga ninyigv haapok lo mvngchin raptoku okv mintoku, ‘Ngo Abu gv nyi riria modubv goknam mvnwng hvka bunu dvnam a dvlv kumabv dvmin duku, okv ngo soka kano gvbv sakap tyya dukunv! **18** Ngo gudung reku okv Abu gvlo vngreku, okv minreku, Abu, ngo Pwknvyarnv nyila okv nam la riningla rimur tokubv. **19** Ngo noogv kuunyilo ngv vla mindubv riya kuma; no nga noogv riria nvbv goknam nyi ako bv mvngla kubvka,’ **20** Vkvlgabv nw gudung toku okv ninyigv Abu gvlo vla vngkur raptoku. “Nw vjakgobv naam vngchi sengv lamtv ngv adudvto hoka ninyigv Abu hv ninya kaapa toku; nw haapok v hau toku, okv nw joktoku, okv ninyigv laak hv ninyigv kuunyilo nga jarbwng toku, okv ninya moopupdvtak

toku. **21** Kuunyilo ngv mintoku, ‘Abu, ngo Pwknyarnv nyila nam la rinyingla rimur tokubv. Ngo noogv kuunyilo ngv vla mindubv riya kuma.’ **22** Vbvrilola Abu hv ninyigv pakbu vdwa goktoku. ‘Baapubv!’ nw minto. ‘Jvtvlaklwk alvyachok nvnga bvnglwkt okv ninyia pilwkto. Ninyigv lakchinglo lakchup go pilwkto okv ninyigv lvpa lo lvsup goka. **23** Vbvrirkunamv vngnyika okv svbv bakboknv akonyi paala hum mvki tvka, okv klvi ngonu naayapla dvpam go pamlia kuju! **24** Ngoogv kuunyilo angv si sirokunv ngv, vblrilola vjak nw turpvku; nw ngooro kunvngv, vblrilola vjak ninyia paapv kunv.’ Okv vkvlvgabv dvpam ha pamrap toku.” **25** “Vbvrile hoka kuunyilo achi yangv agum rongolo rito. Ninyigv lamtvlo vngkur rikulo, vdwlo naam aachidlv bv riri hoka, nw giomin okv soomin namgv sidu a tvvpa toku. **26** Vklvgabv nw pakbu ako goklwkl okv ninyia tvvkato, ‘Ogugo ridung dunvla?’ **27** ‘Noogv boruv naam aakur pvku,’ pakbuv mirwkto, ‘Okv noogv Abu svbv babok yachok nvgonyi paki pvkunv, ogulvgavbolo nw ninyia ayak alvdvkubv paakunam lvgabv.’ **28** Achi yangv achialvbv kvchakbriak laila nw naam arwnglo aamato; vklvgabv ninyigv Abu agumlo linto okv ninyia arwng aatokv vla kodwkkrwkl minto. **29** Vbvrilola nw ninyigv Abuni mirwksito, ‘Kaatoka, anying mvnwnglo ngo nyira jvbw noogv lvgabv kudungkua nga rijito, okv ngo noogv minam a vdwloka tvvmabv rinam kaama. No nga ogugo jipv? Ngoogv ajin vdwaka lkvobv dvpam dvvgv laka vla yabin akoka ka jinam kaama! **30** Vbvrilola noogv kuunyilo angv si noogv yikungyira mvnwngnga randi vdwlo mva nvmin kunvngv, okv vdwlo nw naam aakur kunamv no ninyigv lvgabv svbv bakbok nvgonyi paki jiminla!’ **31** Abu v mirwkto, ‘Ngoogv kuunyilo nga,’ ‘no ngam alu loki a lkvobv doobwng kunvngv, okv ngo ogugo doopv kudw mvnwngngy nokvku. **32** Vbvrilola

ngonuv naayap segorung okv mvngpu segorung, ogulvgavbolo no gv boruv siro kunvngv, vbvritola vjak nw turpvku; nw ngero toku, vbvritola vjak ninyia paapvku."

**16** Jisu ninyigv lvbwlaksu vdwa minto, "Ho hoka nyitvnv nyi ako dooto nw pakbu go dooto hv ninyigv yikungyira nga kaayataya nvgo. Nyitvnv nyi anga ninyigv ogu rungyanv angv ninyigv morko nga mva dukv vla mintamto, 2 vkvlvgabv nw rungya nvnga arwnglo goklwktu okv minto, 'Ngo noogv lkwng nga tvvdunv si ogu gokula? No ngoogv yikungyira nga kaayataya nama vdw godw ogumvnwgnga ngam kaatam lakubv, ogulvgavbolo no vdwloka ngoogv rungyapayanam gubv rinyu kumare.' 3 Pakbu angv nw atu hv minsuto, 'Ngoogv atu nga ngoogv nokori loka naalin tvduku. Ngo ogu rila kuse gubvri? Ngo dvnam lvgabv rongo ridubv gwlwk doyama, okv giago karse ngaaka yining yapv. 4 Vjak ngo chinduku ngo ogugo risedw! Vbvrikunamv vdwlo ngo nokori lokv linre kudw, ngo ajin jinre bunu nga bunugv naam lo alvbv aamure.' 5 Vklvlgabv nw ninyigv atu gvlo dvdu doonv nyi vdwa goklwktu. Nw atokchogv anga tvvkato, 'No ngo atu gvlo vkamgu narpvnv?' 6 Nw mirwkto, 'Olib tvli vkv pumba lvngo narto,' 'Siinv noogv jise ngv,' rungyanv angv ninyia minto, 'dootungto okv chamngu go lvkgapto.' 7 Vbvrikunamv nw kvbi akonyi tvkato, 'Okv no—vdwgo narpvnv?' Nw mirwkto, 'Giu vkv tagiam munv hejar go,' 'siinv noogv jise ngv,' rungyanv ninyia minto; 'lwngpinv go lvkgapto.' 8 Pakbu mvvlaknv gv Atu hv ninyia vBV rungkup runglik la ridanam lvgabv ninyia hartv toku; ogulvgavbolo nyiamooku so gv nyi vdwv achialvbv bunu rungkup runglik la lounglo rinv nyi vdwa kaiyabv ridu." (aiōn g165) 9 Okv Jisu mimbwngla minto, "Okv vkvlvgabv ngo nonua mindunv: Nonuno atuv nyiamooku so gv yikungyira nga lvkobv ajin jinlaka,

vkvlvgabv um vdwlo si topu rikudw, nonua simabv doobwng  
jiku naam lo alvbv aamu riku. (aiōnios g166) 10 Yvvdw miangnv  
yikungyira nga alvbv mvnging dubv ridunv hv kainv yikungyira  
loka achialvbv kaiyabv mvnging dubv ridunv, okv yvvbunudw  
miangnv yikungyira lo jwkjwkvrwk bv mvngging dubv rima dunv  
v kainv yikungyira loka jwkjwkvrwk bv mvngging dubv rima dunv.  
11 Hv bolo, vbrikunamv, nonu nyiamooku so gv yikungyira nga  
alvbv mvnging dubv rinyu mabolo oguaingbv jvjvn yikungyira  
nga mvnging dubv rinyure? 12 Nonu nyi kvvbi gvbvrinv yikungyira  
nga mvnging dubv riji mabolo, yvla no gvbvrinv yikungyira  
nga nam jjinv? 13 “Pakbuv yvvka atu anyi gv nyirabv rinyu  
mare; nw akonyi pakre okv akonyi kaanwng mare; nw akonvgv  
minam a tvvre okv akonvgv nga tvvmare. No Pwknyarnv nyila  
morko nga lvkobv rijivngji nyulamare.” 14 Vdwlo Parisis vdwv so  
mvnwng sum tvvtokudw, bunu Jisuni nyarjito, ogulvgavbolo  
bunu morko nga mvngbiuto. 15 Jisu bunua minto, “Nonuno  
atubongv nyi vdwgv kaagialo jviv nvgobv minsunv vbkritola  
Pwknyarnv nonugv haapok ha chindu, yikungyira vdwv nyi gv  
lv gabv kainv arv doonv gubv rinv ngv, Pwknyarnv gvlo ogu arv  
ka kaama.” 16 “Moses gv Pvbv okv nyijwk vdwgv lvknam vdwv  
Jon Baptist gv dw lobv ribwngto; okv ho koching nga Pwknyarnv  
gv Karv gv lvkwng Alvnv Yunying nga mintam raptoku, nyi  
mvnwngngv ho Karv lo aadu bv gwnglilala nyadu. 17 Pvbv gv  
gaam achukguka minggap nama ria jemam svnga nyido gvla  
kvdw gv nyitv namv nyepu yare.” 18 “Yvv nyi akonv atugv nywng  
nga toa tokula ako kvvbi nyimvmvvg go nywng mvku bolo hv  
yoomurnv; okv toanam nyimvmvvg anga yvv nywng mvdunv  
hvka yoomurnv.” 19 “Ho hoka nyi nyitvnv ako dooto nw kainv  
arv doonv vjia kooto okv achialvbv lokia himpukain la svngminto.

20 Ho hoka heemanv nyi ako dooto aminv Lajaras, ungvtarv  
ngv rara nvgo, hum nyitv nyi gv naam agi lo vvpvkinamgo, 21  
nyitv nyi gv dvkulo dvala hoolin nama dypa yare vla mvngnv  
go. Iki vka aala ninyigv ungnvg nga dvriak riakbwngto." 22  
"Heemanv nyi angv sitoku okv nyidogindung vdvw ninyia gvvtoku  
Abrahamnyi lvkobv nyidomooku gv dvpam lo doomuto. Nyitv nyi  
v sitoku okv nyibung riitoku, 23 okv uyumooku bolo nw achialvbv  
hirukaya toku, nw kaadung kunamv adukoyo lo Abraham okv  
ninyigv lvkobv Lajarasnyi doodubv kaapa toku. (**Hadēs g86**) 24  
Vkvlgabv nw goklin toku, 'Abu Abraham! nga aya labvka, okv  
Lajarasnyi ninyigv lakching nga isi lo chibok mogvrila achok  
godaka ngoogv riu sum chapke molabvka, ogulvgavbolo ngo si  
vmv arwng si achialvbv hirukaya dvkukv!' 25 Vbkritola Abraham  
minto, 'Mvngpa tokuka, ngoogv kuunyilo nga, noogv turla singrilo  
nam alvnb mvnwngnga jimiro, Lajaras hoka alvmanv mvnwngnga  
paariato. Vbkritola vjak nw soka atuv himpu pumin dukunv, no  
hoka hirukaya rikulo. 26 So ogu mvnwng sum kayu tvla, no  
gvla ngoogv pingko si kairungnv kobung go doodunv, vkvlgabv  
yvvdw sokv noogv hoka vngrap dubv ritv nvngv vBV rinyu  
madunv, vmajeka yvvka noogv hokvkongv ngonugv so linyu  
madunv.' 27 Nyitvnv nyi angv minto, 'Vbrikunamv ngo nam  
kodwkkrwkla koola mindunv, Abu Abraham, Lajarasnyi ngoogv  
abu gv naam lo vngmu jilabv, 28 v ngo boru angu go doopvnv.  
Ninyia vngmula okv bunua gamrw motoka, bunuka so hirukayaku  
so aama dubv.' 29 Abraham minto, 'Noogv boru vdvw Mosesnyi  
okv nyijwk vdwa doogv sudu bunua gamrw nvngv; noogv boru  
vdvw bunugv ogugo minam a tvvrung svngv.' 30 Nyitvnv nyi hv  
mirwksito, 'Hv pwngmare, Abu Abraham! Vbkritola siro kunv nyi  
gonv turkur laku okv bunua minbolo, vbvrikubolo bunu bunugv

rimur lokv linreku.' **31** Vbvrilola Abraham minto, 'Bunu Moses nyila Nyijwk vdwa tvvmabolo, bunua mintap nyulamare sikunv akonv turkur kujvka."

**17** Jisu ninyigv lvbwlaksu vdwa minto, nyi vdwa rimur mobv rinv ngv ho lokia doore! vblrilola yvvdw bunua rimu dunv hv mvngru gubv rire! **2** Ho nyi anga vlwng pwtv nvgo lvngpolo paklwk tvvla svlv lo orlk namv nw gv lvgabv alvyare so gv vmi anga rimur modubv ritv svnga. **3** Vkvlgabv hingto laka no ogugo ridudw! "Noogv achiboru vdwv rimur dubolo, ninya yamtoka, okv nw mvngdin dukubolo, ninya mvngnga jilaka. **4** Nw alua kanw go nam rinyingla rimur dubolo, okv riri gv dwkia no gvlo aala, 'Ngo mvngdin dukunv vku bolo, no ninya mvngnga jirung laka.' **5** Nyitampingko vdwv Jisunyi minto, "Ngonugv mvngjwng nga kai molabv." **6** Jisu mirwkt, "Nonu gvlo mvngjwng ngv yingmw chargobv doodu bolo, nonu so malberi singnv sum minyure, 'No atu hv kolv lokv puchok linsula okv svmasa lo atu hv lvvlwk suto vla minbolo hv noogv minam a tvjire. **7** "Minchisinam go nonu gvlo akonv pakbu doodu hv rongo padungdo vmallo svlar vdwa kaaya riadungdo. Vdwlo nw rongo lokv aari kunyi, um no ninya baapubv okv dvnam a dvto vla minridw? **8** Vbvrirung mare! vmabvya, no ninya minre, 'Ngoogv dvnya dvse nga mvptvto, vblrirkunamv no noogv vji a kotoka okv ngoogv dvrilo okv tvngrilo no doya tvka; ho kochingbv no noogv dvse a dvla duku.' **9** Minam a tvvla pakbu angv umbonyikv go panyu mapvri, panyu pvri? **10** Vbvdvdbv so si nonu gvloka doolwk laka; nonugv rise a vdwlo nonu ripv kudw, minlaka, 'Ngonu pakbu bvtwkbv rimwngnv; ngonu ngonugv rise a rimwng pvnv.'" **11** Jisunyi Jerusalem bv vngrilo nw Samaria gvla Galili gv doorwsi pingkolo vngpitla vngto. **12** Nw nampum arwnglo vngdungrilo ho

arwnam apin yaritla lvmmanv nyi vring go paami suto, bunu adulo dakto **13** okv goktoku, “Jisu! Tamsarnv! ngonua aya mvngpa lab!” **14** Jisu bunua kaapa toku okv bunua minto, “Vngnyika okv nyibu vdwa nonua jwngkadaka kolaka.” Lamtvlo bunua darwk dukubv mvtoku. **15** Vdwlo bunugv lokv akonv poyapvku vla himpa tokudw, nw vngkur toku, Pwknvyarnvnyi gamtv rungbv hartv toku. **16** Nw Jisu gv lvpa lvkwng gv kvdw lo atu v gipv toku okv ninyia umbonyi vtoku. Nyi angv Samaritan go. **17** Jisu minto, “Nyi mvpu namv nyidum vring gui laka; kvvbi kia gunv ogolo? **18** Ogubv so nyebuni angv si Pwknvyarnvnyi umbonyi vla mimbv aadunv?” **19** Okv Jisu ninyia minto, “Gudungto okv vngnyika; noovg mvngjwng lokv nam alv mopvku.” **20** Parisis mego Jisunyi tvkato Pwknvyarnv gv Karv ngv vdwlo aatv dunv. Ninyigv mirwksinamv, “Pwknvyarnv gv Karv ngv vbvrung vla kaadubv rimare. **21** Yvv akonvka minla mare, ‘kaato si kunv!’ vmal, ‘v kunv!'; ogulvgavbolo Pwknvyarnv gv Karv ngv no gvlo doodu.” **22** Vbvrirkunamv Jisu ltblaksu vdwa minto, “Dw gv aariku vdwlo nonu Nyia Kuunyilo gv alu logonyi kaanwngre, vbvrítola um nonu kaapa kumare. **23** Ho hoka nyi vdwv nonua minre ‘tolobv kaatoka!’ vmal ‘so soka kaatoka’ vbvrítola vnglinla um kaakar mabvka. **24** Dooriak gv nyidomooku lo riaklinla okv chegunv lokv chegunvbv loung monam aingbv rire nyia kuunyilo ninyigv alu hv. **25** Vbvrítola atukchobv nw achialvbv hinching chingchore okv silugv nyi vdwgv toanam gubv rire. **26** Noah gv riri ho gv dw aingbv Nyia Kuunyilo gv dw hvka Vbvríre. **27** Nyi mvnwngngv dvbwngla okv tvngbwng nyala rinyato, nyimv okv nyiga vdwv nywng nyilubv rimi sinyato, Noah gv svpw arwnglo aalwk rikulo okv isi hv tvvlula bunu mvnwngnga tvrumla tvki toku. **28** Ho alu hv Lot gv ririlo gv alu aing bv rire. Nyi mvnwngngv

dvwngla okv tvngbwng nyato, korvpachu rvvmi sinyato okv  
pyokmi sinyato, singnv lvvdung nyato okv naam mvdung nyato.

**29** Lot gv Sodom a vngyuri alu lo, vmv okv vmv gununvnv ngv  
nyidomooku tolo gvngv holula nyi mvnwngnga guki kingam toku.

**30** Nyia Kuunyilo gv daklwk rikulo ho vkv aingbv rireku.” **31**  
“Ho gv alu lo nyi gonv ninyigv namwng mwnglo lo rinv naam  
arwng aala ninyi gvbv rinam yikungyira mvnwngnga naadubv  
mvngrung mabvka; vkv aingbv nyi gonv yvv agum rongolo rinv  
naam aakur kuyoka. **32** Lot gv nywng nga mvngpa toka! **33**  
Yvvdw nyi atugv singdung nga ringdubv mvngdunv ngoore;  
yvvdw ninyigv singdung nga ngoomu dunv v hum ringyare. **34**  
Ho gv ayulo, ngo nonua mindu, ho hoka nyi anyigo gadw lo  
lvkobv yupbam la doore; akonyi naare okv akonyi kayure. **35**  
Nyimv anyi gonv daa hwkbasire: akonyi naaro reku okv akonyi  
kayu reku. **36** Nyi anyigo rongo mvba sila doore akonyi naaro  
reku okv akonyi kayu reku.” **37** Lvblaksu vdww ninya tvvkato,  
“Ogulo, Ahtu?” Jisu mirkto, “Ogulo svmago doopvdw hoka Pvta  
nyidin dvnv dookumre.”

**18** Vbvrikunamv Jisu ninyigv lvblaksu vdwa minchisinam go  
minla tamsarto bunua kumbwngla doomu dubv okv vdwloka  
miangbv mvngsu madubv. **2** “Banggu guloka kvba japrianv nji  
go dooto nw yvnyika mvngdv manvgo okv Pwknyarnv nyika  
busu manvgo. **3** Okv ho banggu akin hoka hvngmi goka dooto  
hv ninyi gvlo aaki nvgo okv ninyigv jvfv nga raabwngto vBV minto  
‘nga nyiru nvnga ridarminsu dubv nga ridur labv!’ **4** Japria jinv  
angv megojego riji jimakv vla mingkwngto, vBvritola anyung  
jemanga nw atuv minsuto, ‘Ngo Pwknyarnvnyi busu manv  
vmalo nji ha mvngdv manv gubv rijvka, **5** so hvngmi gv nga  
adwkaku jinam mvnwng gv lvgalo ngo ninyigv jvfv nga paadu

kubv kaajire. Ngo vbv riji mabolo nw aabwngre okv ataranya lo ngaaka gvvkuji!" **6** Okv Ahtu minbwngto, "Japrianv nyi alvmanv gv minam a tvvtoka. **7** Vjak, Pwknyarnv nw atugv nyi gv lvgabv japjiriji maredw yvvdw aluayu bv ridur lvgabv kapki nvnga? Nw ninyia ridur svnga tapv ridw? **8** Ngo nonua mindu, Nw bunu gvbv japjire okv hum baapubv rijire. Vbvritolu nyia Kuunyilo ngv vdwlo nyiamooku so aarikuni mvngjwng go paarikudw?" **9** Atua darwk nvgobv mvngsinv okv kvvbi nyi mvnwngnga miyakaayanv vdwa Jisu so minchisinam sum minjidato. **10** "Alu golo nyi anyigo Pwknyarnvnaam lo kumdubv vla chaato: akonv Parisi go kvvbi gonv lampu naaria nvgo. **11** Parisi angv atu hv akusubv dakrwsito okv kumto, 'Ngo Pwknyarnv nam, umbonyikv mvngdunv, ogulvgavbolo ngo dv gum madunv, tvvma nvgobv rima, vmalu nyi mvnwng gv ribv, yoomur nvgobv rima. Ngo nam umbonyikv vdunv ogulvgavbolo ngo alo v doonv lampunayanv aingbv rima. **12** Ngo lokkanw lo loonyi go yikla doodunv, okv ngo paanam lo vrang loka akonyi nam jibwng dunv.' **13** Vbvritolu Lampunayanv angv adulo dakto okv ninyigv nyukmu ngvka nyido aobv baayinmato, vbvritolu ninyigv haakwnglo baapv gvrila okv minto, 'Pwknyarnv, ngo rimurnv nyi go, ngam aya labv!' **14** Ngo nonua mindunv," Jisu minto, "Pwknyarnv gv kaagia lo, alvnvgobv rinv lampu naayanv angv, vdwlo nw naam bv vngtokudw, Parisis angvma. Ho lvga mvnwngngv yvvdw kainvgobv mvngsudunv um miang nvgobv mvre, okv yvvdw atu v miang nvgobv mvngsudunv hum kainvgobv mvre." **15** Nyi mego bunugv vmi vdwa Jisu gvlo aagvjito ninyigv laak v bunuam lakpo modubv vla. Lvbwlsku vdwv bunua vbvrinv gubv vla yamdarpatu, **16** vbvritolu Jisu vmi vdwa nw gvlo goklwktu okv minto, "vni vdwa ngoogylo aamuto okv bunua mintor maby,

ogulvgavbolo Pwknyarnv gv Karv ngv svkv nvgy gvngv. **17** Sum mvnggap laka! Yvvdw vmi aingbv rigv rila Pwknyarnv gv Karv nga naarwk madunv v hoka aanyu mare.” **18** Jius nyi rigvnv ako Jisunyi tvvkato, “Alvbv Tamsarnv, turbwng nama paanam lvgabv ngo ogugo risegubvri?” (aiōnios g166) **19** “No nga ogubv alvnb vla mindunv?” Jisu ninya tvvkato. “Yvvka alvnb kaama Pwknyarnv akin mvngchik. **20** No gamkinam gaam vdwa chindu: ‘Yoomur mabvka; gwngrw gwyoka; dvcho mabvka; mvvlarula yvnyika miium mabvka; noogy anv okv abunyi mvngdv laka.’” **21** Nyi angv mirwkto, “So gv gamkinam gaam vdw sum, ngo vmi anga lokv, ribwngchala ripvkunv.” **22** Vdwlo Jisu hum tvtokudw, nw nyi anga minto, “No rise ngv akin go doopv. No ogugo doopvdw hum mvnwngnga pyoktola morko nga heemanv vdwa jito laka, okv no nyidomooku tolo nyitvyachok reku; vbvripikula aala nga vngming gylakuka.” **23** Vbvrilola vdwlo nyi angv hum tvtokudw, nw achialvbv mvngru toku, oglulvgavbolo nw achialvbv nyitvto. **24** Jisu ninya mvngru dubv kaatoku okv minto, “Nyitvnv nyi hv Pwknyarnv gv Karv lo aanam lvgabv achialvbv aanyu madunv! **25** Kemel gv pwsi ungrung lo vngpit tvvnam aingbv nyitvnv nyi v hum kaiyabv aanyu manam gubv Pwknyarnv gv Karv lo aatv rinyi ridunv.” **26** Nyi vdwv hum nw gylo tvpanv vdwv tvvkato, “Vbvrilobolo, yvv, ringnam a paala kujinv?” **27** Jisu mirwkto, “Nyi gv ogugo rinyu manamv Pwknyarnv gv lvgabv rinyu dunv.” **28** Vbvrilobolo Pitar minto, “Kaatoka! Ngonu nam vngming gvdubv ngonugv naam vdwa vngyu pvnv.” **29** “Am,” Jisu bunua minto, “Okv ngo nonua jvjbv milv jidunv yvvdw naam vmalo nyimv vmalo achiboru vmalo anvabu vmalo kuu vdwv Pwknyarnv gv Karv lvgabv vngyu dunv. **30** Vjakgv singgv dvnam sum achialvbv kaiyabv paare okv aainv singnam gunv tolo turbwng nama

paare." (aiōn g165, aiōnios g166) 31 Jisu lvbwlaksu vdwa vngyi  
gvtoku okv bunua minto, "Tvvtoka, ngonu Jerusalem bv vngdunv,  
hoka nyijwk vdwgv nyia Kuunyilo gv lvga nga lvknam vdwv jvjvbv  
rilin jiriku. 32 Ninyia kvvbi nyi vdwgvlo lalkwk reku, bunu ninyia  
mvmin reku, nyarjikao reku, okv tachor chorke reku. 33 Bunu  
ninyia svnyak pareku, okv mvki reku, vrvritola alu loom kochinglo  
nw turrap reku." 34 Vrvritola lvbwlaksu vdwv minam vdwa  
akonyika chinku mato; ogu ha minpv nvdw hv bunugv lokv adu  
toku, okv Jisu ogu gonyi minpv nvdw um bunu chinku mato. 35  
Jisu Jeriko gv adarlo aadungto, hoka giagonv nyi ako lamtv hoka  
doopv tvvla giadungto. 36 Vdwlo nw nyipam vdwgv vngpit nama  
tvvpa tokudw, nw tvkato, "Si ogu v?" 37 Bunu ninyia minpato,  
"Najaret lokv Jisu vngpit dvnvkv." 38 Nw kapla minto, "Jisu!  
Dabid gv kuunyilo! Nga aya mvngpa labvka!" 39 Haabo lokv  
nyi vdwv ninyia yamto okv ninyia choibvkv vla minto. Vrvritola  
nw gamtvyyayabv gokla minto, "Dabid gv kuunyilo! Nga aya  
mvngpa labvka!" 40 Vkvlgabv Jisu daktungto okv nyikchingnv  
nyi anga ninyigvlo aagv dubv minto. Vdwlo nyi angv nvchilo  
aato kudw, Jisu ninyia tvvkato, 41 "No nga noogy lvgabv ogugo  
rijilabv vla mvngdunv?" "Tamsarnv," nw mirwksito, "Ngo lvkodv  
kaapa nwngduku." 42 Jisu ninyia minto, "Vbvrirkunamv kaato  
kuka! Noogy mvngjwng ngv nam alv mopvku." 43 Vjakgobv nw  
kaapa toku, okv nw Pwknyarnvnyi harty yingla, Jisuni vngming  
gvtoku. Vdwlo nyipam v um kaatokudw, bunu mvnwngngv  
Pwknyarnvnyi harty toku.

**19** Jisu Jeriko nga vngpitla vngto. 2 Ho hoka lampu naayanv  
mvnwng lokv kaiyachok nvgo dooto vkvgv aminv Jakias, nw  
achialvbv nyitvto. 3 Nw Jisu yvvdw kaadubv vla rikwto, vrvritola  
nw adwngnv nyi gubv rito okv nyipam v twngtvnam lvkwnglo

nw Jisunyi kaapa nyumato. **4** Vkvlgabv nw nyipam a jokcho  
yala koksitkokrik singnv gulo gechato Jisu ho lamtv hoka vngpit  
riko ninya kaadubv vla. **5** Vdwlo Jisu ho hoka vngchi tokudw,  
nw kaadung toku, okv Jakiasnyi minto, "Baapubv itoku, Jakias,  
ogulvgavbolo ngo silu noogy naam lo doorung tvvdunv." **6** Jakias  
baapubv geludanv ngv achialvbv himpula ninya alvbv aamu  
toku. **7** Nyi mvnwng hum kaanv vdwv arwnglo mimi sinyato,  
"So nyi angv si rimurnv nyi gv naam lo nyen bv aadunv!" **8**  
Jakias dakrap dato okv Jisunyi minto, "Tamsarnv, tvrialabv! Ngo  
ngoogv yikungyira nga tunggonyi heemanv vdwa jireku, okv ngo  
yvnyi dvkup pvkudw, ngo ninya api yagu jiya reku." **9** Jisu  
ninya minto, "Sili so gv naam so ringnam v aapvku, ho lvga so  
nyi si Abraham gvka husi v. **10** Nyia Kuunyilo ngv nyekunv vdwa  
makarla ringdukubv aapvnv." **11** Nyi vdwgv um tvria rilo, Jisu  
mimbwngla minchisinam go bunua mintamto. Nw vjak Jerusalem  
lo aachi dvlvbv ritoku, okv Pwknyarnv gv Karv ngv aadaribo vla  
bunu mvngnyato. **12** Vkvlgabv nw minto "Hoka ho nyi ako kaibv  
mvngdnam go dooto nw aduko mookulo vngtv nvgo Dvbw bv  
mvku dvbw vla, ho kochingbv nw naam aakur dubv vla rungto. **13**  
Nw gv vngrap maadvbv, nw ninyigv pakbu vrng vdwa gokkumto  
okv bunua ain lokdwng vkv charchak go jigvrla minto, 'Kaatoka  
ngoogv vngro rilo nonu so sam ogugo pwlwkpaaalwk la pwtam  
paatam rila rinv.' **14** Vjak, ninyigv mookugv nyi vdwv ninya  
kaanwng mato, okv vkvlgabv bunu gindungpingko vdwa mimu  
dubv vla ninyigv kochinglo vngmuto, 'Ngonu so nyi sum ngonugv  
Dvbw bv vla mvngma dunv.'" **15** "Nyi anga Dvbw bv mvtoku okv  
aakur toku. Nw pakbu vdwa ninyigv kaagialo lvkin gubv aadum  
dubv minto, bunu vdwgo pwkumpaakum pvdw um kaadubv vla.  
**16** Atokchogv angv aatoku okv minto, 'Tamsarnv, ngo ain lokdwng

charring go paakumpv noogy charkin go jiku lokv.' **17** 'Alvbv ripv,' nw mintoku: 'No alvnv pakbu go! no miangnv yikungyira lo jwkjwkvrwkbv rinv go, ngo nam pamtv vrng nga rigvdubv jidunv.'

**18** Anyi nvnv pakbu angv aato okv minto, 'Tamsarnv, ngo ain lokdwng charngu go paakumpv no gv charkin go jiku lokv.' **19** So anga nw minto, 'No pamtv angu a rigvnbv rire.' **20** Pakbu gunv aato okv minto, 'Tamsarnv, siinv noogy ain lokdwng ngv; ngo sam jeriap gulo vysi pvnv. **21** Ngo nam busuto, ogulvgavbolo no nyi kingin nvgo. No nokv gvnga maka naadu okv noogy paklwk maanam humka nvvdu.' **22** Nw pakbu anga minto, 'No alvmanv pakbu! ngo noogy mvnggwngbv alvmanv gaam um minnvla nam miakayare! No nga gwlwknv nyi go, ngo gvngv manv ngaaka naanv gubv okv ngoogy paklwk maanam humka nvvnv gubv chimpvi. **23** Alvdu, vbvrikunamv, no ogubv ngoogy morko nga Benk morko kuu bvngkulo lwkma pvnv? Vbvrikunamv ngo naakur rikuni morko kuu a lvkobv naaku svnga.' **24** Vbvrikunamv nw hoka daknv vdwa minto, 'Nw gyloky ain lokdwng nga naatokuka okv hum Pakbu ain lokdwng charring go doonv yanga jitoka.' **25** Vbvrilola bunu ninyia minto, 'Tamsarnv, nw lokdwng charring go doogyla doopv!' **26** 'Ngo nonua mindunv,' nw mirwkto, 'Nyidum mvnwngnga yvvdw ogugo doodunv, hum jidv yayare; vbvrilola yvvdw ogugoka kaama dunv, ninyigv achukgo doogv namaka um ninyigv lokv naaritre. **27** Vjak, ngoogy nyiru minsunv vdwa yvzbunudw nga bunugv Dvbw bv mvnwng madunv vdwa, bunua so naalwk tvka okv ngoogy dooku soka mvki tokuka!"' **28** Jisu hum mintoku okv vbvrikunamv bunua vngchoyala Jerusalem bv vngto. **29** Nw Betpej okv Betani gv adar Olib moodw lo aarilo, nw lvbwlaksu anyigo vngcho moto **30** svbv mingvrla: "Vngnyika nonugv vnglwkjiku nampum alo; nonugv vnglwk rilo,

nonu siak ako riokwka manamgo takpvla vvpvnamgo kaapare. Um paksoklaila soka aagv tvika. **31** Nyi gonv nonua hum ogubv paksok dunv vla minbo loka, Ahtu sum dinchidukv vla ninya minpa laka.” **32** Bunu bunugv lamtvlo vngkunamv Jisu gv bunua minam jvbv ogumvnwng nga paatoku. **33** Bunugv siak a paksok rilo, ho gv atu v bunua minto, “nonuno um ogubv paksok dunvla?” **34** “Ahtu sum dinchidu,” bunu mirwkto, **35** okv bunu siak a naalaila Jisu gvlo aagv jitoku. Vbvrikunamv bunu bunugv vji a siak aolo puchato okv Jisunyi siak aolo chadubv ridurto. **36** Ninyigv siak aolo vngrilo nyi vdvv lamtvlo bunugv vji vdwa pipv nyato. **37** Vdwlo Nw Jerusalem gv nvchilo aatokudw, Olib moodw bv lamtv ilwk jiku mooku hoka, ninyigv lvbwlaksu vdvv twngtv rungbv bunugv ninyigvlo kaanam mvnwngnga Pwknyarnvnyi umbonyikv vla okv ninya hartvla minrap nyatoku: **38** “Pwknyarnv ayalaka Dvbvnyi yvvdw Ahtu gv amin lokv aanvnga! Nyidomooku lo sarsopoyo reku okv Pwknyarnv gvlo kairungbv!” **39** Vbvrikunamv nyipam lokv Parisis megony Jisunyi minto. “Tamsarnv,” bunu minto “Noogy lvbwlaksu vdwa choibvkv vla minto!” **40** Jisu mirwkto, “Ngo nonua mindunv bunu choi kubolo, vlwng vdvv bunu atuv gamtv rungbv rumrapre.” **41** Nw pamtv lo aanwk lylvto, okv vdwlo nw hum kaapa tokudw, nw ho gv lvgabv kapto, **42** minto, “Nonu silu sarsopoyo gv lvgalo ogugo aadu nvdw um chinv guloka! Vbvrilola nonu vjak um kaapa kumare! **43** Nonua nonugv nyimak vdvv aagvrila goyumgochila vnglin chaalin momabv tumla vvpv dw alu v aariku. **44** Bunu nonua achuk goka dooku madubv mvyak mvchakre okv nonugv vlwngsvlu arwnglo doonv nyi vdwaka; vlwng pwgoka dookulo doomu mare, ogulvgavbolo nonu Pwknyarnv gv vdwlo nonua ringduby vla aanama kaachin manam lkwnglo!” **45** Vbvrikunamv

Jisu Pwknyarnvnaam lo vngtoku okv korvpachu pioknv vdwa charlin raptoku, **46** bunua minto, "So si Darwknv Kitaplo lvkdu, 'Ngoogv Naam a kumgingku naam bv vla mindunv.' Vbvrifola nonu hum chonvmvvnv tosiku bv mvpv!" **47** Jisu alu gv dwkia Pwknyarnvnaam arwnglo tamsarto. Nyibu butvnv vdww, Pvbv tamsarnv vdww, okv nyi vdwa rigvnn vdww Jisunyi mvki dubv mvngtoku, **48** vbfritola bunu ninyia vbvridubv lamtv paanyu matoku, ogulvgavbolo nyi mvnwngngv ninyia tvvria bwngto, gamgoka nyemu nwngma vla mvngnyato.

**20** Alu gulo Jisu Pwknyarnvnaam lo nyi vdwa tamsarla okv Gamlv nga japji rilo, nyibu butvnv vdww okv Pvbv tamsarnv vdww, nyiga vdwa lvkobv, aatoku **2** okv ninyia minto, "Ngonua mintamto, no ogubv svbv rimin dunv? Yvila nam svbv rimin dubv jinv ngv?" **3** Jisu bunua mirwksito, "Ngam nonua gaamgo tvu chomu labv. Ngam mintam labv, **4** Jon gv baptisma jinamv Pwknyarnv gylo kvre vmaloo nyi gvlo kvre?" **5** Bunu vdww atu v larmi sirap nyato, "Ngonu ogu vla mindubv? Ngonu 'Pwknyarnv gylokv' vla minbolo, nw minrikuda, 'V bolo nonu ogugbv Jonnyi mvngjwng mapvnv?' **6** Vbfritola ngonu 'Nyianyi gylokv' vla minbolo, so gv nyi nyipam vdws i ngonua vlwng orgingre, ogulvgavbolo bunu Jonnyi nyijwk akobv pvbwnng alvbw chinya dukunv." **7** Vkvlgabv bunu mirwktu, "Ngonu chima v ogulokv aapvnvdw." **8** Okv Jisu bunua mintoku, "Ngo ka nonua minjimare ogubv ngo so vdw sum ridu nvdw." **9** Vbfrikunamv Jisu so minchisinam sum bunua minjito: "Ho hoka nyi ako dooto hv anggor rongo mvto, um rijo naanv nyi vdwlo tinto, vbfrikunamv adubv relinnam lvgabv vnglintoku. **10** Vdwlo anggor naakumdww aatokudw, nw nyira go rwktin vdwlo gvlo anggor ninyigv baak paase naarwk simu dubv vla vngmu toku. Vbfritola rwktin vdww nyira anga dvngtola ogu

goka jimabv vngkur motoku. **11** Vkvlgabv nw nyira gunvnyi vngmuto; vbvritola rwktin vdww ninyi nyika dvngdvto, hinyinghiru dubv mvto, okv ogugoka jimabv vngkur motoku. **12** Vbvrikunamv nw nyira aom nvnv nga vngmuto; rwktin vdww ninyia ungnv gvdubv, mvdvto, okv ninyia agumlo dvato. **13** Vbrikunamv anggor rongo atuv mintoku, 'Ngo ogugo riku nvpvdw? Ngo ngoogv paknam kuunyilo nga vngmu reku; bunu ninyia jyjbv mvngdv jiriku!' **14** Vbvritola vdwlo rwktin vdww ninyia kaapa tokudw, bunugv aralo mimisinyato, 'So si atu gv kuunyilo ngv. 'Klai ninyia mvki laju, okv ninyigv yikungyira ngv ngonu gvbv rireku!' **15** Vkvlgabv bunu ninyia anggor rongo agum dvlinto okv mvki toku. "Vbvrikunamv, rongo atuv rwktin vdwa ogubv rireku?" Jisu tvkato. **16** "Nw aariku okv ho nyi vdwa mvki reku, okv anggor rongo nga kvvbi rwktin vdwlo laklwk reku." Vdwlo nyi vdww sum tvtokudw bunu minto, "Vbvrirung mare!" **17** Jisu bunua kaagapto okv tvvkato, "Vbvrikunamv so darwknv kitap gv minam si ogu v? 'Naam mvnv vdwgv toa kunam vlwng pwngv mvnwngnga dinchiyachok nvgobv rire.' **18** Nyi mvnwngnga ho vlwng hoka hopv nvnga patungpayung mvre; okv ho vlwng angv nyi akonvgv aolo hoopv bolo, v ninyia amwkby mvre." **19** Pvbv tamsarnv vdww okv nyibu butvny vdww, hoka Jisunyi naatung dubv rikwto, ogulvgavbolo ninyigv minchisinam minam angv bunua minyingdu vla bunu chintoku; vbvritola bunu nyi vdwa busu nyato. **20** Vkvlgabv bunu alvnv dw kaakarto. Bunu nyi mego arwnglo gwngla jisito bunua alvnv nyi go vla kaakudubvrinv nyi vkv, okv bunu ho vdwa Jisu gvlo vngmuto tvu gvrila naatung dubv vla vkvlgva bunu ninyi Roman nyigam lo laklwk ladukubv. **21** So gv arwng gwngyanv vdww Jisunyi minto, "Tamsarnv, ngonu chindu no ogugo mindudw okv tamsar dudw v jyjv ngv. Ngonu

chindu no nyi gv mvngnam lokv kaamadu, vbvratola nyi gv lvgabv  
Pwknyarnv gv mvngnam jvfv nga tamsaryado. **22** Ngonua  
mintam labv, Roman Dvbvyachoknyi ngonugv lampu jinam  
si ngonugv Pvbv nga rinying dunvri, vmalo rikin madunvri?"  
**23** Vbvratola Jisu bunugv gwngnam a kaapa toku okv bunua  
minto, **24** "Ngam lokdwng go kaatam labv. So si yvvgv nyukmu  
vla aminv doodunv?" "Dvbvyachok gv," bunu mirwksito. **25**  
Vkvlgabv Jisu minto, "Alvdo, vbvrikunamv, Dvbvyachok gvnga  
Dvbvyachoknyi jitoka, okv Pwknyarnv gvnga Pwknyarnvnyi  
jilaka." **26** Vkvlgabv nyi vdwgv kaagia hoka ogu goka bunu  
ninya naatung nyula mato, vkvlgabv bunu ninyigv mirwk nama  
lamrwpanya la choibv doonya toku. **27** Vbvrikunamv Sadusis  
mego, yvvbunudw nyi vdwv sitokula turkur kumadunv vnv vdwv,  
Jisu gvlo aato okv minto, **28** "Tamsarnv, Moses so Pvbv sum  
ngonugv lvgabv lvkpv jipvnv: 'Nyi gonv nywng nga kuu dooma  
dwbv siyu bolo, ho siyu nvgv boruv hvngmi nga nywng mvrung  
tvka vkvlgabv bunyiv kuu doogv rila sinc ho gv kuu bv mindu  
kubv.' **29** Alu golo achiboru kanw go dooto; achi yachok v nyimv  
naatoku okv kuu dooma dwbv siyuto. **30** Vbvrikunamv boruya  
gonv nyimv nvnga nywngbv doogvto, **31** okv boru aom nvnv  
ngvka. Vbdvdvby achiboru kanw mvnwnglo rito—bunu siyuto  
kuu dootv madvby. **32** Mvnwng gv kochinglo, nyimv nvngv sitoku.  
**33** Vjak, sinc ngv turkurdw alulo, nyimv nvngv yvvgv nywngbv  
rirekudw? Mvnwng kanw v ninya nywng mvpv." **34** Jisu bunua  
mirwkt, "Vjakgv nyiga mvvga ngv nywng nyilubv rimi sidu, (**aiōn**  
**g165**) **35** vblratola nyiga okv mvvga ngv yvvdw sinam lokv turkur  
kuji bongv okv singnam gunv tolo doojinv v nywng nyilubv rimi  
sikumare. (**aiōn g165**) **36** Bunu nyidogindung vdw jvfv rire okv  
sinyu kumare, bunu Pwknyarnv gv kuu vdwvku, ogulvgavbolo

bunu sito koola turrap kunvngv. **37** Sinam lokv turkurkunama Moses ka chimbwk toku. Lvkliv jinamlo yamdwng yamchumlo vmv gunam gv lvkwng nga nw Atu gvbv minto ‘Abraham gv Pwknyarnv ngv, Isaak gv Pwknyarnv ngv, okv Jakob gv Pwknyarnv ngv.’ **38** Nw turnv vdwgv Pwknyarnv ngv, sinv gvngvma, ninyigv lvgabv mvnwngngv turdunv.” **39** Pvbv tamsarnv megonv goklinto, “Alvbv mirwknam go, Tamsarnv!” **40** Bunu ninya ho lvkwngbv tvu dukubv choopu kuma toku. **41** Jisu bunua tvvkato, “Kristo Dabid gv husi v vla oguaingbv minpvnv? **42** Dabid nw atuv mirimimpak kitaplo minsuto, ‘Ahtu ngoogv Ahtunyi minto: Ngoogv lakbiklo dootungto **43** vdwlo ngo noogv nyimak vdwa lvpa lvging nvnv aingbv mvla noogv lvchulo vvpvma dwdvlobv.’ **44** Dabid ninya ‘Ahtu’ vla minto; oguaingbv, vbvrikunamv, Kristo Dabid gv husi bv rila rinv?” **45** Nyi vdwgv ninya tvvla doorilo, Jisu ninyigv lgbwlaksu vdwa minto, **46** “Pvbv tamsarnv vdwa nonu himasuto laka, bunu bunugv jvtvlaklwk a kotola daakar svnga mvngbiu dunv okv pyokpamdorpam lo vngkar gvrila mvngdv kodubv mvngbiu dunv; bunu jius kumkunaam vdwlo dooku a okv dvpam dvkulo alvyachoknv dooku a gakcho dunv; **47** Bunu hvngmi vdwlo riborilit mingla okv bunugv naam vdwa dvrit papi jila, okv kaakudubv vla asu dubv kumla! bunua achialvbv alvmanam gubv mvritre!”

**21** Jisu kaitkarto okv nyitvnv nyi vdwv bunugv daan a Pwknyarnvnaam gv morko vvgia nvnv arwnglo paalwk dubv kaapato. **2** Okv nw hvngmi go achialv heema nvgo aala ain lokdwng charnyi go lwkdubv kaapa dvto. **3** Nw minto, “Ngo nonua mindunv so gv heemanv hvngmi angv kvvbi mvnwngnga kaiyabv lwkgv nyibv. **4** Kvvbi vdwv bunugv nyitv laila lvlin kunvnga amin bv lwkdunv; vbvritola nw, achialvbv heema dvlaka, dvtvsinv

nvnvnga jitar pagvyibv." 5 Lvbwlaksu megony Pwknvyarnvnaam gv lvkwng nga minto, so gv alvn vlwng v achialvbv kaapuv okv Pwknvyarnvnyi amin jinam vdwv. Jisu minto, 6 "Nonugv kaanam mvnwng si—alu go looriku vdwlo vlwng pwgoka dookulo dooku mare; mvnwng a orlula ora reku." 7 Bunu tvvkato, "Tamsarnv," "Vdwlo so vdw si ritv dunv? Okv so vdwgv ridw v aatv riku vla kaatam nvnbvb ogugo ritv rinvla?" 8 Jisu minto, "Hima tylaka; kupku yoka. Nyi achialvgo, ngo yamabv vla nga minre, v aare okv minre, 'Ngo kunv nwl' okv, 'Dw v aadukul!' Vbvrilola bunua vngming gvyoka. 9 Vdwlo nonu nyimak okv mvyakminsu nama busu mabvka; vkv nvngy richola rirungjinv, vbvrilola vkv nvngv rinya alu v nvchi duku vla minam kaama." 10 Nw minbwngto, "Mooku vdwv padar minsureku; Karv ngv Karv gonyi palwk reku. 11 Hoka achialvbv hilamanam moobi v hwkriku, dvmayarwng, okv yipvyylam v mooku mvnwnglo rire; nyidomooku toloky kaaka manam okv arwsinyi nvngv ire. 12 So mvnwng gv rima dwbv, nonua naatung reku okv mvdwkmvku reku; nonua Jius vdwgv kumkunaamlo mvmin dubv laklwk reku, okv patwklo lwkreku; nonua ngoogy lvgabv Dvby vdwgv rigvny vdwgv kaagialo daklin moreku. 13 So si alvn dw v nonugv lvgabv Alvnv Yunying a mintam jidubv. 14 Nonugv mvngnamsaknam a mvngcho richo laka oguaingbv atu v mvnging sila minse rise vdw vla busukano madubv, 15 ogulvgavbolo ngo nonua vkvnv gaam okv mvnglak ha jire nonugv nyiru minsinam vdwv yvvka nonugv gaam minama tvvlakaala vmaloo raarwksila maadubv. 16 Nonua laklwk jikunv nonugv Anvabu, nonugv abwngboru, nonugv amiasa, okv nonugv ajin vdwv; nonua megonyi mvkire. 17 Ngoogy lvgabv nonua nyi mvnwngngv kaanwng mare. 18 Vbvrilola nonugv dwmw sogo nvka ngoomare. 19 Gwlwkbv dakto laka okv nonu atuv ringsu

reku.” 20 “Vdwlo nonu Jerusalem a sipai vdwv dakyum dubv kaaparidw, vbvrikunamv si baapu bv yakriku vla nonu chinre. 21 Vbvrikunamv yvzbunudw Judia lo doodunv moodw bv kicha rungre; yvzbunudw pamtv arwnglo doodunv vngro laka, okv yvzbunudw mooku agum lo doodunv v pamtv arwnglo aarung mabvka. 22 Ho vdwv ‘Mvriririt alu hv,’ Darwknv Kitaplo minam mvnwngnga jyjv bv rilin modubv. 23 Vdwgo mvngdwknam guby rire ho alu hoka yvv nyimv ngv leit lo kuu gvnv okv anv ngv anga ajingnv doogvnv! achialvbv alvmanv go so kvdw so rilwkre, okv Pwknyarnv gv mvrit v so nyi vdwlo aare. 24 Megonyi riokse lokv pakire, okv kvvbi vdwa mooku mvnwnglo tumla vvpvre; okv nyi kvvbi Pwknyarnvnyi chimanv vdwv nw bunugv dwhv vngma dvdlvo Jerusalem a chaatin la vvpvre.” 25 “Nyidomooku doonyi tolo ogu kaakwmanam go rilinre, poolu loka, okv takar vdwloka. Sichingmooku mvnwnglo turdubv mvngmin kuma reku, Svmasa gv sudu a tvla okv sekiok gv kioknam vdwa kaala busu nyareku. 26 Sichingmooku mvnwng so ogugo ritv tvdu nvbvre vla nyi vdwv mvngngak sangakla anyu kumabv doore, aotolo gv jwkrw ngvka ngooriku. 27 Vbvrikunamv Nyia Kuunyilo ngv, doomwk lo kaibv yunglit rungnam gubvrla aalwk reku. 28 Vdwlo so vdw si ridukubv vla rirap tvri kunyi, dakrap lakuka okv nonugv dumpo v baarap lakuka, ogulvgavbolo nonugv ringlinbaalin v nvchi duku.” 29 Vbvrikunamv Jisu so minchisinam sum bunua minjito: “Koksitkokrik singnv hala okv kvvbi singnv mvnwng haka mvngkw toka. 30 Vdwlo bunugv anw hv harlin tvvnam a nonu kaapa rikuni, dwrw hv nvchi duku vla nonu chindo. 31 Ho apiaby, vdwlo soogv vdw sum ridu kubv nonu kaapa kubolo, Pwknyarnv gv Karv gv aadw hv nvchi duku vla nonu chinreku.” 32 Mvnggap tvvlaka vjakgv rinv nyi mvnwng si sitv maadvbv

so gv vdw si rilin reku. **33** Sichingmooku okv nyidomooku hv  
ngelare vbvritola ngoogv gamchar vdvv vdwloka ngela mare. **34**  
“Himasuto laka! dvpam okv dvnamtvngnam yayabv rila nonug  
so singnam a atu v mvngdwk mvngkubv rimu mabvka, ho gv  
alu hv nonua lamdubv loopu jila **35** amin mvnam jvbw. Ho hv  
Sichingmooku mvnwng gv nyi mvnwng gv aolo aalwkre. **36** Chrv  
nvgobv rito laka okv loki ha kumlaka so mvnwng gv riri kunyi  
nonua ogu riakuma dubv okv nyia kuunyilo gv kaagialo dakdu  
kubv.” **37** Jisu ho alu mvnwng a Pwknyarnvnaam lo tamsarla  
doottoku, okv vdwlo ariumv aato kudw, nw Olib Moodw lo ayu a  
doolwk toku. **38** Arukamchi dwkibv nyi vdwv Pwknyarnvnaam lo  
nw gvlo tvvria dubv vla vngnya toku.

**22** Vpap lwkmabv vtwng dvbamnam alu v nvchi toku, ho hum  
Vngbo dvmdvin vla minto. **2** Nyibu butvnb vdwv okv Pvbv  
tamsarnv vdwv nyi vdwa busu nyato, vklvlgabv bunu Jisuni  
tosila mvkidubv vla lamtv makar nyato. **3** Vbvrikunamv lvblaksu  
nyidum vring gola anyi lokv Judas, Iskeriot vla minam gylo Uyu  
ngv aatoku. **4** Vbvrikunamv Judas Nyibu butvnb vdwgv okv  
Pwknyarnvnaam ha kaayanv vdwgv nyigam gv dookulo nw  
Jisuni oguaingbv bunu gvlo kublwk nyuku sengvdw ho lvga  
nga mintebv vngtoku. **5** Bunu mvngpula ninyia morko jidukubv  
mintoku. **6** Judas hum tolwk toku okv nw Jisuni nyi chimpa  
madubv bunu gylo laklwk dukubv vla alvnb dw marap toku. **7**  
Hoka vpap lwkmabv vtwng nga dvdw okv svlarkuu a vngbodymin  
gv lvgabv palwkdw pumja alu v loolwk toku. **8** Jisu Pitar okv  
Jonnyi svbv mingvrila vngmuto: “Vngnyika okv ngonugv lvgabv  
vngbo dvmi dvnam a dvdbv mvpvripv tvka.” **9** Bunu ninyia  
tvvkato, “No ngonua ogolo mvpvripv tvka vla mvngdunv?” **10**  
Nw mirwkt, “Nonu gv pamtv vlo arwnglo aarilo, nyiga ako

isi opum bvngnv go nonua vngrwksire. Ninyia vngming gvla  
ninyigv naam arwngbv aakulo aaming gylaka, **11** okv naam  
atua minlaka: 'Tamsarnv nam mindu, ngo okv ngoogv lvbwlaksu  
vdwgv vngbo dvmin dvnam dyjiku karchung ngv ogolo?' **12** Nw  
nonua aolo kaapu dubv mvnam karchung go kaatamre, hoka  
nonu ogumvnwng nga mvpvripv dukubv kaapare." **13** Bunu  
vngtoku okv Jisu gv bunua minam aingbv ogumvnwngnga kaapa  
toku, okv bunu vngbo dvmin dvnam a mvpvripv toku. **14** Vdwlo  
dw v aato kudw, Jisu Apostle vdwa lvkobv dvkulo dootoku. **15**  
Nw bunua minto, "Ngoogv hinching chingma dwbv ngo nonua  
lvkobv so vngbo dvmin dvnam sum dvnwng dunv! **16** Ho lvga  
ngo nonua mindunv, Pwknyarnv gv Karv lo so gv lvga nga alvbv  
rilin jima dvdvlo ngo vdwloka sum dvmare." **17** Vbvrirkunamv Jisu  
koobu a naarapto, Pwknyarnvnyi umbonyikv vla minto, okv  
minto, "Sum naato okv nonugv apumlo nonu atu v ormisito. **18**  
Ngo nonua mindunv vjak lokv rila vdwlo Pwknyarnv gv Karv  
ngv aama dvdvlo ngo vdwloka sum tvngnam sum tvngmare."  
**19** Vbvrirkunamv nw vtwng ariap ha naato, okv Pwknyarnvnyi  
umbonyikv vla minto, hum pintungpiungto, okv hum bunua jitola,  
minto, "Si ngoogv ayak adwn v, sum nonugv lvgabv jipvnn. Ngam  
mvngpa gvnvbv sum rito laka." **20** Ho apiabv, nw bunua dvnam  
dvro kochingbv koobu ha jitola, minto "So koobu si nonugv  
lvgabv ngoogv oyi sarlin kunamv si Pwknyarnv gv anw bv  
milv jikunama mvu pvvku namv." **21** "Vbvrirkunamv, kaatoka! ngam  
koanv angv vjak ngoogv dookulo tvbul si lvkobv doodu! **22** Nyia  
Kuunyilo ngv Pwknyarnv gv minam aingbv sire, vrvritola vdwgo  
mvngdwk rekudw nga koanv angv!" **23** Vbvrirkunamv bunugv  
apum lo tvvka minsu toku bunugv lokv yvvdw vbv ritv tvdunv vla.  
**24** Lvbwlaksu vdwv bunugv arwnglo larmi sinyato bunugv lokv

yvv yadw kaiyachok nvgobv riji kunv vla. **25** Jisu bunua minto, “Pwknyarnvnyi chimanv vdwgv Dvbv ngv bunugv nyi vdwa kaiyadunv, okv dvbv vdwv ‘Nyi vdwgv ajin’ vla amina gakdu. **26** Vbbritola so gv rinam si nonu gvlo doomare; vmabvy, nonu gvlo kaiyachok jinv ngv mvnwngnga miangyachok nvgobv rire okv rigvnb gubv rijinv pakbu aingbv rirungre. **27** Yvvla kainv, dvdubv vla dootungnv angv re vmalo ninyia jirianv angv re? Dootungnv angv, v rung. Vbbritola nonu gvlo ngo jirianv angv aingbv ridu.” **28** Ngo gv hirukaya kolo nonu nga lvkobv doomwng gvto; **29** okv ngoogv Abu nga rigv dubv jinam aingbv ngo nonua jidunv. **30** Nonu ngoogv Karv lo dgianvnb lo doopv tvla dvriku okv tvngriku, okv Dvbv dogianvnb lo doopv tvla Israel gv nyi haalung vrng gola anyia rigv reku. **31** “Saimon, Saimon! Tvrato! Uyu hv nonu mvnwngnga rika dubv vla rinv nvnga naagv nyibv, alvmanv lokv alv nvnga naapin sidubv vla, rongo rinv nyi ako gv aam-tami a amsok-misok lokv naapin sunam aingbv. **32** Vbbritola ngo nonugv lvgabv kumpvn, Saimon, no gv mvngjwng ngv ngooma dubv. Okv vdwlo no nga dakrwk rikudw no noogv boru vdwa abwk mola kuka.” **33** Pitar mirwksito, “Ahtu, ngo nam lvkobv patwk tumjeka sida jeka reming gvdubv mvngpvla doodunv!” **34** “Pitar nam ngo mindunv,” Jisu minto, “Siyuni rokpu v kokma dwbv no ngam chimapvn vla lvomgo minre.” **35** Vbrikunamv Jisu ninyigv lvbwlaksu vdwa twkato, “Ngoogv nonua morko gvnvn, gvgianvnb vmalo lvsup jimabv vnglin mori hoka ogu chiimanvgo doopire?” “Oguka ma” bunu mirwkto. **36** “Vbbritola vjak,” Jisu minto, “Yvvdw morko gvnvn vmalo gvgianvnb doodunv ung naarung toku laka; okv yvvdw riokse dooma dunv hv ninyigv vji laklwk a pioktola ako rvvla kuka. **37** Ngo nonua mindunv Darwknv Kitaplo mindu, ‘Nw rimur nvgv gungnying nga gvvria

jito,’ vnam ngoogy lvga ngv jyjvbv aarung reku, ogulvgavbolo ngoogy lvga nga lvknam v jyjv bv rilin reku.” **38** Lvbwlaksu vdvw minto, “Kaatoka! Ahtu, So si riokse sonyi go doopv!” “Hv chipvku!” nw mirwk toku. **39** Jisu pamtv nga vngyula vngtoku, ninyigv kvlo gv vngchingbv, Olib Moodw lo; okv lvbwlaksu vdvw ninya lvkobv vngto. **40** Vdwlo nw dooku hoka vngchi tokudw, nw bunua minto, “No pokayarka kolo ngoolwk madubv kumto laka.” **41** Vbvrikunamv nw bunua mego adubv vngyu dyla vlwng ngv kongchi dubv rikulo vngla nw lwbwng v kumpvto okv kumtoku. **42** “Abu” nw minto, “No mvngdu boloka, hinching gv koobu sam ngo gvlokv naapak jilabv. Ngoogy mvngnam bvma vbvritola noogy mvngnambv rilaka.” **43** Nyidomooku tolokv nyidogindung go ninyi gvlo aalwkto okv ninya ridurto. **44** Achialvbv mvngdwk laila nw kadwk yayabv kumto; ninyigv haar hv oyi jybv kvdw lo sarluto. **45** Kumku lokv taprap lakula, nw lvbwlaksu vdwgv dookulo aakur toku okv bunua yupngakla doodubv kaapa toku, mvngdwk hv bunua dwkyup gvdubv. **46** Nw bunua minto, “Oguby nonu yupmin dunv? Gudungla kumla dootoka nonu gwngka kolo ngoolwk madubv.” **47** Jisu gv raadung rilo nyipam go aalwkto, Judas, lvbwlaksu vring gola anyi lokv akonv aagyto. Nw Jisu gylo chaato okv ninya moopupto. **48** Vbvritola Jisu minto, “Judas, moopup akolo no Nyia Kuunyilo nga koa duku nvri?” **49** Vdwlo Jisunyi hoka lvkobv rinv vdvw ho gv ritv nama kaapa gvrila Jisunyi tvkato, “Ahtu ngonu ngonugv riokse lokv rirap svgo bri?” **50** Okv bunugv lokv akonv nyibu Butyyachok nvgy nyira nga nyarung rungbik ha palu toku. **51** Vbvritola Jisu minto, “So gotoku!” Nw nyi angv gv nyarung nga mvsit to okv ninya mvpu toku. **52** Vbvrikunamv Jisu nyibu butvnu vdwa okv Pwknvyarnvnaam lo dakria nvgy nyigam vdwa okv nyiga

vdw yvv ninyia naabv aavn vdwa minto, “Nonuno ngam Pvbv agumlo rinv nyi aing gubv, riokse okv daadwng bvngla aapvi? 53 Ngo Pwknyarnvnaam lo loki a nonua lvkobv rebwgnto, okv nonuno nga naatung dubv rikw mato. Vbvrilola kanv gv gwlwk v rigydogvri so, si nonugv ridw vku.” 54 Bunu Jisunyi naatung toku okv ninyia Nyibu Butvyachok nvgv naam lo vnggv toku; okv Pitar mego adubv vngming gyto. 55 Kvba baaku naam gv adar lo vmv nga parto, okv Pitar hum dooyumnv vdwa doomwng gyto.

56 Vdwlo paknv akonv ninyia vmylo doodubv kaapa tokudw, nw kaagap lalato ninyia okv minto, “So nyi angv si ka Jisu gv rikulo reming gvnvl!” 57 Vbvrilola Pitar hum miasuto, “Nyimv angv, ngo ninyia chimaka nvgo!” 58 Achukgo ayungjvma nga nyi akonv Pitarnyi kaachinto okv minto, “No ka bunugv lokv akonv!” Vbvrilola Pitar mirwkt, “Nyi angv, ngo ma!” 59 Okv ayungjvma gv kochinglo nyi akonv ninyia minggap lala la minto, “Nw Jisunyi riming gvnvl ngv vnam so mvngbwk masego kaama ogulvgavbolo nw ka Galili gv nyi go!” 60 Vbvrilola Pitar mirwkt, “Nyi angv, no ogu gonyi mindudw ngo chima!” Vjakgobv, ninyigv vbv mindung rilo, rokpu v koktoku. 61 Ahtu kaitkarto okv Pitarnyi kaagapto, okv Pitar mvngpa toku Ahtu gv ninyia minam a, “Siyu gv ayulo rokpu v kokma dwbv no nga chima vla lvom go minre.”

62 Pitar agumbv vngtoku okv achialvbv mvngdwkla kaptoku.

63 Jisunyi kaayav nyi vdwv ninyia minjikminbikto okv ninyia dvngto. 64 Bunu ninyia nyik a putumto okv ninyi tvkato, “Yvila nam dvngnv ngv? Mvngjwk kaato!” 65 Okv bunu ninyia nyarjikau gaam vkv awgo minto. 66 Vdwlo bunu aato kudw, nyiga vdwv, nyibu butvny vdwv, okv Pvbv tamsarnv vdwv lvkobv kaarwksuto, okv Jisunyi kvba vdwgv kaagjalo daklin motoku. 67 Bunu minto, “Ngonua mintamto, no Kristo rungre?” Nw mirwkt, “Ngo nonua

mintam jvka, nonu ngam mvngjwng mare; **68** Okv ngo nonua tvu  
sego tvka jvka nonu mirwk simare. **69** Vbvritola vjak lokv Nyia  
Kuunyilo ngv kaiyachoknv Pwknyarnv gv lakkiklo dooreku.” **70**  
Bunu mvnwngngv mintoku, “Vbvrikunamv, no Pwknyarnv gv  
Kuunyilo ngvre?” Nw bunua mirwkto, “Nonu gv minam hv ngo.”  
**71** Okv bunu minto, “Ngonu kvvbi gungnying yago mvngkuma!  
Nw ogugo minpvdw ngonu tvvgap tokubv!”

**23** Nyi mvnwngngv gudungto okv Jisuni Pilot gv dookulo aagv  
toku. **2** Hoka bunu ninyi gungnying lwkrapto “Ngo so nyi sum  
ngonugv nyi vdwa rimur gvdubv Dvvyachoknyi lampu jima bvkv  
vla okv nw atu v Kristo, okv Dvbw gubv minsu dubv naatung  
pvnv.” **3** Pilot ninya tvkato, “No Jius vdwgv Dvbw ngvre?” “No  
mingvnyibv,” Jisu mirwkto. **4** Vbvrikunamv Pilot Nyibu butv  
vdwa okv nyipam vdwa minto, “Ngo so nyi sum rimur rinam go  
mapama.” **5** Vbvritola bunu tvvmabv abuyayabv minto, “Judia lo  
nw gv tamsar kolo nyi vdwa yalung durap moto. Nw Galili lo  
rirapto okv alo gvngv si rilwk dukunv.” **6** Vdwlo Pilot hum tvvpa  
tokudw, nw tvkato, “So nyi si Galili lokv nyi ngvre?” **7** Vdwlo  
Pilot Jisu nyi Herod gv rigvnam mooku lokv vla chinto kudw  
nw Jisuni Herod gvlo vngmuto, ho gv dw lo Herod Jerusalem  
lo dootato. **8** Vdwlo Herod Jisuni kaato kudw nw achialvbv  
himputo, ogulvgavbolo nw Jisu gv lvga nga tvvpato okv kvlo gv  
lokv ninya achialvbv kaanwngla dooto. Nw Jisu nyi lamrwpadubv  
mvnam rinam go kaanvpv vla dvminala dooto. **9** Vkvlgabv Herod  
Jisuni achialvbv tvula tvkato, vbvritola Jisu mirwk sima toku.  
**10** Nyibu butvnn vdww okv Pvbw tamsarnv vdww aanwk yayala  
Jisuni achialvbv gungnying lwkto. **11** Herod okv ninyigv sipai  
vdww Jisuni nyarjikaola mvrutto; vbw mvgrila bunu ninyi alvnv  
vji go pilwkto okv Pilot gylo vngkur motoku. **12** So gv alu lokv

Herod la Pilot bunyi ajin minsu toku; kvllo bunyi anyi hv nyiru minsito. **13** Pilot Nyibu butvnu vdwa, nyiga vdw, okv nyi vdwa gokkumto, **14** okv bunua minto, "Nonu so nyi sum ngoogvlo aagvpv, okv nw nyi vdwa rimur gvdu vla. Vjak, okv ngo nonugv kaaku so ninya jwngkadaka toku, okv ngo ninya nonugv minam gungnying akoka mapa yama. **15** Herod ka ninya rimur go mapa mato vkvlvgva nw ninya ngonu gvlo jikur duku. Ninyi mvkidubv rimur ako ka mapama. **16** Vklvlgabv ngo ninyi senyak pala mvrit mogvrila okv ninyi vngmu reku." **17** Vngbo dvmin pumja alu lori gv dwkia Pilot bunugv lvgabv patwklo tumla vnam nyi ako limu dukunv. **18** Nyipam lokv nyi mvnwngngv achialvbv gokla minto, "Ninya mvkito! ngonugv lvgabv Barabasnyi limu toku!" **19** Barabasnyi patwk tumla vvpvto Pamtv arwnglo yalung dula gwngrw gwkunam lvgabv. **20** Pilot Jisunyi limu dukubv mvngto, vkvlvgabv nw nyipam vdwa lvko alvbv mindvto. **21** Vbbritola bunu gokkorla minto, "Ninya Daapolo takkit! Ninya Daapolo takkit!" **22** Pilot bunua lvom nvbv minto, "Vbbritola nw ogu rimur go ripvla? Ngo ninya mvki dubv ogu ka rimur go mapa yama! Ngo ninya svnyak pala mvmu gvrla okv ninya topu reku." **23** Vbbritola bunu Jisunyi Daapo lo takki rungto ka vla bunugv gaam v gamtvyayabv gokbwngto, okv goknyung nga bunu gokjik toku. **24** Vklvlgabv Pilot bunugv mingkubv Jisunyi lvklin jitoku. **25** Nw bunugv koonam nyi yvvdw yalung dukulo gwngrw gwto la patwk tumnam angaka topu jitoku, okv nw Jisunyi bunu gvlo lalkwk jitoku bunugv mvngwngbv rimu dukubv vla. **26** Sipai vdwv Jisunyi vnggv toku, okv bunugv vngdungrilo, bunu Sairene lokv nyi ako aminv Saimon vnamgo mooku lokv pamtv bv aatv nvgo vngrwk sito. Bunu ninya naatungto, Daapo nga nw gvlo joopvto, okv nw bakla Jisu kochinglo vngming gydubv mvtoku. **27** Okv

nyi vdwv achialvbv twngtv bv ninyia vngming gvtoku; bunu lokv  
nyi kvgunv anvnyimv vdwv nw gv lvgabv kapnv okv dwknv vdwv.  
**28** Jisu bunua dakrwkto okv minto, “Jerusalem gv anvnyimv  
vdwa! Ngo gv lvgabv kapyo ka, vbvratola nonu atugv lvgabv  
okv nonugv kuu vdwgv lvga bvyaka. **29** Vkvnv alu v aariku  
vdwlo nyi vdwv minreku, ‘Vdwgo gamdak dukunv yvv anvnyimv  
vdwloma kuu dooka manv, yvvka anga bvngka manv, yvv bunua  
soocha manv!’ **30** V alu vna vdwlo nyi vdwv moodw ditv am  
minre, ‘Ngonua gjap labv!’ okv dichingnv vdwa, ‘Ngonua girum  
labv!’ **31** Vdwlo singnv ngv yajila leelak rilo vbv ritv kunv, vdwlo  
singku bolo ogubv rirekudw?’ **32** Rimurnv nyi anyi goka Jisu nyi  
lvkobv mvkidubv vla vnglin gvdvto. **33** Vdwlo bunu “Dumku”  
vnam mooku gulo aalwk tokudw hoka bunu Jisuni Daapo lo  
takki toku, okv rimurnv anyi aka, akonyi ninyigv laktik tangvlo  
okv akonyi ninyigv lakchi tangvlo. **34** Jisu minto, “Abu! bunugv  
rimur a mvngnga laka, bunu chima bunu ogugo ridudw.” Bunu  
ninyigv vji a amin chinkala baakminsuto **35** Nyi vdwv kaadung  
nyato vdwlo Jius nyi ringnv vdwgv ninyi nyarjikao mvri-hoka: “Nw  
kvbi ha ringdu; nw atubongv ringsu momuto nw Pwknyarnv  
gv gaknam Kristo ngvbolo!” **36** Sipai vdwvka ninyi nyarjikao  
dvto: bunu nw gvlo chaato okv ninyi opo vkv jito, **37** okv minto,  
“No Jius gv Dvby ngvbolo no atuv ringsu laka!” **38** Ninyigv aolo  
svbv lvkla vvpvto: “So si Jiu vdwgv Dvby ngv.” **39** Hoka daapolo  
takdala takpvnam nyi rimurnv akonv ninyia nyarjito: “No Kristo  
malare? No atuv ringsu tvka okv ngonua ka!” **40** Kvvbi akonv  
ninyi yama minto “No Pwknyarnvnyi busu malare? Nw gv  
rinam apiabv no ka paadu. **41** Ngonugv si rijik kv ogu lvga vbolo  
ngonu ogugo ripvdw um ngonu paadu; vbvratola nw ogu rimur  
goka rima.” **42** Okv nw Jisu nyi minto, “Ngam mvngpa labvka,

Jisu, vdwlo no Dvbw gubvrila aari kunyi!" **43** Jisu hum minto, "Ngoona milv jidunv selu gv lokv no nga lvkobv nyidomooku tolo doore." **44** Doonyi chaato bv ritoku ho doonyi v nyiku mato okv mooku mvnwngngv gumta aom go kanvla dootoku; **45** okv Pwknyarnv naam gv vji rvdala vvpv namv taknyi gubv takpin suto. **46** Jisu gamtv rungbv gokla kapto, "Abu! Noogv laak lo ngoogv yalu a laklwk dukunvl!" Nw vla minto okv sitoku. **47** Sipai nyigam angv ogugo ripvdw um kaatoku okv nw Pwknyarnvnyi hartvla minto, "Jvjbv nw alvnv nyi go!" **48** Vdwlo nyi vdwv hoka dookumnv vdwv ogugo ripv kudw kaanam dvdv nga kaatokula, bunu mvnwngngv naam bv vngtoku, mvngdwk laila bunugv hakwng a kisu nyato. **49** Yvvbunudw Jisu nyi nyidum tungnyibv chinto kudw, anvnyimv Galili lokv ninyi vngming gvnv vdwv, adulo daktola kaaria nyatoku. **50** Hoka Josep vnam nyi ako dooto nw Judia gv banggu, Arimatia lokv. Nw alvnv nyi go, mvngdwnam nyi go, nw Pwknyarnv gv Karv gv aanama kaayala doonvgo. Nw kvba baanv gv nyi ako bv rijvka, nw bunugv minbwk nama okv rinam a tolwk mingv mato. **52** Nw Pilot gv dookulo aato okv Jisu gv svma nga kooto. **53** Vbvrikunamv nw svma nga naalu toku, hum alvrungnv vji jebor v klap toku, okv um vlwnglo runglwknam nyibung svma lwkkw manam guloka joolwkla vvpv toku. **54** Ho alu v Gumpualu alu bv ritoku, okv Jius doonualu hv loorap tvvtoku. **55** Galili lokv anvnyimv Jisu nyi vngming gvnv vdwv Josepnyi lvkobv vngtoku okv nyibung nga okv Jisugv svma ayak a oguaingbv hoka lwkpvdw hum kaatoku. **56** Vbvrikunamv bunu naam bv vngkur toku okv nampunv vkv mvpvripv toku svma ayak gv lvgabv. Pvby gv minkubv, Jius doonu alu lo bunu doonu nyatoku.

**24** Vjwngalu gv arukamchi bv anvnyimv vdwv nyibung lo vngto, bunugv mvnam nampunv vkv bvngla ila. **2** Nyibung agv aaku vlwng nga ngora rodubv bunu kaapa toku, **3** vkvlgabv bunu arwnglo aatoku vbvritola bunu Ahtu Jisu gv svma nga kaapa kumato. **4** Bunu hum abwk kumabv hoka daktoku, lamdubv nyi anyigo achialvbv ungnv vji gvnv vkv bunu gylo daklwkt. **5** Anvnyimv vdwv, achialvbv busu laila bunu kwdilo guplwk toku, nyi anyiv anvnyimv vdwa svbv minto, "Turkunv nyi anga sinv vdwlo nonu ogubv kaakar dunv? **6** Nw si dooma; nw turrap roku. Galili lo nw gv riri hoka nonua ogugo nw minpvdw hum mvngpa toka: **7** 'Nyia Kuunyilo nga rimurnv nyi vdwgv laak lo laklwk reku, hum daapo lo takki reku, okv alu loum kochingbv turkur reku.'" **8** Vbvrikunamv anvnyimv vdwv nw gv minam a mvngpa toku, **9** nyibung lokv vngkur toku, okv ogumvnwngnga lvbwlaksu vring gola akin vdwa minpa toku okv kvvbi mvnwng haka. **10** Anvnyimv vdwv Meri Magdalene, Joana, okv Jems gv anv Meri; bunu okv bunua vngming gvnv kvvbi anvnyimv vdwvka ogu mvnwng sam apostol vdwa minpa toku. **11** Vbvritola apostol vdwv anvnyimv vdwgv minam si minamminsubv mindu nvgo vla mvngtoku, okv bunu anvnyimv vdwa mvngjwng mato. **12** Vbvritola Pitar dokrap toku okv nyibung bv joktoku; nw gublwk toku okv vji kvlap kvchap nvnv jebor a kaapa nyumtoku okv ogu ka kaama toku. Vbvrikunamv ogugo ripv kudw hum lamrw palaku nw naam bv vngkur toku. **13** Ho gv alu akin hoka Jisuni riming gvnv anyigo nampum aminv Emmaus vnamlo vngdubv vla vngdungto, hv Jerusalem lokv adu v kilomitar vring gola akin gubv rito, **14** Okv bunu ogugo ripv kudw ho mvnwng gv lvga nga raamisito. **15** Vbv bunu raami sula okv mimi surilo Jisu nyi atu v bunugv nvchilo aanwkto okv bunua lvkobv vngming gtvo; **16**

bunu ninyia kaato, vbvritola ninyia kaabwk mato. **17** Jisu bunua minto, "Ogugola, nonugv vngying dula raami svgv dvnammv?" Bunu mvngdwk dula, dakbwngto. **18** Bunugv lokv akonvgv aminv Kleopas vnam hv ninyia tvvkato, "No Jerusalem so kaalwkbv aanv vmwngre sogv lonyi loum sokv ogu rinama chima dunv?" **19** Nw tvvkato, "Ogu gula?" Bunu mirwkto, "Najaret lokv Jisunyi rinam mamnv," "So nyi angv si nyijwk go nw Pwknyarnv nyila okv nyi mvnwngnga mvngpu dubv rila, ninyigv rinam minam mvnwngngv jwksw doonv gubv okv kairungnv nyijwk gubvrila kaatam toku. **20** Ngonugv nyibu butvnv vdvv okv rigvdogvnn vdvv ninyia mvki tuku vla laklwk la lvklin jitoku, okv ninyi daapolo takki toku. **21** Okv ngonu ninyia Israel am ringlin laji kunv vla mvngtin nyato! hum mvnwng am mimaby, vbvrikunamv silu si alu loum dukunv. **22** Anvnyimv megonv ngonua lamrwpamupv; bunu doonyi nyika dubv nyibunglo vngto, **23** Vbvritola ninyigv svma nga kaapama. Bunu vngkorla mintoku bunu nyikrw bv nyidogingdung vdwa kaapvnn ho vdvv nw turkur pvkunv vla bunua mintam toku. **24** Ngonugv lokv megonv nyibunglo vngla kaanam v anvnyimv vdwgv minam rungbv kaapatoku, vbvritola bunu ninyia kaapa mato." **25** Vbvrikunamv Jisu bunua mintoku, "Vdwgo nonu pvcha dukunv, nyijwk vdwgv minam a nonu mvngjwng dubv tapv dunv! **26** Hv Kristo ninyigv yunglit lo aanam lvgabv hinching chingma svngvri?" **27** Okv Jisu ninyigv lvgabv Darwknv Kitap mvnwnglo Moses gv kitap lokv minrapla nyijwk vdwgv lvknam lobv minpv nama bunua minbwk jitoku. **28** Bunugv nampum vnglwkjiku gv nvchilo bunu vngrilo Jisu vbg ritoku nw adubv vngtv dvnv aingbv; **29** Vbvritola bunu ninyia mintung gvrila, minto, "Ngonua lvkobv doomwng gvlaka; alu v tungtv yanv vngro pvku okv si kany putv duku." Vkvlgabv nw doomwng

gvdubv vla bunua vngming gytoku. **30** Nw bunua lvkobv dvmwng  
gvdubv vla dootung toku, vtwng nga naatoku, okv bokta doolwk  
dubv minto; vbvrikunamv nw vtwng nga pintung toku okv bunua  
jitoku. **31** Vbvrikunamv bunugv nyik v nyiktar toku okv bunu  
ninyia kaachin toku, vbvritola nw bunugv kaaku lokv nyetoku.  
**32** Bunu mimisuto, "Lamtvlo nw gv ngonua gaam raarilo okv  
Darwknv kitap a minbwk jirilo ngonua vmv gunam jvby rimapvi?"  
**33** Bunu vjakgobv gudungto okv Jerusalem lo vngkur toku, hoka  
bunu lvbwlaksu vring gola akin a paami sutoku kvvbi vdwa lvkobv  
doobam sidubv **34** okv minto, "Ahtu jviv bv turrap rungpvku! Nw  
Saimon nyika kaarwk supv!" **35** Nyi anyiv lamtvlo ogugo ripv  
kudw hum bunua minpa jitoku, okv Ahtu gv vtwng nga pintung  
riko bunu oguaing bv kaachin pvkudw humka. **36** Vdwlo anyi gv  
sum mintam rilo, lamdubyv Jisu atubongv bunugv dookulo daklwk  
toku okv bunua minto, "Nonu gylo mvngpu v lvkobv doolaka." **37**  
Bunu achialvbv lamrwpatoku bunu vram go kaadunv vla mvngto.  
**38** Vbvritola nw bunua minto, "Nonu ogubv lamdunv? Ogubv so  
gv mvngjwng manamv nonugv haapoklo aapvnv? **39** Ngoogv  
lvpa okv ngoogy laak am kaatoka okv kaakato si ngo kuna.  
Ngam mvsit toka, okv nonu chinreku, nonugv ngam kaanam  
aingbv vram v adwnayak okv loobung gvma doonv." **40** Nw vby  
mintam toku okv nw gv lvpa okv nwgv laak am bunua kaatam  
toku. **41** Bunu vjaklodybv mvngjwng nyuma toku, bunu achialvbv  
mvngpubv okv lamrwpam bv ritoku; vkvlvgabv nw bunua  
tvkato, "Nonu so dvse go dooma lare?" **42** Bunu ninyia ngui  
nunv go jito, **43** hum nw naagvrila okv bunugv kaakulo dvtoku.  
**44** Vbvrikunamv nw bunua mintoku, "So gv sum ngoogy nonua  
lvkobv riri hoka minam v: ngoogy lvga mvnwngnga Moses gv  
Pvby lo lvkpv, nyijwk vdwgv lvknam loka okv mirimimpak minam

loka v jvjbv aarung jinv.” **45** Vbvrikunamv nw bunugv haapok a Darwknv Kitap a chimu dukubv mvkok toku, **46** okv bunua minto, “So svbv lvkpvnv: Kristo hingching chirungre okv alu loum kochinglo sinam lokv turrap reku, **47** okv ninyigv amin lokv mvngdin okv rimur a mvngnga kunamgv doin a Jerusalem lokv rirap laila, mooku mvnwnglo japgo reku. **48** Nonu kuna so vdw sum mingo yajikunv. **49** Okv ngo Atu v ngo Abu gv milv nama nonu gylo jilu jire. Vbvritola nonu pamtv lo kaayala doorung laka aotolokv jwkvw v nonu gylo aalwkma dvdvlobv.” **50** Vbvrikunamv nw bunua pamtv agum lo lingv toku Betani jebv adu lo, hoka nw ninyigv laak v idungto okv bunua boktalwkji toku. **51** Nw bunua aya jidung dvla, nw bunua vngyu toku okv nyidomooku bv naacha toku. **52** Bunu ninyia kumtoku okv Jerusalem bv vngkur toku, kairungbv mvngpu puingla, **53** okv bunugv rinam doonam mvnwngnga Pwknvyarnvnaam lo Pwknvyarnvnyi umbonyikv vla relwkdoowlwk toku.

# Jon

**1** Nyiamooku a pwklin madvbv, Gamcharge doocho toku; Gamchar v Pwknyarnv gv lvkobv dooto, okv Gamchar hv Pwknyarnvnyi akinnv. **2** Gamchar v doorap lokv Pwknyarnv gv lvkobv dooto. **3** Ninyigv lokv Pwknyarnv ogumvnwngnga pwklin to; pwknamyarnam mvnwng lokv ako daka ninya dooma mogvrila mvnam go kaama. **4** Gamchar v turnam gv linkubv rito, okv so turnam si nyi mvnwngnga loung naalwk jitoku. **5** Loung ngv kanv lo ungtu, okv kanv ngv hum vdwloka mvngit nyuma toku. **6** Pwknyarnv ninyigv gindungpingko nga vngmuto, ho nyi gv aminv Jon, **7** hv nyi vdwla loung gv lvkwngbv minji tvbv aatoku, vkvlvgavbolo mvnwngngv doin a tvgvrikula mvngjwng rungdukubv. **8** Hv atubongv loung mato; hv loung gv lvkwngbv minpa tvgvrikula aatoku. **9** So si jvjbv alvyachoknv loung ngv—Loung ngv nyiamooku lo aatoku okv nyi mvnwnglo ungtoku. **10** Gamchar v nyiamooku lo dootoku, okv ninyigv lokv Pwknyarnv ogumvnwngnga mvlin bvka, vbvrijvka nyia nyi vdwv ninya kaachin matoku. **11** Hv atugv mooku lo aatoku, vbvritola ninyigv nyi vdwv ninya naarwk sumato. **12** Megonv, ninya naarwk sutoku, okv ninya mvngjwng toku; vkvlvgabv hv bunua Pwknyarnv gv kuu bv ridubv tolwk toku. **13** Hv manv, bunu tanyi anvabu gv kuu bvngchwng lokv Pwknyarnv gv kuu bv rima; Pwknyarnv atubongv bunugv abu bv rito. **14** Gamchar v nyi gobv rilin toku okv jvjbv okv aya ngv yarbing nvgoqv rila, ngonugv dookurikulo doomingriming gvto. Ngonu ninyigv yunglit nama kaatoku, ninyigv Abu gv Kuunyilo hotum gubvrla yunglit nvgoqv paanam a. **15** Jon ninyigv lvkwngbv japjito. Hv kapla minto, “So si ngoogv minam v ngo vqv minto, ‘Hv ngoogv kochinglo aadu, vbvritola hv nga kaiyanv, ogulvgavbolo hv nga

bvngma dwbv doolin chonv.” **16** Hv aya gv yarbing kolokv hv  
ngonu mvnwngnga achialvbv ayato, ako jidv gv aolo aka jitamla  
bokta jidv toku. **17** Moses gv lokv Pwknyarnv Pvbv nga jito,  
vbvritola jvfv okv aya ngv Jisu Kristo gvlokv aatoku. **18** Yvvka  
Pwknyarnvnyi kaakw nvgo kaama. Kuunyilo mvngchik, Abu  
gylo doony, Pwknyarnvnyi akin kunv, hv bunua Pwknyarnvnyi  
chimu toku. **19** Jerusalem gv Jius rigvdakgvnv vdwv nyibu vkvla  
okv Lebait mego vngmuto, Jonnyi “No yvvla?” vla tvvka modubv.  
**20** Jon mirwk siji makv vmato, vbvritola pvbwnq vrwngbv minpok  
jitoku, svbv minto: “Ngo Kristo ma.” **21** Bunu tvkato, “Vbvrikunamv  
no yvvla? No Elija re?” “Ma, ngo ma,” Jon mirwkto. Bunu tvkato,  
“No Nyijwk vri?” Hv mirwkto, “Ma”. **22** “Vbvrikunamv ngonua  
minjilabv no yvvla,” bunu minto. “Ngonu ngonua kanamnv vdwa  
vngkur dukula mirwk jireku.” “No atubongv ogu vla minsu dunv?”  
**23** Jon Aijaya gv minam a mintaknvl mirwk sitoku: “Chukrimooku  
lo nyi aka gokdungdo ho vlv angv ngo: Ahtu gv lvgabv vngduby  
lamtv nga sorchi dubv mytoka!” **24** Gindungpingko vdwv, Parisis  
vdwgv vngmukunam vdwv, **25** vbvrikunamv Jonnyi tvkato,  
“No Kristo mabolo vmallo Elija vmaloka Nyijwk ngvma bolo, no  
ogubv Baptisma jidunv?” **26** Jon mirwkto, “Ngo nonua isi lokv  
Baptisma jidunv, vbvritola nonugv pingkolo nonugv chimanam  
nyi go daklinre. **27** Hv ngoogv kochinglo aadungdu, vbvritola ngo  
ninyigv lvkiam gv oso haka taasok yadubvka riyin yama.” **28** So  
mvnwng si Betani lo ritoku Jordan svko gv doonyi chaalin kiambv,  
Jon gv baptismal jidung kolo. **29** Alu loogu nvnga Jon Jisuni  
ninyi gvlo aadu bv kaagy rikula minto, “Hvvnv Pwknyarnv gv  
svlarkuu ngv nyiamooku gv rimur a naa jikunv! **30** So siinv  
ngoogv minamv, ‘Nyi go ngo kochingbv aadungdu, vbvritola hv  
nga kaiyany, ogulvgavbolo hv nga bvngma dwbv doolinchony.’

**31** Ngo chimato hv yvvdw, vbvritola ngo Israel nyi vdwa ninyia chimu dubv vla isi lokv baptisma jila aapvn." **32** Okv Jon so gv gaam sum minji toku: "Ngo nyido ao tolokv Darwknv Dow v taakw jvbv ritola nw gvlo jarlwkla doodubv kaatoku. **33** Hvkunyi vla vjaklodvbv ngo chima toku, vbvritola Pwknyyarnv, yvvdw nga isi lokv baptisma jidubv aamunv, hv nga svbv minto, 'No Dow a ila nyi ako gvlo doolwk dubv kaapare; ho nyi angv Darwknv Dow lokv baptisma jiji kunv.' **34** Um ngo kaatoku," Jon minto, "Okv ngo nonua minjidunv hv kunv Pwknyyarnv gv Kuunyilo ngv." **35** Alu loogu nvnga Jon ninyigv Lwbwlaksu anyia lvkobv hoka lvkodv dakdvto, **36** Vdwlo hv Jisuni hoka vngdubv kaapa tokudw hv minto, "Vnv Pwknyyarnv gv Svlarkuu ngv!" **37** Lwbwlaksu anyiv ninyia svbv mindubv tvvgvrikula Jisuni lvkobv vngming gvtoku. **38** Jisu dakur toku, okv bunua ninyia vngming gvdubv kaato, okv tvvkato, "Nonu ogugola kaadung dunv?" Bunu mirwkto, "Rabbi, no ogulo doodunv?" (Rabbi vnam si "Tamsarnv" vla minam v). **39** Hv mirwkto, "Aala kaatoka." (Vbvrikunamv ho doonyiv tabv laku api baji toku.) Vkvlgabv bunu ninyia vngming gvtoku okv ninyigv dooku a kaatoku, okv ho alu lo ninyia lvkobv doomwng gvtoku. **40** Bunugv lokv akonv Andriu, Saimon Pitar gv boru. **41** Vjakgobv ninyigv achi Saimonnyi kaapa toku okv ninyia minto, "Ngonu Messianyi paapvku." (So gv minam si "Kristo") **42** Vbvrikunamv hv Saimonnyi Jisu gvlo aagv toku. Jisu ninyia kaatoku okv minto, "No gv aminv Saimon Jon gv kuunyilo, vbvritola nam Kepas vla minreku." (So minam si Pitar vla minam a akin v, "Vlwng lvngrak vnammv.") **43** Alu loogu nvnga Jisu Galili lo vngdubv mvngtoku. Hv Pilipnyi kaapato okv ninyia minto, "Ngoogv lvkobv vngming gvlaak!" **44** Pilip Betsaida lokv, Pitar gvla Andriu gv dooku banggu akin gvngv. **45** Pilip

Natanael nyika kaapa toku okv ninyia minpa toku, "Ngonu Pvbv kitaplo Moses gv lvknam okv nyijwk vdwgv lvkpanam nyi anga paapvku. Hv Jisu Josep gv kuunyilo, Najareth lokv." **46** "Najareth lokv alvnv yikungyira ngv linla dunvdw?" vla Natanael tvkato. Pilip mirwkto, "Aato okv kaalak." **47** Vdwlo Jisu Natanaelnyi ninyi gylo aadukubv kaatokudw nyi ho gv lvgabv minto, "Siinv Israel nyi jvngv; ninyi gylo mvvnamrunam go kaama!" **48** Natanael ninyia tvkato, "No nga oguaingbv chimpvnv?" Jisu mirwkto, "Pilip gv nam gokma dwbv ngo nam koksitkokrik singnv kolv lo doodubv kaato." **49** Natanael mirwk sitoku, "Tamsarnv," "No kunyi Pwknyarnv gv Kuunyilo ngv! No Israel gv Dvbv ngvku!" **50** Jisu minto, "Nam ngo koksitkokrik singnv kolv lo kaapvvn vnam lokv no nga mvngjwng mvngdunvre? No sumka kaiyanv awgo kaapare!" **51** Okv nw bunua minto, "Ngo nonua jvJV nvnga minjidunv: nonu nyidomooku agi hv kokok dubv okv Pwknyarnv gv Gindungpingko ngv Nyia Kuunyilo gvlo ila chaala ridubv kaapare."

**2** Alu lonyi kochingbv Galili gv banggu Kana lo nyida go rito. Hoka Jisu gv Anv ngv dooto, **2** okv nyida hoka Jisu nyila okv ninyigv lvbwlaksu vdwa gokto. **3** Vdwlo anggor ala nga jinya pvkudw, Jisu gv anv ngv ninyia minto, "Bunu gvlo anggor ala kaakuma." **4** "Ogugo rise ngvdw no ngam mingkwng svgo kaama," Jisu mirwkto. "Ngo gv dw ngv vjak aatv madv." **5** Jisu gv Anv ngv pakbu vdwa minto, "Hv ogugo nonua minredw ritoka." **6** Jius vdvv pbvb doola arwanyu harkak nanvbw, hoka takam pvchwng vkv pwkv go dooto, pvchwng pwkinnv kai ngv isi laajok lvngbv go aaJinv vkv. **7** Jisu pakbu vdwa minto, "Pvchwng vdw soka isi lokv pwbing tvka." Bunu pvchwng lvnggung lo godubv pwbing to, **8** okv vbvrikunamv hv bunua minto, "Vjak isi kvgonyi

joklin gvrila nyida nga rigvnv nyi hum jitoka." Bunu isi a ninyi bvngji toku, **9** hv vjak anggor ala bv ritoku, okv nw hum tvngka toku. Hv anggor ala hv ogolokv aapvnvdw hum nw chimato (vbvritola, isi a joklinn Pakbu vdwv chinto); vklvgabv hv makbu rijinv anga goklwkt 10 okv minto, "Nyi mvnwngngv tvngpunv anggor ala alvyanv nga jicho dvnv yikv, okv nyen vdwgv tvnggu dubv tvngro kochingbvku, hv sarchik nvnga jidunv. Vbvritola nonu vjaklodvby anggor ala alvyachok nvnga doobwng mopv!" **11** Jisu so lamrwpadubv mvnam a Galili gv kana lo riturike bv rito; hoka hv ninyigv kai nama kaatam toku, okv ninyigv lvbwlaksu vdwv ninyi mvngjwng toku. **12** So kochingbv, Jisu okv ninyigv Anv, achiboru vdwv, okv ninyigv lvbwlaksu vdwv Kaparnaum bv vngtoku okv hoka lonyi loum go dootoku. **13** So si vngbokunam pumja ridvw nvchibv ritoku, vklvgabv Jisu Jerusalem bv vngtoku. **14** Hoka Pwknyarnvnaam arwng lo svv pioknv nyi, svlar, okv taakw, okv morko lwkmisinv vdwv tvbul lo doodubv hv kaapa toku. **15** Vklvgabv hv svnwngsvmin mvnwngnga bangngi lokv dvnggvrila Pwknyarnvnaam loka charlin toku, svlar okv svv vdwaka; hv morko lwknv vdwgv tvbulla ngora jito okv bunugv morko lokdwng ngv kaayak padubv mvtoku; **16** okv hv taakw pyoknv nyi vdwv minto, "Bunua sokv agumlo bvngroto! ngo abu gv naam a bajar mookubv mvku mabvka!" **17** Ninyigv lvbwlaksu vdwv mvngpa nyatoku Darwknv Kitaplo mindu, "Ho Pwknyarnv no gv naam ha ngoov mvngbiula kumnam si vmv jvbw gudu." **18** Jius nyi kainv vdwv Jisuni mirwkla tvuto, "No sum rila dunv vla ngonua ogu lamrwpnam go rila kaatamre?" **19** Jisu mirwkto, "So Pwknyarnvnaam sum toyak tvka okv ngo alu loum lo sum mvdi jiriku." **20** "No alu loum lo sum mvdi jitv dunvre? Vla bunu ninyia tvvkato. Sum Pwknyarnvnaam sum mvdubv anying champi

gola nyingkv gobv ripvnvi!“ 21 Vbvrilota Jisu gv Pwknyarnvnaam vnam si ninyigv ayakka minpvnv. 22 Vklvgabv vdwlo nw sinam lokv turkur tokudw, ninyigv lwbwlaksu vdwv nw sum minpvnv vla mvngpa toku, okv bunu Darwknv Kitap okv Jisu ogugo mimpvkudw hum mvngjwng toku. 23 Vngbodynam pumja lo Jisu gv Jerusalem lo doolwk dvla, ninyigv lamrwpadubv mvnam rinam a kaala awgo nyi vdwv ninyia mvngjwng toku. 24 Vbvrilota Jisu atubongv bunua mvngjwk matoku, ogulvgavbolo hv bunu mvnwngnga chintoku. 25 Hoka bunugv lvgabv yvvka ninyia minji sego kaamato, ogulvgavbolo bunugv haapok arwnglo ogugo doopvdw hum atuv chinsu toku.

**3** Hoka Jius vdwa rigvvn nyi go aminv Nikodemas vnamgo dooto, hv Parisis haalung lokv. 2 Ayu yupgolo hv Jisu gvlo vngto okv ninyia tvvkato, “Tamsarnv, ngonu chindu Pwknyarnv nam tamsarnvbv vla vngmupvnn. Yvvka no gv rinam vbv lamrwpadubv rinam a rinyu mare Pwknyarnv ngv ninyia lkvobv dooming gvma bolo.” 3 Jisu mirwksito, “Ngo nam jvjvbv mindunv; Lvnyibv kuu bvngdi kuma bolo yvvka Pwknyarnv gv Karv nga kaapa kumare.” 4 “Nyi ngv nyigabv rikunv oguaingbv bvngdi kodu kubv?” Nikodemas tvvkato. “Hv lkvobv bvngdi kodu kubv vla anv gv namam lo aala nyuku mare!” 5 “Ngo jvjvbv nam mindunv,” Jisu mirwkto. “Yvvka Pwknyarnv gv Karv lo vdwloka aanyu mare isi okv Darwknv Dow lokv bvnglin kuma dwdvlo. 6 Nyi v anvabu lokv bvngnam v nyi amarbv ridunv, vbvrilota Darwknv Dow lokv bvngnam v dow bv ridunv. 7 Ngo gv nonu mvnwngnga kuu bvngdi kolaka vnam a no lamrwpamabvka. 8 Doori v ogolo ridubv mvngdudw hoka ridu; nonu ho gv adua tvvpa nyumdo, vbvrilota nonuno chima v ogo lokv aapvnvdw okv ogolo vngdu nvdw. Dow lo kuu bvngnam v mvnwng v ho apiabv ridunv.” 9 Nikodemas

tvkato, "Si oguaingbv rinyu dunv?" **10** Jisu mirwkt, "No Israel  
gv kainv tamsar nvgobv ridu, vbrvitola no sum chima dunvre? **11**  
Ngo jyjbv nam mindunv: ngonu ogugo chindudw hum mindu  
okv ogugo kaadudw hum minpa jido, vbrvitola nonuno yvvka  
ngonugv doin a naarkw sinv kaama. **12** Vdwlo ngo nyiamooku gv  
lvgabv nam minji renyi no nga tvjwngmanv; oguaingbv no tvjwng  
dukubv vdwlo ngo nyidomooku gv lvgabv nam minji rikunyi?  
**13** Nyia Kuunyilo nyidomooku tolokv inv mvngchik, ho lvya  
yvvka nyidomooku ao tolo chaakwnv kaama." **14** Chukrimooku lo  
Moses gv daachwng tabwa svngtung ao golo timpvto, vbvdvdbv  
Nyia Kuunyilo ngamka aolo tempv rungre, **15** vkvlvgabv yvv  
mvnwngngv ninyi mvngjwng rikudw v turbwngnv singnam a  
paare. (aiōnios g166) **16** Pwknyarnv nyiamooku a achialvb pakla  
ninyigv Kuunyilo akin mvngchik a jitoku, vkvlvgabv yvvdw ninyia  
mvngjwng rinv v simare vbrvitola turbwngnv singnam a paare.  
(aiōnios g166) **17** Pwknyarnv ninyigv Kuunyilo nga nyiamooku so  
gv nyi vdwa jwngkadaka yanv gubv imu ma, vbrvitola ringyanv  
gubv imu pvn. **18** Yvvdw Kuunyilo nga mvngjwng rekunv bunua  
jwngkadaka kumare; vbrvitola yvbunudw mvngjwng marinv ho  
vdwa jwngkadaka roku, vkvlvgabv vbole hv bunu Pwknyarnv  
gv Kuunyilo akin a mvngjwng kuma. **19** Jwngkadaka ngv svbv  
rireku: loung ngv nyiamooku so aatoku, vbrvitola nyi vdvw  
loung nga kaiabay kany yanga mvngbiu yatoku, ogulvgavbolo  
bunugv rinam mvngnam v alvmatoku. **20** Yvvdw alvmanv nga  
ridunv hv loung nga kaanwng madunv, okv lounglo aamadunv,  
ogulvgavbolo ninyibunugv alvmabv rinam a kaatam nwngma  
dunv. **21** Vbrvitola yvvdw jyjv rungnv nga ridunv, hv lounglo  
aadunv, ninyibunugv Pwknyarnv gvlo mvnglwkaalwk bv rinam  
a kaatam dubv vla. **22** So kochingbv Jisu okv ninyigv lvbwlaksu

vdwv Judia mookubv vngtoku, hoka bunua lvkobv achukgo relwk tkula okv nyi vdwa baptisma naamu toku. **23** Hoka Jon ka Ainon nampum lo Salem vnam lokv adumako lo baptisma jidungla reto, ogulvgavbolo ho mooku hoka isi v kaigo dookunam lvgabv nyi vdwv Jon gylo baptisma jiku dubv vla aatoku, hv bunua hoka baptisma jitoku. **24** So si Jonnyi patwk lvkma dwbv ripvnv. **25** Jon gv lwbwlaksu megonv darpudvbv sokbwngnam lvkwngbv Jius nyi gonyi larmi surapto. **26** Vkvlgabv bunu Jon gylo vngtoku okv minto, "Tamsarnv, no mvngpa dukudw Jordan takdv gv doonyi chaaku kyamgv nam lvkobv rinv nyi, okv yvvgv lvgabv no mindudw? Alvdo, hv nyi vdwa baptisma jiduku okv nyi mvnwngngv hvkv gvlo vngdung duku!" **27** Jon mirwkt, "Yvvka ogugo doogv nyuma vdwlo Pwknyarnv hum ninyi jima dvdlv. **28** Nonu ngoogv minam ha tvnnvkaanv pingko nyi vdwv, ngo minto 'ngo Kristo ma, vbvritola ngam ninyia vngcho yamu pvnv.' **29** Nyimv nyamjibongv paapum gvjinv gvbv ridu; vbvritola paapumgvjinvvg ajin v, dakdula tvriany, himpu yadu vdwlo hv paapumgvjinvvg gaam a tvpa rikudw. Svbv dvdbv ngo atubogv mvngpuv punya dukunv. **30** Hv kaiyaya rungre, ngo miang yaya rungre." **31** Hv nyido mooku tolokv inv mvnwngnga kaiyadunv. Hv yvvdw Siching sokvdw Siching so gvbv ridunv okv Sichingmooku lvgabv mindu, vbvritola hv yvvdw nyido mooku tolokv idunv mvnwngnga kaiyanv. **32** Hv minpado ogugo hv kaapvdw okv tppvdw, vbvrijvka yvvka ninyigv doin ha torwk sinv kaama. **33** Vbvritola yvvdw ninyigv doin ha naarwk sidunv hv Pwknyarnv jyjv rungnv ngv vla chindu. **34** Yvvnyi Pwknyarnv vngmu pvdw hv Pwknyarnv gv gaam a mindu, ogulvgavbolo Pwknyarnv ninyigv Darwknv Dow ha ninyi gvlo jinya chekala jito. **35** Abu ninyigv Kuunyilo nga pakdu okv ogumvnwng nga ninyigv laak lo

jilwk toku. **36** Yvvdw Kuunyilo nga mvngjwng dunv turbwngnv singnam ha paare; yvvdw Kuunyilo gv minam ha tvvma dunv hv singnam a paamare, vbritola Pwknyarnv gv mvriririr jiku arwng lo doore. (aiōnios g166)

**4** Parisi vdwv Jisu Jonnyi kaiyabv nyi naalwkla okv baptist jidu vla tvvpato. **2** Minje jvbole Jisu atuv yvnyika baptismia jimato; ninyigv lvbwlaksu vdwv mvngchik jito. **3** Vkvlgabv vdwlo Jisu ogugo minpvdw tvvtoku, hv Judia nga vngyula okv Galili bv vngkur toku; **4** ninyigv vngku lamtv ngv Samaria bv vngpitla vngdubv rito. **5** Samaria lo Sikar vnam banggu lo hv aalwk toku, ho Jakop gv ninyigv kuu Josepnyi jinam rongo lokv adu mato. **6** Jakop gv isikua ngv hoka dooto, okv Jisu, moing vngkunamv anyu kuma toku, isi kua hoka dootungla doonu toku. Vbvre hoka alu lopo bv rito. **7** Samaritan nyimv gonv isi mego tokdubv hoka aato, okv Jisu ninya minto, “Nga isi tvngse go jilabv,” **8** Ninyigv lvbwlaksu vdwv dvnam rvvbw banggu lo vngyu roto. **9** Nyimv angv mirwksito, “No Jiu go, okv ngo Samaritan nyimv go—vkvlvgabv no oguaingbv nga tvngnamgu koodunv?” (Samaritan vdwgv dvnv tvngnv koobu okv bat vawa Jius vdwv dvnv tvngnv madunv.) **10** Jisu mirwksito, “No Pwknyarnv gv jinam a okv nam isi tvngse go koodudw ninya chinv guilo, no ninya koya dvnpv, okv hv nam turgvnv isi a jiri npv.” **11** Nyimv angv minto, “Tamsarnv, no isi toknvnv bvngma, okv isi kua ngv arwng chekwng do. Ogolo no turnvnv isi a paala dubv? **12** Si ngonugv abuapa Jakob gv ngonua isi kua jinammv; ninyi okv ninyigv kuunyilo, okv ninyigv sonam svnwngsvmin mvnwngngv soka tvngnya pvnv. No atuv Jakobnyi kaiyanv gubv minsu dunvre?” **13** Jisu mirwksito, “Yvvdw so gv isi a tvngdunv hv tvngnwng nwngkor reku, **14** Vbritola yvvdw ngoogv isi jinam ha

tvngdunv hv vdwloka tvngnwng nwngkor kumare, ngoogy ninyia  
isi jinammv ninyigv lvgabv isi boklin sinv aingbv rila ninyi singnam  
a turnam jinv isi gubv rire okv ninyi turbwngnv singnam a jire.”

(aiōn g165, aiōnios g166) 15 Nyimv angv ninyia minto, “Tamsarnv, ho  
isia ngam jilabkv! vbvrikubolo ngo vdwloka tvngnwng mvngkor  
kuma dukubv, okv soka isi tokbv aakwng kuma dukubv.” 16  
Jisu ninyia minto, “No vngyila no gv nyilua gokte kuka, okv  
aakur lakuka.” 17 Hv mirwkto, “Ngo nyilu guka kaama.” Jisu  
mirwk sutoku, “Noogv ngo nyilu kaama vla minam v no jvjbv  
mirungdo. 18 No nyi angu go nyilubv mvtoku, okv noogv vjak  
lvkobv doogvnam nyi angvka noogv nyilu jvjmva. No nga jvjbv  
minpa gvibv.” 19 Nyimv angv minto, “Tamsarnv, ngo kaanam v no  
nyijwk go,” 20 “Ngoogy Samaritan abuapa vdwv Pwknyarnvnyi  
so moodw so kumtojotoku, vbvritola nonu Jius vdwv Jerusalem v  
ngonugv Pwknyarnvnyi kumjijojiku mooku v vla mindo.” 21 Jisu  
ninyia minto, “Nyimv, nga mvngjwng tvka, vknv aluv aariku nyi  
vdwv Abuni so moodw sokaka kumnyajonya kumare vmal  
Jerusalem loka kumnyajonya kumare. 22 Nonu Samaritan vdwv  
jvjbv rungbv chima nonu yvnyi kumdujodu nvdw; vbvritola ngonu  
Jius vdwv chindu ngonu yvnyi kumdujodu nvdw, ogulvgavbolo  
so si Jius lokv ringlinbaalin v aadu. 23 Vbvritola aluv aariku  
okv vjak si doopv, Pwknyarnv gv Dow gv jwkrw lokv nyi vdwv  
Abuni jvjbv kumlajola, ninyigv mvnglwk kaalwkbv kumrejoreku.  
24 Pwknyarnv Dowbv ridunv, okv yvv ninyia kumdujodunv  
hv jvjbv rungbv okv dow bv kumlajola rirung sego.” 25 Nyimv  
angv ninyia minto, “Ngo chindu Kristo aariku, okv vdwlo hv  
aarikudw, hv ogumvnwng nga ngonua minbwk jireku.” 26 Jisu  
mirwk sutoku, “Hv dv ngo mabv, nam lvkobv raamisidunv.” 27  
Vbvrile hoka Jisu gv lvbwlaksu vdwv aakur toku, okv bunu ninyia

nyimv gonyi raami sudubv kaala kairungbv lamrwpanya toku.  
Vbbritola bunugv lokv yvvka nyimv anga "No ogugo mvngdu?"  
Vla minv kaamato, vmalo Jisu nyika "No ogubv nyimv anga raami  
sudunv?" vla tvvka nvgoka kaamato. **28** Vbrikunamv nyimv  
angv isi pvchwng nga kayupila, banggubv vngkur toku, okv  
hoka nyi vdwa mintoku, **29** "Aato okv nyi anga kaakwto ngoogv  
ogugo rikunam mvnwngnga minpa nvgo. Kristo vnammv v bri?"  
**30** Vkvlgabv bunu banggu a kayupila okv Jisu gvlo vngtoku.  
**31** Vbvidung rilo lvbwlaksu vdwv Jisunyi dinchi rungbv minto,  
"Tamsarnv, dvnam go dvlakv!" **32** Vbbritola hv mirwkt, "Ngoogvlo  
nonugv chimanam dvnam v doodu." **33** Vkvlgabv lvbwlaksu  
vdwv bunugv aralo tvka minsunyato "Nyi gunv ninzia dvnamgu  
bvnglwk jipv nvgu bri?" **34** Jisu bunua minto, "Ngoogv dvnam  
hv Pwknyarnv gv mvngkubv rinam angv nw ngam vngmunv  
okv ngo ninygiv rimidubv jinam ha rirungre. **35** Nonu mimbwng  
namgo doodu, 'Poolu pwpi go doodvdv aam nvdww'vla. Vbbritola  
ngo nonua mindunv, rongo nga alvbv kaatoka; rongo gv aam hv  
nginduku okv nvdubv riduku! **36** Yvvnyiv aam nvpvdw nvvjo  
nga paadu okv turbwng gvnv dubv nvcchingla vvpvdu, ho hv  
lwwlk nvla nvcchingnv lvkobv himpu pubam dubv vla. (*aiōnios*  
**g166**) **37** 'Nyi akonv lvriare nyi akonv nvcching riare' vnam si  
jvjv rungdo. **38** Ngo nonugv rongo nyingma kolo nonua aam  
nvdubv vngmuto; kvvbi vdwv hoka nyingdu okv nonuno boksi  
paayadu." **39** Achialvnv Samaritan nyi vdwv Jisu nyi mvngjwng  
toku ogulvgavbolo nyimv angv minto, "Ngoogv ogumvnwng riku  
nama hv ngam minpa toku." **40** Vkvlgabv vdwlo Samaritan  
vdwv hv golo aatokudw bunu ninzia dinchi rungbv minto bunua  
lvkobv dooming gvdubv, okv Jisu hoka alu lonyi go dootoku. **41**  
Achialv nyi go ninzia mvngjwng toku ninygiv doin a tvgvrila. **42**

Okv bunu nyimv anga mintoku, "Ngonu vjak mvngjwng dukunv, noogv minam lokvma, ngonu atuv ninyi gvlo tvvnam lokv okv ngonu chinduku jyjbv hv nyiamooku gv Ringnvbaanv gorung."

**43** Hoka alu lonyi go dooro kochingbv, Jisu vngraplaku okv Galili bv vngtoku. **44** Hv atubongv minsuto, "Nyijwk ka atubogy mooku lo mvngdv madunv." **45** Vdwlo hv Galili lo vngchi tokudw, nyi vdvv ninyia alvrungbv aamu toku, ogulvgavbolo bunu Jerusalem lo vngbo pumja hoka vngtoku okv ho pumja hoka bunu ninyigv rinam mvnwngnnga kaatoku. **46** Vbvrikunamv Jisu Galili gv Kana nampum lo vngkur toku, ninyigv isi ha anggor ala bv mvku hoka. Sorkari nyigam go hoka dotoo ninyigv kuunyilo ngv Kaparnaum lo lvvma toku. **47** Vdwlo hv Jisu Judia lokv Galili lo aapv vla tvpa pvkudw, hv Jisu gvlo aala okv ninyia tvvkato Kaparnaum bv vngla ninyigv kuunyilo sida svngv bv rinv nga mvpu jilabv vla dinchi rungbv minto. **48** Jisu ninyia minto, "Nonu, yvvka mvngjwng mare vdwlo nonu kaasartabo okv lamrwpnam go kaama dvdvlo." **49** Nyigam angv mirwkto, "Tamsarnv, nga lvkobv vngming gvcholabv ngoogv kuunyilo ngv sitv madvlo." **50** Jisu ninyia minto, "Vngnyila, no gv kuunyilo ngv turriku!" Nyi angv Jisu gv minam a mvngjwngto okv vngtoku. **51** Ninyigv nampum lamtv hoka ninyigv pakbu vdvv ninyia kaarwksula yunying nga gvjito, "No gv kuunyilo ngv turduku!" **52** Hv bunua tvvkato vdwlol a ninyigv kuunyilo ngv alvyakunamv, okv bunu mirwkto, "Doonyi hv chaanyala tabv rilo tamiramhv ninyia liu toku." **53** Vbvrikunamv abu angv mvngpa toku, ho dw lo Jisu gv ninyia "No gv kuunyilo ngv turriku," vla mindwbv ritoku. Vkvlgabv hv la okv ninyigv nyimv kuu vdvv mvngjwng nyatoku. **54** Judia lokv Galili bv aaro kochingbv si Jisu lvnyi naabv lamrwpadubv rila kaatam namv.

**5** So kochingbv, Jisu dormo pumja lvgabv Jerusalem bv vngtoku.  
**2** Jerusalem gv svlar agi nvchilo svpar pargo doto taabio angu  
goka doto; Hebru gaam bv um Betjata vla minto. **3** Lvvmanv  
nyipam go taabio lo karpv nyato—nyikchingnv, lvpiknv, okv  
digwngnv. Bunu isi gv binam a kayala doto, **4** ogulvgavbolo  
nyido gindung ngv idw dwkibv ila isi a bidubv mvto. Vbv isi v birap  
rinyi yvvdw hoka poklwk chodunv hv ogugo lvvma go gypvdw  
poya dukunv. **5** Hoka nyi ako anying chaam gola nyingpinw go  
lvmala doonvgo doto. **6** Jisu nyi anga hoka doodubv kaatoku,  
okv hv chintoku nyi angv vkvjegu kaibv lvmala doopv nvgo vla;  
vkvlvgabv hv ninya tvvkato, “No chrvv kunvpv mvngdure?” **7**  
Lvvmanv nyi angv mirwksito, “Tamsarnv, vdwlo svpar bolokv isi v  
birinyi ngam bolo dvlwk jinv nyi go doyama; vdwlo ngo gilwk  
dubv ritv rinyi, nyigonv gilwk choyado.” **8** Jisu ninya minto,  
“Gudung tokuka, noogy doopikarpi nvnv nga naarap tokuka,  
okv vngkar tokuka.” **9** Vjakgobv nyi angv alvtoku; hv ninyigv  
karpi nvnv nga naarap toku okv vngkar raptoku. Vbvriri aluv Jius  
Doonualu bv ritoku, **10** Vkvlgabv Jius nyi rigvnn vdwv poyakunv  
nyi anga mintoku, “Sili Jius Doonualuv, okv noogy karpiu nvnv  
nga baknam si ngonugv Pvbv nga rining do.” **11** Hv mirwkti,  
“Ngam mvpunv nyi angv ngam karpiu nvnv nga naarapla vngto  
kuka vla minto.” **12** Bunu ninya tvvkato, “Nam sum ritokv vla  
minv nyi angv yvvla?” **13** Vbvrilola mvpunam nyi angv Jisu yvvdw  
um chimato, hoka nyi nyipam go doto, okv Jisu nyipam lokv  
vnglintoku. **14** Ayungjvma nga, Jisu nyi anga Pwknyarnvnaam  
lo kaapa toku okv minto, “Tvvtoka, no alvrungpvku; vkvlvgabv  
rimur kumabyka vmalo alvmanv ngv nam rijila.” **15** Vbvrlikunamv  
nyi angv vngtoku okv Jius nyi rigvnn vdwa minpa toku ninya  
mvpunv nyi angv Jisu kv vla. **16** Vkvlgabv burnu Jisunyi alvmabv

rirap toku, ogulvgavbolo bunugv Jius Doonualu lo hv nyi anga  
mvpv jinam lvgabv. **17** Jisu bunua mirwkto, "Ngoogv Abu alu  
lokia nyingdunv, okv ngooka nyingrung jinv." **18** So minam  
si Jius nyi vdwa kaiyayabv ninyia mvkidubv mvngmuto; Jius  
doonualu gv Pvbv nga myyakmvchak mvngma, vbvritola hv minto  
Pwknvyarnvnyi atugv Abu vkv okv svbv hv atuv Pwknvyarnvnyi  
karingching dubv minsuto. **19** Vkvlgabv Jisu bunua mirwksito,  
"Ngo nonua jvfv nga minjidu: Kuunyilo ngv hv atuv oguguka  
rinyuma; hv ninyigv Abu gv rinam a kaagvrila rimwngdunv. Abu  
ogugo ridudw, Kuunyilo ngvka ridu. **20** Abu Kuunyilo nga pakdu  
okv ninyia ninyigv rinam mvnwngnga kaatamu. Hv ninya sum  
kaiyabv ridubv, okv nonu mvnwngngv mvngngak reku. **21** Abu  
gv nyi sinv nga turkur moduku okv singnam a bunua jidu, vkv  
apiabv Kuunyilo ngvka ninyigv mvngkubv bunua singnam a jidu.  
**22** Abu yvvnyika jwngkadaka madu. Hv ninyigv Kuunyilo nga  
ogumvnwng nga jwngkadaka dubv jito, **23** Abunyi mvnwngngv  
mvngdvnam aingbv, Kuunyilo ngaaka mvngdv dubv. Yvvdw  
Kuunyilo nga mvngdv madunv hv ninya vngmunv Abu nyika  
mvngdv madunv." **24** "Ngo nonua jvfv nga minjidunv: yvvdw  
ngoogv gaam ha tvvdunv okv ngam imu nvnyi mvngjwng dunv hv  
torbwngnama paariku. Hv jwngkadaka lo domare ogulvgavbolo  
hv sinam loka vngbola turnamlo aapv kunv. (aiōnios g166) **25**  
Ngo nonua jvfv nga minjidunv: dw ngv aadungduku—dw ngv  
aaropvku—vdwl sinv vdwv Pwknvyarnv gv Kuunyilo gv gaam a  
tvppare, okv yvvbunudw um tvppa rinv hv turnamlo aariku. **26**  
Abunyi atuv turnam gv kolv ngv, vbvdvdbv ninyigv Kuunyilo  
nga turnam gv kolv gubv mvpkunv. **27** Hv Kuunyilo gvbv  
alvpoma nga jwngkadaka nvnv ngaaka jipv, ogulvgavrinyi hv  
Nyia Kuunyilo ngv. **28** Nonu sum lamrwpagy mabvka, sinv

mvnwngngv ninyigv gaam a tvvpadwv aariku **29** okv bunugv nyibung vdwlokv linreku: yvzbunudw alvbv rikunv vdww gudungla okv turreku, okv yvzbunudw alvmanv nga rikunv vdww gudungre okv darra koore.” **30** “Ngo atuv oguguka rinyuma, Pwknyarnv gv minam mvngchik a ngo makardu, vklvgabv ngoogv makarnamv jvjdu, ogulgavbolo ngo atuv alvnam lvgabv ritvma, vbritola ngam vngmunv mvngchik gv mvnggiabv rijire.” **31** “Ngo ngo atubogv lkwngbv minjidunv bolo, ogugo mindudw hv torwk sunam jyjv gubv rilin Jimare. **32** Vbritola ngoogv lkwng nga minji nvgo akin go doodu okv ngo chindu hv ogugo ngo lkwngbv minam dvdv ngv jyjvngv. **33** Jon ho angv yvv gylo nonu nonugv gindungpingko nga vngmu pvdw, okv hv jyjvgv lkwng nga jajito. **34** So si vBVma, ngo nyi mirianv ako doodu vla, ngo sum mimwngdunv nonua ringnam vdwa paamu dubv. **35** Jon mvru aingbv rito, guto okv ungkato, okv nonu ninyigv lounglo dw achukgo himpu karnvpv vla mvngdungto. **36** Vbritola ngo atubogv lokv minse risego doodu so si Jon gv minam vdwaka kaiyanv go: ngo ogugo ridudw, ho hv, ngo Abu gv ngam ridubv jinammv so vdw si ngogvbv miriadu okv Abu ngam vngmupvnv vla kaatamdu. **37** Okv Abu, yvvdw ngam vngmunv, ngoogv lkwng ngaaka minjidu. Nonu ninyigv gaam ha vdwloka tvkwma vmalu ninyigv nyukmu aka kaakwma, **38** okv nonu ninyigv doin a nonugv haapok lo vvpvma, okv nonu nw gv vngmunam angaka mvngjwngma. **39** Nonu Darwknv Kitap vdwa puri rido, ogulgavbolo nonu mvngdo bunu gylo turbwng nama paare vla. Okv si Darwknv Kitaplo ngoogv lkwngbv mindu! (*aiōnios*  
**g166**) **40** Vbrijvka nonuno turnam paanam lvgabv ngoogvlo aanvpv vla mvngma.” **41** “Ngo nyia vdwgv hartvnama makar madunv. **42** Vbritola ngo chindu nonu oguaingnv nyi gudw, okv

ngo chindu nonugv haapok lo Pwknyarnv gv lvgabv aya namgo dooma. **43** Ngo Abu gv jwkrw ha lvkobv aagv pvnv, vbrvitola nonuno nga torwk suma; vdwlo, vbvrijvka, kvvbi akonv ninyigv atugv jwkrw ha lvkobv aagv nama, nonu um torwk sure. **44** Nonu akonv akonvnga hارت minsu nama mvngbiu do, vbrvitola nonu Pwknyarnv akin mvngchik lokv hartvnama paanvpv vla rikwma; vbvrikunamv, oguaingbv nonu nga mvngjwng nyudubv?  
**45** Vbvrijvka, mvngma bvka, Pwknyarnv gvlo ngo nonua gungnying lwkji bongv vla. Moses nonugv mvnggingla dvmin kunam, hv nonua gungnying lwkji bongv. **46** Nonuno Mosesnyi jvjbv mvngjwng doonv guilo, nonu ngaaka mvngjwng doore, ogulvgavbolo hv ngoogv lvkwngbv lvkpvt. **47** Vbrvitola hv ogugo lvkpvdw um nonuno mvngjwng manv ngv, oguaingbv ngoogv minam a nonu mvngjwng nyudubv?"

**6** So kochingbv, Jisu Galili Sspar vmal, Tiberias Sspar vlaka minam a vngbola vngtoku. **2** Nyi nyipam twngtv nvgo ninyia vngming gtvo, ogulvgavbolo bunu ninyigv lvmann vdwa lamrwpadubv mvpuripu nama kaatoku. **3** Jisu moodw gulo chaatoku okv ninyigv lwbwlaksu vdwa lvkobv dootung toku. **4** Vngbokunam Pumja ridw v nvchi toku. **5** Jisu kaitkarla kaato okv nyipam v nw gvlo aadungdubv kaapato, vklvgabv nw Pilipnyi tvvkato, "Ngonu so nyi vdw sum dvgu dubv dvmunam lvgabv ogolo dvnam rvpa nyuredw?" **6** Hv svbv minam si Pilipnyi tvka rungbv minto; minjvjbolo hv chincho suto ogugo hv rise ngvdw. **7** Pilip mirkto, "Nyichar mvnwngnga achukgo dvmu dajvka, so si lokdwng lvngnyi go dinchirungre dvgudvbv dvnam rvvdubv." **8** Ninyigv lwbwlaksu akonv, Andriu, Saimon Pitar gv boru bv rinv, angv minto, **9** "Olo vka vmi ako vtwn tangu go okv ngui nvnyi go gvnvg doopv. Vbrvitola hv so nyi mvnwng gv lvgabv chirung

mare." **10** Jisu bunua minto, "Nyi vdwa dootung dubv mvtoka," (Hoka achialvgo nvmwng ngv dooto.) Vkvlgabv nyi mvnwngngv dootung nyatoku; hoka ho nyiga dvdv ngv hejar angu gubv ritoku. **11** Jisu vtwng nga naato, okv Pwknyarnvnyi umbonyikv vto, okv hoka doonv nyi vdwa ortoku. Nw ngui haka vbvdvdbv mvto, okv bunu mvnwngngv vdwgo dvla pkudw dgubv dubv dvtoku. **12** Vdwlo bunu mvnwngngv dvji dubv dyto kudw, nw ninyigv lwbwlaksu vdwa minto, "Dvlv nga naakumto; akoka ornam orsubv ora momabyju." **13** Vkvlgabv bunu vtwng tangu nyi vdwgv dvkunam lokv dvtung dvngo dvlv mvnwngnga paapi vrng gola anyigo naakum toku. **14** Jisu gv svbv lamrwanam rila kaatam nama kaala hoka nyi vdww minto, "So si jvjbv Nyijwk gurung Sichingmooku so aakujinv akonv!" **15** Bunu ninyia naatungla Dvbv bv mvlilala tvdu vla Jisu chintoku; vkvlgabv nw atubongv moodw vdwby vngyu toku. **16** Vdwlo arium tokudw, Jisu gv lwbwlaksu vdww svpar lo ilwk toku, **17** svpw gulo aalwk toku, okv svpar lo Kaparnaum kiambv vngkorla vngtoku. Arium kanv toku, okv Jisu vjaklodvbv bunu gvlo aatv madvto. **18** Vbvrikunamv kainv doori go rilwkto okv isi a kiokduby mvtoku. **19** Lwbwlaksu vdww svpwa dula lvtw angu vmalo akv gubv dulwk toku vdwlo bunu Jisunyi isi aolo vngdung dubv, svpw nvchilo aadung dubv kaapa toku, okv bunu busu nyatoku. **20** Jisu bunua minto, "Nonuno busu mabvka, si ngo sumabv!" **21** Vbvrikunamv bunu mvngpula ninyia svpw arwnglo aamu toku okv svpw lo bunugv vnglwkjiku mooku lo baapubv vngchi nyatoku. **22** Logo nvnga nyipam v svpar takdv gonvby doonv vdww oloka svpw ngv akin gumwng vla mvngdi nyatoku. Bunu Jisunyi ninyigv lwbwlaksu lvkobv vngma, vblrivola bunu ninyia kayupila vngyu ropvku vla chintoku. **23** Kvvbi svpw vdwy, Tiberias lokv, Jisu gv vtwng

nga umbonyikv vro kochingbv nyi vdwa dvmuku mooku nvchi  
gv isi adarlo aakum nyatoku. **24** Vdwlo nyipam v Jisu hoka  
dooma, ninyigv lgbwlaksu vdwvka dooma vla kaato kudw, bunu  
ho svpw vdw ho aanyatoku okv ninya kaakarla Kaparnaumbv  
vnngtoku. **25** Vdwlo nyi vdwv Jisunyi svpar gv takdv gunvlo  
kaapa tokudw, bunu ninya tvvkato, "Tamsarnv, vdwlo no so  
aapvnv?" **26** Jisu mirwsito, "Ngo nonua jvfv nga minpa jidunv:  
nonuno ngam makardu ogulvgavbolo nonu vtwng nga dvla okv  
nonugv mvngnam a dvkunam lvgalo, ngoogy lamrwpnam rinam  
a chinam lokvma. **27** Alvmanv gubv rijinv dvnam lvgabv rima  
bvka, vmabvya turbwngla svngya jinv dvnam lvgabv rilaka. So  
siinv Nyia Kuunyilo gv nonua dvnam jiji namv, ogulvgavbolo  
Pwknyarnv Abu ninya alvnvgobv tolwk laku mvu pvkunv."

(aiōnios g166) **28** Vkvlgabv bunu ninya tvvkato, "Pwknyarnv gv  
mvnglwkbv rinam lvgabv ngonu ogugo rila sego bri?" **29** Jisu  
mirwsito, "Pwknyarnv gv nonua ritokv vla mvngnamv si ninyigv  
vngmunam anga mvngjwng laka vla." **30** Bunu mirwsito, "Ogu  
lamrwpnam go no rila kaatam dubv ngonu um kaagvrila nam  
mvngjwng dubv? No ogugo ridubv? **31** Ngonugv abuapa vdwv  
chukrimooku lo manna nga dvto Darwknv Kitaplo minam aingbv,  
'Hv nyido mooku tolkov vtwng nga jito dvmu dubv.'" **32** "Ngo  
nonua jvfv nga minjidunv," Jisu minto, "Moses nonua ogugo jipv  
kudw hv nyidomooku tolkov vtwng ma; so si ngoogy Abu nonua  
nyidomooku tolkov vtwng loda jenga jinv. **33** Pwknyarnv gv  
vtwng jinammv hv yvvdw nyidomooku tolkov inv okv nyiamookua  
turnam jidu." **34** Bunu ninya kooto, "Tamsarnv, so gv dvnam a  
ngonua lokia jilabv." **35** Jisu bunua mintoku, "Ngo kunv turnam  
gv vtwng ngv, yvvdw ngoogvlo aadunv vdwloka kano kumare;  
yvvdw ngam mvngjwng dunv vdwloka tvngnwng kumare. **36** Vjak,

ngo nonua mindunv nonuno ngam kaaroku vbkritola mvngjwng  
mare. 37 Nyichar mvnwngnga yvvnyi ngo Abu ngam jidu kudw  
ngogylo aareku. Ngo vdwloka ngogylo aanv nga dakkurla  
vngyu mare, 38 ogulgavbolo ngo nyidomooku tolokv inam  
hv ngo atugv mvngwngbv ridu bvma vbkritola ngam vngmunv  
ninyigv mvngnambv ridubv. 39 Okv so si ngam vngmunv ninyigv  
mvngnamv ngo ninyigv jinam mvnwng loka akonyika ngoomu  
marung dubv, vbkritola ngo bunua ataranya alulo bunua turrap  
modukubv. 40 Ngo Abu gv mvngnam v Kuunyilo nga kaanv  
mvnwngngv okv ninyia mvngjwngnv vdwv turbwngnv singnam  
ha paadubv. Okv ngo bunua ataranya alu lo turmu dukubv.”  
**(aiōnios g166)** 41 Nyi vdwv ninyia bvdung-bvdungbv japnyato,  
ogulgavbolo hv minto “Ngo nyidomooku tolokv vtwng inv ngv.”  
42 Vkvlgabv bunu minto, “So nyi si Jisu, Josep gv kuunyilo  
ngv, hv mari? Ngonu ninyigv abu nyila okv anvnyi chindu,  
vbvrikunamv vjak oguaingbv hv mindunvdw ngo nyidomooku  
tolokv ipvn vla?” 43 Jisu mirwksito, “Nonugv pingkolo bvdung-  
bvdungbv mimabvka. 44 Yvvka ngoogylo aanyu mare vdwlo  
ngam vngmunv Abu ninyia ngoogylo naalwk jima redw; okv ngo  
ninya ataranya alulo turrap moreku. 45 Nyijwk vdwv lwkgapto,  
‘Mvnwgnga Pwknyarnv tamsarto.’ Yvvdw Abunyi tvgap dunv  
okv ninyi gvlo chindunv ngoogylo aadunv. 46 So si vBV minam  
angvma nyi gunv Abunyi kaapv nvgo vla; hv yvvdw Pwknyarnv  
lokv aapvnb hv mvngchik Pwknyarnvnyi kaanv ngv. 47 Ngo  
nonua jviv nga minjidunv: yvvdw mvngjwng dunv hv turbwngnv  
singnam a paapv kunv. **(aiōnios g166)** 48 Ngo kunv turnam gv  
vtwng ngv. 49 Nonugv abuapa vdwv chukrimooku lo manna nga  
dvto, vbkritola bunu siroku. 50 Vbkritola nyidomooku tolokv inv  
vtwng ngv vbvridu um dvnv ngv simare. 51 Ngo turnv vtwng

ngv nyidomooku tolokv ipvnv. Yvvdw so vtwng sum dvbolo, hv turbwngla singre. Ngoogv ninyia vtwng jiji namv ngoogv ayak v um ngo jidu ogulvgavbolo nyiamooku hv singdu kubv." (aiōn g165)

52 Si bunugv apumlo haachila larrap minsunam gubv rito. Bunu tvka minsuto, "Oguasingbv so nyi si ninyigv ayakka ngonua dvmudubv vla jila nyuridw?" 53 Jisu bunua minto, "Ngo jvfv nga nonua minjidunv: nonu vdwlo nyia Kuunyilo gv ayakka dvma redw okv ninyigv oyi ha tvngma redw nonu atubongv turnama paamare. 54 Yvvdw ngoogv ayakka dvridw okv ngoogv oyi ha tvnggridw turbwngnv singnam ha paare, okv ataranya alulo ngo ninyia turrap moriku. (aiōnios g166) 55 Ogulvgavbolo ngoogv ayak v dvnam jvfv ngv; ngoogv oyi si tvngnam jvfv ngv. 56 Yvvdw ngoogv ayak ha dvduuv okv ngoogv oyi ha tvngdunv ngoogvlo doodunv, okv ngo ninyi gvlo doodunv. 57 Turbwngnv Abu ngam vngmuto, okv ninyigv lokv ngo ka turdunv. Ho apaiabv yvvdw ngoogv ayak ha dvduuv hv ngo gvlokv turbwngla doore.

58 Vbvrirkunamv, si, nyidomooku tolokv inv vtwng ngv; so si nonugv abuapa vdwgv vtwng dvnam aingma, vbvritolka koching so sitoku. Yvvdw so vtwng sung dvredw hv turbwngla svngre."

(aiōn g165) 59 Jisu sum Kaparnaum lo Jius kumkunaamlo ninyigv tamsar sarnam jvfv minto. 60 Ninyigv rigvnam nyi achialvgo sum tvvpa toku okv minto, "So tamsarnam si achialvbv rinyu manamgo. Yvv sum tvvria nyudubv?" 61 Minpanvgo kaamajeka, Jisu chinto bunu soogv lvga nga bvdung-bvdungbv larmisidu nvgo vla vklvlgabv hv bunua minto, "So si nonua topu monwng dubv mvdu nvgo lare? 62 Vbvrirkunamv, nonu nyia Kuunyilo nga ninyigv kvlo doochoku mooku tolo chaakor dukubv kaanam gubv rikubolo? 63 Turnam ogugo jinv si Pwknyarnv gv Dow ngv; nyi gv jwkrw si vdwloka ogu mvnwng loka rinv nyuma. Ngoogv

nonua gamchar minam vdwv turnam naalwk jinv Pwknyarnv gv Dow ngy. **64** Vbvrilola nonu megonv mvngjwngma." (Jisu atoklok chinchoto bunugv lokv yvvdw mvngjwng majinv okv yvvdw ninya koa kujinv.) **65** Okv hv mindvto, "So siinv anyung ngy ngo nonua mintoku vdwlo Abu ninya vbv rinyu dubv mvvma dvdvlo yvvka ngoogvlo aanyu mare." **66** Vbv minam lvkwngbv, Jisu gv rigvnam achialvgvo vngkur nyatoku okv ninya lvkoka vngming gvkuma. **67** Vkvlgabv ninyigv lvbwlaksu vring gola anyi vdwa tvvkato, "Okv nonu—nonu ka topu duku bri?" **68** Saimon Pitar ninya mirwksito, "Ahtu vvbolo ngonu yvnyi vngming gvdu kubv? Turbwngnv singnam a jinv gamchar v no gvlo doodu. (aiōnios g166) **69** Okv ngonu vjak mvngjwngdu okv chindu no darwk mvngchiknv Pwknyarnv gylokv aanv." **70** Jisu mirwksito, "Ngo nonu vring gola anyia darpvnv, ngo darmare? Vbvrilola nonugv lokv akonv uyudvbw go!" **71** Hv Judas gv lvkwng nga minto, Saimon Iskeriot gv kuunyilo. Judas, lvbwlaksu vring gola anyi lokv jeka, Jisuni koa tvduku.

**7** So kochingbv, Jisu Galili bv vngkarto; hv Judia lo vngkar nwngma toku, ogulvgavbolo Jius nyi kainv vdwv hoka ninya mvki dubv mvngnyato. **2** Rongonampo pumja ridvw nvchi toku, **3** vkvlgabv Jisu gv boru vdwv ninya minto, "So mooku sam kayupila okv Judia bv vngtoka, ogulvgavbolo nam reming gvnv nyi vdwv no ogugo ridudw kaamu dubv. **4** Hv ogugo ridudw alvrungbv chimu nvpv mvngbolo yvvka vysi mare. No sung ridung roku, nyiamooku gv nyi mvnwngnga nam chimu toka!" **5** Ninyigv boru vdwvka ninya mvngjwng mato. **6** Jisu bunua minto, "Ngoogv lvgabv alvnb dw hv aatv madv. Nonugv lvgabv ogu dw jvka alvnb. **7** Nyiamooku gv nyi vdwv nonua kaanwng mabv rinyu mare, vbvritola bunu nga kaanwng mado, ogulvgavbolo

bunugv lamtv ngv alvma vla ngo bunua minbwng jido. **8** Nonu pumja lo vngsu laka, ngo so gv pumja so vngmare, ogulvgavbolo ngoogv lvgabv alvnv dw v aatv madv.” **9** Hv sum mintoku, okv vbvrikunamv Galili lo doobwngla doolwk toku. **10** Ninyigv boru vdwgv pumja lo vngro kochingbv, Jisu ka vngtoku; vbvrijvka hv nyi mvnwngnga kaapatapa dubv vngmato, vbvritola choibv vngtoku. **11** Jius nyi kainv vdwv ninyia pumja lo kaakarnyato. “Hv ogolobvri?” bunu tvvka toku. **12** Hoka ninyigv lvkwng nga nyipamlo achialvbv japsijapit nyato. “Hv alvnv nyi go,” Nyi megony minto. Kvvbi vdwv minto “Ma, hv nyi vdwa rimur gvdu.” **13** Vbvrilola yvv akonvka ninyigv lvgabv japkok rikok mato, ogulvgavbolo bunu Jius nyi kainv vdwa busu nyato. **14** Pumja nga tunggo nvnga rinya toku vdwlo Jisu Pwknvyarnvnaam lo vngla hoka tamsar sarrap tokudw. **15** Jius nyi kainv vdwv achialvbv lamrwpanya toku okv minto, “Hv ogu risarrima kolo vngkw rikw magvre, oguaingbv hv vkv nvgu achialvbv chimpv nvdw?” **16** Jisu mirwksito, “Ngo ogugo tamsar dvdw hv ngo atubogv tamsar sarnamma, vbvritola hv nga vngmunv Pwknvyarnv lokv aadunv. **17** Yvvdw Pwknvyarnv gv mvngnambv rinwng nvngv chinre ngo ogugo tamsar dvdw, Pwknvyarnv lokv aadu nvdw vmalo ngo atubogv chinampaanam lokv mindunvdw. **18** Yvvdw atubogv chinampaanam lokv mindunv, hv atubonga kaibv yungku dubv mvsudunv. Vbvrilola yvvdw ninyia vngmunv lvgabv kaibv yungamma mvngdunv, hv alvnv, okv hoka ninyigv ogu mvnamrunam kaama. **19** Moses nonua Pvbv nga jito, hv jima pvnri? Vbvrilola nonuno yvvka Pvbv nga tvnvrinv kaama. Ogulvgabv nonu nga mvki dubv rikw dunv?” **20** Nyipam hv mirwkt, “No arwnglo uyuvram gvdu nvgo! Nam yvla mvki dubv rikw nvngv?” **21** Jisu mirwksito, “Ngo lamrwpanam go kaatamto

okv nonu mvnwngngv lamnyato. **22** Moses nonua orto jito nonugv kuunyilo vdwa ayakmvu dubv (so si Moses ma vbritola nonugv abuapa vdvv sum rirap gvtoku), okv vkvlvgabv nonuno kuunyilo nga Jius Doonualu lo ayakmvu dunv. **23** Vminyilo nga Jius Doonualu lo ayakmvu dunvlo vkvlvgabv Moses gv Pvbv ngv mwvk madubv, ogulvgavbolo ngoogv nyi nga Jius doonualu lo mvnwngnga alvdukubv mvnam a haachi dunv? **24** Agum lokv kaala jwngnamdanam a kayu tokuka, okv jvjb lokv jwngkadaka laka.” **25** Jerusalem gv nyi megony minto, “So nyi si mare kainv vdwgv mvki nvpkv vnam angv? **26** Kaatoka! Hv kvba vdwlo japdungdo, okv bunu ninyia oguka minyingminsu mal. hv bunugv si Kristo vla chimbwk kunam guma bri? **27** Vbritola vdwlo Kristo aarikudw, yvka chimare hv ogo lokvdw: okv ngonu mvnwngngv chindu so nyi si ogo lokvdw.” **28** Jisu Pwknyarnvnaam lo japtoku, hv gamtv rungbv minto, “Nonu ngam jvjbv chimpvi okv ogolokvbri vla chimpvi? Ngo atubongv aasuma, ngam vngmunv angv jvjb ngv. Nonu ninyia chima, **29** vbritola ngo ninyia chindu, ogulvgavbolo ngo ninyigv lokv aapvnv okv hv nga vngmupvnv.” **30** Vbrikunamv bunu ninyia naatung tvto, vbritola yvka ninyia laak laklin nvgoka kaamato, ogulvgavbolo ninyigv alvnv dw ngv aatvadvto. **31** Vbritola nyipamlo nyi achialvgo ninyia mvngjwng nyato okv minto, “Vdwlo Kristo aarikudw, hv so nyi sum kaiyabv lamrwpanam rila kaatam rekudw?” **32** Parisis vdwv nyipamlo Jisu gv lvgabv japsijapit dubv tvpa toku, vkvlvgabv bunu okv nyibu butvnb vdwv sipai mego ninyia naatung dubv vngmutoku. **33** Jisu minto “Ngo achukgo asu dubv nonua lvkobv doore, okv vbritikunamv ngo ngam vngmunv gvlo vngyu reku. **34** Nonu ngam kaakarre vbritola nonu ngam kaapamare, ogulvgavbolo ngo ogolo dooridw nonu vngnyu mare.” **35** Jius nyi kainv vdwv

bunu atubongv minsunyato, “Ngonu ninyia mapa madubv hv  
ogolobvri vngtv tvdunv? Hv Grik pamtv vdwlo ngonugv nyi rikulo  
vngla Grik vdwa tamsar tvdu nvbvr? **36** Hv mindu ngonu ninyia  
kaakarre vbvritola kaaapa mare vla, okv hv ogolo dooridw ngonu  
hoka vngnyu mare vla. Ninyigv minam si ogu gobvre?” **37** Pumja  
alu gv lootar loonya dinchi yachoknv alu lo Jisu dakrapto okv  
gamtv rungbv minto, “Yvvla tvngnwng dunv ngoogvlo aarung  
laka okv tvnglaka. **38** Darwknv Kitaplo mindu, ‘Yvvdw nga  
mvngjwng dunv, singnamlo turnam jinv isi svdwng dvngdo ngv  
ninyigv haapok lokv pwlin jire.’” **39** Jisu gv so minam si Dow gv  
lv gabv minto, yvvbunudw ninyia mvngjwng rinv hv bunu paatv  
rinv. Ho dw lo Dow a jitv madvto, ogulvgavbolo Jisu vjaklodvbv  
sila turkurla yunglitnam gubv ritv madvto. **40** Nyipam lokv nyi  
megonv ninyia vBV mindubv tvgvrla minto, “So nyi si jvjvrungbv  
Nyijwk go!” **41** Kvvbi vdwv minto, “Hv kunv Kristo!” Vb vritola  
kvbi gunv kuring minto “Kristo Galili lokv linmare! **42** Darwknv  
Kitaplo mindu Kristo DvBV Dabid gv husi lokv linre vla okv  
Betlehem lo bvnglinre, Dabid gv dooku banggu lo.” **43** Vkvlgabv  
hoka nyi vdwv asak-asak sutoku Jisu gv lvkwnglo. **44** Megonv  
ninyia naatung dubv mvngtoku vBVritola yvvka ninyi laak laklin  
nvgoka kaama toku. **45** Vdwlo sipai vdwv vngkur tokudw, nyibu  
butvnu vdwv okv parisis vdwv bunua tvvkato, “Nonu ogubv ninyia  
aagv mapvnv?” **46** Sipai vdwv mirwkto, “Yvvka alo nyi vBV minv  
kaama!” **47** Parisis vdwv bunua tvvkato, “Hv nonua pvcha dubv  
mvtv pvnvre? **48** Vdwloka no kainv nyi akoka okv Parisis goka  
ninyia mvngjwng dubv chimpvnvre? **49** So nyipam si Moses  
gv PvBV nga chima, vkvlgabv bunu Pwknyaynv gv beenam  
arwnglo doodunv!” **50** Parisis akin go hoka Nikodemas, yvvdw  
kvlo Jisunyi kaaby vngnv nyi angv. Hv kvvbi vdwa minto, **51**

"Ngonugv Pvbv gv milam lokv vngrinyi ngonu yvvnyika rimur vngmur ha gaklin madvbv mia jinyuma." **52** Bunu mirwkt, "Alvpv," "No ka Galili lokvre? Darwknv Kitap a puri kaateka okv Galili lokv nyijwk aanv kaama vla no chinre."

**8** Vbvrikunamv nyichar mvnwngngv naam bv vngnya toku, vbvritola Jisu Olib Moodw bv chaatoku. **2** Alu logonvgv arukamchibv nw Pwknyarnvnaam bv vngkur toku. Nyi mvnwngngv vngkumla ninya vngyumto, okv nw dootung tvvla bunua tamsar sarrap toku. **3** Pvbv tamsarnv vdww okv Parisis vdww nyimv ako yoomur nvgo naatungla boolwk nyato, okv bunu nyimv nvnga mvnwng gv kaagialo dakmuto. **4** Bunu Jisunyi minto, "Tamsarnv, so nyimv angv yoomurla rila donv nga naatung pvnv. **5** Ngonugv Pvbv lo Moses gamkito svkvnv nyimv nga vlwngngv orkidubv. Vjak, no ogu vla mindunv?" **6** Bunugv svbv minam si Jisunyi minkup gvrila gungnying lwdubv vla minto. Vbvritola hv dumpo bawng gvrila ninyigv lakching lokv kvdwlo akor lvkminla dooyasuto. **7** Bunu hoka daktola ninya tvula tvvka dvdvnyato, hv mvngrwpala yikula baarapla bunua minto, "Nonu gv lokv akonv yvvla rimur rima pvnv hv ninya vlwng orcholaka." **8** Vbvrikunamv nw lvkodv dumpo bawng gvrila kvdw lo lvkminto. **9** Vdwlo bunu sum tvtokudw, bunu abwngyachok v vngcho gvlaila akin akinbv mvnwngngv vngyu nyatoku. Jisunyi akin dookubv okv nyimv nvngaka hoka dakbwng dubv bunu vngyu nyatoku. **10** Hv atubongv mvngrw laila baarapla nyimv anga tvvkato, "Ogolo bunu? Nam miakaya jinv akoka dooku mai?" **11** Nw mirwksito, "Tamsarnv," akoka dookuma. Vbvrikunamv, alvdo, Jisu minto, "Ngo ka nam miakaya madunv. Vngnyikuka, vbvritola lvkodv rimur kumabvka." **12** Jisu Parisis vdwa lvkodv mindvto. Nw minto, "Ngo nyiamooku gv loung ngv, yvvdw nga

vngming gvdunv hv singnamlo loung yayabv rire okv vdwloka  
kanv arwnglo vngkar mare.” **13** Parisis vdwv ninya minto, “Vjak  
no atubogv lvgabv minsudo; no ogugo mindudw anyung kaama.”  
**14** Jisu mirwksito, “Ma, ngo atubogv lkwng nga minsu jvka, ngo  
ogugo mindudw hv jyjv ngv, ogulgavbolo ngo chinsudo ngo  
ogolokv aapvnvdw okv ngo ogolo vngtv tvdunvdw. Nonu chima  
ngo ogolokv aapvnvdw vmalo ngo ogolo vngtv tvdunvdw. **15**  
Nonu ngam nyi adwnayak lokv chingching bv jwngkadakado;  
ngo yvvnyika jwngkadaka mapvnv. **16** Vbvrilola ngo vbvrinam  
gubv rinv guilo, ngoogv jwngkadaka namv jyvre, ogulgavbolo  
so ngo akin mwngma; ngam vngmunv Abu ka ngam lkvobv  
reming gvdu. **17** So si nonugv Pvbv lo lkvpv vdwlo kayatayanv  
anyi gonv tolwk minsu bolo, bunu ogugo minpvdw hv jyjv ngv,  
**18** Ngo atubogv lvgabv minsudo okv ngam vngmunv Abu ka  
ngoogv lvgabv mindvdo.” **19** Bunu tvvkato, “Ogolo no gy abu?”  
Jisu mirwksito, “Nonu ngamlia ngoogv Abu nyika chima, nonu  
ngam chinv guilo, ngoogv Abu nyika nonu chinre.” **20** Jisu  
so mvnwngnga minto, Pwknvyarnvnaam lo karchung arwng  
lo morko lkwku jampa wwpvku hoka ninyigv tamsar sarnam  
aingbv. Okv yvvka ninya naatung mato, ogulgavbolo ninyigv  
dw ngv aatv madvto. **21** Jisu lkvodv bunua minto, “Ngo vngro  
reku: nonu ngam kaakar reku, vbvrilola nonu nonugv rimurlo  
silwk reku. Nonu vngnyu mare ngoogv vngkulo.” **22** Jius nyi  
kainv vdwv minto, “Hv mindu ninyigv vngjikolo ngonu vngnyu  
mare vla. Svbv minam si hv atubongv mvki sidubv mindu nvgo  
bri?” **23** Jisu mirwkto, “Nonu so lkwng gv Sichingmooku so  
gvngv, vbvrilola ngo ao toloky inv ngv. Nonu so Sichingmooku so  
gvngv, vbvrilola ngo so Sichingmooku gvngvma. **24** Vklvlgabv  
ngo nonua minpa pvkunv nonuno silwkre nonugv rimurlo. Okv

nonu sireku nonugv rimurlo vdwlo nonu 'Ngo Yvvkudw Ngo' um nonu mvngjwng maridw." **25** Bunu tvvkato, "No yvvla?" Jisu mirwksito, "Atuk lokv ngo nonua ogugo minpvdw. **26** Ngo nonugv lvga nga minse ngv awgo doodu, awgo nonua mia sengv. Ngam vngmunv angv, ogubv rijeka jviv ngv, okv ngo nyiamookua mintamdu ninyi gvlo tvnam dvdv nga mwngchik."

**27** Bunu Jisunyi ninyigv Abu gv lvga nga bunua mindunv vla tvchin mato. **28** Vkvlgabv hv bunua minto, "Vdwlo nonu Nyia Kuunyilo nga tungcha rikudw, ho nonu chinre 'Ngo Yvvkudw Ngo;' vbvrikubolo nonu chireku ngo atunvgv chinapanam lokv oguguka rima, vbvritola ngo mindu Abu gv mintoka vla minam a ngo mimwngdunv. **29** Okv yvvdw ngam vngmunv hv ngam lvkobv redunv; hv ngam akinbv kayuma, ogulvgavbolo ngo lokia ninyigv mvnglwkbv ridunv." **30** Achialv nvgo Jisunyi so mvnwng sum mindubv tvnv vdwv mvngjwng nyatoku. **31** Vkvlgabv Jisu ninyia mvngjwngnv vdwa minto, "Nonu ngoogv tamsar nama tvnnrvinv gubv ribolo, nonu jvjbv ngoogv lvbwlaksu v; **32** nonu jviv nga chinreku okv jviv ngv nonua ajarabi moriku." **33** "Ngonu Abraham gv husi hv," bunu mirwkt, "okv ngonu yvv gvka nyirabv rikw manv. Vbvrinamv noogy nonua ajarabi kunam gubv mvreku vla minammv oguv?" **34** Jisu bunua minto, "Ngo jviv nga nonua minjidunv: nyichar mvnwngngv yvvdw rimur dunv hv rimur gv nyirabv ridunv. **35** Nyira ngv vpintlo doobwng madunv, vbvritola kuunyilo ngv doobwng nvgobv ridunv. (*aiōn* g165) **36** Kuunyilo ngv nonua ringlin mooku bolo, vbvrikunamv nonu jvjvungbv ajarabi kunamv. **37** Ngo chindu nonu Abraham gv husi hv. Vbvrirung gvrila nonu ngam mvki dubv rikwdo, ogulvgavbolo nonu ngoogv tamsar nama torwk simare. **38** Ngo, ngoogv abu ogugo kaatam pvdw ho lvgabv mindunv, vbvritola

nonu ridu nonugv abu nonua ogugo minpv pvdw.” **39** Bunu mirwkto, “Ngonugv abuv Abraham.” Jisu mirwksito, “Nonu jvjvbv Abraham gv Kuu gubolo, nonuka hv ogugo ripvdw ho apiabv rire.

**40** Ngoogv rinam mvnwngngv ngo ogugo Pwknyarnv gvlokv tvvpvdw nonua jvjbv nga minji dubv vla ripvnv, vjvka nonu ngam mvkidubv rikwdo. Abraham svkv aingbv rimato! **41** Nonu nonugv abu gv rinam apiabv ridungdo.” “Pwknyarnv mvngchik ngorugv Abu doonv ngv,” bunu mirwkto, “okv ngoru ninyigv kuunyilo jvjbv ngv.” **42** Jisu bunua minto, “Jvjvbv Pwknyarnv nonugv Abu bv rinv guilo, nonu ngam ayare, ogulvgavbolo ngo Pwknyarnv gvlokv aavnv ngv okv vjak ngo si doodu. Ngo atubogv jwkrw lokv aasuma vbkritola hv nga vngmupvnv. **43** Ngo ogugo mindudw nonu ogubv chima dunv? So si ogulvgavbolo nonu ngoogv doin ha tvyya nwngmado. **44** Nonuno Uyudvbv gv kuu ngv, okv nonu abu gv mvngjimvngro kolo rinwngnv. Atuk lokv hv gwngrw gwnv okv vdwloka jvvgv takbv aakw manv, ogulvgavbolo hoka ninyigvlo jvjbv achuk guka dooma. Vdwlo nw mvridw, nw ninyigv riching bv ridunv, ogulvgavbolo nw mvkinv okv mvnv mvnwng gv abuv. **45** Vbkritola ngo jvjbv nga minjidu, vkvlgabv nonu ngam mwngjwng madunv. **46** Nonu gvlokv akonv yvlla ngam rimur nvgo bv la gungnying lwlka gaknyu jinv? Ngo jvjbv nga mindu bolo, vbvrikunamv nonu ogubv ngam tvjing madunv? **47** Yvvdw Pwknyarnv gvlokv aadunv Pwknyarnv gv gamchar vdwa tvvdunv. Nonu, ogubvrijeka, Pwknyarnv lokvma, okv vkvlgabv nonuno tvya madunv.” **48** Bunu Jisuni tvvkato, “Ngonugv nam samaritan go okv no uyuvram gvnvgo vla minam v minjwk mapvnvre?” **49** Jisu mirwksito, “Ngoogvlo uyuvram dooma, ngo Abunyi mvngdv dunv okv nonu ngam miakaya dunv. **50** Ngo atubogv lvgabv mvngdvnma makar madunv. Vbkritola hoka um

makarnv ako doodu okv hv ngogvbv jwngkadakayadu. **51** Ngo  
jvjbv nga nonua minjidunv: yvvdw ngoovg tamsar nama tvvdunv  
hv vdwloka simare." (aiōn g165) **52** Bunu ninyia minto, "Vjak ngonu  
jvjbv mvngduku no gvlo uyuvram doorungdo! Abraham siroku,  
okv nyijwk vdwvka siroku, vjvka no mindu yvvdw no gv tamsar  
nama tvvrinv hv vdwloka simare vla. (aiōn g165) **53** Ngonugv abu  
Abraham siroku; no Abrahamnyi kaiyanv gubv mvngsu dunvre?  
Okv nyijwk vdwvka siroku. No atuv yvv vla mvngsudunv?" **54**  
"Ngo atuv mvngdv subolo, ho mvngdv namv ogu arv doomare.  
Ngam mvngdvnv angv ngoovg Abu—nonugv Pwknvyarnv vla  
minam angv. **55** Nonu vdwloka ninyia chimato, vbvritola ngo  
ninyia chindu. Ngo ninyia chima vla minbolo, ngo nonugv apiabv  
mvvki nvgobv ripvnvpv. Vbvritola ngo ninyia chirung dunv, okv  
ninyigv gamchar a tvvdunv. **56** Nonugv abu Abraham ngoovg  
aaji nama kaanwngla mvngpula kaacho toku okv himpu toku."  
**57** Bunu ninyia minto, "No vjak anying chamngu goka svngtv  
madv—okv no Abrahamnyi kaapv nvlv?" **58** Jisu mirwksito,  
"Ngo jvjbv nga nonua minjidunv, Abrahamnyi bvngtv madvbw,  
'Ngoony.'" **59** Vbvrikunamv bunu ninyia vlwng ordubv vla naarap  
toku, vbvritola Jisu atubongv tosisito okv Pwknvyarnvnaam a  
vngyu toku.

**9** Jisu vbv vngkarminto, nw nyi ako bvnglin lokv nyikching nvgo  
kaapa toku. **2** Ninyigv lvblaksu vdwv ninyia tvvkato, "Tamsarnv,  
yvvgv rimur vkudw ninyia bvngrilokv nyikching monv? Hv atugv  
lokvre vmalo ninyigv anvabu gv rimur lokvre?" **3** Jisu mirwkto,  
"Si so nyi gv rimur vmalo ninyigv anvabu gv rimur lokv ninyia  
nyikching moma. So nyi si nyikching pvnv v, ogulvgavbolo  
Pwknvyarnv gv jwkrw okv rinam a ninyi gvlokv kaatam dubv. **4**  
Vdwgo aluv asubv doodv ridw, ngonu ngam vngmunvgv lvgabv

kudungkua riji rungdubv ridu; kanv ngv aariku vdwlo yvvka  
kudungkua rinyu kumare. **5** Ngo vdwgo nyiamooku so dooridw,  
ngo nyiamooku gv loung ngv." **6** Vbv so miro kochingbv, Jisu  
kvdw lo tachor chorbiakto okv chorbiak kolokv eriungbv mego  
mvto; nw nyi hvkvgv nyiklo piaklwkt **7** okv minto, "Vngnyika  
okv noogv nyukmua sokak teka siloam gv svlv lo," (Siloam  
vla minam si "vngmukunam"). Vklvgabv nyi angv vngtoku,  
ninyigv nyokmua sokak toku, okv nyiktarla kaying lakula aakur  
toku. **8** Vbvrikunamv, ninyigv namrwk ajin vdwv okv ninya  
kvlo dvku koodubv kaanv vdwv, tvvka minsunyato, "So nyi si  
mabvre dootung tvla kookinv angv?" **9** Megonv minto, "Hv mabv,"  
vbvritola kvvbi vdwv minto, "Ma hv ma; hv ho nyi anga gvvnv  
go." Vklvgabv nyi angv atuv minto, "Nyi angv ngo mabv." **10**  
Bunu ninya tvvkato, "No vjak oguaingbv rila kaapa nyudukunv?"  
**11** Hv mirwksito, "Jisu vnam nyi angv kvdw mego naala eriungbv  
mego mvto, um ngoogv nyiklo piaklwkt, okv ngam Siloam  
lo vngla nyukmua soktoka vla minto. Vklvgabv ngo vngtoku,  
okv vdwlo ngo sokdanam gola ngo kaapa nyutoku," **12** Bunu  
tvvkato, "Hv ogolo?" Nyi angv mirwksito, "Ngo chingkuma." **13**  
Vbvrikunamv bunu nyikchingnv nyi anga Parisis vdwgvlo aagv  
jitoku. **14** Jisu gv kvdw a eriungbv mvla okv ninyigv nyikching  
nama mvpu kunam alu v Jius Doonualulo rito. **15** Vbvrikunamv,  
Parisis vdwv, nyi anga oguaingbv rila hv kaapa pvku nvdw vla  
tvvkato. Hv bunua mintam toku, "Nw kvdw eriung vkv ngoogv  
nyik so piaklwkt; ngo nyukmua sokak toku okv ngo vjak kaapa  
nyudukunv." **16** Parisis megonv minto, "Sum rinv nyi angv si  
Pwknvyarnv gylokvma, ogulvgavbolo (nw jius Doonualu gv pbv  
gvbv rijima.") Kvvbi vdwv, ogubvrijeka, minyato, "Oguasingv nyi  
rimur nvngv svkvny lamrwpanam a svbv kaatam nyuladubv?"

Okv hoka bunugv apumlo akuaku subv mvngnya rinyato. **17**  
Vkvlgabv Parisis vdwv nyi anga lvkodv tvvdito, "No mindu  
hv noogv nyikching nama mvpupv vla—alvdo, no ninzia oguv  
vla mindunv?" Nyi angv mirwksito, "Hv Nyijwk go." **18** Jius nyi  
kainv vdwv, ogubvrijeka, mvngjwng mato hv nyikching dvbv  
bvngnam go okv vjak kaapa nyudukunv vla, rinyung nga bunu  
ninyigv anvabua goklwkt **19** okv bunua tvkato, "Si nonugv  
kuunyilo ngvre? Nonu mindu ninzia nyikching dubv bvngpvnv;  
vbvrikunamv, oguaingbv hv vjak kaapa nyudukunv?" **20** Ninyigv  
anvabuv mirwksito, "Ngonu chindu hv ngonugv kuunyilo ngv,  
okv ngo chindu ninzia nyikching dubv bvngpvnv. **21** Vbvrítola  
ngonu chima hv oguaingbv vjak kaapa nyudu kunvbvri, ngonu  
vbvka chima yvvdw ninyigv nyikching nga mvpu pvnv. Ninyia  
tvka toka; hv kaipvku, okv atuv mirwk sinyu reku!" **22** Ninyigv  
anvabuv svbv minto, ogulgavbolo bunu Jius nyi kainv vdwa  
busuto, vBV tolwk minsuto yvvdw Jisuni Kristo vla mvngjwng  
dvnkv vnv anga Jius kumkunaam lokv naala naa reku. **23**  
Vkvlgabv ninyigv anvabuv vBV minto, "Hv kaipvku; ninzia tvka  
laka!" **24** Lvnyi nanvby bunu nyi nyikching dubv bvngnam anga  
gokorto okv ninzia minto, "Pwknvyarnv gvlo milvla minto no jvJV  
nga milin jire vla! Ngonu chindu nam mvpunv nyi angv rimur  
nvgo." **25** Nyi angv mirwksito, "Ngo chima hv rimur nvgorv  
vmalo rimur manv gobvre, ngo ako chinsudo: ngo nyikchingto,  
okv vjak ngo kaapa duku." **26** "Hv ogugo nam rikunamv?" bunu  
tvkato. "Hv oguaingbv nam nyikching nga mvpu kunamv?"  
**27** "Ngo nonua mintam ropvkunv," hv mirwkt, "okv nonu tvya  
magvrila. Nonu ogubv lvkodv tvnwng dunv? Lvkonika nonu  
ninyigv lvbwlaksu bv rinwng pvnv gubvre?" **28** Bunu ninzia  
beela okv minto, "No vlo nyi gv lvbwlaksu gumaby; vbvrítola

ngonu Moses gv lvbwlaksu vdwv. **29** Ngonu chindu Pwknyarnv Mosesnyi raarwksuto; ogubvrijeka, vlo nyi anga, ngonu chima hv ogolokv aapvnvdw!" **30** Nyi angv mirwkto, "Hv tvvkwaakw manam gulaka! nonu chima hv ogolokv aapvnvdw, vbvritola hv nga ngoogy nyikching nama mvpu jipvku! **31** Ngonu chindu Pwknyarnv vdwloka rimurnv nyi ha tvvma dunv; hv tvvdu nyi yvvdw ninyia mvngdv dunv okv ninyigv minam ha rinv vdwa.

**32** Sichingmookua pwklinyarlin rilokv naala Vjakgobv yvvka tvvpama nyi nga bvnglin lokv nyikching nvnga kaapa dukubv mvnv. (aiōn g165) **33** So nyi si Pwknyarnv gvlokv aama nvgoilo hv vdwloka vkvnb aba go rinyu mare." **34** Bunu mirwkto, "Nam rimurlo bvnglinla okv sotv pvkunv—okv no ngonua tamsar dubv rikwdoi?" Okv bunu ninyia Jius kumkunaam loka naalin toku. **35** Ogugo ripvkudw um vdwlo Jisu tvvpa tokudw, hv nyi anga kaapa toku okv ninyi tvkato, "No Nyia Kuunyilo nga mvngjwng dunvre?" **36** Nyi angv mirwkto, "Tamsarnv, hv yvvdw nga minpalabv ngo ninyia mvngjwng nyula dukubv!" **37** Jisu ninyia minto, "No ninyia kaaropvkunv, okv ho nyi angv vjak nam lvkobv gaam raadung minsudo." **38** Nyi angv minto, "Ahtu, ngo mvngjwng dukunv!" okv hv Jisu gv haabolo guplwk toku. **39** Jisu minto, "Ngo nyiamooku so jwngkadaka tebv aapvnv, nyikching nvngv kaaparungdu kubv okv yvvdw kaapa dunv nyikching rungdu kubv." **40** Parisis nyi mego hoka ninyia lvkobv rinv, ninyia vbv mindubv tvvgvrila okv ninyia tvvkato, "Jvjvbv no ngonua ka nyikching nvngv vla minta madunvre?" **41** Jisu mirwkto, "vbvrikunamv nonu nyikching nvgoilo, nonu rigakpanam dootvma; vbvritola nonu kaapadunv vla mimbwngla minro pvku, vbv minam si kunv nonu vjakgobv rigakpanam doodukunv."

**10** Jisu minto, "Ngo nonua jyjv nga minjidunv: Yvvnyi ngv svlarnaam lo agi lokv aamadunv, vblratola kvvbi lamtv lokv gvkarnv hv dvchonv okv dvrtnaaritnv. **2** Yvvnyi ngv agi lokv aadunv hv sylar vdwa kaayanvngv. **3** Agi kaayanvngv agi a ninyigv lvgabv mvkok jire; sylar vdwv ninyigv vlv nga tvppare hv ninyigv sylar a amina minla gokrikunyi, okv hv bunua agumbv linggv reku. **4** Vdwlo hv bunua agum lo linggv rilo, hv bunua vngchola vnggvdv, okv sylar vdwv ninyia vngming gdvdu, ogulgavbolo bunu ninyigv vlv nga tvvchin do. **5** Bunu kvvbia vngming gvmare; vmabvya bunu kiyu yare vkvnv nyi nga ogulgavbolo bunu ninyigv vlv nga tvvchinma." **6** Jisu bunua so minchisinam sum minjito, vblratola bunuv ogugonyi mindunvdw um tvchin mato. **7** Vklvlgabv Jisu lkvodv mindvto, "Ngo jyjv nga nonua minji dunvla: Ngo sylar gv agi ngv. **8** Kvvbi mvnwngngv yvvdw ngam aachoyadunv hv dvchonv okv dvrtnaaritnv, vblratola sylar hv bunua tvvma duku. **9** Ngo agi v yvvdw ngo gvlokv arwng aadunv hv ringnam ha paare; hv arwnglo aare okv agumbv vngre okv nvmwng mapareku. **10** Dvchonv arwng aadu ogulgavbolo dvcho dubv, mvkidubv, okv myakmvchak dubv. Ngo aapvnn nonua svngsu alvbv singmu rimu dubv. **11** "Ngo alvnn sylar kaayanv, yvvdw sylar lvgabv sidubv mvngnv ngv, **12** Sylar sokw manv okv kaaya riakw manv jonam nyi ngv vdwlo svcha nga aadu bv kaaparinyi, hv sylar a kayupila okv kiudunv; vklvlgabv svcha ngv gamdu okv bunua charjung charngola charra dukunv. **13** Jonam nyi ngv kiudunv ogulgavbolo hv jonam nyi vmwng okv sylar a alvbv kaaria madunv. **14** Ngo alvnn sylar kaayanv. Abu ngam chindu okv ngo Abunyi chindu, vkv aingbv ngo ngoogv sylar ha chindu okv bunu ngam chindu. Okv ngo bunugv lvgabv sidubv mvngdunv. **16** Ngoogv sylar kvgonv

so svlarnaam soka doomanv vka doodunv. Ngo bunuaka so naalwk rungre, bunu ngoogv vlv nga tvvre, okv bunu svlar vdwa akin gubvrila kaayanv akingv kaanam gubv rireku.” **17** “Abu ngam pakdunv ogulvgavbolo ngo ngoogv singnam a mvngnga sidubv mvngdunv, vklvga um ngo paakor nyula dukubv vla. **18** Yvvka ngoogv singnam ha ngoogv lokv dvrit mare. Ngo um ngo atubongv anyubv mvngnga supvnv, ngo um jilaka nyure okv ngo um naakurka nyula reku. So sumnv ngoogv Abu nga ritokv vla gamki la minam v.” **19** Lvkodv nyi vdwv apumlo so gaam vdw so gv lvgabv asak sutoku. **20** Bunugv lokv nyi achialvgo minyato, “Hv uyuvram gvdu! Hv surupv! nonu ninyia ogulvgabv tvyya dunv?” **21** Vbvrilola kvvbi vdwv minyato, “Nyi uyuvram gvnv ngv svbv minyu madunv! oguaingbv uyuvram v nyikchingnv nyi vdwv nyiktarla kaapa dukubv mvla nyudubv?” **22** So si svkar poolu bv ritoku, okv Pwknvyarnvnaam a kumkok jokok lwdw pumja nga Jerusalem lo ritoku. **23** Jisu Pwknvyarnvnaam gv Solomon Prvlo vngkarto, **24** vdwlo nyi vdwv ninyia goyum tokudw okv tvvkato, “No ngonua vdwnvgo ayungbv angaaja mobwng modubv? Jvjv nga ngonua minjilabv: no Kristo rungre?” **25** Jisu mirwkt, “Ngo nonua mintam jipvkunv, vbvrilola nonu nga mvngjwng mato. Ngo, ngo Abu gv ngo lvgabv tolwkkunam ha minku lokv ngo hvkvnv ogu vdwva ridu; **26** vbvrilola nonu mvngjwng mare, vklvlgabv nonu ngoogv svlar ma. **27** Ngoogv svlar v ngoogv minam ha tvyya dunv; ngo bunua chindu, okv bunu ngam vngming gvdu. **28** Ngo bunua turbwngnv singnam ha jidunv, okv bunu vdwloka sikumare. Yvvka bunua ngoogv loka dvrit nyulamare. (**aiōn**  
**g165, aiōnios g166**) **29** Ngo Abu gv ngam jinammv ogumvnwng nga kaiyanvngv, Abu gv ringchum kunam lokv yvvka bunua dvrit nyulamare. **30** Abu la ngo akinnv.” **31** Vbvrirkunamv nyi

vdwv ninya ordubv vla vlwng naarap nyatoku. **32** Jisu bunua minto, “Abu gv ngam ritokv vla jinam a ngo alvnv achialvgó nonugv kaakulo ritoku; so gv alvnv rinam sokv ogubv nonu nga vlwng ortv dunv?” **33** Bunu mirwksito, “Ngonu nam alvnv rinam lvkwngbv vlwng ortvma, vbvritola no gv Pwknyarnvnyi minyingminchu kunam lvkwnglo! No nyi nyimummmv mvngchik, vbvritola no atuv Pwknyarnv gubv mvsudubv rikwngdu!” **34** Jisu mirwkto, “So si nonugv Pvbv lo lvkpvpv Pwknyarnv minto, ‘Nonu Pwknyarnv vdwv.’ **35** Ngonu chindu Darwknv Kitaplo ogugo lvkpvdw hv jvjv bwngre; okv Pwknyarnv ho nyi vdwa Pwknyarnv vdwv vla minto, ninyigv doin a jikunam nyi vdwa. **36** Ngogvb Abu ngam darto okv nyiamooku lo imuto. Vbvrikunamv, ngo Pwknyarnv gv Kuunyilo ngv vnam lvkwnglo nonu ngam oquaingbv Pwknyarnvnyi minyingminchudu vla minyu dunv? **37** Vbvrikunamv ngam mvngjwng mabyka, ngo ngo Abu gv ngam ritokv vnam ha rima dunvlo. **38** Vbvritola ngo bunua rijeka, nonu ngam mvngjwngma, nonu ngoogv rinam lokaka achukgo mvngjwng tvvka, Abu ngoogvlo doodu okv ngo Abu gvlo doodu vla nonu mvnwngngv chiminam lvgabv.” **39** Bunu lvkodv Jisuni naatung dubv rikwto, vbvritola hv bunugv laak lokv doksov lintoku. **40** Vbvrikunamv Jisu lvkodv vngkorla Jordan svko nga rapbola Jon gv baptisma jikulo vngtoku, okv hv hoka doolwk toku. **41** Nyi vdwv nw gvlo achialvgó aatoku. “Jon lamrwanam rila kaatam ma,” bunu minto, “Vbvritola ninyigv so nyi gv lvgabv minam mvnwngngv Jvjv rungpy.” **42** Okv hoka nyi achialvgó ninya mvngjwng toku.

**11** Nyi ako aminv Lajaras vnamgo, nw Betani lo doonvgo lvvma toku. Betani vnamsi bangguv hoka Meri okv ninyigv bormv Marta dooto. **2** So gv Meri angv si Jisuni nampunv tvli lypa lo piaknv

okv um ninyigv dumpo dwmw lokv tipwnv angv; lvvmanv angv Lajaras ninyigv boru bv rito. **3** Anyibormv nytingv Jisunyi gaamgo milwk toku, "Ahtu, no gv ayanam ajin hv lvvma pvkv." **4** Vdwlo Jisu um tvvpa tokudw, nw minto, "So gv lvvma angv gv anyung ngv Lajarasnyi sinam gubv rimare; so rinam si Pwknvyarnvnyi kaimonam lvgabv, okv so si vbvrinam hv Pwknvyarnv gv Kuunyilo ngvka hartvnam paare." **5** Jisu Marta nyila ninyigv anyinyi okv Lajarasnyi paktoku. **6** Vbvrijvka vdwlo hv Lajaras lvvmapvkv vnam yunying nga tvtolaka ninyigv dooku hoka hv alu lonyi godv doodv toku. **7** Vbvrikunamv nw ninyigv lvbwlaksu vdwa minto, "Klai ngonu Judia bv vngkur lakuju." **8** "Tamsarnv," lvbwlaksu vdww mirwkto, "Vjak mego ayungjvma nga nyi vdww nam hoka vlwng ngv ordubv mvngnyato; no vngkur dukubv vla mvngdui?" **9** Jisu minto, "Aluv gunta vring gola anyigo doodu, dooma dunvre? Vkvlgabv yvvdw alu pua lo vngkar dunv hv pokmap madunv, hv nyiamooku gv lounglo kaapa kunam lvgabv. **10** Vbvrilola hv ayu rinyi vngkar bolo hv pokmapdo, ogulvgavbolo hv loung dooma." **11** Jisu sum minto, okv vBVrikunamv mindvto, "Ngonu ajin Lajaras yupvku, vBVritola ngo vngla okv ninyi muu riku." **12** Lwbwlaksu vdww mirwkto, "Ahtu, nw yupdung dvnvlo hv alvriku." **13** Jisu gv minam v manv Lajaras sipvku vla, vBVritola bunu hv yupching bv yuppv nvgo vla mvngto. **14** Vkvlgabv Jisu bunua jvjvbv mintam jitoku, "Lajaras siroku, **15** vBVritola nonugv lvgabv ngo mvngpudo ngo ninyia lvkobv dooma toku, vkvlgva nonu ho mvngjwng dukubv. Klvi hv gvlo vnglaju." **16** Tomas (Bvngpiam vla minam) ninyigv ajin vdwa minto, "Klvi ngonu mvnwngngv Tamsarbonyi lvkobv vngming gvlaju, ngonuka ninyia lvkobv sikulo simi gvnam lvgabv!" **17** Vdwlo Jisu vngchi tokudw, Lajarasnyi nyibung riku namv alu loopi dukubv hv paatoku. **18** Betani ngv Jerusalem

lokv lvtw aom gubv rito, **19** okv Judia gv nyi achialvgo Meri okv Marta bunyigv boru sikunam lvgalo mvngdwk mabvkv vla mimbv okv kaalwbv aanyatoku. **20** Jisu aariku vla vdwlo Marta tvpa tokudw, nwkaarwk sidubv vnglintoku, vbvritola Meri naam lo dootoku. **21** Marta Jisunyi mintoku, “Ahtu, no so doonv guilo ngoogv boruv sima dvnvpv! **22** Vbvrilola ngo chindu vjakka no ninyia ogugo koodudw Pwknyarnv nam jire.” **23** Jisu ninyia mintam toku, “No gv boruv turkur reku.” **24** Marta mirwksito, “Ngo chindu, hv ataranya alulo turkur reku.” **25** Jisu ninyia minto, “Turkurkunam vla singnam v ngo. Yvvdw nga mvngjwng dunv hv turre, hv sikujeja; **26** okv yvvdw singdunv okv ngam mvngjwng dunv hv vdwloka simare. No sum mvngjwng dunvre?”  
**(aiōn g165)** **27** Hv mirwktio, “Vkv, Ahtu! ngo mvngjwng dunv no Kristo, Pwknyarnv gv Kuunyilo, yvvdw nyiamooku so aajikunv ngv.” **28** Marta sum minro kochingbv nw vngkur toku, okv ninyigv anyi Merinyi minsila minjito. “Tamsarbo si doodu,” hv anyia minjitolu, “okv nam tvvkadu.” **29** Vdwlo Meri sum tvpa tokudw, hv gudung toku okv ninyia kaarwk sudubv baapubv vnglintoku. **30** Jisu vjaklodvbv nampumlo aachi madvto, vbvritola Marta gv ninyia kaarwk suku mookulo doobwgnto. **31** Nyi vdwv naam lo Merinyi lvkobv doonv vdwv ninyia mvngdwk mabvkv vnyato, ninyia vngming gvnyato, vdwlo bunu ninyia baapubv gudungdanv agumbv vnglin nama kaato kudw, bunu ninyia nyibung lo kapdubv vngji nvgo vla mvngnyato. **32** Jisu ogolo doopvdw hoka Meri vngchi toku, okv hv baapubv ninyia kaapa danam gula, hv Jisu gv lvpa lo gipv toku. “Ahtu,” hv minto, “No so doonv guilo, ngoogv boruv sima dvnvpv!” **33** Jisu ninyia kapdubv kaatoku, okv ninyia lvkobv rinv vdwvka oguaingbv kapdudw umka kaatoku; vbvrinam hv ninyigv haapok ka mvsit la, okv

achialvbv mvngdwk motoku. **34** Hv bunua tvvkato, "Nonu ninyia ogolo nyibung riipvn?" Bunu mirwko, "Ahtu, Aala okv kaatoka." **35** Jisu kapto. **36** Nyi vdwv minto, "Kaatoka, ninyia achialvbv pakdu!" **37** Vbbritola bunu megonv minto, "Hv nyikching nvnga kaapa dukubv mvtoku, nw mvmma pvnvre? Nw Lajarasnyi sima dubv mvnyu mapv nvdw?" **38** Lvkodv mvngdwk hilok laikula dooku mabvku, Jisu nyibung lo vngtoku hv lvngpwk bv rito agi aagia nga vlwng ajap nvgo jootum kunam go. **39** Jisu minto, "Vlwng nga dvato!" Marta, sinv nyi angv gv anyiv, mirwko, "Ahtu, hoka naya amokrikv. Ninyia nyibung riikunamv alu loopi roku!" **40** Jisu ninyia minto, "Ngo nam mimapvnre, no mvngjwng bolo Pwknyarnv gv jwkrw nga kaapare vla?" **41** Bunu vlwng nga dva toku. Jisu aobv kaadungto okv minto, "Abu, ngo nam umbonyikv, no nga tvyyadu. **42** Ngo chindu no lokia ngam tvyyadu, vbritola ngo sung mindu so nyi vdw so gv lvgabv, ogulgavbolo so nyi vdw si no ngam vngmupvn vla mvngjwng dukubv." **43** Hv vbv minro kochingbv, hv gamtv rungbv gokto, "Lajaras, lintokuka!" **44** Hv nyibung lokv lintoku, ninyigv lvpa laak ha vji puching dvdubv, okv nyukmu haka puching dvdubv. Jisu bunua minto, "Ninyia paksok la, okv vngmu tokuka." **45** Nyi achialvgo Merinyi kaalwkla aanv vdwv Jisu ogugo ripvkudw kaanya toku okv bunu ninyia mvngjwng nyatoku. **46** Vbbritola megonv bunu Parisis vdvgvlo vngkur toku okv Jisu ogugo ripvkudw minpa toku. **47** Vkvlgabv Parisis vdwv, okv nyibu butvnv vdwv Kvba vdwa lvgobv kaarwksuto okv minto, "Ngonu oguridukubv? Kaatokuka so nyi gv lamrwanam kaatamnam ma! **48** Ngonu so nyi sum svbv ribwng mobolo, nyichar mvnwngngv ninyia mvngjwng riku, okv Roman nyi kainv vdwv twchar kayarre okv ngonugv Pwknyarnvnaam ha myyakmvchak riku okv ngonugv haalung

ngakka!" **49** Bunugv lokv akonv, aminv Kayapas, yvvdw ho anying hoka Nyibu Butyyachok nvbv rinv angv, minto, "Nonu ogu pvcha pvnri! **50** Nonu mvngdi malare, haalung gv yaktv svnga, nonugv lvgabv alvyanvngv, nyi akin gonn nyi vdwgv lvgabv siria monam si?" **51** Minjyjbolo hv sung atuv mvngsula mimato; vmabvya hv ho anying gv Nyibu Butyyachok nvbv rinam lvgabv, hv nyikrw kaala Jisu Jius nyi vdwgv lvgabv siria tvdu vla, **52** okv bunua mvngchikma, vbvritola Pwknyarnvnyi mooku mvnwnglo doosik kunv vawa akin gubvku naadumsidu kubvka. **53** Ho alu lokv Jius nyi kainv vdwv Jisunyi mvkidubv rungtoku. **54** Vkvlgabv Jisu Judia mookulo nyi kaagialo vngkar matoku, vbvritola vngyu toku okv chukrimooku nvchi mooku gulo vngtoku, Epraim vnam banggu gulo hoka ninyigv lvbwaksu vawa lkobv doolwk toku. **55** Vngbokunam Pumja dvdw ngv nvchi toku, nyi achialv go mooku lokv pumja rima dwbv ridar kakdar koodubv vla Jerusalem lo aanya toku. **56** Bunu Jisunyi kaakarnyato, okv bunu Pwknyarnvnaam lo vngkum nyatoku, bunu akonv ako nvnga tvvka minsuto, "No ogubv mvngdu? Hv pumja so aarung mare, ma aaridw?" **57** Nyibu butvnu vdwv okv Parisis vdwv orto jipvpv yvvdw Jisu ogolo doopvdw um chinv ngv, hv minpa laka, vklvlgavbolo bunu ninya naatung nyudukubv.

**12** Vngbokunam pumja ridwv alu lookv go doodubv, Jisu Betani bv vngtoku, ninyigv siku nvnga turkur mokunam Lajaras gv naam lo. **2** Bunu ninyigv lvgabv arium dvse go hoka mvpv jito, Marta ridurto ordubv; Lajarasnyi akonv yvvdw Jisunyi lvkobv tvbul lo dootung minggvnv. **3** Vbvrikunamv Meri maatarbv arv doonv nampunv Nard tvli vkv pumchup go naatoku, um Jisu gv lvpalo pwke toku, okv um ninyigv dwmw lokv tipw toku. Ho gv tvli gv nampunv amok hv naam arwng mvnwnglo jukar

toku. 4 Jisu gy lvbwlaksu vdwlokv akonv Judas Iskeriot—yvvdw ninya koa kujinv angv—minto, 5 “Ogubv so nampunv tvli sum ain lokdwng lvngngom gubv piokma pnv okv morko nga heemanv vdwlo jima pnv?” 6 Ninyigv sum minam si hv heemanv vdwa kaala tvla rigvdu vnamgo kaama, vbkritola hv dvcho nvgobv riato. Hv morko gvgianvnv nga gvla rigvto okv atubongv dvsidvpit suto. 7 Vbkritola Jisu minto, “Ninyia akinbv risu moto! ninya ogugo doogv pvkudw vvpvmoto nga nyibung ritvri alu gv lvgabv. 8 No alu gv lokia heema nvnga lvkobv ribam tvdu, vbkritola no ngam lokia ribam paaku mare.” 9 Nyitwng tvngtv go Jisu Betani lo doopvku vla tvpa toku, vkvlvgabv bunu hoka vngtoku, Jisu dopvkv vnam mwngchik lokvma vbkritola Jisu gv nyi siku nvnga turkur mokunam, Lajaras nyika kaadu bvka. 10 Vkvlvgabv Nyibu butvnu vdwv Lajaras nyika mvki tadubv rungtoku, 11 ogulvgavbolo ninyigv lvgalo Jius nyi achialvgo bunua toa toku okv Jisuni mvngjwng nyatoku. 12 Alu logo nvnga kainv nyipam v Vngbokunam Pumja lo aanv vdwv Jisu Jerusalem lo aarikv vla tvpa toku. 13 Vkvlvgabv bunu taru ruda rumwng doodubv naatoku okv ninya kaarwk sidubv vnglinla, goknyato, “Pwknvyarnvnyi hartvto! Ahtu gv amin bv aanv nga Pwknvyarnv ninya boktalwkji laka! Pwknvyarnv boktalwkji laka Israel gv Dvbvnyi!” 14 Jisu siak go paatoku okv vkvgv aolo gecha toku, Darwknv Kitaplo minam ching-ching bv, 15 “Jayon pamtv gv nyi vdw, busu mabvka! Siinv aarikunv nonugv dvbv ngv, Joklwk rikunv siak yakpa aolo dootokula.” 16 Ho dw hoka ninyigv lvbwlaksu vdwv sung chima toku; vbkritola vdwlo Jisu turkurla ynglit gubv ritokudw, bunu mvngpa toku Darwknv Kitaplo ninyigv lvgva nga sum minpvku okv bunu ritoku sum ninyigv lvgabv. 17 Jisu gy rikulo lvkobv rinv nyi vdwv vdwlo nw Lajarasnyi nyibung

loka goklin kunam ha okv siku nvnga turkur mooku nama kaanv  
vdvv minpa nyatoku ogugo ripvkudw. **18** Vbvrikunam lvgabv  
nyipam v ninyi kaarwk sutoku-ogulgavbolo bunu tvvpa toku  
hv so lamrwpnam sum rila kaatampv vla. **19** Vbvrikunamv  
Parisis vdvv akonv ako nvnga mimi sutoku, “No kaatoka, ngo  
oguka ria yala kuma! Kaakwto, nyiamooku nyi mvnwngngv ninya  
reming gvdu kunv!” **20** Grik nyi mego Pumja lo kumdujodubv  
Jerusalem lo aanv nyi vdvgv apumlo vngming gvtato. **21** Bunu  
Pilip gylo vngtoku (hv Galili gv Betsaida lokv ngv) okv minto,  
“Tamsarnv, ngonu Jisuni kaanwngdo.” **22** Pilip vngtoku okv  
Andriuniyi mintamto, okv bunyi anyiv vngtoku okv Jisuniyi minpa  
toku. **23** Jisu bunua mirwkto, “Nyia Kuunyilo gv kairungbv  
hartv paadvv aaduku. **24** Ngo nonua jviv nga minjidunv: aam  
amchar hv kvdwbolo chilwkla simumabolo amchar hv charkin  
tvla doobwngre, vbvrikunamv um chilwkla simukubolo, hv hintar  
go amring ngv ringtvyare. **25** Yvvdw atugv singnam ha paksu  
dunv hv ung nyemuyare; yvvdw atubogv singnam ha nyiamooku  
so kaanwng madunv hv torbwngnama paayare. (*aiōnios g166*)  
**26** Yvvdw nga mvdur ridur nvpv mvngdunv hv nga vngming  
gvrrung laka, vbvrikubolo ngoogv pakbuv ngo ogolo doopvdw  
lvkobv dooming gyreku. Okv ngoogv Abu nga mvdur ridur nvnga  
mvngdv re.” **27** “Vjak ngoogv haapok v adwkaku do—okv ngo  
ogugo mvku svngvdw? Ngo vbv minre, ‘Abu, so gv dw sum  
ngoogylo aamu mabv?’ Vbvrítola ngo ho lvgabv aapvnv-so gv  
hirukaya sung ngo hirung svngvrung. **28** Abu no gv aminha kai  
moya toka!” Vbvrikunamv nyido mooku tolkov vlv go duluto,  
“Ngo um yungnam guby naalwk pvkunv, okv ngo lvkodv vbv  
ritare.” **29** Hoka nyipam daknv vdvv vlv nga tvvpato, megonv  
bunu minto, hv doogum go, kvgonv minto, “Nyido gjindung gunv

ninyia raami supv!" 30 Vbvrítola Jisu bunua minto, "Ho gv vlv  
dunam v ngoogv lvgabvma, vbvrítola nonugv lvgabv. 31 Vjakgv  
alu si nyiamooku a jwngkadakaku alu vku; vjak nyiamooku gv  
dvbv nga chara reku. 32 Vdwlo ngam nyiamooku sokv naacha  
rekudw, ngo nyichar mvnwngnga ngoogvlo naalwk sureku." 33  
Svbv minam si ninyigv hirukayala sise nga minto. 34 Nyipam  
v mirwkt, "Ngonugv Pvbv lo mindu Kristo turla doobwngre.  
Vbvríkunamv, ogubv, no mindunv nyia Kuunyilo nga naacha riku  
vla? Nyia kuunyilo vnam si yvvla?" (aiōn g165) 35 Jisu mirwkt,  
"Loung ngv achukgo nonu gvlo dooming gvmwngre. Loung gv  
ungla doorilo nonugv lamtylo vnglavlaka, ogulvgavbolo nonu  
gvlo kanv ngv putum manam lvgabv; yvvdw kanv lo vngkar  
dunv chinsuma hv ogolo vngdung dunvdw. 36 Vbvríkunamv,  
vdwgo loung ngv nonu gvlo doodudw, loung nga mvngjwng laka,  
vkvlvgva nonu loung gv nyi bv ridubv." Jisu sum minro kochingbv,  
vngyu tokv okv bunugv lokv tosi sutoku. 37 Hv vdwnvgo bunugv  
kaakulo so lamrwanam mvnwngnga rila kaatam kujeka, bunu  
ninyia mvngjwng matoku, 38 vkvlvgva nyijwk Aijaya ogugo  
minpvdw v jyjvby aarungre: "Ahtu, ngonugv doin minkunama  
yvvla mvngjwng jinv? Yvnyila Ahtu gv jwkrw a kaatam tvvdunv?"  
39 Okv vkvlvgabv bunu mvngjwng nyula kuma, ogulvgavbolo  
Aijaya mindvto, 40 "Pwknvyarnv bunugv nyik vdwa kaapa moma  
okv bunugv mongrumara nga mvtumro, vkvlvgva bunugv nyikkv  
kaapa madu kubv, okv bunugv mongrumara ngv chima dubv,  
okv bunu nga dakrwk madubv, Pwknvyarnv minto, ngo amin bv  
bunua mvpu dubv." 41 Aijaya sum mintoku ogulvgavbolo hv  
Jisu gv kai kuse nga kaapa chotokula okv ninyigv lvkwngbv  
minto. 42 Vbvríkujeka, Jius nyi kainv achialvgo Jisunyi mvngjwng  
nyatoku; vblrítola Parisis vdwgv lygaló bunu um minkokla milin

nyumato, Jius kumkunaam lokv naalin konwng manam lvgabv.

**43** Bunu Pwknyayarnv gv naarwk sunamma mvngbiu mabv nyi gv naarwk sunamma mvngbiu yato. **44** Jisu gamtv rungbv minto, "Yvzbunudw ngam mvngjwng dunv hv ngam mvngchikma vbvritola yvvdw ngam vngmupvnv nw nyika. **45** Yvvdw ngam kaadunv hv ngam vngmunv humka kaadunv. **46** Ngo nyiamooku so loung gubvrla aapvnv, vkvlgva yvvdw ngam mvngjwngnv nyichar mvnwngngv kanv arwnglo doobwng manam lvgabv.

**47** Yvv akonv ngoogv doin ha tvvdunv okv um rima dunv, ngo ninyia jwngkadaka mare. Ngo nyiamookua jwngkadaka dubv aamapvnv, vbvritola um ringdubaadu bv aapvnv. **48** Yvvdw nga toa dunv okv ngoogv doin ha naarwk suma dunv um ninyia jwngkadaka reku. Ngoogv gaam japnam vdww ataranya alulo ninyi jwngkadaka rireku! **49** So si jvfv ngv, ogulvgavbolo ngo atugv mvngnam lokv mimato, vbvritola ngoogv Abu ngam vngmunv hv ngo ogugo minse ngvdw okv japse ngvdw gamki nama um ngo mindunv. **50** Okv ngo chindu ninyigv gamki namv torbwngnama naalwk jidu. Vbvrikunamv, ngo ogugo mindu kudw hv Abu gv nga mintokv vla mimu namv." (*aiōnios g166*)

**13** So si Vngbokunam Pumja aluv loma dwbv loochoyanv alu bv rito. Jisu ninyigv nyiamookua kayupikula okv Abu gvlo vngdwv aaduku vla chintoku. Nw nyiamooku so nw gvbvrinv vdwa alu gv dwkia arwng rungbv paktoku okv nw bunua ataranya alu lobv pakbwngre. **2** Jisu la ninyigv lvbwlaksu vdww dvnam dvla doonyato. Uyudvbv ngv Salmon Iskeriot gv kuunyilo Judas Iskeriot gv haapok lo Jisuni kubdubv mvnggv nvnv nga lwkrotku. **3** Jisu Abu ninyia jwkrw mvnwngnga jilwk pvku vla chintoku; nw Pwknyayarnv gylokv aanv ngv okv Pwknyayarnv gvlo vngtv rikunv vla chintoku. **4** Vkvlgabv hv tvbul lokv dakrap toku,

ninyigv agumlo vji a pilin toku, okv vbee vkv leit am puchingsito. 5  
Vbvrikunamv nw gamla lo isi mego pwlwktokv lvbwlaksu vdwgv  
lvpa vdwa harkak kakrap toku okv ninyigv leit lo puchingnam  
vbee lokv tipw toku. 6 Nw Saimon Pitar gvlo aatoku, Pitar ninyia  
mintoku, "Ahtu, no ngoogv lvpa nga harkak dubvi?" 7 Jisu ninyia  
mirwkto, "No vjak chimare ngo ogugo ridung dunvdw, vbvritola no  
kokwngnyi chireku." 8 Pitar minbwk toku, "Vdwloka ogubv rijeka  
no ngoogv lvpa nga harkak maji nvngv!" Jisu minrwkto "Ngo  
nonugv lvpa nga harkak mabolo, nonu ngoogv lvbwlaksubv rinyu  
mare." (aiōn g165) 9 Saimon Pitar mirwkto, "Ahtu, ngoogv lvpa  
mvngchik ka harkak mabv, vbvkubolo! ngoogv laak okv dumpo  
ngaaka harkak labv!" 10 Jisu minto, "Yvv bunudw horsok sokro  
pvkunv bunu mvnwngngv darwk pvkunv okv bunu atuv harkak  
sise kaakuma, bunugv lvpa vdwa mwngku. Nonu mvnwngngv  
darwk pvku—akin gomwng." 11 Jisu chintoku yvvdw ninyia  
kubjinv angv; vklvgabv nw minto, "Mvnwngngv darwk pvku,  
akin gomwng." 12 Jisu bunugv lvpa vdwa harkakro kochingbv  
nw ninyigv agum gv vji a pilwk sutoku okv ninyigv dooku tvbul  
lo aakur toku. Nw tvkato, "Ngo vjak nonua ogugo ripvdw  
nonu chimpvre?" 13 "Nonu nga Ahtu okv Tamsarnv vla mindu,  
okv si rijwkkv nonu svbv rila, ogulvgavbolo ngo vbv rirungdo.  
14 Ngo, nonugv Ahtu okv Tamsarnv, vjak nonugv lvpa vdwa  
harkakto. Vbvrikunamv, nonuka, akonv akonvgy lvpa nga harkak  
minsu laka. 15 Ngo nonua rimurilam jipvny, nonua ngoogv  
nonua rinam apiaby rimu dubv vla. 16 Ngo nonua jyv ng  
minjidunv: pakbu hv ninyigv Atua kaiyama dunv, okv jokria nvngv  
ninyia kanamla vngmunv anga kaiyama dunv. 17 Vjak nonu  
so gv jyv ng a chindu, nonu achialvbv mvngpu reku sum nonu  
riying bolo!" 18 "Ngo nonu mvnwngngva mima dunv; ngoogv

darnam vdwa ngo chindu. Vbvritola Darwknv Kitaplo minam v jyjbv rirungre ho mindu, 'Nyi gunv ngoogv lvkobv dvbam dunv hv nga rining riru duku.' **19** So si rilinla ritvmadvbv ngo vjak nonua mincho jidunv, ho nonu mvngjwng reku 'Ngo Yvvdw Ngo.' **20** Ngo nonua jyjv nga minjidunv: yvvdw ngoogv kanamla vngmunam akonyi naarwksidunv hv ngam naarwk tadunv; okv yvvdw ngam naarwksidunv hv ngam vngmunv ninyia naarwksitadunv." **21** Jisu sum minro kochingbv, hv achialvbv mvngdwk mvngku lakula okv minlin toku, "Ngo jyjv nga nonua minjidunv: nonugv lokv akonv ngam koa tvduku." **22** Lwbwlaksu vdww akonv akonyi kaagap minsuto, achialvbv abwkalo kuma toku yvvnyi mindu nvbvre vla. **23** Lwbwlaksu akonv, Jisu gv pakyachoknam angv, Jisuni dochinsinvgo. **24** Saimon Pitar ninyia lakching ngv chigap lwngchingla mvto okv minto, "Ninyia tvvkato yvvnyi mindu nvbvre." **25** Vkvlgabv ho lwbwlaksu angv Jisu gylo hvngnwktokt okv tvvkato, "Ahtu, hv yvvla?" **26** Jisu mirwkto, "Ngo vtwng mego naala bati lo nwkbok tvvla ninyia jire; hv nyi angv." Vkvlgabv nw vtwng patung achukgo naato, um nwkbok toku, okv Saimon Iskeriot gv kuunyilo Judasnyi jitoku. **27** Judas vtwng nga dvdanam gula Uyudvbv ngv baapubv nw gylo aatoku. Jisu ninyi minto, "No ogugo ridung dudw baapubv ritoka!" **28** Tbul lo doonv kvibi nyi vdww chimato Jisu ninyia sum ogugbv minpv nvdw. **29** Judas morko bvngya nvgobv rikunam lvgabv, lwbwlaksu megony Jisu ninyia Pumja gv lvgabv ogugo rvmu tvbv vmalo heemany vdwa ogugo jimu tvbv vngmupvnv go vla mvngto. **30** Judas vtwng nga naarwksuto okv vjakgobv agumby lintoku. Ho kanv toku. **31** Judas gv vngro kochingbv, Jisu minto, "Vjak Nyia Kuunyilo gv kai nama kaapa duku; vjak nw gyloky Pwknyarnv gv kai nama kaapa duku. **32** Pwknyarnv

gv kai nammv nw gylokv kaapa duku nvbolo, vrvrikunamv  
Pwknyarnvnyi Nyia Kuunyilo gv kai nama ninyigv lokv kaatamre  
okv hv vbv vjakgobv rireku. **33** Ngo gv kuu vdwa, ngo nonua  
kaigo lvkobv ribam kumare. Nonu nga kaakar reku; vrvritola  
ngo vjak nonua mindunv ngo oguaingbv Jius nyi kainv vdwa  
mindudw, 'Ngo ogolo vngdudw nonu vngnyu mare.' **34** Okv ngo  
vjak nonua anwnv gamki gaamgo jidunv: ajin anyingnga pakmi  
sulaka. Ngoogv nonua paknam apiabv, vkvlvgabv nonuno pakmi  
sulaka, **35** Nonu akonv akonvnga pakmi sibolo, vrvrikunamv  
nyi mvnwngngv chinreku nonu ngoogv lvbwlsu v vla." **36**  
Saimon Pitar ninyia tvvkato, "Ahtu, no ogolo vngtv dunv?" Jisu  
mirwkto, "No vjak vngming gvnyu mare ngoogv vngkulo; vrvritola  
kokwnglo no nga vngming gvreku!" **37** Pitar tvvkato, "Ahtu,  
ogulvgabv ngo vjak nam vngming gvnyu madubv?" "Ngo noogv  
lv gabv siso mvngdunv!" **38** Jisu mirwkto, "No jyjbv ngoogv  
lv gabv sidubv mvngpv pvnvre?" Ngo nam jyjbv nga minjidunv:  
rokpuv koktv madvby no ngam chima vla lvom go minre.

**14** "Mvngdwk mvngkula doomabvka," Jisu bunua minto.  
"Pwknyarnvnyi mvngjwng laka okv ngaaka mvngjwng laka.  
**2** Ngo Abu gv naam tv karchung ngv awgo doodu, okv ngo  
nonugv lv gabv dooku riku mvpvipv jitebv vngjinv. Minggvvdnam  
si doorung mabolo ngo nonua svbv mima dvnvpv. **3** Okv ngo  
vngla nonugv lv gabv dooku riku nga mvpv ripvro kochingbv,  
ngo aakur reku okv ngo atuv nonua naareku, vrvrikubolo ngo  
ogolo doopvdw nonuka dooming gvreku. **4** Nonu chindu ngoogv  
vngjiku mooku lo vnglwknv lamtv nga; vkvlvgabv tolo  
chaalwk dubv oguaingbv ngonu lamtv nga chinyu dubv?" **5** Jisu  
ninyia mirwkto, "Ngo lamtv ngv, jyjbv ngv, okv turnammv; ngo

gvlokv vngmabv yvvka Abu gvlo vngnyu mare. 7 Vjak nonu ngam chimpvu," nw bunua minto, "Nonu ngoogv Abu nyika chinreku, okv vjak gvlokv nonuka ninyia chireku okv nonu ninyia kaakw pvku." 8 Pilip ninyia minto, "Ahtu, Abunyi ngonua kaatam labv; si ngonu mvnwng gv mvngnamv." 9 Jisu mirwkto, "Pilip, ngo nonua mvngchi kumanamgo lvkobv reming gvkwng kunam vka nonu ngam chimai?" Yvvdw ngam kaadudw hv Abu nyika kaadunv, vbvrikunamv ogulvgabv no Abunyi ngonua kaatam labv vla mindunv? 10 Ngo Abu gvlo doodu okv Abu ngoogylo doodu um Pilip no mvngjwng madunvre? Jisu ninyigv lwbwlaksu vdwa mintoku, "Ngoogv nonua gaam minam dvdv ngv, ngo gvlokv aama. Abu, ngoogylo doonv ninyigv ridung nga atuv ridunv. 11 Ngam mvngjwng laka ngo vdwlo abu ngoogylo doodunv okv ngo Abu gvlo doodunv vla minam a. Ho malo, ngoogv rinam a kaagvrila mvngjwng tvka. 12 Ngo nonua jvJV nga minjidunv: yvvdw ngam mvngjwng dunv hv ngoogv rinam aingbv rire—am, hv kaiyanv goka rire, ogulvgavbolo ngo abu gvlo vngjinv. 13 Okv nonu ngoogv amin bv ogugo koordiw ngo rijire, Abu gv kairungnv jwkrw nga Kuunyilo gvlokv kaatam kunam lvgabv. 14 Nonu ngoogv amin bv ngam ogugo koordiw, ngo um rijire." 15 "Nonu nga mvngjwng bolo, nonu ngoogv gamki nama tvjirijire. 16 Ngo Abunyi koore, okv hv nonua ridur rianv kvvbigo jire, hv nonua dvbvsvngtambv dooming gvvre. (aiōn g165) 17 Hv Dow hv Pwknvyarnv gv jvJV nga kaatam rianv. Nyiamooku v ninyia naarwk nyumare, ogulvgavbolo hv ninyia chima vmaloo kaakwma. Vbvrilita nonu ninyia chindu, ogulvgavbolo hv nonu gvlo lvkobv doobwngdu okv nonu lo doodu." 18 "Vdwlo ngo vngro jeka, nonua ngo opin jvBV doomu mare; ngo nonu gvlo aakur reku. 19 Nyia mooku hv ngam ayungjvma nga kaapa

kumare, vbvritola nonu ngam kaare; ogulvgavbolo ngo turre, okv nonu ka turre. **20** Vdwlo ho aluv lori kudw, nonu chinre ngo Abu gylo doodu, okv nonu ngoogylo doodu, ngo oguaingbv nonu gylo doodudw ho apiabv.” **21** “Yvvdw ngoogv gamki nama torwk sudunv okv um tvduridunv hv ngam paknvrinvbv ridunv. Yvvdw ngam pakdunv um ngoogv Abu pakre; ngooka ninyia paktare okv ngo atuv ninyia kaatam sure.” **22** (Judas Iskariotnyi miyamabv) Judas gunv minto, “Ahtu, no atuv ngonua kaatamre okv nyiamookua kaatam sumare, hv oguaingbv ritv dunv?” **23** Jisu ninyia minrwkto, “Yvvdw ngam pakdunv hv ngoogv tamsar nama tvduridunv. Ngoogv Abu ninyia pakre, okv ngo la Abu ninyi gylo aala lvkobv dooming gvre. **24** Yvvdw ngam pakma dunv ngoogv tamsar nama tvvmarima dunv. Okv nonugv tvvnam ngoogv tamsar namv ngo gvngvma, vbvritola ngam vngmunv Abu gylo naapvnv.” **25** “Ngo nonua minpvkunv nonuam lvkobv doodula. **26** Ridur rianv, Darwknv Dow, Abu gv ngo amin bv imu kujinam v, nonua tamsarre okv ngoogv nonua minam dvdv nga mvngpa more.” **27** “Nonua ngo sarsopoyo nama lvkobv kayu jido; so si ngo atugv sarsopyyo nama nonua jipvnv. Um ngo nyiamooku gv rinam aingbv jima. Mvngdwk mvngkula doomabvka; Busu mabvka. **28** Nonu ngam nonua ‘Ngo vngjiinv, vdubv tvvdu, vbvritola ngo nonu gylo aakur reku,’ nonu ngam pakdu bolo, ngoogv Abu gylo vngnam ha nonu mvngpure; ogulvgavbolo hv ngam kaiyanv. **29** Ngo nonua mintam chodunv so gv ogumvnwng si ritv madvby, vkvlgva vdwlo si rirekudw nonu mvngjwng reku. **30** Ngo nonua awgo raami sidubv rinyuma, ogulvgavbolo nyiamookua rigvdakgy nvngv aariku. Hvkvgv jwkrw ngv ngam rigum lamare, **31** vbvritola nyiamookuv chirung laka ngo Abuni pakdunv; vkvlgalo ngo ogumvnwng ngam ridunv

ninyigv ngam minam dvdv nga." "Aatoka, klvi so mooku lokv vngla kuju."

**15** "Ngo singnv hampo ngv, okv ngoogv Abu nayam mvnv atuv. **2** Hv ngoogvlo hakbv asi svvma nvnga pala paa dunv, okv asi svvnb hakbv vdwa hv mvngi riadunv, vkvlvgavbolo abuyayabv asi svvmu dubv vla hv mvngi dunv. **3** Nonua mvngi ropvkunv (darwk dubv mvpvkunv) ngoogv nonua tamsar kolokv. **4** Ngoogvlo doolwk laka, okv ngo ka nonu gvlo doolwkre. Hakbv ngv atuv asi svvnyu madunv; hakbv ngv asi svvlar vdwlo hv hampo nga hargap tvla dooridw. Vkv aingbv nonu asi svvnyu mare vdwlo nonu ngam rwkrwk mvla gakbwngla doomaredw." **5** "Ngo hampo ngv, okv nonu hakbv ngv. Yvvdw ngam rwkrwk mvla gakbwng doonv, ngo ka ninya, hv achialvbv asi svvre; ngam kayu tvla nonu oguka rinyu mare. **6** Yvvdw ngam gakbwng madunv (ngoogvlo doolwk madunv), hakbv nga mvnam apiabv ora dunv okv simudunv; vknv hakbv nga naakum dukunv okv vmvlo orlwk dukunv, hoka bunua vmv ramdu kunv. **7** Nonu ngoogvlo doobwng bolo okv ngoogv gamchar vdwv nonu gvlo doore, vbvrikunamv nonugv mvngnam lokv ogugo kooridw, nonu um paare. **8** Nonugv achialvbv asi svvku lokv ngo Abu gv kairungnam ha kaapa dunv; okv vbvrla nonu ngoogv lvbwlaksu bv ridunv. **9** Abu gv ngam paknam aingbv, ngo nonua pakdunv; ngoogv pakkulo doobwng laka. **10** Nonu ngoogv gamki nama tvboribolo, nonu ngoogv paknam lo doobwngre, ngo Abu gv gamki nama tvvla rila ninyigv paknam lo doobwng nam aingbv." **11** "Ngo sum nonua mintam pkunv, vkvlvgavbolo ngoogv mvngpuv nonu gvlo doolwk dubv okv nonugv mvngpuv achialv dukubv vla mindunv. **12** Ngoogv gamki la minammv siinv: akonv akonyi pakmi sulaka, ngoogv nonua paknam aingbv.

**13** Akonv ajin vdwgv lvgabv ninyigv turnama mvngnga jikunv v kaiyachokbv paknam jinamv. **14** Okv vdwlo nonu ngoogv gamki nama ribolo, nonu ngoogv ajin v. **15** Ngo nonua pakbu vla minku mare, ogulvgavbolo pakbuv chima ninyigv atuv ogugo ridudw. Vmabvy, ngo nonua ajin vla mindunv, ogulvgavbolo ngo vdwgo ngo Abu gvlo tppvkudw nonua mintam pvkunv. **16** Nonu ngam darma; ngo nonua darpvkunv okv vngla turbwngnv asi lokv achialvbv svvmudubv tolwk pvkunv, okv nonu ngoogv amin bv Abunyi ogugo kooredw nw nonua jire. **17** Vbvrikunamv, sum ngo gamki la mindunv: akonv akonyi pakmi sulaka.” **18** “Nyiamooku hv nonua kaanwng madubolo, nonu mvngpa dalaka hv ngam kaanwng mabv richo dunv. **19** Nonu nyiamooku gvngv bolo, vbvrikunamv, nonua nyiamooku v atu gvngv vla pakdu nvpv. Vbbritola ngo nonua nyiamooku loka darpvkunv, okv nonu nyiamooku gvbv rikuma; vklvlgabv nyiamookuv nonua kaanwng madunv. **20** Mvngpa laka ngo nonua ogugo minpvkudw: ‘pakbuv ninyigv atua kaiyama dunv.’ Bunu ngam mvdwkmvku bolo, bunu nonua ka mvdwkmvku; bunu ngoogv tamsar nama tvvdu bolo, bunu nonua ka tvvre. **21** Vbbritola bunu nonua so mvnwng sum rire ogulvgavbolo nonu ngo gvngv; bunu ngam so imunv anga chima. **22** Ngo bunu gvlo aala mima nvgoilo, bunu vdwloka chinsu mare bunu rimur nvngv vla; vjak vbvriujeka, bunugv rimur gungnying nga vjak anyubv kayu laku mare. **23** Yvvdw ngam kaanwng madunv hv ngoogv Abu nyika kaanwng madunv. **24** Bunu rimurnvngv vla chinsu mapvnvpv, ngo bunu gvlo nyi gv rikw manam vdwa rima nvgolo; vbdvdvbw, bunu kaato ngo ogugo ripvkudw, okv bunu ngam okv Abu ngunyia kaanwng madu. **25** Svbvrinam si bunugv Pvbv kitaplo ogugo lvkchola lvkpv pvdw um jvjbv rilin monam lvgabv ripy, ho vbv lvkpv:

‘Bunu ngam oguguka gungnying kaamaby kaanwng madu.’”

**26** “Riduryany aare—Dow v, hv Pwknyarnv gylokv aanv okv Pwknyarnv gv jyjv nga kaatam mintam rianv. Ngo ninyia nonu gylo vngmure, okv hv ngoogv lkwng nga japjire. **27** Okv nonuka, ngoogv lkwng nga japjire, ogulvgavbolo nonu ngam atuk lokv reming gvkunv.”

**16** “Ngo nonua sum mintam pvkunv, vklvgavbolo nonuno mvngjwng nga topu madubv. **2** Nonua Jius vdwgv Kumkunaam loka naalin reku, okv vkvnv dw v aareku nyi gonv nonua mvki tokula Pwknyarnv gv lvgabv ripvnv vla mvngsure. **3** Nyi vdwv nonua svbv rireku ogulvgavbolo bunu Abunyi vmalo ngaaka chima kunam lvgabv. **4** Vbvrilola ngo nonua sum minjidunv, vklvgavbolo vdwlo bunu so ridubv ridlwv aarikudw, nonu mvngpa reku ngo nonua mintam jipvkunv vla.” “Ngo nonua ribamnam lvgabv, kvlvo ngo soogy vdw sum nonua mintam mapvnv. **5** Vbvrilola vjak ngo vngjikunv ngam vngmunv gylo, vjakka nonugv lokv yvvka ngam ogolo vla tvvka nvgoka kaama. **6** Okv vjak ngo nonua mintam pvkunv, nonugv haapok hv mvngru yayabv ripvku. **7** Vbvrilola ngo nonua jyjv nga minjidunv: so si nonugv lvgabv alvyare ngo vngyu namv, ogulvgavbolo ngo vngma bolo, ridur rianv nonu gylo aamare. Vbvrilola ngo vngyu kubolo, ngo ninyia nonu gylo vngmu reku. **8** Okv vdwlo hv aarikudw, hv nyiamooku gv nyi vdwa hinchinkaachin moreku, bunu vdwv rimurlo doodu kunvnyi vla, alv ngv oguvkudw, okv Pwknyarnv gv jwngkadaka dw alu gv lkwng nga hinchinkaachin reku. **9** Bunu rining riru la rimurdu, ogulvgavbolo bunu ngam mvngjwng manam angv; **10** Jyjv ngv oguvdw um rimayabv bunu rimurdu, ogulvgavbolo ngo Abu gylo vngjikunv okv nonu ngam lkvodv kaapa kumare; **11** Jwngkadaka gv lkwnglo bunu mvngmur nyadu, ogulvgavbolo

nyiamooku sum rigvnu vdua jwngkadaka ropvkunv.” **12** “Ngo nonua minta sengv awgo doodu, vbvritola vjak nonu awyaje nga gvla mare. **13** Vdwlo Dow hv aarikudw, hv Pwknvyarnv gv jviv nga kaatamre, hv nonua jviv lo vnggvre, hv vdwloka hv atubongv tojupkunam jvbu minsumare vbvritola hv ogugo tvvpvdw um minre, okv aaji nvgv ogu-ogua nonua minpa jire. **14** Hv ngam yungnam gubv rimure, ogulvgavbolo hv ngoogv minam a naala nonua minjire. **15** Ngo Abu ogugo doodudw hv mvnwngngv ngokv, vklvlgabv ngoogv minamv hvvnu Dow v ngo minam dvdv nga naala um nonua minjire.” **16** “Achukgo ayungjvma nga nonu nga kaapa mare, okv achukgo ayungjvma gv kochinglo nonu nga kaapareku.” **17** Ninyigv lvbwlaksu vdwv bunugv aralo tvvka minsuto, “So gv minam si ogu gubvre? Hv ngonua mintamdu achukgo ayungjvma nga ngonu ninyia kaapamare, okv vbvrikunamv achukgo ayungjvma gv kochinglo ngonu ninyia kaapa reku; okv hv mintadu, ‘So si ogulvgavbolo ngo abu gvlo vngjikunv.’ **18** Ogu gubvre so gv ‘achukgo ayungjvma nga’ vla minam si? Hv ogugonyi mindunvdw ngonu chima!” **19** Jisu chintoku bunu ninyia tvu dubv mvngdu vla, vklvlgabv nw bunua minto, “Ngo minto, ‘Achukgo ayungjvma nga nonu nga kaapamare, okv vbvrikunamv achukgo ayung jemagy kochinglo nonu nga kaapareku’ si re nonugv aralo tvvka minsu namv? **20** Ngo nonua jviv nga minjidunv: nonu kapre okv ilokre, vbvritola nyiamookuv mvngpu puminre; nonu mvngrure, vbvritola nonugv mvngru runam v mvngpu gubv rilin reku. **21** Vdwlo nyimv gonv kuu bvngtv tvdudw, hv mvngrudu ogulvgavbolo ninyigv mvngru rudwv aakunam lvgalo; vbvritola vdwlo anga nga bvnglin rekudw, hv ninyigv hinching chingnam a mvngpa kumado, ogulvgavbolo hv anga nga nyiamooku so bvnglin pvku vla mvngpu duku. **22** Ho

apiabv nonu gyloka: vjak nonu mvngrudu, vbkritola ngo nonua  
lvkodv kaapa minsureku, okv nonugv haapok lo mvngpu pulwk  
reku, vkvnv mvngpu gubv rire yvvka naala naa nyulamare.” **23**  
“Vdwlo hv aluv lori kudw nonu nga oguka kooku mare. Ngo  
nonua jviv nga minjidunv: Abu nonugv ogugo kooridw ngoogv  
amin bv koonam a jire. **24** Vjaklodvbv nonu ngoogv amin bv  
koonam kaama; kolaka okv nonu paare, vklvgavbolo nonugv  
mvngpuv punya mindu kubv.” **25** “Nonua so vdw sum ngo  
minchisinam lokv minjito. Vbkritola vkvnv dw v aariku vdwlo ngo  
minchisinambv mima reku, vbkritola ngo Abu gv lvga nga nonua  
mindakvlabv minji reku. **26** Vdwlo ho aluv lori kudw, nonu ninyi  
ngo amin bv kooriku; okv ngo nonugv lvgabv ninyia koonpv vla  
mima, **27** vklvgabv Abu nonua atubongv paksudu. Hv nonua  
pakdu ogulvgavbolo nonu ngam pakdu okv ngam Pwknvyarnv  
gylokv aapvnv vla mvngjwngdu. **28** Ngo Abu gylokv aarungpvnv,  
okv ngo nyiamooku so aalwk pvnv; okv vjak ngo nyiamooku  
kayupikula okv Abu gylo vngjikunv.” **29** Vbrikunamv ninyigv  
lvbwlaksu vdwv ninyia minto, “Vjak no minchisinam bv mimabv  
mindakvlabv mindu. **30** Vjak ngonu chinduku no ogumvnwg  
nga chinv go; nam tvvu jinv guka no dinchi kuma. Svbrinam si  
no Pwknvyarnv gylokv aany ngv vla ngonua mvngjwng modu.”  
**31** Jisu bunua mirwkt, “Vjak nonu mvngjwng dukure? **32** Ngam  
akinbv kayu tvla, nonu atu atugv naam lo kiakkipak dw hv aariku  
okv si aaropvku. Vbkritola ngo akin vmwng ma, ogulvgavbolo  
abu nga reming gvdu. **33** Ngo nonua sum minpvkunv nonu ngam  
lvkobv relwk minggv tvla mvngpu pumin dubv. Nyia mooku hv  
nonua hinching chingmure. Vbkritola mvngpak nvgoqv ritolaka!  
Ngo nyiamookua rigum yapvkunv!”

**17** Jisu sum minro kochingbv, nw nyidomookubv kaadungto okv minto, Abu, dw v aapvku. Noogv Kuunyilo nga amina yunglit molaka, vklvgavbolo Kuunyilo ngvka noogv amina kaiyachok mola jidukubv. **2** No nyiamookua rigv dubv tojupkunam ha ninyia jito, vklvgavbolo nw noogv jinam a bunua turbwng nvnga jidubv. (aiōnios g166) **3** Okv turbwngnv singnam manv nam jvjvrungnv Pwknyarnv akin vla chinam, okv Jisuni no vngmu kunamv vla chinam. (aiōnios g166) **4** Ngo nyiamooku so noogv amin kai nama kaatam pvkunv; noogv ritokv vla ridung jinama ngo rinya pvkunv. **5** Abu! Nyia mooku ha pwklin yarlin madvbv noogv ngam amin kai dubv jinam aingbv. Vjakka no gv nvchilo ngam amin kai dubv jilabvka. **6** Nyia mooku so noogv ngam jinam vdwa noogv amina ngo bunua chimupvnv. Bunu no gvngvku okv no bunua ngam jito. Bunu noogv gamchar vdwa tvvpvripvku, **7** okv vjak bunu chimpvku noogv ngam ogumvnwng jinam vdwa no gvlokv aanv ngv vla. **8** Ngo noogv jinam doin ha bunua jipvkunv, okv bunu larwksupvku; bunu ngam noogv lokv jvjbv aanv ngv vla chindu, okv ngam no vngmu pvnv vla bunu mvnjwngdu. **9** “Ngo bunugv lvgabv kumdunv. Ngo nyiamooku gv lvgabv kumma vbvritola noogv ngam jinam vdwgv lvgabv, bunu no gvbv ripvku. **10** Ngoogylo ogugo doopvdw mvnwngngv no gvngv, okv noogv ogu mvnwngngv ngokvku; okv ngoogy amin kai nama bunugv lokv kaatam pvnv. **11** Okv vjak ngo no gvlo chaarikunv; ngo nyiamooku so doobwng kumare, vbvritola bunu nyiamooku si doopv. Darwknv Abu! Noogv amin jwkrw lokv bunua alv dubv toryagaya laka, noogv nga amin jinam a vklvgavbolo bunuv akin gubv ridu kubv no la ngo oguaingbv akinpvdw vkv aingbv. **12** Bunua ngoogy lvgabv doorilo, no gv ngam amin jinam, ho gv jinam amin jwkrw lokv ngo bunua turlingalin pvkunv, Darwknv

kitap lokv minam gaam hv rilin kunam lvgabv nyidum akin go ngerung jinv nga mimabv ngo bunugv lokv akin goka ngemu mato. **13** Okv vjak ngo no gvlo aariku, okv ngo nyiamooku soogv ogu ogu vdwa mindunv vkvlvga bunu gvlo ngoogv mvngpuv bunugv haapok vdwlo kaibv doolwk modubv. **14** Ngo bunua noogv doin a jipvnv, okv nyiamookuv bunua kaanwng mado, ogulvgavbolo bunu nyiamooku gvngv kuma, ngoogv nyiamooku gvngv manam apiabv. **15** Ngo bunua nyiamooku so doonv nga naarotvka vla mima, vbvritola bunua Alvmanv loka toryagaya laka vla mindunv. **16** Ngo gv nyiamooku gvngv manam apiabv bunu nyiamooku gvngv kuma. **17** Noogv gaam v jvjvrungnv; jvjvnv gaam lokv no bunua no gvbv jvjv dukubv mvsulaka. **18** No oguaingbv ngam nyiamooku so vngmupvdw, vkv aingbv ngo bunua nyiamooku so vngmupvnv. **19** Okv ngo bunugv lvgabv ngo atuv no gvlo tolwk sudunv, ho apiabv bunuka no gvlo jvjvbv tolwk sidukubv.” **20** “Ngo bunu mvngchik lvgabv kumma, vbvritola bunugv doin lokv nga mvngjwngnv vdwgv lvgabvka kumdunv. **21** Bunu mvnwngnga akin molaka vla ngo kumdunv. Abu! no ngoogylo okv ngo no gvlo vkv aingbv bunuaka ngonu gvlo akin motoka, okv nyiamooku so gv nyi vdwv no kunyi nga vngmunv vla chindubv. **22** No okv ngo oguaingbv akinpwdw, vkv aingbv bunuaka akin modubv vla, no gv jinam yunglit nama ngo bunua jipvnv. **23** Ngo bunu gvlo okv no ngoogylo, vkvlvgavbolo bunu mvnwngngv akin dukubv, nyiamookuv no ngam vngmunv vla chinam lvgabv okv no gv ngam paknam apiabv bunua no pakdu kubv.” **24** “Abu no bunuam ngam jito, okv ngo ogolo dooredw bunuaka ngoogylo doomu nvpv mvngdu, noogv nga yunglit dubv jinama ngooka bunua ngoogv yunglit nama kaatam dukubv ogulvgavbolo nyiamookua pwklinyarlin

madvbv no ngam pakpvnv. **25** Daadwvrvn Abu! Nyia mooku v nam chima vbvritola ngo nam chindu, okv si bunu no nga vngmunv vla chindu. **26** Ngo nam bunua chimu dukubv mvpvvn, okv ngo vbvdvdvb ribwngre, vkvlvgabv no gv ngam paknamv bunu gylo doolwk dukubv.”

**18** Jisu gv so kumro kochingbv, hv okv ninyigv lvbwlaksu vdwa vnggvla Kidron svko vnamha vngpikto. Okv hoka mooku hoka nayam ako dooto, Jisu la okv ninyigv lvbwlaksu vdvw ho aalwktō **2** Judas, kupnv angv, chinto hv ogolodw, ogulvgavbolo Jisu hoka ninyigv lvbwlaksu vdwa lvkobv kaarwk subvto. **3** Vklvgabv Judas Nayam arwngbv vngtoku, ninyigv vngkulo Roman sipai apum go vnggvto, okv nyibu butvnv okv Parisi vdwgv vngmunam Pwknvyanvnaam a kaayanv nyi mego; bunu ho yidu naalayila okv mvdurupum okv horkanvnb bvngnyato. **4** Jisu ninyia ogugo ritv tvvdukudw mvnwngnga chintoku, vkvlvgabv nw bunugv dookulo korlwk yadula tvvkato, “Nonugv kaakar namv Yvnyila?” **5** Bunu mirwkto, “Najaret lokv Jisuni.” Nw minto, “Hvvdv ngoonv.” Judas, kupnv angv, hoka bunua lvkobv dakto. **6** Vdwlo Jisu bunua “Ngo kuna nw” vla minto kudw, bunu koching kyambv tapkurla kvdwlo gipv nyato. **7** Lvkodv Jisu bunua tvvkato, “Nonuno Yvnyila kaakar dunv?” Bunu mirwkto, “Najaret lokv Jisuni.” **8** “Ngo nonua minpvkunv ngoonv nw,” vla Jisu minto. “Vbvrikunamv, nonu nga kaakar dunvlo, so kvbi vdw sum vngmulak.” **9** Nw sum minto ho lvga ninyigv minam a jyjbv rimu dubv vla: “Abu no gv ngam jinam vdwa ngo akin goka ngemu mare.” **10** Saimon Pitar gylo riekse ako dooto, seelin dabonv okv Butvyachok nvgv nyira gv, nyarung rungbik ka palujito, pakbu nyarung palu namgv aminv Malkus. **11** Jisu Pitarnyi minto, “No gv riekse nga selin kolo selwk tokuka! No ngam

ngo Abu gv hinching koobu tvngdubv jinam ha tvngma jinvgo  
vla mvngdunvre?" **12** Vbvrikunamv Roman sipai vdwv bunugv  
mirianv nyigam okv Jius dakrianv vdwa lvkobv Jisunyi naatungla  
ninya leetoku, **13** okv ninya Annas gvlo aacho gvtoku. Annas  
Kaipas gv nywng gv abuv, Kaipas ho anying gv Butvyachok  
kv. **14** Kaipas mabvdv Jius vdwa, nyi mvnwng gv lvgabv nyi  
akin gonv siria namv alvyanv vla minv. **15** Saimon Pitar okv  
kvbi lvbwlaksu aka Jisunyi vngming gvt. Kvbi lvbwlaksu angv  
Butvyachoknyi alvbv chimesuto, vklvlgabv Jisunyi lvkobv kvba  
baaku Butvyachok gv naam lo aatoku. **16** Vdwlo Pitar agum gv  
agi aagialo dakto kudw, kvbi lvbwlaksu angv agumbv lingkur  
laku agi ho daknv nyijar anga minla Pitarnyi arwngbv aamu  
toku. **17** Agi gv nyijar angv Pitarnyi minto, "No ka nyi angv  
gv lvbwlaksu gomabvre?" Pitar mirwkto, "Ma, ngo ma." **18** Ho  
svkarto, vklvlgabv pakbu vdwvla okv dakrianv vdwv mvri vkv  
vmv partola okv um dakyum nyatokula, iguminla doonya toku.  
Vklvlgabv Pitar bunu gylo aala lvkobv iguminla dakbamto. **19**  
Butvyachoknv Jisunyi ninyigv lvbwlaksu okv ninyigv tamsarnam  
gv lvkwngbv tvuto. **20** Jisu mirwkto, "Ngo alu gv lokia nyichar  
mvnwng gv okv kvba vdwgv tvku kaaku lo minpvnv; ogolo nyi  
vdwv aakum dvdw Jius kumkunaamlo, okv Pwknyarnvnaam  
lo ngoogv tamsar a sarpv kunv. Ngo vdwloka minsí minpikla  
mimapvny. **21** Vbvrikunamv no ngam ogulgabv tvu dunv?  
Ngoogvlo tvnv nyi vdwa tvu toka. Twkalaka ngo bunua ogugo  
minpvdw—bunu chindu ngo ogugo mimpvkudw." **22** Vdwlo Jisu  
sum minto kudw, hoka dakrianv akonv Jisunyi svbiakseriak  
mvtoku okv minto, "No Butvyachoknyi busu maby ogubv vbv  
gaam mindunv!" **23** Jisu ninya mirwkto, "Ngo mimur go minpv  
bolo, hv ogu gudw so nyi vdwsum minpa toka. Vbvrítola ngoogv

minam hv minjwk pvbolo, no ngam ogulvgabv dvngdunv?" 24  
Annas ninyia vjaklodvbv leekor bwngtola Butvyachoknv Kaipas  
gvlo vngmu toku. 25 Pitar hoka vjaklodvbv atuv igula doobwngto.  
Vkvlgabv kvvbi gony ninyia minto, "No ka alo nyi angv gv  
lvbwlausu guma bri?" Vbbritola Pitar um miasula minto, "Ma ngo  
ma." 26 Butvyachok gv nyira ako Pitar gv nyarung palu namgv  
agungarum nyi go minto, "Nam ngo alo nyi anga Nayamlo lvkobv  
ridubv kaama pvnre?" vla nw tvkato. 27 Pitar lvkodv mindvto,  
"Ma"—vla minda sopikda rokpu v koktoku. 28 Arukamchi bv  
Jisuni Kaipas gv naam loka gobunor gv opislo vnggv toku. Jius  
nyi kainv vdwv naam arwngbv aama toku, bunu vngbokunam  
Pumja nga dvnyu dubv vla darwk dubv mvsure vla mvngla  
rinyato. 29 Vkvlgabv Pilot agum bv linla bunua tvvkato, "Ogu  
gula nonu so nyi angv sum gungnying lwkla mindunv?" 30  
Bunugv mirwknamv "Hv rimur mimor rima nvgolo ngonu ninyia no  
gvlo aagv mapvnvpv." 31 Pilot bunua minto, "Vbribolo nonuno  
atuv ninyi naalaila nonugv Pvbv gv alambv kaala risu tvka." Bunu  
mirwksito, "Ngonua nyi mvkidubv jima pvnv." 32 Svbvrinam si  
Jisu gv nw oquaingbv rila sitv rinvdw um gaam minchola ninyigv  
minpv nama rilin modubv rito. 33 Pilot opis arwngbv aakur toku  
okv Jisuni goklwkt. Nw Jisuni tvvkato, "No Jius vdwgv dvbv  
ngvre?" 34 Jisu mirwkt, "So gaam si no atubongv minsu dvnre  
vmalo kvvbi gony ngo lvga nga nam mintam pvnre?" 35 Pilot  
mirwksito, "No ngam Jiu go vla mvngdunvre? No ogugo ripv  
nvla? Noogv Atunyi vdwvla nyibu butvnb vdwv nam ngoogvlo  
laklwknv." 36 Jisu minto, "Ngoogv Karv ngv nyiamooku si ma;  
nyiamooku si ngoogv kary bv rinv guilo, ngoogv rigvnam vdwv  
ngam Jius kainv vdwgv laak lo laklwkt momabv padar minsu  
pvnvpv. Ma, ngoogv kary ngv soka ma!" 37 Vkvlgabv Pilot ninyia

tvvkato, "Vbvrinamv no dvbv ngvre?" Jisu mirwkto, "No nga dvbv akobv minggv nyibv. Ngo so lvgabv nyiamooku so ila bvnglin kopvnv, jvjvgv lvga nga mindubv. Yvzbunudw jyjlo doodunv nga tvya dunv." **38** Pilot tvkato, "Jvjv ngv oguv?" Vbvrikunamv Pilot nyi vdwgylo agum bv linkur toku okv bunua mintoku, "Ngo so nyi sum mia dubv gungying paanyu ma. **39** Vbvrilola nonugv Pvbv gv alam lokv, vngbo pumja lo patwklo tumla vvpvnam nyi akonyi anyubv ngo nonugv lvgabv tulin jibwng dunv. Nonu nga Jius vdwgv dvbv nga anyubv tulin dukubv mvngdure?" **40** Bunu gamtvbv gokla mirwkto, "Ma, nw nyima! Ngonu Barabasnyi mvngdunv!" (Barabas gwngrw gwnv nyi go.)

**19** Vbvrikunamv Pilot Jisuni naatoku okv dvngdar pamuto. **2** Sipai vdwv tv doonv hakbv vkv naala biotung bv mvtola okv um ninyigv dumpolo pilwkto; vbvrikunamv bunu vji pakria go ninya pilwk tato **3** okv nw gvlo aala minto, "Jius vdwgv dvbv ngv turbwng laka!" Okv bunu nw gvlo chaala svbiakseriak mvtoku. **4** Pilot lkvodv agum linkurla okv nyipam a minto, "Kaatoka, ngo ninya mia dubv gungnying mapa nyuma vla nonua kaamu dubv ngo ninya nonu gvlo agum lo limu gvrinvla." **5** Vkvlgabv Jisu agumbv lintoku, tvv biotung hala vji pakria nga gvtokula. Pilot bunua mintoku, "Kaatoka! nyi angv so si kunv!" **6** Vdwlo nyibu butvnb vdwv okv kumkunaam a kaayanv vdwv ninya kaatokudw, bunu goktoku, "Daapo lo ninya takkito! Daapo lo ninyi takkito!" Pilot bunua minto, "Vbvrikunamv, nonu ninyi naala okv Daapo lo ninyi takki toka. Ngo ninya mia dubv gungnying mapa yama."

**7** Nyipam v minkurla mirwkto, "Ngonu pvbv go doosudo hv mindu ninyi kua jinvku, ogulvgavbolo hv atuv Pwknvyarnv gv Kuunyilo gubv minsudo." **8** Vdwlo Pilot sum tvtokudw nw abuyayabv busuto. **9** Nw opis arwngbv aakur toku okv Jisuni

tvkato, "No ogolokv aapvn?" Vbvrilola Jisu mirwk matoku. **10**  
Pilot ninya minto, "No ngam raarwk suma dubvre? Mvnggap  
laka ngoogvlo nam anyubv tulin dubv okv daapo loka takki  
modubv rigvnvnv doodunv." **11** Jisu mirwkto, "No ngam vbv  
mvngchik rilanvnv doodunv ogulvgavbolo Pwknvyarnv nam um  
jipvnv. Vkvlgva yvvdw ngam no gvlo laklwk pvdw hv achialvbv  
rimur gungnying gyyachoknv." **12** Vdwlo Pilot sum tvtokudw,  
nw Jisuni anyubv tulin dukubv lamtv makar kwto. Vbvrilola  
nyipam hv gokla mindvto, "No ninya anyubv tulin kubolo, hv  
manv no Dvbyyachok gv ajin kumany! yvvdw dvbv gubv minsu  
dunv hv Dvbyyachoknyi rinyingriru dunv!" **13** Vdwlo Pilot so  
gaam sum tvvpa tokudw, nw Jisuni agumlo linggv toku okv  
jwngkadakaku "Doqing Lvngnv" vnamlo doolwk toku (Um Hebru  
gaam bv "Gabbatha" vla minto.) **14** Vbvrlikunamv ho alu hv  
Vngbokunam pumja nga loochoyanv alu lopo bv ritoku. Pilot nyi  
vdwa mintoku, "Siiinv nonugv dvbv ngv!" **15** Bunu gokla mindvto,  
"Ninya mvkito! Ninya mvkito! Daapo lo ninya takkito!" Pilot  
bunua tvkato, "Nonu ngam nonugv dvbv nga daapo lo takki  
tvkv vla mvngdu ai?" Nyibu butvny vdww mirwkto, "Dvbyyachok  
mvngchik ngonugv dvbv ngv!" **16** Vbvrlikunamv Pilot Jisuni  
daapo lo takki modukubv bunu gvlo laklwk toku. Vkvlgva bunu  
Jisuni vnggv toku. **17** Nw agumbv vnglintoku ninyigv daapo  
nga bakto kula "Dumku gv mooku" vnam moodw putung (Um  
Hebru gaam bv "Golgota" vla minam) golo aalwk toku. **18** Hoka  
bunu ninya daapolo takki toku; okv kvvbinyi anyi goka Jisu  
gv taggotaksak bv takkito. **19** Pilot minpanam gaamgo lvktola  
um daapolo takgap lwkmuto, ninyigv lwknammv, "Najaret lokv  
Jisu Jius vdwgv Dvbw ngv," vla lvkto. **20** Nyi mvnwngngv um  
purinyato, ogulvgavbolo Jisuni daapo lo takkiku hv pamtv lokv

adu mato. Minpanam gaam lvkpvnam hv Hebru, Letin, Grik gaam bv lvktoku. **21** Nyibu butv vdwv Pilotnyi minto, “Jius vdwgv Dvbv ngv vla lvkma bvka vmabvdv, ‘So nyi angv si ngo Jius vdwgv Dvbv ngv vla minsupvnv.’” **22** Pilot mirwkto, “Ngo ogugo lvkpv kudw vbv lvknam bv doomure.” **23** Sipai vdwgv Jisunyi daapo lo takkiro kochingby, bunu ninyigv vji ha naatoku okv um bunu takpi gobv putakpuyak mvtola sipai akin-akinnv asak gobv orpin-oryin sitoku, bunu arwnglo vji hammabv chumnam haka naatoku. **24** Sipai vdwv akonv akonyi mimisuto, “Sum putak mabvju; klvi ngonu vlwng likwsulaju yvvdw sum paaji bongv.” Svvrinam si Darwknv kitaplo minam a jyjvby rilin modubv ritoku: “Bunu ngoovg vji a orpin oryin sunyato, okv ngoovg vji achar lvgaby limin likwsunyato.” Okv sum vbvchingching sipai vdwv ritoku. **25** Jisu gv daapo lo nvchibv daknv vdwv ninyigv anv, ninyigv anv gv bormv, Klopas gv nyimv Meri, okv Meri Magdalene. **26** Jisu ninyigv anvnyi okv ninyigv paknam lvbwlaksu gunyi hoka dakduby kaagapto; vklvlgabv nw ninyigv anvnyi minto, “Hv noogv kuunyilo ngv.” **27** Vbvrikunamv nw lvbwlaksu anga minto, “Hv no gv anv ngv.” Ho dw lokv lvbwlaksu angv ninyia vnggv lakula ninyigv naam lo doomu toku. **28** Jisu chintoku vjak ogumvnwng nga rinya pvku vla, okv Darwknv kitap nga jyjv monam lvgabv nw minto, “Ngo tvngnwng pv.” **29** Hoka upum gulo, opo kungsuk nvkv yarbing dubv dooto; vklvga svngchak ka opolo nwkbok tvla, um tabiu karda daagolo mvlwk tvla okv um Jisu gv naptwng gaam lo nwkjito. **30** Jisu opo nga tvngto kula mintoku, “Si rinya ngvku!” Vbvrikunamv nw dumpo ngv bawng tuku okv sitoku. **31** Vbvrikunamv Jius nyi kainv vdwv daapo lo takkinam nyi vdwa lvpv nga svtar svbar momu labv vla Pilotnyi kooto, okv svma vdwa daapo loka naalu dukubv vla.

Bunu vbv kooto, ogulvgavbolo ho aluv Jius vdwgv doonu alua  
loochoyanv gubv rito, okv bunu svma vdwa jius Doonualu lobv  
doolin modubv mvngmato, ogulvgavbolo aarinv Jius Doonualuv  
achialvbv darwk nvgo. **32** Vkvlgabv sipai vdwv vngla Jisunyi  
lvkobv daapo lo takkinam vdwa akonyi mvsolaila akonyi lvpa  
vdwa svtar svbar mvtoku. **33** Vbvrilola vdwlo bunu Jisu gvlo  
aatokudw, bunu ninyia sidubv kaatoku, vklvga bunu ninyigv  
lvpa nga svtar svbar mvmato. **34** Sipai akonv nvvbung lokv Jisu  
gv hubyam lo nwklwkti okv vjakgobv oyi bvla isi bv toolinto. **35**  
Vbvidubv kaanv angv ho lkwngbv mintoku, minam gv lvga ngv  
nonuaka mvngjwng modukubv vla, ninyigv minammv jviv ngv,  
okv hv chindu nw jviv nga mindu vla. **36** Svbvrinam si Darwknv  
kitap nga jviv modubv vla ritoku: "Ninyigv loobung akoka dartung  
ma." **37** Okv Darwknv Kitap kvvbi loka mindo, "Yvvnyi bunu  
nwkpv kudw nyi vdwv ninyia kaagap reku." **38** So kochingbv,  
Josep, Arimatis banggu lokv nw Jisu gv svma nga naaku nvpv  
vla Pilotnyi kooto. (Josep risila Jisunyi reming gvnvgubv rito,  
ogulvgavblo nw Jius nyi kainv vdwa busuto.) Pilot ninya svma  
nga naalado vla mintoku, vklvlgabv Josep vngla okv um naaro  
jitoku. **39** Nikodemas, yvwdw kvlo Jisunyi ayubv kaarwk sudubv  
aanv angv, hv mairrh okv aloe mvyomvchila amok nampunv vkv  
keji chaamgo gvla Josepnyi lvkobv vngming gvti. **40** Nyi anyiv  
Jisu gv svma nga naatoku, okv vji koopa lo amok nampu nvnga  
lvkobv kvlap toku, Jius vdwv svma riji nama oguaingbv mvla  
riidudw ho rilambv riitoku. **41** Jisunyi ogolo mvki pvkudw hoka  
mooku hoka nayam ako dooto, okv hoka ho svma magoka lwkw  
manam anwnv nyibung bunggo dooto. **42** Ho alu hv Jius doonu  
alua loochoyanv alu bv rito, okv ogulvgavbolo nyibung ngvka  
nvchilo doopyv, bunu Jisu gv svma nga hoka dypv toku.

**20** Vjwngalu gv arukamchi bv, kanv ngv doodv dubv, Meri Magdalene nyibung lo vngto okv aagiagv vlwng nga naala naa rodubv kaapa toku. **2** Nw Saimon Pitar okv Jisu gv paknam kvbi lvbwlaksu vdwylo riolwk toku, okv bunua minpa jitoku, "Bunu Ahtunyi nyibung loka naaropvku vla, okv ngonu chima ogolo bunu ninyia vvpvpvkudw!" **3** Vbvrikunamv Pitar la okv kvbi lvbwlaksu angv nyibung bv vngtoku. **4** Bunyi anyiv rioba sito, vbvritola kvbi lvbwlaksu angv Pitarnyi riogo yala nyibung lo roichi choyato. **5** Hv gubwngto okv kaanammv vji koopa kvlap nvnv nga kaapato, vbvritola hv arwngbv aamato. **6** Ninyigv adar lo Saimon Pitar aatoku, okv nw arwngbv jokdajokrayato. Nw kvlap nvnv vji koopa nga ho doodubv kaatoku **7** okv Jisu gv dumpo nga heebum nvnv vjiv kvlap nvnv vji a lvkobv doomato, vbvritola achikaik tvvla doosuto. **8** Vbvrikunamv kvbi lvbwlaksu nyibunglo aachi choyanv angvka arwngbv aatoku; hv kaatokula okv mvngjwng toku. **9** Bunu vjaklodvbv Darwknv kitaplo hv sinam lokv turrap rungreku vnama chima bwngto. **10** Vbvrikunamv lvbwlaksu vdvv naambv vngkur nyatoku. **11** Meri nyibung gv agumlo kapla daktoku. Nw vbv kapdung rilo, nw gubwngla okv nyibung arung nga kaabungto **12** okv nyido gjindung anyigo vji yapung tojinv kotola Jisunyi vvpvku hoka doodubv kaatoku, akonv dumpo dooku kyambv okv akonv lypa dooku kyambv, **13** "Nyimy, ogubv kapdunv?" Vla bunu ninyia tvvkato. Nw mirwksito, "Bunu ngoogv Ahtunyi naaropvku, okv ngo chima bunu ninyia ogolo vvpvpvkudw!" **14** Vbvrikunamv nw dakkurdakjur namv Jisunyi hoka dakdubv kaapa toku; vbvritola nw um Jisu kv vla chimato. **15** "Nyimy, no ogubv kapdunv?" Jisu ninyia tvvkato. "No Yvnyila kaakar dunv?" Nw um nayam kaaya nvgo vla ninyia mvngto, vkvlygabv nw ninyia mintoku, "No ninyia naaropvnvbolo,

tamsarnv, nga minpalabv no ninyia ogolo vvpv pnvla, ngo vngla  
ninyia naaku nvpvla." **16** Jisu ninyia mintoku, "Meri!" Nw dakrwk  
toku ninyigv takbv okv Hebru gaam bv minto, "Rabboni!" (So  
minam si "Tamsarnv.") **17** Jisu ninyia minto, "Ngam mvsit mabvka,  
ogulvgavbolo ngo vjaklodvb Abu gylo chaakorla chaalin madv.  
Vbbritola vngnyila ngoogy boru vdwa minpa jiteka ngo Abu  
okv bunugv Abu bv rikunv gylo okv ngoogy Pwknyyarnv okv  
bunugv Pwknyyarnvb rikunv gylo vngkur jikunv." **18** Vkvlgabv  
Meri Magdalene vngtoku okv ninyigv lwbwlaksu vdwa minpa  
jitoku nw Ahtunyi kaapv nvkv vla okv ninyigv bunua minam  
vdwa hv mintam jitoku. **19** Vjwngalu gv arium riumdwng bv,  
okv lwbwlaksu vdwv bunu adarai lo agi a koktum sutola lvkobv  
dookum nyato, ogulvgavbolo bunu Jius nyi kainv vdwa busu  
nyato. Vbvrirkunamv Jisu aatoku okv bunu gylo daktoku. Nw  
minto, "Sarsopoyo ngv nonu gylo lvkobv doolwk laka." **20** Vbv  
miro kochingbv, nw ninyigv laak okv hubyam a bunua kaatam  
toku. Lwbwlaksu vdwv Jisunyi kaatokula achialvbv mvngpu  
nyatoku. **21** Jisu bunua lvkodv mindvto, "Sarsopoyo ngv nonu  
gylo lvkobv doolwk laka. Abu gv ngam vngmunam apiabv ngo  
nonua vngmu dunv," **22** Vbvrirkunamv nw bunu gylo saklwk toku  
okv minto, "Darwknv Dow ha naarwk silaka. **23** Nonu nyi vdwgv  
rimur a mvngnga jibolo, bunuaka mvngnga jireku; nonu bunua  
mvngnga mabolo, bunuaka mvngnga mare." **24** Lwbwlaksu  
vring gola anyi lokv akin gonv, Tomas (Bvngpiam sinam vla  
minam) Jisu gv bunu gylo aarilo hoka bunua lvkobv doomato.  
**25** Vkvlgabv kvvbi lwbwlaksu vdwv, "Ngonu Ahtunyi kaapv  
kunv!" vla ninyia mintamto. Tomas bunua minto, "Ngo vdwlo  
ninyigv laak lokv kili taknam ungv nga kaala ngoogy lakching ngv  
chilwk maredw, ngo mvngjwng mare." **26** Alu lokkanw kochingbv

lvbwlaksu vdwv lvkodv agi a koktum tvvla doobam nyato, okv Tomas bunua lvkobv doobam toku. Agi a mvtum toku, vbvritola Jisu aato okv bunua lvkobv dakto okv minto, "Sarsopoyo namv nonua lvkobv doolwk laka." 27 Vbvrikunamv nw Tomasnyi minto, "Ngoogv laakka kaato kuka, okv noogy lakching ngv chilwk tvcuka; vbvrikunamv noogy lak v ilinla okv ngoogv hubyam so mamkato. No gv mvngjwng maby rinam a kayu tokula hoka mvngjwng tokuka!" 28 Tomas ninyi mirwk toku, "Ngoogv Ahtu okv ngoogv Pwknvyarnv!" 29 Jisu ninyia minto, "No ngam kaakunam lvgabv mvngjwng duku ai? Vdwgo mvngpu vku yvvdw ngam kaamabv mvngjwng dunv!" 30 Ninyigv lvbwlaksu vdwgv kaagia lo Jisu kvvbi lamrwpanam vkv achialvgo kaatamto um so kitap so lvkgap pvma. 31 Vbvritola so lvkgap pvvnam vdw so gv lvkwng ngv nonua Jisunyi Kristo, Pwknvyarnv gv Kuunyilo ngv vla mvngjwng modukuby, okv nonugv vbv ninyi mvngjwng kolokv nonu turbwng nama paadu kubv.

**21** So kochingbv Jisu lvkodv Tiberias Sspar lo ninyigv lvbwlaksu vdwa kaarwksuto. Si vbvchingbv ritoku. 2 Saimon Pitar, Tomas (Bvngpiam sinam vla minam), Natanael (Hv Galili gv Kana lokv), Jibedi gv kuunyilo vdwv, okv Jisu gv kvvbi lvbwlaksu anyiv la mvnwngngv lvkobv dookumtoku. 3 Saimon Pitar kvvbi vdwa minto, "Ngo ngui naabv vngjinnv." Bunu ninyia minto, "Ngonuka nam vngming gvvre." Vkvlgabv bunu svpw akolo vnglin nyatoku, vbvritola bunu ho ayu mvnwngngv hoka oguka harpa kumato. 4 Doonyi hv nyilin sopit pvngnga, Jisu isi biyarlo daktoku, vbvritola lvbwlaksu vdwv ninyia Jisu vla chimato. 5 Vbvrikunamv hv bunua tvvkato, "Yaapa vdwa, nonu oguka harpa malare?" Bunu mirwkt, "Aaro, oguka naama." 6 Nw bunua minto, "Nonugv vsap a svpw hokv lakkik takbv orlwk kwto, okv nonu mego naare."

Vkvlgabv bunu bunugv vsap a orlwk toku okv um pukorla pulwk nyuma toku, ogulvgavbolo achialvbv ngui naakunam lvgabv. 7 Jisu gv paknam lvbwlaksu angv Pitarnyi minto, "Si Ahtu laka!" Vdwlo Pitar Ahtu vla tvvpa tvkudw, hv ninyigv agum vji a koorum sutoku (hv ninyigv vji a pilinla vvpv kunam um) okv isi bv poklwk toku. 8 Kvvbi lvbwlaksu vdww svpw lokv agumbv dulunlinla vsaplo ngui yarpok kunam a puming gtvo. Bunu agum gv kvdw a adu jeyo kumato, mitar lwngkin gubv adu to. 9 Vdwlo bunu agum kvdwlo korlin tokudw, bunu vtwng vkvla ngui go vmv mvri lo baalwk tvla doodubv kaapato. 10 Vbvrikunamv Jisu bunua minto, "Nonugv yjakpi ngui naanam lokv mego bvnglwkt." 11 Saimon Pitar svpw lo vngto okv ngui nvvtvnv vsaplo yarpok kunvnga agumbv rvvlinto, ngui ngv lvngola chamngu gula nvom gubv mvnwngngv rito; hoka achialv kujeka, vjaklodvbv vsap hv bokpwk mato. 12 Jisu bunua minto, "Aato okv dyto." Lwbwlaksu vdww yvv akonvka mvngpakla ninya "No yvvla?" Vla tvvka nvgoka kaama, ogulvgavbolo bunu si Ahtu kv vla chintoku. 13 Vkvlgabv Jisu vngla, vtwng nga naato okv bunua jitoku; okv ngui haka vbdvdvbw rito. 14 Jisu sinam lokv turrapro kochingbv ninyigv lvbwlaksu vdwa kaarwk sunamv si lvom nvnvku. 15 Bunu dvro kochingbv, Jisu Saimon Pitarnyi minto, "Saimon, Jon gv kuunyilo, no ngam so kvvbi vdwgv ngam paknama kaiyabv pakya dunvre?" Hv mirwkt, "Vkv, Ahtu, nam ngoogv paknam ma no chindu." Jisu ninya minto, "Ngoogv svlarkuu vdwa alvbw kaaya laka." 16 Jisu lvnyi nvbv ninya minto, "Saimon Jon gv kuunyilo, no ngam pakdunvre?" Hv mirwkt, "Vkv, Ahtu, nam ngoogv paknam a no chindu." Jisu ninya minto, "Ngoogv svlar vdwa alvbw kaaya laka." 17 Jisu lvom nvbv minto, "Saimon Jon gv kuunyilo, no nga pakdunvre?" Pitar mvngru toku ogulvgavbolo

Jisu ninyia lvom go "No nga pakdunvre?" Vla tvvka kunam lvkwngbv vkvlvgabv hv Jisuni minto, "Ahtu, no ogumvnwngnga chindunv; no chindu nam ngoogv paknama!" Jisu ninyia minto, "Ngoogv svlar vdwa alvbv kaaya laka. **18** Ngo nam jyjv nga minjidunv: nonugv yaapa rilo nonu ogolo vngso mvngpwdw no mvgemvrap sula vngdung vngbab karminto; vbvritola noogv nyikam rilo, no lak v laklin reku okv kvvbi akonv nam leeriku okv noogv vngso mvngma kolo vnggv reku." **19** (Jisu gv ninyia svbv minam si Pitar silaku Pwknyarnvnyi kaibv yunglit mosenga mintoku.) Vbvrikunamv Jisu ninyia "Nga vngming gvlaak!" vla mintoku. **20** Pitar kaakor kaarwk namv Jisu gv paknam kvvbi lvbwlaksu anga adarlo dakdubv kaapato—hv Jisu gv dvnam dvgv rilo ninyigv nvchilo doolwk dvla "Ahtu nam yvyla koa tvdunv?" vla tvvkanv angv. **21** Vdwlo Pitar ninyia kaapa tokudw, nw Jisuni tvvkato, "Ahtu, ogubyla so nyi sum?" **22** Jisu ninyia mirwkto, "Ngo ninyia ngoogv aakurma dvdvlo turbwng modubv mvngbolo, hv no gvbv ogubv ridula? Ngam vngming gvlaak!" **23** Vkvlgaby so lvbwlaksu angv simare vla yunying ngv jarkar toku Jisu gv rigynam vdwgylo. Vbvritola nw simare vla Jisu mimato; nw minto, "Ngo ninyia ngoogv aakurma dvdvlo turbwng modubv mvngbolo, hv no gvbv ogubv ridula?" **24** Nw kuna lvbwlaksu angv yvvdw so vdw sum mindunv, okv sum lvkgap pvnv angv; okv ngonu chindu nw ogugo minpvkudw hv jyjv ngv. **25** Vjak, Jisu gv kvvbi aba rikunam dvdv ngv hoka achialv toku. Um akin akinbv lvknv guilo ngo mvngkanamv nyiamooku mvnwng si um lvkpv nama dvbwng nyulamare.

# Nyingnam

**1** Pakmisinam Tiopilas: Ngoogv lvktulwkke lwknam kitap lo ngo Jisu gv ogumvnwng rinam okv minam ninyigv atukalu ho rinama lvkpvnv **2** ninyi nyidomooku chaatv madvbv alulo. Ninyigv chaama dvbv, Hv kaatamritamla Darwknv Dow jwkrw lokv ninyigv Apostol gobv darlin kunam niy vdwa. **3** Vkgvg siro kunam kochingso alu champi go ogolo lamtv lo hv niy vdwa kaarwksuku nama ho hv turpvkunv vv niy vdwa kaatam kunam. Bunu ninyia kaatoku, okv hv bunua lvkobv Pwknyarnv gv Karv gv lvgabv japbam toku. **4** Okv vdwlo bunu lvkobv aato kudw, hv bunua so orto sum jitoku: “Jerusalem am vngyu mabv kv, vvvritola jwkrw lvgabv doyato ngoogv nonuam minpv nama, ngo Abu gv jwkrw milv nama. **5** Jon isi lokv baptisma jito, vvvritola so lonyiloum so nonua Darwknv Dow lokv baptisma jire.” **6** Vdwlo Apostol vdwv Jisuni kaarwk sikubvdw, bunu vdwv ninyia tvvkato, “Ahtu, no so vjakdadw suka Israel am Karv nga jikur dooku bvre?” **7** Jisu bunua minto, “Ridwvngdw ngv ngoogv Abu gv atubogv tujupkunamv, okv so si nonu lvgabv chinsvma vdwlo vv bunu ririkudw. **8** Vvvritola vdwlo Darwknv Dowv nonu gylo aaku bolo, no jwkrw doriku, okv no ngo gvbvku minjiyanv gobv ririku Jerusalem lo Judia mvnwnglo okv Samaria okv sicingmooku gv dotvr mvnwnglo mingo jinv gobv ririku.” **9** Miro koching so ninyi nyidomooku naacha kunama ho vdwv kaaria toku, okv ho vdwgv kaanyung aku ninyia hapumv kaklum toku. **10** Bunu vdwv vjaklodvbv nyido tlo bv ninyigv chaanama roodungla kaaria kunamv, ogolokv niy anyigo vji jipung kootola dvmminmabv bunu vdwgylo aala dakbamto **11** okv minto, “Galili niy vdwv, ogulvgabv nonuno daktola nyidotolo kaadung dunv? Si Jisu si, nonugv lokv nyidomooku bv naacha kunama, nonu

ninyia nyidomooku bv chaadubv kaaming gvnam aingbv nw  
vbvching lvkodv aakur reku.” **12** Okv Apostol vdwv Olib gv  
Moodw lokv Jerusalem lo vngkur toku, hv pamtv lokv lvtw gobv  
aduto. **13** Bunu banggu lo aachi toku okv ho vdwgv karchung  
dookulo chaachi toku: Pitar, Jon, Jems okv Andriu, Pilip okv  
Tomas, Bartolomiu okv Metiu, Alpius gv kuunyilo Jems, Saimon  
ringria kunv okv Jems gv kuunyilo Judas. **14** Bunu dookum  
nyato kumbwng nyala, anvnyimv vdwv okv Jisu gv anv Meri  
okv ninyigv boru vdwv lvkobv. **15** Alu lonyiloum koching ho  
mvngjwngnv vdwv doopamgo pamto, hokaku lwnggola chamnyi  
gubv, okv Pitarnyi japdubv daktoku. **16** “Ngoogv ajin vdwv,”  
hv minto, “Darwknv Dow lokv minamv darwknv kitapv jvjvbv  
aaduku, Dabid gv lokv, oogv Jisuni booku nama chigudabianv  
Judas gv lvkwng lo mincho moodubv mvtoku. **17** Judas ka  
ngonugv apam lo ribamv, hv ngonugv kudungkua aba lo ribam  
kunam akobv darlin kunamv.” ( **18** Judas gv alvmanv rijo morko  
paanama rongo rvnv toku, ho rongo hoka ninyi atubongv hoksar  
sitoku; ninyi godit goitla okv ninyigv tangiv pokdik lintoku. **19**  
Jerusalem lo nyi doonv vdwv so sum tvtpa kunam, okv ho vdwgv  
atubogv gaam bv ho rongo nga Akeldama vla vdwv minkunam,  
Akeldama, minam si “Gwngrw Talwng Rongo.”) **20** “Holvgabv  
soogy Miri kitap si vBV lvkpV pvku, ‘Oogv naam lo nyi akoka  
dookuma; Holvgabv vkvgv naamy arochoko duku.’ So si ka  
lvkpV duku, ‘Vbvmabvdv akonvka vkvgv risvdosv nga naariku.’  
**21** “Holvgabv, Ahtu Jisu gv turkur kunama, ho kaariatarianv  
akobv ngonu gylo ribam rungdu kubv, hv nyi angv kvvlo lokv  
Ahtu Jisu ngonugv lvkobv vnggo karla Jon ninyigv baptisma gv  
doina japgo kari lokv Jisuni nyidomooku lo ngonugv pingko  
lokv laachama dvdv lobv riming gvnv gobv rirungpv lage.” **23**

Vbvrikunamv, bunu vdwv nyi anyi gonyi mimpv toku: Josep, um Barsabbas vtoku (Justus bvka mintoku) okv Matias. **24**  
Vbvrikunamv bunu kumtoku, "Ahtu, no mvnwng gv mvngnama chindu, noogv gaklin pvniam nyidum anyi sum ngonua kaatam bvka **25** Apostol aingbv ridubv Judas gv vngro kunam lokv, nyi ogolokvdw ho vngkunam." **26** Vbvrikunamv bunu nyi anyia amin chingkw sito okv ako chincha namv Matiasnyi Apostol akobv chilin toku vrnggola akinlo aapwng toku.

**2** Vdwlo Pintikost aluv aakunamv, mvngjwngnv vdwv lvkobv dooku akin lo dookum toku. **2** Dvminmabv nyido gvngv doogumdoori ngv gumnam jvbw kai alvbv svdu duto, okv bunu vdwgv dooku naam lo dulwk toku. **3** Vbvrikunamv bunu ogu vmv mvriak taakar nam aingbv kaapatoku okv hoka akinakin lo mvsit karto. **4** Darwknv Dowv lvkobv ho mvnwng nga aaku namv Dowv kvvbi gaam aingbv japdu kubv bunua mvtoku. **5** Jerusalem lo Jius vdwv dookunamv, nyiamooku mvnwng lokv diringmooku mvnwng dormo nyi vdwv aakum toku. **6** Vdwlo bunu so svdua ttypapvdw, nyi nyitwnggo aakum toku. Bunu mvnwng ngv yaa mvngtoku, ogulvgavbolo akinakin bv mvnwng ngv mvngjwngnv vdwv bunu atugv gaambv japdubv tvvtoku. **7** Mvngrimvngma okv kaasartabo mvngdukla bunu gokto, "So nyi japnv vdwv si Galili nyi jvbw! **8** Si oguaingbv, vbvrikunamv, ngonu mvnwng ngv ho bunua ngonugv atugv gaam nga japdubv tvvdunv? **9** Ngonu Partia lokv, Media, okv Elam; Mesopotamia lokv, Judia, okv kapadosia; Pontus okv Asia lokv gvngv, **10** Prigia lokv, okv Pampilia lokv, Ijpt okv Sairen nvchi Libya mooku lokv. Ngonu kvvgonv Rom lokv gvngv, **11** Jius okv Jentail judaism lo aakunv nyitwng anyiv, okv ngonu kvvgonv Kret okv Arabia lokv gvngv vjvka ngonu mvnwng ngv bunua ngoogv gaambv japdubv tvvdv

Pwknvyarnv gv ogu kairungnv go rinam lvgabv!" **12** Lamnam okv mvngbwk maby, bunu akonv akonyi tvvka minsuto, "Si ogu gubvri?" **13** Vbvrilola kvvgonv mvngjwngnv vdwa giokw nyala, minto, "So nyi vdwv tvngkium nyapv!" **14** Vbvrikunamv Pitar vringgola akin Apostol am lvkobv daktoku okv gamtv alvbw milinto bunua: "Okv yvvdw Jerusalem lo doonv vdwv nonu mvnwng ngv Jius aingbv ritoku, nga tvvriato okv klai ngo nonua mintodv si oguvdw. **15** So nyi vdwv tvngmanv, oguaingbv no mvngdudw; si arugv kia baje mvngchikdu. **16** Vmabvya, so si nyijwk Joel gv ogugo mingkunamv vvkv: **17** 'Pwknvyarnv minto, ogu gunyi ngo rirungre so sung ataranya alu lo: Ngoogv Dowa ngo mvnwng gv aolo pwlwk jire. Ngoogv doina, noogv kuunyilo okv nyimv vdwv minkar riku; noogv nyipayapa vdwv nyikrw kaare, okv noogv nyikam vdwv yuma maare. **18** Vvka tikkabv, ngoogv nyira anyi, pakbu okv paknv loka, Ngo aamure ngoogv Dow ho alunyi, okv bunu minjire ngoogv doina. **19** Ngo nyido aolo lamrwpadubv kaatamre okv sicingmooku lvkwnglo kaasartabo more. Hoka ka oyi, vmv, okv mvkwv doore; **20** Donyiv nyikumare, okv Pooluv oyi jvbw yalwngre, Ahtu gv aamadvbv kairungnv okv yunglitnam alu lo. **21** Okv vbvrilola, yvvdw Ahtunyi ringkudubv gokdunv um ringreku.' **22** "Tvvgapto soogv gamchar am, Israel ribam vdwv! Jisu Najaret gv nyi go vv darwknv tulwkkunama kaatamto nonua lamrwpadubv okv kaasartabo bv Pwknvyarnv ninyigv lokv kaatamto. Nonu atubongv chinsudo sum, si nonugv pingkolo ritoku. **23** Ninyigv atubongv mvngdung lokv Pwknvyarnv mvngpv kunam ho Jisuni bunu gvlo laklwk jitoku; okv nonuno rimurnv nyi vdwa ninyia daapo lo takki motoku. **24** Vbvrilola Pwknvyarnv ninyia sinam lokv turkur motoku, ninyia jwkrw jitoku, ogulvgabv ninyia hv rila mato sinamv patwk doonv

nyi jybv naatung nyomare. 25 Dabid ninyigv lvkwnglo minto, 'Hoogv dw mvnwng lo ngo Ahtunyi kaato, hv ngoogv nvchilo dooto okv ngo adwkakunam kaamare. 26 Okv vklvlgabv ngo gylo himpuv puulvk duku, okv ngoogv gamcharv achialvbv alv duku. Okv ngo, sidajvka ngo ka, mvngjwng ngv doming gvvriku, 27 vklvlgabv no nga achialvbv siku sichingmooku lo tulatua mare; noogv mvngjwngnv nyira nga nyibunglo yaalwk momare. (Hadēs g86) 28 No nga kaatamto singjiku lamtv nga, okv noogv doonam lokv nga lvkobv himpu moto.' 29 "Ngoogv ajin vdwa, Ngo nonua minda kalabv mindunv ngoogv yungnam abuapa Dvbw Dabid gv lvkwngbv. Hv sitoku okv svma nga ritoku, okv ninyigv nyibung ngv silu gudvbv ngonua lvkobv dooming gvdo. 30 Hv nyijwk gubv ritoku, okv Pwknyayarnv ogugo ninyia milv pvdw um hv chindu: Pwknyayarnv milv toku Dvbw Dabid aingnvg, ninyigv husi lokv akonyi Dvbw bv mvre. 31 Dabid kaapato Pwknyayarnv ogugo vngtvritv dunvdw aarinvlo, okv hv minto Kristo gv turkur kunam lvkwng lo, 'Hv siku sichingmooku soka tulatua kumare; ninyigv ayak vv nyibung boloka yaaku mare.' (Hadēs g86) 32 Pwknyayarnv Jisunyi sikunam lokv tukur motoku, okv sung ngonu mvnwng ngv jyv nga kaarianvngv. 33 Hv ka turkur kunv ngv Pwknyayarnv gv lakkik peelvbv doonv, ninyigv Abu lokv okv Darwknv Dowa ninyi naarwk sitoku, ninyigv milvnam lokv. No ogu gunyi vjv kaadunv okv tvvdunv si ninyigv jinamgo ho hv ngonua Darwknv Dowa jilwk toku. 34 Hv Dabid mato yvvdw nyidomooku tololv chaakunv; vbvritola Dabid atuv mintoku, 'Ahtu ngoogv Ahtunyi minto: Soka dooto ngoogv lakkik kiambv 35 ngo noogv nyimak am lvchu arwnglo vvpvma dvdvlo.' 36 "Israel gv nyi mvnwng ngv, vbvritola hoka nonu chirungto si Jisu, yvnyi nonu daapolo takipvdw, ho angy Pwknyayarnv gv

mvkunam Ahtu okv Messiah!" **37** Vdwlo nyi vdwv sum tvpa pukudw, bunu mvnwng ngv achialvbv adwkakuto okv Pitarnyi minto okv kvbvi Apostle vdwaka, "Achiboru vdwv ngonu ogubv rire?" **38** Pitar bunua minto, "Nonuno akinakinv rimur lokv lirung tokuka okv Jisu Kristo gv amin bv baptismal laato kuka, vbvribolo nonugv rimur am mvngnga jiriku; okv nonuno Pwknvyarnv gv jinam nga naark siriku, Darwknv Dowa. **39** Pwknvyarnv gv milvpvnamv nonua okv nonugv umvuu vdwa, okv mvnwng nga yvwbunu adu lokv—mvnwng nga ngonugv Ahtu Pwknvyarnv ninyi atubogv lv gabv goklwkt." **40** Pitar bunua dinchinam gaam minto okv hv mindwkkrwkla minto, "Alvmanv nyi vdwgvlo mvritririt aarinvpv nonuno ringsu laka!" **41** Bunu vdwv awgonv mvngjwngto ninyigv doina okv baptismal naakunam, okv ho alulo hejar aom dvsv gobv nyitwnggo apam hoka aapwng toku. **42** Bunugv dwa jila Apostle vdwgvlo risar sunya toku, kumkulo kumbam nyato, dvnam am jimi suto okv kummi suto. **43** Aigo lamrwpanam okv kaasartabo namgo ritoku Apostle lokv okv nyi mvnwng ngv kaalam paktola mvngto. **44** Mvngjwngnv mvnwng ngv lvkin gubv nvchibv kumkulo kumbv ribv nyatoku okv bunugv yikungyira am ajinanying nga jimi sunya toku. **45** Bunu vdwv atugv yikungyira okv ayi nga pyoktokula okv morko nga mvnwng ngv pingkolo akinakin gv ogugo dinchinam nga orpinorin sito. **46** Alu logo yayaku bunu lvkobv Pwknvyarnv gv Naam arwnglo apam gubv kaarwksuto, okv bunugv dvnamtvngnam nga bunugv naamlo lvkobv, hapokv mvngpula okv nyaknyak bv dvbamto, **47** Pwknvyarnv hartv la, okv nyi mvnwng gv alvbw mvngnam saknama himpala himpu nyatoku. Okv alu lokia Ahtu ringlin kunam vdwa bunugv apumlo aapwng momu toku.

**3** Alu logolo Pitar okv Jon kumdw lo, ariumgv gunta aom lo kumbv Pwknyarnvnaam lo vngtoku. **2** Hoka Kaapunv Agi minamgo dooto, nyi ako ninyigv singcha ilo gvngv lvpik bogobv rinvgo dooto. Aludwkibv ninyia agi lo baklwk kito nyi vdwlokv morko koonam lvgabv yvzbunu Pwknyarnv gv Pwknyarnvnaam bv vngdudw. **3** Vdwlo hv Pitar okv Jon bunyia arwngbv aadubv kaapa tokudw, hv ogu achukgo ninyia jikubv bunua kootoku. **4** Bunu ninyia kaadichinchin la kaato, okv Pitar mintoku, “Ngonua kaato!” **5** Vklvgabv hv bunua kaato, mvngto bunu gylo ogu achukgo pajji vla. **6** Vbvitola Pitar ninyia mintoku, “Vjak ngo gvlo morko achukguka kaama, vbvitola ngo nam jire ngo gvlo ogugo doopvdw: Najaret Jisu Kristo gv amin bv ngo nam mindunv gudungto okv vngkar tokuka!” **7** Vbrikunamv hv gakbwngto ninyigv laakbik laak lokv okv ninyia svraptoku. Vjakpigobv nyi angv gv lpva okv gorbwng ngv gwltktoku; **8** hv pokdinpokrin toku, ninyigv lpva ngv dakdin jitoku, okv vngraptoku angchar vngyarla. Vbrikunamv hv bunugv lkobv Pwknyarnv gv Naam arwngbv aaming gvvto, vngyingla okv pokyingla okv Pwknyarnv hartvbamtyla. **9** Hoka nyi vdwv ninyia vngkar dubv kaatoku okv Pwknyarnvnyi hartvbamtv dubv, **10** okv vdwlo bunu ninyia kaapunv agilo dootola koriak karnv gubv kachin tukudw, bunu mvnwng ngv lamdokpanyato okv mvngnyato ogugo ninyia ripv kunvdw. **11** Pitar okv Jon Solomon gv giaby, vla um vBVching mintoku hoka vngrilo nyi angv bunyia gakbwng toku, nyi vdwv lamngakpanyato okv bunu gvlo joklwk nyatoku. **12** Vdwlo Pitar nyi vdwa kaapa tokula, hv bunua minto, “Israel gv nyi vdwv, Ho so nonuno ogubv lamdokpadunv, okv nonuno ogubv ngonua kaagap chinchila kaadunv? Nonu vBV mvngdunvre soogv nyi angv sum vngdu kubv mvnam si ngonu atugv gwltwk vmalo jwkrw

lokv mvpv nvgo mvngdu ai? **13** Abraham gv, Isaak gv, okv Jakop gv Pwknyarnv, ngonugv abuapa vdwgv Pwknyarnv, ninyigv Pakbu Jisunyi ninyigv kainv jwkrwa jito. Vbvrilola nonuno ninyia rigvdoogvvn vdwgvlo lalkwkt, okv nonuno Pilot gv dookulo ninyia toa jitoku, Pilat gv ninyia topu dokubv vla minro koching bvka. **14** Hv darwkt, okv alvnbv ritoku, vbvrilola nonuno ninyia toa toku, okv bununo nyi mvki yanv anga alvyabv mvngla tulin kunam lvgabv pilatnyi nonuno koonyato. **15** Nonuno singkurikulo vnggv jinv anga mvkito, vbvrilola Pwknyarnv ninyia sikunvnga turkur motoku—okv so sung ngonuv kaarianv vdwv. **16** Jisu ninyigv amin bv jwkrwa so lvpiknv nyi anga turnv nvnga jitoku. Nonuno ogu gunyi kaadudw okv chindu kudw mvngjwng lokv ninyigv amin bv ripvkov; Jisunyi mvngjwng kunam lvgalo ninyia alvmopv kunv, vbv nonu mvnwng nga kaadubv. **17** “Okv vjv, ngoogv ajin vdwv, ngo chindu ho nonuno ogugunyi okv nonugv nyi rigvvn vdwv Jisunyi chinchipi mabv rinyato. **18** Klu gvngv Pwknyarnv nyijwk mvnwng gvlo mimu toku ho ninyigv Kristo ngv hinching chingre; okv hv um svbv jvjbv dukubv mvjitu. **19** Vbvrilolam, mvngdwn tokuka, okv Pwknyarnv gvlo aanyato, nonuno vbv rikubolo, hv nonugv rimur am mvngnga jiriku. **20** Ahtu gylokv Dow atortornv nvnv dw ngv aariku, okv hv Jisunyi vngmu riku, yvvdw Messiah vla hv nonuno gv lvgabv gakpv kunamv. **21** Hv nyidomooku lo doyare ho dw vv aama dwdvlo ogumvnwng ngv anw malo, Pwknyarnv vbv mimpa jito ninyigv darwknv nyijwk yvvbunudw krimklu gv rinv lokv. (*aiōn g165*) **22** Moses minto, Nonugv Pwknyarnv Ahtu nonua jilwkre nyijwk akobv, sijv nga hv jilwknam aingbv, okv nonugv atugv nyi lokv akonv singri nvpv. Nonuno ogumvnwng nga tvvtoka ho nonuno ninyigv minama ritoka. **23** Akony yvv ho nyijwk am tvvmabolo

Pwknvyarnv gv nyi vdwylo mvpin suriku okv mvyakmvchak riku.'

**24** Okv nyijwk mvnwng ngv yvv doin minpvdw Samuelnyi mindvla okv yvzbunu ninyigv kochingbv aakunv, japa jitoku Silumelu ogugo ridu kudw. **25** Nonu gvbv nyijwk vdwyg lokv Pwknvyarnv milv jito, okv ogugonyi Pwknvyarnv nonugv abuapa vdwa lkvobv mvrwjinama nonuno mvpinmiyin minsuto. Hv Abrahamnyi vbv minto, 'Nonugv husi lokv ngo schingmooku gv nyi mvnwng nga ayare.' **26** Okv vkvlvgabv Pwknvyarnv ninyigv Pakbu nga gaklin riku okv ninyia nonu lo jilwk chore, nonua ayare nonugv akinakin gv alvmanv lamtv loka lingkur moriku."

**4** Pitar okv Jon nyi vdwa mindung rilo, nyibu kvvgonv, Pwknvyarnvnaam dakriakarianv okv Sadusi kvvgonv vngchi toku. **2** Bunu ridwkriku nyato vkvlvgavbolo Apostol anyiv nyi vdwa tamsarla ho Jisu gv sipikula turkur kunama, vdwlo chintoku ho sitokula turkur kunv nga. **3** Vklvlgabv bunu bunua naatungto okv bunua patwk arwnglo tumpvto alu lonyinvnv aama dvdbv, si ogubvrijka tapv rotoku. **4** Vbvrifikula meegonv yvv doina tvvpvdw vv mvngjwngto; okv nyi vdwv aapwng yayala hejar angu dvsv gubv ritoku. **5** Alu logonvgv kochingbv Jius gv rigvbu vdw, nyigagatv vdw, okv pbv tamsarnv vdwv Jerusalem aakumto. **6** Bunu lkvobv kaarwk minsuto nyibu butvyachok Annas okv Kaiapas, Jon, Alekjandar, okv yvvdw nyibu butv gv dypar parkin bv rinv kvvbi vdwaka. **7** Bunu milinto Apostol vdwa bunugv atuklo dakmu tvla okv bunua tvuto, "No oguaingbv ripvnv so? No ogolokv jwkrw papvnn vmaloo yvvgv amin bv nonu rinv dunv?" **8** Pitar, Darwknv Dow ngv akomaring bv dootola, bunua mirwksuto, "Nyi vdwa tujupkunam vdwa la okv nyigagatv vdwa: **9** ngonu silu alvrungnv rinam nyi lvpikbo anga okv oguaingbv hv mvpunam vdw tvvkabolo, **10** vbvrifikunamv nonu mvnwng ngv chinto kulaka,

okv Israel gv nyi mvnwng vka chinto kulaka, ho nonugv kaagialo so suka daknv nyi angv ogumvnwng ngv alv duku Najaret Jisu kristo gv amin gv jwksw nonugv daapo lo takkinam okv sikunv anga Pwknyarnv gv turkur mokunam. **11** Jisu Darwknv kitaplo minpvnam angv, ‘Nonu naam mvnv vdwgv toakunam vlwng angv mvnwng nga dinchi yachok nvgobv ritoku.’ **12** Ringlinbaalin nama ninyi akin lokv pamwngre; nyiamooku soka Pwknyarnv yvvnyika jinam kaama ngonua ringnyu dubv.” **13** Dopam gv nyi vdwv Pitar okv Jon bunyia kaanyato okv chintoku bunyiv ogumanv ngv puriputa kaama nvgo oguaingbv busu mabv mindu nvgoda vla lamnyato. Vbvrikunamv bunu mvngdw toku ho bunyiv Jisu gv rikulo rinvgo. **14** Vbvritola bunu hoka oguka minyu kumato, ogulvgavbolo nyi mvpunam angv Pitar okv Jon bunyi lvkobv dakdubv bunu kaato. **15** Vkvlgabv bunu bunua kvbadopam karchung lokv vngro dukubv mintoku, okv vbvrikunamv bunu bunugv pinkolo japrap minsuto. **16** “Ngonu so nyi vdwa lvkobv ogu ridubv?” bunu tvvkato. “Jerusalem gv nyi nyicharv ho chinyato so bunu gylo akusubv rinyu manam lamrwpnam go kaatamto, okv ngonu hum miya jinyuma. **17** Vbvritola so gaam sum pvpvlaju nyi vdwgv pinkolo tvvsik suma dubv, klvi ngonu so nyi vdwa gamrw laju yvvnyika lvkodv Jisu gv amina minkar kuma dubv mintor laju.” **18** Vkvlgabv bunu arwnglo bunua gokkur lvkto okv bunua mintoku ogugoka tvvkayo nonuno Jisu gv amin bv japkuyo vmalo tamsarka koomabvkv. **19** Vbvritola Pitar okv Jon bunua mirwksuto, “Nonu atuv jwngkadaka suto ogolo angv Pwknyarnv gylo tarwkbak yadunvdw—nonua tvvria svgobvri vmalo Pwknyarnvnyi tvvria svgobvri. **20** Ngonu atubongv ogugo kaapvdw okv tvvpvdw um ngonu mintong nga topunyuma.” **21** Vkvlgabv dopamv bunua kaiyayabv gamrw rwkto okv

vbvrikunamv bunua topu nyatoku. Bunu kaatoku hoka bunua  
mvrit nyomare vla, ogulgavbolo ogugo ripvkudi um nyi mvnwng  
ngv Pwknyarnv hارت tvvdung nyatoku. 22 Yvnyi lamrwpadubv  
kaataml a mvpunam nyi angv anying champi lvgubv ritoku. 23  
Pitar okv Jon bonyia topusopitda, bunugv ribam achamlo bunu  
vngkurtuku okv bunua mimpa toku ogugo nyibu butv vdwgv okv  
nyigagatv vdwgv minku nvnga. 24 Vdwlo mvngjwngnv vdwv um  
tvvpa namgola, bunu mvnwng ngv lvkin gobv Pwknyarnvnyi  
kumto: "Ahtuv okv nyidomooku nga Pwklinyarlinv, sicingmooku,  
okv Svmasa, okv ho bunu doonv mvnwng ngv ninyi gvngv! 25  
No minto Darwknv Dow lokv ngnugv abuapa noogv pakbu,  
Dabid gvlo, vdwlo hv minto, 'Ogubv Jentail vdwa haak nyadunv;  
ogubv nyi vdwv anyung kaamabv bunu gwngnya dunv? 26  
Sicingmooku gv dvbv vdwv bunu atubongv mvngbv rinyato,  
okv nyi am rigvnb vdwv lvkobv kaarwk minsula Ahtunyi okv  
ninyigv Kristonyi nyiru nyato.' 27 Herod okv Pontius Pilat soogv  
pamtylo jentail vdwa lvkobv kaarwk minsuto okv Israel gv nyi  
vdwvka Jisunyi nyirula, noogv Darwknv Pakbu, yvvnyi noogv  
Messiah mvnamv. 28 Bunu ogumvnwng nga ridubv vngkum  
nyatoku ho noogv jwkrw okv mvngnam lokv rirung nvpv vnamv.  
29 Okv vjv, Ahtua, bunugv milam mincham la rinam am kaayato,  
okv ngnua jito, noogv pakbu vdwa milakdubv, noogv doin  
mvnwng nga lvkobv busukano kamabv mindubv. 30 Mvpudubv  
noogv laakv irapto, okv ho gv kaasartabo okv lamrwanama  
kaatam dubv jilinto noogv darwknv Pakbu Jisu gv amin bv." 31  
Vdwlo bunu kumnya kunam gola, hoka bunugv dopam dookulo  
hwkdinto. Bunu mvnwng nga lvkobv Darwknv Dow aatoku okv  
Pwknyarnv gv doina lvkobv busukano kamabv japgo raptoku.  
32 Mvngjwngnv vdwv haapokv pwkin gubv mvngtoku. Yvvka

ninyigv atu gvngv kv vla minkumato, vbkritola bunugv ogugo doodudw mvnwng nga bunu vdvv lvkobv orpin sitoku. **33** Kainv jwkrwa lvkobv Apostol vdvv Ahtu Jisu gv turkur kunama mingo jitoku, okv Pwknyarnv bunu mvnwng nga nyitv nga boktalwkji toku. **34** Hoka nyipam arwng hoka yvvnyika paajinv dvdv ngv pamanam kaakuma. Yvvbunudw rongo vmalo naam doonv ngv um pyoktokula, pyoknam morko naarwk sukunama bvnglwk nyatoku, **35** okv um Apostol vdwgv laak lo laklwk toku; okv morko nga barsaksakbv ninyigv mvngnam lo orpin sitoku. **36** Okv vvb ho Josep vnamgo, Lebi nyigo Saipraslo bvngnamgo, ninya Apostol vdvv Barnabas vla minto (ho minamsi “Oogv mintvmiru yanv”), **37** hv atubongv gv rongo nga pyoklaku, morko nga bvnglwk jitoku, okv Apostol vdwgvl lo laklwk jitoku.

**5** Vbkritola hoka nyi akonvgv aminv Ananias, ho ninyigv nywng Sapphira lvkobv bunugvlo yikungyira doonv nga kvgonyi pyoktoku. **2** Vbkritola ninyigv nywng gv lvkobv umkvpakv vmisila hv morko kvgonyi nyigvbv pvchingto okv kvgonyi Apostol vdwl lo laklwkt. **3** Pitar ninya minto, “Ananias, no ogulgabv Uyudvbv nga yaaku dunv okv yikungyira lokv paanam morko nga kvgonyi pvpvtola no Darwknv Dowa mvvdunv? **4** Atuk lo no yikungyira nga pyoktv madvbw, vv no gvbw rito; okv pyokro kochingbv, morko ngv nokvku. Vbrikunamv, no ogubv so svkvnvgo ridubv mvngpvnv? No nyi am mvvmado—no Pwknyarnvnyi mvvdu!”  
**5** Ananias so tvvpa sopikda, hv giyala sidasirato; okv yvv um tvvbdw mvnwng ngv busu nyatoku. **6** Nyipayapa vdvv aatoku, ninyigv ayak am maatum tumtoku, ninya agumbv baklin toku, okv ninya sima ritoku. **7** Gunta aom lrlv kochinglo ninyigv nywng ngv, ogugo ripvdw chiya kumabv, arwnglo aatoku. **8** Pitar ninya tvvkato, “Nga mimpato, morko mvnwng ngv si mvngchikre

no la noogy nyilu nonyi gv yikungyira pyoknam lo paanamv?"  
"Vmabv," hv mirwkto, "mvnwng vmabv." 9 Vkvlgabv Pitar ninya  
minto, "Ogubv no la noogy nyiluv Ahtu gv Dowa rikwripak dubv  
mvngpvnv? Noogy nyilu nga simarinv nyi vdvv vjv agiv daknyado,  
okv bunu namka agumlo baklin riku!" 10 Vjakpigobv hv ninyigv  
lvpa lvkwng bv gimupla okv sidapvto. Yaapa vdvv arwng aatola  
okv ho kaakunamv hv sitoku, vklvgabv bunu ninyia baklinto okv  
ninyigv nyilu adarlo ritoku. 11 Gvrja mvnwng ngv okv yvvdw so  
kvbvi tvvpapvdw tvnnv mvnwng ngv busu nyatoku. 12 Mvngchigo  
lamrwpadubv okv kaasartabobv nyi vdwgv pinkolo Apostol vdvv  
kaatamto. Mvngjwngnv mvnwng ngv lvkin guby Solomon gv  
giabv lo kaarwk minsuto. 13 Agum lokv akonvka nyitwnglo  
mvngpak mabv bunua lvkobv aapwng nyumato, nyi vdvv bunua  
kainvgobv japnya kujvka. 14 Vbvrilola kaiayabv nyi yangv  
nyipamv aapwng yayato—Ahtuni mvngjwngnv nyimv okv nyilo  
bv twngtv toku. 15 Kaakunamv lvmavny nyi vdwa lamtv lo bakdar  
linto okv gadw lo okv kuchoklo karmu tola ho maanyikinyingka  
Pitar gv yalu babuv bunua vngsikla okv bunua poya modubv  
vla ritoku. 16 Okv Jerusalem adarai gv banggu lokv nyitwnggo  
aatoku, ho vdvv yvv lvmmapvdw vmalv yvzbunuam alvmanv  
dow doony nga aagvnyato; okv bunu mvnwng ngv poyatoku. 17  
Vbvrilnamv Nyibu Butvyachuk okv ninyigv richam mvnwng ngv,  
sadusis gv ridungnv vdw vla, Apostol vdwa achialvby kaanwng  
mabv rinyato; vklvgabv bunu rirap dokubv mimisitoku. 18 Bunu  
Apostol vdwa naatung toku okv bunua kvba patwk arwnglo  
tumlwkt. 19 Vbvrilola ho ayuyupra lo Ahtu gv nyidogindung  
akonv patwk agiya kukda pvtola, Apostol vdwa agum linggvto,  
okv bunua minto, 20 "Vngnyika okv Pwknvyarnvnaam arwnglo  
daktola nyi mvnwng nga so anwnv singdung lvgabv mimpa

tvka." 21 Apostol vdwv tvvda laikula, okv arukamchi doonyi chaalin rilo bunu Pwknyarnvnaam lo aalakula okv tamsar sarap toku. Nyibu Butvyachok okv ninyigv ajin vdwv Jius gv nyigagatv mvnwng nga dopam pamdubv gokum nyato; vBVrikunamv patwk lo nyi vdwva orto jitola Apostol vdwva bunugv kaagialo boolwk dubv minto. 22 Vbvritola vdwlo nyigam vdwv vngchi tokudw, bunu Apostol vdwva patwk arwnglo kaapa kuma, vklvgabv bunu kvba lo vngkur lakula okv mimpa toku, 23 "Ngonu vdwlo patwk hoka vngchi kunamv, ngonu vriap am alvbv raktin dubv kaato okv agi ho kaaria nvngv chin mvnwng ngv dakdubv kaato; vBVritola vdwlo ngonu agiya kokda kunamv, ngonu arwnglo akoka kaapa kumato!" 24 Vdwlo nyibu butv mvnwng okv gvrja lo kaariadakriany vdwv so tvvpa kunam gola, Apostol vdwva ogugo riku namngvdw bunu lamrwsuk panya toku. 25 VBVrikunamv nyi ako arwng aatoku okv bunua minto, "Tvriato! Nonu patwk tumnam nyi vdwv Pwknyarnvnaam arwng gv nyi vdwva tamsar nyadu!" 26 Vklvgabv Nyigam gamtv angv ninyigv nyi vdwva lvkobv vnglaku okv Apostol vdwva aakur gvtoku. VBVrikujvka, bunu mduridu bv mvngka kuma, vklvgavbolo bunu busu nyato ho nyi vdwv bunua vlwng orji mvngbv. 27 Bunu Apostol vdwva arwnglo aagv tola, bunua kvba kaagialo dakmu toku, okv Nyibu Butvyachok angv bunua tvvkato. 28 "Ngonu nonuam so nyi angv amin bv tamsar karma bkv vla orto jitoku," hv minto; "vBVritola nonuno ogugo ridudw kaatoku! Nonugv tamsarnama Jerusalem mvnwnglo dupwng mooto, okv nonuno ninyigv siku nvgy lvgabv alv ponampoma nga ngonua laarwk simu dubv mvngdu!" 29 Pitar okv Apostol kvvgonv mirwksito, "Ngonu Pwknyarnvnyi tvvrung dubv rirungdu, nyi yanga ma. 30 Ngonugv abuapa gv Pwknyarnv sikunv Jisunyi turrap motoku, nonugv ninya

daapolo takkiro kochingbv. **31** Pwknyarnv ninyia turkur motoku  
ninyigv lakkib takbvku Rigvnvgobv okv Ringnv gobv, Israel gv nyi  
vdwa mvngdin modubv alvnb dw nga jitoku okv bunugv rimur am  
mvngnga dokubv. **32** So oguogu mvnwng nga ngonu tvriakarianv  
vdvv Ngonu okv Darwknv Dow, yvvdw Pwknyarnv gv amin  
jinam hogv yvbunudw ninyia tvvdunv." **33** Vdwlo dopam gv nyi  
vdvv sum tvppa nvgola, ho bunu mvnwng ngv achialvbv haachito  
bunu Apostol vdwa mvki dukubv mvngnya toku. **34** Vbvrilola  
bunugv lokv akony, Parisis go aminv Gamaliel vnamgo hv Pvby  
tamsar nvgo okv nyi mvnwng gv mvngdv kunam go, kvba  
arwnglo dakrap toku. Hv Apostol vdwa agumlo achukgo daklin  
modubv orto jitoku, **35** okv vbvrikunamv hv kvba vdwa minto,  
"Israel gv ribam vdwa, so nyi vdw sum nonuno ogugo ritvdonvdw  
imasuto laka. **36** Nonuno mvngpato kvvlogv ho Tiudas gv  
kaatam nama, nyi kvvgonv kaibogobv hartvto, okv nyiga lvngpi  
gobv ninyia tulwkla riming gvvto. Vbvrilola ninyia mvki kunamv,  
ninyigv nyi vdwv apinain toku, okv ninyigv binamtapnamka siro  
nyvrokaku. **37** Hokochingbv, Judas Galili nyi go amin lvkardw  
alulo aalwkt; ninyigv nyitwnggo ninyia kochingbv riming gvvto,  
vbvrilola ninyia aka mvki toku, okv ninyigv ribam mvnwng vka  
kipinkiyin toku. **38** Okv so lvgabv, ngo nonua mindunv, oguguka  
ho nyi vdwa mvmarima bvka. Bunua mvngchik toputo! Bunu  
ogugo rungdupadudw okv ridupadudw vv nyi mvngdungridung  
lokv ridubolo, vv nyeri kunvpv, **39** vbvrilola vv Pwknyarnv  
gvlokv aadubolo, nonuno bunua mvchinrichin nyomare. Nonuno  
chinsure atubongv Pwknyarnvnyi riningriru bv padarmins  
namnga!" Kvba mvnwng ngv Gamaliel gv minam am tvvtoku.  
**40** Bunu Apostol vdwa goklwk tvla, bunua svnyak patoku,  
okv bunua Jisu gv amin bv mingku madu kuby mintoku; okv

vbyrikunamv bunua anyubv topu jitoku. 41 Okvku Apostol vdwv kvba lokv lintoku, bunu himpu toku, vklvgavbolo Pwknyarnv ngv bunua Jisu gvbv rinam adwkaku nvnga boktalwkji toku. 42 Okv aludwkibv Pwknyarnvnaam lo okv nyi mvnwng gv naam lo bunu minsar sarbv dula okv alvnb yunying nga Jisu Kristo lkwnglo gvttam jitoku.

**6** Ayungjvma nga, lwbwlaksu vdwv twngtv yaya toku, hoka Grik gaam minv Jius gola okv Jius jvvggo bunu gvlo yalunggo dumisito. Grik minv Jius vdwv minyato ho bunugv hvngmi vdwv aludwkibv dvnamtvngnam ornam nga mvnglwk makv vto. 2 Vklvgabv Apostle vringgola anyiv mvngjwngnv vdwa lkvobv gokkum nyato okv minto, "So si ngonu gvbv alvma Pwknyarnv gv gaama japma yabvy airmorko a gakbwngla rinamv. 3 Vklvgabv, ajin vdwv nonugv pinkolo nyi kanwgo darlinto yvv alvjvbv darwknv Dowa gvvdu nv okv minlak dunv, okv vknvlo ngonu bunua soogv lvgabv kaaria dubv tulwke. 4 Vbkritola, ngonu atubongv kumku lo okv japgokolo rilwkdoowlwk riku." 5 Nyitwng mvnwng ngv Apostle gv mingku bv lkvobv tulwk minggv toku, vklvgabv bunu Stipinnyi tulwkt, nyi angv achialvby mvngjwng okv Darwknv Dow dooto, okv Pilip, Prokoras, Nikanor, Timon, Parminas, okv Nikolas, Antiok lokv Jentail nyi go klu lokv Judaism lo aaku nvgo. 6 Nyitwng ngv bunua Apostle vdwgvlo daklin motoku, bunu mvnwng gv laak v bunu gvlo lakpv tola kumtoku. Mvngjwng nvngv Jerusalem lo twngtv yaya toku, okv nyibv vdwka achialvgo mvngjwng la tulwk minggv toku. 8 Stipin, Pwknyarnv gv jwkrw okv kairungnv boktalwkjinam nyi ako, nyi mvnwng gv apam lo achialvgo lamrwpadubv okv kaasartabo bv kaatamto. 9 Vbkritola ninyia Jius kumkunaam

gv topukunam nyi vdwv bunu kaanwng mabv rito, (um vbv  
minto) ho vv Jius lokv Sairene okv Alekjandaria gvgoto. Bunu  
okv kvvbi Jius Silisia okv Asia lokv Stipinnyi lvkobv larmi surap  
toku. **10** Vbvrilola Darwknav Dowv Stipinnyi mvnglak moto vdwlo  
hv mirap tokudw, bunu ninyia larya yanyumato. **11** Vkvlgabv  
bunu nyi kvgonyi jinamgo jinyok tola mimuto, “Ngonu ninyia  
Moses okv Pwknyarnvnyi tvrutvya dubv minam am tvyyapvnv  
kv!” **12** Vbvrila bunu nyi mvnwng nga miriok patoku, nyigagatv  
vdwa, okv pbv tamsarnv vdwa. Bunu Stipinnyi naatung toku  
okv ninyia kvba kaagialo boolwk toku. **13** Vbvrikunamv ninyia  
mvyya modu bv bunu nyi meego naalwkt. Bunu minto, “so  
nyi si”, “ngonugv Pwknyarnvnaam gv okv Moses gv Pvbv nga  
dvbydwkibv minyingmiru mingki yado. **14** Ngonu ninyia vbv  
mindubv tvvto so Najaret gv Jisu Pwknyarnvnaam am mvyakre  
okv Moses gv lokv ngonu kvllogv ridung mvnwng nga akusibv  
mvriku!” **15** Kvbalo doonv mvnwng ngv bunugv nyikv Stipinnyi  
kaagap jinjin namv ninyigv nyukmuv nyidogindung gv nyukmu  
aingbv ritoku.

**7** Nyibu butvyachok ngv Stipinnyi tvvkato, “So si jvfv ngvri?” **2**  
Stipin mirwksito, “Achiboru vdw okv Abu vdw, ngoogv minama  
tvvriato! Kvlo ngonugv abuapa Abraham Haran lo vngtv madvby  
Mesopotamia doyilo kairungnv Pwknyarnv ninyia kaatam suto  
**3** okv ninyia minto, ‘Noogv mooku isi okv vpinvriap vngyuto okv  
vnglinto ho mookulo nam ngo kaatamre.’ **4** Okv hv vBVrikunamv  
ninyigv diringmooku isi nga vngyu toku okv Haran lo vngla  
dootoku. Abraham gv abu siro kochingbv, Pwknyarnv ninyia so  
mooku so doodubv mvto vjak ogolo hv doopvdw. **5** Vbvrikunamv  
Pwknyarnv Abrahamnyi mooku achukguka ninyigvbj jimato,  
lvchu kurpv kogodaka jimato, vBvrilola Pwknyarnv milvto ninyia

sum jidubv vla, okv vv ninyigvby ridukubv okv ninyigv singsit  
gvbv ridukubv. Alu dwlo Pwknyarnv soogv milv nam sum milin  
jitoku, ho Abraham gv umvuu kaamarilo. **6** Ninyia Pwknyarnv  
svbv minto: ‘Noogv singsit vdvv nyebunyi diringmooku isi lo  
doore, hoka bunua nyira gubv okv anying nyingpi go hingching  
dubv mvrikla doogvre. **7** Vbvritola ngo nyi vdwgvl vngbo  
jwngkadaka namgo doore ho bunu vdvv pakbu jvby ririku, Okv  
Hokochingbv noogv singsit vdvv bunu vnglin riku ho diringmooku  
lokv okv nga kumriku so gwngda arwnglo.’ **8** Vbvrikunamv  
Pwknyarnv Abrahamnyi ayakmvu namgo kaachin dubv bunyi  
gv mingkimiayak minsu nama mvngpala rimunam lvgaby jitoku.  
Vkvlgabv Abraham Isaaknyi bvngla alu kanw kochinglo ayakmvu  
toku; Isaak ninyigv kuunyilo Jakopnyi ayakmvu toku, okv Jakop  
ninyigv kuunyilo ngonugv yunyingyunam abuapa bv rinv kuunyilo  
vdwa ayakmvu toku. **9** “Jakop gv kuunyilo vdvv bunugv boru  
Josepnyi kaanwng mabv rito okv ninyia pakbu bv Ijipt lo pioklwkt.  
Vbvrijvka Pwknyarnv ninyi gylo lvkobv dooto **10** okv ninyigv  
adwkaku mvnwng lokv ninyia atupachi kaama dubv laalwk toku.  
Vdwlo Josep Ijipt gv dvbv nga kaarwksitv madvbv, Pwknyarnv  
ngv ninyia mvngyam nvnv okv mvnglaknvnv am jilwkt, okv  
dvbv ngv Josepnyi diringmooku isi mvnwng okv nasungnaam  
nga kaaria dubv gobunor gubv mvtoku. **11** Vbvrikunamv Ijipt  
okv Kanaan mooku mvnwng lo hoka yarwngdwrw ngv aatoku,  
vbvrikunamv achialvby adwkaku toku. Ngonugv abuapa vdvv  
oguguka dvshtwngsv ka paakuma, **12** okv vdwlo Jakop Ijipt  
lo hoka aamtami dvpawngpa dubv tppapvdw, hv vngmuto  
ninyigv kuunyilo vdwa, ngonugv abuapa, bunua hoka vngcho  
moto. **13** Lvnyinvbv vngkurkunam lo Josepnyi atubongv achiboru  
vdwa kaachin kodu bv ritoku, okv Ijipt gv dvbv ngv Josep gv

vpinvriap am chinya toku. **14** Vbvrikunamv Josep atugv abu Jakopnyi yunying go, ninyia milwkto okv vpinvriap mvnwng nga, nyi chamkanw gola angu mvnwng aka, ljipt lo aadubv. **15** Vbvrikunamv Jakop ljipt lo vngto, ogolo ninyila okv ninyigv kuunyilo vdwgw silwkku bv rikuv. **16** Ho bunugv svma nga Sikem lo baktoku, bunugv nyibung rikua Abraham Hamor haalung gvlo morko jitola rvtku. **17** "Vdwlo Pwknyarnv Abrahamnyi milv namv dw vv aanwk tokudw, ljipt lo ngonugv nyi ngv twngtv yaya toku. **18** Anyungnga Josep gv lvkwng lo chima nvgonv dvbv ako ljipt lo rigvla riraptoku. **19** Hv ngonugv abuapa nga gwngkupto okv bunua aiamar mato, bunugv kuu anga vdwa bunua naam lokv agumlo charlila dubv mvto, vklvgavbolo simu dubv vla **20** Ho dwlo Mosesnyi bvngto, anga angv achialvbv kaaputo. Ninyia naam lo poolu pwkgumgo ringchum la rito, **21** okv vdwlo ninyigv naam lokv ninyia agum lo topak tokudw, dvbv gv umvnyijar angv ninyia laato okv ninyia atugv kuunyilo gubv mvla ninyia sootv toku. **22** Ninyi ljipt nyi vdwgvy mvngkimvnglak mvnwng nga tamsar toku okv kokwng loku gaamlo milaknv chinvpanv kainv nyi gubv ritoku. **23** "Vdwlo Moses anying champi tokudw, hv mvngchinla ritoku ninyigv Israel ajin vdwgv vdwgo hirukaya mvnwng nga hinla ridu kudw. **24** Bunugv lokv akonyi ljipt nyi akonyi richingriying ridubv hv kaapa toku, vklvgabv ninyia ringbv hv vngtoku okv mvrwk sula ninyia mvki toku. **25** (Hv mvngnamv ninyigv atugv nyi vdwv mvngchin pvkunvpv Pwknyarnv ninyia bunua linggv dukubv ritv dunv vla, vblrilachin bunu vdwv oguka mvngchin mato) **26** Lvnyinvbv logo nvnga vngyilo hv Israel nyi anyigo mvmi sudubv kaapato, okv hv anyi gv pingkolo alv minsu modubv gwngkw rikwto. Hv minto, 'nyi vdwa, tvriato,' 'bunyi anyino Israel anying vlaka; ogubv nonuno

sibv padarminsu dunv?' **27** Vbvrilota richingriying yanv akonv Mosesnyi nvnglin toku. Hv mintoku, 'Ngonyi gv pingkolo nam miriavngria dubv mvnv ngv yvvla?' **28** 'No meru hogv ljipt nyi akonyi mvki nam aingbv, no ngaaka mvkiso mvngpv ai?' **29** Vdwlo sum Moses tvvpa namgola, hv ljipt mooku gvngv kilin toku okv Midian mooku lo vngla dootoku. Hoka ninyi kuunyilo anyigo dootoku. **30** "Anying champi go vngro koching nga, nyidogindung akonv chokri mooku gv mootum yamchum golo vmvbv gulinla Sinai moodw gv nvchilo Mosesnyi kaarwksuto. **31** Moses kaato kula hv lamngakpatoku, okv mootum gv yamchum nvchilo aatoku kaabwk dubv vla. Vbvrilola Ahtu gv gaama hv tvvpa toku:" **32** 'Ngo nonugv abuapa vdwgv Pwknyarnv ngv, Abraham, Isaak, okv Jakop gv Pwknyarnv ngv.' Moses busula jinjin rumrumto okv kaadw chinchi nyumato. **33** Ahtu ninyia minto, 'Noogy lvkiama pilin pvtoka, no ogolo dakpvdw ho kwdwv darwk nvngv. **34** Ngoogv nyi vdwa ljipt lo alvmabv hirukaya hindubv kaato. Ngo bunugv svgok goknama tvvpvnv, okv ngo bunua ringlin tvvblv ipvnb. Vjak aato; ngo nam ljipt lo vngmure.' **35** "Moses Israel nyi vdwgv toakunam akonv. Bunu tvvkato, 'nam yvvla ngonua kaariataria nvgobv okv mvpvnv?' Pwknyarnv ho ninyia nyi vdwa kaariatarianv akobv okv bunua ringlin dubv vngmuto nyidogindung ninyia mootum yamchum lo vmvbv gula kaarwk sunv gv ridur lokv. **36** Hv nyi vdwa ljipt loka vnglin gvvtoku, kaasartabo okv ljipt lo lamripanam kaatamto okv Lwngchingnv svmasa lo okv anying champi go chokrimookulo rikwngto. **37** Moses akinmwng Israel gv nyi mvnwng nga minv ngv, 'Pwknyarnv nyijwk ako jilwkre, ninyia vjak nga jilwknam aingbv, okv vv nonugv atugv nyi ako bv rire.' **38** Hv laka Israel nyi vdwa lvkobv chukri mookulo dokumla rigydony; hv hoka

ngonugv abuapa gv lvkobvka okv ninya lvkobv nyidogindung  
Sinai moodwlo ninya japnv, okv hv Pwknyarnv gv singdung  
doina naarwkla ngonu gvlo jilwkto. **39** “Vbvrilola ngonugv abuapa  
vdwv ninya tvvjemakv vtoku; bunu ninya nvnglin pvtv okv ljipt  
bv vngkur dukubv bunu mvnggya toku. **40** Vkvlgabv bunu  
Aaronnyi minto, ‘Ngonua rigvnnv pwknvyarnv gonv vtwng go  
ngonua mvji yapi. Ngonu chinkuma ho nyi Mosesnyi ogubv  
ripv kunvdw ngonua ljipt lokv lingvkunv ngv.’ **41** Vbvrilokunamv  
bunu vvb rinya toku morti go svv nga mvring namgo mvtola, um  
erinpeelwkla rito, okv bunugv vvb ogugo mvpvdw ho mvkunam  
lvgabv hartv minsu laku dypam goka pamnya toku. **42** Vkvlgabv  
Pwknyarnv bunua dakkur toku okv bunua nyidomooku gv  
takar vdwa kumdujoodu bv jitoku, so sum nyijwk vdwgv kitap  
lo lvkpvtv: ‘Israel gv nyi vdwa! ho vv ngo gvbvma nonugv  
chukrimooku lo anying champi go rila svnwngsvmin am pakila  
okv erinpeeji namv. **43** Ho gv vv Pwknyarnv Molvk gv tombuv  
ho nonuno bakkar karnamv, okv Repan gv potuv, nonugv takar  
Pwknyarnv ngv; vv bunu morti ngv nonugv kumdubv mvnam  
vdwv. Okv vkvlgabv nonua ngo Bebilon nga vngbola vngram  
more.’ **44** “Ngonugv abuapa vdwv Pwknyarnv gv doomwng  
gvvnam tombuv chukrimooku lo bunua lvkobv dooming gvto,  
vv Pwknyarnv gv Mosesnyi mvtokv vla mingku lokv mvto,  
vzbv mvtokv vla milam lo Moses kaatam jitoku. **45** Kochingso,  
ngonugv abuapa vdwv bunugv abu vdwlokv tombua laatoku um  
bunu Josua gv lvkobv okv Pwknyarnv gv kvvbi diringmooku  
vdwa charpak jiroku kvdw hoka aarilo bunu um bakbwngto. Okv  
ho tombu angv Dabid gv singri loka doodvto. **46** Hv Pwknyarnv  
gv mvngkiam bv rito okv Pwknyarnvnyi kumto ninya Jakop  
gv Pwknyarnv gv lvgabv doogingku naam go mvnyu dubv

jila bkv vla kooto. 47 Vbvrilola Solomon yabv ninyigv lvgabv naam a mvtoku. 48 "Vbvrilola Kai yachoknv Pwknyarnv ngv nyia laak lokv mvnam naam lo dooma dvnv; Nyijwk gv minam jvbw, 49 'Ahtu mindu, nyidomooku ngv ngoogv dooging ngv, okv sichingmooku si ngoogv lpaa daging ngv. Oguainingv naam go nonu ngoogv lvgabv mtv tvvdunv? Ogolo ngoogv doolwk jikuv? 50 Ngo atubongv so ogumvnwng nga mvvma pvnvre?' 51 "Vdwgo nonuno mvngkuk linyu madunv!" Stipin um mimbwng dvdvto. "Vdwgo nonugv haapokv chimadunv, vdwgo nonuno Pwknyarnv gv doina rungji nyadunv! Nonuno nonugv abuapa vdwgv apia jvbw ridu; nonuka Darwknv Dowa naarwk mabv dvdvby rikidu! 52 Nonugv abuapa vdwv nyijwk akoka mvjwk mvbit la rima nvngvre? Bunu Pwknyarnv gv gindungpingko go, hogv klu kuchugv ninyigv darwkchongjornv Pakbu go aaji kunv nga mimpa jiyakunv om mvkito. Okv vjak nonu ninyia pyoktoku okv mvki toku. 53 Nonuno kunv Pwknyarnv gv Pvbv nga nyidogindung gv laak loka naarwk sikunv—vbvrijvka nonuno vjaklodvby um mingku lo tvvma duku!" 54 Kvba lo nyi vdwv Stipin gv minama tvrialia dooto, bunu achialv bv hidik nyato okv bunugv hijung ngv itikkvrwk nyala dokcha nyato. 55 Vbvrilola Stipin, Darwknv Dow akomaring tukula nyidomooku kaadungto okv Pwknyarnv gv hartykai nama kaapato okv Jisu Pwknyarnv gv lakkib takbv dakto. 56 Hv minto, "Kaato!" "Ngo nyidomooku nga kukko dubv kaapado okv ho Nyi gv Kuunyilo ngv Pwknyarnv gv lakkib tangv lo dakdo!" 57 Kvba nyi vdwv achialv bv goknyala bunu lkkobv bunugv nyarung nga bunugv laakv mamtum nyato. Bunu mvnwng ngv baapu alvvb lkkin gubv Stipinnyi nvngjab nyato, 58 pamtv gv agum bv ninyia charlin nyato, okv ninyia vlwng ngv ornyato. Kaayatvriany vdwv bunugv yji lakkib am Sol vnam

yaapa gvlo kaachumtai yadubv orkum jito. **59** Bunu Stipinnyi vlwng ngv ordungto hv svgokla Ahtuni gokto, "Ahtu Jisu, ngoogv dowwa laarwk kubkv!" **60** Hv lvbwng kumpv tokula okv achialv bv gokla kapto, "Ahtua! so rimur kunam sum mvngpa kuma bkv bunugv riningiru kunama!" Hv sum mintokula okv sitoku.

**8** Okv Sol vkgv gwngrw sinama alv nvgobv mvngtoku. O alulo Jerusalem gvrja lo alvmanv nyi vdvvv mvdwmvku namv rirapto. Mvngjwngnv mvnwng ngv Judia mooku lola okv Samaria mookulo vngyakvngchak nyato, Apostol vdvv vmwngku. **2** Nyi alv bv mvngjwngnv kvvgonv Stipinnyi svma ritoku, ninyigvby mvngdwk nyala kapnya toku. **3** Vbkritola Sol gvrja nga myakmvchak dubv gwngtoku; naam lo vngla, hv mvngjwngnv vdwa svdarlinto, anvnyimv jvka nyiga jvka okv bunua patwk lo tumlwk nyatoku. **4** Mvngjwngnv vdvv ogolo mooku mvnwng lo vngsik karpv kudw, mooku mvnwng lo vnggola doina mingkar nyatoku. **5** Pilip samariya dinchiyachoknv pamtv lo vngla Messiah nga nyi vdwllo japkar jitoku. **6** Ogugo Pilip mimpvdw nyipamv vngkam nyala tvvnyato, bunu ninyia tvvgap kaagap nyato okv ninyia lamrwpadubv rinama kaanya toku. **7** Achialvbv nyi vdwgvllo alvmanv dow achialvbv kapla linya toku, achialvgo nyi dwgwngnv okv lvpiknv ponya toku. **8** Vkvlgvby ho pamtv okaku achialvbv mvngpu nyatoku. **9** Nyi ako aminv Saimon vnamgo hoka dooto, hv lvko lvkobv ninyi lama hinam lokv Samaritan nyi vdwa lamrwpadubv mvto. Ho ninyi atubongv kainv akobv minsuto, **10** okv pamtv gv nyi mvnwng ngv ninyia tvvkamkaakam nyato. Bunu minto, "Hv oogv Pwknyarnv gv jwkrw, 'Kainv jwkrw' vla chimbwng kunam go. **11** Bunu dinchi alvbv ninyia tvvriakariato ogulvgavbolo kvllo gvngv lokv ninyi bunua ninyigv lama lokv lamrwpadubv mvbwng jito. **12** Vbkritola vdwllo bunu Pilip gv doin

alnv yunying Pwknyarnv gv Karv gv lkwng lo okv Jisu Kristo  
gv lkwng lo tvvla mvngjwng tukudw, bunu mvvga jvka nyiga  
jvka, baptisma lanya toku. **13** Saimon atubongv ka mvngjwng  
sutoku; okv kochingso baptisma laatoku, hv Pilip gv nvchilo  
doomin gvtto, okv kaakw manam lamrwpadubv kaatamritam  
nama kaala kaasartabo bv kaatoku. **14** Jerusalem lo doonv  
Apostol vdwv Samaria gv nyi vdwv Pwknyarnv gv gaama laarwk  
supvku vla tvpa toku, vklvgabv bunu Pitar nyila Jonnyi bunu  
gylo vngmuto. **15** Vdwlo bunu vngchi tokudw, bunu mvngjwngnv  
vdwa Darwknv Dowa paamu dubv vla kumtoku. **16** Darwknv  
Dowv bunu gylo yvnyika aatv madvto; bunu Ahtu Jisu gv amin  
bv baptisma laamwngto. **17** Vbrikunamv Pitar okv Jon bunyi gv  
laakv bunu gylo lakptto, okv bunu Darwknv Dowa paatoku. **18**  
Saimon vdwlo Apostol vdwv mvngjwngnv vdwa bunugv laakv  
lakpvnam gola darwknv Dow jinama kaapa toku. Vklvgabv hv  
Pitar nyila Jonnyi morko jito, **19** okv minto, "So jwkrw sum ngaka  
jila bkv, vklvgabv ngoogv yvnyika laakv lakpv ridw bunu  
Darwknv Dowa paadubv." **20** Vbrikunamv Pitar ninya mirwksito, "No  
okv noogv morko ngv uyumooku bv vngnyika, no Pwknyarnv  
gv amin jinam am morko lokv rvnyure vla mvngnam lvgabv.  
**21** No ngonu gylo ribamdkbam dubv rikuma, ogulgavbolo  
noogv haapok gv mvngnamv Pwknyarnv gylo alvkuma. **22**  
Vbrikunamv, mvngdinto, svbv noogv alvmanv mvngnama, okv  
Ahtuni kumtoka hv noogv svbv mvngmur nama mvngnga jireku.  
**23** Ngo kaanamv no achialv bv kabiutari yaya nvgo okv rimur  
gv patwk lo tumnamgo." **24** Saimon Pitar nyila Jonnyi minto,  
"Ayala ngo gvby Ahtuni kumji labv, nonugv minam vdws i ngo  
gylo rima dubv." **25** Bunu bunugv minsvisv nga mintamro  
kochingbv bunu Ahtu gv doina minggo jitoku. Pitar okv Jon

bunyi Jerusalem bv vngkur toku. Bunugv vngku lamtv lo bunu Alvnv Yunying nga Samaria gv nampum mvnwng lo japgo jitoku.

**26** Ahtu gv nyidogindung akonv pilipnyi minto, “Gudungto okv yurko yabv Jerusalem lokv Gaja vngjiku lamtv bv vngdubv.” (So lamtv si sinyingsilu vngkuma) **27** Vkvlgabv Pilip vngdu kubv rila okv vngtoku, vjak Itopian alvyachoknv nyigam hijra go Itopia dvnv gv ainmorko nga rigvyanv go, ninyigv naam takbv vnglintoku. Hv Jerusalem lo vngla Pwknvyarnvnyi kumpikula okv ninyigv yikungyira nga bakla ikula naam bv vngkur toku. Hv vby vngdula, hv nyijwk Aijaya gv kitap nga purito. **29** Darkvn Dowv Pilipnyi minto, “Yikungyira bagla vngnv, um vngchitvka okv vkvgv nvchilo vngtoka.” **30** Pilip ninyi gylo joklwk toku okv ninyia nyijwk Aijaya gv kitap nga puri dubv tvvpato. Ninyia tvvkato, “Noogy purinam um no chinpvre?” **31** Oo nyigam angv mvrwksuto, “Nyigonv mimpa mabolo ngo oguaingbv sum chindubv?” Okv hv Pilipnyi gvvchala chaatokv vla gokto okv ninyia yikungyira baknv nga lvkobv dootokv vla. **32** Ninyigv kitap puri ridungnam angv si: “Hv svlar ako boola ila pakinam aingbv, svlarkuu gv amw peelin jyka sidu manv aingbv, hv oguguka gamchar milinma. **33** Ninyia nyi mangv aingbv mvto, okv jvfv nga kaajitajinv vv ninyia tvvma jitoku. Yvvka ninyigv husi lvgabv mimpa jila nyumare, ogulgavbolo ninyigv singdung ngv nyiamooku so singnya dukubv aaduku.” **34** Nyigam angv Pilipnyi tvvkato, “Nga mimpa labv, nyijwk angv si yvvnyi mindunv? Atubongvre vmaloo ako gunyire?” **35** Vbvrikunamv Pilip jarapr toku; so darkvn kitap lokv puri rirapto, ninyi Jisu gv Alvnv Yunying nga hv mimpa toku. **36** Bunu lamtv pvkwng bvku irilo, bunu isi meego dooku gulo aatoku, okv nyigam angv minto, “So si isi meego doopv. Nga so baptisma jilabv?” **37** Pilipnyi minto, “Noogy haapok gv

mvngjwng pnvlo nam Baptisma jire." Ninyi mirwkto, "Vv kv,"  
"Ngo mvngjwng do Jisu Kristo Pwknyarnv gv Kuunyilo ngv." 38  
Ho nyigam angv goragari nga daktung moto, okv Pilip la nyigam  
angv bunyi isi dokubv lvkobv ito, okv Pilip ninyia Baptisma jitoku.  
39 Vdwlo bunu isi gvngv agum lintokudw, Ahtu gv Darwknav Dow  
Pilipnyi lala vngro gvvtoku. Nyigam angv ninyia kaapa kumato  
vbvritola ninyigv vngtunglo himpu la vngtoku. 40 Ajotas lo Pilip  
atubongv kaapa suto; hv kaisaria bv vnglintoku, okv hv lamtv lo  
vngyingla Alnv yunying nga banggu mvnwnglo japkar toku.

**9** Sol ho apo gunv nga Ahtu ninyigv mvngjwngnv vdwa  
rinyingrirula ninyia yalungyachung dula gwngrw talwngbv rila  
mvritto. Ninyi nyibu butvyachok gvlo vngto, 2 okv Damaskas lo  
Jius vdwgv kumkunaam lo kaatam nvdubv sitiputa go kooto,  
ogulvgavbolo ho hoka yvnyika hv kaapa ridw Ahtu gv lamtvlo  
vngnv vdwa, hv bunua nyimv jvka nyilo jvka naatung tola okv  
bunua Jerusalem bv bookar dukubv vla. 3 Sol Damaskas gv  
pamtv lo aachi svlv nga, dvminmabv nyido gvngv ninyia dooriak  
loung go ungkato. 4 Hv kwdwlo gipvto okv ninyia vlv gamgo  
mindubv tvvpato, "Sol, Sol! No ogubv nga mvdwkmvku dunv?" 5  
Sol tvvkato, "Ahtu, no yvvla?" ho gv vlv ngv minto, "Ngoonv  
Jisu, noogy mvdwkmvku kunam," vlv ngv vBV minto. 6 "Vbvrivola  
gudungto okv pamtv lo vngnyika ho hoka nam mimpare no  
oguguni risvdw." 7 Sol gv lvkobv nyi vngbam vdvw daktung  
nyatoku, gamchar guka milin kuma; bunu gaam go tvvpato  
vbvrivola oguguka kaapama. 8 Sol kvdw gvngv godung toku okv  
ninyigv nyikv nyiktar toku, vbvrivola oguachuk goka kaapama.  
Vbvrivola ninyia bunu laak am gakbwng tukula okv ninyia  
Damaskas lo vnggv toku. 9 Hv alu loum go kaapa kuma,  
okv ho dw lo hv oguguka dvkutvngku mato. 10 Damaskas lo

mvngjwngnv ako doonv gv aminv Ananias. Hv nyikrw kaanamv, ninyia Ahtu minto, "Ananias!" Hv mirwksito, "Ahtu, ngo sika kv." **11** Ahtuv ninyia minto, "Gudungto okv lamtv vngchik bv vngdavngra tvka, okv Judas gv naam lo Tarsus lokv nyi Sol vnam amin go um tvvkato. Hv kumdungdo, **12** okv hv nyikrwgo kaato Ananias vnam nyi ako ninyigv laakv ninyia kaapa modu kubv vla hipo dubv yuma maato." **13** Ananias mirwksuto, "Ahtu, so nyi agv lvkwng lo achialvbv nyi vdwv nga minjipvnv okv Jerusalem lo doonv noogy nyi vdwa hv achialvbv alvmabv rinv ngv. **14** Okv hv Damaskas lo nyibu butv vdwgv lokv nam kumnvjonv nyi vdwa naatung dubv vla naatung nvnv siti pota lala aapvnv." **15** Ahtu ninyia minto, "Vngnyika, ngo ninyia ngo gvbv ridukubv darlin pvkunv, ogulvgavbolo ngoogy amina Jentail vdwlo okv dvbv vdwlo okv Israel nyi vdwlo chinmu dukubv. **16** Okv ngo atubongv ninyia ngoogy lvgabv hv vdwgo hirukaya nga hinsvkudw ho mvnwng nga ngo ninyia kaatamre." **17** Vkvlgabv Ananias vngtoku, Sol ogolo naam lo doopvdw ho aatoku, okv ninyigv laakv ninyia lakpv tola. Hv minto, "Achiboru Sol," "Ahtu Jisu atubongv nga so aamu pvnv, noogy so aatv ringa lamtv lo noogy kaarwk sunam. Hv nga aamu pvnv ogulvgavbolo nam lvkodv kaapa modu kubv vla okv Darwknv Dowa paamu dukubv vla."

**18** Vjakpigobv Sol gv nyik lokv ngui asikarik ainggo olinto, okv hv lvkodv kaapa toku. Hv dakrap toku okv baptisma naatoku; **19** Okv kochingso hv dvnam dvnyu laku okv ninyigv gwlwkv aakur toku. Sol mvngjwngnv vdwgv lvkobv alu lonyiloum go Damaskas lo doomin gvtv. **20** Hv Jius vdwgv kumkunaamlo vngdavngra la okv ho Jisu Pwknyarnv gv Kuunyilo ngvkv vla japrap toku. **21** Ninyigv minama tvvnv mvnwng ngv lamrwpato okv tvvkato, "So nyi angv mai Jerusalem alo hogv nyi Jisunyi kumnyjoonyv nga

mvkinv? Okv hv vbv so ogugo mvngla aama sudw ho nyi vdwa naatung la okv bunua nyibu butv vdwgvlo bookur lwkdu kubv ridu nvgori?" **22** Vbvrilola Sol gv japnamv tvngam yaya toku, okv ninyi Jisu Messiah vla kaatam la mintoku ho Damaskas lo doonv Jius nyi vdvv ninyia yvvka mirwk sinyu matoku. **23** Alu mvngchigo vngro kochinglo, Jius vdvv lvkobv kaarwk suto okv Solnyi mvki dubv rungnyato, **24** vblrilola ninyia bunugv rungnam nga mimpa toku. Aluayu bv ninyia mvki dubv vla bunu pamtv gv agilo tooya toku. **25** Vbvrilola ayu yuppo lo Sol gv rigvnam vdvv ninyia chikchiya mvko tvla okv otum gulo doomu gvrila lvkwnglo soolu toku. **26** Sol Jerusalem lo vngto okv lvbwlaksu vdwgvlo ribam dubv rito. Vbvrilola bunu ninyia lvbwlaksu gubv mvngjwng mato, okv bunu mvnwng ngv ninyia busuto. **27** Vbvrilunamv Barnabas ninyia naarwk sudubv aatoku okv ninyia Apostol vdwgvlo vnggy toku. Hv bunua oguaingbv Sol Ahtu ninyia lamtv lo kaarwk supvdw okv ho Ahtu ninyia oguaingbv raami supvdw mimbwk jitoku. Hv ka bunua mimpa toku Sol gv busukano kumabv Damaskas lo Jisu gv amin bv japgo karku nama. **28** Okv vblrilunamv Sol bunua lvkobv doobam toku okv Jerusalem bv vngyik kartoku, Ahtu amin bv busukano kumabv japtop. **29** Hv ka Grik bv japnv Jius vdwa japmi sila okv haak minsuto, vblrilola bunu ninyia mvki dubv rito. **30** Vdwlo mvngjwngnv vdvv um chinpa namgola, bunu Solnyi Kaisaria lo aagvto okv ninyia Tarsus lo vngmu toku. **31** Okv vklgabv ho Judia, Galili, okv Samaria Gvrja lo ho dwa sarsopoyoto. Darwknv Dow gv ridur kolokv hoka gwlwk nyato okv Ahtunyi alvbv mvngjwng nyato, mvngjwng nvngvka kaiyaya toku. **32** Pitar mooku dvdvlo vngsik karto, okv lvko nvnga Lidda lo doonv Pwknvyarnv gv nyi vdwa kaalwkpv hv vngto. **33** Hoka Ainias vnam nyi ako ninyia

kaarwk suto, hv digwngla doonvgo okv gadw lo gudung nyuku mabv anying pinw go dooku nvgo. **34** Pitarnyi minto, "Ainias," "Jisu Kristo nam alvdubv mvpure. Gudungto okv noogv gadwa mvdinmvta tokuka." Vjakpigobv Ainias gudung toku. **35** Lidda okv Soran lo doonv nyi mvnwng ngy ninya kaapa toku, okv Ahtunyi bunu mvngjwng nyatoku. **36** Joppa hoka ka Tabita vnam nyimv ako doto, Hv mvngjwng nvgo. (Grik bv ninyigv amina Dorkas gobv minto, minam si "svdum ako"). Ninyigv singnam mvnwng nga alvnvgobv rito okv heemanv vdwa ridurto. **37** Oogv dw lo hv lvmala sitoku. Ninyigv svma nga harkak tokula okv pvyya yagv karchung lo joopv toku. **38** Lidda lokv Joppa ngv adu minsu mato, okv vdwlo Joppa lo doonv mvngjwngnv vdwv Pitarnyi Lidda lo doopv vla tvpa pvkudw, bunu nyi anyigo milwkla vngmu toku, "Ayala ngonu gvlo baapubv aa ji labvkv." **39** Vkvlgabv Pitar gwnggegwngrap tokula okv bunugv lvkobv vngtoku. Vdwlo hv vngchi tokudw, ninya pvyya yagv karchung lo chaagv toku, hoka hvngmi mvnwng ngy ninya doyumento, kapdula okv jvkok laklwk, jtv Dorkas gv turla doori lo chumji nama ninya kaatamto. **40** Pitar bunu mvnwng nga karchung agumbv limu tokula, okv guplwk doola kumtoku; vbvrikunamv hv svma takbv dakrwk tola okv minto, "Tabita, gudungtol!" hv ninyigv nyikv nyiktar toku, okv vdwlo hv Pitarnyi kaapa tokudw, hv gudung toku. **41** Pitar nvchilo aanwk tola okv ninya svvdungto. Vbvrikunamv hv mvngjwngnv vdwa, hvngmi vdwa mintala, goklwk toku okv bunua ninya turdu kubv kaatam nyatoku. **42** Soogv yuning ngy Joppa mooku mvnwng lo dupwng nyato, okv Ahtunyi achialvgo mvngjwng toku. **43** Pitar Joppa lo apin mvnv Saimon minam nyi ako lvkobv alu meego doomin gvvtoku.

**10** Kaisaria lo Kornelias vnam nyi ako dooto, Hv Rom sipai rejiment gv kiatpen bv rito, um “Italian rejiment” vla minto. **2** Hv dormo nyi ako; hv okv ninyigv vpin mvnwng ngv Pwknyarnvnyi kumnyjoonv go. Hv Jius nyi heema nvnga ka kaadur nvgo okv Pwknyarnvnyi kumbwng nvgo. **3** Alu logo lo arium gv gunta aom rilo hv nyikrwgo kaato, hv pbwgngvrwngbv kaato Pwknyarnv gv nyidogindung go aala okv ninya minto, “Kornelias!” **4** Hv nyidogindung nga busula kaadi chinchi to okv minto, “Tamsarnv, si oguv?” Nyidogindung ngv mirwko, “Pwknyarnv noogv kumnam okv jilakrumlak nama alvbv mvngdu, okv nam mirwk sudubv mvngdu. **5** Okv vjak Joppa lo nyi meego vngmuto nyi daadwvw rungv go vkvgv aminv Saimon Pitar kv. **6** Hv apin mvnv Saimon vnam, svmasa agum lo naam doonv gvlo nyen bv rila doodu.” **7** Vbvrikunamv nyidogindung ngv vnglintoku, okv Kornelias ninyigv naam gv nyira anyigo okv sipai ako, nyi dormo lo doonv ako, hogv akonv vv ninyigv atubogv lokv kaaria tarianvgo to. **8** Hv ogugo ripvdw bunua mimpa toku okv bunua Joppa lo vngmu toku. **9** Alu logo nvnga, bunu lamtv bv vngdungto okv Joppa gv nvchilo aari nga, donyitabv nga Pitar kumbv naam namwng aulo chaato. **10** Hv kano toku okv ogugo dvnwng toku; vdwlo dynam nga mvdung la ripv nga, hv nyikrwgo kaato. **11** Hv nyidomooku gv agiya kokko dubv kaapato okv ogu ako vji jvbor bortvnv aingbv kaanv go atung tungpi nga kylum tola sicingmooku bv oolu dubv kaapa toku. **12** Hoka piakarnv svnwngsvmin nvgwng nvngv dooto, okv mootum pvtva ngvka. **13** Vlvgo ninya minto, “Pitar, gudungto; mvkitvla okv dvvto!” **14** Vbvrikunamv Pitar mirwksito, “Ahtu, vbv makv! Ngo oguguka darmanv okv darwk manv go dvka mapvvn.” **15** Ninya lvkodv vlvgo mindvto, “Pwknyarnv gv darwk pvnvkv vnama no

darwkmanv gubv miyoka.” **16** So si lvom go rito, okv vBVrikunamv um nyidomooku bv naakur chaatoku. **17** Pitar nyikrw kaanama lamrw palaku si ogugubvri vla mvngla doori lo, ho Kornelias gv vngmunam nyi mvnwng ngv Saimon gv naam am chintoku, okv bunu vdvw vjak agi peelv ho daknyato. **18** Bunu gokto okv tvvka nyato, “So si Saimon Pitar vnam nyen ako dopvre?” **19** Pitar vjv gubv ninyigv nyikrw kaanama ogugubvri mvngla chindubv rito, Darwknv Dowv minto, “Tvriato! soka ka nyi aom go nam makar kardu. **20** Vkvlgabv gudung toku okv pvkwng bv ito, bunua lvkobv vngdubv mvngram mabvkv ngo bunua kanam la vngmu pvnv.” **21** Vkvlgabv Pitar itoku okv nyi vdwa minto, “Nonugv makar nam nyiv ngookv. Nonu ogu mvlwk pvnv?” **22** “Kiapten nyigam Kornelias ngonuam kanam pvnv,” bunu mirwksito. “Hv alvnv nyi ako Pwknvyarnv ninyia kumnjonyv go okv Jius nyi mvnwng ngv ninyia kaibv mvngdv nyadunv. Pwknvyarnv gv nyidogindung ako ninyia minto ninyigv naam lo nam goktokv vla, vkvlgabv noogy minama ninyia tvvmu dubv.” **23** Pitar nyi vdwa arwngbv goklwktv okv bunua ho ayu miayala yupmuto. Logo nvngaku hv gwnglapsingrap tokula okv bunugv lvkobv vngtoku; okv mvngjwngnv meego Joppa lokvka ninyia lvkobv vngming gvtoku. **24** Alu logo nvngaku hv Kaisaria lo vngchi toku, okaku ogolo Kornelias ninyia kaaria la, ninyigv agungaram vdwa lvkobv doobam la dooto kudw okv ajin vdwa ninyigv goknam dvdv nga lvkobv doobam toku. **25** Pitar arwngbv aatv ringa, Kornelias ninyia kaarwk sito, okv ninyigv lypalo gupba la okv ninyigv kaagia guplwkto. **26** Vbvrilola Pitar ninyia svdungto. Hv minto; “Dakrapto, Ngooka nyi ngvmaby.” **27** Pitar Korneliasnyi gaam japmi sila hv naam arwng bv aatoku, ninyia hoka nyi achialvgo dopam dubv kaapato. **28** Hv bunua minto, “Nonu atubongv

albv chinsu pvnvpv ho Jentail vdwa lvkobv kaarwk okv ribam  
mabkv vla Jius bunugv ridungsingdung lo mindu. Vbvritol  
Pwknvyarnv nga kaatamdo ho yvnyiv darwkmanv jeka okv  
kasingkanyak jeka ngo alvmakv vla mare. **29** Okv vkvlvgabv  
no vdwlo nyi kanamla ngo gvlo vngmuto, ngo oguguka ma vla  
mvngnam kamabv aapvnv. Ngo nam tvvkadu, vbvrikunamv,  
no ngo gvlo ogubv nyi kanam la vngmu pvnv?" **30** Kornelias  
minto, "Soogv dw so vjak alu loum go vngro pvkua ho ngo atugv  
naam soka arium gv gunta aom baji lo kumdungla doosuto.  
Dvminmabv nyi go vji yapung tojinv gvvtola ngoogv habolo  
dakto **31** okv minto: 'Kornelias! Pwknvyarnv noogv kumnam  
am tppato okv noogv nyi am jinamrungnama kaapa duku.  
**32** Nyi go Joppa lo vngmuto ho ninyigv lvgabv aminv Saimon  
Pitar vnamgo. Hv Saimon apin mvnv, svmasa adarlo doonv  
gv naam lo nyen bv doopv.' **33** Okv vkvlvgabv ngo vjakpigobv  
noogv lvgabv vngmu pvnkv, okv no so alvrungbv aalwk jipv.  
Vjv ngonu mvnwng ngv Pwknvyarnv gv dooku si doodu, Ahtu  
ogugo ritokv vla nam mimpv kudw um minama tvbv doyala  
doodunv." **34** Pitar japrap toku: "Vjv ngo mvngdw kunamv so si  
jvjv ngv Pwknvyarnv nyi mvnwng nga akin gubv mvngla ridunv.  
**35** Yvvdw ninyia kumnyjoonv ngv okv albv ridu singdunv vv  
ninyia turwk sunam gubv ridunv, hv ogolokv ogunv nyi haalung  
gubv rijeka. **36** Nonu chindu hv doina Israel nyi vdwlo jilwk  
kunama, mvnwng gv Ahtu Jisu Kristo gv Alvnv yunying nga japji  
kunama. **37** Nonu chinyado Israel gv kvvdw mvnwng so kaibv  
dunamlamnam go rikunama, Galili lo riraptoku Jon gv baptisma  
gv lvgabv japiro koching bv. **38** Nonu Najaret gv Jisuni chinyado  
okv Pwknvyarnv ninyia oguaingbv Darwknv Dowv okv jwkrw  
nga jiku nama. Hv mooku mvnwng lo vngyik kartoku, alvnv

rikarto okv Uyuvram gv arwnglo doonv mvnwng aka mvpu karto, ogulvgavbolo Pwknyarnv ninyia lvkobv dooming gvvto. **39** Hv ogugo Israel gv kvvdw lo okv Jerusalem so ripvkudw ngonu mvnwng ngv ho mvnwng nga tvriakaaria kunama japyariya yajikunv. Vbvrikunamv bunu ninyia daapo lo kali lokv sidukubv takki toku. **40** Vbkritola Pwknyarnv ninyia alu loum koching lo sikunvnga turkur motoku okv ninyia kaapa modubv mvtoku, **41** nyi mvnwng nga kaatam ma, vbritola Pwknyarnv gv darlin pvnam kaarianv mvngchik amwng, hv sipikula turkurro koching bv ninyigv lvkobv ngonu ninyia lvkobv dvbamtvngbam kunam ngv. **42** Okv hv ngonua yunying ngam nyi vdwllo japkar dubv kanamto okv Pwknyarnv gv darlin kunam angv turnv okv sikunv vdwgv jwngyadaya yanv gubv. **43** Nyijwk mvnwng ngv ninyigv lvkwng lo japroto, vBV minjito yvvdw ninyia mvngjwng dunv vv ninyigv amin jwkrw lokv vkv rimur am mvngnga jiriku.” **44** Vdwlo Pitar gv jadung rilo, Darwknv Dowv ilwkjito mvnwng gvlo yvv ninyigv doina tvla doonv vdwa. **45** Joppa lokv Pitarnyi lvkobv aavn Jius nyi mvngjwngnv vdww Pwknyarnv gv Jentail vdwaka Darwknv Dowa jilwk nama kaapatola lamrw pakunam. **46** Ogulvgavbolo bunu bunua akusubv japdubv okv Pwknyarnv gv kainama harty dubv tvnyato. Pitar japrasto: **47** “So nyi vdws! Darwknv Dowa paapvku, ngonu gvka paakunam aingbv. Vbvrikunamv, nyigonv, bunua isi lo baptisma nama dubv mintor nyuji kunv?” **48** Vkvlgabv hv bunua Jisu Kristo gv amin bv baptisma naadubv mintoku. Vbvrikunamv bunu ninyia bunugv lvkobv alu lonyiloum go doomin gdubv kooto.

**11** Apostol vdww okv Judia mvnwng lokv kwwbi mvngjwngnv vdww tvpa nyatoku Jentail vdwwka Pwknyarnv gv gamchar am laarwk sutu pvku vla. **2** Vdwlo Pitar Jerusalem lo vngto kudw,

yvzbunudw Jentail vdwa ayakmvua mvnglwknv vdwv Pitarnyi  
minjimio la minto, 3 "No Jentail ayakmvu manv nyi vdwgv naam  
lo nyen gubv ripvi, okv no bunua lkvobv dvbamtvngbamdu ail!" 4  
Vkvlgabv Pitar bunua atuk lokv oguaingbv rirap pvkudw ho  
mvnwng nga mimpa jitoku: 5 "Vdwlo ngo Joppa gv pamtv lo  
kumla doori lo, Ngo nyikrwgo kaato. Nyidomooku tvlok vji jvbor  
aingbv kaanv go atung tungpi am kvlum tola ogugo solu dubv  
ngo kaapato, okv ho vv ngo takbv olwkto. 6 Ngo arwngbv  
kaatar lwlka kaakunamv soonam okv somanam svnwngsvmin,  
piakarnvngv, mootum pvtv vkv kaapato. 7 Vbvrikunamv ngo  
vlvgv nga mindubv tvvpato, 'Gudungto, Pitar; mvkitvla okv dvto!'  
8 Vbvrilola ngo minto, 'Ahtu, vbv makv! yaboryachenv vmalv  
dvnam kasingkanyak nvngv ngoogv gaam lo vdwloka aakw  
mapvnv.' 9 Nyidomooku tvlok vlvgv lkvodv minto, 'Pwknvyarnv  
gv darwk pvnkv vnama ogu darwkmanv gubv mvngma bvka.'  
10 So si lvol gubv rijito, okv anyunganya nga ogumvnwng nga  
nyidomooku bv chaakur gvvtoku. 11 Vbvrila sopikda nyi aom vv  
Kaisaria lokv ngo gvlo vngmunam vdwv ngo ogolo doopvdw  
oogv naam hoka vngchi toku. 12 Darwknv Dowv nga bunua  
lvkobv vnglaka mvngram mabvkv vla minto. Oogv mvngjwngnv  
nyi akvgo nga lkvobv Joppa gvngv Kaisaria lo vngming gvto,  
okv ngonu mvnwng ngv Cornelias gv naam arwnglo aatoku.  
13 Ninyi ngonua minjito ninya oguaingbv nyidogindung angv  
ninyigv naam arwng lo dakdubv kaanama, ho ninyi minto, 'Nyi  
go Saimon Pitarnyi hardubv Joppa bv vngmu tvka. 14 Hv nonua  
gaam jajire ho no okv noogv vpin mvnwng ngv ringnam am  
paariku.' 15 Okv vdwlo ngo japrap kunamv, Darwknv Dowv bunu  
gvlo ilwk toku atuk lo ngonu gvlo aanam jvbvku. 16 Vbvrikunamv  
ngo mvngpa toku ogugonyi Ahtu minpvdw: 'Jon isi bv baptisma

jidu, vbvritola nonuam Darwknv Dow lvkobv baptisma jire.’ 17 Si  
pvbwngvrwng dukunv vv Pwknyarnv Jentail vdwa ngonua jwkrw  
jinam apiabv jipv vdwlo ngonu Ahtu Jisu Kristonyi mvngjwng  
tokudw; vbvrikunamv ngo yvvla, Pwknyarnvnyi mvtor dubv  
ridunv!” 18 Vdwlo bunu sum tvto kudw, bunu miriminu kuma okv  
Pwknyarnvnyi ombonyikv, vnya toku, “Vbvrikunamv Pwknyarnv  
Jentail vdwaka mvngdin modukubv jito okv singmurimu dukubv  
alvnv alua lomu toku!” 19 Stipinnyi vlwng orki rilo Jisunyi  
mvngjwngnv vdwa mvdwmvkunam lvgabv bunu mooku mookulo  
kiakkipak toku. Kvvgonv Jius mvngchik ka doina japjito Poenesia  
lobv, Saipras okv Antiok lobv vngto. 20 Vbvritola mvngjwngnv  
kvbi vdvv, Saipras okv Sairene lokv nyiga vdvv, Antiok bv  
vngto okv doina Jentail vdwlo japji toku, Ahtu Jisu gv Alvnn  
Yunying nga bunua ka minji toku. 21 Ahtu gv jwkrvv bunugv  
lvkobv dooto, okv nyi vdvv kaiyabv mvngjwng la twngtvyva toku  
okv Ahtu gvlo aakur nyatoku. 22 So yunying ngv Jerusalem  
Gvra lo vngchi toku, vklvgabv bunu Barnabasnyi Antiok bv  
vngmuto. 23 Vdwlo hv vngchi tokudw okv ninyia Pwknyarnv gv  
nyi vdwa vdwoo boktalwkji kunama kaapa toku, hv mvngpu toku  
okv nyi vdwa ninyi tamsarto Ahtunyi haapok mvnwng lokv jvjbv  
okv mvnglwkkaalwk bv rilaka vla minto. 24 Barnabas alvnv nyi  
go, Darwknv Dow gvnv go okv mvngjwng nvgo, okv nyi meego  
Ahtu gvlo aagv jito. 25 Vbvrikunamv Barnabas Solnyi kaakar  
bv Tarsus lo vngtoku. 26 Vdwlo hv ninyia kaapa kunamv, hv  
ninyia Antiok bv vnggv toku, okv anying nyingga bv bunyi lvkobv  
Gvra gv nyi vdwa kaarwk sito okv nyitwngtwngtv nvgo tamsar  
toku. Mvngjwngnv vdwa Kristan vla mintuminke bv minrap kongy  
Antiok lo. 27 Vbv riri hoka nyijwk meego Jerusalem lokv Antiok lo  
vnglwk toku. 28 Bunugv lokv akonvgv aminv Agabas, Darwknv

Dow gv jwkrw lokv dakrap danv kokwnglo riji nama mincho jila  
vbw minto achialvbv alvmanv dvmayarwng go sicingmooku so  
vngrtv tvvdu vla minto. (Klaudius gv Dvbw bv ririlo vv aatoku.)  
**29** Lvbwlsku vdww Judia lokv mvngjwngnv ajin vdwa vdwgo  
rila pvdw ridur dubv vla japmi sinyatoku. **30** Bunu sum ritoku,  
vbvrikunamv morko nga Barnabas okv Sol buniyigv laak lo jilwk  
la Gvrja gv nyigagatv vdwlo jidukubv.

**12** So lvkwng lo vbw ririlo hoka Dvbw Herod gvrja nyi meegonyi  
mvdwkmvku rapto. **2** Hv Jemsnyi, Jon gv boru am rioksv lokv  
pakinoku. **3** Vdwlo hv vbvrinam si Jius vdwa alvbw mvngpu modu  
vla kaapa pvkudw hv Pitar nyika naatungto. (Svbv rikuv vpap  
lwkmabv vtwng dvdw pumja alu lo). **4** Pitarnyi naatungro koching  
bv patwk lo tumlwk toku, hoka ninyia sipai nyitwng api lokv  
akinakin sakbv naalinla ninyia apigo dagv yamuto. Herodnyi  
vngbo dvmin gv kochinglo kvba vdwgv kaakulo mvtungmvre  
dubv vla rungto. **5** Vkvlgabv Pitarnyi patwk lo tumlwk pvtv,  
vbvritola gvrja lo nyi vdww ninyigvbw Pwknvyarnvnyi dinchi rungbv  
kumji nyato. **6** Pitarnyi ho ayu Herod gv nyi vdwgvlo boolin  
madv bv, Pitar dakrianv anyi gv pingkolo yupla dooto. Ninyia  
jaako sonyi gonn leepvto, okv okaku dakrianv vdww patwk agi lo  
dakria nyatoku. **7** Dvminmabv Ahtu gv nyidogindung ako hoka  
daktoku, okv patwk arwnglo loung go unglinto. Pitar gv Gorbwng  
lo nyidogindung lakpvnamv lamrwpatv, ninyia mvu toku, okv  
minto, "Gudungto! baapubvk!" Pitar gv laak lokv vjakpigobv  
rvngja ngv taasokto. **8** Vbvrikunamv nyidogindung ngv minto,  
"Noogv tainhokpo nga hukto kuka okv noogv lvkiama gvvto."  
Pitar vbw ritoku, okv nyidogindung ngv minto, "Noogv pakria nga  
koorwkto okv nga lvkobv aato." **9** Pitar oguka chimabv, patwk  
arwng lokv agum bv, ninyia vngming gvvto, ogubv rikujvka,

vbv nyidogindung gv rinam yangv jviv guya; vla hv mvngtoku ninyi nyikrwgo kaapv nvgorvri vla. **10** Bunu dakria la dakcho konga vngboto okv anyi nvngaka, okv vngnyung nga pamtv bv vngjiku riokdar agi lo aatoku. Agiv bunugv lvgabv kokda sila dooto, okv bunu agum bv vnglintoku. Bunu pamtv gv ara bv ilwkla vngto, okv nyidogindung ngv Vjakgobv Pitarnyi vngyu toku. **11** Vbvrikunamv Pitar ninyigv ogugo ripvdw mvngdw tola, okv minto, "Ngo svjv chimpvku so si jviv gurung! Ahtu ninyigv nyidogindung nga kanam tola nga Herod gv jwksw lokv okv Jius nyi vdwgv vbvrijeyiku nvpv vla mvngmin nam mvnwng loka ringlin pvku." **12** Ninyigv svbv riyi so himakaya sudubv, hv Jon mark gv anv Meri gv naam lo vngtoku, hoka nyi vdww achialv dookum la okv kumla doonyato. **13** Pitar hoka agi am takdinto, okv nyimvpaknv aminv Roda vnam ako um mirwk sudubv aatoku. **14** Hv Pitar gv gaama tvvchinto okv himpu yalaku agiya koko mabv ninyi arwngbv jukkur lwktoku, okv Pitar agum vv dakpv vla arwnglo gokyak pato. **15** Bunu ninyia minto, "No suru pvnvo!" Vbvritola hv si jviv ngvkv vla mimbwng jito. Vkvlgabv bunu mirwksito, "So si ninyigv nyidogindung go."

**16** Vbv ridung rilo Pitar takdin dvla doodvto. Anyungnga bunu agiya kokko jitoku, okv vdwlo bunu ninyia kaapa namgola, bunu lamnya toku. **17** Pitar ninyigv laakv lakbvla bunua choibvkv vla mintoku, okv hv bunua oguaingbv Ahtu ninyia patwk lokv linggv kunam am mimbwk la mimpa jitoku. "Sum Jems okv mvngjwgnv dwdvlo mimpa laka," hv minto; vbvrikunamv ninyia vngyu toku okv mooku kvvilo vngtoku. **18** Vdwlo arukamchi kubvdw, hoka dakria kaarianv vdwgv pingkolo abwk kuma bv ritoku—Pitarnyi ogugo ripv nvgorvri? **19** Herod Pitarnyi makar duby orto jito, vbvritola bunu ninyia mapa kuma toku.

Vkvlvgabv hv dakriakarianv vdwa tvukapak tokula okv bunua mvki dvkubv orto jitoku. So kochingby, Herod Judia nga vngyula okv Kaisaria lo apogo dootoku. **20** Herod Tayar okv Sidon gy niyi vdwa achialv bv haachi toku, vkvlvgabv bunu lvkin gubv ritola ninyia kaatv bv vngtoku. Atuk chochok bv dvbvkavv nga doogvdakgv yanv nyi, Blastasnyi bunu mindin chootoku, bunua ninyia kaadur kodubv vla. Vbvrikunamv bunu Herod gv dokubv vngto okv sarsopoyonam lvgabv ninyia tvvkato, ogulvgavbolo bunugv mooku ngv ambinamor am dvbv gv diringmooku lokv jilwk doonv. **21** Darlinnam alu gulo Herod ninyigv Dvbw vji jtv laklwk ka gvvto, ninyigv dvbvdotung kolo doolwk toku okv nyi vdwa kvba gaam go japro. **22** Bunu gokla minto, "So si nyi gv japnam bv rima, vbvritola Pwknvyarnv gv japnam bv rido!" **23** Vjakgobv Ahtu gv nyidogindung ngv Herodnyi svtap pala seluto, ogulvgavbolo hv Pwknvyarnvnyi mvngdv jimato. Ninyia tapumv chetoku okv sitoku. **24** Vbvrilo kochingby Pwknvyarnv gv gaamv tvvisik yaya toku okv kaiyayabv ritoku. **25** Barnabas okv Sol buniy gv minkarrikar svnga rinya toku, okv buniy Jerusalem lokv aakur laku, Jon Mark ninyia naalaila buniy gv lvkobv vnggv toku.

**13** Antiok gv gvrja hoka ka nyijwk vdww okv tamsarnv vdww meego doonyato: Barnabas, Saimeon (Yakianv vla minto), Lusias (Sairene lokv), Manaen (Herod gobunor gv lvkobv sochakunam), okv Sol. **2** Bunu Ahtu gv kanam nama rilapala okv dvmatvngma bv yikdungla doori lo, bunua Darwknv Dowv minto, "Ngo gvbv Barnabas la Sol buniya akusubv vngmuto, ngoogy gokla kanam nama bunua rimudubv." **3** Bunu dvmatvngma bv yikdungto okv kumtoku, bunugv laakv bunua lakpv tola okv bunua vngmu toku. **4** Darwknv Dow gv kanam la vngmukunam lokv, Barnabas okv Sol Seleukia lo vngtoku okv svpwvb dula Saipras bokpin lo

vnglwkto. 5 Vdwlo bunu Salamis hoka vngchi kunamv, bunu Pwknyarnv gv doina Jius kumkunaamlo japji toku. Bunu Jon Marknyi bunugv riku lo rigvto ridur riadubv. 6 Bunu bokpin mvnwng nga vngbola Papos lo vnglwkto, hoka bunu tagohinv ako aminv Bar-Jisu, vnamgo paami sito, hv Jius nyi go nyijwk akobv minsunv. 7 Hv bokpin gv gobunor gv ajin bv rito, Sergius Paulusnyi chinpanv gubv rito. Gobunor angv Barnabas nyila Solnyi vkvgvlo gokcho lwkto ogulvgavbolo ninya Pwknyarnv gv doina tvnwngto. 8 Vbvrilola tagohinv Elimas (ho vv Grik amin minam) bunu mvnwng am kaanwng mabv rito rinyingriruto, ninyi Gobunornyi mvngjwng moma dubv rikwto. 9 Vbvrikunamv Sol—nyika Paul vla chinya kunam—Darwknv Dowv aakunamv; hv tagohinv nga kaagap chinchila kaato 10 okv minto, “No uyu gv kuunyilo! No alvnv ogumvnwng gv nyirunyimak kv. No alvmabv gwngnamrungnam am gvnv okv no Ahtu gv jvjv nga mvvnam gubv rimu dubv lokia rikwnv! 11 Ahtu gv laakv no gvlo vjak lakkure; no nyikching riku okv alu gv loung nga meego kaapa mabv ririku.” Vjakgobv Elimas gv nyiklo kanv ngv jing mvlwkto, okv ninyi vngdubv vngtvto nyigony ninyigv laak am gakbwng tvla vnggv labv vla riakarto. 12 Vdwlo gobunor angv um kaapv kudw hv mvngjwng toku; Ahtu gv lvgabv tamsarnama tvvla hv kairungbv lamngapatoku. 13 Paul okv ninyigv ajin mvnwng ngv Papos lokv Pampilia pamtv bv Parga lo svpw bv raplwk toku, hoka Jon Mark bunua kayupikula Jerusalem bv vngkur toku. 14 Bunu Parga lokv vngraptoku okv Pisidia gv Antioch lo vngchi toku, okv bunu Jius doonu alulo kumkunaam arwng aalaku okv dootung nyatoku. 15 Moses gv Pvbv nga okv nyijwk vdwgv lvkpv nama um puri riro kochingso, Jius kumkunaam gv nyigam vdwv bunua gaam go milwkto: “Ajin vdwy, nonu nyi vdwa doin

tamsarkinu gaam go doodu bolo mintokv vla ngonu mvngdu.” **16**  
Paul dakrab dvla, ninyigv laakv ijodvla, okv minrap toku: “Israel  
ajin vdwa okv soka Jentail vdwa yvv Pwknvyarnvni kumdunv:  
nga tvvriato! **17** Israel nyi vdwgv Pwknvyarnv ngonugv abuapa  
vdwa dartoku okv nyi vdwa kainv mooku gubv mvtoku ljipt lo  
bunugv nyen pakbubv rila doori lo. Pwknvyarnv gv kainv jwkaw  
lokv bunua ljipt loka agum naalin toku, **18** okv anying champi  
gubv bunua chokrimookulo Hv saktv toku. **19** Pwknvyarnv  
Kanaan gwngda lo diringmooku kanwgo myyakmvchak tvla okv  
ninyigv nyi vdwa mookuatu bv mvtoku. **20** So mvnwng si anying  
lvngpi gula chamngu gobv ritoku. “Soogv kochingso ninyi bunua  
nyi kiyahakya nvgorv jitoku Samuel nyijwk gv dootv madvbv. **21**  
Okv vdwlo bunu dvbv lo ako jibkv vla koonamv, Pwknvyarnv  
bunua Binjamin haalung lokv Kis gv kuunyilo Solnyi, bunugv  
dvbv bv anying champi gubv singmuto. **22** Kochingso ninyia rimu  
kuma namv, Pwknvyarnv Dabidnyi bunugv dvbv bv mvtoku. So  
si ogugonyi Pwknvyarnv ninyia minamv: ‘Ngo paapvku Jesse gv  
kuunyilo Dabid ngoogv haang lo mvnglwknam nyi gobv rido, ngo  
ogugo mvngpvdw ninyia um mvnwng nga riji nvgorv riyinvpv.’  
**23** O Jisu, Dabid gv husi lokv, yvvnyi Pwknvyarnv Israel nyi  
vdwgv ringlinnv gubv, ninya mvtoku ninyigv milvla mimpv nam  
lokv. **24** Jisu ninyigv ridung nga ritam madvbv, Jon Israel gv nyi  
mvnwng nga japkar choto ho nonugv rimur lokv nonu lintokv  
okv baptismal laato kukv vla. **25** Okv Jon ninyigv risvvngsv  
nga rinya svlv bv rire hoka, hv nyi vdwa minto, ‘Nonuno nga  
yvv vla mvngdu? Nonugv kaaria la doonam angv vv makv.  
Vbkritola tvvriato! Hv ngoogv koching lo aadungdu, okv ngo  
vbw alvka yama ninyigv lvkiam ngaka ninyigv lvchu loka pilin  
dubvka rinyuma.’ **26** “Israel gv ngoogv ajin vdw, Abraham gv

husi vdwa, okv soka Jentail mvnwng ngv yvv Pwknvyarnvnyi kumdudw: soogv turnam gv doin sum ngonugv lvgabv jilwk jipvn! 27 Jerusalem lo doonv nyi vdww okv bunua rigvnb vdwka ho Jisunyi ringnvbaanv ngkv vla chimato, Doonu alu lokia nyijwk vdwgv gaam ngaka puri rilin jinam aka chinv kaama. Vjvlodvbv Jisunyi miyakaya tola bunu nyijwk vdwgv gaam yanga jvjbv limuyato. 28 Okv bunu ninya mvki dubv gaam mimbwk svgo dooma jvka, bunu Pilatnyi ninya mvkito vla kooto. 29 Okv kochingso bunu ogumvnwng nga ritoku ho Darwknv kitap lo ninyigv lkwng lo minam nga, bunu ninya daapo gvnga jolu toku okv ninya nyibung arwngbv lwktoku. 30 Vbvrilola Pwknvyarnv ninya sikunvnga turkur motoku, 31 okv alu aw gobv yvvbunu ninyigv lkvobv Galili lokv Jerusalem bv vngming gvnbv nga kaapa kotoku. Bunu mvnwng ngv sijv Israel nyi vdwgvbv ninyigv lvgabv ririamicia nvgu bv rinya dukunv. 32 Okv nagonu mvnwng ngv sika nonu gvbv alvnb yunying nga bvnglwk jitv dunv: Pwknvyarnv ogugo ngonugv abuapa vdwa minpvnam nga hv ritv hinvkv, hv vjakka nagonu gvbvka um rilin jipvku, yvvbunudw bunugv husi bv ripvkudw, Jisunyi sikunvnga singdu kubv mvt kula. Mirimimpak lo baanyi nvnv lo minam jvbw, 'No ngoovv kuunyilo; silu ngo noovv Abu bv riduku.' 34 Okv so si Pwknvyarnv ninya sinam lokv turkur mooku nambv minto, vdwloka nyibung arwng lo yalwk mabvka: 'Ngo nonuam Dabidnyi milvnam darwknv okv jvjrungbv boktalwkjire.' 35 Svbkva hv borgu nvlo mindu, 'No noovv jwkjwkvrwk rungnv pakbu nga nyibung arwnglo yaamin momare.' 36 Dabid Pwknvyarnv gv mvngnama ninyigv ridwlo ritoku, okv vbvrirkunamy hv sitoku, abuapa vdwgv lkvobv sima ritoku, okv ninyigv ayakv nyibunglo yaalwk toku. 37 Vbvrilola Pwknvyarnv gv sikunvnga turkur mookunam angv gylo so si

riku mato. 38 Ngonu nonua chinmu nvpv mvngdu ngoogy Israel  
ajin vdwa, Jisu gv lokv rimur vdwa mvngnga jikunam gv doina  
nonua japij toku; Moses gv Pvbv jinam lokv nonua rimur loka  
topunyuma nama topu jiriku yvvdw ninyia mvngjwng dukunv. 40  
Vbvrikunamv, hima sulakv ogulvgavbolo nyijwk vdwgv minamv  
nonu gvlo rilwk madubv: 41 'Kaatoka, nonu nyarjikaunv vdwv!  
Lamrwpalaka okv silakuka! Ngo silu ogugo ridung dunv si vkvn  
ogugo nonu mvngjwng mare, vdwlo nyigonv nonua alvbv mintam  
jida jvka!" 42 Paul la okv Barnabas bunyi Jius kumkunaam lokv  
lindung rilo, nyi vdwv bunua lvko aakur dvla aainvgv bunugv  
Doonu alu lo okv bunua soogv lvgabv sum kaiyabv minjilabv vla  
mintoku. 43 Kochingso nyi vdwgv kvbadopam lokv vngpinvngyin  
rikulo, Paul la Barnabas bunyi gv kochingbv Jius okv Jentail  
Judaism lo aalwkla rikunv vdw vkv achialv bv vngming gvvto.  
Apostol vdwv bunua japtoku okv Pwknyarnv gv anyuaya lo  
alvbv doobwng runglaka vla mintvmiru toku. 44 Bunugv Doonu  
alu akonvnga banggu gv nyichar mvnwng ngv Ahtu gv gaam  
nga tvvbg aakum nyato. 45 Vdwlo Jius vdwv nyipam am kaapv  
kudw, bunu mvnwng ngv kaakbriak nyato; Paul gv japnama  
bunu ridwkrikuto okv ninya nyarjitaru toku. 46 Vbvrilola Paul la  
Barnabas bunyi busukano kaakumabv japrapto: "Pwknyarnv gv  
gaama ho nonu gylo japcho jidubv ripkv. Vbvrilola nonu um  
toasula okv turbwngnv singnama paanyu manv gubv mvngsu  
dvnv bolo ngonu nonua kayupikula Jentail nyi vdwlo vngriku.  
(aiōnios g166) 47 So si Ahtu ngonua gamki pjinamv: 'Ngo  
nonua Jentail vdwgv lvgabv loung gubv mvpvnv, ogulvgavbolo  
nyiamooku gv nyi vdwv turnama paadu kubv.'" 48 Vdwlo Jentail  
vdwv sum tvvpa kunam gula, bunu mvnwng ngv himpu pulaku  
okv Ahtu gv doina umbonyikv mvngtoku; okv yvvbunu ninya

turbwngnv singnam lo darlin pvkudw bunu mvngjwng nvgorv  
ritoku. (aiōnios g166) 49 Ahtu gv gaamv ho mooku mvnwng lo  
dupwng kartoku. 50 Vbvrilola Jius vdwv pamtv gv Jius nyiga  
vdwa mivrmimbam la jokkumrikum motoku okv Jentail anvnyimv  
kaibv rigvnu vdwv yvv Pwknyarnvnyi kumnyjonv vdwv. Bunu  
Paul okv Barnabas bonyia yalungyachung durab toku okv  
bunugv mooku loka bunua charlin toku. 51 Apostol vdwv bunua  
rinyingriru dunv vla bunugv lvchu gv pvmar am mvkak supi  
kula bunu Ikonium mooku bv vnglintoku. 52 Antioch lo doonyabu  
mvngjwngnv mvnwng lo Darwknv Dow lokv okv achialvbv himpu  
nyatoku.

**14** Ikonium loka vbdvdv bv rito: Paul la Barnabas bonyiv Jius  
vdwgv kumkunaamlo vngto okv vbg japlaku Jius vla Jentail  
nyi vdwa achialvgo mvngjwng nvgorv rimutoku. 2 Vbvrilola  
Jius mvngjwng manv nyi vdwv Jentail nyi vdwa meerla okv  
mvngjwngnv vdwa rinyingriru moto. 3 Apostol vdwv hoka alu  
achialv gubv dootoku, Ahtu gv lvgabv busukano mabv japtoku,  
bunugv ninyigv anyuaya namgv doinv jvfv rungdo vla kaamu  
dubv bunu jwkrw lokv achialvgo kaasartabo okv lamrwpadubv  
rila kaatamto. 4 Pamtv gv nyi vdwv apinain sitoku: meegonv Jius  
vdwgvbv, kvvgonv Apostol vdw gvbvku. 5 Vbvrirkunamv Jentail  
nyi meego okv Jius vdwv bunugv rigvnu vdwa lvkobv, Apostol  
vdwa vlgng orla alvmabv ridubv minbam sitoku. 6 Vdwlo Apostol  
vdwv um tvvpa namgola, bunu Listra okv Darbe okv dokardovr  
mooku Likaonia pamtv vdwlo kelwk toku. 7 Hoka bunu Alvnu  
Yuning nga japtoku. 8 Listra lo nyi ako dooto vv bvnglin lokv  
lvpikto okv vdwloka vngkar nyumabv rito. 9 Hv hoka doya tola  
okv Paul gv gaama tvvriato. Paul kaatoku hvkvvgv mvngjwng  
kunam am okv poya nyola suku nama, vkvlvgabv hv ninyia

kaagap lalatoku. **10** Okv gaam gamtv bv goktoku, "Noogy lvdubv dakdin chinchila daktokv!" Nyi angv pokdinpokrinla okv vngchar vngyarla vngrab toku. **11** Vdwlo nyi nyipam vv Paul ogugo ripvkudw um kaato kula, bunu atugv Likaonia gaam bv bunu gokrap toku, "Pwknvyarnv ngv nyi jybv ritokula okv ngonu gvlo ipvku!" **12** Bunu Barnabasnyi Jeus gobv amin minto okv Paulnyi Harmes gobv minya toku, ogulvgavbolo hv japlaknv kaiyachok kunv go. **13** Jeus Pwknvyarnv gv nyibu go pwknvyarnvnaamv banggu agum gv adar hoka dooto, ninyila nyipam vdvv svv vvpv okv apungana vkv agi hoka bvnglwkto Apostol vdwa erinpeeji dubv vla mvngnyato. **14** Bunugv ritv nama Barnabas okv Paul bunyiv tvvpa namgola, bunyi vji am putak pasuto okv nyitwng pingko gv arwng lo juklwkla, gokto, **15** "Nonuno ogubv svbv rinya dunv? Ngonu atubongv ka nonuno aingbv nyi vmwng mabv! Ngonu mvnwng ngv sukaka Alvnv Yunying nga, nonuam mimpa dubv doodunv Pwknvyarnv yvvdw nyidomookua, sichingmookua, svmasa nga, okv ogugo dopvkudw Pwknvyarnv gvlo svkvnv ogu arv kamanv ridungsingdung loka mvngdin modukubv vla. **16** Vngro ikunv atuk lo hv nyi mvnwng nga bunugv mvngbv vngkarchaakar moto. **17** Vbvrilola ninyigv alvby rijinam lokv hv kaatam sudunv, hv nyidomooku tology nyido odw lo omudu okv aliami, aamtami nga nyindw lo nyimu dunv; hv nonua dvnamtvngnam nga jila haapok am mvngpu sakpu la rimudu." **18** Apostol vdvv so svkvnv gaam vkv milaku bunua raaibv ho bunya erinpeeji tvku loka mintor toku. **19** Jius nyi meego Pisidia gv Antiock lokv okv Ikonium lokv aatoku; bunu nyipam nga miyayala bunu gvlo minkiam lwkto, Paulnyi vlwng ngv ortoku okv ninyi sipvkudw mvngnyato, ninyi banggu gvnga svlin toku. **20** Vbvrilola ninyia mvngjwngnv vdvv sooyum kunam

ngv, hv gudung toku okv banggu arwngbv vngkur toku. Logo nvnga hv la Barnabas Darbe bv vngtoku. **21** Paul okv Barnabas Alvnv Yunying nga Darbe lo japij toku okv achialv nyi vkv mvngjwng motoku. Vbvrikunamv bunu Listra bv, Ikonium bv, okv Pisidia gv Antiok lo vngkur nyatoku. **22** Bunu mvngjwngnv vdwa gwlwk bvkv okv alvbv mvngjwng nyalakv vla bunua tamsarto. “Ngonu Pwknyarnv gv Karvlo aapvnam lvgabv ngonu atuklo achialv bv hirukaya hirungre.” **23** Gvrja lokv nyigagatv vdw akinsago bunu laalinla rigv modubv parlwk toku um yigla kumla doogvrila Ahtu gvlo kobik lwkji toku, okv yvvnyi bunu mvngjwng nyapvkudw. **24** Pisidia gv mooku nga vngnyaro koching bv, bunu Pampilia lo aatoku. **25** Bunu Parga hoka doina japij pikula okv vbvrikunamv Attalia bv vngtoku, **26** okv hoka gvngv bunu svpwby Antiok lo vngkur toku, ho mookuv bunua kvllo Pwknyarnv gv anyuaya lvgabv kudungkua nga vjakgv ripwngrinya kunam anga kaaduridubv tulwk kongv. **27** Vdwlo bunu Antiok lo vngchi tokudw, bunu gvrja gv nyi vdwa lvkobv gokum nyatola okv bunugv lvkobv Pwknyarnv gv rinam mvnwng nga okv oguaingbv Jentail nyi vdwa mvngjwng dukubv hv lamtv nga mvkok jiku nama bunuv mintam jitoku. **28** Okv bunu mvngjwngnv vdwgv lvkobv hoka apo go doomin gvvtoku.

**15** Nyi meegonv Judia lokv Antiok lo aanya toku okv mvngjwngnv vdwa tamsar sarab toku, “Nonu Moses gv Pvbv aingbv ayakmvu sudubv rinya mabolo nonuv ringnama paamare.” **2** Paul okv Barnabas bunyi so gv lvgabv bunua lvkobv achialv bv larmi sunya toku, vklvgabv Paul okv Barnabas okv Antiok gv nyi meegonv Jerusalem lo vngla okv Apostle vdwa okv nyigagatv vdwgv lvkobv soogv raagv dvnam sum kaarung svgo vla japmi sunya toku. **3** Gvrja lokv bunua kanam toku bunuv lamtv lo

vngdungto; okv bunu vbv Poenesia okv Samaria bv vngpik nyato, bunua oguaingbv Jentail vdwv Pwknyarnv gvlo aadu kudw um mimpa kartoku; so yunying ngv mvngjwngnv vdwlo gwlwk jinamv mvnwng ngv achialvbv himpu nyatoku. **4** Vdwlo bunu Jerusalem lo vngchi tokudw, bunua gvrja vdwv alvbv naarwk sinyatoku, Apostol vdwa, okv nyigagatv vdwa, Paul la Barnabas buni Pwknyarnv oguaingbv buni am rinv la ripvkudw um japji toku. **5** Vbkritola Parisis apam lokv mvngjwngnv meegonv dakto la okv minto, “Jentail vdwv ayakmvu rirungtoka okv Moses gv Pvbv nga tvvdubv mintoka.” **6** Apostol vdwv okv nyigagatv vdwv so tvvka nam um alv bvju vla kaarwk sunyato. **7** Achialvbv raakwng minsuro kochingbv Pitar dakrap la minto, “Ngoogv ajin vdwv, nonu chinyado kvlo gvngv Pwknyarnv nga nonugv pingko loka goklinto Jentail niyi vdwgvlo Alvnv Yunying nga japji dubv, vklvgabv ho bunu tvvria tvla okv mvngjwng dubv. **8** Okv Pwknyarnv yvvdw nyichar mvnwng gv mvngnam saknama chinv, ngonua rinam aingbv Jentail niyi vdwaka Darwknv Dowa ninyigv jinama kaatam jito. **9** Hv ngonua okv bunua pingkolo yvnyika akusubv mvngnam kaama; hv bunugv rimur am mvngnga jipvku oglvgavbolo bunuka mvngjwngto. **10** Vbrikunamv, vjak nonu oglvgabv mvngjwngnv vdwgv koching lo vge nga tulwk tola Pwknyarnvni ingka dunv vmaloo ngonugv abuapa ngvka malo ngonu mvnwng vka um baknyure? **11** Vv makv! Ngonu mvngjwngnam lvgabv okv Ahtu Jisu gv anyuaya ngv ringpv kunv, vbvching bunu nyika rdunv.” **12** Nyitwng dopam mvnwng ngv Barnabas okv Paul buni gvlo Pwknyarnv gv Jentail niyi vdwlo lamrwpadubv okv kaasartabo dubv rinam am buni gv mimpa jiku nama tvvriala choibv doonyato. **13** Vdwlo bunu japnya kunam gola, Jems jarapto: “Ngoogv ajin vdwa, nga tvriato! **14**

Saimon vjv mimbwk jigg ibv oguaingbv Pwknvyarnv Jentail nyi vdwa ninyigv chigudabia nga kaatam kunama okv bunua ninyigv nyigvby laatulake bv naarwk suku nama. **15** Nyijwk vdwgv gaam vdwv so sum lvkobv tulwk minggyto. Kitap lo vBV mindu, **16** ‘Ahtu minto, So kochingbv ngo akur riku, okv Dabid gv karv nga lvkodv laakumlaapa riku. Ngo darmwk kunama um mvdin rikunv okv lvkodv um gwlwk dukubv mvdin riku. **17** Okv vkvlvgabv nyi mvnwng ngv ngo gylo aariku, Jentail nyi mvnwng vka yvv bunua ngo atubogy bv mvngla gokku nam vdwa. **18** Vkvlvgabv vBVching Ahtu minto, yvvdw sum krimklu lokv chimu dukubv mvkunv.’ (**aiōn g165**) **19** “So si ngoogy mvngnamv,” Jems japdungto, ho ngonu mvnwng ngv Pwknvyarnv gylo aakur kunv “Jentail vdwa ridwkriku jimabv. **20** Vmabvya, ngonuya bunua siti go lvkto kula mimpa lajuka darwkmanv ogugoka dvma bvkv oglulgavbolo ho vv morti lo jilwknamv; bunua yoomur minsu mabvka; okv svnwngsvmin hoksar nama vmaloy am dvma bvkv vla miya lajukv vla minto **21** Moses gv pbv nga kwlo lokv Jius kumkunaamlo doonu aludwkibv puri rijikito okv ninyigv gaam nga banggu mvnwnglo japijito.” **22** Vbvrikunamv Apostol vdwvla okv nyigagatv vdwv, Pwknvyarnv gy nyi mvnwng ngv doodum toku, bunugv ajin lokv darlin gyrikula Paul okv Barnabas gv vngkulo Antioch bv vngmu dubv mintoku. Vbvrikunamv mvngjwngnv vdwgv mvngdv kunam nyi anyigo Barnabas vnam Judas nyila Silasnyi darlin toku. **23** Okv bunua siti meego lvkto kula bunua lvkobv vngmu toku: “Ngonu, Apostol okv nyigagatv vdwv, nonugv abwngboru, Jentail doonv Sairia, okv Silisia gv Antioch lo rinyabu vdwa kumrwk sidunv. **24** Ngonugv apam lokv nyi meegonyv ngonua vbkv vla mingkuriku mabv vngla nonua mindwkmingku pvkv vla ngonu tvpa pvku. **25** Okv vkvlvgabv ngonu mvnwng ngv doodum

toku okv nyi meego darlin laku nonu gylo vngmu dukubv vla tulwk pvkunv bunu ngonugv ajin Paul okv Barnabas buniya lvkobv vngriku, **26** yvvbunudw atugv singdung nga mvngmabv Ahtu Jisu Kristo gv kudungkua lvgabv mvngla rinvgo. **27** Ngonu nonu gylo vngmure, vbvrikunamy, Judas okv Silas buniy nonua nyidum bv ngonugv lvknam so apia bv mimpa jire. **28** Darwknv Dow vla okv ngonu tulwk minsu pvnv so gv ridung aba so gv lvyyalo nonu gylo oguaingbv adwkaku go lvkmare vla: **29** Morti lo erinpeelwknam dvnama dvma bvka, oyi dvma bvka; svnwngsvmin hoksar nama dvma bvka; okv nonu atubongv yoomur nyama bvka. Nonu so vdw sum rimabv ribamdobam bolo alvre. Ngonugv ayanam mvnglwk lvkobv doming gvvre.” **30** Gingdung mvnwng ngv vngnya toku okv Antiok lo vngchi nyalaku, hoka bunu mvngjwngnv apam mvnwng ngv dookum tokula okv bunua siti nga jinya toku. **31** Nyitwng ngv siti nga purila, tamsar doin nga puri ripa tokula, bunu mvnwng ngv himpu punya toku. **32** Judas okv Silas, bunu atubongvka nyijwk go, bunugv lvkobv mvngchigo japnya la doonyato, bunua mintvmiru jito okv vngdwng mootho. **33** Hoka meego doopi kula koching nga, bunu mvnwng ngv mvngjwngnv lvkobv sarsopoyo pikula okv mvngjwngnv vdww bunua kanam nvgv dokubv vngkur motoku. **34** Vbvrilola Silas hokaku doodu kubv mvngtoku. **35** Paul okv Barnabas apogo Antiok lo dootoku, okv bunugv lvkobv nyi meegonyi tamsar nyala okv Ahtu gv gaam nga japnyato. **36** Meego nvgv dw kochingso Paul Barnabasnyi minto, “Kylai ngonu vngkur lakuju ogolo ngonu Ahtu gv gaam nga banggu mvnwnglo ngonugv mvngjwngnv vdwa japij kunam nga kaakar lakuju, okv kylai ngonu bunu ogu ripvkudw kaanya lakuju.” **37** Barnabas Jon Marknyi bunua lvkobv vnggv dubv mvngkato, **38**

vbrinamv Paulnyi vnggv dubv um mvngka mato, vkvlvgabv  
ninya bunugv risv nga lvkobv rinya gvla doomin gvvmodo,  
vbvritola bunua Pampilia lo topak pikula okv vngkur toku. **39**  
Hokaku achialvbv larkwng minsu pikula, okv Barnabas Marknyi  
svpw lokv Saipras bv vnggv toku, **40** hoka Paul Silasnyi gaktoku,  
okv vnglintoku, mvngjwngnv vdvw Ahtu gv anyuaya nga alv bvkv  
hvming gvvtoku. **41** Hv Sairia bvla Silisia bv vngpik kunam, Gvra  
vdwa gwlwk ha jitoku.

**16** Paul Vngtoku Darbe okv Listra lo, ogolo kristan amin Timoti  
vnamgo doopvdw. Ninyigv anv ka kristan go, Jius gvgo, vbvritola  
ninya abuv Grik go. **2** Listra okv Ikonium lokv mvngjwngnv  
mvnwng ngv Timotinyi alv nvgo vla japnya toku. **3** Paul ninya  
lvkobv Timotinyi vnggv nwngto, vkvlvgabv hv ninya ayakmvuto.  
Vkvlvgabv hv ritoku ho mooku gv doonv Jius mvnwng ngv Timoti  
gv abuv Grik vkv vla chintoku. **4** Bunu banggua vngpikla vngrilo,  
Jerusalem gv Apostol vdwa okv nyigagatv vdwgv pbv mimpv  
nama tvdu ridubv, bunu mvngjwngnv vdwlo japying jito okv ho  
minam am bunua ridubv mintoku. **5** Vkvlvgabv Pwknvyarnvnaam  
lo gwlwk alv bv mvngjwng toku okv aludwkibv twngtv yaya toku.  
**6** Bunu vngraptoku Priglia okv Galatia gv mooku lo ogulvgavbolo  
Darwknv Dowv bunua Asia mooku lo doina bunua mimu matoku.  
**7** Bunu vdwlo Maisia gv launglo vngchi pvkudw, bunu gwngkw  
nyato Bitinya mooku lo vngdubv, vbvritola Jisu gv Dowv bunua  
vngmumato. **8** Vbvrikunamv bunu Maisia takbv vngtoku okv  
Troas lo vnglwk toku. **9** Ho ayu Paul nyikrwgo kaato ninya  
Mesedonia ngv dakto la okv ninya kodwkrwk la kodubv kaato,  
“Mesedonia lo aala okv ngonua ringla bvkv vla!” **10** Paul so  
nyikrwa kaanam gola, ngonu mvnrap toku Mesedonia bv vngdu  
kubv, ogulvgavbolo ngonu Mvngtoku Pwknvyarnv ngonua goklin

pvkunv alvnv yunying nga Mesedonia gv nyi vdwa minji dokubv.

**11** Ngonu Troas lokv svpw gvngv vnglin lakula okv sidakala bv vngdavogra la Samotras lo vngpikla, okv logo nvnga Neapolis lo vngchito. **12** Ngonu ho mooku gvngv Pilippi lo aalwk toku, ho pamtv vv Mesedonia gv mvtumvke distrik akobv rito; so si ka Roman nyi vdwgv doolwkku bvka ritoku. Ngonu hoka alu meegoka doa pvkunv. **13** Doonu alu lo ngonu Jius vdwgv kumdubv dookum kongv hoka dodubv vla mvnggv rila, pamtv gvngv svko takbv linto. Ho anvnyimv vdwa ngonu dootung tokula okv minrap toku. **14** Ngonu gvlo tvvnv akonv Laidia Taitira lokv, ho vv yalwng yajinv jji pioknv angv. Nyimv angv Pwknyarnvnyi kumnv go, okv Ahtu ninyigv tuktum mvngnv nvnvnga mvkoto Paul gv ogugo minpwdw alvbv tvvria dubv. **15** Kochingbv ninyia okv ninyigv naam lo doonv vdww baptisma naatoku, ninyi ngonua harlwkt, "Aala okv ngoogy naam lo doolaka nonuno nga jvjbv Ahtu gv mvngjwng bogobv mvngpvlo." Okv ninyi ngonua gumya yala vnggv toku. **16** Alu golo ngonu mvnwng ngv kumku mookulo vngtoku; ngonu mvnwng ngv nyijar paknv go vngrwk sito hvkv gvlo darwkmanv dowv doonvgo ho aajinv singdung nga mincho nyunvgo. Ninyigv atu gvby hv achialv bv morko nga paanv go alvbv aainvgv lvga mincho jinam lokv. **17** Hv Paul okv ngonua vngming gytoku, gokto "So nyi vdws Kairungnv Pwknyarnv gv pakbu go! Bunu nonua dupwng jidu oguaingbv nonu singnya svngvdw!" **18** Ninya svbv rila alu meego ritoku, Anyungnga Paul achialvby mvngdwk toku ho ninyi hinkur hirwkla okv dowv mintoku, "Ngo Jisu Kristo gv amin bv nyimv sokv alvmanv dowv liro toku vla orto jidunv!" dowv linda toku vby ho minda rilo. **19** Vdwlo ninyigv atu gv morko nanv nvngv nyeepv kudw bunu mvngdwk toku, bunu Paul okv Silasnyi gakbwng toku okv bunu

svvla ikula rigvdoogvny nyi vnggiachaagia lo svvlwk nyatoku. **20**  
Bunu bunua Roman nyigam vdwlo boolwk chotola okv mintoku,  
“So nyi vdws Jius vdwgo okv bunu mvnwng ngv ngoogy pamtv  
so ridwkriku nyadu. **21** Bunu akusunv ridungdodung go tamsar  
la ngonugv pbvb nga rinyingrirudo, ngonu Roman pamtv lokv,  
okv ngonu mvnggia mare so ridungdoodung sum vmalo bunugv  
rinama.” **22** Okv nyipamv lvkin gubv Paul okv Silasnyi naatungto.  
Vbvrikunamv nyigam vdwv Paul okv Silas gv vji nga putakpuyak  
tokula okv bunua mvdu ridubv orto nga jitoku. **23** Koching nga  
achialv bv dwngto la, bunu vdwv buniya patwk arwng lo tumlwk  
toku, okv patwk rigv nvngv bunua alvbv itum pvvto vla orto  
nga jito. **24** Oogv orto nga tvvnam gola, patwk rigvnvgv bunua  
chenyung lo tunglwk to okv bunugv lvpa nga lvpia lwkpium sitola  
tumpvto. **25** Yupra lvpa nga Paul okv Silas bunyiv Pwknyarnvnyi  
kumla okv mimin mintoku, okv kwbi patwk doonv mvnwng ngv  
bunya tvla dootoku. **26** Dvminmabv hoka kairungnv mobi go  
hwkto, hogv patwk doogingnvnv vka hvkdin rvpwngto. Vbvrinamv  
agi mvnwng ngv kokko nyatoku, okv patwk lo doonv mvnwng ngv  
jaako ngv doksok toku. **27** Patwk am kaarianv angv godung toku,  
okv vdwlo hv patwk gv age ngv kokda namnga kaapa tokula, ho  
ninyi patwk lo doonv vdwv toosi pvvkuji mvngtoku; vklvlgabv hv  
atubongv rioksv nga svlin laku okv atubongv peeki sitv toku. **28**  
Vbvrilola Paul ho lokv gvngv ninyigv gaam bv gokbub lotoku, “No  
atubongv mvki suma bvka! Ngonu mvnwng ngv si dopvnl!” **29**  
Patwk am rigv nvngv mvru bvngla ikula, arwngbv chaplwk toku,  
okv jinjin rumrum laku Paul okv Silas gv lvpa lkwnglo aalwk  
toku. **30** Vbvrirkunamv hv bunua agumbv linggv toku okv tvuto,  
“Tamsarbo vdw, ngo oguaingbv rila ringdubv?” **31** Bunu mvrwkto,  
“Ahtu Jisunyi mvngjwng laka, okv nonua ringya tvrrikunv—nam

okv noogv ogu nyi haka.” **32** Vbvrikunamv bunu Ahtu gv gaam nga japji toku okv ninyigv naam lo doonv kvvbi vdwaka. **33** Hogv ayulo patwk kaaria nvngv bunua vnggv toku okv bunugv ungv nga harkak toku; okv hv okv ninyigv ogu nyi mvnwng ngv lvkin gubv baptisma naatoku. **34** Vbvrikunamv hv Paul okv Silasnyi naambv chaagv toku okv bunua dvnam go meego jitola dvmu tvku. Hv okv ninyigv ogumvnwng ngv achialv bv himpu toku, vklvgabv bunu Pwknyarnvnyi vjv mvngjwng nyatoku. **35** Aru gunv nga Roman rigvnb vdwv polis nyigam vdwa orto nga jilinla vngmuto, “Hogv nyi vdwa vngmu laku kv vla.” **36** Vklvgabv patwk kaarianv Paulnyi minto, “Nyigam vdwv nam okv Silasnyi orto go jilwpv topu dukubv. Vbvribolo, nonu vngla riku, vngnyi kuka okv nyanyak alvbvku.” **37** Vbvrilola Paul polis nyigam vdwa mintoku, “Ngonu mvnwng lo ogu rimur goka kaapama, bunu ngonu mvnwng nga nyi gv apam lo mvritmkato—okv ngonu mvnwng vka Roman nyi to! Vbvrinamv bunu ngonu mvnwng nga patwk arwnglo tumlwkt. Okv vjv ngonua chinpa madubv vngmu kuso mvngduku. Vmabv! Roman nyigam vdwv atubongv soka aasu la okv ngonua naalin motoka.” **38** Polis nyigam vdwv mirwk toku soogv gaam am Roman nyigam vdwlo minpa toku; okv vdwlo bunu Paul okv Silasnyi Roman nyi go vla tvvpa kunamv, bunu mvnwng ngv busu nyatoku. **39** Vklvgabv bunu aalaku okv bunua minggu lwktoku; Vbvrikunamv bunu patwk gvngv bunua linggv toku okv bunua pamtv nga kayu tokukv vla tvvkato. **40** Paul okv Silas patwk gvngv linlaku okv Laidia gv naam bv aatoku. Bunu hoka mvngjwngv vdwa kaarwk sito kula, okv bunua gaam mintvmiru pikula okv vngtoku.

**17** Paul okv Silas Ampipolis okv Apollonia bv vngpikla vngtoku, Jius kumkunaam dooku gv Tesalonika lo aatoku. **2** Paul ninyigv

atugv vngdungbv Jius kumkunaamlo vngtoku. Hoka Doonu alu lvum go hv nyitwng gv lvkobv dopam pamgvto Baibel kitap lokv minla, **3** okv Darwkvn kitap lokv bunua mindimiyin jila mimpa jitoku ho Kristo hinching la okv sito kula turkur kunama. “Si Jisu oogv ngo nonua mimpa jidunv si,” Paul minto, “Si kv Kristo.” **4** Bunugv meegonv Paul okv Silas gv mingku lo tvvlwk minggv toku okv lvkobv ritoku; vkvlvgabv Grik twngtvnv meego okv anvnyimv rigvdogvnb meegoka, oogv Pwknvyarnvnyi kumnyabo vdwv. **5** Vbvrilola Jius vdwv kavtarv toku okv nyi agar manv vngkarchaakarnv meego vngkum motola okv dopam pamnya lakula alvmanv nyitwng gubv ritoku. Bunu pamtv mvnwng lo makarrikar nyato okv nyi akogr naama palwk jitoku Jason minv angv naam nga okv Paul okv Silasnyi mvdubv kaakar nyala okv bunua nyi apam lo boolin dubv. **6** Vbvrilola bunua kaapa kuma nvngv, bunu Jasonnyi okv mvngjwngnv meegonyi pamtv gv rigvdogv nvlo boolin chotola okv goktoku, “So nyi vdwv mooku mvnwng lo ridwkriku nvgo! Bunu vjv ngonugv pamtv lo aapvku, **7** okv Jason bunua ninyigv naam lo doomu toku. Bunu mvnwng ngv Dvbvyachok gv pbv nga tvmabv rinia toku, mvvnya toku dvbv kvvbigo dopvkv, vkvgv aminv Jisu.” **8** Bunu soogy gaam nga nyipam okv pamtv tujupkunam nga tvvsik motola twngtwng rara mvngmu toku. **9** Tujupkunam vdwv Jason okv ajin vdwa aimorko dorsrissv nga rihu tokula topu toku, okv vbvrikunamv bunua vngmu nyatoku. **10** Kavv sopikda, mvngjwngnv vdwv Paul okv Silas buniya Beria lo vngmu toku. Vdwlo bunu vngchinam gola, bunu Jius kumkunaam bv vngtoku. **11** Beria gv nyitwng ngv Tesalonika nyitwng nga habia yatoku. Bunu doina tvvnwng alvbw tvvria nyatoku, okv Paul gv minam ngv jvjb gubvri vla bunu Baibel kitap nga alu lokia purila kaanyato. **12** Bunu mvnwng

ngv awgonv mvngjwng nyatoku, okv Grik gv anvnyimv kaibv  
rigvdogv awgo okv Grik gv nyiga awgunv ka mvngjwng nyatoku.

**13** Vbvrilola vdwlo Tesalonika lo doonv Jius vdwv Paul Beria lo  
Pwknyarnv gv gaam nga japdokv vla tvvpa namgola, bunu hoka  
aatoku okv lamrwpato kula okv apam am nvngyaknvngchak toku.

**14** Vjakpigobv mvngjwngnv vdwv Paulnyi svmasa gv agum bv  
vngmu toku; vbvrilola Silas okv Timoti bunyi Beria lo dootoku. **15**  
Paul gv lvkobv vnggvnv vngbom nyi vdwv ninyia Etins bv vngchi  
gvvtoku okv vbvrikunamv Paul gvlo lvkobv minsar koto kula ho  
Silas okv Timotinyi lvkobv aamu dokubv baapubv Beria vngkur  
toku. **16** Vdwlo Paul Etins lo Silas okv Timotinyi kaaria rilo, hv  
achialvbv mvngru toku pamtv lo morti achialvgc kaapa tokula.

**17** Vkvlgabv ninyia Pwknyarnv kumnvjov Jius okv Jentail  
vdwgv lvkobv kumkunaamlo dopam pamgv toku okv nyitwng nga  
aludwkibv vngpiknv vdwaka. **18** Ipikurian gv meego okv stoik gv  
tamsarnvnyi larmi sito, mintoku, "so nyi si oguka chima hv ogugo  
mindu nvdw. Hv ogugo mintv dvnvdw?" Kvzbiv minto, "Hv mintv  
doonvgo ngonua kvibi Pwknyarnv meego," ogulvgavbolo Paul  
minjito bunua Jisu gv lvkwng lo okv ninyigv sinam lokv turkur  
kunama. **19** Vbvrikunamv Paulnyi hv vnggv toku, Aropagus  
kvba, doopamlo hoka hv mintoku, "Ngonua minbwk jilaby so anw  
rinama noogy ngonua tamsarnama. **20** Noogy ngonuam anw  
bv minjinam nga, okv ngonu chinwngdo soogy tamsarnam si  
oguvdw," ( **21** Etins lo nyi mvnwng ngv okv nyebuni mvnwng gv  
atugv dwa rilwk dula anwnv ogugo minam am tvvria laka rito okv  
mimpa laka rito.) **22** Paul pamtv gv kvbadopam kaagia lo dakrap  
toku okv minto, "Ngo kaadu nonugv Etins lo nyi vdwv achialvbv  
dormo rinv gubv ridu. **23** Ngo nonugv pamtv nga vngpitla okv  
nonugv kumkujoku am ngo kaakunamv oogy yogwngmvrwng

lo lvkpv nama kaapa toku 'Chimanam Pwknyarnv gv lvgabv'  
hv nonugv kumnamjonam go, vbvrikunamv, vbvrilachin hum  
nonu chimado, si oguvdw ngo nonua vjak minkar jidukunv. **24**  
Pwknyarnv, sicingmooku okv ogumvnwng nga sum pwknv,  
nyidomooku okv nyiamooku gv Ahtuv okv nyi vdwgv mvnam  
kumging lo dooma dunv. **25** Pwknyarnv ngonu gvlo oguguka  
mvngma dunv vmalo ngonu ninya ogugo jila nyudunv hv yabv  
atuv ngonua saknam turnama okv ogumvnwng nga nyichar  
mvnwng lo jiya dunv. **26** Nyi ako lokv hv mooku mvnwng nga  
mvlinto okv minjito sicingmooku mvnwng lokv turdubv. Hv  
atubongv mvkimvak jito ogolo okv oguaingbv singsv vdw. **27**  
Ninya sum ritoku vkvlvgabv ho bunu ninya kaachin sidubv, okv  
ninyi chinsu lare bunu ninyigv lvkwng lo mvngnama. Hvjkva  
Pwknyarnv ngonu mvnwng gv lokv aduma; **28** vBV akonv minto,  
'Ninyigv lokv ngonu singdunv okv bidutapdunv okv turmudakmu  
dunv.' Si nonugv mimin lvknv meegonv mindunv, 'Ngonuka  
ninyigv umvuu ngv.' **29** Ngonu mvnwng ngv Pwknyarnv gv  
umvuu ngv vbolo, ngonu vBV mvngmare hv ain vmalo raaji vmalo  
vlwng lokv morti bv mvnamgo vla. Hv ogu lokvka manvgo nyi  
vdwlokv mwnglin nam okv mvlin nam. **30** Vngnyi konv dwlo,  
Pwknyarnv kaabotalikla kaato ogulvgavbolo nyi vdwv chimato  
ogugo bunu ridunvdw. Vbvrilola vjak ninya minduku ho nyi  
mvnwng nga mooku mvnwng gvngv alvmanv lokv mvngdin la  
ninyi gylo aakur tvku vla. **31** Pwknyarnv sicingmooku mvnwng  
nga nyi akin gylokv alvrungbv jwngkadaka dukubv alua mvpvripv  
pvku, okv hv sum kaabwk dukubv rilin jitoku ninya sikunvnga  
turkur molaku!" **32** Vdwlo nyi vdwv, Paul gv oogv sitola turkur  
kunam gv lvkwngbv japnama ttpa pvkudw, nyi kvvgonv nyarjito.  
Vbvrilola kvvgony mintoku, "Ngonu sum tvria dvre no gylo

lvkodv.” **33** Okv vbvrikunamv Paul bunugv doopam lokv lintoku.

**34** Nyi meegonv Paulnyi mvngjwng toku okv vngming gvvtoku, apam ho Dionysius, hv kvba gv nyi go, hoka anvnyimv ako aminv Damaris, okv nyitwng kvvbi meegoka.

**18** So koching bv, Paul Etins nga kayu pikula okv korin bv vngtoku. **2** Hoka nyi Akuila vnam, pontus lo bvngnam Jius nyi ako kaapato, ninygiv nyimv Prisilanyi lvkobv Itali lokv gvngv aachi sopikto, Klaudius Dvbv Jius mvnwng nga Rom lokv vngro tokukv vla orto jilin toku. Paul bunua kaabv vngto, **3** okv hoka doolwk toku okv bunua lvkobv ridungripa riming gvvto, ogulvgavbolo hv bunugv rinam apia bv vbv tombu mvla turla singnv go. **4** Ninyia Doonu aludwkiya Jius kumkunaam lo, Jius okv Grik vdwa mvngdin modubv vla dopam lo japbwngto. **5** Vdwlo Silas okv Timoti Mesedonia gvngv vngchi pvkudw, Paul ninygiv dw mvnwng nga Jius vdwlo ho Jisu Kristo ngv vla doin japku lo rimwng toku. **6** Vdwlo bunu ninya maakv vpvdw okv ninya tvru kaayanv minto kudw, hv atubogv vji gv amokayok nga tia sidula okv bunua mintoku, “Nonugv atubogv singnwng manamv nonugv mvngmur vsu! hv ngo ajv kaariama. Vjak lokv ngo vngjikun Jentail vdwloku.” **7** Vbvrítola hv bunua vngyu toku okv vngla kula Jentail Titius Justus vnam dooku gv naam lo aatoku hv Pwknyarnvnyi kumnv go; ninygiv naamv Jius kumkunaam koching lo dooto. **8** Krispas, Jius kumkunaam gv rigvnvg, Ahtunyi mvngjwng nvgo, ninygiv nyimv kuu mvnwng vka lvkobv; okv Korin gv kvvbi nyitwng mvnwng ngv doina tvpa tokula, mvngjwng toku, okv baptisma laanya toku. **9** Ayu yupgo lo Paul nyikrwgo kaatoku Ahtu ninya ho mintoku, “Busu mabvka, vbvritola japbwng laka okv kayu mabvka, **10** ngo noogv lvkobv doodunv. Nam yvvka ogu mvkimvmar jinv kaamare, ogulvgavbolo ngoogv nyi vv soogv

pamtv si awgo dopvnu." **11** Vbvrikunamv Paul hoka dootoku  
nyingola patung go, Pwknyarnv gv gaam nga nyi vdwa tamsar  
la. **12** Vdwlo Gallionyi Akaia lo Roman mooku gv gobunor gobv  
mvlin pvkudw, Jius mvnwng ngv lvkin gubv aakum la Paulnyi  
naatung toku okv ninyia kvba baaku naam bv aagv toku. **13** Bunu  
minto, "So nyi si, tamsardu nyi vdwa Pwknyarnvnyi kumlakv vla  
ngonugv pbvb nga rinyingriru bv ridu!" **14** Paul mintv namgola  
Gallio Jius vdwa minto, "Vdwlo nonu so nyi sum alvmabv pbvb  
nga riborilikla vmalo rimurvngmur kunam gv gaam gubolo, ngo  
nonu Jius vdwgv minama tvvria namv vv alvnvgobv rire. **15**  
Vbvrilola nonugv ogugo raami sinam si gamchar okv amin gv  
lvkwng mvngchik gomwng mimisinam si nonugv atubogv pbvb  
gv lvkwng lo. Vkvlvkwngbv no atubongy risu laka soogv adwkaku  
sum noogv sigwng bv. Ngo sikv nvnga macharmayar nwngria  
ma!" **16** Okv ninyia bunu mvnwng nga kvbanaam gv agum  
bv charlin toku. **17** Bunu mvnwng ngv, Jius kumkunaam gv  
rigvnu Sostenesnyi svbwng tokula okv ninyia kvbanaam alin lo  
dwngnya toku. Vbvrilola dwngjvka Gallio ogugoka mvngma bv  
riminto. **18** Paul Korint lo awgo mvngjwngnv vdwa lvkobv doopi  
kula, vbvrikunamv bunua doomu pikula okv svpwlo vngraptoku  
Prisila okv Akuita gv lvkobv Sairia bv vngtoku. Svpw lokv Senkrai  
bv vngma dvbv ninyigv dumpo dvmwa mwakak toku ogulvgavbolo  
hv milv toku. **19** Vbvrikunamv bunu Epesus lo vngtoku, hoka  
Paul Prisila okv Akuitanyi kayupikula. Hv Jius vdwgv kumkunaam  
bv vngtoku okv Jius vdwa lvkobv tvulvpak minsuto. **20** Nyitwng  
ngv ninyia awgo doodubvri vla tvuto, vbvritola ninyia maakv  
vla mintoku. **21** Hv vngrap jiku la, hv milvto, "Ngo aakur riku  
vbvrilola si Pwknyarnv mvnglwkbolo," Vbvrilola hv doruptoku  
Epesus lokv. **22** Vbvrinamv hv kaisaria lo vngchinam gola, ninyi

Jerusalem bv vngla Gvra nga alvpri vpi kula okv vbvrikunamv  
Antiok bv vngtoku. **23** Kochingso hoka meego ripikula, hv lintoku  
okv Galatia okv Prigia mooku bv vngpik lakula mvngjwngnv  
mvnwng nga adwngchwng motoku. **24** Jius nyi ako aminv  
Apollos Alekjandaria lo bvngnam go hv Epesus lo aalwkto.  
Hv alv rungbv milak nvgo okv chinv go okv Darwknv kitap a  
awbv chinv go. **25** Hv Ahtu gv Lamtv nga alvbv tamsar jito, okv  
lvkobv hardv rungbv ninyia japjito okv Jisu gv jvfv nga minjwk  
la tamsar jito. Vbvka, ninyi Jon gv baptisma nga chimwngdu.  
**26** Hv mvngkam alvbv Jius kumkunaam arwng lo japrap toku.  
Vdwlo Prisila okv Akuila ninyia tvvpa tvkudw, bunu ninyia naam  
lo lvkobv aagv tokula okv ninyia bunu Pwknyarnv gv Lamtv nga  
alvjvby mirwk toku. **27** Vbvripikula Apollos Akaia lo vngdu kubv  
ritoku, vklvlgabv Epesus gv mvngjwngnv vdww ninyia kaadurto  
vla Akaia gv mvngjwngnv vdwa siti go bunua lkto la ninyia alvbv  
aamu tvkv vto. Hv vngchinam gola, Pwknyarnv gv anyuayanam  
lokv mvngjwng kunv vdwa hv alvbv ridur nyatoku. **28** Apollos  
Jius vdwa Jisu Kristo kv vla Darwknv kitap lokv kaatam la nyi  
apam lo gwlwk alvbv larmi sula bunua larya yatoku.

**19** Apollos Korin lo doori lo, Paul mooku mvnwng lo vngpit karla  
Epesus lo vngchi toku. Hoka hv lvbwlaksu meego kaapatoku  
**2** okv bunua tvvkatoku, “Nonuno Darwknv Dow paato bvre  
vdwlo nonu mvngjwng nvbv rikulo?” Bunu mirwksito “Ngonu  
Darwknv Dowa doopv nvkv vla tvvpama.” **3** “Vbvrikunamv, alvd, oquaingnv baptisma naapvnv?” Paul tvvkato. Bunu mirwksito,  
“Jon gv baptisma.” **4** Paul minto, “Jon gv baptijumv yvvbunudw  
rimur lokv mvngdin dukunv; okv hv mintoku Israel gv nyi vdwa  
mvngjwng nyato ninyigv koching lo ako yvvdw aakunv hv Jisu.”  
**5** Vdwlo bunu sum tvvpa pvkudw, bunu mvnwng ngv baptisma

naanya toku Ahtu Jisu gv amin bv. **6** Paul ninyigv laakv bunu gylo lakpv toku, okv Darwknv Dowv bunu gvlo aatoku; bunu tvvchin madubv gaam ranya toku okv Pwknyarnv gv doina japnya toku. **7** Bunu mvnwng ngv nyi vringgola anyi gobv rito. **8** Paul Jius kumkunaamlo vngtoku okv poolu pwkgumlo nyi vdwa lvkobv mvngkum alvbv japij toku Pwknyarnv gv Karv nga hv bunua laadubv gwngkwto. **9** Vbvritola bunu kvvgonv larnyato okv mvngjwng mato, okv bunu mvnwng gv alvmanv gaam mintv madvbv Ahtu gv Lamtv gv lvkwng lo. Vkvlgabv Paul bunua vngyu toku okv mvngjwngnv vdwa ninyigv lvkobv vnggv laikula, okv Tairannas gv japku naam lo hv dopam go pamgv toku aludwkibv. **10** Anying nyiningyi go, ho Asia mooku lo nyi doonv mvnwng ngv, Jius okv Jentail, anyiv Ahtu gv gamchar am tvvla dootoku. **11** Pwknyarnv Paul gvlo rika manam lamrpanam go kaatam motoku. **12** Lumar okv vji jiriapjichap lokv hv lvvma nvnga mvnvrinvto, okv bunugv achi nvngv poya toku, okv alvmanv dow vka bunugv lokv lintoku. **13** Jius nyi gonv vngkarchaakar la okv Ahtu Jisu gv amin lokv minv la alvmanv uyuvram am charlin kwla rika nyato. Bunu alvmanv dowva minto, “Ngo, Paul gv japkar kunam Jisu Kristo gv amin lokv gamki dunv.” **14** Achiboru kanvw, Jius Nyibu Butv gv aminv skvba vnam gv kuu vdww svbv rinyato. **15** Vbvritola alvmanv dowv bunua minto, “Ngo Jisunyi chindunv, okv ngo Paul gv lvkwng aka chindunv; Vbvritola nonuno yvvla?” **16** Alvmanv dow doonv nyi angv hv bunu mvnwng gv aulo pokdakto okv mvnwng nga mvtoku. Bunu naam lokv kilin nyatoku, okv abin bv okv oyiv raratyla. **17** Epesus lo doonv Jius okv Jentail nyi vdww mvnwng ngv sum tvvpa nyatoku; bunu mvnwng ngv busu nyatoku, okv Ahtu Jisu gv amina kaibv mvngpa nyatoku. **18**

Mvngjwngnv awgo aalaku, ogugo bunugv rimursingmur kunam  
nga nyi apam lo mimpa sitoku. **19** Awgo tagohinv vdwv bunugv  
kitap am bakkum lakula okv bunu nyi apum lo vmylo ramyok  
toku. Bunugv kitap gv arv ngv Raaji lokdwng hejar chamngu  
gobv ritoku. **20** Vkvlgabv Ahtu gv gaam gv jwkrwv svbv gwlwk  
yayabv ritoku okv dupwng kartoku. **21** Ogumvnwng gv riro  
koching bv, Paul ninyi atubongv mvngtoku Mesedonia okv Akaia  
bv vngpikla Jerusalem lo vngdubv mvngtoku. Paul minto, "Hoka  
ngo vngpikula," "Ngo Rom haka kaarungre." **22** Vkvlgabv  
ninyigv riduryanv anyigo vngmuto Mesedonia bv, Timoti okv  
lrastusnyi. Hv vbkritola Asia lo awgo dootoku. **23** Ahtu gv lamtv  
gv lvkwngbv ho dw hoka Epesus lo achialv bv yalungyachung  
dutoku. **24** Ain pwknvrinv aminv Demetrius vnam nyi angv nyimv  
pwknvyarnv Artemis gv pwknvyarnvnaam a raaji lokv mvto la  
pyokto okv yv bunudw ninyigv bv pioknv vdwv achialvbv pyokpa  
la paakum jitoku. **25** Vkvlgabv hv bunu mvnwng nga gokum  
lwktv lvkobv kvvbi vkv bunugv gwngpiabv gwngnv vdwa okv  
mintoku bunua, "Nyi vdw, nonuno chindu ho ngonugv singkuv  
soogv gwngnamrinam lokv aadunv. **26** Vjak, nonu atubongv  
kaasudu okv tvvsudu ogugo Paul gv ridung doonv nga. Ninyia  
hoka minto laak lokv mvnam pwknvyarnv ngv pwknvyarnv jvJV  
mangvkv okv ninyia awgo milwk toku Epesus okv Asia mooku gv  
nyi taktv yanga ka. **27** Hoka achialvbv maarw yinpv, vbkritola,  
ho ngonugv pioksvrisv ngv alvmanv amin donyiji. Vv twkma,  
Vbkritola hokaka rire maarw alvby hogv Pwknvyarnvnaam  
lo kairungbv Pwknvyarnv nyimv Artemis aariku ogubvka riku  
maby, okv hoka ninyigv kairungnv ngv apinayin riku pwknvyarnv  
nyimv ninyia kumnv Asia mvnwng ngv okv chinggodogo gv  
mvnwng lokv ngvka!" **28** Nyitwng ngv so gamchar nga tvypa

namgola, bunu mvnwng ngv sakcha nyatoku okv gokrap toku,  
“Epesus gv kai yachuk nvngv Artemis kv!” **29** Tvvsupkayap  
dukubv hv bunu dupwng kartoku Pamtv mvnwng lo. Nyi kvgonv  
Gaius okv Aristarkasnyi svvtungto, Paulnyi lvkobv vngnv vdw  
Mersedonia lokv, chapchar minsuto mvnwng ngv dopam dooku  
lo. **30** Paul atubongv nyitwnglo aala okv minso mvngto, vbvritola  
mvngjwngnv vdww ninya vngmu nwngmato. **31** Asia mooku  
gv tujupkunam nyigam kvgonv Paul gv ajin bv rinv, ninya  
kumla minam gindung go vngmuto gokku naam lo vngma bvkv  
vla. **32** Dopamripam mvnwng lo aparasar nyatoku: nyi kvgonv  
gokto ogu ako, kvvbi gonv gokto oguguyv mvngla, ogulvgabv  
takloyangv bunu chimato ogubv bunu mvnwng ngv aakum pvdw.  
**33** Nyitwng kvgonv minya toku Alekjandarkv jyjvkv rigvny, vby  
Jius vdww ninya atuk lo vngcho dubv mvtoku. Vbvrikunamv  
Alekjandar nyitwng nga choyi bvkv vla ninyigv laakv riaria toku,  
okv hv gwngkw tola minkwto miring sidubv. **34** Vbvritola vdwlo  
bunu ninya kaachin pvkudw Jius nyi bv, bunu mvnwng ngv  
gamkin gubv goklin toku lvkobv ho gunta anyi gubv ritoku:  
“Artemis kv Epesus lo kai nvngv!” **35** Anyunganya nga banggu  
gv baabu angv nyitwng nga nyanyak dubv mvla toku. Hv minto,  
“Epesus gv nyi vdww!” “Mvnwng ngv chindo ho Epesus pamtv  
ngv Pwknvyarnvnaam gv kaarianv kainv Artemis okv darwknv  
vlwng nyidomooku lokv holu pvnv. **36** Yvbonu ka sum miya  
nyomare svkvnv nga. Vklvgabv nonuno nyanyak runglakv okv  
oguka riyoka pvchaharianv gwngnamgo. **37** No so nyi sum svka  
aagvpv vbvritola bunu oguka dvchoma Kumkulo vmalogu  
mima ngonugv pwknvyarnv nyimv gv lvkwngbv. **38** Vbvritola  
Demetrius okv ninyigv ririanv nyi vdww ngonua minkinrikinbolo  
akonyimaka akonyi, ngonu gylo mvylarila gvnvnv tujubkunamv

doodu kvbanaam lo aludwkibv mimisidubv. **39** Vbkritola no  
ogu kaiyago minsu mvngdv bolo, hum minpwk jiriku pamtv  
gv mimpumlo. **40** Silu gv ogugo ripvkunam soogv kochingbv,  
ngonua hoka yalungyachung rigvnvgobv minv yinpv. Soogv  
duyakduchak minsukunam si ogu minkorrikor jvgo kaayoma,  
okv ngonu so lvkwng sum alvnvgobv minji nyula mare.” **41**  
Pamtv baabuv svbv minggv rikula, nyitwng nga naam bv vngmu  
nyatoku.

**20** Yalungyachung rinya nam kochingso, Paul mvngjwngnv  
vdwa gokkum nyatola okv bunua lvkobv gamgo mintvmiru nyapi  
kula alvbv vla bunua mintoku. Vbvrirkunamv hv vnglin lakula okv  
Mesedonia bv vngtoku. **2** Hv mooku mvnwnglo vngpikla okv  
mintvmiru karla nyitwng nga lvkobv doin awgo minggo kartoku.  
Vbvipikula hv Akaia lo aatoku, **3** hoka hv poolu pwkgumgo  
dootoku. Hv gwngrap toku Sairia lo vngdu kubv vdwlo hv chinsu  
pvkudw Jius vdwgv ninya nyiru rusvnga; vkvlvgabv hv mvngtoku  
Mesedonia bv vngkur dvkubv. **4** Beria lokv, Pirhus gv kuunyilo  
Sopatarnyi lvkobv vngming gvt; Tesalonika lokv Aristarkas okv  
Sekundas; Derbe lokv, Gaius; Asia mooku lokv, Taikikas okv  
Tropimus; okv Timoti. **5** Bunu vngcho nyala okv Troas lo ngonua  
kaariala doonya toku. **6** Ngonu Pilippi lokv vngraptoku vtwnglo  
vpap lvkmanam dvbam alulo okv alu longu kochingbv ngonu  
bunua Troas lo ribam tvku, hoka ngonu alu kanwgo ribam tvku.  
**7** Karbualu gv arium ngonu mvnwng ngv lvkobv aakumchaakum  
nyatoku dvnam dvbam dubv. Paul nyitwng nga mintoku okv yupra  
lo gobv mimbwng la, hv logonvlo vngyu tvvkunam lvkwngbv. **8**  
Mvdurupum awgo hungdungto ngonu mvnwng gv doopam dooku  
gv hogv karchung lo. **9** Yaapa ako aminv lutikas vla minam angv  
kirki lo dooto, okv Paul japbwngto, Yutikas yumi la okv yuptab

toku, anyunganya nga ninyi yupngak tvku okv holutvku naam hogv karchung aom lokv kvdwlo hopvtoku. Vdwlo bunu ninya svvrap tokudw okv hv siro tvku. **10** Vbvritola Paul itoku okv atubongv ninyi gvlo joklwkla okv ninya jarbwng toku. “Mvngdwk mabvka,” hv mintoku, “Hv vjak turdvdu!” **11** Vbvrikunamv hv chaakur tvku hogv karchung bv, vtwnng nga pimwkto, okv dvtoku. Bunu hum lvkobv awgo raami siro koching bv, Doonyi vka poklin dvkubv, Paul vngtoku. **12** Bunu naatoku vmi yaapa anga turdubv naam lo chaagv toku okv mvnwng ngv hinging nyatoku. **13** Ngonu svpwvb vngcho yala vngtoku okv Assos lo aalwk tvvto hoka ngonu Paulnyi svpwlo vnggv tvvto. Hv ngonua sibv ritokv vla mintoku, ogulvgavbolo hv hoka kvdwbv vngtvvto. **14** Vdwlo hv ngonua Assos lo paami sipvkudw, hv svpwvb vnggla okv Mitiline lo aagv toku. **15** Ngonu hokv gvngv durapla okv Kios lo logo nvnga aachi toku. Alu gonvgv kochingbv ngonu Samos lo aatoku, okv ho alu ngonu Miletus lo aachitoku. **16** Paul svpw lokv Epesus nga vngbo dubv mvngtoku, Asia mookulo dwa nyemu manam lvkwngbv. Vdwgo rinyupvdw, hv Pentikos alulo Jerusalem lo baapu alvby aalwk dvkubv vla. **17** Miletus lokv Paul Epesus lo gaam go milwkto, Gvrja gv nyigagatv vdwa ninyi kaarwk sudubv mintoku. **18** Bunu vdwlo aachi tokudw, ninyi bunua mintoku, “Nonuno chindh oguaingbv ngoogv dwa nonu gylo lvkobv rilariya kunama, Asia mooku lo ngoogv atuake bv aalwkri alu lokv. **19** Jius nyi meegonv nga rinyingriruto okv nga achialvbv mvngdwkmvngku okv hirukaaya moto. Vbvritola ngo mvngdwkla nyikla sarla okv nyanyak alvby Ahtu gv lvgabv ritoku. **20** Nonuno ho chindo ngo oguguka mvngtung maby minjito nonu gvby alv jinvgo okv mvngtoku mvnwng gvby okv nonugv naam gvby. **21** Jius okv Jentail vdwa ngo dinchi rungbv gamrw jitoku

bunu atugv rimur am mvngdin lakula Pwknvyarnv gvloku okv  
ngonugv Ahtu Jisunyi mvngjwng dvkubv. **22** Okv vjak, Darwknv  
Dowa tvvla kuju ngo Jerusalem bv vngjikunv, ngo chinsuma  
ogugo alo ririkudw. **23** Ngo mvngchik chindu ho pamtv mvnwng  
lo Darwknv Dowv gammrw toku nga ho patwk lo dosv nga okv  
ngoogv hirukaya svngaka. **24** Vbvrilola ngo atugv singdung  
nga oguka mvngsuma; ngoogv mvngnam mvngchik vv ho Ahtu  
Jisu nga ritokv vla jinama, Pwknvyarnv gv anyuaya lokv Alvnv  
Yunying nga rinyadoonya dukubv mvngmwng dunv. **25** “Ngo  
Pwknvyarnv gv Karv nga nonu mvnwng gv, pingkolo vngkarla  
japji kartoku. Okv vjv ngo chinduku ho nonuno nga lvkoka kaapa  
kumare. **26** Vkvlgabv ngo silu gv alu lokv nonuna jvjvklvbv  
mirw doonv la: Vdwlo nonu akonvka nyenam goka dubolo, ngo  
ogugoka nonu lvlo ajv laya kumare. **27** Ngo Pwknvyarnv gv  
nonua chinsv gui vla mvngnam ogumvnwng nga nonua minji  
pvkunv. **28** Vkvlgabv nonu atubongv chrvv bv kaala dosutvka  
okv Darwknv Dow gv nonua svlar kaaria dubv jinam vdwaka.  
Pwknvyarnv gv goklin kunam nyi vdwa rigv nvgobv ritokuka,  
hv ninyigv atubogv kuunyilo gv oyi lokv ninyigv bv mvpv kunv.  
**29** Ngo chindo ho ngoogv vngrokochingbv, nonugv pingkolo  
nyi vv busunam svcha jvbw rinv ngv aari nvpv okv gwngkw  
rinvpv nonua domumare. **30** Dwv aari kunvpv noogy atubogv nyi  
lokv, vnggv rikunvpv mvngjwngnv vdwa bunugv koching bv. **31**  
Vkvlgabv bununo atuv hindum silaka! mvngpa laka ngoogv  
nam doomadakma bv nyiksinyikla dwkla nyungum go ho aluayu  
bv nonu mvnwng nga okv akinakin bv minpv nama. **32** “Okv vjak  
ngo nonuam Pwknvyarnv gv ringnam lo okv ninyigv ayavv doin  
lo tulwk jidunv, si nonua gwlwk am jiriku okv Pwknvyarnv gv  
anyuaya kunam ninyigv nyi mvnwng nga jiriku. **33** Ngo vdwloka

mvngma dvnv Yvvgvloka morkoain go okv vji vbego. 34 Nonuno chindo oguaingbv ngo kudungkua ridudw ngoogv atugv laak lokv atubongv svngsu dubv okv ajin vdwaka. 35 Ogumvnwng nga ngo ritoku, ngo kaatamto oguaingbv ridur svngvdw ngonu heema nvnga ridur svvgorung. Mvngpa laka ngonugv Ahtu Jisu gv gaama ninyi atubongv minto, ‘Jinam si laanam amamsvnga mvngpu yadunv.’” 36 Paul ninyigv minyaro koching bv, hv lvbwng lokv kompv tvla nyi mvnwng nga okv kumtoku. 37 Bunu mvnwng ngv kapnya toku okv chvgap toku okv mopup tvku ninyia. 38 Bunu mvnwng ngv mvngru nyatoku ogulvgavbolo Paul bunua mintoku, “nonuno nga vdwloka lvkodv kaapa kumare.” Vkvlgabv bunu ninyia svpwlo vnglwk minggv toku.

**21** Ngonu bunua alvbv doolakukv vpi kula vngyu toku. Ho koching bv sidakala bv durapla, Kos lo ngonu raplwk toku; logo nvnga ngonu Rodes lo vngchi toku, okv hokv ngv ngonu vngdavnrala Patara bv vngtoku. 2 Ngonu hoka svpw go Poenesia bv vngjinvgo paatoku, vklvlgabv ngonu hoka aalwk la vngdavngra toku. 3 Ngonu Saipras bokpin am kaapa dukubv aato, okv vbvrikunamv yorko kiambv dulu la Sairia lo aatoku. Ngonu Taire gv svgambv vngto ogulvgavbolo svpwlo gwnama hoka gvvpv dokubv. 4 Ngonu hoka mvngjwngnv nyi meego kaapa minsu la okv bunua lvkobv alu kanwgo doobamto. Bunu Darwknv Dow gv jwkrw lokv Paulnyi Jerusalem bv vngma bvkv vla minto. 5 Vbvritola bunua lvkobv ngonugv doobam namgv dwv vngnya kunamv, ngonu vngyu tokula okv atugv lamtv bv vngtoku. Bunu mvnwng gv, nywng kuu mvnwng ngv lvkin gobv, ngonua lvkobv pamtv agum bv vnglintoku, hoka ngonu mvnwng ngv isi agum lo lvbwng kumpv tokula kumbam toku. 6 Vbvrikunamv ngonu asakv alv bvkv vmi sopi kula, okv

ngonu svpwlo aatoku okv bunu naam bv vngkur nyatoku. **7**  
Ngonu atugv svpwlo vngdungla, Taire lokv Ptolimais lo dulin  
toku, hokaku ngonu mvngjwngnv vdwa alvbv raami solaku okv  
bunua lvkobv alu logo bv dooming gvvto. **8** Alu gonv nga ngonu  
vnglaku okv Kaisaria lo vngchi kunam. Hoka ngonu ebenjelist  
Pilips gv naam lo dooto, hv Jerusalem lo nyi kanwgo riduryanv  
gubv darlin kunam lokv akonv. **9** Ninyi gylo nyibu vngmadvnv  
Pwknyarnv gv doina japgo yanv umvnyijar api go dooto. **10**  
Ngonu hoka alu mvngchikgo dookunamv Agabas vnam nyijwk  
go Judia lokv aalwk toku. **11** Hv ngonu dookulo aato, Paul gv  
hok am naala, hv atugv lvpa laak lo um leelwk sutola okv minto,  
“So svbv Darwknv Doww mindo: Soogv hok atua Jerusalem  
lo Jius nyi vdww vBV leeri, okv bunu ninyia Jentail nyi vdwgv  
laak lo laklwk riku.” **12** Vdwlo ngonu sum tvpanamgola, hoka  
ngonu la kvbi vdww Paulnyi Jerusalem bv vngma bvkv vla  
kumla minto. **13** Vbvrutola hv mirwksito, “Nonu ogubv svbv  
kapnyarinya la ngoogy haapok ka mvngdwk modunv? Ngo  
Jerusalem mvngchik lo leemwng koodubv mvngma vbvrutola  
hoka ngo Ahtu Jisu gv lvgabv sidubv mvngta dunv.” **14** Ngonu  
ninyia mintap nyumato, vkvlgabv ngonu topu tokula, “Ahtu gv  
mvngnam bv rila kuka.” **15** Kochingso hoka meego ripikula,  
ngonu atugv yikungyira nga mvgemvrap tokula okv Jerusalem  
bv vngtoku. **16** Kaisaria lokv lvbwlaksu meego ngonua vngming  
gvvto okv ngonugv lvkobv naam doojiku ninyigv naam bv ngonua  
vnggv toku—Mnason, Saipras lokv, hv kvvlogv lokv mvngjwng  
nvgorv rinv. **17** Vdwlo ngonu Jerusalem lo vngchi tokudw,  
mvngjwngnv nyi vdww mvngpu nyala ngonua alvbv aamuto.  
**18** Logo nvnga Paul Jemsnyi kaabv ngonua lvkobv vngming  
gvvtoku; okv gvrja nyi nyigagatv vdww mvnwng ngv lvkobv

rinya kunam. **19** Paul bunu mvnwng nga alvbv kaarwk sito okv ninyigv lokv Pwknyarnv oguaingbv Jentail vdwgv pingkolo ripvkudw um mvnwng nga bunua mimpa jitoku. **20** Hvkv gvlo tvvronam kochingso, bunu mvnwng ngv Pwknyarnvnyi hartv nyatoku. Vbvrirkunamv bunu minto, "Achiboru Paul, no kaakw tvka vdwngvo hejarhejar Jius nyi vdwv mvngjwng nvbv rinya dukunv, okv bunu mvnwng ngv achialv bv Pvbv ngaka mvnggap nyadunv. **21** Bunu vbv chimpa duku no Jius nyi mvnwng nga Jentail vdwgv mooku lo rinv doonv vdwa Moses gv Pvbv nga topu dukubv tamsar duku, bunua umvuu vdwa ayakmvu kuma dvbv okv Jius vdwgv krimklu gv ridungdodung nga riming gvvku madubv minduku vla tvvpa nyapvku. **22** Bunu noogv so aalwk nama tvvpa rungriku. Vbvrirkunamv ngonu ogugo risv ngykudw? Vbvrirtola, ogugo rinam ngaka? **23** Ngonu nam svbv risv go vla mvngdunv. So sika nyi api go milvmins vla dopvnv. **24** Bunua lvkobv vngnyika okv mvdurridur kolo aapwng minggv laka okv bunugv rijo minjo nga joji tvka; vbvrikubolo bunu bunugv dwmw am mwkgga sito. Vbvrila mvnwng ngv chinriku bunugv nam minam lo ogu jviv go dokumanyi vla, vbvritola bunu nonua Moses gv Pvbv lo doobwng dvnvnyi vla chiya rikunv. **25** Vbvrirtola Jentail mvngjwngnv vdwa yugwngmvrwng lo lwknam dvnamtvngnam okv oyi ngaka okv oksarnam svnwngsvmin ngaka dvku madubv, okv bunua yoomur minsu madubv ngonu mimpv kunv vla bunua siti lo lvkla pau pvkunv." **26** Vkvlgabv Paul logo nvnga nyi vdwa vnggv laku, bunua mvdurridur kolo lvkobv rimutoku. Vbvrirkunamv hv Pwknyarnvnaam lo vngtoku okv bunu mvnwng gv Ivgabv mvdurridur kunama vdw lonyi bunu akinakinv risvmvs ngvdw um minggo jito. **27** Vbvrirtola vdwlo alu lokkanw vngnya tvku namy, Asia mooku lokv Jius nyi meego Paulnyi Pwknyarnvnaam

lo kaapa toku. Bunu nyitwng nga nvngyak nvngpak la okv Paulnyi naatung toku. **28** Bunu goknyato, "Israel gv nyi vdwa!" "Ridurto! So nyi angv si mooku lo vngkarla nyi mvnwng lo Israel nyi vdwa okv Moses gv Pvbv aka okv so Pwknyayarnvnaam am miyakaya la tamsar sargony. Okv vjak hv Jentail meegoka Pwknyayarnvnaam so aagvla darwknv naam am darwk madubv mvdu!" **29** (Bunu svbv minam si ogulvgavbolo bunu Epesus lokv Tropimusnyi Paul gv lvkobv pamtv lo ridubv kaato, okv bunu mvngtoku Paulnyi Pwknyayarnvnaam lo aagv pvnv vla.) **30** Tvvbwktylo kumanam lokv pamtv mvnwng lo dupwng toku, okv nyi vdww lvkin gobv jokbam nyala, Paulnyi naatungto, okv ninyia Pwknyayarnvnaam agum bv tunglin nyato. Okv Pwknyayarnvnaam gv agi vdwa vjakpigobv koktum nyatoku. **31** Nyitwng ngv Paulnyi mvki dubv gwngto, vbvrikunamv Roman sipai kamandar lo yunying ngv aatoku Jerusalem mvnwng lo yalungyachung bv ridu vla. **32** Vjakpigobv kamandar angv nyigam meego okv sipai twnggo naalaila nyitwng apam lo juklu toku. Vdwlo nyitwng ngv ninyia sipai atwng am kaapa tokudw, bunu Paulnyi jvngkumato. **33** Kamandar angv Paul dokubv aato, okv ninyia naatung toku, okv ninyia jaako sonyi go leedu kubv milin toku. Vbvrikunamv hv tvkato, "So nyi si yvvla, okv ninyi ogugo ripvla?" **34** Nyitwng apam lokv meegonv ogugo goknyato, kvbi vdwv aku subv goknyato. Hoka ho vkvnv abwkalo kuma bv rikunamv Kamandar angv kaabwk nyumato ogugo ripvnvdw, vkvlgabv hv ninyigv nyi vdwa Paulnyi sipai naam lo vnggv dukubv minto. **35** Bunu ninyia baatunglo vngchi minggv toku, okv vbvrikunamv sipai vdwv ninyia jootoku vkvlgavbolo nyitwng ngv iki svrv bv rinyato. **36** Bunu mvnwng ngv ninyigv kochingbv aaming gvvtola, "Ninyia mvkito!" vla goknyato. **37** Sipai vdwv Paulnyi sipai naam arwngbv

aagv tvvrilo, hv kamandar anga minto: "Ngo nam gaam lo gamgo minla ridw?" "No Grik gaambv minto, no minyure?" Vla kamandar angv tvvkato. **38** "Vbvrikunamv no kvllo kvcho gv ljipt nyi ako yalungyachung dula hejar api alvmanv nyi go rigvla chukrimooku lo riram la ramgvn angv mai?" **39** Paul mirwksito, "Ngo Jius nyi ngv, Silisia gv Tarsus lo bvngnamv, Pamtv kai nvlo doonv ngv. Ayala nga nyi vdwa gaam japmu labv." **40** Kamandar angv ninyia jadubv jitoku, vkvlgabv Paul baatung lo dakpv tvla ninyigv laakv nyi vdwa choi bkv vla minto. Vdwlo bunu choi bv dooto kudw, Paul bunua Hebru gaambv japtoku:

**22** "Ngoogv Israel ajin vdwa, ngo atuv mvngging sula minam sum nonu tvvria jilabv!" **2** Vdwlo bunu ninyia Hebru gaambv jadubv tvvto kudw, bunu abuyayabv choi nyatoku; okv Paul jawnbla jajuk paying toku: **3** "Ngo Jius nyi vkv, Silisia gv Tarsus lo bvngnamv, vvvritola Jerusalem lo Gamaliel gvlo puri rila singcha toku. Ngo paato abuapa vdwgv alvbw Gamki pvnama, okv silu so doodunv nonugv asar alvbw Pwknyarnv gvlo tulwk sunam aingbv rito. **4** Ngo so lamtv lo vngming gvnv nyi vdw ngaka pakipamar la sidubv mvtoku. Ngo nyimv jvka okv nyilo jvka naatungla okv bunua patwk arwnglo tumlk toku. **5** Nyibu butvyachoknv okv kvba nyi mvnwng ngvka chinyadu ngoogv minam si jvjbv mindunv vla. Ngo bunugv lokv Damaskas lo jius ajin vdwa siti lvknam am naarwksito, vkvlgabv ngo bunua naatungla Jerusalem lo boolwkla rvngja lokv leeto la mvriririt dubv vla vngto. **6** "Ngo vngdungla okv Damaskas lo aachi svlv nga, alo lopo dvsv nga Nyidokolo gvngv dvmminmabv dooriak go nga riakyum toku. **7** Ngo kvdw bolo gipv toku okv gaamgo nga, 'Sol Sol! No nga ogubv mvdwmvku dunv?' Vla mindubv tvvpato. **8** Ngo tvvkato, 'Ahtu, no yvila?' 'Noogv mvdwmvku

namv, ngo Najaret gv Jisu kv,' hv nga vbv minto. **9** Nga lvkobv vngnv nyiga vdwv loung ungnama kaapa minggvto, vbvritola yvvka nga gaam japnam am tvvpa manyato. **10** Ngo tvvkato, 'Ahtu, ngo ogu ridukubv?' Okv ahtu nga mintoku, 'Gudungto okv Damaskas bv vngnyika, okv Pwknvyarnv gv no lvgabv mvngnam am no ogu risv ngvdw hoka ogumvnwng nga nam mimpariku.' **11** Loung ngv achialv bv ungkanam lvgabv ngo nyikching toku, okv vbvritola ngoogv vngbam ajin vdwv ngoogv laak am svbwng tola Damaskas lo aalwk gvvtoku. **12** "Ho pamtv lo nyi ako dooto vkgvg aminv Ananias, hv dormo nyi go ngonugv Pvby ngaka riming gvnv go okv hoka Jius nyi mvnwng ngv kaibv mvngdv namgo. **13** Hv ngo gvlo aato, ngoogv nvchilo daktola, okv minto, 'Boru Sol, lvkodv kaadvto!' Hokaku ngo kaapa toku okv ninyi nyika kaatoku. **14** Hv mintoku, 'Ngonugv abuapa vdwgv Pwknvyarnv ngv nam darlinto ninyigv mvngnam nga chimu dubv, ninyigv darwkchongjornv pakbu gubv kaamu dubv, okv ninyigv atu gaambv japrinyi ninya tvvmu dubv. **15** No ninyigvbv kaariatvvria nvbv ririku mvnwng nga mimpa dukubv okv ogugo no kaapv tvvpv kudw. **16** Okv svjv, ogu gonyi doyadunv? Gudungto okv baptismnaa naalaku okv noogv rimur am sokga lakuka ninya kumgv riku laka.' **17** "Ngo Jerusalem bv vngkur toku, okv vdwlo ngo Pwknvyarnvnaam lo kumrilo, ngo nyikrwgo kaato, **18** hoka ngo Ahtuni kaapato, hv nga vbv minto, 'baapu alvbv okv Jerusalem am vngyu datoku, ogulgavbolo so gv nyi vdwv noogv ngo lvkwngbv minam am tvvmare.' **19** 'Ahtu,' Ngo mirwksuto, 'Bunu alv rungbv chindo ho ngo Jius kumkunaamlo vngla okv yvvdw nam mvngjwngnv vdwa naatung la dvngnama. **20** Okv vdwlo noogv kaariariria nvbv rinv Stipinnyi mvki rilo ngo atuv hoka doosuto, ninyigv gwngrw bv sinama alv nvgobv

mvnglwk riato okv ninyi gwngrw gwnv vdwgv vji a doogy riato.'

**21** Ahtu nga minto, 'Vngnyilak,' 'holvgabv nam ngo Jentail vdwgv dooku adugolo vngmure.'" **22** Nyi vdwv Paulnyi vbv mindu kubv tvvria nyatoku; vbvritola bunu goktv rungbv bunugv goknam am gokrap nyatoku, "Ninya lvkobv adu tkukal! ninya mvkito! ninyi singdu kubv rikuma!" **23** Bunu mvnwng ngv goknyato, vjia lwnglolwnglv karla okv, achuaya nga doori aulo jukar dubv taakar nyatoku. **24** Roman kamandar angv atugv nyi vdwa Paulnyi sipai naam arwng lo boolwk tkv vla orto jitoku okv bunua minto ninya svnyak patola ogulvkwngbv Jius vdwv ninya svbv goknya dunvdw um tvvlinto. **25** Vbvritola vdwlo bunu ninya svnyak padubv vla leeto kudw, hoka nyigam daknv anga Paul minto, "Svkvn si noogy pbvb lo Roman nyi am ogu rimur go rima jvka leetola svnyak padubv doorung pvnvre?" **26** Vdwlo nyigam angv ninya vbv mindubv tvvto kudw, hv orto jinv nyigam gvlo vngtoku okv ninya tvvkato, "No ogugo ridunv? Alo nyi angv Roman nyi gulaka!" **27** Vbvriku nvngv orto jinv nyigam angv Paul dokubv aatoku okv ninyi tvvkato, "Nga mimpato, no Roman nyi vre?" "V" vvkv Paul mirwkt. **28** Orto jinv nyigam angv minto, "Ngo achialvbv ainmorko jila Roman nyi bv rinv ngv." Paul mirwksito, "Vbvritola ngo bvngyi lokv Roman nyi bv bvngtak linv ngv." **29** Paul ninya tvvka jinv nyi vdwv vjakpigobv ninyigv kochingbv daksum nyato; okv orto jinv nyigam angv Paul Roman nyi gupv kunyi okv ninya jaakobv leeto kubv vla mvngdin lakula hv busutoku. **30** Orto jinv nyigam angv Jius mvnwng ngv Paulnyi ogubv yalung dupv nvdw mvngla um malinla chindubv mvngtoku; vklvlgabv logo nvnga hv Paul gv jaako nga paklin toku okv nyibu butv mvnwng nga okv Dopam gv nyi mvnwng

nga kaarwk sudubv orto jito. Vbvrikunamv hv Paulnyi aagv toku okv ninyia bunugv atuk lo dakmu toku.

**23** Paul dopam lo doonv nyi vdwa kaagap chinchinla minto, “Ngoogv Israel ajin vdwa! ngoogv haang lo Pwknvyarnv gv lvkwnng lo kwlo lokv silu gobv mvngla tulwksula lamtv lo singduriunv si ribwngching bv mvngbwk la ridunv. **2** Nyibu butvyachok Ananias Paul gv nvchilo daknv vdwa ninyigv gaam nga nwknyato vla orto jito. **3** Paulnyi minto, “Pwknvyarnv ya nam nwkyare! Tanyum gvriabo no! No hoka dootola nga Pvbv lo kaala minjinv, no bunua nga mvtokv vla orto jinv no vjak Pvbv nga mvyak yadunv!” **4** Paul gv nvchilo daknv nyi vdvv ninyia minto, “No Pwknvyarnv gv Nyibu Butvyachok am miyakayadu!” **5** Paul mirwkto, “Ngoogv Israel richam vdvv, Ngo ninyia Nyibu Butvyachok nvngv vla chima. Darwknv Kitap lo mindu, ‘Nonugv nyi vdwa rigvnvnga alvmanv gaam mima bvka.’” **6** Vdwlo Paul Sadusis apam meegonyi okv Parisis kvgonyi kaapa tokudw, hv doopam lokv goklin toku, “Israel gv achiboru vdwa! Ngooka Parisis gvngv, Parisi gv kuu ngv. Nga si jwngkadaka duku ogulvgavbolo sinv ngv turkur dukunv vla mvngjwng kunam lvgalo!” **7** Ninyia vjakpigobv svbv minda namgola, Parisis vla Sadusis ngv yalung durap minsu lakula okv apam lokv apinain sitoku. ( **8** Holvgabv Sadusis vdvv vBV minto sikunv nyi vdvv ho turkur kumare okv hoka ka nyidogindung vla okv dow go kaama dunv; vbvritola Parisis vdvv ho aom am mvngjwng nyadu.) **9** Gokyagokya kunamv gamtv yaya toku, okv Parisis lokv Pvbv tamsarnv meegonv daknya tokula okv achibv mintor nyadubv mintoku: “So nyi angv gylo ngonu ogugoka lvkobv rimur namgo kaapama! Vbvrilola dow vla nyidogindung ngv ninyia jvjvklvbv mimu rungdu ka nvpv!” **10** Larmi suku nvngv yalung duyak

minsu nyatoku hokaku kamandar angv busu toku Paulnyi pamwk  
kuji mvngla. Vbvrikunamv ninya orto jitoku ninyigv sipai vdwa  
apam bolo ila, Paulnyi bunugv lokv svvlinto okv hv sipai naam  
lo aagvto vtoku. **11** Ho ayu Paul gv dakku lo Ahtu dakming  
gvvto la minto, “Busu mabvkv! No ngo gvby Jerusalem soka  
minkar jipv, okv Rom loka vbv dwdvbv rilaka.” **12** Arugunv nga  
Jius meegonv lvkobv kaarwk sila okv rungnamgo rungto. Bunu  
Paulnyi mvkima dwdvlo bunu dvnamtvngnam ogugoka dvku mare  
vla milv nyatoku. **13** Hoka champi lvyagobv doopam tvla lvkobv  
rungnyato. **14** Vbvrikunamv bunu nyibu butv vdwlo okv nyigagatv  
vdwlo vngla minto, “Ngonuv lvkobv milv pvkunv ngonu Paulnyi  
mvkima dwdvlo oguka dvmare. **15** Vjak vbvrikunamv no okv kvba  
vdwv Roman kamandarnyi gaam go milwk tvka Paulnyi no gvlo  
igv modubv, ninyigv lokv mvvma rungmanv yunyingsa paadubv  
ridunv vla gwngtoka. Vbvritola ninyigv soka aachi madvby ngonu  
ninya mvki chore.” **16** Vbvritola Paul gv bormv gv kuunyilo  
angv mvki dubv gwngnam nga tvvpa tola; vkvlvgabv hv sipai  
doopamlo vngla kula Paulnyi mintamto. **17** Vbvrikunamv Paul  
nyigam akonyi gokla okv ninya minto, “So yaapa nga kamandar  
gvlo aagv jitoka: hvkv gylo ogugo ninyi minsvgo doodu.” **18**  
Nyigam angv ninya vnggyla, ninya kamandar gylo aagv jito,  
okv minto, “Patwk doonv Paul nga gokla okv nga tvvkala no  
gvlo so yaapa sum aagv jito vla, ogulvgavbolo hvkv gylo nam  
ogugo minsvgo dopvkv vdu.” **19** Kamandar angv ninyigv laak  
nga gakbwng tola, hv atubongv ninya svsum laila, okv ninya  
tvvkato, “No nga ogugo minsvgo dopvla?” **20** Ninyia minto, “Jius  
tujapkunam vdwv vkvpakv vmisilaku arunyi Paulnyi doopam lo  
boolwkla nam tvvka dubv vla minya do, kvba ngv hoka ninyigv  
lvkwng lo tvvkurtvrwk minsu dubv meego chinsv go dopvkv vla

gwngre. **21** Vbvritola bunua tvvma bvka, vklvlgavbolo hoka nyi champi lvyago toosila okv ninyigv lvgabv toyado. Bunu ninya mvkima dvdvlo bunu dvmatvngma dubv milvminsu nyato. Bunu mvnwng ngv um ridukubv vla okv noogv minbwk kuji nama tooyalal doonya duku.” **22** Kamandar ngv minto, “So sum no ngam minjipvn vla yvvnyika mimpa mabvkv.” Okv hv yaapa anga vngmu toku. **23** Vbvrikunamv kamandar ninyigv nyigam anyi gunyi goklwkla okv minto, “Kaisaria lo vnggv dubv sipai lvngnyi go mingkumto, lkobv gora jukya nvlo chamkanw go okv nungbung chilaknv nyi lvngnyi go, okv siyugv kia bajilo vngduby mvpvripv tokula dooya laka. **24** Paulnyi gora lo awgo mvge jito juknv dubv okv gobunor Peliks gvlo alvbv aachi modubv.” **25** Orto jinv ngv siti ako ho vbv lkto: **26** “Klaudius Laisias mvngdv kunam Gobunor Peliksnyi kumrwksidunv. **27** Jius vdww so nyi sum naatung tokula okv ninya mvki dokubv rinya kunamv. Ho ngo ninya Roman nyi gobv tvvpatvla, vklvlgabv ngoogv sipai vdwa lkobv ngo vnggvla okv ninya ringpv kunv. **28** Ngo chinso mvngla bunu mvnwng ngv ninya ogubv mvduridu nvdw, vklvlgabv ngo ninya bunugv kvbadoopam lo igv jitoku. **29** Ngo chinkunamv hv sidubv okv patwk lo tumdubv oguka rimur namgo kaama, ninya gungnying nyiru minam ngv bunu atugv Pvbv lkkwngbv tvvka sunam go. **30** Okv vdwllo nga ninyi hoka nyirunv apam go donyapv vla mimpa tokudw, ngo ninya no gvlo vjakpigobv aagv jidu kubv mvngpv kunv. Ngo ninya nyirunv vdwa minpvkunv bunugv ninya gungnying minsy nga noogv kaagia lo minlakv vla.” **31** Sipai vdww bunugv orto jilin kunama gvvlin toku. Bunu Paulnyi boola ikula okv ninya ayuyupra nga Antipatris lobv vnggv toku. **32** Logo nvnga lvpabv vngnv sipai vdww hv bunugv dookulo vngkurkunam okv gora sipai vdwa ninya lkobv vngmu

toku. 33 Bunu ninya kaisaria lo aagy tokula, gobunor hv siti nga jilwk toku, okv Paulnyi ninyi gylo laklwk kunam. 34 Gobunor siti nga puri tula okv Paulnyi tvvkato no ogulo mooku gvngv. Ho vdwlo ninya Silisia lokv vla ninya typakunam gola, 35 ninya minto, "Ngo nam tvvriare vdwlo noogy yalung doonv ngv vngchi bolo." Vbvrikunamv ninya orto jilin toku Paulnyi gobunor gv dooku naam gylo tumlwk tvla sipai dakgy moto.

**24** Alu longu kochingbv Nyibu Butv Ananias nyigagatv vdwlo meegonyi okv Pvbv chinv ako Tertullus minam lvkobv Kaisaria bv vngla. Bunu Peliksnyi kaarwk chotola okv bunu Paulnyi gungnying milwk toku. 2 Vbvrikunamv, Paulnyi goklwk toku, okv Tertullus hvbv gungnying lwkrap toku: "Mvngdvnam nyigam! Noovg chinapanam lokv ngonua rigvla rinamv awgo sarsopoyo toku, okv ngonugv diringmooku gv dinchinam risvvngsv nga alvrungbv ridinvngdin gvpvku. 3 Ngonu so ogumvnwng nga okv ho dw mvnwnglo alvbv tulwk minggv dvnv, okv ngonu mvnwng ngv nam alvrungbv mvngyum doonv. 4 Ngo noovg dw nga kaibv ngemu jinwngma, ogubvrijvka, ngo nam kumdunv aya gvrila ngonugv minam achuk am tvvria jilabv. 5 Ngonu so nyi sum maatarbv alvmanv gobv kaadu; hv mooku mvngnwnglo Jius vdwa yalungyachung duki nvgo okv Nazareth gv nyipam vdwa rigvngvgo. 6 Hv Pwknyayarnvnaam ngaka yarboryache dubv gwngkw nvgo, okv ngonu ninya nyum naatoku, ngonu ninya ngonugv Pvbv lokv jwngkadaka dubv mvngto, 7 vbvritola kamandar Laisias aala, okv lvkobv ninya twkbwng tola ngonugv lokv dvrit linto. 8 Vbvrikunamv Laisias orto go jilin toku ninya gungnying lwknv vdww noovg kaagialo dakdubv. So nyi sum no tvvkabolo, hv gylo ogumvnwng nga no atubongv chinsure ho ngonu mvnwng ninya yalungyachung bv rila gungnying

lwknama.” **9** Jius vdwv gungnying lwknama tulwk minggyto okv minto so mvnwng si jyjv ngv. **10** Vbvrikunamv, gobunor Paulhyi mincho moto, okv Paul minto, “So diringmooku mvnwng nga no kaadar yala anying mvngchigo rigvnvnga ngo chindo, okv vkvlvgabv ngo himpudo atubonga no kaagialo mindar chodubv.

**11** No atubongv ka chinsu toka, so si alu loring gola lonyi gubyka ritvmadv ho ngo Jerusalem bv kumbv vngto. **12** Jius vdwv chimpama nga Pwknvyarnvnaam lo yvvnyika larmisidubv, ho majyka bunu nga Jius kumkunaamlo vmallo pamtv kvvbi loka nyi vdwa charkar dubv kaanv kaama. **13** Hv maloka bunugv vjak nga gungnying lwkla bvnglwk nama nam jyjv gorung vla kaalin modubv rinyumare. **14** Ngooka vjak sum no gvlo tulwk jidunv: Ngooka riming gvvdunv abuapa vdwgv Pwknvyarnv kumnamjonam Lamtv lo bunugv mvvdunv vnam sum. Vbvrutura ngooka Moses gv Pvbv okv nyijwk vdwgv kitap vdwlo lvknam mvnwng nga mvngjwng dunv. **15** Bunugv akinbv ngooka vbv mvngtin minggv dunv Pwknvyarnv gylo nyi mvnwng ngv alv nvngvla alvmanv ngv sinam lokv turkur riku vla. **16** Okv vkvlvgabv ngo vdwgo rinyupvdw Pwknvyarnv gyla nyi gv kaagialo lokia alvbw ridu mindubv vla mvngdunv. **17** “Jerusalem am anying awgo riro kochingbv ngo hoka ngo atubogv nyi vdwgv lvgabv morko naadubv okv erinpeelwk jidubv vngto. **18** Ngoogv vbvrila doori hoka bunu nga kaapato Pwknvyarnvnaam lo ngoogv kumkakjokak ridung nga riro kochingbv. Hoka nga nyitwng lvkobv ribamnam kaama okv ayak achaknam kaama. **19** Vbvrutura Asia mooku lokv Jius meego hoka dooto; bunu atuv nga rikin nvnv ogugo dubolo no kaagialo aala gungnying lwkdubv. **20** Vmallo so nyi vdwa milin moto vdwlo ngo kvba lo dakri hoka ogu rimur go bunu nga kaapa pv— **21** gamkin gumwng ngoogv

gokla minamv vdwlo bunugv kaagialo dakri hoka: ‘Sili gv noogv jwngkadaka gvdunam si sinv ngv turkur riku vla mvngjwng nama.’’ 22 Vbvrikunamv Peliks ho lamtv nga alv rungbv chinto kula tvvka kapak svnga mintor toku. “Orto jinv Laisias vdwlo aachi tokudw,” hv bunua minto, “Ngo nonugv kvba nga japjub jiriku.” 23 Hv Paulnyi kaarianv nyigam am orto jitoku ninyia arwng lo vpv dubv, vbvritola aar dubv vpvlaka okv ninyigv ajin vdwaka ninyigv mvngnam am naaji molaka vto. 24 Alu meegonv kochingso Peliks ninyigv nywng Jius nyimv, Drusilanyi lvkobv aato. Hv Paulnyi harmu la okv Jisunyi ninyigv mvngjwng namgv lvkwng bv raadung nama tvriato. 25 Vbvritola Paul japdungto alvnam gv lvkwngbv, atuv himv sunam gv lvkwng bv, aarinv tlo jwngkadaka namgv lvkwnglo, Peliks um tvto kula busu toku okv minto, “No vjak vngla riku okv vdwlo ngo dw paarikudw ngo nam gokkur riku.” 26 Ho dw akin hoka hv mvngtin tindungto Paulnyi morko lo meego jiri nvpv vla; ho lvkwngbv hv Paulnyi vngdv mola okv lvkobv japdv japdvto. 27 Anying nyngnyi vngro kochingso Peliks gv gobunor ritungnga Porsius Pestas ritoku. Peliks Jius vdwa alvbv mvngkiam dubv vla mvngnvgo vkvlgabv hv Paulnyi patwk lo doomu tvla vngyu toku.

**25** Alu loum koching bv Pestas mooku lo vngchi tokula, nw Kaisaria lokv Jerusalem lo vngtoku, 2 ho nyibu Butv vdwvku okv Jius gv rigvdoogvnn vdwv bunu Paulnyi miyum nvbv bookin lwkto. Bunu vdwv bunua 3 Paulnyi Jerusalem bv bookarla alvbv mvngkiam dukubv Pestasnyi kootoku, bunu ninyia lamtv vngkulo mvki dubv mvngsi pvvnya toku. 4 Pestas mirwkt, “Paulnyi Kaisaria patwk lo tumlwk pvvto okv Ngo atubongv alo baapubv vngkur jikunv. 5 Nyi angv ogugo rimur go doopv bolo okv klai nonugv rigvdoogvnn vdwa ngo lvkobv Kaisaria

bv vngming gvvmuto.” **6** Pestas alu piinw vmalo loring gobv bunua lvkobv doobamto, okv vbvrikunamv Kaisaria bv vngtoku. Logo nvgv alua nw kvba nga jwngkadaka dubv doolwk tola okv Paulnyi arwng so aagv tokv vla orto jito. **7** Vdwlo Paul aachi namgola, Jerusalem lokv aanv Jius vdwv ninyia dakyamdakchi tola okv ninyia mvngchigo maatar bv gungnying mirap toku, bunu ogu atunggo himpa mato. **8** Vbvrilola Paul atubongy miring suto: “Ngo ogugoka Jius gv pvbv lo mimur vngmur jima vmalo kumkunaam loka vmalo Roman Dvbvyachok nyika.” **9** Vbvrilola Pestas Jius vdwgv yabv alvbw mvngkiam yatola, vkvlvgabv nw Paulnyi tvvkato, “No Jerusalem bv vngnwng yapv ai okv alo nga dakcho tola yalung nga mindar chodubvre?” **10** Paul minto, “Ngo Dvbvyachok gv atuk si atugv kvba lo jwngkadaka kodubv dakda pvnv, ngo ogolo mindar sudubv. Ngo Jius vdwa rigakpanam go rijima, no atubongy ka alvbw chindu. **11** Ngo pvbv nga rigakpanam go rilo okv sikorgo ripv lo vbw rilo ngo sidukubv busukano kaama, ngo toosi sikar dukubv um tvvkaram. Vbvrilola bunugv nga gungnying lwknam lo ogu jviv nvgo kaama bolo, yvwka nga bunugv laaklo laklwk nyumare. Ngo Dvbvyachok gvlo tulwk jidukunv.” **12** Vbvrilnamv Pestas, kochingso ninyigv minsaryanv vdwlo lvkobv tvvdikaying minsu gvila, mirwkt, “No Dvbvyachok am tulwk jipvku, vkvlvgabv no Dvbvyachok gvlo vngrung riku.” **13** Dw meego nvgv kochingso Dvbw Agrippa okv Barnis buniyiv Pestasnyi Kaisaria lo alvbw kaarwk sinyato. **14** Bunu kochingso hoka alu meego doonya tola, Pestas Paul gv rinamdoonam nga dvbvnnyi mintamto: “Alo patwk doonv nyi angv vv Peliks gv topu namgo doopv; **15** okv vdwlo ngo Jerusalem bv vngto namv, Jius nyibu butv vdw okv nyigagatv vdwv ninyia aagv tvla gungnying lwkto okv nga minto ninyia miyakaya tvkv vla. **16**

Vbkritola ngo bunua minto nyi akingunv nga ninyia haaknv nyi vdwa kaarwk sula okv ninyi gungnying lwknam am mindar simu mabv jilwk mvngchik namv Roman gv ribu Pvbv bv rima vla minto. **17** Vbrikunamv, vdwlo bunu so aato kudw, ngo tapv mato, vbkritola alu logo nvnga ngo kvbanaam lo dooto okv nyi anga arwng aagv dubv orto jito. **18** Ninyia nyirunv vdwv dakrap toku, vbkritola bunu ninyia ngoogv rirung pvnvg vla mvngnam gungnying akoka milwk mato. **19** Bunu mvnwng gv larmi sunamv bunugv kumnamjonam gv lvgabv okv Jisu vnam sikunv nyi angv gv lvgabv ninyia larkwng minsu namgo; vbkritola Paul ninyia turpv nvkv vla minto. **20** Ngo svkvnv aba lkwng bv oquaingbv naalin svngvdw vla mvngbwk nyumato, vkvlvgabv ngo Paulnyi bunugv gungnying lwknb vdwv soogv lvgabv Jerusalem lo chaadu kula tvvdarkadar kusvdw vla tvvkato. **21** Vbkritola Paul madwkrwkla maato; hv orto jito chigudabia yanv gv arwng lo doomu dubv okv dvbvyachoknyi so yalung sum jwngkadaka modubv. Vklvgabv ngo ninyigvby milv jidunv chigudabia yanv arwng lo doomu dubv ngoogv ninyia Dvbvyachok gylo vngmuma dvdvlo.” **22** Agrippa Pestasnyi minto, “Ngo tvnwngdo so nyi sum ngoogv mvngwngbv.” No arunyi tvvpare ninyia, Pestas mirwksito. **23** Alu gony nga Agrippa okv Barnis buni kairungnv gubv dwkdwkvrwkbv rila hardv alvbv okv mvkukrikuk jila okv tvriaku naam arwnglo sipai kai yachok nvnga lkvobv okv pamtvlo rigvnb vdwaka lkvobv aalwk gvtoku. Pestas orto jito okv Paulnyi aagv toku. **24** Pestas minto, “Dvbv Agrippa, okv ngonua soka doming gvnv mvnwng nga: no kaatoka so nyi sum yvvbunudw gungnying lwknb jius vdwv Jerusalem lo okv soka ka gamtv alvbv goklin yayala nga mindu turmu dvbv anyung kaama vla. **25** Vbkritola ngo chindu hv ogugoka rimur kaama ninyi simu dubv. Okv hv

atubongv alvbv Dvbvyachoknyi masubolo, ngo ninyia vngmu dubv mvngbwk dukunv. **26** Vbvrilachin ngo oguka lvkbwklvkrwkla Dvbvyachoknyi jisv kaama ninyigv lvkwng lo. Vbvritola ngo aagv pvnv nonugv pingko so—okv Dvbv Agrippa!—no gvlo dinchirungbv aagv pvnv! Ninyigv gungnying nga japro kochingbv, ngo ogugo lvkpa ridw mvngla. **27** Si asarma ogulvgavbolo patwk tumnam nyi am oguka jwngkadaka mabv vngmu namv alvma mvngla.”

**26** Agrippa Paulnyi mintoku, “No atuv atubogv lvkwng lo minsu tvka nam dwa jidukunv.” Vbvrinamv Paul laakv iyinla okv atubongv mvngging sula vbv mintoku: **2** “Dvbv Agrippa! ngo silu atubongv gamdak nvgobv mvngsudunv ho ngo atuv noogv kaagialo mvngging sula Jius vdwgv nga gungnying lwknam lokv, **3** no Jius mvnwng gv ridungsingdung nga jyjvbv chirungdo okv yalunyachung nga. Ngo nam lvbu doonv, vbvrikunamv, nga tapvbw tvriato. **4** “Jius mvnwng ngv chinto oguaingbv ngo singpvdw yaapa rilo gv singcha nama. Bunu chinto oguaingbv ngoogv singyisingcha nga singcha pvkudw atubogv diringmooku lo okv Jerusalem loku. **5** Bunu chinbwng nyadu, um bunu vdwv mvnggv ila milare, ngo ho atuk lokv achialvbv riming gvvdu ngonugv kumnam Parisis dormo nga. **6** Okv vjak ngo si dootola gwngkw dunv ogulvgavbolo ngonugv abuapa vdwa milv nama ngo mvngtinla— **7** alv rungnv hoka vrnggola anyi haalung gv ngonugv nyi vdwv paare vla mvngtinto, bunugv Pwknvyarnvnyi ariumarubv kumnam lokv. Okv si ogulvgavbolo so mvngtin kolo, ho Dvbv Agrippa, nga Jius vdwv ho riningriru nyato. **8** Ogubv nonu mvnwng ngv sum mvngjwngmanv gobv ridunv Pwknvyarnv sinam lokv turdu kunv vla? **9** “Ngooka achialvbv mvngtoku ngo ogumvnwng nga gungnying milwk torungto Jisu Najaretnyi. **10**

Vkvlvgabv Jerusalem lo ngo ritoku. Ngo Nyibu butv gylo paatoku gwlwk am okv Pwknyarnv gv nyi vdwa awgo patwk lo tumlwkt: okv vdwlo bunua mvki pvkudw ngooka mvnglwk minggvto. **11** Achialv dwgo ngo bunua mvriririt motoku Jius kumkunaamlo okv bunua atugv mvngjwng am mvngnwng madubv gwngkwto. Ngo ho achialvbv haachi toku bunua ngo nyebumooku pamtv loka vngtoku bunua mvdwmvku dubv. **12** "Ngo sikv lvkwng bv ho Nyibu Butv gv orto jinam lokv okv Damaskas bv tujupkunam gv lvkobv vngtoku. **13** Ho Dvbw Agrippa nga, ho lamtv alulvpa hoka, ngo loung go kaapato doonyi loung aka hongya nvgo, nyidokolo lokv nga hongyumto okv nga lvkobv vnggvn nyi vdwaka. **14** Ngonu mvnwng ngv gipv toku kvdwlo, okv ngo tvvpa toku adugo nga Hebru gaambv minvgo, 'Sol, Sol! no nga ogubv mvdwkmvku doonv? No atubongv achi dubv mvkur sudu noogv mvnam lokv, Svv hvpu ngv soonv atugv singkio nga dusunv aingbv.' **15** 'No yvyla Ahtu?' Ngo tvvka toku. Okv Ahtu mirwk sito, 'Ngo Jisu, ho noogv mvdwmvku kunam. **16** Vbkritola godung lakuk okv noogv lvpa lokv dakto. Ngo noogv dooku si aapvnb nam ngoogv pakbu gobv mvdubv. No kwbi ngaka mimpa laka ogugo kaapvdw silu ngokylo okv ngo nam ogugo kaatam rikudw aarinv dw lo. **17** Ngo nam ringriare Israel gv nyi vdwlokv okv Jentail lokv, ngo bunu gvlo nam vngmure. **18** No bunugv nyik am nyikpo molaka okv kanvparum lokv pualo limu lakuka okv Uyudvbw gv gwlwk lokv Pwknyarnv gvloku, vkvlvgabv bunugv nga mvngjwng lokv bunugv rimur am mvngnga jiriku okv Pwknyarnv gv darkunam nyi vdwa lvkobv bunugv dookudakku am naarwk siriku.' **19** "Dvbw Agrippa, ngo nyidomooku nyikrw kaanama tvvmabv rimato. **20** Ahtua Damaskas lo okv Jerusalem lo okv Judia mvnwng lokv, okv Jentail vdwlo ngo tamsarto bunu mvnwng nga

bunugv rimur lokv mvngdin dokubv okv Pwknyarnv lo aakur  
dukubv okv ogugo ripvdw um kaatam riku bunu mvngdin pvku  
vla. **21** Si svkvlvkwngbv Jius vdwv nga naatungto vdwlo ngo  
Pwknyarnvnaam lo doori lo okv bunu nga mvki dubv gwngnyato.  
**22** Vbbritola sibv riri alu lo Pwknyarnv nga ridur toku, okv  
Vkvlnkwngbv ngo si daktola mvnwng nga kaatam doonv jvJV  
nga, kai dvlo okv miang dvlo. Ngoogv ogugo mimpvdw lvyin  
akindu nyijwk am okv Moses gv minamv rirung duku: **23** Kristo  
ho hinching rungre okv atukchochuk bv hv sinam lokv turkur riku,  
dupwng riku loung gv turnama Jius okv Jentail vdwlo.” **24** Paul  
atubongv sibv miring sitoku, Pestas ninyia gokto, “No siru dooku,  
Paul! Noogv kaibv chinamv nam siru mopvku!” **25** Paul mirwk  
sitoku, “Ngo siruma, noogy kairungnv! ngo jyjvrungbv mindunv.  
**26** Dvbv Agrippa! ngo nam mvngrw alvbv milare, ogulvgavbolo  
no so lvkwngbv chindu ngo mvngrungdo no bunu mvnwng nga  
chimpv kunvpv, ogulvgavbolo si chvnyung baarwnglo rinam  
kaama. **27** Dvbv Agrippa, no nyijwk nga mvngjwng dunvre? Ngo  
chindo no mvngjwngdu!” **28** Agrippa Paulnyi minto, “Soogy dw  
achuklo no nga kristan mvduby mvngdunvre?” **29** “Dw v achuk  
jvka vmaloo awjvka,” Paul mirwksito, “Ngoogv Pwknyarnvni  
kumdunv si no okv mvnwng ngv yvzbunudw ngam silu tvvria  
dunv ngo jvBV—riming gvvre, rvngja mvngchik ka gvvmare!” **30**  
Vbvrinamv Dvbv, gobunor, Barnis, okv kwbi mvnwng vka dakrap  
toku, **31** okv vngrokochingbv bunu ajinanying am mimisitoku,  
“So nyi angv sum ninyia mvki dubv vmaloo patwk lo tumduby ogu  
rinam jego kaama.” **32** Okv Agrippa Pestasnyi minto, “So nyi  
sum topu pvkunvpv vdwlo hv Dvbvyachok am dinchi rungbv lvbu  
manv guilo.”

**27** Vdwlo bunu Itali vngduby mimbwk pvkudw, bunu Paul nyila okv patwk lo doonv kvvgonyi “Roman Rejiment um Dvbvyachok gv Rejiment vla minto ho gv nyigam amin Julius gvlo jilwkt.” **2** Ngonu Adramitiam lokv vngto hoka svpw ako Asia gv mooku svpw dookubv vngtv nngo, ngonu vnglintoku, Mesedonia nyi go Aristarkas Tesalonika lokv, ngonua lvkobv vngto. **3** Logo nvngaku ngonu vngchi toku Sidon lo. Julius Paulnyi aya mvngpato okv ninya tulin toku vngduby okv hv ogugo mvngrung pvdw ninyigv ajin vdwa kaala jimu dubv. **4** Ngonu Sidon lokv vnglintoku, okv ogulgavbolo dooriv ngonua riketo okv ngonu durap tvku Saipras gv bokpin kiambv. **5** Ngonu vngbo toku Silisia svmasa nga okv pampilia okv Maira gv Lisia lo aatoku. **6** Hoka nyigam angv svpw go kaapato hv Alekjandaria lokv Itali bv vngjinvgo hv ngonua svpwlo aagv toku. **7** Ngonu tapv tapvbw vngrap toku lonyiloum go okv achialvbv adwkakubv Anyungnga vngchi toku Banggu Konidas loku. Dooriv ngonua ho kvvbi mooku lo vngmu kumato, vklvlgabv ngonu dulu tvku Kret bokpin gv adarla geko gv Salmone nga vngpitla. **8** Ngonu svmasa lvgam hoka aanwk toku okv anyung ngaku kairungbv apiai yingdula svpw rvngpumku mooku hoka vngchi toku, vv Lasia Banggu lokv adu kuma toku. **9** Ngonu hoka dwa awgo ria toku, okv dulv la vnglv svngvka maatar bv alv matoku okv rimur am anyu bv mvngnga la dvmatvngma doodw alu hvka vngro toku. Vklvlgabv Paul bunua so gaam sum minjito: **10** Vbvrinamv Paul mintoku svpw gv nyi vdw, “Nyi vdw, nonuno nga tvvriato, ngonu vjak durup bolo maatar bv alv kumare, ngonugv svpw okv yikungyira ngv alv marung bv amwkre, awgo doonv ngvka nyeriku,” **11** Vbvritolra Sipai nyigamv tvvriato svpw atugv okv svpwa rigvnvgv minama, okv tvvma nyato Paul gy minama. **12** Kamchwng dw lo

svpw rvngpam kolo svpw nga doogv dubv alvma, vklvlgabv nyi  
mvnwng ngv svmasa lokv vngdubv gwngnyado Poneks lo vnglwk  
dubv, okv rinyubolo Poneks lo vngchi la hoka kamchwng nga  
doodubv, Poneks vv svpw rvngpam kokuv Kret pamtv gv doonyi  
aagia tangv yordum okv yorko ngv gvrwk nvgo. **13** Yorko peelv  
bv dooriv bvibvi bv rirapto, okv nyi vdvw mvngtoku si bunua  
doori ngv bunugv rungkubv rila vnggvre, vklvlgabv bunu svpw  
rvngtung nvnv nga paksok toku okv lvgvlvma bv kret bokpin  
kiambv durup toku. **14** Vbvrinamv Vjakgobv kairungnv doori go  
riraptoku "Yordumdonichagia lokv Tabv doori vnamv" bokpin  
kiambv lokv rilwkto. **15** Dooriv svpwa riketo, okv ngonu svpwa  
dunyu kumato, ngonu svpwa duku mato okv doori yanga rigv  
kooto. **16** Ngonu kaapato miangnv bokpin go vdwlo ngonu yorko  
kiambv kauda nga vngpit rilo. Hoka, ngonu meego doonu kogo  
paato. Hoka, miangnv svpwa kiinvpanv dubv kainv svpw arwnglo  
rilv kuma dubv, **17** bunu boolwk tvla okv hum oso meegonv  
svpwlo adakrungbv leelwkto. Bunu busunyato ho lvko nyika  
bunu Libya gv adar chukri apum lo riulwkji mvngla, vklvlgabv  
bunu koching lo vngto okv svpwa doori lokv rigv moto. **18** Kainv  
doogumdooriv vngdvt, vklvlgabv logo nvngaku bunu svpw gv  
yikungyira nga meegonyi kungnga raptoku, **19** okv ho alu svpwlo  
doonv atungama yikungyira aka kungnga toku. **20** Achialv alu go  
ngonu doonyi okv takara kaapa nyokuma, doori gv achialv bv  
awyayabv rinam lvkwng bv. Ngonu Anyungnga mvngnga sutoku  
turkuram mvngla. **21** Nyi vdvw oguka dvmabv awgo dootoku,  
Paul bunugv pingkolo dakrapto okv minto, Nyi vdwa, nonuno  
ngoogy minam nga tvla Kret lo doonv guilo, nonu sikvny nyenam  
okv amwk mare. **22** Vbvrilola vjak ngo nonua mindwkkrwkla  
mindunv, haapok v mvngrw laka! nonuno yvka atugv singtung

ngv nyemare; svpw mvngchikv nyvmwngre. **23** Siyu Pwknyarnv ngoogv kumnamjonam vv ninyigv nyidogindung ngv ngo gvlo aato, **24** okv mintoku, ‘Paul busu mabvka! no Dvbvyachok gv kaagia lo dakrungre. Pwknyarnv noogv lvkobv yvvbunudw nam svpwlo vngdunv mvnwng nga ayala ringyare.’ **25** Vkvlgabv mvngrwlak, Nyi vdw! Ngo Pwknyarnvnyi mvngingdu ho hv rirungre ninyigv ngam minama. **26** Vbvrilola ngonu bokpin kvvbi golo riulinre.” **27** Yupring gola yuppi toku, okv ngonu Mediterranean svmasa gv doogumdoori lokv nungbwngto. Yupra lvpv nga svpw dunv vdvw mvngtoku ngonu dvpw lo aachi rikunv mvngla. **28** Vkvlgabv bunu isi gv rungrwng nga kiikw namv champi mitar gobv rito; okv achukgo vngto la ho bunu kiikw nammv Chaom mitar gobv rungrwngto. **29** Bunu ho busu nyato svpwv vlwng goka tupji mari mvngla, vkvlgabv bunu koching lakchikiam lo riokdar toochi daapigo svpwlo paklwk toku okv kumnya toku aluv loolin dubv. **30** Vbvrinamv svpwa vnggvnv dunv vdvw gwngkw nyato svpw lokv ringsu dubv; Bunu miangnv svpw isi lo soolu nyato okv bunu mvvla gwngnyato hoka svpw nyoktuk gv toochi meegonyi layin dvnvkv vla. **31** Vbvrinamv Paul mintoku sipai nyigam am okv Sipai vdwa, “Svpw dunv ngv svpwlo dooming gvvma lo nonu turjiku kaakuma.” **32** Vkvlgabv sipai vdvw ho oso nga papwkto okv svpwa riusiriudv motoku. **33** Pua madvbw, Paul bunu mvnwng nga alvby mintoku dvnam go dvdbv: “Nonu vjak dooya kunamv loring gola loopi dooku, so dw mvnwng am nonu oguguka dvnam dvma. **34** Ngo nonua mindwkkwrk dunv, vkvlgabv, dvnam go dvrung tvka; Sikv lokv nonu turungre. Nonugv dvmw sogo nvka dumpo lokv nyemare.” **35** Sibv miro kochingbv, Paul vtwng meego naatoku, Pwknyarnv hartv toku bunu mvnwng gv kaagia lo, pintung piyungla, okv

drap toku. 36 Bunu mvnwng ngv mvngrw nyatoku, okv bunu akinakin bv dvnam meego drap toku. 37 Ngonu mvnwng ngv svpw hoka doonv ngv lwngnyi gola chamkanw gola akv gobv rito. 38 Mvnwng ngv dvgu dubv dvro kochingbv, bunu vtwng mvnwng nga svmasa bv nvvlwk lakula svpwa haajup motoku. 39 Vdwlo aluv aapv kudw, Svpw dunv ngv jobv vngtung am himbwk kumabv ritoku, vbvritola bunu dvpw go kaapato okv hoka bunu vngnyu bolo vngdubv rungnyato. 40 Vbvrinamv bunu svpw toochi nga papwk la isi bv lumlwk motoku okv lvkobv bunu parnv nvlo oso haka taasok toku. Vbvrinamv bunu svpw gv nyoktuk lo vji am turpto hoka svpwa dooriv adarlo milin mola svpw dunama dulin gvvdubv vla. 41 Vbvrinamv svpwv chukri putung nga tupto okv vngtoku, svpw gv dumpo lakchikiam ngv haktung toku okv vngka nyuma bvku, vbvrikunamv koching lakchikiam nga sibu nungnv ngv nuyinnupin toku. 42 Sipai vdwv gwngrap toku patwk tumnam nyi mvnwng nga mvki dubv, turla jaalinla kiyu mamsv nga mvngla. 43 Vbvritola Armi nyigamv Paulnyi turmu so mvngto, vkvlvgabv hv bunugv gwngnam am rimu mato. Vbvmabvyा mintoku nyi mvnwng ngv yvvbunudw jaalak nvngv poklwk chola okv lvgum alo jaalin lakov vla minto; 44 Jaachin manv vdwv jaaming gvvrlaka svpw gv dartungdaryung nga gakbwng tola. Okv svkv lokv ngonu mvnwng ngv ringsula isi agum lo riulin pvkunv.

**28** Vdwlo ngonu dvpw lo linpv kudw, ngonu chintoku vv Malta bokpin vkunyi vla. 2 Mooku gv nyi vdwv ngonua achialv bv ajinarum bv ritoku. Hoka nyido ngv hoto okv achialvbv sikarto, vkvlvgabv bunu vmv parto la okv ngonu mvnwng nga higu motoku. 3 Paul takiotaram rvkgo darkamto okv vmv partoku vmvgv agu lokv hinla ikula Tabw sogo linto okv ninjigv laak

lo leedak lwkto. 4 Mooku gv nyi vdwvka kaaria nyatoku Paul  
gv laak lo tabw sogo bvyo dubv kaatola okv bunu mimisitoku,  
“So nyi si gwngrw siyin gunyi, hv svmasa lo simato, vbvritola  
vjak sinamv ninyia topu kumare.” 5 Vbvritola Paul oguka ungv  
gvmabv okv ninyigv laak lokv tabw am vmylo orlwkto. 6 Bunu  
ninyia biungridw okv dvmimabv tapv la siridw vla kaaria nyato.  
Vbvritola achialvbv kaariaro kochingbv okv ninyia oguka riku  
mato, bunu mvngkur la okv minto, “hv Pwknyarnv ako!” 7 Adu  
yomaku mooku lo ho Puplius gv rongo mooku meego dooto,  
bokpin gv nyigam kaiyachok nvgo. Hv ngonua alvbv aamuto  
ayala okv ninyi gvlo ngonu alu loum gv nyen bv ritoku. 8 Puplius  
gv abuv gadw lo karto, chilirampin lvvmala okv eeching chila  
Paul ninyigv karchung bv aatoku, ninyi, kumtoku, ninyigv laakv  
lakpo tvla okv ninyi mvpu jitoku. 9 Vdwlo sibv ripvkudw, bokpin  
gv kvvbi lvvmanv mvnwng ngv aakumto okv mvpu toku. 10  
Bunu mvnwng ngv ngonua amin awgo jitoku, vdwlo ngonu durup  
pvkudw, mooying vngtunglo ngonu ogugo mvngrung pvkudw  
bunu um vvpv jitoku. 11 Poolu pwkgum gv koching lo ngonu  
svpwlo vngraptoku Alekjandaria lokv aanvgo vbv minamgo  
“Pwknyarnv anyi vnamgo,” ho gv bokpin lo kamching vdwa  
ho doonvgo. 12 Ngonu Sirakas gv Pamtv lo vngchi toku okv  
alu loum go dootoku. 13 Hokv ngonu vngrap la okv Regiam  
gv pamtv lo vngchi toku. Logo nvngaku dooriv mooke peelvbv  
rirapto, okv ngonugv Putioli banggu lo aalwk la lonyi lo. 14  
Ngonu mvngjwngnv meego kaapato hoka bunu minto hopta  
go lvkobv doola bkv ngonua vla, vkvlvgabv ngonu Rom bv  
vngtoku. 15 Rom gv mvngjwngnv vdwa ngonugv lvkwng bv  
tvpato okv aduadu gv Appius gv banggu bajar lokv okv hotel  
Tri Inns vnamgo ngonua paamuto. Vdwlo Paul bunua kaapa

pvkudw, hv Pwknyarnvnyi hartv toku okv kairungbv mintvmiru toku. **16** Vdwlo ngonu Rom lo vngchi pvkudw, Paulnyi atubonga dongu sumu toku sipai a ninyia dakgv motola. **17** Alu loum gv koching bv Paul goklwkt Jius vdwgv rigv nvnga paami sidubv. Vdwlo bunu aakum tokudw, hv minto bunua, ngoogv Israel gv ajin richam vdwv, ngo ogugo gungnying malachin ngonugv nyi vdwv vmalo abuapa gv ridungsingdung rinama, ngo Jerusalem gv patwk lo tumto okv Roman vdwlo jilwkto.

**18** Nga tvvkaro kochingbv, Roman vdwv nga topu nwngtoku, ogulvgavbolo bunu hoka nga mvki dubv oguguka mapa matoku.

**19** Vbbritola vdwlo Jius vdwv maakv vpvdw sum, ngo kwngkwng alvbv dvbvyachoknyi koodwkkrwkla kooto, ngoogv atu nyi vdwa ngo gungnying go lwksu majeka. **20** Vkvlvkwngbv ngo nam kaarwk sila okv lvkobv mindunv. Ogulvgavbolo ngo silu Israel nyi mvnwng gv mvngtinnam ninyigv lgabv ngo laak gv rvngja sum gvvduuv. **21** Bunu ninya mintoku, “Ngonu Judia lokv siti guka paama noogv lkwnglo, ngonugv nyi akonvka Judia lokv aanv ngv ogu yuning alvmanv goka gvvwkma noogv lkwng lo. **22** Vbbritola ngonu tvnnwngdo noogv mvngnam am, ogulvgavbolo ngonu chindo nyi mvnwng ngv noogv so apum sum gungnying bv mindu. **23** Vkvlgabv bunu alu go mirw pvvtku Paulnyi paami sidubv, okv bunu nyitwng ngv alu lo aakumto Paul ogolo doopvdw. Arukamchi lokv arium lobv hv minjito ninyigv doina Pwknyarnv gv Karv lkwng lo, hv gwngkwto bunua Jisuni mvngjwng modubv Moses gv Pvbv lokv okv nyijwk vdwgv lvnkama minvla. **24** Kvvgonv bunu mvngjwngto ninyigv minam lokv, vvvritola kvvgonv mvngjwngjyv kuma toku. **25** Vkvlgabv bunu vngyu rapto, bunugv pingkolo tolwktoak minsu mabv rila, ho koching nga Paul gaamgo mindvto, Darwknv Dowv

jvjbv mindunv noogy abuapa nga nyijwk Aijaya lokv! **26** Hoka  
hv mintoku, ‘Vngla okv minji lak so nyi sum: Nonu tvvre okv  
tvriare, vbritola vdwloka tvchinma; nonu kaare okv kaariare  
vbritola vdwloka kaachin mare, **27** Ogulgavbolo so nyi vdws  
mvngchin madu, okv bunu tvnwng mabv tvdu okv kaanwng  
mabv kaadu. Ho manv guilo, bunugv nyikv kaapare, bunugv  
nyarung ngv tppare, bunu mvngchin riku, okv bunu ngo gvlo  
aalwkre, Pwknyarnv minto, okv ngo bunua mvpure.” **28** Okv  
Paul minyabv mintoku: “Nonuno chinto laka, Vkvlgabv, ho  
Pwknyarnv gv Turnam doinv Jentail vdwlo jilwk toku. Bunu  
vdwv tvriare!” **29** Paul gv minro kochingby, Jius vdwv bunugv  
pinkolo achialvbv larmi sudula vngyu toku. **30** Anying nyingnyi go  
Paul atubongy dookudaku go morko jila doosuto, okv hoka Paul  
nyi vdwa yvvbunudw ninya kaabv aanv mvnwng nga alvrungbv  
aamuto. **31** Hv tamsar rapto Pwknyarnv gv Karv gv lkwngbv  
okv minji rapto Ahtu Jisu Kristo gv lkwng bv, mvngrw alvbv okv  
mintup minchi kaamabv.

## Roman

**1** Paul lokv, apostol akobv gaknam Kristo Jisu gv pakbu akobv rinv okv alvnu yunying minggo kardubv Pwknvyarnv gv goklin kunamv. **2** Pwknvyarnv gv alvnu yunying ngv krimklu lokv ninyigv nyijwk lo milv pvvto, Darwknv kitap lo vbv lvklwk toku. **3** So si ninyigv umvuu lvkwnglo, ngonugv Ahtu Jisu kristo: vbv adwnamar bv, Hv Dabid gv husi ara lokv bvnglin toku; **4** Ninyigv darwknv gv Dow hvvrong jvjbvb, kairungnv jwkrw lokv kaatam la Pwknvyarnv gv Kuunyilo rinam lokv siku nvngv turkur toku. **5** Ninyigv lokv Pwknvyarnv ngam Apostol ako bv ridubv kristo gv amin lo jito, vbv orto kunam lokv diringmooku gv nyi mvnwng nga rigv mola mvngjwng modu kubv okv tvvnggovv rimu dukubv ritoku. **6** Si Rom lo doonv, yvvnyi Pwknvyarnv gv Jisu kristo gvbv gokpvdw nonua ka mintak dunv. **7** Okv vklvgabv Rom lo doonv Pwknvyarnv gv paknam nyi dvdv nga okv ninyigv atubogv gvbv gokunam am ngo lvkdunv: Ngonugv Pwknvyarnv Abu okv Ahtu Jisu Kristo gv anyuaya okv sarsopoyo ngv nonu gvlo jilwk yilaka. **8** Atuakebv, Jisu kristo amin lo nonu mvnwng lvgabv ngokv Pwknvyarnvnyi ngo umbonyikv vdunv, ogulvgavbolo nonugv mvngjwng nam lvkwng bv nyiamooku mvnwng ngv tvvpa nyadung duku. **9** Ngo ogugo mindudw sum jvjbv dunv vla ngoogv Pwknvyarnv tvyyakaya do—ninyigv Kuunyilo lvkwnglo alvnu yunying nga ngoogv japgo karla haapok lokv ridum jikunamv Pwknvyarnv ngv. Pwknvyarnv ngv chindu ngo nonua mvngpa kidunv **10** Ngoogv kumri dwkibv kumpa dunv. Nonugv dooku lo ngam vjak vngmuchamu nam lvgabv Pwknvyarnvnyi ngo ninyigv mvnglwkaalwk bvka vla tvvka doonv. **11** Nonua ngo achialv bv kaanwng dunv, vklvgavbolo darwknam boktalwkjinamv gwlwk alvbw nonu gylo doolwk jim

dukubv. **12** Ngo mindunv si oguvvbolo bunyino la okv ngo lvyyin akinbv mvdur minsu lareku, ngoogv mvngjwng lokv nonu okv nonugv mvngjwng lokv ngo. **13** Nonu mvnggap runglaka, ngokv ajin vdw, si ngo nonua kaarwk sidubv achialvgo gwngkwng toku, vbvrijvka rigv nyikibv vbv vnglinrilin paamabv ribvto. Jentail kvvbi vdwa ngoogv rinam aingbv, nonugv ara loka mvngdin mola aamu dukubv mvngdu kunv. **14** Ngo gylo nyi mvnwng lvgabv, chinpanv jvka okv chinpanv majvka, puripupanv jvka okv puripupanv majvka minsvisv go doodunv. **15** Vkvlgabv ngo nonua okv Rom lo doonvdaknv vdwaka Alvnv Yunying nga japji nwngdunv. **16** Gamlv am ngo alvyjv rungbv mvngjwng rungdunv; si Pwknyarnv gv jwkrww mvngjwng la doobu dvdv nga ringnam lvgabv, atuake bv jius vdwa okv Jentail vdwaka ringlin reku. **17** Holvgabv Pwknyarnv atubongv nyi vdwa ninyi gylo tarwkbak dukubv mvkunama um gamlv ngv kaatamdo; si mvngjwngnam lokv atuake gvngv laala yikula ataranya gobv rire. Darwknv kitap ngv vBV mindu, “yvnyiv Pwknyarnv gylo tarwkbak bv doodudw mvngjwng nam lokv turla dooreku.” **18** Pwknyarnv gv haachi namv rimur dydvlo okv alvmanv nyi vdwgv jvjrungnv am chimu madubv mvturla oogv alvmanv lamtv lo rigvnu vdwgv lVkwngbv nyidomooku tolo gvngv kaatam la ritoku. **19** Pwknyarnv bunu vdwa mvriririt toku, ogulgavbolo Pwknyarnv gv lVkwnglo ogunv chinsv vdw bunu vdvv chinpu bv chinla toku, Vkvlgavbolo Pwknyarnv atubongv um chinpu dubv mvjitu. **20** Krimklu lokv nyiamookua pwklinyarlin yilo gvngv laala yikula, ninyigv kaapa manam raying nga, ninyigv turbwngnv jwkrw lokv okv ninyigv Darwkrungnv doodung sunv so anyi lokv, rvbwngching bv kaabwk toku; bunu vdwa soovg ogumvnwng si Pwknyarnv gv mvpvkunv mvngmu toku. Vkvlgabv ho nyi vdwa yvvnyika ayeako namgo

kaamare! (äidios g126) 21 Bunu vdwv Pwknyyarnvnyi chindo,  
vbvrijvka bunu vdwv Ninyigvbv mvnglwk sula mvngdv jimadu,  
vmajeka ninya umbonyikv vlaka mimadu. Vbvmayabvku, bunugv  
tuktumv mvngdung kaama nvbv riduku, okv bunugv tuktum  
arochoko lo kanvtwng yalwk duku. 22 Hv bunu mindu bunu  
vdwv chinpanv ngv vdu, vbvrijvka bunu vdwv nyiposoyo nvgobv  
ridu. 23 Sikamajinv Pwknyyarnvnyi kumji koloya, bunu vdwv  
siyajinv nyi jvbw kaadubv mvringmvma tvla vmalo pvtv  
svnwngsvmin vmalo doojingburu am mvringmvma tvla kumnya la  
ridu. 24 Okv vkvlvgabv vkvnv nyi kasingkanyaknv rilwdolwk dubv  
haapok mvngnv bunu vdwa Pwknyyarnv jilwk jito, okv bunugv  
ajinanying lokv hinyinghiru rinam lo ridukalam mola rimu duku.  
25 Mvvnam lvgabv Pwknyyarnv lkwnnglo jvjvrungnv nga bunu  
vdwv mvlomvk jila ritoku, Pwknyyarnv ogugunyi yarpvdw bunu  
vdwv um kumlajola rijiyalra ritoku, Pwknyyarnvnyi dvbvsingtambv  
hartvbamtv yabv la rise yanga! Amen. (aiōn g165) 26 Vklvgabv  
bunu vdwv so vbyrikulo, Pwknyyarnv bunua hinyinghiru sakduk  
namlo jilwk toku. Nyimv vdwka bunugv nyimvnyilo gv ridung  
jvjvlo rimisinam sum riku mabv nvgwngbv rimisingmi sinyala  
riduku. 27 Oogv apia bv nyilo vdwka nyimvnyilo gv ridung  
jvjvlo riku mabv nvgwngbv rimi sinyala riduku okv ajinanying  
lo sakduk kalam minsula ridu. Nyilo vdwv vBV ajinanying lo  
vkvnv rimisila rinamy, okv kaka kunamv bunu awgv rimur nam  
lvgabv bunu atubogv aolo mvrit kosv nga hv bunu laalwk  
sila ridu. 28 Ogulvgavbolo oogv nyi vdwv Pwknyyarnv gv  
lkwnnglo jvjvrungnv chinapanama tuktumlo tvvgap pvla risv  
nga tvvmarima kolo, bunu vdwa alvmanv mvngnampam am  
hv jilwk pvto, vklvgabv bunu rima svnga riniadaknia la riduku.  
29 Bunu vdwv nvgwng mvnwng gv rimurrichvnam, alvmany,

gumpwngnam okv rimur mursik sinam dvdv ngv, doolwdaklwk nyala riduku, bunu vdwv kavtavnam, mimisinam, pamisinam, kupmisinam, okv kvvbia hirukaya modu bv gwngnam. Bunu vdwv japsijapik laka ridu, **30** okv ajinanyingnga tvvmur dubv mindu, bunu vdwv Pwknyarnvnyi mvngnwng madu, mvngdv dubv rimadu, kai mvngsunam, okv goosunam; bunu vdwv alvmanv lamtv lo kaiyago riso mvngdu; bunu vdwv bunugv anvabu gv mingku bv vngso mvngmadu; **31** bunu vdwv mvngdung kaamado; bunu vdwv bunugv milvpvniam lo rimadomadu, okv bunu kvvbi lv gabvka ayakaapa nam okv aiamarnam kaatam madu. **32** Hv bunu soogv lamtv so ribudakbu vdwv sinam lo paadunv vla Pwknyarnv gv Pvbv lo minam am chindu. Vjytkmabv, hv bunu vdwvngvo riji nvnga ka ridungdu, vbvritola bunu kvvbi gv rinam aka bunua tulwk minggv laka ridu.

**2** Ngokv ajin nonuno, kvvbia jwngkadaka dunvri? Nonu yvvnbv rijeka, nonu miyiminggi svgo kaama rinvpv. Vkvlgabv vdwlo nonuno kvvbia jwngkadaka dudw okv oogv apia bv bunugv rinam am ridubolo, nonuno atubonga alvmabv miyakaya lwksudu. **2** Ngonu chindu Pwknyarnv gv vknv vvb gwngnv nyi am ninyigv jwngkadaka dunam si vv riching ngv. **3** Vbvritola, ngokv ajin, nonuno kvvbi lv gabv vknv ogunv jwngkadaka am kaatorito kula! Nonu ka Pwknyarnv gv jwngkadaka rikunyi ho nonu miring sula rikudw mvngdu nvre? **4** Vmajeka ninyigv kairungnv aya nga, saktv nga, okv reniak ka nonuno miyakaya sula ridu. Nonuno chinrungdu Pwknyarnv ayanv, ogulvgavbolo Hv nam mvngdin modu kubv gwngdungla rigvdu. **5** Vbvritola nonu vdwv haapokv akortor la okv mvngdin nyola mabv ridu, vbvrinamv vdwlo Pwknyarnv gv haachiagla tarwkbak rungbv jwngkadaka la kaatamla ririkunyi mvriririt svnga kaiyaya mola riduku. **6**

Ngonugv ogugo ripvdakpv pkudw vbvching nyichar mvnwng nga Pwknyarnv rijo kunam amina jiri kunvpv. **7** Nyi meegonv alvbw ridungdakdungdu, okv hartv ngam madu, mvngdvkaadv nga, okv sika manv singdung nga madu; bunua Pwknyarnv turbwng jinv singdung nga jire. (aiōnios g166) **8** Kvibi nyi ngv nabongdu okv tarwkbak namv ogudw um mvnggi madu, alvmanv ogudw umya ridu; bunu gvlo Pwknyarnv ninyigv haachi okv dokcha nama pwlwkre. **9** Hokaku hirukaya nga, okv achiapik ka yvvdw rimur dudw oogv rinv dvdv ngv paare, atuake bv jius ngv paachore okv koching bv Jentail vdvv paare. **10** Vbkritola yvvdw ogunv alvnv dunvdw oogv rinv dvdv nga hartv namnga, mvngdvkaadv nga, okv mvngpua, Pwknyarnv jireku, jius vdwa jichore, okv kochingbv Jentail vdwa jire. **11** Vklvgavbolo Pwknyarnv mvnwng nga lvkinching bv jwngkadaka dunv. **12** Moses gv Pvby lo Jentail vdvv dooma dunv; bunu vdvv rimurnv okv Pvby agum lo nyekunv okv Pvby lo jius vdvv doopvnn; bunu vdwgv rimur am Pvby lokv jwngkadaka dukunv. **13** Pvby nga nyarung tvvnam lokv Pwknyarnv gvlo tarwkbaknv nyi gobv ridunv vnam kaama, bvritola Pvby lo ogugo lvkpvdw um tvla riya bongv vv Pwknyarnv gvlo tarwkbak bv riya dunv **14** Jentail vdwgvllo Pvby kaama; bvrijvka bunu vdvv vdwgo rilingvnglin dudw Pvby lo oguaingbv gamki pvdw vbvching ridu, bunu vdwgvllo Pvby doomajeka, bunu atubogv pbv doosudu. **15** Bunugv rigvdogv namv bunugv haapok lo Pvby ngv oguaingbv lvkpvdw vbvching kaatam la ridu. Bunugv mvngdwmvngying lakanm vka si jyjvrung mvngdubv kaatam la ridu, bunugv mvngnamv lvko gunyi bunua yamdu okv lvko gunyi bunua ringya laka ridu. **16** Vklvgaby, ngoogv alvnv yunying japgo nam lokv, ogubvrijvka Jisu Kristo lokv Pwknyarnv ho Alu lo mvnwng gv mvngsi nvnga jwngkadaka

rikunvpv. **17** Nonuno ogulvkwngbv? Nonuno atubongv jius gobv  
minsu dunv; nonuno Pvbv nga minggingla okv Pwknyarnv gv  
lvkwnnglo googing nvla ridu; **18** Pwknyarnv nonua ogu rinwng  
modu nvdw nonu chindu nvre, okv ogunv tarwkbak pvdw nonu  
Pvbv lokv chilin la gakdu; **19** nonuno jvjvklvbv nyikching nvgv  
lvgabv nonu chigudabia rungre, loungv kanvparam lo doonv  
lvgabv doodunv. **20** Agjama mintamnv nyiposoyo lvgaby, okv  
puririsar nvngv chimapama nam lvgabv ridunv. Nonu oogv Pvbv  
jvjv arwng loka ridu, nonu chingkikpakik kunv bvka okv jvjvklv  
loka doonv bv ridu. **21** Nonu kvvbia tamsardu—nonuno ogubv  
atubonga tamsar suma dunv? Nonuno japgo kardu, “dvcho  
yoka”—vbvritola nonu atuv dvcho dunvre? **22** Nonu mindu,  
“nonuno yokarchokar yoka”—vbvritola nonu yolachola ridunvre?  
Nonu murti kumyoka—vbvritola no pwknvyarnvnaam am dvrik  
dunvre? **23** Nonu Pwknyarnv gv Pvbv doonam lvkwnnglo googing  
nvla ridu—vbvritola Pwknyarnvnyi hinying rilik jila ninyigv Pvbv  
am mvkmvrwk jidunv **24** Darwknv kitap vv mindu, “nonugv jius  
vdwlkv Pwknyarnvnyi Jentail vdwa alvmabv nyarjitari modunv  
vdu.” **25** Vdwlo nonu Pvbv am tvla ribolo, noogv ayakmvu  
lwknamv alam aanv gobv riyinpv; vbvritola nonuno Pvbv am  
tvvbotvlik nvgobv ribolo, noogv ayakmvu lwknam vv lvkoka  
lwkmanv aingbv riri nvpv. **26** Vdwlo Jentail vdwv, yvnnyi ayakmvu  
lwkmabv, Pvbv am tvla ridudw hv bunua ayakmvu lwknam  
kaama mvngla Pwknyarnv laarwk simabv rimare? **27** Okv  
vkvlvgabv nonu jius vdwa Jentail vdwv miyakayare ogulvgavbolo  
nonuno Pvbv am mvkmvrwk jitoku, nonu vdwv lvkpv laka ridu  
okv ayakmvu laka ridu; Bunu vdwv ayakmvu go rima jeka  
bunu Pvbv nga tvla rila riyadu. **28** Mvnwng gv aolo, yvwdw jius  
jvjv ngy, adwnamar lo ayakmvu jvjvby ridunv? Adwnamar lo

ayakmvu gvnv bv ritola yvvdw akoka jius bv rinv nyi kaamare. 29  
Vbvrifikula, jius jvfv nyi ngv vbvrifu arwngching bv, yvvdw vknvn  
haapok lokv ayakmvu bv ridunv, okv vknvn vv Pwknyarnv gv  
Dow gv kudungkua bv ridunv, Pvbv lvklwknam lokv rima dunv.  
Vkpakv rinv nyi angv vv Pwknyarnv gylo hartvnam am laarwk  
sipadunv, nyi vdw gyloma.

**3** Jentail vdwia jius vdwv ribin yanamgo doodure? Vmalo  
ayakmvu namv anyung doya namgo doodure? 2 Achialvgo,  
jvjvklvbv, nvgwng mvnwng lamtv lo! atuake bv, jius lo Pwknyarnv  
ninyigv Doina mvngjwng lwkla jilwk jito. 3 Vbvrifka bunu vdwgv  
aralo meegonv mvngjwngjv kumanv sum ogu rire kudw? Sum  
vbvrifikolo Pwknyarnv mvngjwngjv kuma bv riyikudw? 4  
Vdwloka vbv rimare! Pwknyarnv mvvma rungmanv, nyi vdwv  
mvnwng ngv mvvnvrundv gobv rijyka. Darwknv kitap ngv vbv  
mindu, "Nonuno vdwlo mindu bolo tarwkbak bv kaatam rungdubv  
rilaka; vdwlo nonuno rikwgwngkw kunamgo ridubolo noogv kvba  
nga riya yadubv rirung tokuka." 5 Vbvrifola ngonugv rimur rinam  
lokv Pwknyarnv gv tarwkbak ridung nga rvbwngching yabv  
kaatam ribolo ngonu ogubv minre? Vdwlo Hv ngonua mvrit  
jikubolo ngonuv Pwknyarnv rimurdu vla minla ridw? (Si soogv  
tvvdung bv tvkala tvvsu dunv) 6 Vdwloka vbv rimare! Pwknyarnv  
ngv jwkma bolo, Hv oguaingbv nyiamookua jwngkadaka laridw?  
7 Vbvrifola ngoogv jvfv manam lokv Pwknyarnv gv yunglit gv  
lv gabv ninyigv jvfv nga abuyabv rvbwng modubolo? Oulgabv  
ngo vjaklodvbv miyakayanamlo rimurnv gubv doobwng redw? 8  
Vbvrifikolo, "Alv nvngv aarikacho vkvlgabv kvlai ngonu rimur  
laju" vla oglvgabv mima pvnv? Nyigonv, jvjvklvbv, achialvgo  
svbv ngonua miyakaya la alvmanv bv ngonua nvvlwkla mindung  
do! Bunu oguaingbv rirung pvdw vBVching, bunu alvmabv

miyakaya namv doore. **9** Vbvribolo alvdu, ngonu jius vdwv Jentail vdwa alv yama dunvre? Ma vBVma! ngo mvnwng nga kaaka kunamv jius jvka okv Jentail jvka mvnwng ngv rimur gv arwng lo akin bv ridu. **10** Vbv Darwknv kitap ngv mindu: "Soka yvvka darwk yanvgo kaama, **11** yvvka chingkikpakik yanvgo vmalo Pwknvyarnv nyi kumdu bv mvngnvgo kaama. **12** Pwknvyarnv gv lokv mvnwng ngv kinya duku; Bunu mvnwng ngv rimur lo vngroku; tarwkbak ogudw yvvchin akoka rimadu, akin godaka kaakuma. **13** Bunugv minam gaamv chumdwk gobv akomaring duku; alvmanv mvnamv bunugv riu am rikung moduku, okv alvmabv riji nvnga busukapa dubv, bunugv gaam nabur lokv tabw gv chumdwk aingbv ridu; **14** bunugv japnamv kvchakchakvrvv bv beenam gobv ridu. **15** Nunu baapu alvbv minvmirvdv okv mvkidu; **16** bunu ogolo vngjvka alvmabv ridu okv mvkmvrwk pila kayu duku. **17** Bunu vdwv mvngpu gv lamtv nga chimadu, **18** vmabv bunu vdwgvlo Pwknvyarnvnyi busu doola laarwksinam goka kaamado." **19** Ngonu chindu yvvdw Pvbv arwnglo doonv ngv Pvbv gv agiama lo ogumvnwng nga ridudakdu bv ridu, Pwknvyarnv gv jwngkadaka namlo nyiamooku dvdv sum laalwk dukubv okv nyia mvnwng gv mvngnga jimi sinama ritor duku ritoku. **20** Ogulgavbolo Pvbv lo ogugo dinchi pvdw um rinv nga yvvnyika Pwknvyarnv gv kaagialo tarwkbak nvgobv laalwk madunv; ngonuv rimure oguvdw chindu bv Pvbv mvnam si mvdunv. **21** Vbvrilola vjak Pwknvyarnv gv lamtv nga nyi lvgabv oguaingbv tarwkbak bv vvpv svngvdw ninji atubongv kaatam toku. Pvbv lokv oguguka kaama, Moses gv Pvbv okv nyijwk vdwv bunugv minam loka sum tulwk minggv toku. **22** Bunu vdwa Jisu kristo lo mvngjwng nam lokv Pwknvyarnv tarwkbak bv vvpvdu. Kristo lo mvngjwng la doonv dvdv nga

Pwknvyarnv mvnwng nga svbv rito, ogulvgavbolo yvvka mvnwng  
ngv angu siyanvgo kaama. **23** Mvnwng ngv rimur kunv okv  
Pwknvyarnv gv ringji kugv nvchilo dooku mabv adukoyo kunv. **24**  
Vbbritola Pwknvyarnv gv anyu amin gv anyuaya lo oogv bunua  
ajarabi bv limukunv, Jisu kristo lokv tarwkbak bv ninyi lvkobv  
mvnwng nga doomin paamuduku. **25** Pwknvyarnv ninyia daan  
lwkji toku, vkvlgavbolo ninyigv oyi lokv Hv kokwng lo yvvgv  
nyi vv rimur pvdw bunugv mvngjwng lokv ninya mvngnga nam  
paadu kubv. Hv darwknv gobv ridu vla kaatam dubv Pwknvyarnv  
sum rito. Atuake lo hv saktv nvgobv rila okv nyi vdwgv rimur  
am kaabokaalwk la rito; vbkritola Hv vjvgv alu soka hv bunugv  
rimur am kiiyapaya la riduku, ninyigv darwknv nga kaatam dubv  
vla. Vbvrila svkvnv lamtv lo Pwknvyarnv ninyigv darwknama  
atubongv kaatam sula okv yvvdw Jisuni mvngjwng la ribu  
dvdv nga tarwkbak bv vvpv duku. **27** Vbrikunamv ogulvkwnnglo  
ngonu goola nyodubv? Oguguka ma! Okv si ogu jvgv lvgabv  
kudw? Ngonu si Pvbv am tvvku lori? Ma, vbkritola ngonu  
oogv mvngjwng lokvnn. **28** Mvngjwng nam mvngchik lokv nyi  
vdwv Pwknvyarnv lo tarwkbak bv doodubv ngonuv mintarminya  
mintoku, okv Pvbv ngv oguv vpvdw ho vngkuriku lokvma. **29**  
Vbvmalo soogv Pwknvyarnv si jius vdwgv Pwknvyarnv vmwng  
ngvre? Si Jentail vdwgv Pwknvyarnv bv rita madu nvre? Hv  
jemabv, hv vkgvgv jvrung. **30** Pwknvyarnv ngv akin mvngpvnv,  
okv Hv jius vdwa ninyigv atubogv lvkobv bunu vdwgv mvngjwng  
lokv tarwkbak bv vvpvre, okv Jentail vdwka bunugv mvngjwng  
lokv tarwkbak bv vvpvre. **31** Vbvidunv si vbv soogv mvngjwng la  
rinam lokv Pybv nga kayu rikudw? Ma, vkvnn ma; vmabvya,  
Pvbv yanga ngonu gakbwng yadunv.

**4** Vbvrikunamv, ngonu oguv vla minladu, Abraham, ngonugv halung gv abu vre? Ninyigv rikivngki kunamv ogugukudw?

**2** Vkgvgv rinam dvdv lokv Pwknyarnv kaagelo tarwkbak bv vvpv kubolo, hv oguogu rinam dvdv lvkwnglo googv svgobv ridu—vbvritola Pwknyarnv gv kaagelo rimadu. **3** Darwknv kitap vv mindu, “Abraham Pwknyarnvnyi mvngjwngto, okv ogulvgavbolo ninyigv mvngjwng lokv Pwknyarnv ninya darwknv gobv laarwk sito.” **4** Yvvnyiv riduvngdudw um rijo ngam jidu, vbvritola hv bunua anyuamin jinam gobv mvngmadu; hv bunugv ogugo paadudw vv nyngnam lokv paadu. **5** Vbvritola yvvdw mvngjwng lo mvngging dudw, rinamgwngnam lokv mabv, okv yvvdw Pwknyarnvnyi mvngjwng dunv oogv rimur nvnga apaamanv nga alvmanv gobv minv, vkgvgv so mvngjwng lokv Pwknyarnv sapkamsapa la vvpvdu bunua ninyigv atubogv gvlo tarwkbak bv laalwk kunam lvgabv. **6** Nyidam akonyi Pwknyarnv tarwkbak nvgobv turwk sitoku ninyigv kudungkua rikunama miya kumabv v achialvbv mvngputo ho mvngpu nam lvkwng bv Dabid svbv minto. **7** “Mvngpuv oogv yvvgy rigakpanam am mvngnga pvkudw, yvvgy rimur vdwa mvngnga pvkudw! **8** yvvnyi rimur am Ahtu sapkamsapa namlo vvpv mapvdw vv mvngpuv!” **9** Soogy mvngpuv vla minamy Dabid yvvnyi ayakmvu lwknam mvngchik lvgabv mimwng pvnre? Ma vbvrinam lokvma, si ayakmvu lwkmanam jeka. Ngonu Darwknv kitap lokv kaala kuju, “Abraham Pwknyarnvnyi mvngjwngto, okv ogulvgavbolo ninyigv mvngjwng lokv Pwknyarnv darwknv gobv ninya laarwk sitoku.” **10** Vdwlo sum laarwk sipvnv? Kvlo Abrahamnyi ayakmvu madv yilore vmaloo ayakmvu ronga pvku are? Si kvlo lokvku, kokwngloma. **11** Hv ayakmvu ropvku kokwng lo, okv ninyigv ayakmvu jinam nga kaatam la rito ogulvgavbolo ninyigv mvngjwng lokv Pwknyarnv

darwknv bv ninyia laarwk sitoku oogv richo pukua ayakmvua  
mvpvkunv. Okv vkvlvgabv Pwknyarnv lo mvngjwng la doonv  
dvvgv Darwkchongjor gvnv abu bv Abrahamnyi mindunv okv  
ninyi gylo gvngv darwk nvbv laarwk sidunv, hv bunua ayakmvu  
majvka laarwk sitoku. **12** Hv ka yvvdw ayakmvu pvdw vkvgv  
abu bv ridukunv, si, yvvdw, ayakmvu minggv kunv gvbvka rinv,  
Abraham gv dootv madvyilo gvngv kvylo gv mvngjwng la doodu  
kalam la donv hv ka ayakmvu pkunam vkvgv abu bvka ridunv.  
**13** Abraham nyila okv ninyigv husi vdwa nyiamookuv ninyi gvby  
rire vla milv jinama, hv vBV mvtoku, ogulvgavbolo Abraham PvBV  
am tvvnam lokvma vbvritola vkvlvgavbolo hv mvngjwng toku okv  
darwk kunam lokv Pwknyarnv gylo laarwk sila ritoku. **14** PvBV  
am tvvv vdw sum Pwknyarnv gv ogunv milvpvdw um jibolo,  
mvngjwng namsi anyung kaakumare okv Pwknyarnv gv milv  
pkunam vv ogubvka riku mare. **15** PvBV vv Pwknyarnv gv  
haachiak nvnga laalwk moludo; vbvritola ogolo PvBV kaama  
pvwdw, hoka PvBV a tvvmabv ridung dubv riku kamadu. **16** Okv  
mvngjwng nga kaala yikula milv nam nga milin pvnv, vv Abraham  
gv singsit dvdv ngam Pwknyarnv gv vBV anyuamin bv jinam gobv  
rirungdubv milv pvvjitu—yvvdw PvBV am tvvdudw o mvngchik  
gvbv ma, vbvritola yvvdw Abraham aingbv mvngjwng dudw  
holvgabvka jidu. Abraham ngonu mvnwng gv lvgabv yalu gv abu  
riduku; **17** Darwknv kitap v vBV mindu, “Ngo nam diringmooku  
mvnwng gv abu bv rimu pkunv.” Vklvlgabv milv pvvnamv  
Pwknyarnv gv kaagia lo alvnvBV rito, yvnyi Abraham mvngjwng  
pvwdw—Pwknyarnv sikunnga turmu toku okv oguguchin kaama  
nvnga ka gamki lokv doomu toku. **18** Abraham mvngjwng laku  
okv mvngtin toku, vdwlo ogu mvngtin pvvsvgo kaama jvka  
mvngtin pvvla rito, okv vkvlvgabv “diringmooku mvnwng gv

abu bv kokwng lo ridukubv rito." Vjak vBV Darwknv kitap v minjedu, "noogv husiv nyido takar aingbv rire." **19** Hvkvvgv anying ngv lvnggo bv ritoku; vbvrijvka ninyigv haapok lo adwnamar bv vdwgo nyikam kubvka ninyigv mvngjwng nam nga nyeka moma to, oogv adwnayak v sinro kubvka, Vmajvka vbvka rita doonv si sara ka umvuu doodu bvka riku mato. **20** Ninyigv mvngjwng nam nga hv tupak mabv ridula, okv ninyi Pwknyarnv gv milpvvniam aka mvngsarnam bv rimato; ninyigv mvngjwng ngv jwkrw gobv rilwk toku, okv Pwknyarnvnyi umbonyikv vla hartv jitoku. **21** Hv ogunvgo milv pvpvdw um Pwknyarnv rirungre mvngla hv mvngtin pvtoku. **22** Vv ogulvkwngbv Abraham, mvngjwng lokv vbole, "Pwknyarnv darwknv gobv laarwk sipv kunv." **23** Gaam vdw lokv "Hv darwknv gobv laarwk sinam" vkgvlgva mvngchik ninya lvkmato. **24** Hv bunu ngonu aka yvnyidw darwknv bv laarwk sirekudw, yvvdw Jisuni ngonugv Ahtu sipikula turkur pvkunv mvngla ninya mvngjwng dudw holvgabvka lvklwk jidu, **25** Oulgavbolo hv ngonu rimur lvgaby silwk jipvnv, okv Pwknyarnv gv lvkobv tarwkbak bv ngonua doomu dukubv hv turap pvkunv.

**5** Vjak ngonu mvngjwng lokv Pwknyarnv gvlo tarwkbak bv doodu kunv, ngonu gvlo Ahtu Jisu Kristo gv lokv Pwknyarnv lvkobv sarsopoyo bv doodunv. **2** Ngonu vjakgv turdunam sum ngonu mvngjwng siku lokv Pwknyarnv gv anyuaya nga hingkwakaakw dubv ninyi ngonua laalwk toku. Okv vklvlgabv ngonu googvdu mvngtin sinam lokv ngonu gvlo Pwknyarnv gv yunglit namv doodu kunv vla! **3** Ngonugv hirukaya aka ogumvngma bvku ngonu umka googv dunv, oglvgavbolo ngonu chinduku hirukaya namsi saktv nvnga garlindu, **4** Saktvla rinam am laalwk namv Pwknyarnv gv umbo mvngnamv, okv ninyigv

umbo mvngla mvlinnamv mvngtin ngv. **5** So mingtin pvvnamv mvnglak padubv ngonua rinam kaamare, Pwknyarnv ninyigv paknama ngonugv lvgabv haapok lo pwlwk toku Darwknv Dow lokv, ngonua anyuamin bv amin jinamv. **6** Ngonu lvgabv vdwlo vjvlodv gobv mvdurridur jinv kaama bv rito, Pwknyarnv gv gaknam alu lo alvmanv lvgabv Jisu kristo sijito. **7** Darwknv nyidam lvgabv siji dubv yvvka svkvnv sum rinyu mare. Vbvrilola nyi akin go alvnv nyidam lvgabv siji dubv busukano kaama lado. **8** Vbvrilola Pwknyarnv vdwgo ngonua pakdudw ninyi kaatam la ritoku—ngonu rimur nvbv rila doori lo ho Jisu kristo ngonugv lvgabv siji toku! **9** Ninyigv oyi lokv Ngonua Pwknyarnv gvlo vjak tarwkbak bv doopadakpa modu kunv; vbvrilola, vdwgo kainam gobv si ridu, Pwknyarnv gv haachiak lokv ninyigvbv ngonua ringreku! **10** Ngonu Pwknyarnv gv nyimak bv rimisito, vbvrilola ninyigv Kuunyilo gv sijinam lokv Hv ngonua ninyigv ajin gobvya mvtoku. Vjak ngonu Pwknyarnv gv ajin gobv ridukunv, kristo gv turnam lo vdwching go ngonua ringreku! **11** Vbvrilola vv mvnwng tikma, ngonua vjakgv Pwknyarnv gvlo ajin bv mvlwkny, Ahtu Jisu kristo gv lokv Pwknyarnv ogunvgo ripvdw vkvlvgabv ngonuv himpua padukunv. **12** Nyi akin gv lokv nyiamooku so rimur vv aatoku, okv ninyigv rimur lokv sinama so laalwk toku. Vbvrilola kunamv, sinamv nyi mvnwng joktung lo vngsik karduku ogulvgavbolo nyichar mvnwng ngv rimur riduku. **13** Pvbv nga jilwk madv bv nyiamooku ara svka rimur vv doolwk chotoku; vbvrilola hoka ogolo Pvbv goka kaama pvdw, rimur am achingamu dubv sapnv nvnvgo kaamato. **14** Vbvrilola adam gv alu lokv laala yikula Moses gv alu gobv, sinamv nyia nyipw mvnwng gv aolo rigv duku, rimur manv mvnwng aka Pwknyarnv gv gamki am vdwlo adam rinam aingbv hv ka

tvvbotvlik la oogv apia bv ridu. Adam oogv nyi ako aapv kunv gv aringama aingbv ridunv. **15** Vbvrítola anyiv akinma, ogulgavbolo Pwknyarnv gv anyuamin v adam gv rimur aingbv rima do. Si jvјv hvvrong ogulgavbolo nyi akin gv rimur lvlo nyi achialvgo sitoku. Vbvrítola Pwknyarnv gv anyuaya ngv achialvgo kaiyabin yachoknv, okv vkvlvgabv nyi akingo, Jisu kristo gv anyuaya lokv nyi Kvvgonv ninyigv anyu amina paala ritoku. **16** Okv nyi akin gogv rimur vla okv Pwknyarnv gv anyu aminv anyi baabwng ngv angusidu. Akonvgv rimur vv kokwnglo “rigakpanam” gv jwngkadaka kunamlo aaduku; vbvrítola vdwgo rimur kokwnglo, amin paala dubv rima nvnga “rimur manv amina paatoku!” **17** Si jvјvrung ogulgavbolo ho gv nyi akogv rimur v rigv laila sinamv nyi vdwgvlo rigyla riaptoku. Vbvrítola Jisu kristo, vnam nyi akin lokv kaakunamv vdwnv kairungnv go ritoku! Mvnwng ngv yvvdw Pwknyarnv gv dinchi rungnv anyuaya laarwk sidunv okv vv anyutaku bv ninyigv lvkobv singchasingyi lo Jisu kristo lokv tarwkbak bv rigvdakgv kolo doopadakpare. **18** Vkvlvgabv, akin gv rimur lo mvnwng nga alvmabv rimu duku, oogv lamtv apia bv darwknv akin gv rinam lokv mvnwng nyi am anyutaku bv rimin jimu duku okv singnamrinam am bunua jiduku. **19** Okv nyi akin gv tvvbotvlik tvvkunam lokv kaaka kunamv mvnwng nga vBV jvBV rimur mokunam bv riduku, oogv apia bv nyi akin gonv gv tvvnambunam lokv kaaka kunamv Pwknyarnv gv lvkobv tarwkbak bv bunu vdwv doopadakpa la riduku. **20** PvBV ngv rimur ridung am rigo yadubv mintamchodu; vbvrítola ogolo rimur v, abuyasin dudw, Pwknyarnv gv anyuaya vka om kaiyago bv ridunv. **21** Vkvlvgabv, sinamv rimur am laala yikula rigvla ridu, vkv apia bv Pwknyarnv gv anyuaya ngv darwknv bv, ngonu

Ahtu Jisu kristo lokv ngonua turbwng jinvnga rigv riku. (aiōnios  
g166)

**6** Vbvrikubolo, ngonu oguvre? Pwknyarnv gv anyuaya abuyasin bv kaiyadu bv ngonu rimur dvdvla risv gobvre? **2** Vdwloka vBV rimare! ngonu rimur lo sitoku—ngonu rimur lo oguaingbv singlarila reku? **3** Nonuv jvjkvbv chindo vdwlo ngonu Jisu kristo lo baptisma laaku bvdw, ngonugv baptisma laaku namv ninyigv lvkobv siming gvpv kunv. **4** Ngonugv baptisma laaku namsi, vBVrikunamv, ngonuka ninyigv lvkobv svma rilaku okv sinam am orpinoryin sudukunv, vBVching, Jisu kristo Abu gv kainv jwkrw lokv sipikula turkur kunam aingbv, ngonuka anwnv akobv turkur lakula singlarila reku. **5** Ngonu ninyigv lvkin gobv vkgv vBV sinam aingching bv siming gvla ribolo, hogv apiabv ngonuka ninyigv lvkin gobv vkgv turkur kunam aingching bv turkur minggv riku. **6** Okv ngonuv sum chindu kunv ngonugv kvlo ridungsingdung ngv Jisu kristo gv lvkin gobv dapolo sila sipak gvmu pvkunv, vBVrikunam si rimur rinam gv jwkrw ho mvkmvrwk ropvkunv, vklgbv ngonu rimur gv pakbu bv ritinriyin la rikumare. **7** Vdwlo ngonu sirikudw, ngonu rimur gv jwkrw lokv ajarabi bv rimin duku. **8** Ngonu kristo gv lvkobv siming gvri kulo gvngv, ngonu vBV mvngjwng dukunv ninyigv lvkin gobv ngonuka turkur minggv riku. **9** Ngonu vBV chinduku kristo sipikula turkur pvkunv okv vdwloka lvkodv siku mareku—sinamyanamv vdwloka ninyi aolo rigvdogv nyola kumare. **10** Okv vBV, ogulgabv hv sijipvnv vBolo, rimur gv jwkrw ninyigv aolo riku madu kubv; okv vjak hv ninyigv singtungritung nga Pwknyarnv gv lvkobv ajin bv ribamdkbam reku. **11** Oogv apiabv nonuka vBV atunvngv siya gvpv kunv mvngsu tvka, vBV rimur am adukoyo gvdu kunv, vBVritola Jisu kristo lokv Pwknyarnv gvlo lvkobv ajin

doobamdaakbam paala ridudodu kunv. **12** Rimur am noogv aw aralo vdwloka rigv mooku yoka, vklvgavbolo noogv klu mvngdung nga nonuno mvngdubv ribvdvdvre. **13** Nonuno atubongv alvmanv mvngdungridung lo baagonyi rimur lo tulwk mamsv yanga. Vbvmayabv, Pwknnyarnv gyloya atubonga jiya sitoka, sinam lokv turnam lo laalwk kunv, okv ogumvnwng nga tulwksula ninyigv Darwknv ridungsingdung lo ritokuka. **14** Rimur am noogv atu bv rirung moma bvka; vklvgavbolo nonuno Pvbv gv arwng lokv singma donv vbvritola Pwknnyarnv gv anyuaya arwng lo doodunv. **15** Vbvrikubolo, ogubv rire? Ngonuv rimur dubvre, ogulvgavbolo ngonu Pvbv gv aralo dooma vbvritola Pwknnyarnv gv anyuaya ara lo doodunv? Ma vbmva! **16** No jyjvklvbv chirungdunv vdwlo nonuno atubongv akogy pakbu gobv ribolo, nonuno atu gv mingku am tvvngobv riduku—rimur gv nyira gobv ribolo, kakabolo vv sikuyaku bv rire, vmalo rijwk namgv nyira bv ribolo kakabolo Pwknnyarnv gv lvkobv tarwkbak bv doopare. **17** Vbvritola Pwknnyarnvni umbonyikv Vtoka! Ogulvgavbolo Alu gulo no rimur gv nyira bv rito, nonuno atubogv haapok lokv tamsar nvnga tvla jyjvklvbv kaatv kunamy laarwk sitoku. **18** Nonuno rimur lokv linla kula okv darwknvgv pakbu bv rimin dukunv. **19** (Ngo aludwkibv mimbv nam gaam am minjire nonua tvvpi nyodubv ho mabolo nonuv tvvpi lamare.) Alu gulo nonuno atunvngv ogumvnwng am tulwksula nyira gobv rimur lo rito okv alvmanv lvgabv alvmabv mvngnam lo ridu. Oogv apia bv nonuno vjak atunvngv tulwk sirung lakula darwknvgv pakbu gobv rila Darwknv mvngdungridung bv ritoka. **20** Vdwlo nonuno rimur gv nyira bv singri lo, nonuno Darwknvgv nyira bv doomato. **21** Kaatoka nonuno oogv rinampanam lo ogunvgo paaduku vjak nonuno hinyingsung pakdukunv ai? Oogy rinampaanamv anyung

lo sinam bv riduku. **22** Vbvritola vjak nonuno rimur lokv linro  
pvkunv okv Pwknyarnv gv nyira bv ripv kunv. Vjak noogv laap  
paanamv turnam bv ridu um ninyia tumijiki jitoka, okv anyungnyi  
kaakubolo turbvdakbv kunambv ridukunv. (**aiōnios g166**) **23** Rimur  
lvgabv rijo panamv—sinam bv ridu; vBVritola ngonu Ahtu Jisu  
kristo lo akin gobv rinamv Pwknyarnv gv anyutaku amin jinam  
turbvdakbv mooku nvbv ridu. (**aiōnios g166**)

**7** Ngoogv ajin vdw, nonu chindure ngo ogunv lvkwnglo mintv  
dunvdw, ogulvgavbolo nonu mvnwng ngv Pvbv lvkwnglo chindo.  
Pvbv ngv nyiv vdwgo turbvdakbv ridw vkvgo aolo rigvre. **2** Nyilu  
dukunv nyimv nvgonyi, miring nvdu, vdwgo hv turbvdakbv ridw  
vkvgo ninyi nyilu gv Pvbv aralo dooladakla ridu; vBVritola hv siro  
kubolo, ninyia vkvgv Pvbv lokv hv nyimv mvjar bv rimin la riduku.  
**3** Okv vBVrikunamv ninyigv nyilu nga turmudakmu tvla kvvbi nyi  
go doobamkarbam bolo, um yomurnv akobv mireku; vBVritola  
vkvgv nyiluv siku bolo, nyimv mvjar bv rila dukunv okv hv kvvbi  
nyigo laamisiku jvka um yomur nvgobv mila kuma dukunv. **4**  
Ngokv ajin vdw, si nonu gyloka vBVridu, Pvbv gv ridungbv riming  
gvvbolo, nonuno ka siri kunvpv, ogulvgavbolo nonuno kristo gv  
adwn dingo bv ridu; okv nonuno vjak sinam lokv turkur kunv  
ninyigvbw ridukunv, vBVrinam lokv Pwknyarnv gv kudungkua  
nga ngonua alv rungnv gobv rimu dukubv vla. **5** Holvgabv  
vdwlo ngonu adwnayak gv ridungsingdung bv riridw, Pvbv lokv  
rimurvngmur mvngnam vv ngonugv adwnayak lo rilwkdlwk do,  
okv ngonugv rinyung ngv sinam lo nyeduku. **6** Vjak, ogubvrijyka,  
ngonu Pvbv lokv ajarabi lindukunv, ogulvgavbolo ngonua lvko  
patwk lo tumtoku oogr rimur lvkwngbv ngonu sipv kunv. Lvkdov  
ngonu kvvlo gv lvkpv kunam Pvbv lamtv lo ngonu riku madu,  
vBVritola Dow gv anwnv lamtv lo riduku. **7** Vbvribolo, Pvbv si

rimur vre, vla ngonu minla dunvre? Vbvma! Vbvratola Pvbv si  
doola rimure ogudw um ngonua chimu pvnv. Pvbv ngv, "kvbi gv  
rinam doonamv oguvdw um mvngkakapak yama bvka vmabolo,"  
vkvnv um ngo chima pvnvpv. **8** Vbvratola oogv rimur Pvbv ngv  
katakching paknamgo paadula ngo gylo nvgwng mvnwng gv  
atubogv lvgabv mvngsu gvnv bv rimudu. Pvbv gv agumlo, rimur  
vv sinambv ridunv. **9** Ngo kvylo rimur lokv linto kula singtorito  
kunvi vbvrinamv vdwlo Pvbv ngv aakubvdw, rimur v turnam lo  
vngsik kartoku, **10** okv ngo sitoku. Okv Pvbv ngv turnam lo  
laalwkduv vla rinamv ngo lvgabv sinam am laalwk jito. **11** Rimur  
ngv oogv katakching pakbv mapa toku okv oogv Gamki lokv  
vv nga kupduku okv mvki laka ritoku. **12** Vbvrifikunamv, Pvbv  
ngv awv darwk, okv gamki pvnampv darwknv, tarwkbak, okv alv  
nvbv ridu. **13** Vbvkubolo soogv alvnv ogu rikudw ngoogv sinam  
lvgabv laalwk jinv vri? Vkvnv lokvma! oogv sum rimunv vv rimur  
gv ridung ngv; alvnv si ogudw rinam lokv, rimur vv ogugudw  
um kaatam nam lvgabv sinama ngo gylo laalwk jitoku, oogv  
jvjvrungv turnam aingbv vBVChing rimur aka kaatam lakdu. Okv  
vbv, gamki lokv rimur am si kaiyasin bv adwkakunamv rimur am  
kaatam jiduku. **14** Ngonu chindu Pvbv si darwknv singdunglo  
dungnv ngv; vBVritola ngo biimatama nvgo, rimur lo nyira bv  
pyoklwk kunamv. **15** Ngo ogu ridunvdw um ngo chimadu; Ngo  
oguguni risv vdw um ngo rimadu, vBVritola vBvmayabv ngo  
oguguni kaanwng madudw um ngo riyingchok padu. **16** Ngoogv  
ogugo ridunv si ngoogy rinwng manam am ngo ridu, um kaarinyi  
Pvbv sumka alvbv ngo mvngdu. **17** Vkvlgabv jvjvBV vkvnvlo  
rinvdonv ngv ngo madu; Vbvrifikunamv, oogv rimur vv ngo gylo  
rilwkdolwk la rimudakmu gvdunv. **18** Ngo chindu alvnampv si  
ngo gylo doomadakma dunv—vkvnv si, ngoogy adwnayak lo

ridungdodung bv ridu. Holvgabv ngo gylo alv nvngv ridubv doola kujeka, ngo um rila gvku madu. **19** Ngo alvnam ridubv mvngnam am ngo rimadu; vbvmayabv, ngo alvmanv rinwng manam am ngo riyadu. **20** Ngo rinwng manam am ngo ridubolo, oogv ridunv angv vv manv ngo ridubv rimadunv; vbvmayabv, um ridunv vv mvngnam ara sokv doonv rimur vv ngam rimu doonv. **21** Vklvgabv soogv Pvbv si vBV kudungkua ridungdo; vdwlo ngo alvnam si ogudw ngo rinvpv mvngla ridudw, alvmanv si ogudw um mvngchikya ngo gakdu. **22** Ngoogv hang arwng jelodv Pwknyarnv gv PvBV nga achialvbv alv mvngdu. **23** VbvritolA ngoogv awlo kvvbi PvBV yago ridubv kaadu—PvBV akonv PvBV akonyi nyiru minsu dubv kaadu um ngoogv hapokang ngv mvnglwk minggvdu. Ngoogv adwnayak arwng so kudungkua ridunv rimur gv PvBV si ngam pachipatwk doomu nvgobv mvdu. **24** Ngo oguguka mvngpu kumanv nyi go! yvvkula nga so simu jikunv ayak sokv ngam ringlin kuji nvngv? **25** Pwknyarnvnyi umbonyikv vtoka, ngonu Ahtu Jisu kristo gv lokv rimu dunv! Vbrikunamv, si, ngo vBvrideru; ngoogv mongrumara lokv ngo Pwknyarnv gv kudungkua nga riladu mvngdu, vBvrijvka ngoogv nyia ridungsingdung ngv rimur gv PvBV lo kudungkua nga rijidu.

**8** Yvvbunudw Jisu kristo gylo doodu kudw, vjak um yvvka miyakaya kumare. **2** Holvgabv Dow gv PvBV ngv, ngonua Jisu kristo gylo laalwk laku, rimur okv sinam gv PvBV lokv ngonua limu toku. **3** Vklvgavbolo nyia ridungsingdung ngv lvvku mabv rinam lvga lo, PvBV ngv ogu rila kumato, um Pwknyarnv ritoku. Hv ninyigv atubogv Kuunyilo nga jilunam lokv nyia arwnglo rimur am miyakaya toku, ngonugv nyia ridungsingdung aingbv aala ridungsingdung minggyla, rimur am laala laa jidubv vla. **4** Pwknyarnv vBV so rikunam si yvvdw Dow lo dookunv

vdwv ngonu aralo darwkchongjor bv Pvbv nga mvngkulo  
ripwngrinya dukubv vla ridu, okv nyia ridungsingdung lokv ma. 5  
Yvvdw bunugv nyia ridungsingdung lo doodudw bunua mindu,  
mongrumara lo ogunvgo nyia mvngnam nyia ridungsingdung  
lokv rigv kotoka. Yvvdw Dow gv mingku lo doodudakdudw bunua  
mindu, mongrumara lo Dowv ogugo mvngdudw vbv rigv kotoka.  
6 Nyia ridungsingdung lokv rigv kobolo anyung ngv sinam bv  
riduku; Dow lokv rigv kobolo anyung ngv turnam okv sarsopoyo  
bv riduku. 7 Okv vkvlvgabv nyiv vdwlo bunu nyia ridungsingdung  
lokv rigv koku bolo kokwng loku Pwknyarnvnyi nyiru minsu  
nambv ridu; holvgabv bunu vdwv Pwknyarnv gv Pvbv lo  
tvvmadu, okv vbvmaka bunu vdwv sum tvvlaka nyola madunv.  
8 Yvvdw bunugv nyia ridungsingdung gv mingkulo tvvdudw  
vv Pwknyarnvnyi ayum kodubv rila nyoma dunv. 9 Vbvrifola  
nonuno nyia ridungsingdunglo doomadakma dunv vla nonua  
mindu; vbvmayabv, Dow mingkulo doodudakdunv—vbribolo,  
Pwknyarnv gv Dowv nonu gylo doodudakdu. Yvvdw Jisu kristo  
gv Dow lo doomadakma dunv vv ninyi gybv rima dunv. 10  
Vbvrifola kristo nonu gylo doodu bolo, Dow si nonugv turnam  
lvgabv ogulvgavbolo nonuno Pwknyarnv gylo tarwkbak dunv,  
vbvrijyka nonugv awlo rimurv dooming gvkulo sitv tvvduku. 11  
Pwknyarnv gv Dowv, Jisuni oogv sinam lokv turmu kunv,  
vv nonu gylo doobodakbolo, vbvrikubolo Hv kristonyi sinam  
lokv turmu kunv ninyigv Dowv nonugv aw aralo doonam lokv  
nonugv bikutapku manv aw umka turmu jireku. 12 Vklvgabv,  
ngokv ajin vdw, ngonu gylo risvgo doorungdo, vblrifola si ngonu  
nyia ridungsingdung gv mvngnam lokv ridudakdu bv rima. 13  
Holvgabv nonugv rinamdknam lo nyi nyia ridung lokv ridubolo,  
nonuno sitv tvdu kulaka; vblrifola Dow lokv nonugv rimur kunam

gwngnamrinam am simu kubolo, nonu turtv rikunv. **14** Yvvdw Pwknyarnv gv Dow lokv rigv dudw vv Pwknyarnv gv umvuu ngv. **15** Holvgabv oogv Pwknyarnv gv Dow jinamv nam nyira bv mvmare okv busu nvgo bvka rimu mare; vbvmayabv, Doww nam Pwknyarnv gv umvuu bv mvreku, okv Dow jwksw lokv ngonu Pwknyarnv gylo kapka mingka paariku, “Abu! ngokv Abu!” **16** Pwknyarnv gv Doww ninyi atubongy ngonugv dow am akin gobv ridula vbv mindu ngonu Pwknyarnnv gv umvuu vkv vla mindw rwkwng jidu. **17** Ngonu klu lokv ninyigv umvuu ngv, vkvgv nyi vdwgv lvgabv vvpv jinam bokta nga ngonu paare, okv ngonu kristo gv lkobv Pwknyarnv gv ninyigv lvgabv ogugo vvpv jipvdw umka paaming gvvre; holvgabv vdwgo kristo gv hirukaya nga ngonu paaming gvredw, ngonuka ninyigv aingbv turnam loung am paaming gvvre. **18** Ngo mvngdu vjvgv ngonugv hirukaya hindunv sum ungnam mvnwng nga ngonua kaatam tvvdunv so minchi sidubv rimadu. **19** Pwknyarnv gv Pwknamyarnam dvdv ngv mvnggpla ninyigv umvuu vdwa gugur alv bv kaatam garnam lvgabv kaayadoya la riduku. **20** Holvgabv Pwknamyarnam dvdv nga atu atugv anyung anyanga nyemu dukubv miyakayato, vv awgv mvngnam lokvma, vrvitola oglulgavbolo Pwknyarnv vbrimdu dubv jinv, vbrivjka oogv mvngtin sinamgo doodu **21** oogv Pwknamyarnam dvdv ngv awv alu gulo nyira lo nyelwk kunv lokv lindu kula okv Pwknyarnv gv umvuu vdwgv lkobv nyarminsomin laku mvngsv kaama bvku hartvbamtv minggv kunam paariku. **22** Holvgabv ngonu chindu vjakgv ridudakdu so pwknamyarnam dvdv ngv, umvuu bvngtv nvvg ochinam aingbv sigin ginbvla ridu. **23** Vrvitola sigin gindunam si pwknamyarnam dvdv vv mvngchikma; ngonu gylo yvvdw Pwknyarnv gv amin jichonam goby Dowv doonv vv sigin ginlaku ngonugv atubogv

aralo Pwknyarnv gv lvgabv dooya nvgobv rila ninyigv umvuu  
gobv mvdubv okv ngonugv nyi dvdv nga ogu mvngsv kamabv  
rimudubv. **24** Holvgabv oogv vv ngonugv mvngtin kunam lokv  
ringlin toku; vbvritola ngonu mvngtin nam lvgabv ngonu ogugo  
kaadubv rima nvgo bolo, ngonu vkvgo jvjbv mvngtin dubv rima  
pvnvpv. Holvgabv ngonu mvngtin nam lvgabv yvvkudw oguogu  
lo kaadunv? **25** Vbvritola ngonu ogugo kaapa madudw um  
mvngtin nambv ribolo, ngonu saktvla toya nambv ridu. **26** Oogv  
apiabv Dow vka, ngonugv lvukumari kunyi ridur tvvbw ngonu gvlo  
aadu. Holvgabv ngonu oguaingbv kumsv vdw ngonu chimadu;  
ngonugv oogv gamchar bv kubvk jymabv sigin gingvla kumchin  
manam am Pwknyarnv gvlo dinchi bv Dowv ninyi awv ngonu  
lvgabv kumjidu. **27** Okv Pwknyarnv ngv, ngonugv haapok am  
kaadunv, Dowv ogugo mvngdudw um chindu; ogulvgavbolo  
Dowv Pwknyarnv gvlo ninyigv nyi vdwgvbv dinchi jila ridu  
okv ninyigv mvnglwk lo rijidu. **28** Ngonu chindu yvvdw ninya  
pakdudw oogv aralo oguogu mvnwng ngv alvnam lvgabv rijidu,  
yvnyi hv gokdudw vv vkvgv mvngnam lokv ngv. **29** Yvnyi  
Pwknyarnv gaklin ropvkudw hv ka ninyigv umvuu acho aingbv  
rimu riku, vklvlgavbolo mvngjwngnv mvnwng lokv oogv umvuu  
angv vv abwng yachokbv riyiku. **30** Okv vbv yvnyi Pwknyarnv  
gv umvuu bv darlin pkudw, um hv gokrw lintoku; okv Hv ninyigv  
lvkobv tarwkbak moduku, okv Hv ninyigv hartybamtv nama  
bunua lvkobv orpinorin sila ritoku. **31** Vbv soogv mvngnam si  
vvkubolo, ngonu ogugo minla nyolareku? Pwknyarnv ngonu  
gvbv ribolo, yvka ngonua oguguka rila mare? **32** Pwknyarnv  
vbvmato, ninyigv atubogv Kuunyilo mvngchik am imu tvvn  
nga laakur kumabv imu jitoku, vbvritola ninyi ngonu mvnwng  
lvgabv jito! Hv ngonua ninyigv kuunyilo nga jinv ngv—hv ngonua

ogumvnwng ngaka anyubv jima ridw? **33** Yvvdw Pwknyarnv gv gaklin kunam nyi am gungnying lwlklare? Pwknyarnv atubongv bunua rimur kaama nvbv minchar jidu! **34** Vbvribolo, yvvla bunua miyakaya jinv ngv? Siji kunv Kristo Jisu, hogv sipikula turkur kunv okv vjakgv Pwknyarnv gv lakkik peelvlo dooto kula, ngonu lvgabv Pwknyarnv gvlo kumdung jidu! **35** Vbolo, yvvkula, Kristo gv paknam lokv ngnua mvpin sila kuji nvngv? Adwkaku vri, vmalo nytingtarmvtar sinam vri, mvdkmvmku yajinv ngvri, vmalo dvmakano vri, nyimaheema vri vmalo maanyingmaatar vri vmalo sinamyanam vri? **36** Darwknv kitap v vbv mindu, “Noogv lvgabv ngnou dvbvdwkibv maatar alvbv sitvngotv yadu; Ngonua svlar am mvki tvvnam aingbv richarrinyardu” **37** Ma, ninyigv ngnua paknam lokv soogv ogumvnwng sum ngnuv rigum yadukunv! **38** Holvgabv ngo alvjvbv minji dunv sokvgv ogu gunvka ninyigv paknam lokv ngnua mvpin sila nyomare: Sinam vmalo turnam vre, nyidogindung vre vmalo kvvbi nyidomooku am rigvdogvnn gore, vjak gvgore vmalo aainvgv gvgore, **39** vmalo ao nyiamooku lokvri vmalo lkwng nyiamooku lokvri—Pwknamyarnam gv dvdv ngv ogunv gunvka ngnugv Ahtu kristo Jisu gv lokv ngnugv Pwknyarnv gv paknama ngnua mvpin sila nyomare.

**9** Ngo jvjbv mindung dunv; ngo kristo gvngv okv ngo mvvma dunv. Ngo mvngnam sum, Darwknv Dow lokv rigv namv, vbvka ngo jvjbv rungdu vla mintamjidu **2** vdwlo ngo mindu ngoogv mvngruv vdwgo kaidu, vdwgo ngoogv achiv haapok lokv nyeka madu vdu **3** holvgabv ngoogv nyiv, ngoogv awgv adwnv okv oyiv! Holvgabv ngo atuv bunu lvgabv Pwknyarnnv gv beenam lo okv Kristo gv lokv apin sito kunvpv vla mvngdu. **4** Bunu vdww Pwknyarnv gv nyi ngv; Hv bunua ninyigv umvuu bv mvtoku okv turnam loung am bunu gvlo kaatam jito; Hv

ninyigv umkvpakvvnam am bunugv lvkobv mvtoku okv Pvbv  
nga bunua jitoku; Bunu vdwv jvjvrungbv kumnya jiduku; bunu  
vdwv Pwknyarnv gv milvpvvnam laarwk sinyatoku; **5** Bunu  
vdwv Hebrew abuapa yunam lokv ali linvgo; okv kristo, nyia  
nyidung akobv bunugv lokv lindu. Pwknyarnv ngv, mvnwng  
nga rigvdogvnn, hartv tvbv la riyilaka vdunv! Amen. (**aiōn g165**)

**6** Ngo Pwknyarnv gv milvpvvnam v dooku makv vla mima  
dunv; holvgabv Israel gv nyi mvnwng ngv Pwknyarnv gv nyi  
mvngchikbv rimadunv. **7** Vmajvka Abraham gv singsit lokv  
linv mvnwng vka Pwknyarnv gv umvuu bv rimwng madunv.  
Pwknyarnv Abrahamnyi mintoku, “Ngo nam milpvvdu kunv  
Isaak gv lokv noogv husiv twngtv bv doosiksiliin reku.” **8** Soogv  
vby minam umvuu bvngnam dvdv ngv bvngdinnv Pwknyarnv  
gv umvuu bv Pwknyarnv gv umvuu bv ridunv vnam kaama;  
vbvmayabv, Pwknyarnv gv milvpvvnam lokv umvuu bvngnam  
dvdvlo jvjbv singsit doosiksinam am mindu. **9** Holvgabv  
Pwknyarnv gv milvpvvnamv oogv vknv gamcharge mimpv jito;  
“oogv aluching lo ngo aakur rekunyi, okv sara umvuu go dooreku  
vto.” **10** Okv si tikma, holvgavbolo Rebika gv kuunyilo anyi  
vka abu akinnv, Isaak ngonugv abuapa ngv. **11** Vbvrilola oogv  
vby minam lokv akonv vv Pwknyarnv gv atubogv mvngnam  
lokv gaklin kunamv, Pwknyarnv ninyia minto, “bvngcho yanam  
angv vv boru yanga rijivngii yanv gobv rire.” Pwknyarnv bunua  
bvngtv madv bv sum mincho jitoku, bunu oguguka alvnvnga  
alvmany nga rima dubv; vklvlgabv Pwknyarnv gv so gaknamv  
ninyigv goknam lokv rito, okv bunugv oguguka rinamdoonam  
lokvma. **13** Darwknv kitap v vby minto, “ngo Jakopnyi pakdunv,  
vbvrilola Isaunyi pakma dunv.” **14** Vbvrilobolo ngonu minladunv,  
vv Pwknyarnv jwngkadaka madu nvgoi? Ma vbvdv ma. **15**

Vkvlvgabv hv Mosesnyi minto, “ngo yvvnyi mvngdudw um ngo aya dunv; ngo yvvnyi mvngdudw um ngo pakdunv.” **16** Vkvlvgabv vbvrikubolo, ogumvnwng mvn ging nama, ngonu nyia mvngdung okv ridung lokv ogudw um rimadu, vbvritola Pwknyarnv gv aya mvngchik lokv ridunv. **17** Holvgabv Darwknv kitap v Ejipt gv dvbv nga mindu, “ngo nam ngoogv jwkrwa kaataml a rinvvngnv dubv dvbv gobv mvpvnv okv ngoogv kai am nyiamooku mvnwng lo chinsik karmu dubv vla.” **18** Holvgabv vbvrikubolo, Pwknyarnv gv ninyigv aya nga yvvnyi mvngka dudw um jiso mvngnam am hv jidu okv hv ninyigv mvnggwnglo yvvnyika akortor dubv mvso mvngbolo mvladu. **19** Vbvrilola nonuno akin gony ngam vby minre, “si vbvridubolo, oguaingbv Pwknyarnv nyigonv gv rimur am mapa ridw? Yvvdw Pwknyarnv gv mvnglwk ka mvtor nyola redw?” **20** Vbvrilola ngoogv ajin vdw, nonu yvyla, Pwknyarnvnyi mingkurla mirwk sila jinv ngv? Pvchwng ngv mvnv atu am “no nga ogubv svbv mvpvnri vla tvka sudunvri?” **21** Ogubvrijvka, yvvdw Pvching mvnv ngv vv atugv mvnggwng bv ogubv mvnvrinv nwngdudw vbvching mvnvrinvre, okv takam kvdw nuunum akin lokv pvchwng anyi mvnam um, akonyi apum pamrinyi okv akonyi kwwbi adung lo mvnvrinv mindu. **22** Okv Pwknyarnv gv ogugo ripvdw vv jyjvbv vsukaring sibv rito. Hv ninyigv haachi nama kaatam nwngtoku. Okv ninyigv jwkrwa chimu toku. Vbvrilola hv achialvbv saktvto yvvdw ninyigv haachi nama hiru rugvdudw, oogv sitvyaatv lakula sigvngogo tvvdu kunv ngv. **23** Okv hv ninyigv nyitv kairungnv hartvbamtv aka achialvbv kaatam vngroku, oogv ninyigv aya nga paamu dubv vla ngonugv aolo pwlwk kunam vkvnvgo, yvvdw ngonu vdwgylv hv ninyigv yunglit nama laarwk sidubv mvpvripv dukunv. **24** Holvgabv ngonuka goknam nyi bv ridukunv, Jius vdwgv pingko

lokv gokmwng mvngchik ma vbritola Jentail vdwgv pingko loka  
gokdu. **25** So si ogubv hv mindudw Hosea kitap lo doodu. "Yvvdw  
ngoogv nyi bv rima dunv 'ngoogv nyi' bv gokreku. Ngoogv pakma  
nam diringmooku vdwa, 'ngo pakya yarungnam gobv gokreku.'

**26** Okv achialv bv mooku lo ogolo bunu mimpv kudw, 'nonu  
ngoogv nyi makv vla.' Hoka bunu vdww turnv Pwknyarnv gv  
umvuu ngv vla mireku." **27** Okv Aijaya ka Israel vdwgv lvknglo  
gokpa jito: "Israel gv nyi vdww svmasa gv chokri gv aingbv rijeka,  
vbvrikwng kujvka miang chaigo ringlin komwng rinpv; **28** Um  
lvgabv Ahtu nyiamookua ninyigv sabsvbusv ngam baapu alvby  
kaadartabia reku." **29** Sum Aijaya gylo kvlo vbvching minto,  
"Ahtu kainv, singsitnv kvvgonyi ngonua apak jimabolo, ngonu  
sodom aingbv ripvkunvpv, ngonu Gomora aingbv ripvkunvpv." **30**  
Vkvlgabv ngonu Jentail vdwgv lvknglo mindu, oovg yvvdw  
bunu atubongv Pwknyarnv gylo tarwkbak bv doodubv gwngma  
dudw, ninyigvlo tarwkbak bv mvngjwng lokv doomudakmudu; **31**  
Pwknyarnv gv nyi ridula, oovg Pvby ngam mala tarwkbak bv  
bunugv Pwknyarnv gylo doodubv vla rinv vdww, vv paamatuku.  
**32** Okv vv ogulvgabv paamadunv? Vkvlgavbolo bunu mvngjwng  
nama mvnging mabv rito vbritola bunu ogugo ridudw um  
mvnging mvngto. Okv vkvlgabv bunu "vlwng dwktup" kolo  
dwktupla rito. **33** Oogy Darwknv gv kitap lo minto: "Kaatoka, ngo  
Jayon lo vlwng pvgo vvpvdunv vv nyi vdwa dwktup more, vlwng  
pvngv vv bunua gimup more. Vbritola yvvdw ninyia mvngjwng  
dunv um sanga momare."

**10** Ngokv ajin vdww, vdwo ngoogv haapok mvnwng lokv ngo  
mvngdu ngoogv nyi vdwa turnama paamudub! Vdwgo ngo  
bunu lvgabv Pwknyarnvnyi ngo kumdunv. **2** Ngo minchar  
jila dunv bunu Pwknyarnv gylo tulwk silare; vbritola bunugv

tulwk sinamv jyjvlo chinchipachi dula remadakma dunv. 3 Bunu vdwv Pwknyarnv ninyi gvlo nyi am tarwkbak gvnvnv lamtv nga kaatam dunv vla chimadu, okv vbvmayabv, bunu atubogv mvngdungridung lamtv lo risudosu dubv gwnglwk dvdv duku; okv vkvlvgabv bunu Pwknyarnv gv nyi vdwa tarwkbak bv ridubv lamtv kaatam namlo bunu awv tulwksima duku. 4 Holvgabv kristo Pvbv nga laangam nyami toku, vkvlvgavbolo mvngjwng la doobu vdwv Pwknyarnv gvlo tarwkbak bv doonamdknam am paareku. 5 Pwknyarnv gvlo tarwkbak bv doonamdknam lvkwng bv Pvbv lokv paadunv vla Moses vBV lvklwkto: “Yvvdw Pvbv gv gamki jinam am tvvdudw vv singnama paare.” 6 Vbbritola Darwknv kitap vv mvngjwng lokv Pwknyarnv gvlo tarwkbak bv doonvdaknv lvkwng bv si mindu: “No awv tvvka suma bvka, yvvkudw Nyidomooku bv chaare kudw?” (Oogv so, kristonyi lvkwng loka laalu dukubv). 7 “Vmabvyu sum nonu tvvka mabvka, sicingmooku arwnglo iji kunv yvvkudw?” (Oogv so, kristonyi sinam lokv laacha dukubv). (Abyssos g12) 8 Soka vBV minto. “Pwknyarnv gv doin nonugv nvchilo doodu, nonugv nabchunabar lo okv nonugv haapok arwnglo doodu”—oogv vv, mvngjwng namgv doinv um ngonu minggo karpv kunv. 9 Nonu gaam lokv mingkuk jila ho Jisu kristo ngonugv Ahtuv vla okv mvngjwng la ho Pwknyarnv ninyia sinam lokv turkur moopv kunv vla mvngdu bolo, nonua ringlin kunv gobv rireku. 10 Holvgabv si ngonugv mvngjwng nam lokv Pwknyarnv gvlo ngonu tarwkbak bv doodunv, ngonugv mingkukrikuk nam lokv ngonu ringnam am paadukunv. 11 Darwknv kitap vBV mindu, “yvvdw ninyia mvngjwng dudw vv sanga nam kaamare.” 12 So minam si mvnwng gv lvgabv mindu, vkvlvgavbolo hoka Jius okv Jentail gv pingkolo akusinv yago kaama; Pwknyarnv mvnwng

gv Ahtu akinnv okv yvvdw ninyia gokdudw mvnwng nga nyitv rungdubv boktalwkjedu. **13** Darwknv kitap vbv mindu, “Yvvdw mvdur nam lvgabv Ahtunyi gokdudw vv ringlin kunam gobv rireku.” **14** Vbvrıtola ninyia mvngjwng matola mvdorridor nam lvgabv bunu oguaingbv gokla nyoredw? Okv bunu doin tvvpa mabolo oguaingbv bunu mvngjwng nyolaredw? Okv bunu doina japgo karma bolo oguaingbv bunu tvvpa nyola redw? **15** Doin jajpinv agumailo vnglin mabolo oguaingbv bunu doin japla nyola redw? Darwknv kitap vbv mindu, “yvvdw tvvpunv gamlv nga aagv dunv doin minji jinv vdww Aadung dunv si vdwgo kaasartabo bv kaapu rungdu!” **16** Vbvrıtola mvnwng ngv tvvpunv gamlv nga laarwk simadu. Aijaya atubongv minto, “Ahtu, yvla ngonugv doin mintam nama mvngjwng jinv ngv?” **17** Vbvrıkuñamy, mvngjwng ngv doin am tvvku lokv Aadunv, okv doinv Jisu Kristo gv lvkwnglo doin japgo jinamv. **18** Vbvrıtola ngo tvvkadunv: Si jyjv ngvkudw bunu doin am tvvpa marung jypv Kunvdw? Vv kvtvlo bunu tvvpv nvkvtvlo—holvgabv Darwknv kitap vbv mindu: “Bunugv vdudunam gv vlv ngv nyiamooku mvnwng gv agumailo vngsik karduku; bunugv gamchar vv mooku mvnwng gv chingtardotar lo tvvpok nyaduku.” **19** Lvkodv ngo tvvkato: Israel gv nyi vdww jvjbv tvvchin marungto ai? Mintuminke bv mirwk chonv ngv mosesnv: “Ngo kvvbi diringmooku nyi gonvnyi mvnvrinv nvla ngoogv nyi vdwa kavtav modubv mvre; okv chimapamu nvgv diringmooku am ngonugv nyi vdwa haachi chimure.” **20** Okv vdwlö Aijaya ka hv mvngrw yayabv mintoku, “Nga paanya duku oogv yvvdw nga mamabu vdww; Ngo atubongv kaapa sumutvku oogv yvvdw nga tvvla rimabu vdwa.” **21** Vbvrıtola Pwknyarnv Israel nyi vdwgv lvkwnglo minto, “ngo minam tvvmanv nyi vdwa

okv ritormintor sinv vdwa ngoogy laakkv ijo tvkula laarwk sidubv  
vla ngo vdwnv alugo doya dvdvto.”

**11** Ngo tvvkadunv, Vbvrikunamv: Pwknyarnv ninyigv atubogv  
nyi am tulatua supv kunvre? Maa vdwloka tua mare! Ngo kadv  
Israel lo nyi ngv, Abraham gv husi lokv, Benjamin aralo vpin gony  
lokvnv. **2** Pwknyarnv atubogv nyi am tulatua sula rimapvnv,  
oogv atuake lo gakchola rinam vdwa. Elija gv Pwknyarnv gvlo  
Israel vdwgv lkwnglo dinchi rungbv kumnam am Darwknv  
kitap arwnglo ogolo oguv vla milwpvdw nonuno chindu: **3**  
“Ahtua, bunu vdwv noogv nyijwk vdwa mvki nyaroku okv  
noogv yogwngmrvng vdwaka toyaktopak jitoku; ngo mvngchik  
doomwng dukunv, okv bunu ngaaka mvki dubv gwngnya duku.” **4**  
Pwknyarnv oguvla ninyi mirwk jitoku? “Oogv jvjvmanv baal vnam  
Pwknyarnv nga kumabv doonv hejar kanw nyi blvgo ngo gvbv  
vvchingvnu pvtoku.” **5** Vjaka oogv aingbv: Vkvlgavbolo ninyigv  
anyuaya lokv okaka Pwknyarnv gv gakdam pbla kayu pnamv  
meechinggo doodu. **6** Ninyigv anyuaya lokv hv gakdunv, bunu  
ogugo ridudw ho rinam lokv rima doonv. Holvgabv Pwknyarnv gv  
gaknamv nyi vdwgv rinam am ogugo ridudw, vbvrikubolo ninyigv  
anyuaya ngv jyjvklvnu ayabv riku madu kunv. **7** Vbvrikubolo  
ogubv rireku? Israel gv nyi vdwv oogv lvgabv kaakarto vbvrijvka  
bunu mapa kuma toku. Pwknyarnv gv yvnyi gakpvdw vv  
mvngchik nyitwng twngching gony paamwng toku; ho kvbi  
vdwv Pwknyarnv gv goknam am ronji kunvbv rinya toku. **8**  
Darwknv kitap vBV mindu, “Pwknyarnv bunugv tuktum okv  
haapok am pVcha dubv mvtoku; silu lodvbv bunu tvla madunv  
okv kaapa madunv.” **9** Okv Dabid minto, “Bunu vdwa laatung riku  
okv bunugv dvmintvngmin kolo kuplwk laariku; bunu vdwa gilu  
moriku, bunu vdwa mvriririr lariku! **10** Bunugv nyik am nyikmv

molaka vklvgavbolo ho bunu kaapa nyola madu kubv." Okv  
bunua dvbvdwi bv adwkaku gv arwnglo doomu toka. **11** Ngo  
tvkadunv, vbvrikubolo: vdwlo Jius vdvv dwktup kubvdw, bunugv  
dwktup pakulo bunu gilu ngopvkui? Vbv lokvma! ogulgavbolo  
bunu rimur duku, vklvgabv turnamv Jentail lo aaduku, Jius vdwa  
bunua kavtav modu. **12** Jius vdwgv rimur namv nyiamookulo  
achialvbv boktalwkji la laalwk toku, okv bunugv yalu lo heema  
kunamv Jentail vdwgvlo achialvbv boktalwkji la laalwk toku.  
Vbvrikunamv, vdwlo Jius nyi vdwa aatala rita kubolo boktalwkji  
kunamv vdwgobv kaila rireku! **13** Jentail vdwa ngo nonua vjak  
mindung dunv si: Ngo Jentail lo Apostle ako bv ribvdobv ridw,  
ngoogv atubogv kudungkua lo ngo goosure. **14** Lvkonyika  
ngo atubogv nyi gv lokvya kavtav dubv mvla nyola ridw okv  
vbvridula bunua achok godaka turmu nyola modubv vla. **15**  
Holvgabv bunu vdwlo tulatua kubvdw, ho kvvbi nyi mvnwng ngv  
Pwknvyarnv gv nyiru la rikunam lokv angusibv mvngdar lakula  
ajin bv ritoku. Vv oguaingbv rireku, vbvrikubolo, vdwlo bunu  
laarwk serekudw? Vv sinam gv lvgabv turekudw! **16** Vtwng gv  
patung achok go Pwknvyarnvnyi jichobolo, vbvrikubolo vv vtwng  
mvnwng ngv ninyigvbw ridukunv; okv singnv nvgonyi miami am  
Pwknvyarnvnyi tamji bolo, akda vka ninyigvbw ridukunv. **17** Olib  
singnv gv akda nga twngla twngnga bolo, okv mootum gv olib  
singnv akda vv vktur sidukunv. Nonu Jentail nyi vdvv oogv  
mootum lo doonv olib singnv aingbv ridu, okv nonu Jius vdwgv  
maatar bv darwkchongjor jvnb turnam baago bv ridukunv. **18**  
Vklvgabv nonu oogv akda dartungnv aingbv rinv vdwa tvlik la  
riyoka. Nonu oguaingbv kai mvngsu nyola nvpv? Nonu akda  
daagv aingching bv rimwng dunv; nonu miami am vngdwng  
momado—miami vv nonua vngdwng moduku. **19** Vbvrilola nonu

mire, “um vmabvdv, vbvratola akda ngv darmwkdarmak moroku sum ngoogv lvgabv dooku mvnv dukubv.” **20** Vv jyjvrung. Bunu palin la paa duku ogulgavbolo bunu mvngjwng marung jidu, nonugv mooku hoka doori lo ogulgavbolo mvngjwng yala ridu. Vbvratola nonu holvgabv kai mvngsu yoka; vbvmabyya, busula ritoka. **21** Pwknyarnv Jius vdwa vbv kayu mabv rito, klugv oogv singnv akda doodung sinv aingbv rinv aka; nonuno vbv hv nonua kayu invpv mvngdure? **22** Ngonu kakakunamv Pwknyarnv vdwgo aya nvgobv okv akortor rungnv gobvka ridu. Oogv yvvdw gilu dukunv um Pwknyarnv holvgabv akortor dukunv, vbvratola nonua aya duku—nonu ninyigv aya nga dubv mola riyyidw. Vbvratola nonuno doomu la rima bolo, nooka vbvching darmwkdarmak la darra rikunvpv. **23** Okv vdwlo Jius vdww bunugv mvngjwng manama kayu kubolo, bunu kkvlo ogolo ridudakdu kudw ho bunu vdwa laakur reku; holvgabv Pwknyarnv vbvka riladubv gwlwk vv doodunv. **24** Jentail vdw nonuno oogv mootum lo olib singnv akda dartungnv aingbv ridunv okv vbvrikunamv, vbv klu akdung bv rimanv, vv rongo mvngit nam olib singnv ho vksit sidunv. Jius vdww soogv rongo mvngit nam olib singnv bv ridu; okv Pwknyarnv gv lvgabv olib singnv akda darkunv um atubogv kvlogv singnv aingbv mvdukubv vksit sipu yala ridunv. **25** Jyjv rungnv go arwng hoka doodu, ngokv ajin vdww, oogv nam ngo chimuso mvngnam go, holvgabv so si nonua kairungbv chinpanv go vla mvngsu momare. Si vbvridunv si Israel nyi vdwgv mvngdin lamav doonamv doobv kumare, vbvrlachin anyungjvngaku Jentail nyi vdww Pwknyarnv gvlo aangam ma daadwbv doodvre. **26** Okv si ogubvrijvka Israel mvnwng ngv ringlin rikunv. Vbv Darwknv kitap mindu, “Ringnv ngv Jayon lokv aare okv Jakop gv haatar lo alvmany dvdv nga

mvlamva riku. 27 Ngo soogv milpvvnam sum bunua pvvjire vdwlo ngo bunugv rimur am laapak jire kudw.” 28 Ogulgavbolo bunu alnv yunying nga tulatua nyadula, holvgabv Jentail vdwgv lvgabv jius vdwv Pwknyarnv gv nyiru bv ridu. Vbvrilachin bunu Pwknyarnv gv gaknam bv ridunv ogulgavbolo, bunugv abuapa vdwgv lkvnglo bunu Pwknyarnv gv ajin bv silu lodvbv ridu. 29 Holvgabv Pwknyarnv yvnyi hv gakdam lvjv pvkudw okv boktalwkji pvkudw um vdwloka ninyigv mvngnam am mvngkap mvngngv kuma dunv. 30 Jentail vdw nonuno lvgabv mimbolo, kvlo atuake lo Pwknyarnv gv minam am nonuno tvvmabv rito; vbvritola nonuno vjak Pwknyarnv gv aya nga laarwk sila riduku ogulgavbolo Jius nyi vdwv Pwknyarnv gv gaam am tvvma kunam lvgabv. 31 Oogv apiabv, aya nama nonuno laarwk sipaduku ogulgavbolo Jius vdwv vjak Pwknyarnvnyi tvvku manam lvgalo, vbvrinam aingbv bunuka vjak Pwknyarnv gv aya nga laarwk sipa laduku. 32 Holvgabv Pwknyarnv vjak minam tvvmabv doonv vdwa patwk arwng lo doonam jvbw mvtku, vklvgavbolo bunua mvnwng nga Pwknyarnv gv aya nga kaatam pvkunam lvgabv mvto. (eleēsē g1653) 33 Pwknyarnv gv nyitv ngv vdwgo kairungdu! Ninyigv mvngkimvnglak okv chinapanamv vdwgo arwng dukudw? Yvvka mirimimpa sila jinyo ridw? Yvvka ninyigv lamtv nga mvngchin nyolakre? 34 Darwknv kitap vvb mindu, “Yvvdw Ahtu gv mongrumara nga chinyu redw? Yvvdw ninya tamsar minsu lajinv? 35 Yvvkudw ninya ogugo jimi sila kujinv, vklvgavbolo hv um jirwk sila dukubv?” 36 Holvgabv ogumvnwng ngv ninyigv pwknamyarnamv, okv ogumvnwng ngv ninyigv lokv turdunv okv ninyigv lvgabv. Ngonu Pwknyarnvnyi hartybamtv ribv lajuka! Amen. (aiōn g165)

**12** Vkvlgabv, ngokv ajin vdwv, ngonu gylo Pwknyarnv gv kairungbv aya nam lvgabv ngo nonuam lvbu dunv: Nonuno atubonga Pwknyarnv gylo turdubv erinlwksu toka, tulwksula ninyigv kudungkua lo rila okv ninya mvngken mootoka. Sibv nonuno ho tulwksula rirungnamv jyjv rungnv kumnamjonamv.

**2** Nyiamooku kaaputain gv ridungdodung nga lvkin gobv ribamdobam mabyka, vbvritola nonugv mongramara lokv mvngdin gvrikula Pwknyarnvnyi ogumvnwng nga arwng lokv mvdwk mootho kuka. Vbvrikubolo Pwknyarnv gv mvnglwka— alvnv ogudw, ninya mvngpu monama okv rvbwngching monama um nonu chinreku. (aiōn g165) **3** Okv Pwknyarnv gv anyuaya rungnv amin am ngo gylo jinam lvgabv ngo nonu mvnwng nga mindunv: Nonu ogu nvgo bv risovngso mvngdudw um lvyya yabv nonuno atubongv kaiyabv mvngbo suyoka. Vbvmabvya, nonugv mvngnamv tapvtalv bv mvngtoka, okv Pwknyarnv gv mvngjwng dubv jinam ho nonuno atubongv jwngkadaka sutoka. **4** Ngonugv aw akin lo angu angusibv nanababa go doolindu, okv oogv nanababa mvnwng ngv atu atugv adung lo rinampanam am risudosu dunv. **5** Oogv apiabv, ngonuka achialv gobv nyiv rijeka, vbvrijvka ngonu kristo gylo adwn dinkin gobv ridu, okv oguaingbv adwn dinkin lokv angu angusibv rinv ngv akin gobv ridudw oogv apia bv ngonuka angu angusinv ngv akin gobvku ridukunv. **6** Vkvlgabv oogv Pwknyarnv gv aya jikunam angu angusinv amin gv lokv atu atugv ridung lo ngonu risudosu tvka. Pwknyarnv gv doin am ngonu mila jidubolo, ngonugv mvngjwng namgv lokv ngv ngonu minto laka. **7** Riji rungdubv ridubolo, ngonu riji rungtoka, tamsarkinu dubv ridubolo, ngonu tamsarkinu jirung tvlaka; **8** Si kvvbi am mintvmiru minsu dubv ridubolo, ngonu rirung jidu bv ritoka. Yvvdw kvvbi am jila nyodubolo, vv

jirung toka; yvvgvlo tujupkunam bv ridudw um dinchi rungbv  
rirung jitoka; yvvnyi aya nga kvvbiya kaatam nyola dubv jipvdw,  
vv mvngpu gvrila kaatam rungdubv rirung tvka. **9** Pakmi sinama  
dinchi alvbv ritoka. Rimur namv ogudw vkvnv um kaanwng mabv  
ritoka, alvnb ogudw um gakbwngla ritoka. **10** Kristan bv rirung  
dubolo agurusok bv pakmi sitoka, okv ajin anyingnga mvngdv  
minsu dubv kaatamritam nwngmi sutoka. **11** Kudungkua nga  
rai tvlaka okv kamdung yoka. Pwknyarnv Ahtu gv kudungkua  
nga haapok lokv dinchi rungbv ritoka. **12** No mvngtin sinamv  
nam mvngpu gvilaka, noogv hirukaya nama saktv gvtv laka,  
okv dvbvdwkibv kumbv tvlaka. **13** Noogv heemanv ajin kristan  
vdwa yikungyira nga orpinorin sitoka okv nyen am noogv naam  
lo aadu bv mvkuk jitoka. **14** Yvvdw nam mvdwkmvku dudw  
Pwknyarnv gylo vkvgv lvgabv aya gvnv boktalwkji dubv kumji  
yatoka—vm, ninyia boktalwkji dubv kootoka, beema bvka. **15**  
Yvvdw himpudw um himpu minggv tvka, yvvdw kapdudw um  
kaaming gvtoka. **16** Mvnwng gv lvgabv akinching bv mvngto  
ritoka. Kaimvngsu mabvka, vbvritola angam bv kudungkua  
laarwk sitoka. Nonu atubongy chinypav bv mvngsu yoka. **17**  
Nyigony nam rimur dubolo, ninyi gylo rimur ngurv dubv riyoka.  
Mvnwng gv alvbv mvngnama um ridubv gwngtoka. **18** Mvnwng  
gv lvgabv sarsopoyo bv doobamdkbam nam lvgabv nonu gvby  
ogumvnwng nga vdwnvgo rila pvdw ritolaka. **19** Vdwloka mvrwk  
siyoka, ngokv ajin vdwv, vbvritola vbvmayabv Pwknyarnv gv  
haachia um rimu toka. Holvgabv Darwknv kitap vby mindu, “ngo  
mvrwk sire, ngo rirwk sireku, Ahtu vby mindu.” **20** Vbvmayabv,  
Darwknv kitap vby mindu: “noogv nyimak vv kano dubolo, bunua  
dvnam dvmu tvka; bunu tvngnwng dubolo, bunua tvngnamgo  
tvngmu tvka; holvgabv so vbvrinam lokv bunua hinying bvku

vmv gobv gureku." 21 Alvmanv nga rigam koyoka; vbvmayabv, alvnam lokv alvmanv nga riya yatoka.

**13** Nyi mvnwng ngv istet tujupkunam gv gaam am tvvdubv rirungdunv, okv ogulvgavbolo Pwknyarnv gv tulwknam kaama bv istet tujupkunam lo rima dunv, okv tujupkunamv Pwknyarnv gv lokv aadunv. 2 Tujupkunam sum yvvdw tulwkmabv riya dunv vv Pwknyarnv gv ogugo orto jidudw um tulwkmabv ridunv; okv yvvdw vbvridunv hv atubonga jwngkadaka kolo laalwk sureku. 3 Holvgabv yvvbunudw alvnvbv ridunv hv rigvdogvnn vdwa busunam kaama dunv, vbvritola yvvdw alvmanv bv ridunv vv busu gvvdubv ridu. No oogv tujupkunam um busumanam gobv ridubv mvngdunvre? Vbvrikubolo alvnv ogudw um ritolaka vvkubolo nam bunu hartv reku, 4 ogulvgavbolo bunu Pwknyarnv pakbu bv rinam lvgabv noogv atubogv alvnam lvgabv ridung dunv. Vbvritola nonuno alvmabv ribolo, vbvrikunamv nonuno bunua busu toka, ogulvgavbolo bunugv jwkrvv jvjvklv mvrit kunam bv ridunv. Bunu Pwknyarnv gv pakbu bv ridu okv yvvdw rimur dunv um Pwknyarnv gv mvritririt nvnv nga mvnvrinv do. 5 Holvkwng bv tujupkunam vdwgv gaam am tvvrung tvka—ogulvgavbolo vv Pwknyarnv gv mvrit jinam lvg a mvngchikma, vbvrinamv noogv haapok lokv nonu omkv mvngnam lvgabv ridunv. 6 Svkv gv lvgabvka nonuno ogubv lampu dordunv, ogulvgavbolo tujupkunam vdwv vdwlo kudungkua nga rijabrigap la rinamv bunu Pwknyarnv gv lvgabv ridunv. 7 Vbvrikubolo, Dortoka, bunua ogugo dorsvgo doodubolo, bunua dortoka atubonga okv yikungyira nga dorji nvnga dortoka okv bunu mvnwng nga mvngdv okv paknama kaatamla ritolaka. 8 Yvv gvka kudungkua dvdu arwnglo doyoka—nonu gvlo kudungkua dvdu ngv ajin anyingnga pakmisinam yangv mvngchikv. Yvvdw vvb tvvla ribuv

w Pvbv nga tvvdunv. **9** Gamki kunam si vbv mindu, “yokarchokar yoka; gwngrw gwkyoka; dvcho choyoka; kvvbigv oguogu doonam am kav yoka”—so mvnwng dvdv nga, okv oguogu kvvbi gvgo gujeka, mvnwng nga si miyominchikla gamki kunam arwng lo gamkin gobv mindu, “nonuno atubongv oguaingbv paksu dudw vbvching namrwksuku aka pakmi sitoka.” **10** Vdwlo nonu kvvbiya pakredw, vdwloka um nonu rimur dubv rimare; paknamv, vbvrikubolo, Pvbv minam dvdv nga tvvnv gobv ridukunv. **11** No sum vbvirirung laka, ogulvgavbolo sum chinto laka nonugv yupnam lokv udwv noogv lvgabv aadu kunv. Vdwlo ngonu mvngjwng choto kudw um kaiyabv ngonugv ringlin kunamv nvchi dukunv **12** Kanv ngv vjvda vngbo dariku, pua ngv si takloyangv ungrap tvvduku. Kaju ngonu kanv lokv soogyv ridungdakdung dunv sum kayu lakuju, okv Kaju ngonu pualo nyimak rimisinv dukubv idugo laala kujuka. **13** Kaju ngonu atubongv rvbwngching bv rigv laju, alu loung lo doonv nyi gv aingbv—tvngkium kiamnv gobv riyoka, gwngmursingmur yoka, yalungyachung duyoka okv kavtav nvbv riyoka. **14** Vbvrilola Ahtu Jisu kristo gv idu am laatoka, okv noogv rimur ridung sum okv hang nyumchi dubv mvngnam am kayu tokuka.

**14** Yvvdw mvngjwng lo kwngkwng yoma dunv oogv vdwa turwk sitoka, vblrilola bunugv lvkobv atubogv mvngnam lo bunua larmi siyoka. **2** Kvvgo nvgv mvngjwng lokv ogumvnwng nga bunua dvmu ladu, vblrilola yvvdw mvngjwng lo kwngkwng madunv um ujiuu mvngchik ka dvmwng dunv. **3** Yvvdw ogumvnwng nga dvdvdvbv dvla redw oogv nyi vdww dvla nyomanv um mina jima bvka; okv ogumvnwng nga dvla nyoma bv ujiuu mvngchik ka dvmwngnv nyi vdwwka dvdvdvbv dvnv umka nachunachv la jwngkadaka jiyoka; ogulvgavbolo ho nyi umka Pwknyarnv

laarwk sidunv. 4 Kvvbi gugv pakbu bv riyavngya dunv vdwa  
um jwngkadaka yadunv nonuno yvvla? Bunua rijik dolo rijik  
madulo kaajitaji nvngv bunugv atubogv Atuv kaasure. Okv bunu  
vdvw rijik rungre ogulvgavbolo Ahtu bunua rijwk dubv jireku.  
5 Nyi meegonv mvngdu daadwrrw aluv kvvbi alua kaiyago  
alv yadunv, okv kvvbi vka mvngdu kuring alu dvdv ngv lvyin  
bv ridu. Ngonu mvnwng atugv mongramara lo mvngnam am  
asar rungbv takdamvra mvngmi sidubv rirungdu. 6 Yvvdw  
aluguni daadwrrw bv dinchi rungbv mvngdunv vbvrinv vv  
Ahtu gvlo mvngging la ridunv; yvvdw ogumvnwng nga dvnam  
kamabv dvredw vv Ahtu gvlo mvngging la ridu, ogulvgavbolo  
bunu dvnam lvgabv Pwknvyarnv gvlo umbonyikv vla mindunv.  
Yvvdw daadwrrw bv ogumvnwng nga dvdvdbv dvmabu vv  
ka Ahtu gvlo mvngging la ridunv, okv vv bunuka Ahtu gvlo  
umbonyikv vla mindunv. 7 Ngonu atubogv mvngchik lvgabv  
singsu madunv, okv ngonu atu mvngchik lvgabv sisu madunv. 8  
Vdwlo ngonu turjyka, Ahtu gv lvgabv ngonu turdunv, okv vdwlo  
ngonu sijvkuka Ahtu lvgabv ngonu siji dunv. Vkvlgabv ngonu  
singjvka okv sikujvka, ngonu Ahtu gyloku 9 Holvgabv kristo  
sitoku okv turkur toku, vkvlgavbolo turnv vdwgv okv sikunv  
vdwgv Ahtu bv ridukubv ridu 10 Nonu vBVrikunamy, yvvdw ujiuu  
mvngchik ka dvmwng dunv—ogubv nonu kvvbia jwngkadaka la  
kabokaalwk dunv? Okv nonuno ogumvnwng nga dvnamdvsu  
dvnv ngv—ogubv no kvvbi mvngjwng nvnga miyakaya jila ridunv?  
Ngonu mvnwng nga Pwknvyarnv gv kaagelo dakmu tvla ninyigv  
lokv jwngkadaka reku 11 Holvgabv Darwknv kitap vBV minjidu,  
“Vbv dvdvdbv turnv Pwknvyarnv ngo, Ahtu mindu, mvnwng ngv  
ngoogv kaagelo lVbwng kumpvre, okv mvnwng ngv mingkuk reku  
ngo vkgv Pwknvyarnv ngv.” 12 VBVrikunamy, ngonu mvnwng

ngv, Pwknyarnv gylo rinamdknam dvdv nga minji dubv ririku.

**13** Vklvgabv, kaju ngonu kvbi ajinanyingnga jwngkadaka minsu kuma bvjuka. Vbvmabvy, nonuno kvbi gv ogugo rimur kubvdw umya mimbwk jila mindin jiya nvbv riya svngvka. **14** Ngoogv Ahtu Jisu gylo akin gobv rinam lokv dadwwrw bv ogunv dvnam dvvgvv arwanyu kuma dubv mvroku; vbvritola vdwlo no dvnam kvgvo nvnga darwk mabv mvngdu bolo, vbvribolo oogv dvnam vv nonugv lvgabv darwk mabv rire. **15** Vdwlo oguogu dvnam lokv nonu kvgbiya mvngru modu bolo, vbvrinamv nonu paknam lokv paksu minsu dubv gwngmadu. Kristo gv oogv nyi lvgabv sijikunam um noogv dvnam lokv um simungoomu jimu yoka. **16** Nonuno ogugo mvngdv kodubv vBV alvbv risvnga alvmanv amin akobv mvngku yoka. **17** Pwknyarnv gv karv lo dvmintvngmin dubvma, vbvritola darwnam, sarsopoyonam okv oogv Darknv Dow lokv himpu dubv jinamv. **18** Okv vdwlo nonuno so lamtv lo kristo gvBV ridunv, vv nonuno Pwknyarnv nga mvngpu modubv ridu okv kvbi vdwgvlo ka tulwk kodubv ridu. **19** Vklvgabv ngonu rungkirunglak kibv tvlaka ogugunv ngonua sarsopoyo nga aamunv okv hv gwlwk lokv ajin anyingnga ridur minsu dubv. **20** Ngemu dubv rimabvka, dvnam tvngnam lokv, ogugo Pwknyarnv gvBV ripvkudw. Dvnam mvnwng nga dvlado, vbvritola Kvggonv nga ogumvnwng dvnam lo dvmur la obikpalik modubv ridubolo vv rimur bv ridu. **21** Adwn dvnam, opo tvngnam okv kvbi ajin mvngjwngv vdwa gilu dvBV vkvnv rinam lokv adu sinamv alv bv rijk namv. **22** Vbvrirkunamv soogy lvgabv ogugunyi mvngjwng pdw, nonu atubogvla okv Pwknyarnv gv pingkolo pvtoka. Hv ogu ogugo rila dunv ritola jwngkadaka jyka rigakpanam go himpa mabv ridunv hv mvngpuv! **23** Vbvritola vdwlo bunu ogugo dvdudw holvgabv bunu mvngngum ingla ridubolo, Pwknyarnv

bunua miyakaya dunv vdwlo vv bunu um dvredw, ogulvgavbolo  
vkvgv rinamdoonam lo mvngjwng jwngrw panam lo kamadu.  
Okv vbvrinam si ogugo rijvka mvngjwng kolo rimabv rinam si  
rimur ngv.

**15** Ngonu yvvdw mvngjwng ngv vngdwng dunv vdww vngdwng  
manv vdwa bunugv vge nga gvvdur minggv dubv ridunv. Ngonu  
atubongv mvngchik mvngpu dubv risu nyom yoka. 2 Vbvmayabv,  
ngonu mvnwng ngv kvvbi kristan vdwa mvngpu morung lajuka  
bunua atubogv alv kunam lvgabv bunua mvngjwng lo vngdwng  
mokunam lvgabv. 3 Kristo ninyi atubongv mvngpu dubv mvsu  
mato. Vbvmayabv, Darwknv kitap vbv mindu, “Minyingmiru go  
maanying jvbw nonua minam vdww vjak ngo gylo gwlwk duku.” 4  
Ogumvnwng nga Darwknv kitap lo lvklwk kunam ngv ngonua  
tamsar dukubv lvklwk toku, Darwknv kitap gv ngonua saktv nga  
okv mintvmiru nga jinam lokv ngonu mvngtin go paadukubv. 5  
Okv Pwknyarnv gv, saktv gvnv okv mintvmiru gv nv gv lingku  
agungamia ngv, vbv mvngnam gamdung akin lo rila jinv vv  
nonugv pingkolo Jisu kristo gv apiabv riringrima jinv ngv doolwk  
yilakv vdunv, 6 vkvlvgabv nonu mvnwng ngv dookumdopa tvla  
ngonu Ahtu Jisu kristo gv Abu Pwknyarnvnyi lvkin gobv gaambv  
akin bv hartvbamla rinya laka. 7 Akonv ajinanyingnga turwk  
minsulaka, vBVrikunamv, Pwknyarnv gv lvgabv hارت vndubv,  
ogu aingbv kristo nonuna turwk sipvkudw. 8 Holvgabv nonua  
ngo mindunv kristo gv singdungridung gv kudungkua ngv jius  
vdwgvbv, Pwknyarnv dinchi rungbv oogy mvngjwng nga kaatam  
dubv, bunugv abuapa vdwa milvpvvkunam am jvjvrungbv riji  
rungdubv aaji toku, 9 okv vBvrila Jentail nyi vdwwka Pwknyarnv  
gv anyuaya lvgabv hارت la rila minggv dukubv. Darwknv kitap v  
vbv mindu, “okv vkvgvlvgabv Jentail vdwgv peelvbv lokv ngo

hartv dunvkv; ngo nam mirimimpak bv mila hartvre.” **10** Okv minta dunv “Mvngpu minggv tvvlaka, Jentail vdwv, Pwknvyarnv gv nyi vdwgv lvkobv!” **11** Okv lvkodv mindv dunv, “Jentail mvnwng ngv, Ahtunyi hartv tvlaka; mvnwng gv nyi vdwv, ninya hartv tvlaka!” **12** Okv lvkodv mindv dunv, Aijaya mindu, “Jesse gv opi nga kaatamre; hv aagv rila Jentail vdwa rigvre, okv bunu mingtin la ninyigv aralo bunu vdwv doore.” **13** Pwknvyarnv ngv mvngtin jikugv kolv lvrww, nam mvngpu namv okv sarsopoyonamv noogv mvngjwng lokv ninyigv aralo bokta jila doilakv vdunv, vklvlgavbolo noogv mvngtin namv Darknav Dow gv jwkaw lokv kaiyaya molaka. **14** Ngoogyg ajin vdw: Ngo awv hinrungdo nonugv ho alvnam mvnwng ngv akomaring doonyado, vkvnv vv nonu gvlo chinampamanamv, okv vkvnv ajinanyingnga tamsar minsu ladu. **15** Vbvritola soogv siti so mindwmiying jidunv si ngo gvlo busukano namgo kamabv minchar svgo doonam lvkwnglo lvkodv mindv jidunv. Ngo gvlo busukano namgo kaamato ogulvgavbolo Pwknvyarnv ngv ngam alvnb dwa riduvngdu bv jitoku **16** Jentail vdwgv lvgabv riayvnya dubv kristo Jisu gv pakbu akobv rimuto. Ngo nyibu ako gv aingbv Pwknvyarnv gv lokv alvnb yunying nga japgorigo kardunv, mingkulo oogv Jentail vdwv Pwknvyarnv gvlo erinlwksula laarwk sila dukubv, Darknav dow lokv ninyi tulwlaklwk sidukubv. **17** Kristo Jisu gv ara lo akin gobv, vbvrikunamv, ngoogyg Pwknvyarnv gv lvgabv rijivngji dubv ngo kai mvngsu nyola dunv. **18** Jentail vdwv Pwknvyarnv gv mingkulo vngdubv Jisu kristo ngoogyg lokv ogugo ngam rigvdogv dubv jipvdw holvga mvngchik ngo busukano kaama bv okv minji lare. Hv gvlo so vbvridunv si gamchar okv kudungkua rinamlo, **19** v jwkaw lokv okv kaasartabo nam lokv, okv Pwknvyarnv gv Dow gv jwkaw lokv ritoku. Okv vby, Jerusalem lokv Illyrikum lobv lamtv

mvnwng lo mooying vngto, ngo kristo gv lvkwng alvnb yunying lvkwnglo japgo karla ritoku. **20** Ngoogv mvngdung lo mvngdam jenam ngv ogolochinglo Kristonyi tvpa madudw ho ngo alvnb yunying nga japgo kardubv mvngla mvngbvdu, nyi kvvbi gv lvngtung tunglwk makulo. **21** Vbv Darwknv kitap vBV mindu, "Yvv bunua ninyigv lvkwnglo mimpa mapvkudw vv kaapare, okv yvbbunu tvpa mapvdudw vv tvvchinre." **22** Okv vBV, ngo nonugv ho vngdubv mvngla vdwgo gwngkwng bvka vngmo paamabv rito. **23** Vbvrilachin ngoogv so mooku sokv risvdaksv nga ngo vjak ringam tokubv okv vBV ngo anying meego nonua kaarwk sinam lvgabv mvngkwng kunama, **24** vBV vjak ngo kaarwk siku npv mvngla mvngtin dukunv. Ngoogv Spein bv vngtv rinyi lamtv lo ngo nonua o kaapa minsu lareku, okv o aala nonua kaarwk sila giobamnyarbam nam kokwng loku, hoka alo vngnam lvgabv nonugv lokv ngo lamtv lo kaadurtadur konvpv mvngla mvngtindunv. **25** Vjak daadw, ogubvrijyka, Pwknvyarnv gv ninyia kudungkua ridumripala rigurvnggur dubv Jerusalem alo ngo vngtv dunvka. **26** Holvgabv Mesedonia okv Akaia ara gv gvrja ngv Jerusalem lo doonv Pwknvyarnv gv nyi Nyimayeema bv rinv vdwa jinyo bv jidurridur dubv vla doopam doola japnia rinia toku. **27** Oogy japnamrinamv bunu awgv mvngnam lokv japtoku; vbvritola, jvjbv vbole si, bunu vdwylo ayala bunua rigurvnggur rungsvgo doodu. Holvgalo Jius vdvw bunugv boktalwkji kunam a orpinorin sila Jentail vdwgv lvkobv jilwk jitoku, Jentail vdvw ikimora bokta jikunam vdwa jius vdwlo mvdurridur lo rinv rungdu kubv rirung duku. **28** Vdwlo ngo so kudungkua nga ringam kubolo okv bunugv lvgabv urkum jinam morko dvdy som bunugv laklo laklwk jidaku, ngo Spein lvgabv vnglin reku okv hoka ngo nonuam vngpikla kaarwk sireku. **29** Vdwlo ngo nonu gylo aaredw,

ngo chindu, kristo gv bokta jinam am ngo lkvobv akomaring namgo aagv jire. **30** Mvngjwngnv ajin vdw, ngonu Ahtu Jisu kristo gv lokv okv oogv dow gv pakla jinam gv lokv: nonu ngoogv kumkulo Pwknyarnv gvlo ngo lvgabv dinchi bv kumgur minggv laka vla ngo mvngdunv. **31** Judia lo mvngjwng manv vdwgv laak lokv ogu guchin rimadubv okv hogv Jerusalem alo Pwknyarnv gv nyi vdwv ngoogv rinamdoonam nga umbonyikv vla laarwk sila dukubv kumto laka. **32** Vbvribolo ngoogv haapokv hingam silaku nonu dookulo aare, vbvrinam si Pwknyarnv gv mvnglwk vbo, okv nonu duku ho ngo harpu alvbv mvngriukla aareku. **33** Pwknyarnv ngv, ngonugv sarsopoyo jiku gv agongamia ngv, nonu mvnwng gv dookulo dooming gvi laka. Amen.

**16** Ngo ngonugv anyibormv Poebenyi, kenkeria gvrja lo kudungkua rinv doonv alvnvbv um ngo nonu gylo tulwk jila minlwk jidunv. **2** Ninyi Ahtu gv amin lo laarwk silaka, Pwknyarnv gv nyi bv vbvirung gvri la, okv ogugo nonu gvlo mvdurridur svgo dubolo ninyi alvbv mvdur laka; vklvgabv hv awv nyi meego alvnbv ajin bv jintoku okv ngam ka ajin bv ritoku. **3** Ngo Prisilla okv Akuila bunyia, Jisu kristo gylo ribam ajin bv ridunv ho anyia ngoogv kumrwksinam gaam nga jilwk dukunv; **4** bunu ngoogv lvgabv bunu singnam am sitamdur tam lkto. Ngo umjvdv bunua umbonyikv mvngdu kunv—ngo tikma, vbvritola Jentail gvrja mvnwng vka vbv alvbv mvngming gvdu. **5** Bunugv naam lo gvrja vngdam sinv vdw aka kumrwksidunv. Kumrwksinam sum ngoogv ajin Epaenetus, Asia gv amin yunam kristonyi mvngjwng choyanv umka ngo jilwk jidunv. **6** Meri nyika, nonugv lvgabv rilv kumabv rijinv umka kumrwksidunv. **7** Andronikas okv Junia, ngoogv patwk lkvobv doobam nam jius ribam ajin anyi aka kumrwksinam am jilwk jidu; bunu vdwv Apostle pingko loka alvbv

chimisito okv kvlo ngo ritvmadv bv bunu kristan ritoku. **8** Ngoogv kumrwksinam am, ngoogv Ahtu gvlo kudungkua ribamnam ajin Ampliatusnyi jilwkdu. **9** Ngoogv kumrwksinam sum ngonugv Jisu kristo lo ribam ajin urbanusnyi jilwkdu, okv ajin Stachys nyika jilwkdu. **10** Kumrwksinam am Kristo gvlo mvngtin siladunv Apelles nyika jilwk dunv. Kumrwksidunv yvvdw Aristobulus gv vpinvriap bv ridunv umka kumrwksidunv. **11** Jius akingo ribam ajin, okv Narcissus gv oguara lo kristan bv rinv vdwa, okv Herodion nyika kumrwksidunv. **12** Tryphaena okv tryposa, Ahtu gv kudungkua lo rinv, okv ngoogv ajin Persis, Ahtu gv lvgabv alv rungbv kudungkua rinv umka ngo kumrwksidunv. **13** Ngoogv kumrwksinam sum Rufusnyi, oogv Ahtu gv kudungkua lo rikirilak rungbv rinv, okv ninyigv anv, oogv ngam kuunyilo aingbv bv mvngdu ridunv umka ngo jilwk jidunv. **14** Ngoogv kumrwksinam sum Asyncritus, Plegon, Hermas, Patrobas, Hermas, okv kristan kvbi lvkobv rinv bunu vdwaka ngo jidunv. **15** Kumrwksinamv Pilologus okv Juila, Nereus okv ninyigv anyibormy, Olympas okv Pwknyarnv gv nyi vdwa lvkobv doonv bunu vdw aka jilwk dunv. **16** Ajinanyingnga sarsopoyo bv kumrwk sidula mopop minsulaka. Kristo gv gvrja mvnwng ngv nonua bunugv Kumrwksinam am jilwk dukunv. **17** Ngo nonua dinchi rungbv mindunv, ngokv ajin vdwa: oogv yvvdw apinayin dubv rinam lvgabv okv nyi vdwgv mvngjwng nvnga mvngru modubv rinv okv oogv nonu tamsarnama laarwk silakula chincho kunam um miyakaya yala rinv vdwa um hinggaagu sutolaka; okv bunugv gv lokv adu la ritolaka! **18** Holvgabv yvvdw vkvnv ridunv v ngonu Ahtu kristo gvbv kudungkua ngam rimadunv, vbvritola bunu atubogv kipoayit lvgabv mvngmwng dunv. Bunugv tvvpukayin minam lokv okv mingkiammiriam laknam lokv chima pamunv nyi am kupdu. **19**

Nonugv gamlv nga mvngdv kunam a mvnwng ngv tvvpa toku, okv vkvlgabv soogv lvknglo ngo nonua himpu sidunv. Ngo nonua alv nvngv ogudw um chingkikpakik laknv gobv ritola, vbvritola alvmanv dvdv ngv ogudw um chimapama nvbv ribolo um ngo alvbv mvngdunv. **20** Okv Pwknyarnv ngv, sarsopoyo gv lingkuv, ayongjemabv Uyudvbv am nonugv lvchu kampwk lo samtin more riku. Ngonu Ahtu Jisu kristo gv anyuaya ngv nonua lvkobv dooming gvi laka. **21** Timoti, ngoogv kudungkua ribam ajin ninyigv kumrwksinam sum nonua jilwk dunv; okv jius ajin Lucius ka, Jason ka, okv Sosipater ka nonua jilwk dunv. **22** Ngo, Tertius, soogv siti pota sum lvkyt dunv, kristan kumrwksinam gv gaambv nonua sum jilwk jidunv. **23** Gaius vnam ngoogy naam doogingku oogyg naam lo gvrja vngdum siku, hv ka nonua kumrwksinam gaam sum jilwk dunv; Erastus, Pamtv hogv morko pvyyanv bv rinv, okv ngnugv achiboru Kuartus bunugv kumrwksinam somka nonua jilwkdu. **24** Ngonu Ahtu Jisu kristo gv anyuaya ngv nonu mvnwng gylo lvkobv dooming gvi laka. Amen. **25** Kaju ngnou Pwknyarnvnyi harty laju! Hv nonugv mvngjwng nga, alvny yunying lo ngoogy mintam nam Jisu Kristo gv lvknglo okv klukuchu gv hvchingla dukunv jvjt rungnv arwng gaam nga kaatam la japij kunam lokv adwngchingbv turladakla dubv mvla dukunv. (*aiōnios g166*) **26** Vjak, ogubvrijvka, oogy jvjt ngv turbwng jinv Pwknyarnv gv gamki kolo nyijwk vdwgv lvklin jila rikunam lokv si mvnwng ngv chinlakula riduku, vkvlgabv ho mvnwng ngv mvngjwng laku okv tvvlaka riduku. (*aiōnios g166*) **27** Pwknyarnv mvngchiknyi, oogy chinv mvnwng lo chinkik yachoknv, Ahtu Jisu kristo gv lokv ngv harty lajuka! Amen. (*aiōn g165*)

# 1 Korintian

**1** Pwknvyarnv gv mvngnambv, Kristo Jisu gvbv Apostol gubv goklin kunam Paul ngo gvlokv, okv ngonugv achiboru Sostenes gvlokv— **2** Korinth lo doonv Pwknvyarnv gv gvrja nga, Pwknvyarnv gv darwk kunv gubv goklin kunam nyi mvnwngnga, yvzbunudw Jisu Kristonyi akin gubv rilaku ninyi gvbv rikunv vdwa, okv ngonu gvla bunugv Ahtu bv rikunv Jisu Kristonyi kumnyjonv mooku mvnwng gv nyi mvnwngnga mintala kumrwk sunama jidunv: **3** Ngonugv Abu Pwknvyarnv okv Ahtu Jisu Kristo nonu mvnwngnga aya okv sarsopoyo nga jigv yika. **4** Ngo alu gv dwkia ngoogv Pwknvyarnvnyi umbonyikv vdunv ogulvgavbolo Kristo Jisu gv lokv Nw nonua aya nga jinam lvgabv. **5** Kristonyi lvkobv akin kunam lvgalo nonu minamtamnam lo, chinapanam lo okv ogumvnwnglo nyitv nvgorv ridukunv. **6** Kristo gv lvgwngbv doin minammv, nonu gvlo alvrungbv haatinla hvngdwng dukunv **7** vklvgabv vbolo nonugv Ahtu Jisu Kristo gv kaatam kose nga toyala donammv bokta lwkji nama achuk guka ngemu mabv naarwkla ridukunv. **8** Nw nonua ataranya alu lobv haatin rungbv vvpv reku, Jisu Kristo gv Jwngkadakadw Alu lo nonua gungnying doomu manam lvgabv. **9** Ngonua ninyigv kuunyilo Jisu Kristo ngonugv Ahtunyi akin gubv ribamdkbam dukubv goknv Pwknvyarnvnyi mvngtin rungdubv ridu. **10** Ngoogv achiboru vdwa, ngo nonu mvnwngnga ngonugv Ahtu Jisu Kristo gv jwkrw lokv dinchibv mindunv, nonugv aralo apinain maanam lvgabv nonu ogugo minje rijeka tolwkoak minsula baakin gubv mvngbam la ribamdobam laka. **11** Achiboru vdwa, Kloe gv vpin lokv nyi mego nga minpa toku nonugv aralo bumi sidu vla. **12** Nonunogv aku-aku subv minamv nga vbv mimubv: akonv mindu, “Ngo Paul gvbv ridunv”; kvbi gunv mindu “Ngo Apollos

gvbv ridunv"; kvvbi gunv mindu; "Ngo Pitar gvbv ridunv"; okv  
ako kvvbi gunv mindu, "Ngo Kristo gvbv ridunv." **13** Kristo  
akin ha nonuno aku akusunv nyitwng gubv mvpin mvin pvku  
laka! Paul nonunogv lvgabv daapo lo siji pvnri? Nonuno Paul  
gv lvbwlaksu gubv ridubv ogolo baptisma naapvn? **14** Ngo  
Pwknyarnvnyi umbonyikv vdunv oglulgavbolo Krispas nyila  
Gayus bunyia mimabv ngo nonua yvnyika baptisma jima.  
**15** Vbvrikunamv, ngoogy lvbwlaksu gubv baptisma naapvn  
vla nonuno yvka minyu mare. **16** (Ho mvngpa mabvnyi, ngo  
Stepanas nyila ninyigv vpin ha baptisma jita pvnvmabv; vbvritola  
ngo kvvbi nga yvnyika baptisma jinam go mvngpama.) **17**  
Kristo nga baptisma jinam lvgabv vngmuma. Nw nga Alvnv  
Yunying nga minji modubv vngmuto, okv hum nyia chinapanam  
gaam lokv minvnvmabv mintoka vbvrimabolo Kristo gv daapo lo  
sinam gv jwkw v anyung kaamare vla. **18** Jisu Kristo gv daapo  
lo sinam gv doinv nyekunv nyi vdwgv lvgabv si ogu anyung  
kaama; vbvritola ngonu turnv nyi vdwgv lvgabv si Pwknyarnv  
gv jwkw v. **19** Darwknv Kitaplo mindu, "Ngo chinpanv nyi  
vdwgv mvngkimvnglak a mvyakre okv skular vdwgv chinggv  
nvnv ngaaka naa reku." **20** Vbvrikunamv chinpanv nga vmal  
skular a vmal nyiamooku so gv minlakminku vdwa ogolo kayu  
pvku? Nyiamooku so gv mvngkimvnglak v pvcha nvngv vla  
pwknyarnv kaatam toku! (**aiōn g165**) **21** Pwknyarnv ninyigv  
chinapanam mv nyi vdwa bunu atugv chinapanam lokv  
ninyia chinla madubv mvpvku. Vmabvyia nyiamooku nyi vdwgv  
pvcha gubv vnam doin a ngonu japij yadu, um yvvdw mvngjwng  
redw Pwknyarnv ringdukubv minbwk toku. **22** Jius nyi vdwv  
rvbwngnam lvgabv lamrwpanam go makardu okv Grik nyi vdwv  
chinapanam ma makardu. **23** Ngonu gvby, daapo lo sinv Kristo

gv lvga doin nam mingo jidu, doin si Jius vdwa pamisunam  
gubv ridu okv Jentail nyi vdwgv lvgabv pvcha doin gubv ridu; **24**  
vbvritola Pwknyarnv gv goklin kunam nyi vdw Jius jeka Jentail  
jeka anyi gv lvgabv si doin si Kristo, ninyi Pwknyarnv gv jwkrw v  
okv Pwknyarnv gv chinampanam mv. **25** Oguulgavbolo vbvridu,  
Pwknyarnv gv pvchayau ngv nyi tanyi gv chinampanam ma  
kaiyadunv, okv Pwknyarnv gv abiktaik kv nyi tanyi gv ator a  
kaiyadunv. **26** Ngoogv achiboru vdwa vjak nonu mvngpa tvka,  
Pwknyarnv gv nonua gokri ho nonuno ogunvb rito. Nyi tanyi  
gv lokv kaabolo nyi meching gunv kvgonv nonuno chinvpanv  
gubv rito, vmalo jwkrw rwtv nvgobv rito vmalo nyitv nyigam  
nvgubv rito. **27** Pwknyarnv chinjv lvtola chinvpanv vdwa hinying  
monam lvgabv pvcha yaunv nyi vdw darpvkunv. Okv kainv  
vdwa hinying monam lvgabv ala kaakumanv nyi vdw darpvkunv.  
**28** Nw nyiamooku soogv nyi tolatoakunam okv ogu arv kaama vla  
mvngnam vdw dartoku, nyiamooku soogv alvnvgo vla mvngnam  
vdwa mvyakriyak dubv. **29** Svbvrinam si yvka Pwknyarnv gv  
kaakulo goosu manam lvgabv. **30** Vbvrinam si yvka Pwknyarnv nonua  
Kristo Jisu gvlo akin dukubv naalwk pkunv, okv Pwknyarnv  
Kristonyi ngonugv mvngkimvnglak gubv mvpvkunv. Ninyi gylokv  
ngonu Pwknyarnv gvlo rijwkdojwk yakulo aapv kunv; ngonu  
Pwknyarnv gv darwknv nyi vdw gubv rilaku ajarabi bv ripvkunv.  
**31** Vbvrinam, Darwknv Kitaplo vbv mindu, "Yvvdw goonvpv  
mvngdunv, Pwknyarnv ogugo ripvdw ho lkwnglo googing  
nvtoka."

**2** Ngoogv achiboru vdw, vdwlo ngo nonu gvlo, Pwknyarnv gv  
arwnglo doonv jvjjv nga japji tvbv aarilo, ngo chinvpanv okv kaibv  
puri pota nvbv gaam a mimato. **2** Ngo nonua lkvobv doobam rilo  
ngo kvvbi mvngnamsaknama kayu tvla Jisu Kristo gv daapo lo

sijinam gv lvkwng nga mvngmwngla retoku. 3 Vkvlgabv vdwlo  
ngo nonu gvlo aato kudw ho ngo ator kaama bv okv busula  
rumrumsinsin bv ritoku, 4 okv ngoogy doin tamsar namv nyi tanyi  
mvngkimvnglaknv aingbv gaam mimato, vbvritola Pwknyarnv  
gv Darwknv Dow gv jwkrw lokv mindu mvngbv kaachin dubv  
mintoku. 5 Vbvrikunamv, nonugv mvngjwng ngv nyi tanyi gv  
mvngkimvnglak lo doolwk mabv vbvritola Pwknyarnv gv jwkrw  
lo doolwk yadunv. 6 Vjak ngo ka mvngkimvnglak gv doin a Dow  
lo kamkunv vdwa japidunv. Vbvritola so mvngkimvnglaknam si  
nyiamooku gv mvngkimvnglak nama ho majeka nyiamooku a  
rigvdogvnvv jwkrw ma-hoogv jwkrw ngv atubogv jwkrw nga  
ngemu sudunv. (aiōn g165) 7 Ngoogy japidunv si Pwknyarnv  
gv arwng gv mvngkimvnglak v, si nyia tanyi vdwgv chinku  
manamgo, vbvritola ninyigv nyiamooku a pwklin yarlin madvby  
ngonugv yunglit kunam lvgabv darpv chola vvpv kunam go.  
(aiōn g165) 8 Nyia mooku so gv rigv doogvnn vdwv yvvka so  
mvngkimvnglak sum chima nyatoku. Bunu sum chinv guilo,  
bunu vdwloka yunglitnv Ahtunyi daapo lo takki mapvnvpv. (aiōn  
g165) 9 Vbvrikujeka, Darwknv Kitaplo vby mindu, "Yvv gyka  
kaakw okv tvvkw manamgo, yvv gyka rirungre vla mvngkwka  
maanam go, ho angv hv Pwknyarnv gv ninyia paknv vdwgv  
lvgabv mvpvripv jinamv." 10 Vbvritola Pwknyarnv ngonua  
ninyigv Dow lokv chimpa maanam ma chimuto, Dow ngv  
Pwknyarnv gv arwnglo vvsinam yikungyira mvnwng ngaaka  
makardu. 11 So si ngonu atubogv dow ngonu gylo doonv mwng  
ngonugv lvkwng mvnwngnga chindu; ho apiabv, Pwknyarnv  
gv Dow ngv mvngchik Pwknyarnv gv lvkwng nga chindu.  
12 Ngonu nyiamooku gv dow nga naarwk sima; vmabvy  
ngonu Pwknyarnv gv vngmunam Dow nga naarwk sipvku,

ogulvgavbolo vbolo Pwknyarnv gv ngonua jinam mvnwngnga chimunam lvgabv. **13** Vkvlgabv ngonu nyi gv mvngkimvnglak gv gaam lokv mima dunv, vbkritola Dow gv tamsar kolokv mindunv, dow doonv vdwa ngonu dow gv jyjv nga minbwk jikunam apiabv. **14** Yvvbunudw dow dooma dvnv hv bunu Pwknyarnv gv Dow gv anyu bv jinam a naarwk sinyu madunv. Vkvnv nyi v jvjvbv ho bunuam chima dunv; hvkvnv vdww ninyigv lvgabv anyung kaamanvgobv ridunv, ogulvgavbolo bunugv ridungdodung nga Dow lokv jwngkadaka nyulare. **15** Yvvbunudw Dow doodunv hv bunu ridungdodung mvnwngnga jwngkadaka nyulare, vbkritola yvka ninyia jwngkadaka nyulamare. **16** Darwknv Kitaplo vbv mindu, “Yvvla Ahtu gv mongrumara nga chinv ngv? Yvvla ninyia minsar nyula nvngv? Ngonugv mongrumara ngv Kristo gv mongrumara bv ridu.”

**3** Ngoogv achiboru vdwa ngo nonua Dow doonv nyi vdwa minpiabv minyu mapvnbv; Ngo nonua nyiamooku gv nyi gubv, kristan gv mvngjwnglo vmi aing gubv mintoku. **2** Ngo nonua achu jitoku, atornv achin lokvma, ogulvgavbolo nonu achin dvchin nvgorbv rimato. Okv vjakka nonu achin dvnyu nvbv rima, **3** ogulvgavbolo nonu vjaklodvbv nyiamooku gv nyi gwngpia aingbv gwngdu. Vdwlo nonugv aralo anikarik minsu namgo doorinyi nonu bumi sidu, vbv rimi sinamv nonu nyiamooku gv nyi gwngpia bv gwngdu vla kaalin dubv rima doore? **4** Vdwlo nonugv lokv akonv mindu, “Ngo Paul gylo reminggvdunv,” okv akonv, “Ngo Apollos gylo reminggvdunv”—vbv minamv nonu nyiamooku gv nyi apiabv rima doore? **5** Yvvla Apollos? Okv yvvla Paul? Vla minbolo Apollos ngonyiv Pwknyarnv gv pakbu vmwng nonua Ahtu gylo mvngjwng modubv riduryany, ngonyiv Pwknyarnv gv ridubv jinam a riria mvngdunv: **6** Ngo ali a paklwk dunv, okv

Apollos agar a isi jiria dunv, vbkritola agar a svngdubv mvnv  
angv si Pwknyyarnv. **7** Vbvrinamv paknv vla okv isi jinv ngv ogu  
minse kaama. Pwknyyarnv nyidv mindubv ridu ogulgavbolo nw  
agar a singmu nvngv. **8** Ali paknv ngvla agar ha isi jinv ngv  
angu suma; Pwknyyarnv akin akinha rinam lokv kaala rijo nga  
jire. **9** Ngonu Pwknyyarnv gv lvgabv kudungkua ribam ajin v,  
okv nonuno Pwknyyarnv gv rongo ngv. Nonuno Pwknyyarnv  
gvka naam mv. **10** Pwknyyarnv gv nga amin jinam a rinvndunv,  
ngo naam mvlak mvkunv aingbv mvla okv yargo jitoku, okv  
kvbbinyi gunv hoka naam a mvlwk toku. Vbkritola akin-akin v  
oguaingbv mvdudw hum hima sirung laka. **11** Pwknyyarnv Jisu  
Kristo akin mvngchik a naam a yargonam gubv mvpvkunv, okv  
yvv kvvbi yargonam gudv mvlwk nyuma reku. **12** Megonv nyi  
ngv so lvngtung nga mvrinyi ain lokv vmallo raaji lokv, maatarbv  
arv doonv lvwng lokv mvnv nvre, okv kvgonv singda vv lokv,  
vmallo vvng tapi taji lokv vmallo aam amro lokv mvnv nvre. **13**  
Okv nyidum akin-akin gv alvbv mvnam alvmabv mvnam rinam  
a ho kaalin riku vdwlo Jisu Kristo gv alu v loolin la um kaakw  
rikuni. Ogulgavbolo ho alu lo vmv ngv gulin la mvnwng gv  
mvnam rinam a gukw mola kaare; vmv ngv um gukw kaare  
okv ho gv alv nvnga alv manama kaatam reku. **14** Ogunv  
lvngtung go mvnv rinv la vmv ngv gua koma bolo, mvnv angv  
myjo nga paare. **15** Vbkritola akonvgv mvnam rinam a guyok  
roku bolo, hv um paaya kumare; vbkritola nw vmv lokv kelin  
kunam aingbv nw atubongv ringsu reku. **16** Nonuno jvjbv atu  
hv chirung sudo nonu Pwknyyarnv gv Pwknyyarnvnaam mv  
okv Pwknyyarnv gv Darwnv Dow ngv nonu gvlo doodunv! **17**  
Vkvlgabv yvwdw Pwknyyarnv gv Pwknyyarnvnaam a myyak  
jiku bolo, Pwknyyarnv ninya myyakmvchak reku. Ogulgavbolo

Pwknvyarnv gv Pwknvyarnvnaam mv Darwknv, okv nonu atu hv  
ninyigv Pwknvyarnvnaam mv. **18** Yvvka atua pvchabv mvsu  
mabvka. Nonu gv ara lo yvvdw nyiamooku so gv rinamdknam  
lo nw atuam chinpanv gubv mvngsu dudw, hv atua jvjvbv  
chinpanv gubv mvrungnam lvgabv no atokcho bv pvchayau  
nvgobv mvcho yalaka. (aiōn g165) **19** Oulgavbolo nyiamooku  
so gv chinapanam mv Pwknvyarnv gv kaagjalo pvchayau bv  
ridunv. Darwknv Kitaplo vvb mindu, "Pwknvyarnv chinpanv  
vdwa bunugv nyiba baalaknam lo kupdu"; **20** okv kvbi Darwknv  
Kitaplo mindu, "Ahtu chindu chinpanv vdwgv mvngnam mv  
anyung kaama." **21** Vbvrikunamv, yvvka nyi gv rinyu nama  
mvngla goosu yoka, minjvjbolo ogumvnwng ngv nonu gvngv:  
**22** Paul, Apollos okv Pitar; nyiamooku si, sinam okv turnam,  
vjak okv kokwng-so mvnwng si nonu gvngv, **23** okv nonu Kristo  
gvngv, okv Kristo Pwknvyarnv gvngv.

**4** Nonuno ngonua Kristo gv pakbu gubv mvngrung tvka, ngonua  
Pwknvyarnv gv arwng gv jvJV rungNV vVsi pVnam a kaayataya  
dubv jipvkunv. **2** Pakbu gvlokV akin go dinchiyachok namv,  
hv ninyigv Ahtu a mvngjwng kodubv rirungnamv. **3** Vjak nonu  
nga tanyi adwn amar lokv vmalO jwngkadaka la rijeka ngogvbv  
um oguguka mvngse kaayama. Ngo atubongvka jwngkadaka  
suma dunv. **4** Ngoogv mvngnam mv abwkdo, vbvritola hv  
ngo alvrungpv nvgo vla kaatam dubv rilama. Nga jwngkadaka  
jibuv Ahtu akin mwng. **5** Vkvlgabv nonuno dw ngv aatv  
madvbv, yvnyika jwngkadaka mabvka. Ahtu gv aama dvdvlobv  
ataranya jwngkadaka nama kaya rungla ka; nw nyi vdwgv  
mvngrum ara lo alvmabv mvngnam vdwa okv kanv arwng gv  
vVsi nama lounglo naalin jila chimpakaapa moreku. Vbvrikunamv  
nyichar mvnwngngv hartv paase nga Pwknvyarnv gvlo naarwk

sireku. **6** Ngoogy achiboru vdwa, ngo nonugv lvgabv, ngo atuv ogugo lvkpvdw ho ham chimu dubv mvngla Apollos nyila okv ngo atuv minchisinvla minjidunv vkvlvgavbolo nonu so gv “pvbv gv mingkulo alvbv tvqlarilaka,” vnam si ogu gudw um chindubv. Vbvrikunamv nonuno akonyi hartv gvri, akonyi miya kaaya madubv. **7** Nonua kyybi vdwa kaiyadubv mvnv ngv yvyla? Pwknyarnv nonua ogumvnwgnga jima pvnre? Vbvrikunamv, alvdo, nonuno ogubv um amin jimanam gubv kaibv goola nyudubv? **8** Nonunogv dinchinam ogu mvnwngngv doopv kunvre? Nonuno nyitv ropv kunvre? Nonuno dvbv bv ripv kunv gubvre, ngonu vBV riku majeka? Alvdo, ngo nonu mvnwngnga dvbv bv risego vla mvngdunv, ogulvgavbolo ngonu dvbv bv nonua svngbam kunam lvgabv. **9** Ngoogy mvngnam mv Pwknyarnv ngonu Apostle dvdv nga, nyi vdwa miya kaayala nyi mvnwng gv, nyido gindung vdwgv mooku mvnwng okv nyia nyi vdwgv kaagialo mvki tvnam aingbv ngonua koching yachok kolo jidu. **10** Kristo gv lvgabv ngonuv pvcha rianv; vbvritola nonuv Kristonyi lvkobv rilaku nonu chinpanv vku! Ngonu ala kaakumanv, vbvritola nonuno ator kunvng! Ngonuv miyakaya kunam mv, vbvritola nonuno mvngdv kunam mv! **11** Vjak lodv gubv ngonu achialbv tvngnwng okv kano dvdu; ngonu vji a ainapin dubv koola ridvd; ngonua dvngto; ngonu mooku gunv lokv mooku gunv lobv ngakar dvdu; **12** Ngonu raaibv kudungkua riku lokv yaagam polo dunv. Vdwlo nyi v ngonua beedudw ngonu bunua bokta lwkyi lakyi via dunv, vdwlo ngonua mvdkmfvku tokudw ngonu saktv toku. **13** Vdwlo ngonua nyarjikao pvkudw ngonu bunua alvnb gaam mirwk yatoku. Silu gubv jeka ngonua nyiamooku gv nayanaka aing gubv mvdo; Siching gv darwkmanv gubvku. **14** Ngo nonua hinying modubv lvkma dunv. Ngo nonua

anvabuv kuu vdwa oguaingbv ridur dudw vkv aingbv ngo nonua tamsarkinu yadunv. **15** Kristan singdung lo nonua kaayataya jinv hejar vring lare vbvrijyka nonugv abuv akin mvngdunv, vbvritola ngo nonugv Jisu Kristonyi akin gubv rinam singdung lo Alvnv Yunying nga gylwk jila nonugv abu bv ridu, **16** okv ngo nonua ngo aingbv risego vla mvngdunv. **17** Vkyvgalo ngo Timotinyi nonu gylo vngmu dunv, nw ngoogv kristan singdung lo kuunyilo gubv ridunv. Nw nonua ngoogv Jisu Kristonyi lvkobv rila anw bv singnam nga, okv ngoogv mooku mvnwng gv gvrja dvdvlo japgo jiku nama minpa jire. **18** Nonu megonv goonyadu ngo nonugv hoka lvkodv nonua kaalkbv aaku mari vla. **19** Ahtu mvnggi bolo, ogubvrijeka, ngo nonu gylo baapubv aareku, okv bunugv minku lokvma, ngo atubongv so gv goonv nyi vdwgv jwkrw a kaapa sureku. **20** Ogulvgavbolo Pwknyarnv gv Karv ngv gaam minku lokvma vbvritola jwkrw lokv ngv. **21** Ogolo anga nonu alvyabv mvngpv? Ngo nonu gylo oso ngv svnyak padubv aadu bri ma Dow lokv nyaknyi kochi bv rila aadu bri?

**5** Vjak, jvjbv svbv minyadu nonu gylo nyimv nyilo bv doogvkargv minsula achialvbv rimurdu vla, Pwknyarnvnyi chima nvngvka vbyjvbv rima. Nyi gunv anv hvvchi a lvkobv yupgvdu vla nga minpa nyatoku! **2** Vbvrirkunamv, oguaingbv nonu goonyu dubv? Minjyjvolo nonu mvngru yase ngv, okv vbvrinv nyi anga nonugv lokv naa rungla ka. **3** Okv ngo tanyi amarbv nonua adu koyobv riyu jeka, dow lo ngo vjaklodvbv nonu gylo lvkobv dooming gvdunv; okv vBV ngo nonua lvkobv rinv gujeka, ngo ngonugv Ahtu Jisu gv amin lokv vBV achialvbv alvmabv rinv nyi anga jwngkadaka ropv kunvpv. **4** Nonugv vBV kaarwk sirilo, okv ngo ngoogv dow lo nonua lvkobv kaarwk sidunv, ngonugv Ahtu Jisu Kristo gv jwkrw v ngonua lvkobv doodunv, **5** nonuno vbvrinv nyi

anga ninyigv ayak amar a myyakmvchak kunam lvgabv uyudvbv  
a toji toka, ogulvgavbolo ninyigv dow ngv Ahtu gv jwngkadaka  
dw alu lo ringkunam lvgabv. **6** So si nonunogv kaibv goorung  
mase ngv! Nonu minbwng nama chindu, "Vpap alok achar vka  
vtwng pusum a goorap modunv." **7** Nonuno rimur monv aku vpap  
am naala naa runglaka, oguglvgavbolo nonuno mvnwngngv  
darwk kunam lvgabv. Vbvrikubolo nonuno vpap lvkmanam vtwng  
pusum anw bv rireku, ngo chindu nonuno vbvrinv ngvrung.  
Ngonugv vngbo dvmin pumja ngv ritv duku, vjak Kristo ngonugv  
vngbo dvmin pumja gv svlarkuu nga erin npv kunv. **8** Klai ngonu  
vngbo dvmin pumja nga mani laju, vBVrikunamv, aku vpap rimur  
doonv alvmanv vtwng lokv mani mabvju, vBvritola vpap lvkmanv  
vtwng darwknv okv jvijnv lokv mani gvlaju. **9** Ngoogy nonua  
siti lvktola jinam lo ngo nonua mintoku, gwngmursingmurnv nyi  
vdwa rebamdkbam mabvka vla. **10** Ngo nonua Pwkyarnvnyi  
chimanv nyi vdww gwngmursingmurnv, vmalo dvgumnv, vmalo  
dvchonv, vmalo yvzbunudw vsing vlwng nga kumnjony, bunua  
ribamdkbam mabvka vmato. Vbvrikubolo nonuno nyiamooku  
mvnwngnga kayula vngyu dubv rire. **11** Ngoogy nonua minam  
jvngv nonuno vkvnv nyi vdwa lvkobv ribamdkbam mabvka,  
yvzbunudw Kristonyi mvngjwng nvgo bv minsu gvvre vBvritola  
gwngmursingmur la, vmalo dvgumla, vmalo vsing vlwng nga  
kumlajola, vmalo yalungyachung dula, vmalo tvngkium dvrekla,  
vmalo dvchola rinv vdwa mindunv. Vkvnv nyi vdwa lvkobv  
doobamla dynamtvngnam haka dvbamtvngbam mabvka. **12**  
Minjvzbolo agum nyi vdwa jwngkadaka namv ngoogy rise yama.  
Pwknvyarnv bunua jwngkadaka reku. Vbvritola nonuno atugv  
ribamdkbam minsunv vdwa jwngkadaka madu bri? **13** Darwknv  
Kitaplo mindu, "Nonugv aralo alvmanv nyi nga naa laka."

**6** Nonugv aralo kristan ajin ha yalungyachung dunam go doorinyi, ho Pwknyarnv gv nyi vdwa jwngkadaka moma gvrila, ogulvgabv nonuno mvngrw gvrila Pwknyarnvnyi chimanv nyi vdwa jwngkadaka modunv? **2** Pwknyarnv gv nyi vdww nyiamooku a jwngkadaka reku vla minam ma nonuno chima pvnvre? Alvdo, vbvrikunamv, nonuno nyiamooku a jwngkadaka jinyu kunv, nonuno miang chaknv gungnying achar a jwngkadaka la jajup nyula madunvre? **3** Nyido gindung vdwa ngonu jwngkadaka reku, um nonuno chima nvre? Vbvrikunamv so gv singnam so humka achialvbv kaiyanv go jwngkadaka ladunv! **4** Vkvnv gungnying go linri kunyi, nonuno gvrja lo rema doomanv nyi vdwa minjup mingap modubv vnggv tvdu nvre? **5** Vbvrinam si nonugv hinyingnam go! Nonugv ara lo kristan ajin gv yalungyachung dumi sinam a minjup mingap jinv chinpanv nyi ako doorung pvnvp. **6** Vmabvyा kristan akonv akonyi riningla kvbanaam lo vngla mvngjwngmanv nyi vdwa gungnying nga jwngkadaka moyadu! **7** Nonugv ara lo yalungyachung dula gungnying lvkmisinam hum kaarinyi nonu mvnwngngv ngooropvku nvgo vla kaapadu. Nonugv lvgabv rimurla rinam yangv alvyama lare? Nonugv lvgabv dvrit papila rimunamv alv yama lare? **8** Vmabvyा nonu atuv akin-akinny rimur minsu nyadu okv achiboru bv ritolaka dvrit papi minsu nyadu! **9** Alvmanv vdww Pwknyarnv gv Karv nga kaapa mare vla nonuno chirungdo. Nonu atuv pvchabv mvsu mabvka; yvvdw gwngmursingmur dunv, vmalo yvvdw vsing vlwng nga kumdujodunv vmalo nyimv rimurnv vmalo nyilo ngv nyilo anying nga—nyimv ngv nyimv anying nga doogvkargv minsunv vdww **10** vmalo yvvdw dvchony vmalo dgumnv vmalo tvngkium dvvaknv vmalo yvvdw kvvbi ha yalungyachung dunv vmalo runvmvvny—si mvnwng si Pwknyarnv gv Karv nga kaapa mare.

**11** Nonugv pingko loka vbv rinyadu. Vbvrilola nonua rimur loka kakpung pkunv; nonua Pwknvyarnv gvlo tolwktoak ropvkunv; Nonua Jisu Kristo okv Darwknv Dow lokv Pwknvyarnv gvlo tarwkbak mopykunv. **12** Ako nvgonv minre, "Ngo ogumvnwng nga rila dunv." Am riladu; vbvrilola no gvbv ogumvnwng ngv alvdunv vnam kaama. Ngo minlado ngo ogumvnwng nga rila dunv, vbvrilola ngo ogumvnwng gv nyirabv mvku mare. **13** Ako nvgonv minre, "Dvnam si leit lvgabv, okv leit si dvnam gv lvgabv." Am; vbvrilola Pwknvyarnv anyia nyedubv mvre. Ayak si yooriak karnam gv lvgabvma, vbvrilola Ahtunyi rijivngjinam lvgabv; okv Ahtu ayak amar lvgabv dinchi nama jire. **14** Pwknvyarnv Ahtunyi sinam loka turkur mokunv, okv ninyigv jwksw lokv ngonu haka turkur moreku. **15** Nonuno chindu nonugv ayak v Kristo gv ayak tungbv ridu. Ngo Kristo gv ayak tunggonyi naalaila um yooriak karnv gv ayak ako bv mvredw? Vbvrila mare! **16** Okv nonuno chimaka pvnvpv yvnyi hv yooriak karnv anga riming gvdunv hv ayak loka ninyia akin gubv ridu kunv? Darwknv Kitaplo minbwk jidu, "Anyi hv adwn dinkin gubv rireku." **17** Vbvrilola yvvdw Ahtu gvlo reminggvdunv hv dow lo ninyia akin gubv ridu kunv. **18** Gwngmursingmur mabvka. Dvbv rimur hv ayak amar a ogugo ridurigam madunv; vbvrilola yvvdw yoomur dunv hv ninyigv ayak amar a rimur morkin dunv. **19** Nonugv ayak amar hv Darwknv Dow gv pwknvyarnvnaam v vla nonuno chima lare, hv nonu gvlo doodunv, okv um nonua Pwknvyarnv jipv nvlaka? Nonuno nonu atu gvngvma vbvrilola Pwknvyarnv gvngvku; **20** nw nonua arv jila rvvpv kunvla. Vkvlgabv nonugv ayak a Pwknvyarnvnyi harty nvlaka.

**7** Vjak, siti lvknam lvkwnglo nonugv tvu nama ngo mirwk reku, nyi akin gunv nyimv naama namv alvyanv. **2** Nyilo dvdv ngv

atubogv nywng doosu laka, nyimv dvdv ngv atubogv nyilu doosu laka, ogulvgavbolo hoka yoomuryoche ngv achialv duku. 3 Nyi ngv nyilu gubvrila nywng gv mvngnam a richi jirung laka, okv nyimv ngv nywng gubvrila nyilu gv mvngnam a richi jirung laka okv anyi hv akinakin gv dinchi nama hinchi sakchi minsu laka. 4 Nywng gv ayak si nyilu gvngv okv nyilu gv ayak si nywng gvngv, bunyi atu-atu gvngv sima. 5 Kumnamjonam lo relwkriak dubv milv minsunam go dooma dvdvlo, anyi hv maakv vmi suma bvka; vbvritola nywngnyilu gv pakmi sunama doobwng modubv ritolaka; vbvrla rinam lokv nonugv saktv nyumanam gv aolo Uyu hvka nonua pokayarka madubv. 6 Ngo nonua rirunglaka vla kaanam madunv, vbvritola svbv rila dunv vla minji yanam go. 7 Ngo mvngnam jvngv nonu mvnwngngv ngo aingbv sego vla mvngdunv; vbvritola akinakin ha Pwknyarnv akuaku subv jinyubv amin jinam a jipy, akonyi amin svkvnygo okv kvbi gunyi amin vkvnvgo. 8 Vjak ngo nyimv nyilo naatv madvnb vdwgv okv hvngmi vdwgv lvgabv mindunv, nonuno vbvdvdvbv nywngnyilu naama bv ngo aingbv bv akinbv relabolo alvrungdo. 9 Vbvritola nonuno nywng nyilubv rinwng nam mvngjimvngro nga saktv lama segolo, vngchola nywng naalaka—rinwng ngv vmvbv gula doomam svnga nywngnyilu naanam si alvyado. 10 Nywng naaro kunv vdwa ngo gamki la minsegoo doodoo, hv ngo atuv mvngla minam lokvma vbvritola Ahtu gv lokv: nywng ngv ninyigv nyilu nga topak rungyoka; 11 vbvritola nw vbvrikubolo, nw akin bv doorung laka, vvbv malo ninyigv nyilu nga lvkobv doorung lakuka; okv nyilu ngv ninyigv nywng nga topak rungyoka. 12 Okv dkvvbi vdwa ngo mindunv (Ngo atuv mindunv, Ahtu gv minam mangv): kristan nyi gunv mvngjwng manv nyimv go nywng mvdu bolo okv hv ninyia lvkobv doobwng mingv doby mvngrung dubolo,

nw ho nywng nga topak rungyoka. **13** Okv kristan nyimv gunv mvngjwng manv nyiga go nyilubv mvdu bolo okv nyilu ang ninyia lvkobv doobwng mingv dubv mvngrung dubolo, nyimv ngv nyilu anga topak rungyoka. **14** Mvngjwng manv nyilu hv, ninyigv nywng nga lvkobv dooming gvnam lokv, nw Pwknyarnv gylo kaalwk kunam gubv ridu kunv, okv mvngjwng manv nywng ngv, ninyigv kristan nyilua lvkobv dooming gvnam lokv, nw Pwknyarnv gv kaalwk kunam gubv ridu kunv. Okv vbvrimabolo, bunugv kuu vdwv Pwknyarnvni chimanv kuu aingbv bv rireku; vbvritola minam vbvrikubolo, bunu Pwknyarnv gylo kaalwk kunam gubv ridu kunv. **15** Rigvila, mvngjwng manv akonv ninyigv kristan nyilu ajin a topak dukubv mvngrung dukubolo, um vBV rimu laka. Vkvnv gungnying lo kristan ajin v nywng dvlo nyilu dvlo tumipakmi sinam a rila dunv. Pwknyarnv nonua goknam mv sarsopoyo bv doomu dubv vla gokpvnv. **16** Kristan nywng no, nyilua ringlabala mare vla oguaingbv minladubv? Vmalo kristan nyilu no, nywng nga ringlabala mare vla no oguaingbv minladubv? **17** Gvrja mvnwnglo ngo nyi vdwa Ahtu gv gokla kula amin jikunam gubv okv vdwlo Pwknyarnv nonua ninyia atu gv nyi bv goknam gubvrla doolaky vla mindunv. Okv ho akin nam vjak ngo nonua gvrja mvnwnglo tamsardunv. **18** Vdwlo ayakmvunam nyi gunv Pwknyarnv gv goknam a torwk sikubolo, hv nyi hv ayakmuu nama mva dubv vla rikw yoka; okv vdwlo ayakmuu manam nyi gunv Pwknyarnv gv goknam a torwk sikubolo, hv vdwloka ayakmuu dubv vla riyoka. **19** Nyi a ayakmuu nam muu manam lokv ogu anyung kaama. Anyung jvngv Pwknyarnv gv gamki nama tvvnam rinam angv si. **20** Nonuno akin-akin v Pwknyarnv nonua vdwlo gokpv kudw, vBV goknam gubv rinam doonam a rerung doorung laka. **21**

Pwknvyarnv nam nyira gubv rimu tvvla gokpv boloka um no dwkma bvka. Vbvrilola no ajarabi bv ridubv agi paapv bolo um rinv nvtoka. **22** Nyira nga Ahtu gv gokku namv hv Ahtu gv ajarabi kunv nyi ngvku; hvkv aingbv ajarabi kunv nyi a Kristo gv goknam mv hv ninigv nyira ngvku. **23** Pwknvyarnv nonua arv jila rvvpv kunv; vklvlgabv nyi tanyi gv nyirabv riku yoka. **24** Nonu mvnwng lokv akin-akin v Pwknvyarnv nonua oguaingbv rimu gvrila gokpvdw vbv Pwknvyarnv gvlo doobwng tvlaka. **25** Vjak nonu nyimvnyilo naama dwnv vdwgv lvgabv ogugo lvkpv kudw: ngo Ahtu gvlo gamki namgo paala miyama, vblrilola ngoogv mvngnam a minjidunv si Ahtu gv aya kolo mvngtin dubv ridu. **26** Vjakgv hirukaya hinam sum mvngrinyi, ngoogv mvngnam mv nyi si vjakgv rinamdknam apiabv nywngnyilu kaama bv renya daknya bolo alvyari vla mvngdu. **27** No nywng go doodu nvre? Vbvrilolamv no ninia adu minsu dubv rikw yoka. No nywng naama dwnvre? Vbvrilolamv nywng makar kwyoka. **28** Vbvrilola no nywng naanam gubv rijeka, hv rimurma; okv nyilu naama dwnv nyimv ngv nyilu go naaku jeka hv rimurma. Vmabvya nywngnyilu domi sinv gv mvngdwk mvngku svnga haajup yamudubv vla. **29** Ngoogv achiboru vdwa, ngoogv nonua mindubv mvngnam jvngv si; dw gv kaakuma; okv vklvlgabv vjak gylokv nywngnyilu doonv vdwv nonu nywngnyilu doomanv aingbv mvngsula reto kulaka. **30** Yvv bunu kapdu ridudw mvngdwk mvngku manv aingbv ritolaka. Yvv bunu yikungyira rvdudw hv bunu yikungyira vdwam atu jegv yikungyirama aingbv rito laka. **31** Yvv bunu nyiamooku gv yikungyira nga bvngdudw, hv bunu yikungyira lo mvngngak sila riyoka. Oguvavbolo vjakgv nyiamooku gv regvdakgv gvdunam si, baapubv netv tvduku. **32**

Nonua ngo mvngdwk sakdwk mabv rese dakse go vla mvngdunv. Nywngnyilu kaamanv nyi ngv ridung ripa rinamma Ahtunyi mvngla redu, ogulvgavbolo ninyigv rinammv Ahtu gv mvnglwk kaalwk bv rinvpv vla mvngdu. **33** Vbvrítola nywng dookunv nyi ngv nyiamooku gv yikungyira lo mvngkila redunv, ogulvgavbolo nw ninyigv nywng gv mvnglwk kaalwk bv ridubv mvngdu; **34** okv vklvgabv ninyia baanyi gubv pudunv. Nyilu doomanv nyimv ngv vmalo nyijar nyamjar v Ahtu gv ridung ripa lo tolwk sula redunv, ogulvgavbolo ninyi ayak bvla okv dow bv tolwklaklwk sula redu dakdubv mvngdu; vblrítola nyilu dookunv nywng ngv nyiamooku gv yikungyira nga mvngkila redunv, ogulvgavbolo nw ninyigv nyilu gv mvnglwk kaalwk bv redu dakdu bv mvngdu. **35** Ngo sum mindu ogulvgavbolo ngo nonua ridur nvpv vla mvngdu. Ngo nonu gvlo mintor dubv vla rikw madunv. Vmabvya, ngo nonua Ahtu gv kudungkua lo mvngkor kunam go kaamabv mvnwngnga tolwkoak sula jvjbv okv alv nvnga rila doolakv vla mvngdunv. **36** Nywng nyilubv mingak minsu kunam angv, naami sikumare vla minkunam lokv: Nyilo ngv nyimv gv kaagialo alvbv rilak vnglak kumabv, okv nw gv ninyia mvngbiu v maatar laku okv anyi hv lvkobv dooba suku bolo alvpv vnamgo dooku bolo, nw gv mvngbiu nam lokv, naami sula duku, vbv naami suku lokv ogu rimur kaama. **37** Vbvrítola yaapa ngv nyijar a nywngbv naarung mare vla mvngnam go kaaku bolo, yvvka ninyia hum ritokv vla minyu lamare, okv ninyigv haapok lo ogubv rila dudw mvngbwk chola mvngtum sula, vbv nyijar a naama namv hv alvrungbv mvngdi kunam mv. **38** Vklvgabv nyi hv yvv nyimv naadunv alvbv rido, vblrítola yvvdw nyimv naama dunv, hv alvyadabv ridu. **39** Nyilu dookunv nyimv nyilu hv vdwgo dooridw vkvgo ajarabi kumadunv; vblrítola ninyigv nyilu ngv sikubolo, vblríkunamv nw

ajarabi laku nw gv mvngkulo nyilu naala dukunv, vbvritola hv nyilu v kristan gubv ripv lage. **40** Vbvrinammv ngoogv mvngnam mv, nyijar angv nw gv reching bv renya bolo alvyare vla mvngdu. Rinam gvbv si ngoogv mvngnam go, okv ngooka Pwknvyarnv gv Dow nga paadunv vla mvngsudunv.

**8** Vjak, nonugv lvkgapnam murti lo dvnam lvknam gv lvkwng nga minrinyi. So si jvjbv rungdo, vdubv rido, hv “Ngonu mvnwngngv chinapanam doosudu,” bunu vBV minsudo. Vkvnv chinapanam mv nyi a goosu dubv mvngsu modu; vbvritola paknam rinam si aluyaungbv singmu dunv. **2** Yvvnyi hv atubongv chinv gubv mvngsudunv, hv jvjbv ninyigv chinse yanga chima dunv. **3** Vbvratola yvvnyi hv Pwknvyarnvni pakdu ridunv, hum Pwknvyarnv ninyia chindunv. **4** Vkvlgabv so si murti lo lvknam adwn a dvnam lvkwng nga ngoogv minamv: Ngonu chindu murti si nyiamooku so jvjbv minbolo oguka manv, okv ngonu chindu Pwknvyarnv akin gumwng pvnv. **5** Nyidomooku lola okv Sichingmooku so pwknvyarnv gubv okv Ahtu gubv minsunv awgo doonyado, vbvratola hv bunu jvjbv pwknvyarnv okv Ahtu bv rirung manv ngv. **6** Ngonu gvBV Pwknvyarnv akin mvngpvnv- ngonugv Abu. Ogu mvnwngngv ninyi gylokv aapvnn, okv ngonu ninyi gvBV svngdunv. Okv Ahtu hv akin gumwng pvnv-Jisu Kristo. Ogu mvnwngngv ninyi gylokv mvpvkunv, okv ngonua ka ninyi gylokv mvpvkunv. **7** Vbvratola so gv jvjbv sung mvnwngngv chima dunv. Megonv nyi hv morti lo kumngo kunam lvgabv uyugua nvnv adwn nam dvdung dvla vjaklodvbv si morti lo adwn jirung namv vla chinsudo; bunugv mvngnamsaknam mv kamyo madu, bunu vBV mvngdu bunu dvnam lokv dvchidvu sidunv vla. **8** Dvnam dvku lokv okv dvma kolokv ngonua Pwknvyarnv gvlo nvchi gvma dunv; ngonugv dvma kolokv ngonu gvlo oguka

ngemare, vmaloka dvku lokvka ngonu ogugo paabin yanam go dootvma. 9 Himasuto laka, nonugv vBV ogu mvngma sakmabv rikulokv, mvngjwng ngv kamyo manv vdwa rimurlo hoolu mojila. 10 Mvngjwng ngv kamyo manv nyi gunv, no gv chinggv rila morti kumkunaamlo dvmin tvngmin gynamma kaabolo, hv ninyika morti kumkunaamlo kumlwknam adwn nam dvdubv risar minsarnam gubv rima redw? 11 Vkvlgabv no gv chinla riku achuk gulo Jisu Kristo gv siji kunam no gv boru mvngjwng ngv kamyo manv vdwa ngoomu nam gubv rire. 12 No gv vBV Kristan ajin mvngjwng ngv kamyo manv vdwa rimur morgvla bunugv mvngnamsaknam lo ungv gvmunamv, hv no Kristonyi rimur murkin namvla. 13 Vkvlgabv ngo ogugo dvdu tvngdudw hv ngoogy achiboru vdwa rimur modu bolo, bunua rimur momanam lvgabv ngo hum vdwloka dvku tvngku mare. (aiōn g165)

**9** Ngo ajarabinv nyi mangvi? Ngo Apostol akobv rimanvngvri? Ngo ngonugv Ahtu Jisu Kristonyi kaarwk simanvri? Okv nonuno ngoogv Ahtu gv kudungkua nga rinam lokv linnv mangvri. 2 Kvbi hv nga Apostol gubv torwk sima jeka, jvjbv nonu nga torwk sirungre! ogulvgavbolo nonugv Ahtu Jisuni akin gubv riku lokv nga Apostol gubv kaachin duku. 3 Vdwlo nyi vdwv nga jwngkadaka rinyi, ngo svbv bunua mirwk sidunv: 4 Ngoogv kudungkua lvgabv ngo dvnamtvngnam dyla tvngla mase guri? 5 Ngo ka kvbi Apostol okv Ahtu gv boru vdwgv okv Pitar bunugv rinam apiabv riming gvla kristan nywng vnggvla ngoogv moing vngkulo vnggv lama dunvre? 6 Barnabas la ngo mvngre turnam lvgabv kudungkua rimwng jinv ngv? 7 Ogu sipai vdwvla armi lo atuv ainmorko ngoosula rinvdaknv ngv? Ogu rongonampo rinv nyi ngvla atubogv nayam gv anggor a dvma nvngv? Ogu svlar kaaya nvngvla atubogv svlar gv achua naakumla tvngma

nvngv? 8 Ngo sum nyi tanyi amarbv mima dunv, ogulvgavbolo Pvbv ngvka vBV akinbv mindu. 9 Ngonu sum Moses gv PvBV lo puridu, "Vdwlo no svv hvpu ha aam swkmu rinyi gaam a putum mabvka." Vjak, si Pwknyarnv svv hvpu ha mvngla minam vre? 10 Vdwlo nw sum minpvkudw jvjbv nw ngonugv lvgabv mima dunvre? Rinam gvBV sum gaam vdw sum ngonugv lvgabv lvkto. Svv hvpu ha haal ngurmuvn nyi hv, okv, aam nvvchingnv nyi hv, atugv gvse go alvnv apw asi lokv paadu kubv vla ridunv. 11 Ngonu nonugv pingkolo dow gv ali a paklwk toku. Vbvrikunamv nonugv lokv ngonu yikungyira achukgo boksi paadubv naanam mv hv nonugv lvgabv kaiyaje duku lari? 12 Kvvbi hvka nonugv lokv sum paadubv mvngla ririnyi, ngonuv kaiyabv paadubv mvnglamaji nvre? Vbvrilola sum rilagvnv nanv sum ngonu rima toku. Vmabvya Kristo gv AlvNv Yunying lamtv nga ritum mintam maanam lvgabv mvnwngnga himwng yapvkunv. 13 Nonuno jvjbv chirung dvnvpv Pwknyarnvnaam lo kudungkua rinv nyi hv Pwknyarnvnaam lokv dvnam a paadunv okv yvvdw erinpeelwk kulo erinpeelwk la rinv nyi hv hoka atugv baag go paadunv. 14 Ho apiabv Ahtu gamki toku yvvdw Gamlv nga jiplina ridunv, hv jakulo atugv turgvnvnv nga paarung dukunv. 15 Vbvrilola ngo so gv rilanam sum rinv nvla rima, vbvmajeka ngo atubogv lvgabv vjak so rilanam sum gakla paadubv mvngla lvkma. Yvvka ngoogy goola rilanam sum minkv miyvla miya nyulamare, vbvrinam go kaabolo, ngo sicho jiladunv! 16 Ngo gamlv nga minjidu vla goosu lama. Ogulvgavbolo ngam mingo jinv gubv gamki toku. Okv ngo gamlv nga mingo jima bolo vdwgo hirukaya hire! 17 Ngo ridung nga ngo atubogv mvngnamby ripv bolo, vbvrrikunamv ngo rijo nga paadubv dvmin dvnvpv; vbvrilola ngo sum rirungjinv gubv ridunv, ogulvgavbolo Pwknyarnv ngam so ridung sum rirungto

vla rimudunv. **18** Vbvrikunamv, ngo ogunv rijo go paadubv? So si Alnv Yunying nga minjo kaama bv anyu bv mingo jidubv alnv dw gorung, Gamlv lvgabv ngoogv kudungkua rinam ha rijo gakdubv rima. **19** Ngo ajarabinv nyi hv, yvv gvka pakbu ma; vbvritola vdwgo rila redw nyi a Jisu Kristo gylo aagv jinam lvgabv ngo atu hv nyi mvnwng gv pakbu gubv mvsudunv. **20** Ngo vdwlo Jius nyi vdwa lvkobv kudungkua ritokudw, ngo bunua Jisu gylo aagv jinam lvgabv ngo Jius jvbw rimwng gvtoku; okv ngo atu hv Moses gv Pvby lo rinv nyi bv rima jeka, vdwlo ngo bunugv rekulo retokudw ngo Pvby lo doonv nyi vring bv rimwng gvtoku oglulgavbolo bunua Jisu Kristo gylo naalwk kunam lvgabv. **21** Ho apiabv, vdwlo Jentail nyi vdwa ridung ripa rila lvkobv rebam doobam rinyi, ngo Jentail nyi jvbw ridunv, Jius vdwgv Pvby agumlo rila, vbvrinam si Jentail nyi vdwa Kristo gylo naalwk dubv vla ridunv. Svbvrinam si ngo Pwknyarnv gv Pvby nga tvvmabv ridunv vnam kaama; ngo jyjvbv Jisu gv Pvby arwnglo doodunv. **22** Mvngjwng ngv miangnv vdwgv apumlo ngooka mvngjwng miangnv akobv bunua rimwng gvdunv, vbvrinamv bunua Jisu gylo aamu dubv vla ridunv. Vkvlgabv ngo bunua ogubv rijeka, Jisu Kristo gylo Ringnambaanam paamunam lvgabv, ngo nvgwngnv nyi lo nvgwngbv riming gvdunv. **23** So mvnwng sum ngo gamlv gv lvgabv ridunv, so gv bokta lwkji nama mvnwnglo paasik mosu mvngla. **24** Nonuno jyjvbv chirungdo, riokw minsu kolo nyi hv awgo riodu, vbvritola bunugv lokv akin gonv mwng amina paadunv. Vkvlgabv amin paarungnam lvgabv riokw sitoka. **25** Riminria rikw sinv mvnwngngv risar sikulo maatarby dinchinv pbv lo redo, vbvrinam hv bunu doobwng majinv amina paanpv vla rido, vbvritola ngonugv rigv doonam si doobwng jinv amina paadubv vla ridunv. **26** Vkvlgabv ngo

juukw sikulo joknyung jiku bwkrw pvnamma kaala dinda kvlabv  
jokdunv; ngo lakpwng nwknv vdwgv nwknga nwkjanv aingbv  
nwkma dunv. **27** Kvvbi ha lakpwng ngv nwkmi sikulo ngo yaaku  
manam lvgabv ngo ngoogv aw nga gwlwk alvbv ridula hingga  
sula ridunv.

**10** Ngoogv Kristan ajin vdwa, ngo nonuam ngorugv abuapa  
Mosesnyi reming gvnv vdwa ogubv ripv kudw um mvngpa  
modubv mvngdunv. Bunu mvnwngngv mokpu haapam gv  
kiampwk lo turbudalv koto, okv mvnwngngv Lvngchingnv Svmasa  
nga alvbv raplin nyatoku. **2** Haapam lo okv svmasa lo bunu  
mvnwngngv Mosesnyi reming gvnvgubv baptismnaanya toku.  
**3** Mvnwngngv yalu gv dvnam akin a dvnya toku **4** okv yalu gv  
tvngnam akin a tvngnya toku. Bunu bunuam vngming gvkunv  
yalu gv lvngrak lokv tvngnam a tvngnya toku; okv hv lvngrak hv  
Kristo atubongv. **5** Vbvrikujeka Pwknyarnv bunua kaiyanv gonyi  
mvnglwk kaalwk matoku, okv vkvklvgabv bunu chukrimooku  
lo svma ngv tolo blo bv rinya toku. **6** So gv ogu mvnwng  
si ngorua bunugv rinam apiabv alvmanv mvngnamsaknam  
a mvngbiu mabvka vla ridunv. **7** Bunugv rinam apiabv, morti  
vdwaka kumku madubv. Darwknv Kitaplo mindu, "Nyi vdww  
dvbam tvngbam nam lvgabv dootungnv vdww alvmanv poonung  
naasi rinya laku tvngla yoola rimi sinya tuku." **8** Nyi megonv  
vdwgv rinam apiabv-ngonu yoomuryoche go rirung masego,  
vbvrikunamv alu lookin gulo nyi hejar chamnyi gula aom go  
sinya toku. **9** Ngonu Ahtunyi rikw ripak go rikw masego, ho  
nyi mego bunu vdwgv rinam apiabv—okv bunua tabw vdww  
gamki nyatoku. **10** Ngonu mingkur masego, bunu megonv vdwgv  
rinam apiabv—okv bunua mvkinv nyidogindung vdww mvki la  
mva toku. **11** So ogumvnwng si bunu gvlo ripvkunv kvvbi vdwa

kaachin rimu dubv, okv ngonua gamrwnam gubv ho gv rinam  
dvdv nga lvkp vpkunv. Ogulvgavbolo ngonu ataranya alu gv  
aadw lo reduku. (aiōn g165) **12** Yvvbunudw alvbv redu dakdunv  
mvngnv vdww hv bunu gilu manam lvgabv hima sila rinam  
daknam mv alvyare. **13** No gv pokayarka hingkw gdunam  
mvnwngngv nyi vdwylo ka aadunv. Vbvitola Pwknyarnv  
ninyigv milv nama ridunv, okv nw nonua dakrwk sila manam  
pokayarka go aamumare; vdwlo nonua pokayarka bolo, nw  
Nonua um saktv gvnvnv gwlwk ka jidunv okv linggv nvny, okv  
kering siku lamtv ngaaka jidunv. **14** Vkvlgabv ngoogv pakmi  
sinam ajin vdwa morti kumnamjonam lokv adu silaka. **15** Ngo  
chinpanv nyi vdwa japnam apiabv nonua jadunv; ngo ogu  
gunyi mindudw, um nonu atuv jwngkadaka silaka. **16** Ngonu  
Ahtu gv dvtardvnya bv dvnam dvgv nama dvrinyi koobu tvngnv  
nvnga okv ngonugv Pwknyarnvnyi umbonyikv vgv nvna: vdwlo  
ngonu um tvngnv rikunyi, ngonu Kristo gv oyi a tvngbam dukunv.  
Okv ngonugv vtwng pingtung piung namv: vdwlo ngonu um  
dvrikunyi, ngonu Kristo gv ayak a dvbam namv. **17** Ogulvgavbolo  
hoka vtwng takin go, ngonu mvnwngngv, achialv nvgobv rijeka,  
ngonu ayak akin v, ogulvgavbolo ngonu mvnwngngv vtwng takin  
a dvbamnv. **18** Israel gv nyi vdwa mvngkw tvka, yvvbunudw  
yugwnglo erin peejinama dvnv vdww lvkobv Pwknyarnv gv  
kudungkua nga ribam vngbam nyato. **19** Ngoogv mindunv v  
morti lo dvnamtvngnam kumlwk joolwk jinamv alv nvngvri hv  
jyjvby anyung doonv guri? **20** Ma! ngoogv minam angv si hum  
mindunv, Pwknyarnvnyi chimany nyi vdwgv yugwnglo ogugo  
erin rinji pvdw hv uyuoram ma rinji dunv Pwknyarnv nyima.  
Okv ngo nonua uyuoram vdwa lvkobv ajin sego vla mvngma  
dunv. **21** No Ahtugv koobu lo tvngvda okv uyuoram vdwgv

koobu loka tvngnvda vBV anyia tvngnv nyumare; no Ahtugv  
tvbul lola okv uyuvram vdwgv tvbul lo anyi lo dvdubv rinyu  
mare. 22 Ngonu Ahtunyi kavtarv modubvre? Ngonu ninyia  
kaiyapv nvre? 23 "Ngonu ogumvnwng nga rila dunv," vla bunu  
mindu. Hv jyjv ngvrung, vbvritola ogumvnwng ngv alyyaung  
dunv vnam kaama. "Ngonu ogugmvnwng nga rila dunv" vbvritola  
ogumvnwng ngv ridurnam gubv rima dunv. 24 Nonugv lokv  
yvka atubogv dinchikochi namlo kaayoka, vbvritola kvvbi vdwgv  
dinchikochi nam lokv kaaji yalaka. 25 Adwn bajar lo adwn  
pyoknam a no rvvla dvla dunv, ogulvgavbolo no gv mongrumara  
lo tvukapak namgo kamabv mvnglwk sinam gv lokv. 26 Darwknv  
Kitaplo mindu, "Sichingmooku si okv so ogumvnwng ngv Ahtu  
gvngv." 27 Mvngjwngmanv nyi gunv nam dvnam dvgv dubv tamla  
okv no um vkv vla torwk sipv kubolo, ogugo no kaagialo gaklin  
jipvdw mvngrum ara lo ogu tvukapaknam go kaamabv dvtoka.  
28 Vbvritola nyi gunv nam "Si dvnam si morti lo tolwkjinam mv"  
vla minpa kubolo, vbvrikunamv nyi angv gv lvgabvla okv hvkvgv  
mongrumara lvgabv, no ho dvnam a dvkumabvka— 29 ho hv  
no atubogv mongrumara lokvma, vbvritola kvvbi gv mvngrum  
ara gv lokv. "Alvdo, vbvrikunamv," nyi gunv tvudo, "Ogulvgabv  
kvbi nyi gv mongrumara lokv ngoogv ajarabi rise minse nga  
mvrumritum riadubv? 30 Ngo Pwkyarnvnyi ngoogv dvnam lvgabv  
umbonyikv vbolo, ogulvgabv akin gonv ngoogv umbonyikv vnam  
ha dvnam lvgabv minsarminyar riadubv?" 31 Alvdo, nonuno  
ogugo ridudw, nonu dvdudw vmalo tvngdudw, um mvnwngnga  
Pwknvyarnvnyi yunglit monam lvgabv rilaka. 32 Singnamrinam lo  
Jius vdwa vmalo Jentail vdwa vmalo Pwknvyarnv gv Gvra vdwa  
ogu adwkaku momabv svngla rilaka. 33 Ngoogv rinam apiabv  
ritoka, ngo ngoogv rinam mvnwnglo ngo rikw dunv mvnwngnga

alvmonam lvgabv, ngo atubogv alvnam lvgabv mvngma dunv,  
vbvritola mvnwng gv alvnam lvgabvya, ogulvgavbolo bunua  
ringnam a paamudubv vla.

**11** Ngam riming gvtoka, ngoogv Kristonyi riming gvnams apiabv.  
2 Ngo nonua harty dunv ogulvgavbolo nonuno nga mvngpala  
okv ngoogv nonua tamsarla laklwk jilu nama tvvla riming gvnams  
lvgabv. 3 Vbvrinamv ngo nonua Kristonyi tanyi a kaiyanvngv vla  
chimuso mvngdu, nyilu si ninyigv nywng yanga kaiyanvngv, okv  
Pwknvyarnv Kristonyi kaiyanvngv. 4 Vkvlgabv nyilo ngv yvvdw  
kumrinyi vmalu nyi vdwgv kumkujoku lo Pwknvyarnv gv gamchar  
a japgo jirinyi dumpo nga mvtum sinam si Kristonyi rinyingriru  
dunv. 5 Okv nyimv ngv yvvdw nyi vdwgv kumkujoku lo kumla  
okv Pwknvyarnv gv doin a japgo jila ririlo dumpo nga mvtum  
sinam go kaama bolo hv ninyigv nyilua rinyingriru dunv; vbvrinv  
nyimv ngvla okv nyimv yvvgv dumpo dwmw nga mwa sidunv hv  
ka akusunam kaama akinnv. 6 Nyimv ngv ninyigv dumpo nga  
mvtum sima dubolo, nw ninyigv dwmw nga mwa sirung namv  
alvy. Vbvrinamv nyimv ngv ninyigv dumpo nga mwa sunam mv  
vmalo dwmw nga mwa sunam mv hinying nvgobv ridu nvlo, hv  
ninyigv dumpo nga mvtum sirung tvka. 7 Nyilo si dumpo nga  
mvtum sikorgo kaama, ogulvgavbolo nw Pwknvyarnv gv atubogv  
kainvgobv okv kaaring sudubv mvnamv. Vbvrinamv nyimv si nyilo  
nga kai modubv kaapa monv ngv. 8 Nyilo sum nyimv lokv pwklin  
ma, vbvrinamv nyimv yangv si nyilo gv lokv. 9 Nyimv gv lvgabv  
nyilo sum pwkma, vbvrinamv nyimv sum nyilo gv lvgabv pwkpvnv.  
10 Vbvrinamv, nyido gindung vdwgv lkwnglo nyimv ngv nyilu  
gv tolwk kunamgv arwnglo doodunv vla kaatamtatam bv dumpo  
nga mvtum sirung laka. 11 Ahtu gvlo ngonugv svngbam ribamnv  
hv ngonu singdung ngv, nyimv kaamabv nyilo ngv doolama, nyilo

kaama bv nyimv ngv doolama. **12** Nyimv si nyilo gv lokv mvpvnv, hvkv aingbv nyilo sum nyimv gv lokv bvnglin pvnv; okv svkvnn sum ogumvnwng nga Pwknyarnv gv mvlwk namv. **13** Nonuno atubongv jwngkadaka sitoka, nyimv ngv nyi vdwgv kumkujoku lo dumpo nga mvtum simabv kumla rinam si riin nvgodw. **14** Ogulvgabv, Pwklinyarin kunam vdwv nonua tamsardo nyilo ngv dwmw asu dubv gvnamsi atuv nyarjikau kodubv mvsudunv, **15** vbvrinammv nyimv gvbv gvnamsi kaapu gvnamsi. Nw gv dwmw asu dubv gvnamsi Pwknyarnv gv ninyia dumpo nga mvtum sinambv hoolup modubv jinamv. **16** Vbvrilola akonv gunv so lvkwngbv larmi sidubv mvngdubolo, mvnwngnga ngoogy minse ngv si ngonu vmal Pwknyarnv gv Gvrja ngvka kumnamjonam lo kvvbi ribvkunam risego kaama. **17** Kampwk gv minggap rigapnam vdw blo, ngo nonua harty madunv, ogulvgavbolo nonunogv kumdujodubv vngkum vngpala kaarwk minsu namv jvjbv minbolo alvnama alvmanam v kaiyaya gvduku. **18** Atuake lo, ngam minjito nonugv kaarwk minsu rilo ho minam tvvmi simanv nyitwng go doodu vla; okv so ngo mvngjwng namv tunggonv jvjdru. **19** Ogu mvngjwk masego kaama nonunogv aralo apinain sunam v dooduka nvpv ogulvgavbolo yvvdw jvjdunv um kaapala kaabwk riku. **20** Vdwlo nonuno nyitwng bv kaarwk minsu rinyi, so si nonunogv dvnam si Ahtu gv Dvnamma. **21** Nonu dvrinyi, asak-asak kv atugv dvnam a ajin a toyamabv dvcho nyadu, vbvrila megony tvngkiiumla doorikunyi megony kano nyadu. **22** Nonuno dvdtvngdubv atugv naam go doosu malare? Vmal nonuno jvjbv Pwknyarnv gv Gvrja nga riningla heemanv vdwa hinying modubv mvngdui? So lvkwnglo nonuno nga ogugo nonua minseg vla dvmin dunv? Ngo nonua harty dubvre? Vbjyka ngo rima! **23** Ngoogy nonua tamsar sarnam v

Ahtu gylokv ngo naarwk supvnv: ho Ahtu Jisunyi, koa riku gv ayu lo, vtwng ariap go naatoku, **24** Pwknvyarnvnyi umbonyikv vtoku, okv um pintungpiung toku, okv mintoku, “Si ngoogv ayak v, si nonunovg lvgabv. Sum ngam mvngpa gvnvnabv rilaka.” **25** Dvro kochingbv, vbvdvdvbw nw koobu a naala okv minto, “Si koobu si Pwknvyarnv gv anw bv milv kunam mv ngoogv oyi lokv mvu namv. Vdwlo nonuno sum tvngridw, nga mvngpa gvnvnabv rilaka.” **26** Minam so gv lvga ngv vtwng sum dvri gv dwkia okv koobu sokv tvngri gv dwkia no Ahtu gv sinam lvkwng nga japgo jire ninyigv aama dwdvlobv. **27** Ako gunv yvvdw Ahtu gv vtwng nga dvdula vmalo nw gv koobu lokv tvngdula dinchibv mvngdila dvmabv vbw dvnamdvsubv dvdu tvngdu bolo, hv no Ahtu gv ayak hala oyi ha riningla rimur dunv. **28** Vkvlgabv, mvnwngngv atukchobv atubongv mvngkw gvrila, okv vtwng nga dvlaka okv koobu lokv tvnglaka. **29** Vkvlgabv yvvdw Ahtu gv ayak gv lvkwng nga chima gvrila vtwng nga dvdunv okv koobu lokv tvngdunv ninyigv dvku tvngku lokv atubongv jwngkadaka kolo naalwk sidunv. **30** Vkvlgabv achialvbw nonugv lokv yaagam nyadu okv lvmma nyadu, okv achialvgo sinya yibv. **31** Vdwlo ngonu atubongv atoklokv mvngkw sibolo, ngonu Pwknvyarnv gv jwngkadaka kolo aalwk yamare. **32** Vbvrilola ngonua nyiamooku gv nyi vdwa lvkobv miakaya manam lvgabv ngonua Ahtu jwngkadaka la okv mvritla mvdunv. **33** Vkvlgabv, ngoogv achiboru vdwa, vdwlo nonu dookum dvla Ahtu gv dvnam ha dvrini ajin anyingnga kaaya minsu laka. **34** Okv akonv gunv kano yadubolo, hv naam lo dvrung lakuka, ogulvgavbolo nonunovg kaarwk minsu kolo Pwknvyarnv gv jwngkadaka kolo aalwk yama dubv. Kvvbi minse pase nga vdwlo ngo aalwk rekudw ho minjup mingap jiriku.

**12** Ngoogy achiboru vdwa, vjak ngo nonugv Darwknv Dow gv Amin jinam gv lvkwng nga ogugo lvkpvdw, ho gv jyjv vdwa ngo nonua chimuso mvngdu. **2** Nonuno chinsudu nonu vdwlo Pwknyarnv gylo aatv madvrilo, turnam kaamanv morti vdwa kumlajola ringak toku. **3** Ngo nonua chinsu tvka vla mvngdu, hv Pwknyarnv gv Darwknv Dow lo doonv vdwv yvvka "Jisunyi beelare!" vla minyu mare okv Darwknv Dow lokv ridurnam kamabv yvvka "Jisu Ahtu hv," vla minyu mare. **4** Darwknv Dow akinnv angu-angu sunv amin jinam a jidunv. **5** Riji minji namvka akuaku sunv lamtv lokv riladu, vbkritola Ahtu akin mvngchiknyi riji minjidunv. **6** Aku-aku sunv kudungkua nga nyingla rila kaatam nyuladubv jidunv, vbkritola Pwknyarnv akinnv hum mvnwngnga rila nyudubv jidunv. **7** Mvnwng gv alvnam lvgabv akinakin gv rinam doonam lamtv lokv Dow gv doolwk nama kaapadu. **8** Dow ngv akonyi doin milak minku alvbv mindubv jidunv, okv ho Dow akinnv kvvbi gonyi chinlapala gvnrvn doin a minladubv jidu. **9** O Dow akinnv nyidum akin gonyi mvngjwng modubv jidu, okv kvvbi nyidum gonyi mvpuripu nyulanv jwkrw nga jidu. **10** Dow ngv nyidum akin gonyi lamrwpadubv rila kaatam gvgvnv jwkrw a jidu; kvvbi gonyika, amin jinamv Dow lokv aarung pvnvdw vmalow Dow lokv madw um mintam gyla nvnv nga jidu. Akonyi tvcchin lamany gaam minladubv jidu, okv kwbi gonyi hv ogugo minpvkudw um minbwk nyuria dubv minla gvgv nvnga jidu. **11** Vbkritola Dow akinnv so mvnwngnga ridunv; akin-akina nw gv mvngnambv aku-aku sunv amina jidunv. **12** Kristo ayak amar akin aringnv, ho angu-angusinv aba ngv achialvby doodunv; angu-angusinv aba lokv mvnam gubv rijeka, so si ayak akininv dvdv. **13** Vkv aingby, ngonu mvnwngngv, Jius Jeka vmalow Jentail jeka, nyira

jeka vmalo ajarabinv nyi gubv rijeka, Dow akin gylokv ayak amar akin gulo baptisma naapvkunv, okv ngonu mvnwngnga Dow akin gylokv tvngbam dubv jipv kunv. **14** Ayak akin si baakin gulokv mvmapvnv, vbvritola angu-angusinv aba ngv okv kvbi vdwv doodum pvnv. **15** Lvchu v “Ngo ayak gvngvma, ogulvgavbolo ngo laak yaama,” vla minbolo, hv um ayak amar gv aba gunv angusibv hvpv lamare. **16** Okv nyarung ngv ngo ayak gv aba gunvma ogulvgavbolo ngo nyik yama, vla minbolo hv um ayak amar gv aba gunv angusinv gubv hvpv lamare. **17** Okv ayak amar mvnwng si nyik gubv rimwng bolo, hv oguaingbv tvpa nyudubv? Okv si nyarung gubv rimwng bolo, oguaingbv nampa nyudubv? **18** Vbvching doomu dubv, Pwknyarnv nw gv mvngnambv ayak amar gv angu-angu sunv aba mvnwngnga mvlwkmvak pvkunv. **19** Okv ayak amar gv aba mvnwng si baakin gubv rimwng nvgoilo si vdwloka ayak amar vla mindubv rima pvnvpv. **20** Vbvchingbv, si angu-angu sunv ababv ridu, vbvritola si mvnwng si ayak amar akinnv. **21** Vkvlgabv, nyikkv laak ha “Nam ngo dinchimal!” vla minyu mare, dumpo ngvka lvchu a “Alvdo, ngo nam dinchi ma!” vla minyu mare. **22** Ho mamsenga, ayak lokv miang yanv gubv kaanam aba gunv ngv doongam marinyi ngo oguguka rila nyuma; **23** okv ngonugv si achialvbv dinchimanv aba go vla mvngnam yangv ngonugv ringchumnam aba gubv ridu; okv ayak gv kaatam sila maanam aba nga ngonu alvyauingbv kaaching tamudu, **24** ogolo kaapu dudw hv kaaching tamu dubv vbvjvby dinchi madu. Rigvrila Pwknyarnv atuv ayak amar sokv aachi manv yikungyira aba vdwa akin gubv naadum sila kaiyabv mvngdv minsi modubv rito. **25** Okv vkvlgabv ayak lo apinain sunam kaama, vbvritola ho gv aku-aku sunv mvnwngngv akin gubv kaadur tador minsudo. **26** Ayakgy aba gunv hirukaya

namgo paadu boloka, kvvbi aba mvnwng ngvka hirukaya namaka um paaming gvdunv; aba gunv hartv paadubolo, kvvbi aba mvnwngngv vBV um paaming gvdunv. **27** Nonu mvnwngngv Kristo gv ayak kv, okv akin-akin v hoogv aba ngv. **28** Gvrja lo Pwknyarnv mvnwngnga aba-aba gulo mvlwk rilwk pkunv: ho atokcho bv apostol vdwa, hoogv doosin sibv nyijwk vdwa, ho kochingbv tamsarnv vdwa; vbvrikunamv lamrwpadubv kaatamnv vdwa, kochingbv mvpuripu dubv jwkrw jinam vdwa vmalo kvvbi ha ridornv vdwa, vmalo bunua chitam kaatamnv vdwa, vmalo riu ngv tvchin manv gaam bv minv vdwa. **29** Bunu mvnwngngv Apostol guby, vmalo nyijwk guby vmalo tamsarnv vdwbv rima dunv. Mvnwngngv lamrwpadubv mvgv rigv nnv jwkrw dooma dunv **30** vmalo lvvma vdwa mvpuripu nnv vmalo riu ngv tvvkw manv gaam mindubv vmalo ogugo minpvkudw um minbwk nnv dooma dunv. **31** Ngo nonua alvyachoknv amin nam paadubv mvngjimvngro sego vla mvngdunv. Vkvlgabv ngo nonua alvnv lamtv kaatamre.

**13** Ngo nyia nyi gv okv nyidogindung vdwgv gaam a minla nvgobv rijeka, ngoogylo vdwlo ajin ha pakmi sunam go dooma redw, ngoogy minam rinam mv pumpa vmalo taapok gv tvsupkayap dubv adu dunam jvbw ridunv. **2** Ngo gaam jakpulo yarlwk nvgobv japlak jeka; ngo maatarbv chinpanv gubvrila arwng gv vssi namaka chinv gubv rijeka; ngo mvngjwng ngv achialvbv doola moodw a bidubv mvnv gubv rijeka—vbvritola ngoogylo ajin a pakmi sunam go dooma bolo, ngo ogugukama. **3** Ngo ogugo svnggvrivg pvdw um mvnwngnga toanam gubv rijeka, ngoogy adwnamar haka baayok dubv jijeka—vbvritola ngo ajin a pakmi sunam go doomanam, si nga alvmomadu. **4** Paknam si saktvnam okv ayanam; si kavtarv ma vmalo atuv kainvgobv

mvngsunam ma vmalo hارت sunama; **5** Paknam si nyivnyirv  
bv rinam ma vmalo nabungnam ma vmalo mvdwkmvkunam  
ma; paknam si rimurnam vdwa mvnggapla vvpv madunv; **6**  
paknam si alvmanv nga lvkobv mvngpu madunv, vbvritola jvј  
nga lvkobv mvngpu dunv. **7** Paknam si vdwloka apak madunv;  
so gv mvngjwng okv mvngtin okv saktv namv vdwloka doolwk  
maanam go kaama dunv. **8** Paknam si doobwng jinv, ho hoka  
tvvpunv doin minamv doodu, vbvritola hv bunu ayung jimany; ho  
hoka tvkw manam gaam mindubv amin jinamv doodu, vbvritola  
bunu gylo rikumare; ho hoka chinampaanam mv doodu, vbvritola  
hv ngeyu reku. **9** Ogulgavbolo ngonua chindupadubv amin  
jinam okv doin japlak dubv jinam vdvv jitung jingo gubv ridu; **10**  
Vbvritola vdwlo ripwng rinya kunam mv aaku bolo ritung ringo  
ngv ngeriku. **11** Vdwlo ngo vmi bv ritokudw; minam, hinam, okv  
mvngnam vdvv mvnwngngv vmi apiabv rito; vjak ngo nyiga  
gubv riduku, ngo vmi apiabv riku dookuma. **12** Ngonugv vjak  
kaagv dunam si tomuyalu lo kaabwk maby kaanam aingbv  
kaadu; vbvrikunamv ho gv alu lo ngonu nyukmu anying nga jvј  
bv kaatur sureku. Vjak ngo ogugo chimpv kudw hv chimi ma;  
vbvrikunamv ho gv alu lo mvnwngnga chimi reku—vby chimi  
reku Pwknyarnv gv ngam chiminam jvby. **13** Anyung lo so aom  
si doobwng reku: mvngjwng, mvngtin, okv paknam; okv so aom  
gv pingko lo kaiyachok nvngv paknam si.

**14** Vbvrikunamv, so paknam sum paadubv rirunglaka. Okv  
noogv haapok ka Dow gv amin jinam lo mvnglwka, Pwknyarnv  
gv doin a japo mingo yadubv mvngya laka. **2** Akonv yvvdw tvchin  
manv gaam jadunv hv yvnyika mima vbvritola Pwknyarnvni  
jadunv, ogulgavbolo yvvka ninia tvchinnv kaama. Hv Dow  
gv jwkrw lokv arwng gv jvј nga mindunv. **3** Vbvritola yvvdw

Pwknvyarnv gv doin a japdunv hv nyi vdwa japidu okv bunua  
ridur jidu, mintvmirula, okv mvngpu modu. 4 Yvvdw tvchin manv  
gaam mindunv hv atuv ridur simwng dunv, vbvritola yvvdw  
Pwknvyarnv gv doin a japgo dunv hv Gvrja mvnwngnga ridur  
dunv. 5 Ngo nonu mvnwngnga tvchin manam gaam bv mintokv  
vla mvngdu: vbvritola ngo nonua Pwknvyarnv gv doin a japgo  
yadubv amin go doya sego vla mvngya dunv. Ogulvgavbolo  
yvvdw Pwknvyarnv gv doin a japgo dunv hv tvchin manam  
gaam minama svnga kaiyabv arv doyadunv—vdwllo ho nyi go  
ninyigv tvchin manam gaam minama mintam jinv go doola Gvrja  
mvnwngnga ridurdubv rima dvdvlo. 6 Vkvlgabv vdwlo ngo  
nonuno gylo aaridw, ngo tvchin manam gaam bv nonua minbolo  
hv ngo nonunogv lvgabv ogu anyung dopvla? Vdwlo Pwknvyarnv  
gylo kaanamtanam a vmalo chinapanam vmalo doin minam go  
vmalo tamsarnam go gwlwk jimalo hv ngo oguguka ridorma. 7  
So si turmanv yikungyira adudunv apiabv ridu-pungli vmalo tapu  
aingdo. Hv bunu angu-angu subv adu hv duma bolo ho lvgabv  
doodunv vla yvv um tvchin nyudubv? 8 Okv nyimak tapu am  
miyanv tvbwk dubv mimabolo, yvla nyimak pamisinam lvgabv  
mvkimvak sila doodubv? 9 Ho apiabv, noogy doin a tvchin  
manam gaam bv minam v abwk mabolo, yvv um oguaingbv  
chinyu dubv? Noogy gamchar hv doori lo ngeriku! 10 Nyia  
mookulo aku-aku sunv gaam hv achialvdo, vbvritola bunu akoka  
anyung kaamanv kaama. 11 Vbvritola vdwlo ngo gaam minama  
tvchin mabolo, ho um minv ngv ngoogy lvgabv nyebunyi go,  
okv ngooka ninyigv lvgabv nyebunyi gobv ridu. 12 Nonuno vbv  
Darwknv Dow gv amin jinam a paanhng nyadu nvlo, nonuno ho  
gv amin vdwa kvvbi mvnwngnga Ivyabv Gvrja yanga ridur la  
singmu rimu dubv rinv nvlaka. 13 Tvcchin manam gaam minv

nyi angv, vbvrikunamv nw ogugo minpvkudw um minbwk jinam lvgabv amin paadubv kumlaka. **14** Ngo so svbv kumbolo, ngoogv dow ngv kumtv ngurudo, vbvritola ngo ogugo mindudw um ngoogv mvngrum ara ngv ho doolwk yama. **15** Hv bolo ngo ogu rise ngvdw? Ngo vdwlo kumdudw Dow lokv kumdu, rigvrila haapok sin lokvka kumdubv ridu; Ngo Dow lokv miriminpak minrinyi, haapok sin lokvka miriminpak ha mindubv ridu. **16** Vdwlo nonuno Pwknyarnvnyi Dow mvngchik lokv umbonyikv vla kumrinyi nonua lvkobv dooming gvnv kvvbi nyi gunv oguaingbv "Amen" vla minladubv? Hv nyi angv no ogugo mindudw um chiyamanv. **17** Noogv Pwknyarnvnyi umbonyikv vla kumnam mv achialvbv alvkujeka kvvbi nyi ngv oguguka ridurdubv riyama. **18** Ngo nonuam svnga kaiyabv tvchin manv gaam mindu, vkvlgabv ngo Pwknyarnvnyi umbonyikv vla mindunv. **19** Vbvritola ngo Gvra ririnyi tvchin manam gaam ha hejar go minse nga, kvvbi ha tamsar nama chimu dubv gamngu gobv mimwngdunv. **20** Ngoogv achiboru vdwa nonuno mvngnamsaknam lo vmi apiabv rima bvka; almanv ridunglo vmi apiabv ritoka, vbvritola nonugv mvngnamsaknam a nyigabv mvngsu tokuka. **21** Darwknv kitaplo sum lvkdu, "Ahtu mindu, nyiga vdwgv tvchin manam gaam minam lokv ngo ngoogv nyi vdwa, gaam minre. Ngo nyebunyi vdwgv nabor gaam bv minre, vbvritola ngo vbvrikujeka ngoogv nyi vdwv ngam tvria kaaya ka mare." **22** Vbvrikunamv, tvchin manv gaam mindubv amin jinam si mvngjwng manv nyi vdwa hinchinkaachin modubv jinam go, mvngjwngnv vdwgv lvgabvma. **23** Vbvrikunamv mvngjwngnv mvnwngngv lvkobv kaarwksula ho nyichar mvnwngngv tvchin manv gaam minrap kubolo—vby nyi nyidung vdwv vmalo mvngjwng manv nyi vdwv ho aabolo, bunu nonu mvnwngnga suru nyadu nvgo vla mima redw? **24** Vbvritola

nyichar mvnwngngv Pwknyarnv gv doin a japgo karbolo, vdwlo  
vbw nyidung niy vdwv vmalo mvngjwng manv niy vdwv aabolo,  
ninyia ogugo tvvpvkudw ho rimur nvgobv mvngsu reku. Ninyigv  
tvvniam dvdv ngv ninyia jwngkadaka reku, **25** Ninyigv arwnglo  
mvngsi mvngpik nama milin rilin moreku, hokv nw lwbwg ngv  
kumpv tokula Pwknyarnvni kumrjoriku, “Jvjvbv Pwknyarnv  
ngv si nonua lvkobv dooming gvrungdo vla milin reku.” **26**  
Ngoogv achiboru vawa, ngo nonua minvpv mvngnam mv si  
kv. Vdwlo nonuno kumdujodubv vngdum vngpa siredw, akonv  
miriminpk minam go, kvvbi gunv tamsarkinu svgo, kvvbi akonv  
Pwknyarnv gvlokv minamtamnam paanam go, akonv tvchin  
manam gaam doin go, okv akonv ogugo minpvkudw um minbwk  
jiria nvngvo. Ho mvnwngngv Gvrja nga ridur nvgobv ribolo alvdo.  
**27** Akonv tvchin manam gaam mindubolo, tvngtv ngv vbolo anyi  
guma jeka oom go mintoka hv akonvgv kochinglo akonv minlaka,  
okv hum akonv ogugo minpvkudw um minbwk jiria tvka. **28**  
Vbkritola yvv akonvka minbwk jjinv kaama rikunyi, ho tvchin  
manv gaam minv angv choibv Pwknyarnv la nw bunyi gvlo  
doodubv mimwng tokuka. **29** Yvv bunua Pwknyarnv gv doin a  
mindubv jipv kudw anyi malo oom gunv mintoka, okv kvvbi vdwv  
bunu ogugo mintv dudw hum jwngkadaka yatoka. **30** Vbkritola  
doopam lo doonv akonv Pwknyarnv gvlokv doin go paabolo,  
japdungnv angv japtung nga kayu runglaka. **31** Nonu mvnwngngv  
akonvgv kochinglo akonv Pwknyarnv gv doin a japgo tvlaka,  
vbvrila nyichar mvnwngngv chinla mintvmiru sinam paadu kubv.  
**32** Pwknyarnv gv doin a japgo kardubv dow amin paanam mv  
japnv gv arwnglo doogy runglaka, **33** ogulgavbolo Pwknyarnv  
ngonua gogopinpin tvkv vla mvngma dunv vbkritola lvkobv okv  
sarsopyyo bamsego vla mvngdu. Gvrja mvnwnglo Pwknyarnv

gv nyi vdwgv apiabv, **34** Gvrja doopam lo anvnyimv vdwv choibv doorung laka. Bunua gaam japdubv jima dunvla; Jius vdwgv Pvbv lo mindu, bunua Rigvdoogv nvgobv jirung mabvka. **35** Bunu ogugo chinse paase mego kaapa jeka ho gv lvkwng nga naam lo bunugv nyilu ha tvu rungla kuka. Anvnyimv ngv Gvrja lo gaam raanam si hinyingnam gubv ridunv. **36** Vmalo Pwknyarnv gv gamchar v nonu gylokv aadunvre? Vmalo Pwknyarnv gv gamchar vdwv nonu gvlo aaming pvnvre? **37** Akonv Pwknyarnv gv gindungpingko vla mvngsu dubolo vmalow dow amina paanv vla mvngsu dubolo, hv atubongv mvngsulaka ngo ogugo lvkdudw hv Ahtu gv gamki ngv vla mvngto laka. **38** Vbvrifola hv sum ogubvka tvvgap madubolo, nw nyika vBV kayulaka. **39** Vkvlgabv ngoogv achiboru vdwa nonunogv haapok ka Pwknyarnv gv doin a japo karnam lvgabv doomu tvlaka, vBvrifola tvchin manv gaam minv vdwa mintor mabvka. **40** Oguvvnwng nga alvbv okv jupjirvi bv mvrung rirung tvlaka.

**15** Ngoogv achiboru vdwa, ngoogv nonua Alnv Yunying japji kunam a nonuno naarwk sula ho nonu mvngjwng ngv hvngdwngbv doonam a ngo lvkodv nonua minpa kunvpv vla mvngdunv. **2** Ngoogv nonua doin japji kunam angv, hv gamlv ngv, nonuno gamlv nga kadwkrvsik rungbv gakbwngla rebolo ho nonuno ringlin nama paare-vmabolo nonunogv mvngjwng namv ogu arv kaamare. **3** Ngo ogunvgo paato kubvdw um nonua jilwk pvkunv, hv kaiyachok nvgobv ripvkunv: ho hv Kristo ngonugv rimur lvgabv daapo lo siji pvkunv Darwknv kitaplo lvkgap pvvnam apiabv: **4** ho hv ninya nyibung riitoku, okv nw alu loum kochingbv turkur toku, Darwknv kitaplo lvknam apiabv. **5** Vbvrifikunamv nw Pitarnyi kaatam suto okv Apostol vring gola anyi mvnwng ngaaka kaatam sutoku. **6** Vbvrifikunamv nw

vjakgobv lvngngu lvvyago ninyigv rigvnam vdwa kaatam sutoku,  
ho kaatam sunam nyi vdvv megonv sirokujeka twngtv yanv  
vjaklodybv doobwng nyado. 7 Vbvrikunamv nw Jemsnyi kaatam  
sutoku okv kochhing soka Apostol mvnwngnga kaatam sutoku.  
**8** Hirukaya bv anga bvnngnam aingbv nga koching yachokbv  
ngaaka kaatam toku. 9 Oulgavbolo ngo Apostol mvnwng  
lokv miang yachoknv-jvjbv minbolo ngo Apostol gubv minku  
yadubv riya kuma, oglulgavbolo ngo Pwknyarnv gv Gvrja nga  
mvdwkmvku yanv ngv. 10 Vbvritola vjak ngo ogubv ridudw hv  
Pwknyarnv gv aya lokv ridukunv, okv ninyigv nga aya jinamv  
oguguka alvmanam go kaama. Akusubv minbolo, ngo kvvbi  
Apostol vdwa kaiyabv hirukaya bv rilvyapvnn, rigvrila hv jvjbv  
ngoogv rimanam gubv rijvka, vbvritola Pwknyarnv gv aya ngv  
ngam lvkobv riming gvpvkunv. 11 Vklvgabv doin hv ngo gylokv  
aapvdw malo bunugv lokv aapvdw, hv ngonu mvnwng gv japnam  
mv, okv hv nonunogv mvngjwng namv. 12 Vjak, ngonugv doin  
Kristo sinam lokv turkur pkunv vnamgo, vbvrinamv nonunogv  
lokv megonv oguaingbv sinv ngv turkurla svngnyu kumare vla  
mindunv? 13 Hv minam hv jvjbv rungbolo, Kristo sinam lokv turkur  
kumanyi; 14 okv Kristo sinam lokv turkur mapvlo, vbvrikunamv  
ngonu japse kaama okv nonuno ka mvngjwng sego kaama. 15  
Hum kaiyabv, ngonu Pwknyarnv gv lvkwng nga mvvniam bv  
mintokubv, oglulgavbolo ngonu mintoku Nw Kristonyi sinam  
loka turkur motoku vla-vbvritola sinv ngv turkurla singku madunv  
vnam si jvjbv ngvrung bolo, vbvrikunamv nw Kristonyi turkur  
mooku manyi. 16 Sinv ngv turkur kuma dubolo, Kristo ka turkur  
ma. 17 Okv Kristo turkur mapvlo, vbvrikunamv nonugv mvngjwng  
ngv arin kaaku manvgo okv nonuno vjaklodybv nonunogv rimurlo  
ngoolwk bwdunv. 18 So si vbyka ritadu Kristonyi mvngjwngla

sinv vdwvka ngoonam bvkunyi. **19** Ngonugv Kristonyi mvngtin namv nyiamooku so singnam bvmwngbv ripv bolo, vBVrikunamv ngonu nyiamooku so gv nyi mvnwng gv aya kaapa choknam gubv riya pkunyi. **20** Vbkritola jyjv ngv si Kristo sinam lokv turkur pkunv, vBV milv jilaka mindu yvv bunu sila yupnv vdwvka turkur reku. **21** Sinam si nyi ako gulo aapvnv, ho apiabv sinam lokv turkurkunam si ka nyi akogylo aapvnv. **22** Adamnyi lvkobv rinam lvgabv nyi mvnwngngv sidunv, vkv apiabv Kristonyi lvkobv rebolo mvnwngngv sinam lokv turkurla svngriku. **23** Vbkritola akinakin v ninyigv turdw lo turrap sula svngriku: Kristo, mvnwngnga atukchochuk bvku; vBVrikunamv, ninyigv aarilo, ninyigvby rinv vdwvku. **24** VBVrikunamv ataranya alu hv aariku; Kristo alvmanv dow lo rigvdoogvnd vdwva rigum yariku, tojupkunam vdwva, okv jwksw vdwva, okv Pwknvyarnv gv Karv nga Abu gvlo laklwk reku. **25** Vdwlo Pwknvyarnv nyimak vdwva nw gv lvchu lvkwnglo pvma dvdlvby Kristo Rigvdoogv reku. **26** Atar anyabv mvyayajinam nyimak v sinam siiku. **27** Darwknv kitaplo mindu, "Pwknvyarnv yikungyira mvnwngnga ninyigv lvchu lvkwnglo vvpvdu." So si pvbwngbv minbwk jidu, okv gamchar "yikungyira mvnwngngv" vnam si Pwknvyarnv atubonga minta madunv, yvvdw yikungyira mvnwngnga Kristo kiampwk lo pvnv. **28** Vbkritola vdwlo yikungyira mvnwngnga Kristo gv rigvdogv kunam arwnglo vvpv tokudw, vBVrikunamv Kuunyilo ngv nw atubongy, Pwknvyarnv gvlo laklwk sireku, yvvdw yikungyira mvnwngnga ninyigv arwnglo vvpv bongy; okv Pwknvyarnv mvnwngnga rigvdogv reku. **29** Vjak sinv vdwva baptisma jinamv ogubv rireku? Bunu ogubv ogugo ripwngrinya dubv vla mvngtin nyapvnv? Megonv mindu, sinv ngv turkurla singku madunv vnam si jyjv gubolo, ogubv nyi vdwv sinv vdwva baptisma jidunv? **30** Okv ngonu hv-aludwkibv siji ngooji

colo ogulvgabv jokdu nvdw? **31** Ngoogv achiboru vdwa, ngo alu gv dwkia sinam a paadunv, vbvridaka ngo nonua googing dunv, ngonugv turla singnam a Ahtu Jisu Kristo gylo lvkobv rikudokunam lvgabv, ngam svbv minlin modunv. **32** Ngo Epesus lo mootum svnwngsvmin a tanyi amar gv mvngtin lokv mvmi supvlo, ngo oguguka paanam kaama. Sinv vdwv turkur madu nvlo, "Klai dvmin tvngmin laju, ogulvgavbolo aarunyi ngonu sitv tvduku." **33** Pvcha nvbv riyoka. "Alvmanv nyi ha ajinla ribamdobam bolo, alvnvnga alvmadubv mvdunv." **34** Nonugv alvbv mvngnamsaknam lo aakur tokuka okv rimursingmur lamtvlo vngku mabvka. Ngo nonunogv hinying nga minlin dunv, nonuno megony Pwknyarnvnyi chimado. **35** Ako nvgonv tvvkare, "Sinv ngv oguaingbv turkur rikudw? Bunu ogu aingnv ayak a gvri kudw?" **36** Pvchanv nonu! vdwlo nonuno kvdw lo amw lilwk rikunyi hv vdwlo sima dvdvlo, hv boksu limado. **37** Okv nonugv lilwknam hv amw mvngchik go, giu amw gudw vmalovkvbi amw ka gudw, kochinglo garlin lakula agar gubv rilaku singku nvnga mimabv, **38** Pwknyarnv ho amw anga nw gv mvngnamby amw ayakka jito; nw amw charkin-charkin a ayak gvsu dubv jitoku. **39** Okv gwnvharnv vdwgv ayak vka akin madunv; nyi tanyi si akusunv ayak go gvdunv, svnwngsvmin hv kvvbi go, pvtv vdwv kvvbi go okv ngui vdwvka kvvbi akusunv ayak go gvdunv. **40** Okv nyido mooku tolo rinvdaknv go okv Sichingmooku so rinvdaknv go doodunv; nyido mooku tolo rinv vdwgv kaapu hv Sichingmooku so rinv vdwgv kaapu ha aku sudunv. **41** Doonyi hv nw gv atubogv kaapu go doosudo, poolu hv kvvbi kaapu go, okv takar vdwv kvvbi aku sunv kaapu go; okv takar vdwgv loka akuaku sunv kaapu go doodu. **42** Vdwlo sinv vdwv turkur rikudw, vbvdvdbv rire. Svma nga vdwlo nyibung riipv kudw ho sinv gubv

ripv kunv; vdwlo turkur rekudw hv siku yaaku maji nvgobv rireku.

**43** Vdwlo nyibung riiri ho yaagam polo la kaaruto; vdwlo turkur rekudw ho gwlwk nvgobv rila okv kaapuyaung nvgobv rireku.

**44** Nyibung riirilo ho ayak amarbv rito; vdwlo turkur rekudw, ho dow amarbv rireku. Rinam gvbv ho ayak amar go doorung dvbolo, dow amar goka doorungre. **45** Darwknv kitaplo mindu, "Lincho yachoknv nyi, Adam, ninyi turnv nyi gubv pwktoku"; vbvritola koching gv Adam Dow lokv turnam jinv gubv ritoku.

**46** So si dow amar hv lincho mato, vbvritola ayak amar yangv lincho toku, okv vbvrikunamv kochinglo dow amar hv limwng toku. **47** Linchonv Adam, Sichingmooku lo kvdw lokv mvnamv, sichingmooku lokv aapvnv; anyi nvnv Adam nyido mooku tolokv ipvnv. **48** Yvbbunudw sichingmooku so gv nyi gvbv ridunv, hv bunu kvdw lokv mvnam nyi aingbv rire; yvbbunudw nyidomooku gvbv ridunv, hv bunu nyidomooku tolokv inv nyi aingbv rire.

**49** Ngonu kvdw lokv mvnam nyi aingbv gvdu ridu, vkvlvgabv ngonuka nyidomooku tolokv inv nyi aring bvka gvmigvriku. **50** Achiboru vdwa, ngoogy mintv tvvnam si, tanyi adwn okv oyi lokv mvnam vdvv Pwknyarnv gv Karv nga paanyu mare, okv sikujinv ngv sima nyema jinv nga paanyu mare. **51** So gv arwng gaam jyjv nvnga tvvriato: ngonu mvnwngngv simare, vbvritola koching gv tapu adu hv dulin rikudw, ngonu mvnwngngv mindak gulo akusureku, hv nyikgv baapubv nyiktapnam aingbv rire. Vdwlo tapu adu hv durikudw, sikunv vdvv turkur reku, vdwloka lkvodv sikumare, okv ngonu mvnwngngv aku sureku. **53** Sikujinv vdvvku aku sula sima nyema jinv gubv rireku; sila jinv ngv aku sula sinyu manv gubv rireku. **54** Vkvlvgabv vdwlo so vdwsr irekudw, okv siji ngejinv vdvv akusula sima nyema jinv gubv riro kubolo, vbvrikubolo Darwknv kitap gv jyjv ngv aariku: "Sinam a

myakmvchak roku; mvgumrigum yaroku!" **55** "Sinam noogv  
rigumyanam v ogolo? Sinam, noogv achidubv mgvvnvn jwkrw  
hv ogolo?" (**Hadēs g86**) **56** Sinam si rimur lokv achidubv mgvvnvn  
jwkrw ha paadunv, okv rimur hv Pvbv lokv jwkrw ha paadunv. **57**  
Vbbritola umbonyikv vjinam angv ngonugv Pwknyarnv, ngonua  
Jisu Kristo gylokv rigum mingum nvnv nga jinv ngv! **58** Vkvlgabv  
ngoogv pakmi sinam achiboru vdwa, hardv okv hvngdwngbv  
daksu laka. Ahtu gv lvgabv kudungkua nga ribwng dvdv laka,  
nonuno chinsudo Ahtu gv lvgabv kudungkua rinam mv vdwloka  
rirampanam go dooma dunv.

**16** Vjak nonunogv Judia lo Pwknyarnv gv nyi vdwa ridurdubv  
vla lvknam lvkwng nga minrinyi, nonuno ngoogv Galatia Gvrja  
vdwa ritokv vla minam a rirung tvlaka. **2** Doonyi aludwkibv  
nonuno nyichar mvnwngngv morko lokv mego akusubv lvkla  
vvpv tvka, akin-akin gv pwnampaanam lokv, okv um jilinla jikum  
tvka, vkvlgavbolo vdwlo ngo aarikudw ho lvkodv morko horkwng  
kuma dubv. **3** Vbvrikunamv vdwlo ngo ho aachi rikudw, ngo  
mintamchonam siti go lvktola nonugv tolwkkunam nyi vdwa jire  
okv bunua nonunogv amin jinam a naamu laila Jerusalem bv  
vngmure. **4** Okv vngnamlo ngo ka vngdubv ribolo, bunu nga  
vngming gvlado. **5** Ngo Mesedonia nga vngtokula nonugv ho  
aalwk reku-ogulvgavbolo ngo Mesedonia nga vngpitla vngtv tvdu.  
**6** Ngo nonua dw mego lvkobv doobamdakbam nam gubv riyi  
nvpv, lvkonyika kamching poolu dvdvlo, okv vbvrikubolo nonuno  
nga moing vngtung nga vngdubv ridur nyure, vdwlo um riredw,  
ngo vngtung nga vngdvre. **7** Ngo nonua vngpit dula kaanammam  
svnga kaiyago lvkobv doobamdakbam dvla kaarwk sinwngdo;  
Pwknyarnv mvngilo ngo nonua lvkobv doobamdakbam nama  
paato nvpv vla mvngtin dunv. **8** Jisu gv nyibung lokv turkurro

kochingbv Pentikost lobv ngo Epesus soka doobwngre. **9** Olo alvyuongbv kaibv kudungkua ripubv rise ngv doodu, olo nyiru nvngv achialvgó dooda jeka. **10** Timoti nonugv hoka aabvnyilo nonu ninyia nonugv apum ho naarwk sirungdo mvngdubv nonu ninyia alvbv naarwk sirung laka, ogulvgavbolo nw ka ngo rinam apiabv Ahtu gv kudungkua nga ridunv. **11** Yvvka ninyia kaanyetalo mabvka, vbvritola nonuno ninyia ridormindor yala ninyigv moing vngtung nga sarsobv vngbwng moyla laka, vbvribolo nw ngoogylo aakur reku; ogulvgavbolo ngo ninyi achiboru vdwa lvkobv aakur gvri nvpv vla dvmin dunv. **12** Vjak, achiboru Apollos gv lvkwng nga minrinyi. Ngo ninyia mintvmirula minbwng dunv kvvbi achiboru vdwa lvkobv nonua kaalwk laka vla, vbvritola (si Pwknyarnv gv mvnglwk manam gubvka ripv nvgo) nw vjakgv dw lo vngso mvngma pnvgo. Vdwlo nw vngdubv dw paaridw, nw vngri nvpvla. **13** Hardv bvka, mvngjwng nga hvngdwng bvka, haapok v poktvsintv tylaka, gwlwk nvgobv rilaka. **14** Nonugv kudungkua mvnwngnga pakmi sinam lokv ritolaka. **15** Nonuno Stepanas nyila ninyigv vpin a chindu; bunu Akaia mooku lokv kristan bv richo yachoknv okv bunu atuv Pwknyarnv gv nyi vdwa kaadurridur dubv vla tolwklaklwk supvkunv. Achiboru vdwa ngo nonua kumla mindunv, **16** svkvnv nyi gv rigvdogy nama kaala riming gvtoka okv bunua lvkobv kudungkua lo ribam doobamnv nyi haka kaagv sitoka. **17** Stepanas, Portunatus, okv Akaikus bunugv aanam lvkwng ngo mvngpu toku; bunu nonugv dooma rilo dooming gvnv, **18** okv nga mvngpu motoku nonua mvngpu monam apiabv. Svkvnv nyi ha umbonyikv vla harty rungsego, **19** Asia mookugv Gvrja vdvw bunu nonua kumrwknam jilwkdu; Akuila okv Prisila okv bunugv naam lo Gvrja doonv vdwyka kristan kumrwksinam haka

aguruchok bv jilwk nyapv. **20** Achiboru mvnwngngv kumrwksinam  
jilwk nyadu. Akonv akonyi achiboru bv mopup minsu laka.  
**21** Ngo atubogv laak lokv sum lvksu dunv: Paul ngo gylokv  
kumrwksinam haka jidunv. **22** Yvvbunudw Ahtunyi pakma dunv-  
ninyi gylo beenam mv doolwk laka! Maranata—Ngonugv Ahtu,  
Aalakuka! **23** Ahtu Jisu gv aya ngv nonua lvkobv doi laka. **24**  
Kristo Jisu gylokv ngoogv aya ngv nonu mvnwng gylo lvkobv  
doolwk laka.

## 2 Korintian

**1** Pwknvyarnv gv mvngku lokv, Kristo Jisu gv Apostol gubv darkunam Paul ngo gvlokv, okv boru Timoti gvlokv— Korint lo Pwknvyarnv gv Gvrja ngala okv Akaia mooku lo Pwknvyarnv gv nyi mvnwngnga lvkdunv: **2** Ngonugv Abu Pwknvyarnv okv Ahtu Jisu Kristo nonua aya okv sarsopoyo nga jigv yilaka. **3** Klvi ngonugv Ahtu Jisu Kristo gv Abu Pwknvyarnvnyi umbonyikv vlaju, ayanv Abu, nw gylokv ridur mvnwngngv aadunv! **4** Nw ngonu mvnwng gv adwkaku rinyi ridurdu, ogulvgabv vbolo ngonu oguaingbv Pwknvyarnv gvlo ridur ha paadudw, ho apiabv ngonuaka kvibi vdwgv adwkaku lo ridur modubv vla. **5** Kristo gv achialvbv hinching chingnam lo ngonu chingmin gvnam apiabv, vkv aingbv Kristo gvlo ngonu Pwknvyarnv gv kairungbv ridur a paaming gvdunv. **6** Vdwlo ngonu hirukaya namgo paadubolo, hv nonua ridur lvgabv okv ringlinbaalin kunam lvgabv; okv ngonu ridur nama paadubolo nonuno ka ridur nama paadunv, ngonugv apiabv hirukaya nga saktv ladubv gwlwk ka nonua ka jidu. **7** Vklvgabv ngonugv nonua mvngtin v vdwlo biv mare; ngonu chindu nonu ngonugv hirukaya hinam a himing gvnam apiabv, nonuka ngonugv ridur paanam a paaming gvta dunv. **8** Achiboru vdwa ngonu nonua Asia mooku lokv adwkaku paanam a lvkodv minpa nvpv vla mvngdu. Ngonua kudungkua ridubv jinam angv achialvbv kainvgo okv ai ka nvgo ngonu turdubv mvngtinnam nyemu toku. **9** Ngonu gvlo sinamv aapv kunvgo vla ngonu mvngtoku. Vbkritola si ngonu atua mvnging simu dubv okv sinv nga turkur mokunv Pwknvyarnvnyi mvnging simu dubv vla riya kunam gukuni. **10** Nw ngonua vkvnv achialvbv alvmanv sijiku loka ngonua ringtoku, okv ngonua ringbwngre; okv ngonu n gylo mvngtin ha mvnglwkre okv nw ngonua lvkodv

ringtare, **11** nonuno ngonua nonugv kumnam lokv ridur yadu. Vkvlgabv ngonugv lvgabv kumnam dvdv nga riji rungre, okv Pwknyyarnv ngonua aya jire; okv nyi achialvgo ngonugv lvgabv ninya umbonyikv vre. **12** Vjak si ngonugv goosu namv ngonugv mvngnamsaknam mv alvyauingbv minlin jido ho ngonu nyia mooku so alvbv ripv dakpv kunv, okv jyjv bv minbolo ngonugv nonua lvkobv ribam dakkam siku lokv ripv kunv, darwk bv okv alvbv Pwknyyarnv gv lokv. Nyia mookugv chinampaanam lokvma vbvritola Pwknyyarnv gv aya lokv ngonu ritoku. **13** Ngonu nonuno oguaingbv purila chinla ridw um lvkdunv. Vbvritola nonugv vjak ngonua chinggv dunam mv tunggo nyimwng, okv ngo mvngtindu nonu ngonua alvbv chinpwng kaapwng reku vla mvngdu. Vbvrikunamv Ahtu Jisu gv aariku alulo nonuno ngonua hartyla okv ngonuka nonua harty dobv ho nonuno ngonua alvbv chinpwng rikunv. **15** Ngo achialvby mvnwng sum rirungre vla mvngla ngo nonua lvnyibv aya paamu so mvngtala nonugv ho aarung dubv vla mvngchoto. **16** Ngo Mesedonia bv vngrilo okv vngkur rikunyika nonua kaarwk sidubv vla rungtoku, ngoogv Judia lo moing vngrinyi nonu gylokv ridur paanam lvgabv. **17** Sum ngo rungdula, ngo ajikalak manv gubv ripv ai? Vdwlo ngo rungrinyi atunvgv bvmwngbv rungmwngla vjakgobv "Vkv, vkv" okv "Makv, makv" vdubv doonv gulari? (Nonuno ngam ogugo rise vdw um mvngchin manvgo vla mvngdu nvri? Vmalo ngo kvbi vdwa alvbv mvngku dubv vla "vkv" vmal "Makv" vnv nyi aingbv kaapvi?) **18** Pwknyyarnv jyjvnv gaam a minpiabv, ngoogv nonua milvjinam angv "Vkv" vtola okv "Makv" vnamgo kaama. **19** Ogulvgavbolo Pwknyyarnv gv kuunyilo Jisu Kristo gv lvkwng nga Sailas, Timoti okv ngo atubongv nonua japji toku, nyi "Vkv" vnam gula okv "Makv" vnam ma, ho mabv nw Pwknyyarnv gv "Vkv"

vnam yangv; **20** ogulvgavbolo nw Pwknyarnv gv milvkunam mvnwng gv "Vkv" vnammv. So si vkvlvkwngbv Jisu Kristo gv lokv ngonugv "Amen" vnam a Pwknyarnvnyi kaibogobv hartvla mindunv. **21** So si Pwknyarnv atubongv ngonu hala, nonua lvkobv naadum sikunv, Kristo gvlo ngonu turnama jyjv gubv mvjila; so si Pwknyarnv atubongv ngonua akusubv darlinkunv, **22** okv nw ngonua atu tola tuprw toku, ngonugv lvgabv nw gv bokta vvukum pvvnam a jirungre vla milv jinam a kaatamla ninyigv Darwknv Dow nga ngonugv haapok lo jilwkla riduku. **23** Ngo Pwknyarnvnyi tvriakaria nvgobv gokla mindunv—nw ngoogv haapok a chindu! ngoogv Korint lo aaku manamv, so si nonua lvkodv hirukaya paamu kumanam lvgabv ripvku. **24** Nonuno ouquaingbv mvngjing rungsedw um ngonu miriadubv rikw yama; ngonu chindu nonu mvngjing ngv haatindu. Vmabvya, ngonu nonua lvkobv kudungkua ribam dunv nonua atubongv mvngpu monam lvgabv.

**2** Vklvgabv ngo nonu gvlo lvkodv aadvla nonua mvngdwk momam svnga, aaku mare vla mvngbwk pvkunv. **2** Ogulvgavbolo ngo nonua mvngdwk mooku bolo, yvvkudw nga mvngpu moji kunv? Ngoogv mvngdwk dubv mvkunam vdvw mvngku. **3** Ngam mvngpu mojinv nyi vdwa ngo aagvrila mvngdwk monwngma mvngla—vkvlvkwngbv ngo ho siti a nonua lvkla jipv kunv. Ogulvgavbolo ngo chindu vdwlo ngo mvngpu rinyi nonuka mvngpu mingvdu. **4** Ngo achialvbv adwkaku la okv haapok lo mvngru okv achialvbv nyikla sarla ritola nonua siti a lvkla jipvvn; ngoogv vbvrinam v nonua mvngdwk monam lvgabvma, vbvritola ngo nonu mvnwngnga vdwgo pakdudw um nonua hinchin moso mvngla. **5** Vjak akin gony megonyi mvngdwk mopvbolo, hv nga rinam ma vbvritola nonu mvnwngnga—mama

vdaka tunggonyi ripv. (Ngoogv svbv minam si ogulvgavbolo  
ngo ninya minying nwngma.) **6** Nonuno nyi cheloyanv ngv,  
ho nyi hum mvrit pvnvllo hv awjego mvpvku. **7** Vjak nonuno  
ninya mvngdwk lo ngoomu manam lvgabv, ninyigv rimur a  
mvngnga jilaku mintvmiru yala kuka. **8** Okv vkvlvgabv ngo nonua  
dinchi rungbv mindunv ninya nonuno jyjvbv pakrung dunvgo  
vla chimu runglaka. **9** Ngo ho gv siti hum lvktoku ogulvgavbolo  
nonuno vdwgo alvyauengbv pokayarka nga tormisuto kubvdw  
um malin nwngla okv nonuno ngoogv minam ha tvla rinwng  
nvgobv rila doopvdw ma doomadw um chinso mvngla. **10** Vdwlo  
nonuno akin gonvgv ogu rimur go ripvdw um anyubv mvngnga jiri  
kunyi, ngo ninya anyubv mvngnga jidu kunv, ogulvgavbolo ngo  
vdwlo anyubv mvngnga doodw, vBV ngoogv anyubv mvngnga  
namv nonunovg lvgabv Kristo gv kaagialo lo ritoku, **11** Okv  
ngoogv vbvrinam hv Uyu ngonuam rigum nyuma dubv vla ripvvn;  
ogulvgavbolo ngonu chinsudu ninyigv rinvpv vla mvngnam a. **12**  
Ngo vdwlo Toroas pamtv lo Kristo gv alvvn yunying nga japji  
dubv aalwk tokudw, ngo kaapa toku hoka Ahtu gv kudungkua  
nga ridu kubv lamtv mvkok pjji nama. **13** Vbvrinola ngo achialvby  
mvngdwk toku, ogulvgavbolo ngo ngonugv achiboru Taitasnyi  
hoka kaapa nyuma toku. Vklvgabv ngo hoka nyi vdwa alvby  
doola kukv vpikula Mesedonia bv vngdavngra pkunv. **14**  
Pwknvyarnvnyi umbonyikv! ogulvgavbolo Kristo gvlo ngonugv  
akinbv dobv ribvnam lokv Pwknvyarnv ngonua patwk nyi gv  
aingbv Kristo gv mgumrigum nama soi soibv sola gokrvnam  
lvgabv vnggv toku. Kristonyi chinam lkvkwng nga, amuk nampu  
nvnga mvnwnglo jukar monam aingbv Pwknvyarnv ngonu gvlo  
rimudu. **15** Ogulvgavbolo ngonu Kristo gv Pwknvyarnvnyi amok  
nampunv jinam aringdo hv ringlin kunam lola okv ringma dwnam

lo jungsik karmunam aingbv ridu. **16** Yvv bunu ngoodudw, si ho bunugv lvgabv achialvbv narunam gubvrila mvkidu; vbvritola si yvv bunu ringnam a paadudw ho bunugv lvgabv turnama nampasimu dunv. Vbvrikunamv, hvkvnv kudungkua nga yvv rila redw? **17** Nyi kgongv Pwknyarnv gv doin a arv miang nvgorv mvngla korvpachu bv rinyado, ngonu vbvrinv lokvma; ngonu Kristo gv pakbu bv dinchibv mvngla japdunv ogulvgavbolo Pwknyarnv ngonua vngmu pvkunv.

**3** So si ngonua atubogv lkwngbv lkvodv hارت sunam gubv tvdu nvgo lare? Nyi kvvbi gv aingbv tolwkoak kunam siti go nonua jiri vmalo nonu gvlokv jiri ngonu naala vngdubv dinchi dunvdw? **2** Mvnwgngv chinam lvgabv okv puri kunam lvgabv ngonugv haapok lo lvgapla vvpvnam siti ngv nonuno mabv. **3** Siti si Kristo atubongv lkpvnv vla rvbwngdo okv ngonua gvla vngmupvnn. Si sai lokv lkmva vbvritola turnv Pwknyarnv gv Dow lokv si lkpv kunv, okv lvngcho lo lklwkma vbvritola nyia nyi gv haapok lo lklwk pvnv. **4** Ngonu vBV mindu ogulvgavbolo Kristo gvlokv ngonu Pwknyarnvni mvngjwngjwngrw dunv. **5** Ho hoka ngonugv lokv so kudungkua sum rila dunv vla mingv nvnv go kaama. Ngonugv rilanvnn doonam si Pwknyarnv gvlokv aapvnn; **6** So si hv ngonua anw bv milv kunam a kudungkua riyalrila dubv mvnv ngv, hv pbv lkpv kunam lokvma vbvritola Dow lokv. Lkpv kunam pbv ngv sinam a naalwkdu, vbvritola Dow ngv turnama naalwkdu. **7** Pbv nga vlwng lvngcho lo siti bv lkpv toku, okv um jiri hoka Pwknyarnv gv kainv jwkrw ngv kaatam toku. Moses gv nyukmu gv ungnam mv nyero pvkuka, hv vBV kaibv ungt Israel nyi vdvwka ninbia kaagap jinjin nyuma toku. VBV sinam a naalwknv Pbv ngv jwkrw kaibv aapv bolo, **8** vdwo kaiyanam gubv rirekudw Dow gv kaibv jwkrw gv

ridung ngv! **9** Miyakaya nga naalwk nvngv kaibogobv riri kunyi; ringnambaanam a naalwk nvngv vdwgo achialvbv kairungnv gubv rirekudw! **10** Ngonu minlado vjakgv jwkrw kaiyanv gv achialvbv ungya yanam gv lvkwngbv kvlo gv kainvgobv ungnv angv nyeroku. **11** Oguglgavbolo ayung jvmabv doobwmg manvlo yunglit rinyi, dvbvsvngtambv doobwng jinvlo vdwgo yunglitnam gubv rirekudw! **12** Ogulgavbolo ngonu svkvnv mvngtin go doonam lvkwngbv, ngonu achialvbv mvngrwdu. **13** Ngonu Moses aingbv rima, yvvdw atugv nyukmua pulup sidu vla Israel nyi vdwam loung bv ungnam a okv nyeku nvnga kaapa mooku mato. **14** Bunugv haapok v alvrungbv pulup rotoku; okv so alu gv lokv bunugv haapok v ho gv pulupnam akin hv pulup rota pvku bunugv aku bv milv kunam kitap a puri riku lokv. So gv pulupnam si mvkok mvngriku vdwlo nyi v Kristo gvlo aapwng minggv rikudw. **15** Silu dajvka, vdwlo bunu Moses gv Pvbv nga puri ridunv, ho gv haapok a pulup lumam dunv. **16** Vbbritola hv mva nyure, darwknv kitaplo Moses gv lvkwnglo minam apiabv: "Vdwlo nw Ahtu gvlo gvrwk tokudw ninia pulup kunamv ngetoku." **17** Vjak, "Ahtu" vla minam angv si Dow ngv; okv Ahtu gv Dow ngv ogolo doolwk redw, hoka ajarabi dukunv. **18** Vbrikunamv ngonu mvnwngngv nyukmu nga mvtum mabv Ahtu gv yunglit kunam ha unglia kaatam puku lage; okv ho gv yunglitnam akin hv, Ahtu gvlokv aavn ngv, hv Dow ngv, ngonua ninyigv aingbv arwnglo aku sudubv mvla kaakwmanam kaiayabv unggvdu.

**4** Pwknvyarnv ninyigv aya lokv so kudungkua sum ngonua ridubv jitoku, okv vklvgabv ngonu mvnjung suku madu kunv. **2** Ngonu hinyinghirula risiripik kunamgv ridung nga kayu pekunv; ngonu kupdu ridu kubv rima dunv, ngonu Pwknvyarnv gv

gamchar a alvmabv mingv rigvma. Pwknvyarnv gv kaagialo  
ngonu jvjvgv lounglo ridu dakdunv, okv mvnwngnga alvnvgobv  
minku dubv vla rikw dunv. **3** Ogulvgavbolo ngonugv Gamlv  
japkar nam si vysi dubolo, si ngookunv vdwgv kaagia lokv vysi  
kunam gubv ridu. **4** Bunu mvngjwngma ogulvgavbolo bunugv  
haapok a nyiamooku so gv alvmanv pwknvyarnv ngv Kanvpvram  
lo vvpv roku. Hv bunua loung ungka nvnga kaapa moma dubv  
mvrum jiriadu, loung si Pwknvyarnv aingnv Kristo gv kairungnv  
lvkwnglo Alvnv Yunying lokv aapvnv. (*aiōn g165*) **5** Ogulvgavbolo  
ngonu atunvgv lvkwnglo japgoma; ngonu Jisu Kristonyi Ahtu  
gubv japgodu, okv ngonu atuv Jisu gv lvgabv nonugv pakbu  
gubv ridunv. **6** Pwknvyarnv vbv minto, “Kanvpvram lo loung  
go ungre!” hv Pwknvyarnv akin hv ninyigv loung nga ngonugv  
haapok lo ungm̄u dunv, Kristo gv nyukmu lo ungl̄in mola ngonua  
Pwknvyarnv gv kainvgobv rila ungnam a chimu dunv. **7** Rigvrila  
ngonu gvlo yvvdw so gv dow yikungyira doodunv hv takam  
pvchwng aingbv ridu, kaiyachoknv jwkrw v Pwknvyarnv gvngv,  
ngonu gvngvma vla kaatam dubv vbv ritoku. **8** Ngonua hirukaya  
yayabv himuto, vbritola ngoonam gubv amwkamak jedubv  
riyoma; Lvko gunyi ngonu mvngchi mato, vbritola vdwloka  
sanga moma. **9** Ngonugv nyimak v achialvgo, vbritola ngonu  
vdwloka ajin kaamabv rima; okv ngonua achidubv mvdv-mvdv  
jeka, ngonua mvki mato. **10** Dw mvnwnglo ngonu sikujinv ayak  
amar so Jisu gv sinam a gvla redunv, ogulvgavbolo ninyigv  
turnam hvka ngonugv ayak amar so kaapanam gubv rimunam  
lvgabv. **11** Jisu gv lvgalo ngonugv singnam mvnwnglo alu gv  
dwkia maatarbv sinam gubv ridunv, ogulvgabv ninyigv turnam v  
ngonugv sijikunv ayak amar so kaapa mokunam lvgabv. **12** Svbv  
minamsi sinamv ngonu gylo kudungkua ridu, vbritola turnam

v nonu gylo kudungkua ridu. **13** Darwknv kitaplo mindu, "Ngo mindunv ogulvgavbolo ngo mvngjwngdu." Ho mvngjwng akin gv dow lokv ngonuka mindu ogulvgavbolo ngonu mvngjwngdu. **14** Ngonu chindu Pwknyarnv, Ahtu Jisu Kristonyi turrap mokunv, hv Jisuni lvkobv ngonuaka turrap more, okv ngonua nonugv lvkobv ninyigv dookulo naala vnggv reku. **15** So mvnwng sum nonunogv lvgabv ripvny; ogulvgavbolo Pwknyarnv gv aya ngv kaiyayabv riku lokv nyi vdvv vbv Pwknyarnvni mintv hartvla umbonyikv vla kumreku. **16** Vklvkwngbv ngonu mvngju sima dunv, ngonugv ayak hv ngooya yaya jeka, vbvritola ngonugv dow gv singdung ngv lokia anw yayabv ridunv. **17** Okv so gv doobwngjimanv okv achukgo adwkaku hirukaya hinam si ngonua doobwngjinv okv kairungnv yungnam gubv naalwk jiyare, hv adwkaku nga achialvbv kaiyanv goku. (aiōnios g166) **18** Oulgavbolo ngonu kaapanam yikungyira lo mvnggap madunv vbvritola kaapa manam lo mvnggap yadunv. Kaapanam yikungyira si ayung madunv, vbvritola kaapa manam yikungyira si dvbvsngtambv doobwng yadunv. (aiōnios g166)

**5** Ngonugv ayak si sicingmooku so tombunaam lo doonam aringnv. Vbvritola vdwlo so tombunaam si ayak apak rikudw, ngonu chindu Pwknyarnv ngonua doomu dukubv tolo dooku a jire. Hv naam hv nw atubogv mvnamv okv dvbvsngtambv doobwngre. (aiōnios g166) **2** Okv vjak ngonu sagwngdu, ogulvgavbolo nyidomooku tolo gv inv naam ha ngonu achialvbv koonwng yadu; **3** ngonu ayak abin manam lvgabv um vji jvbv kooriku. **4** Sicingmooku so tombunaam lo doorinyi, ngonu mvngdwk sakdwkla svgin gindu; ngonugv svbv rigvniam si Sicingmooku so rigvdognv nv awamar sum ria sinvpv vla rima, vbvritola nyido mooku tolkov aanv nga ngonu pilwk sinwngdo,

vbvribolo ogu vdw ngonua sigv yaagvnv amar v hv turbwngnv  
ayak amarbv mardik reku. **5** Svbv mardik nam sum ridubv riria  
dunv Pwknyyarnv akin v, okv nw ngonugv lvgabv achialvgo vvpv  
jirung pvnv vla kaatambv ninyigv Dow nga ngonua jitoku. **6**  
Vkvlgabv ngonu alu gv dwkia achialvbv mvngrw dunv. Ngonu  
chindu vdwgo ayak amar lo doobwng redw ngonu Ahtu gv naam  
lokv adu dunv. **7** Ogulgavbolo ngonugv turnam si mvngjwng  
kolokv turdunv, kaaku lokvma. **8** Ngonu achialvbv mvngrwdu okv  
ayak amar naam sum kayu tola okv Ahtuni lvkobv naam lo  
doonwng yadunv. **9** Ngonu ngonugv naam so jeka okv tolo jeka  
ogumvnwng nga kaiyabv ngonu ninya mvngpu modubv rinwng  
dunv. **10** Ogulgavbolo ngonu mvnwngngv Kristo gv kaagialo  
daklin rungre, ninya jwngkadaka kodubv. Tanyi amarbv turla  
singriko, alvnvggo ripvdw vmalo alvmanv go ripvdw, ho rinam gv  
rijo paase nga, ngonu akin-akin v naark sireku. **11** Ahtuni busu  
svngv ogvdw ngonu chindu, okv ngonu um kvvbi vdwaka minpa  
minsidi. Pwknyyarnv ngonu mvnwngnga chimedu, okv ngaaka  
nonunogv haapok lo alvrungbv chindu vla ngo mvngtindu. **12**  
Ngonu lvkodv nonua alvnvgobv mvngku dubv atubogy lkvnglo  
minpa dubv rikwma; vmabvy, ngonu nonua alvnv ogugo jiyala  
ngonua harty modubv rikw yadunv, hv vklvgabv nonuno nyi a  
arwng lokv kaamabv agum lokv kaala goonv nyi vdwa mirwk  
sinyu dubv. **13** Ngonu jyjvby suru rungdure? Hv Pwknyyarnv gv  
lvgabv ridunv; vmalo ngonu alvyaung nvgorv ridure? Vbvribolo  
hv nonunogv lvgabv ridunv. **14** Kristo gv paknam lokv ngonua  
rigvdogvdu, vjak ngonu kaachin duku, nyi akonv mvnwng gv  
lvgabv siria jipvku, ho hv minrinyi mvnwngngv ninyigv sinamlo  
akin gubv simin gtva dunv. **15** Nw mvnwng gv lvgabv siria jitoku,  
vklvgabv vrinyi yvzbunudw turdukunv hv bunu atunvgy lvgabv

svngsu madu kubv, vbvritola yvvdw bunugv lvgabv siji laku okv turjikunv gv lvgabvya svngji yadukubv. **16** Vbvrikunamv ngonu vdwloka nyi tanyi ako vla jwngkadaka madu kunv. Ngonu lvko Kristonyi nyi tanyi akobv jwngkadaka toku, vjak ngonu vbv riku madunv. **17** Yvvdw Kristo gvlo aapwng dukunv hv anwnv nyi vku; aku hv vngroku, anw hv aapv kunv! **18** So mvnwng sum Pwknyarnv ritoku, ngonua ninyigv nyimak bv rinv nga Kristo gylokv ngonua ninyigv ajin gubv mvpvkunv, okv ngonua kvvbi vdwaka ninyigv ajin gubv mvdukubv rise nga jita pvkunv. **19** Ngonugv doinv Kristo gylokv Pwknyarnv nyia nyi mvnwngnga ninyigv ajinby mvdukukv vnamgo. Pwknyarnv bunugv rimur a kila vvpv kuma dukunv, okv ninyigv doin jinamv nw bunua oguaingbv ajinby mvdukudw ho gv lkvwngbv minpa nvgoku. **20** Vbvrikunamv so ngonu Kristo gv nyitampingko ngv, ngonugv lokv Pwknyarnv ninyigv dinchibv koonam a ripvku. Ngonu Kristo gv lvgabv minria jidunv: Pwknyarnv nonua nyimak loka ninyigv ajin gubv mvdin lakuka! **21** Kristo rimur kaamany, vbvritola ngonugv lvgabv Pwknyarnv ninyia ngonugv rimur a gvvria motoku ogulgavbolo ninyia akin gubvrila ngonu Pwknyarnv gv darwkchongjor a naala nyudukubv.

**6** Vbvrikunamv ngonugv lkvobv Pwknyarnv gvlo kudungkua ribam kolo, ngonu nonua dinchibv mindunv, yvvdw Pwknyarnv gv anyubv aya jinam a naarwk sudunv hv ung anyung kaamanvgobv rimu mabvka. **2** Pwknyarnv ogugo mindudw tvvtoka: “Vdwlo nonua ngoogv kaiyabv aya kaatamdw hv aatokudw, ngo nonua tvvji toku; vdwlo nonua ringlindw hv aatokudw ngo nonua ridur toku.” Tvratio! Siinv Pwknyarnv gvlo kaibv aya nga naarwk sidw hv; silugv alu si ringlinbalindw alu hv! **3** Ngonu yvnyika ngonugv kudungkua rikulo alvmanv go kaapa mosu mvngma, vkvlvgabv

ngonu akonvgv lamtvlo adwkaku go mvlwk rilwk madubv vla rikw dunv. 4 Vmabvy, ngonugv rinam mvnwnglo ngonu Pwknyarnv gv pakbu gubv ngonu kaatam sila adwkaku ha, hirukaya nga, okv rinyu manam dvdv nga hinla saktv sidula ridungdunv. 5 Ngonua dvngtoku, patwklo tumtoku, okv nyitwng ngv goyum nyato; ngonua kudungkua rilv yamuto okv dvnam guma jeka yupnam guka paamabv ripvkunv. 6 Darwknv Dow lokv, ngonugv jvjvnb paknam lokv; ngonugv darwk kolokv, chinampaanam a, saktv nga, okv aya nga Pwknyarnv gv pakbu gubv kaatamsula ripvkunv, 7 ngonugv jvjvnb doin lokv, okv Pwknyarnv gv jwkrw lokv. Ngonu gylo darwkchongjor hv yidu gubvrila baanyi gubv ridu, mvmisinv dubv okv atubongv mvngging sunvdubv. 8 Nyi kvgonv ngonua mvngdvto okv kvgonv ngonua minying toku; ngonua miyakayato okv hartvto. Ngonua mvnnvrund gubv minyato vbkritola ngonu jviv nga mintoku. 9 Chimpa manam aingbv rito, vbkritola ngonuv mvnwng gv chinkunam; ngonu sikunv aingbv rito, vbkritola, nonuv kaadu, ngonu turla svngdu. Mvrit kubvka, ngonua mvki kuma; 10 mvngdwk dubv mvku bvka, ngonu lokia mvngpu toku; ngonua heemanv aingbv kaato, vbkritola ngonu nyi achialvgo nyitv dubv mvdu; ngonu oguguka kaamanv aingbv kaato, vbkritola ngonu jvjbv ogumvnwng nga doogvdu. 11 Aya sinam ajin vdwa Korint lo doonv! Ngonu nonua minkak milak jipv kunv; ngonu haapok sin a kokdariaka jipv kunv. 12 Nonugv lvgabv ngonugv haapok ka mvtum nvngv ngonuma; nonunogy haapok vdwa ngonugv lvgabv nonu mvtum yato. 13 Ngo vjak nonua ngoogv kuu jvbw mindu: nonugv lvgabv ngonugv mvngnam apiabv nonuka mvngla ngonua kaatam tvkuka. Nonugv haapok a kokdariaka tvkuka! 14 Mvngjwng manv vdwa karingchingbv lvkobv kudungkua ribam dubv rikw mabvka,

ogulvgavbolo hv rilamarung sv-ngv. JvJV nvngvla jvJV manv ngv  
oguaingbv akin nyudubv? Pua ngvla kanv ngv oguaingbv akin  
gubv doobam nyudubv? **15** Oguasingbv Kristo la Uyudvbv ngv  
tolwk minsu ladubv? Mvngjwngnv aka mvngjwng manv anga akin  
namv oguv? **16** Pwknyarnvnyi kumging naam hv oguaingbv  
Pwknyarnvnyi chima nvgv kumnam morti vdwa akin nyudubv?  
Ogulvgavbolo ngeonuv turnv Pwknyarnv gv kumging naam  
mv! Pwknyarnv atubongv vBV mintoku: “Ngo ngoogv naam  
a ngoogv nyi vdwa lvkobv mvre okv bunua lvkobv rireku; ngo  
bunugv Pwknyarnv bvB rireku, okv bunu ngoogv nyi bv rireku.” **17**  
Okv vklvgabv Ahtu mindu, “Nonuno bunua kayu rungto kuka  
okv nonu atubongv bunu vdwa akusubv resu daksu tokuka.  
Darwkmanv vdwa lvkobv kudungkua rimabvka, okv ngo nonua  
torwk sireku.” **18** Kaiyachoknv Pwknyarnv vBV mindu, “Ngo  
nonunogv abu bv rireku, okv nonuno ngoogv umv okv uu vdwbv  
rireku.”

**7** Ngoogv ajin vdwa sogv milvvnam mvnwng sum, ngeonugv  
lv gabv mvpvkunv. Vklvgabv ngeonu ngeonugv ayak hala yalu  
a darwk madubv mvnv vdwa adu minsu lajuka. Ngeonu  
Pwknyarnvnyi mvngdv rungla okv singdung nga darwk dubv  
svnbla juka. **2** Ngeonugv lv gabv nonugv haapok vdw ho  
dookudakku go mvji labvka! Ngeonu yvvnyika rigakpanam go  
kaama; ngeonu yvvnyika ngoomu namgo kaama, vmajkva yvvnyika  
dvkup namgo rikwma. **3** Ngo sum minam si nonua mia dubv  
mima; ngo kvlo mincho toku, sikujeka vmal turku jeka nonuno  
ngeonugv aya minsunam gubv ridu. **4** Ngo nonua achialvbv  
jvJV rungbv mvngdunv; ngo nonua vBV googing dunv! ngeonugv  
adwkaku mvnwnglo ngo vjaklodvbv achialvbv mvngrw mindunv;  
ngo kaiyaje bv himpu mindukunv. **5** Ngeonu Mesedonia lo vngchi

kubvka, ngonu doonu dubvka paama. Hoka adwkaku yayabv rila, kvbi vdwv yalung dumin sinya laku, ngonugv haapok lo busubv ritoku. **6** Vbvritola Pwknyarnv nw haapok a mvngamvngja la doonv nga mvngrw dubv mvnvngy, Taitasnyi aamula ngonua mvngrw mopvkunv. **7** Ninyigv aanam mvngchik lokv ngonua mvngpu dubv mvtwkma, vbvritola ninya nonu oguaingbv mvngrw dubv mvpv nvdw um ninyigv ngonua minpanam lokv ta. Nw ngonua minpa toku nonu nga achialvbv kaanwng duku vla, nonu oguaingbv mvngkor pkudw, oguaingbv nonuno ngam ringria dubv dooya dukudw; okv vkvlvgabv ngo vjak achialvbv mvngpu puya yaya dunv. **8** Ngoogy siti lvkku lokv nonua mvngdwk mopv boloka, ngo ho siti lvkwngbv mvngkur madunv. Ngo mvngkor dubv rinv guilo nonua achukgo mvngru dubv kaari hoka mvngkor dunv pvyi. **9** Vbvritola vjak ngo mvngpu duku, hv ngo nonua mvngru motobv vnam lokvma, nonunogv mvngru laila mvngdin kunam lokv. Ho mvngru angv hv Pwknyarnv gv rinv nvnamgo, vkvlvgabv ngonu nonua alvmaby rinam go kaama. **10** Ogulgavbolo Pwknyarnv mvngru ha rinvnla haapok a mvngdin mola Ringnambaanam paamu yadunv—okv ho mvngkor kuse kaama! Vbvritola Nyi gv rinvnvnam mvngruv sinam a paamu dunv. **11** Kaatoka nonunogv mvngrua Pwknyarnv ogugo ripvkudw: vdwgo mvngdok rungnv gubv si nonua mvtoku, nonunogv nyngum ptvtr a vdwgo kaatam nwngduku! Vkvnv mvngdwk, lammunam, vkvnv hinam, mvnglwk jinam, rimur nvnga mvrit dubv doyanam! So gv ogu mvnwng so nonua rimur manv gubv kaatam rimu toku. **12** Vkvnlvgabv, ngo ho gv siti a lvkdaka, hv rimur rinv gv lvkwngbv vmalo rimur monv gv lvkwngbv lvkyama. Vmvbvyia um ngo nonua chimpa moyabv dubv lvktoku, Pwknyarnv gv kaagialo, nonugv ngonua tolwk sunam doonam mv vdwgo

rungrwng dukunv um kaatam yala ripvnv. **13** Vkvlvkwngbv  
ngonua mvngrw mopvnv. Ngonua hv mvngchik mvngrw moma;  
nonunogv Taitasnyi ridur laku mvngpu monam lokv ninyigv vBV  
mvngrw kunam lokv ngonuaka achialvggo mvngrw mata pvku. **14**  
Nw gylo ngo nonua hارت toku, okv nonuno nga mvngngamvngja  
momato. Ngonu lokia nonua jvјv nga minbwng jitoku, vkv aingbv  
ngonugv Taitasnyi hارت kunamv jvјv dukunyi vla kaapa moduku.  
**15** Nonuno ninya busula okv jinjinrumrum tola naarwk sunama,  
okv ninyigv minggap nama tvduridubv nonugv doya nama vdwlo  
mvngpa tokudw ninyigv haapok lo nonugv aolo ninyigv aya ngv  
haatin yaya duku. **16** Ngo achialvbv mvngpu duku nonua ngo  
ogumvnwng nga mvngtin nyula kunamv!

**8** Ngonugv ajin vdwa, ngonu nonua Mesedonia gv gvrja vdwlo  
Pwknvyarnv gv aya lokv ogunvgo ripwngrinya mopv kudw um  
chimu nwngdu. **2** Bunu pokayarka lo maatarbv adwkaku hirukaya  
hinyato; vbkritola bunugv mvngpu v kainvgobv rinam lvgabv bunu  
dvma heema nvgobv rijeka jinamrumnam lo achialvbv jinwng  
nyala jitoku. **3** Ngo jvјvbv mindunv bunugv vdwgo jila pvdw jito  
okv humka kaiyagobv jinya la jitoku. **4** Bunugv mvnggwngbv  
mvnglin sunam lokv bunu ngonua, Judia lo doonv Pwknvyarnv gv  
nyi vdwa ainmorko jidur minggv dubv rimi labv vla dvku kooto.  
**5** Atukchobv bunu atuv Ahtu gylo tolwk choto, okv ho kochingbv  
Pwknvyarnv gv mvngnam lokv burnu ngonu gylo tolwk toku, hv  
ngonugv mvngtin a kaiyanv gubv ritoku. **6** Vkvlgabv Taitasnyi,  
so gv paknam rinam gv kudungkua sum rirap gvnv, nonua ridorla  
alvbv ribv la ripirinya gylakv vla ngonu mintvmiru dunv. **7** Nonuno  
ogumvnwnglo nyitv nvgobv ridunv: mvngjwnglo, japnamrinam lo,  
okv chinampanam lo, nonugv ridurdubv koosanam okv ngonua  
paknam rinam lo. Okv vkvlgabv ngonu nonuaka so gv pakmi

sinam kudungkua so jinwng rumnwng nvgobv rita tvka vla mvngdunv. **8** Ngo nonua pvbv lvkla mima dunv. Vbvritolakvvbi vdwv achialvbv jinwng rumnwngla ridukv vla kaatam dunv, nonunogv paknam mv vdwgo jvjbv pvdw um kaalin dubv vla ngo rikw dunv. **9** Nonuno Ahtu Jisu Kristo gv anyubv aya nga chindu; vdwgo nyitv nvgobv ripikula, vkgvo nonugv lvgabv dvma heema nvgobv mvsutoku, vklvlgavbolo nw gv dvma heema lokv nonua nyitv kunam lvgabv ritoku. **10** Ngoogv mvngnam v vvb mvngdu mvnying nonuno ogugo rirap pvkudw um vjak rinya chotoka. Nonuno richonv vdwv, ridubv rimwngma, vblritolakvvbi ridubv rinwng nvngvka nonu. **11** Vbvrifikunamv, hokv rirapla vjak ridung nga rinya tokuka! Nonu oguaingbv rinwngla rirap pvdw, vbyching rinwngla rinya tokuka, okv vjak nonu ogugo doodudw hokv rinv tvka. **12** Nonu jinwng dubolo, Pwknyarnv nonugv ogugo doola jidudw hoogv jinam amin lokv torwk sire, nonugv doomanam a mvngmare. **13** Ngo kvvbi ha haajup modubv vla nonua ainv vgego gymu rimu madunv; **14** Vbvritolakvvbi vjak nonuno ajeaye duku, vblriri so kaamarimanv vdwa nonu kaadurridur dubv ridu. Vbvrifikubolo vdwlo nonu kaamarima rikudw okv bunu ajeaye dookubolo, bunu nonuaka ridurkaadur riku. Vbvrila anyiv lvin akin kylam gubv rimi sulare. **15** Darwknv kitaplo mindu, "Yvvdw achialvgo naakum pvnv hv achialvgo dooma toku, okv yvvdw miang go naakum pvnv hv achialvbv miang go dooma toku." **16** Ngonugv nonua ridurdubv koosanam aingbv Taitasnyi koosa monv Pwknyarnvnyi ngonu achialvbv umbonyikv vdunv. **17** Nw ngonugv dinchikochi bv minam a alvbv naarwk sula rimwngma; nw achialvbv koosala nw gv rinwng koloky nw nonu gylo vngdubv tolwk sutoku. **18** Ninyigv lvkobv ngonu achiboru go gamlv japkar kolo gvrja mvnwng gv achialvbv mvngdv kunam go

vngmu dunv. **19** Okv ho gv aolo, nw gvrja mvnwng gv ngonugv vnggo kolo vngmin gvmu dubv darlin kunam mv vbv ngonugv pakmi sunam ridung nga Ahtunyi yunglit monam lvgabv okv ngonu ridur nwngdunv vla kaatamnam lvkwngbv. **20** Jinwngla jinam sum ngonugv kaayataya nama minkurminrwk namgo rimu madubv vla ngonu himakaya sidunv. **21** Ngonugv mvngnam jvngv jviv nga ridubv vla, Ahtu gv kaagia lomwngma, vbvritola kvbi vdwgv kaagia lota. **22** Vklvlgabv ngonu achiboruni bunua lvkobv vngmu gvrinv; ngonu ninyia achialvbv hingkwkaakw laku ninyia ridorlo koosa nvgorv kaalin pkunv. Okv vjak nw nonua achialvbv mvngtindu, okv mvnwngnga kaibv ridur yanvpv vla mvngsudu. **23** Taitas gvbv vrinyi, nonua ridurnam lvgabv nw nga lvkobv kudungkua richam v; ninyia vngming gynv kvbi achiboru vdwa minrinyi, bunu gvrja gvbv vngria jila okv Ahtu Kristo gv amina kaiyaya modunv. **24** Nonugv lvkwngbv ngonugv goola minamv minching go vla gvrja mvnwngnga chimu kunam lvgabv nonugv paknam a bunua pakla kaatam tolaka.

**9** Judia lo Pwknyayarnv gv nyi vdwa ridur go jiku nama ngo nonua ho gv lvkwng nga lvkse go kaama. **2** Ngo chindu nonu ridurdubv koosa nyatoku, okv ngo nonua Mesedonia gv nyi vdwgv tvgia kaagia lo gooji toku. Ngo mintoku, “Akaia lo mvngjwngnv vdww mvnying gv lokv ridurdubv vla dooya nyapvkunv.” Nonugv koosa namv twngtv yanv nga mvar nyapvkunv. **3** Vjak ngo achiboru vdwa vngmu gvrinvla, vklvlgavbolo ngonugv nonua so lvkwnglo goonam mv gamchar nyumchikbv rila arochoko madubv. Vbvritola vjak ngo mintobv, nonu ridur ha lvvmu sila dooto laka. **4** Ogubvrijeka, Mesedonia gv nyi vdww nga lvkobv vngming gvla nonua lvvmu madubv kaapa kubolo, ngonu achialvbv hinyingnam gubv rireku—nonuka kaiyabv hinying reku—nonua

riji rungre vla achialvbv mvngtin kunamgv lokv! 5 Vkvlgabv ngo mvngtoku so gv nyi vdwa mintvmiru gvrila ngam vngcho yamure okv nonugv amin jinpv vla milv kunam ha lvmu yadukubv. Vbvrikunamv vdwlo ngo aachi rekudw hv mvkimvak pvla doodu kubv, okv hv nonugv jise gubv rimabv nonugv jinwngla jinam gubv kaamu dubv. 6 Mvnggap tvlaka yvvdw ali ha miang go lilwk dunv hv miang go paamwng duku; yvvdw ali a kaigo lilwk dunv hv kaiyago paadu kunv. 7 Vbvrikunamv nonuno nyichar mvnwngngv atu-atugv jidubv vla mvngku lokv jilaka, mvngkurla vmalo jinwng mato laka jila riyoka, vklvgavbolo Pwknvyarnv mvngpula jinv nga pakdunv. 8 Okv Pwknvyarnv nonugv dinchi nama kaiyanvgo jila dunv, vklvgavbolo nonuv dinchinam mvnwngnga atuv lokia anginmabv doosu dukubv okv alvnv rinampanam mvnwnglo kaibv riladubv paare. 9 Darwknv kitaplo vBV mindu, "Nw dvmaheemanv vdwa alvbv jidu; ninyigv aya ngv dvbvsvngtambv doobwngnv." (aiōn g165) 10 Okv Pwknvyarnv ali linv nga ali nga jinv okv dvnam a dvdbv jidunv, nonugv ali dinchi nama jiriare okv kaibv naakum dukubv svngmula okv nonugv jipubv jinam gv lokv kaigo apwasia naaching moreku. 11 Nw nonua lokia nyitv dubv mvla mvnwnglo jinwng nvgovb mvre, vklvgavbolo bunu ngonugv lokv nonugv amin jinam a naarwksuto kula mvnwngngv Pwknvyarnvnyi umbonyikv vreku. 12 Nonugv svbvrinam si Pwknvyarnv gv nyi vdwgv pwma risu nvnga pwdubv rimwngma, vblritolu mvnwngnga achialvbv Pwknvyarnvnyi umbonyikv vla rimu dubv ritadu. 13 Okv nonugv ridungripa riku lokv kaatam sinam lkwngbv, Kristo gv doin a dinchinam lkwnglo, Pwknvyarnv gvlo rimur a minji sunam lkwngbv okv nonugv bunua okv nyi mvnwnglo jinwng rumnwngbv jiku lkwnglo, nyi achialvgo Pwknvyarnvnyi hارت

nyari. **14** Okv nonua Pwknvyarnv gv akusubv aya kaatamnam lvkwngbv bunugv haapok sin mvngrum ara lokv dinchikochi tola nonu lvgabv kumji nyare. **15** Ninyigv arv koomabv amin jikunam so lvkwngbv klai ngonu Pwknvyarnvnyi umbonyikv vlaju.

**10** Paul ngo, vdwlo nonua lvkobv ribamdkbam redw—goyunvbv okv nyaknyinvbv, vbvrıtola vdwlo nonugv lokv adu rikudw nonua tvrukaya bv minnv ngv. Kristo gv angamptar okv aya lokv nonua lvbula mindunv, **2** ngo nonua koodwkkrwkla mindunv vdwlo ngo aaridw nga haak moma bvka; ogulvgavbolo ngo jvjvbv mindunv yvvdw ngonua tanyi mooku gvbv mvngla ridunv vnv vdwa ngo haakdar minsu lare. **3** Si jvjv ngvrung doonam gvbv ngonu tanyi mooku si doorung dunv, vbvrıtola ngonu tanyi mooku gvbv mvngla padarminsu madunv. **4** Ngonugv pamisinvnv yiduv tanyi mookugv yidu ma vbvrıtola Pwknvyarnv gv kairungnv jwkrw gv yiduv, hum ngonu bvngtola toodvng mvnam haka mvyak dunv. Ngonu mvvnamrunam larnam a mvyak dukunv; **5** Pwknvyarnvnyi chinapanam gv lvkwng nga mintor yala, rinv nga ngonu tungtuptungrup dunv; okv mvnwng gv mvngnamsaknam a ngonu naatungla Kristo gv mvnglwkbv tvdu ridu kubv mvdukunv. **6** Okv nonugv dinchibv mvngdi kunam a kaatamro kochingbv, ngonu yvzbunudw mvngdi kaadila rima dunv hum ngonu mvrit dubv dooyare. **7** Nonuno agumai gv yikungyira vdwa kaadu. Ayak amar a Kristo gvngv vla akin go mvngsu nvgo doodure? Alvdo, bunua lvkodv atugv lvkwngbv mvngdi sila mvngka motoka, ogulvgavbolo bunugv rinam apiabv ngonu Kristo gyngvku. **8** Ahtu gv ngonu gylo nonua rigv modubv jwkrw jinamv, nonua mvyakmvchak dubvma, vbvrıtola nonua mvdin mvbiala singmu yadubv jinamv. Okv ngonua rigvdogv ladubv jwkrw jinam gv lvkwng haka ngo achargo gobogoyik jeka,

um ngo achar guka hinying bv mvngsuma. **9** Ngo siti lvkku sokv nonu v ngam busukano go doomu dubv kaatam nvpv vla mvngma. **10** Ako nvgonv minre, “Paul gv siti lvknam mv achialvbv haachihaak nambv ridu, vbvritola vdwlo nw ngonua nyidumbv lvkobv ribamdobam redw, nw goyu nvgobv ridu, okv ninyigv minam gaam vdvw oguguka kaama.” **11** Vkvnv nyi hv chirung tylaka vdwlo ngonu adulo retola ngonu siti bv lvkdudw okv vdwlo ngonu nonua lvkobv ribamdobam tvla riredw vbvrinam ho ogu akusunv go kaama. **12** Vbv rilado kaiyachok nvgobv mvngsu risula rinv vdwa ngonu atubongv aku-aku subv vmalo atubongv kiiring sula madunv. Bunu achialvbv pvchado! Bunu atubongv mvsurisula atua kiiring sunyado okv bunu atubongv gv kaapu tain lo jwngkadaka sunyado! **13** Ngonu gvbv, ogubv rijeka, goonam a mvrw rirw kolokv ribo nyulamare; so si Pwknyarnv gv ngonua vBV rilakv vla kudungkua jirw jipala jinam lo doore, okv si nonua lvkobv kudungkua ribam namaka minta dunv. **14** Okv nonuno vBV arwrwnam gv arwng lo doodu, vdwlo ngonu nonu gvlo aarilo ngonu ho bunua ribo vngbo matoku, Kristo gv lvkwng Alvnv Yunying nga bvnglwk jiri lo. **15** Vkvlgabv Pwknyarnv gv ngonua kudungkua jirwnam lo kvvbi vdwv ribo richakla rikunam gv lvkwng nga ngonu goosu madunv. Vmabvya, ngonu mvngtindu nonugv mvngjwng ngv kai yayare okv ngonu nonua lvkobv ribamdobam la kainv kudungkua go rinyu yare, alu gv dwkia Pwknyarnv gv jirw jipa kolo doodula. **16** Vbvrikunamv ngonu nonua vngboyala kvvbi mooku vdwlo Alvnv Yunying nga jakkar lado okv ako gunv gv mooku lo kudungkua riro kunamgv lvkwng nga gookwng kumare. **17** Vbvritola Darwknv Kitaplo vBV mindu, “Yvvdw goorung dubv mvngdunv hv Ahtu ogugo ripvkudw ho gv lvkwng nga goorung laka.” **18** Vkvlgavbolo vdwlo

Ahtu ngonua alvbv mvngridw vbvririlo hv ngonua jvjbv torwk sidukunv, okv ngonugv atuv alvnvgobv mvngsunam lokvma.

**11** Nonuno ngam vBV rjilabv! vdwlo ngo achukgo pvcha nvgobv rijeka, nonuno ngam saktv mingv laka. **2** Pwknyarnv gv apiabv, ngo nonu lv gabv kavtarv dunvla; nonuno ngoogv darwknv nyijar gonyi yaapa akolo mingak jidubv milv kunam jvBV ridu, hv yaapa angv hv Kristo atubongv. **3** lyip nyi tabw gv mvvlarula kupnam aingbv, nonunogv haapok haka mvngmur mola okv Kristonyi darwkbv dinchibv mvngjwng sunama kayu mojila vla ngo busudu. **4** Ogulvgavbolo ngonu nonua Jisu gv lvkwng nga japji toku, okv nonu Darwknv Dow nga naark sutoku okv ngonugv doin a nonu torwk sutoku vBVripikula um kayu tokula; nonuno kvvbinyi mego dvBV Jisu go nonua japji kodu. Vjak nonu kvvbi dow go naark sidu kubv okv kvvbi doin go torwk sidu kubv mvngpula doya duku. **5** Nonugv maatarbv alvyauengnv kainv apostol vdwv vla minam vdwa ngo mvngkw namv ngo achok goka miang yadunv vla mvngsuma. **6** Ngo gaam raakulo jwknam kioknambv raachin riama dvnpv, vBVritola chinapanam lo ngooka kai nguru pvnv; dw mvnwnglo okv svngkuriku mvnwnglo ngonu sum nonua minbwk jipv kunv. **7** Vdwlo ngo nonua Pwknyarnv gv Alvnv Yunying nga japji rilo ngo nonua japjo rijo go minma; nonua alvnvgobv rimuto mvngla ngo nyaknyi yala ritoku. Hv ngo rimur go ripvi? **8** Ngoogv nonua lvkobv ribamla kudungkua ririlo, ngam kvvbi gvrja vdwv rijo nga joriatoku. Hv minri kunyi, nonua ridurnam lvkwngbv bunugv lokv dvrit namgo. **9** Ngoogv nonua hoka ribam doobam rilo ngoogv morko ain pwma nama ngo nonua mindwkminku matoku; Mesedonia lokv mvngjwngnv vdwv ngoogv dinchinam mvnwngnga jiria toku. Vngroyinv aingbv, aarinv tolo jeka: ngo vdwloka nonua vge gubv mvlwk mare! **10**

Kristo gv jvјv ngv ngoogylo doonam lvgabv, ngo milvla mindunv  
Akaia mooku mvnwnglo ngoogv goonam v choibv doya mare. **11**  
Ngo nonua pakmanam lvkwngbv ngo svbv minduai? Pwknyarnv  
chindu ngo nonua pakdunv! **12** Ngo vjak ogugo ridudw sum ngo  
ribwngre, ho gv kvvbi “apostol” vdwa ngonugv rinam apiabv  
bunuka ridu vla goonv vdwa mvtor sunam lvkwngbv. **13** Ho nyi  
vdvv jvjvnv apostol ma—bunu mvvnvrurnv apostol vdvv bunu  
mvvlarula kudungkua ridunv okv bunu atu v Kristo gv jvjvnv  
apostol aingbv kaadunv. **14** Alvdo, mvngngak svgo kaama! Uyu  
hvka atuv loung gv nyido gindung jvbv ridunv. **15** Vkvlgabv  
ninyigv pakbuv bunu atuv jvjvnvgv pakbu gubv kaadubv mvsu  
duboloka hv si kairungnam go rima. Ataranya alu lo bunugv  
rinampanam a bunu paasureku. **16** Ngo mindvdu: yvvka ngam  
pvchanv akobv mvngrung mabvka. Vbvrilola nonu vBV mvngdu  
bolo, mama vjvka ngam pvchanv akobv torwk sulaka, ngo  
achukgo goosu ladubv. **17** Rinam gvBV ngo vjak ogugo mindudw  
Ahtu gv mintoka vla minku lokv minma; svbv kaibv goosunam  
so kaarinyi ngo jvjvbv pvchanv aingbv mindu. **18** Vbvrilola nyi  
achialvgo hoka tanyi amar gv mvngtung lokv goosudu, ngo  
ka hvkv apiabv rire. **19** Nonu atubongv achialvbv chinvpanv  
gubv ridu, okv vklvlgabv nonu mvngpula pvcha nvnga saktvdu!  
**20** Nonua orto jila vmalo rinv nvminla vmalo kupkula vmalo  
kaanyetalo koola vmalo no gv nyukmua svbiaknam aingbv riku  
tvla, nonuno saktv nyadu. **21** Ngonu vkvnv ridung nga rikulo  
richin nyuyama vla minse nga ngo hinyingdo! Vbvrilola akonv  
vkvsekv gv lvkwngbv busu kaamabv goosu bolo—ngo pvchanv  
jvbv mindunv—ngonuka vblrila mvngpakla goosu ladu. **22** Bunu  
Hebru ngvdw? Ngooka hv. Bunu Israel nyi ngvdw? ngooka hv.  
Bunu Abraham gv husi ngvdw? ngooka hv. **23** Bunu Kristo

gv pakbu vdw? Ngo surunv jvbw mindu—vbkritola ngo bunua alvyanv pakbuv! ngo achialvbv raaibv riyanv, ngo patwk haka achialvgo doopvkunv, ngo svnyakpanam haka megojego himpv kunv, okv ngo sise dvlvbv ridarirala ripv kunv. **24** Jius nyi vdwv nga dvngap lvngu go dvngla dvngap lo chaam gula kia go svchikla svnyak panamma ngo paanv. **25** Roman nyi vdwv nga lvom go svnyak patoku; okv lvko nga vlwng orki tvto. Svpw v lvom go nga darmwk gvpv kunv, okv isi lo ngo alu gula ayu go doopvkunv. **26** Ngoogv mooying vngkulo ngo silwk mangv doopv kunv svcharmoyer lokv okv dvchonv vdw gvlokv, ngo Atunyi vdw gvlokv okv Jentail vdw gvlokv; Pamtv vdwlo alvmatoku, mootum alvmakulo, svmasa lo, okv mvvnvrund ajin vdwgylo ka. **27** Ngo kudungkua rila okv hiru a hintoku; yupnam supnam goka paakumabv rito; ngo tvngnwng okv kano ngaaka himpv kunv; dynamtvngnam, vji vbee dooging dakpo nyumchi dubv rinam kaama bv ribwngto. **28** Okv kvvbi ha mingkwng kumabv, alu gv dwkia ngo gvrja mvnwng gv lvkwngbv mvngla mvnglv kumabv mvngdu kunv. **29** Vdwlo akonv anyuapa mabv ririnyi ngooka anyuapa mabv riming gvdu, vdwlo akonyi rimur rimududw ngo achialvbv mvngdwk riadukunv. **30** Ngo kaibv goorung sego bolo, ngo ogunv lvkwnglo goola hv ngam vdwgo aronvgobv rimududw ho lvgabv goore. **31** Ngoogv mvvma rungma nvnga—Pwknvyarnv, Ahtu Jisu gv Abu chindu—ninyigv aminv dvbvsngtambv doobwng laka! (*aiōn g165*) **32** Ngoogv Damaskas lo doorilo, ngam naatung dubv vla Dvbw Aretas gv arwnglo doonv gobunor angv pamtv aagialo sipai dakya motoku. **33** Vbkritola nga paapi gulo doomu gvrila chikchi a mvko tyla soolula ninyigv lokv kelin mopvkunv.

**12** Ngo kaibv goorungre, si alvnvgobv rimajeka. Vbvratola vjak ngo Ahtu gv nyikrw okv kaatamnam vklvkwngbv minre. 2 Anying nyiningring gola nyiningpi gubv ripvku Kristan nyi ako nyido gv dootar tolo naachanam anga hum ngo chindu. (Sum jvjvbv ritobvdw vmalohv nyikrw bv kaapv nvdw ngo chima, Pwknyarnv mwng chindu). 3 Ngo mindvdu, so nyi anga Paradais tolo naacha toku ngo chindu (lvkody, ngo chinchima si jvjv bv ripv nvdw vmalohv nyikrw gupvdw—Pwknyarnv mwng chimwngdu), 4 okv tolo nw tanyi gv gaam bv mila manam vkv, nabor lokv japlamanam vkv tvppa toku. 5 Vklv gabv so nyi gv lkwngbv ngo goore—vbvratola ngo atubongv ogugo abittait nvgobv kaatam dudw hum miyamabv, ngo atubogv lkwngbv goomare. 6 Ngo goosu nvpv mvngdaka, ngo pvcha nvgobv rimare, ogulvgavbolo ngo jvjv nga mindu. Vbvratola ngo goosumare, ogulvgavbolo ngo nonu gvlokv akonyika ngo gvlokv tvvnam kaanam lo doomabv um minbin ribin yadubv rinam a ngo mvngma dunv. 7 Vbvratola ngoogv kaasartabobv kaanam vdwlokv nga kaibv goosu momanam lkwngbv, ngam ayaklo achinam go jilwkpv, hv Uyu gv gindung jokria nvgobv jinam aingbv ngam dvngyadu okv ngam goomu madu. 8 Ahtunyi sum naala naa jilabv vla ngo lvom go kumtoku. 9 Vbvratola niniygv mirwksinamv “Ngoogv aya ngv no gv lvgabv awyaje dukunv, vdwlo no abittait rikudw ngoogv jwkrw v nam gwliwkyachok modunv.” Vbvratola ngo ngoogv abittait a googing nvse nga ngo mvngpu yadunv, ogulvgavbolo Kristo gv ringyanv jwkrw ha ngoogvlo doolwk monam lvgabv. 10 Ngo Kristo gv lkwngbv, abittait nama, nyarjikau ha, hirukaya nga, mvdwkmvku ha, okv adwkaku ha um ngo hangnyumchi yadunv. Ogulvgabv vbole vdwlo ngo abittait ridw, ho ngo gwliw yanvgobv riyadu. 11 Ngo pvchany jvbw ridu—vbvratola nonuno

ngam vbv rimudu. Nonuno ngam tolwkoak dunv vla kaatam sego doodunv. Ogulvgavbolo ngo ogumanv gobv rijeka, nonugv alvyachoknv "apostol" vla minam vdwa ngo achuk guka miang yama dunv. **12** Ngoogv saktv sidula nyaknyibv kudungkua riku lokv, Pwknyarnv nonua ngo gvlokv awgo lamrwanam okv kaasartabo a riji toku. So gv rikunam vdwi ngam Apostol hvkv vla kaatam dunv. **13** Ngoogv nonua ngam morkoain go ridur labvka vla minam ha mimabolo, ngoogv kvvbi gvrja vdwa lvyabv nonua alvmabv rinam minam go kaama. Ngoogv achialvbv dindapalamabv riku nama ayala ngam mvngnga jilabv! **14** Si lvom nvnvku ngoogv nonua kaalwk dubv vla mvkimvak pkunamv—okv ngo nonua koonam go kooku mare. Ngoogv dinchi namv nonu, morko ngama. Anyung ngv vbvridu kuu vdvw anvabu a jichasoocha madunv vbvritola anvabu yangv kuu vdwa jichasoocha yadunv. **15** Ngo nonua ridurnam lvgabv ngo ogugo doopvdw ho mvnwngnga okv ngo atubongvka korcha svnga mvngpu dunv. Ngoogv nonua achialvbv aya kolokv nonuno ngam miang go aya mvngridw? **16** Ngoogv nonua ogugo risebuse go rilwk manama kwvbi gunv hum akonv vby minre ngo nonua arwng rungla nonua gwngkup dubv mvvdunv vla minri nvpv. **17** Ogubv? Ngoogv nonu gvlo jokmunam nyi vdw gvlokv akin goloka ngo nonua dvbo yanam go doopvi? **18** Ngo Taitasnyi koola minla vngmuto, okv ninia lvkobv mvngjwngnv vdwa vngmupvnv. Nonuno Taitas nonua dvbo yapv vdunvre? Ngo okv nw ngonyiv atuk lokv mvngnamsaknam mv ridungmindung ngv akin mapv nvgoi? **19** Nonu vbyka mvngdunvpv ngonu atubongv nonugv kaagialo ringsunambv ridu nvgo vla. Ma! Pwknyarnv gv tvgia kaagialo Kristo gv ngonua rimu mimu nama ngonu mindunv, okv ngonugv rinam mvnwngngy, nonua ridurnam lvkwngbv ripvny.

20 Ngo busudu vdwlo ngo nonugv ho aaridw ngoogy mvngku loka nonua aku sudubv kaaridw vla okv nonu ngamka nonugv mvngku loka aku sudubv kaala riri kudw vla. Ngoogy busu gonv nonua ngo yalung dumy sidubv okv tanyum gymi sidubv, tuptup minsy dubv okv nabung minsy madubv, nyarjikau minsy dubv okv rwsy japmi sidubv, goomi sidubv okv asarai madubv kaajila vla.

21 Vdwlo ngo nonua lvkogunv tolo kaalwk rinyi Pwknvyarnv ngam hinying go paamu ridw vla ngo kapnam gubv rire ogulvgabv vbole nyi achialvggo vjaklodvbv kvlo gv alvmabv ridung singdung rimur a topu mabv ribwng nyadu. Nyi vdwv vjaklodvbv tvvmabv rimur nama, kaabiutarila rimur minsu nama, okv nyimv nyilo bv rimur minsunam, so vdwa ribwng nyadu.

**13** Ngoogy nonua kaalwk kunamv so si vjak lvom nvnvku. Darwknv kitaplo mindu—"Gungnying gubolo um tvvnvkaanv nyi lo anyi gumalo um kaiyago doomu gvrila japjup jilaka." 2 Ngoogy nonua lvnyi nvbv kaalwkri hoka ngo nonua gamrwto nonu okv yvvdw rimur ridung nga kayu maridw mvrirte vla. Vjakka ngo nonua adudo, vblrivola ngo ho gamrw ha nonua minbwng dunv. 3 So si nonua kaabwk moreku ngo Kristo gv lvkwngbv mindu vla. Vdwlo nw nonua minbwk jiri kudw, nw abittait nvgobv rimare, nw nonu gvlo jwkrw kairungnv gubv rire! 4 Ninyia daapo lo takki namsi ninyigv rinyu manam gubvka ridu, so si Pwknvyarnv gv jwkrw lokv nw turrap pvkunv. Ngonuka ninyigv lvkinbv anyu kumadu; vblrivola ngonu nonua lvkin minsu kunam lvkwngbv ngonuka ninyi turnam lokv Pwknvyarnv gv jwkrw a jimi sidunv. 5 Nonuno mvngjwnglo doodu nvdw dooma dunvdw, atuv rika darka sula jwngkadaka sitolaka. Jisu Kristo no gvlo doodu vla no jvjbv chindure?—Vbvmabolo no arochoko ngvkula. 6 Ngo mvngjwngdo ngonu ajwk-alak manv gubv rima

vla nonuno chinreku. **7** Ngonu kumdunv nonuno rimur go riku mare—ngonugv kumanammv atubongv alvbv kaakudubv vla, vbvritola nonua jvylo rimu dakmu dukubv, ngonu ajwk kuma nvgobv kaaku jeka. **8** Oguglvga ngonu jvJV nga haakla ria sibv rinyu ma, vbvritola ngonugv rinam mv jvJvgv lvkwngbv ridu kunv. **9** Ngonu abittait nvgobv ridaka, ngonu mvngpudu vbvritola nonuno gwlwk yadu. Okv vkvlvgabv ngonu nonua humka alvyabv rilak vnglak yanv gubv ritokv vla kumdunv. **10** Vklvgabv ngo adu lo doogvrla sum nonua lvkdunv; so si vBV vdwlo ngo vngchi rikudw ngo Ahtu gv jwkrw jinam lokv rinvnvla nonua mintapmirapla minamrinam go kaama dubv—riyakrichak mabvy a nonua turbudalvnv jwkrw gubv riya dubv. **11** Ngoogv ajin vdwa, alvbv doolaka! ngoogv minam ha alvbv tvvgap tylaka; okv alvyabv rilv yalaka; Tvvmi kaami sula okv sarsopoyo bv doobamdakbam dubv rilaka. Vjak ngo kumdunv paknam ha sarsopoyo nga jinv Pwknvyarnv nonua lvkobv doolaka. **12** Akinakin a sarsopoyo gv mopup dvtakbv jimi sulaka. Pwknvyarnv gv nyi mvnwngngv bunugv kumrwklvtak a nonua jilwkdu. **13** Ahtu Jisu Kristo gv aya ngv, Pwknvyarnv gv paknam v, okv Darwknv Dow gv remingdakming gvnam mv nonu mvnwngnga lvkobv dooming gylnaka.

# Galasian

**1** Paul lokv, oogv Apostol akobv goknamv nyia nyidung lokv aama, vbrvitola ngonugv Jisu kristo lokv okv ninyi sikunvnga turmu kunv Abu Pwknyarnv lokv aapvvn. **2** Okv ngam reming gvnv kristan ajin vdwv Galasia gv mvngjwngv mvnwng nga kumrwklwtaknam gaam am jilwk jito. **3** Pwknyarnv ngonugv Abu okv Ahtu Jisu kristo gv aya jinam okv sarsopoyonamv doi laka. **4** Silumelu gv alvmanv lokv laalin kunam lokv, Kristo ninyi atubongv ngonu rimur lv gabv sijinam si ngonugv Pwknyarnv okv Abu gv mvnglwkaalwk lo ridunv. (aiōn g165) **5** Vkvlgabv Pwknyarnv gvlo dvbvsingtambv yunglit namv doobv yilaka! Amen. (aiōn g165) **6** Ngo nonua ogubvda bvri mvngla mvngdu! Oogv Jisu kristo gv anyuaya lokv goknam am nonu mvnwng ngv vjakpi gobv kayu datola, okv kvvbi gv gamlv yangaya laarwk silaya riduku. **7** Jvjvrungbv mimbolo, hoka ogu kvvbi "gamlv yago kaama," vbrvitola ngo sum mindu ogulvgavbolo hoka nyi meego nonua ridwkriku la okv kristo gv gamlv am angusibv miyela mindubv rikw nyadu. **8** Vbrvitola ngonua amajeka nyidogindung go nyidomooku lokv ho ngonugv gamlv japji pvcunam am kayu tvla angusibv kvvbi yago japji dubolo, ninyia aka uyumooku lo miyakaya lvkreku! **9** Ngonu um mincho tvnam aingbv, okv ngo vjak lvkodv mindv dunv: nonu laarwk sirokunam gamlv am kayu tvkula kvvbi gamlv go minggo karji nvgo doopv bolo, ninyia uyumooku bv miyakaya kunam bv lvkreku! **10** Ngoogv vjakgv svbv ridunv si nyia gv mvnglwkaalwk bv ritvtdu nvdw? Maa vbrma, ngo ogugo ridudw Pwknyarnv gv mvnglwk bv rinvpv mvngla ridunv! Ngo nyi vdwa tppakapa kodu bv vla ridunvdw? Ngo vjvlodv vbrvidv dubolo, ngo kristo gv Pakbu gobv minla suma dunv. **11** Ngo nonua minji dunv, ngoogv ajin

vdwv, ho ngo gamlv jadpunu si nyia nyidung gv lokv japlin madunv vla. **12** Ngo nyia ridungdodung lokv oguguka laarwk sima pvnv, vmajvka yvvka ngam tamsarnam goka kaama. Si Jisu kristo gv ninyi atubongv ngam kaatam suku lokv paanamv. **13** Nonu mintoku ngo vdwlo ngo Jius dormo lo tulwksila riyilo ngo vdwgo oquaingbv ribvdobvdw, vdwgo ngo Pwknvyarnv gv gvrja vdwa ogu aya mvngpa namgo kamabv mvdwkmvku la okv ngoogv lvgvlvmabv mvyakriyak la ritoku. **14** Ngoogv Jius dormo lo ridu lo ngoogv singtam anying lo ngo Jius nyi kvvbiya alvyabv chinalya rito, okv ngonu abuapa gv ridungdodung lo dinchikochi alvbv rito. **15** Vbvrilola Pwknvyarnv ninyigv anyuaya lokv ngam anv gv kipo lokv bvnglin madvbv gakcho la ritoku, okv ngam ninyigv kudungkua nga ridubv goktoku. Okv vdwlo hv **16** Ninyigv Kuunyilo am ngam kaatam sidubv vla mvngpwk lakula kaatamto, ogulgavbolo ngo ninyigv lvkwng lo Alvnv Yunying nga Jentail vdwgv pingkolo japij koodubv vla kanam ilo, ngo yvvgvlo ka minsar kodubv vla vngnam kaama, **17** Vbvmajeka oogv apostol rinv vdwaka Jerusalem loka ngam kaarwk sitv bvka vngmato, vbvmayabv, ngo vjakpigobv Arabia yabv vngto, okv vbvrikunamv ngo Damakas bv vngkur toku. **18** Anying nyingam koching bvku ngo Pitar gv dukubv yunyingsa tvvkurtvrwk la ho ngo Jarusalem bv vngtoku, okv ngo ninyia hoka alu looring gula loopi gobv dooming gvtoku. **19** Ngo Ahtu gv nyikapsu Jems gv lvyalo kvvbi Apostle yago kaarwk sipa mato. **20** Ngo ogugo lvkdudw si jyv ngv. Pwknvyarnv chindu ngo mvvma dunv vla! **21** Ho kochingbv ngo Sairia okv silikia mooku lo vngtoku. **22** Oogy aluching lo Judia lo doonv gvrja nyi vdwv ngam yvvka aw am kachin mato. **23** Bunu kvvbi vdwgv mindung nama chimwngdu: "Nyi angv kvvlogv ngonua mvdwkmvku la ribwngnv

angv hv atubongv myyakriyak dubv rikwnam oogv mvngjwng  
nga vjak japgo jidu!" 24 Okv holvgabv bunu ngoogv lvkwng bv  
Pwknyarnvnyi hartv la rito.

**2** Nyingring gola nyingpi nvgv koching bvku Barnabas gv  
lvkobv Jerusalem bv tatus nyika laala ila ngo vngkur minggv  
toku. 2 Pwknyarnv ngam kaatam kolo ngo vngrung dubv  
ridukunyi mvngla vngtoku. Jentail nyi vdwgvlgo ngo gamlv doin  
minggo jinam am rigvnu vdwgv doopam lo minbwk jitoku. Ngo  
ngoogv kudungkua rironam vmalu rigv dunam sum riram pakmu  
nwngmadu. 3 Ngam vngming gvnv Tatus, hv greek nyigo,  
vbvrijvka um ayakmvu lakv vla raitungtung nyomadu, 4 Vbvrijvka  
Kvvgonv um ridubv mvngto. Mvngjwngnv aingbv gwnglwka, so  
nyi vdwwv ngonugv apumara lo rulwkmvlwk la, ngonugv Jisu  
kristo gvlo akingobv sasoryaung bv rimindooring nam lvkwng lo  
makimai dubv ridu. Bunu ngonua pakbu mvdubv mvngto. 5  
Vbbritola gamlv jviv nga bununo lvgabv achingamu jila rito, ngonu  
bunua achok goka vbvrimu mato. 6 Vbbritola oogv rigvdogvnv  
aingbv kaanam vdwa—ngo mindu ogulvgavbolo ngoogv lvgabv  
ogu angu sinvgo kaama: bunu ogu ngvdw Pwknyarnv ao nga  
jwngkadaka madunv—rigvnu vdwa mindunv, nga ogu anwnv  
tamsar jinamgo kaama. 7 Vbvrimatayabv, Jius vdwgvlgo Pitarnyi  
gamlv japgo kardubv Pwknyarnv gv ninyia kudungkua ridubv  
jinam aingchingbv, ngam Pwknyarnv Jentail vdwgvlgo gamlv  
japdubv nga kudungkua jito vla bunu kaatoku. 8 Holvgabv  
Pwknyarnv gv jwkru lokv Pitarnyi jius vdwgv ara lokv apostol  
akobv mvnam aingbv, Jentail vdwgv ara lokv nga apostol akobv  
mvtoku. 9 Jems, Pitar, okv jon bunu oogv rigvdogvnv kaanam  
vdwwv, Pwknyarnv nga so kudungkua sum ridubv jipv vla bunuka  
kaachin nyatoku; vklvgabv bunu Barnabas ngonyia laak am

gakrwk minsuto, vbvrinamv ngonu mvnwng ngv richum akiniv  
vla kaachin kunam gobv rito. Barnabas okv ngo Jentail vdwgv  
aralo kudungkua ridubv okv bunu jius vdwgv aralo ridubv vla  
ngonu vbv turwk minsu toku. **10** Bunu mvnwng gv minam si  
ngonu bunugv aralo nyimaopin vdwa aya mvngpa jilakv vto okv  
vkvnv kudungkua rinwng namv ngo gylo dodunv. **11** Vbvrinamv  
Pitar vdwlo Antiok aalwk kubvdw, ngo nyi mvnwng gv tvvkulo  
yamtoku, ogulvgavbolo hv daadwwrw bv rimur rungtoku. **12**  
Jems gv vngmunam nyi vdwgv aalwk madvby, Pitar hoka Jentail  
mvngjwngnv vdwgv lvkobv dvnamtvngnam dvdungtvngdung  
minggvto. Vbvrinamv oogv nyi vdwgv aachi ronam kochingbv,  
hv lingkur toku okv Jentail vdwgv lvkobv dvbamtvngbam kuma  
toku, ogulvgavbolo hv bunua ayakmvu rirungdubv ripv vla minv  
vdwa busu nyala ritoku. **13** Kvvbi Jius mvngjwngnv vdwka  
Pitar gv busu gvku lokv riming gvrp toku; okv Barnabas ka  
vbvching akingobv bunugv rinam aingbv riminggvto. **14** Vdwlo  
ngo kaakunamv bunu yvka jyjv rungnv Gamlv nga sorsimai  
lamtv lo vnggv madu, ngo Pitarnyi mvnwng gv tvvkulo minto,  
“no Jius ako, vjak no Jentail nyi aingbv ridu laka, Jius nyi  
aingbv rimadu. Vbvrinamv, ogubv, no Jentail nyi vdwa Jius  
nyi aingbv rililala gvvvtv donvla?” **15** Rinamgvbv, ngonu Jius  
lokv kuu bvngnamv okv “Jentail nyi rimur nvngvma,” ngonugv  
bunua minam aingbv. **16** Vjak ngonu Jisu kristonyi mvngjwng  
mvngchiknam lokv nyigonv Pwknvyarnv gylo tarwkbak doodunv  
vla ngonu chindu, Pvby mingkur lo oguv vdudw vdwloka rimadu.  
Ngonuka, Kristo Jisunyi mvngjwng sidunv oogv kristo gylo  
mvngjwng nam lokv Pwknvyarnv gylo tarwkbak bv rila dunv, okv  
Pvby rikur ngv oguvvdw ngonu ho rimadu. Vkvlgabv pvby rikur  
ngv oguvvdw vbvrila yvka Pwknvyarnv gylo tarwkbak madunv.

**17** Vv kubolo ngonu kristo gylo akin gobv ridula Pwknvyarnv gylo tarwkbak bv ridubv gwngkwrikwdu, vbvrinam vvka Jentail nyi "rimurnv" vnam aingbv ngonuka kaakunamv rimur himpa sidu, svbv rinam si kristo rimur lvgabv kudungkua ripvnvi? Vv vdwloka vBV rinyumare. **18** Ngo PvBV myyak kunam sum ngo lvkodv mvtin rapkubolo, vv nyigonvgv pbv myyak kunam aingbv bv ngo awv kaatam sidu. **19** Vbvrijvka, PvBV gv ara lokv mimbolo, ngo sitoku—PvbV lokv mvki supvkunv—ngo Pwknvyarnv gv lvgabv turpvku lage. Kristo gv lvkobv ngooka dapolo sitak lwkming gvpvkunv. **20** Vklvgabv, ngo soogv turdunam si ngo awv tursuma, vbvritola si kristo ngoov arwng lo turdunv. Ho ngo vjak turladakla singduridunv si, ngo Pwknvyarnv gv Kuunyilo ngam mvngjwng nam lokv turdunv, oogv ngam paknv okv vv ngo lvgabv niniyigv singdung ngam jilwk sunv ngv. **21** Ngo Pwknvyarnv gv anyuaya nga darpak simare. Vbvritola nyinyidam gunv pbv lokv Pwknvyarnv gvlo tarwkbak doodubolo, vv kristo gv siji namv oguguka anyung kamadu!

**3** Nonu Galasian nyiposoyo vdwv! Yvla nonua tago hilwknv? Jisu kristo gv dapolo sinam am nonu nyik kaagialo ribwngching rungbv mimbwk minlo jidu! **2** Soogv aba baangv sum nga minji kaatoka: nonu Pwknvyarnv gv Darwknv Dow am PvBV lo oguaingbv mimpvdw oogv rikulo paapv nvri vmalv gamlv tvvkulo okv oogv mvngjwng kolo paapv nvri? **3** Nonu oguaingbv nyiposoyo bv rila ridu! Nonu Pwknvyarnv gv Dow lokv rirap tokuka; Nonu vjak atubogv jwkrw lokv ringam kunvpv mvngdure? **4** Nonugv hingkwakwnam mvnwng ngv ogubvka anyung kaaku madu ai? Jvjvbv vv anyung doonv gobv rirung pvnvpv! **5** Pwknvyarnv gv Dowa jitola okv nonugv pingkolo lamrwpadubv kudungkua rimu namv oglvgavbolo nonuno pbv mvngkulo riku

lokvre vmalo ogulvgavbolo gamlv am tvvto la okv mvngjwng kolore? **6** Abrahamnyi mvngka tvka; Darwknv kitap vbv mindu, “Hv Pwknyarnvnyi mvngjwngto, okv ogulvgavbolo ninyigv mvngjwng nam lokv Pwknyarnv ninyia tarwkbak nvbv laarwk sitoku.” **7** No mvngdin rungdubv ridu, vBVRIKUNAMV, yvvgv nyi vv mvngjwng la doodunv vv Abraham gv jvjvrungnv husi ngv. **8** Pwknyarnvnyi mvngjwng nam lokv Jentail vdwka tarwkbak bv ninyigv rikulo riming gvmure vla Darwknv kitap vv mincho jito. Okv vBVRIKUNAMV Darwknv kitap vv Abrahamnyi alvnv yunying nga japgoto: “Pwknyarnv noogv lokv nyi mvnwng nga boktalwkjire.” **9** Abraham mvngjwng to okv boktalwkji toku; vkvlgabv ninyia apiabv yvvdw mvngjwng dudw oogv mvnwng nga boktalwkji duku. **10** Oogv yvvdw Pvbv mingkulo tvla mvngging la ridunv vv beenam aralo doodunv. Holvgabv Darwknv kitap vbv mindu, “yvzbunudw Pvbv kitap lo lvknam dvdv ngam tvvmabv ribv kidunv vv Pwknyarnv gv beenam aralo doodu!” **11** Vjakdv, Pvbwngvrwngbv mila dunv Pvbv mingkulo doojvdakjvka Pwknyarnv gv ara lo yvvka tarwkbak bv dooladakla ma, ogulvgavbolo Darwknv kitap vbv mindu, “mvngjwng nam lokv nyi ngv Pwknyarnv gvlo tarwkbak bv turladakladu.” **12** Vbkritola mvngjwng nam si Pvbv lo ogugo risvkaya madu, vbvmayabv Darwknv kitap vbv mindu, “yvvdw Pvbv gv minam dvdv ngam tvla ridudw vv turre vtoku.” **13** Vbkritola ngonu lvgabv oogv Pvbv lokv laalwkla beenamgo aatv kunv nga Kristo oogv beenam lokv ngonua ringlin toku; Holvgabv Darwknv kitap vbv mindu, “yvvdw singnv lo pagin tvla hoksar sidudw vv Pwknyarnv gv beenam lo doodunv.” **14** Kristo gv svbv rinamv Abraham gvlo Pwknyarnv gv boktalwkji nvpv vla milvpvnam am Jisu kristo gv lokv Jentail vdwaka jidubv vla rito,

vkvlvgabv ngonu mvngjwng lokv Pwknyarnv gv milpvvnam Dow am laarwk siladunv. **15** Ngoogv ajin vdwv, ngo aludwkibv mingging nvnam ako miring nvvtv dunv: Nyi anyigo kudungkua go omkvpakv vmisila okv umkvpakv vnam am mvrwmvu tokula, yvvka um mvyak nyola madubv vmajvka ogugo mvpwng laka rimadubv vtoku. **16** Vjak, Pwknyarnv ninyigv milpvvnam am Abraham nyila okv ninyigv husi lo dosit sinv nga mvpvripv jitoku. Darwknv kitap lo "husi" vla minam v chinggo nyi am mima dunv, vbvritola "husi," vnamv akin mvngchik am miming dunv, Aminv, Kristo. **17** Ngo mintv gvdunv si Abraham gv lvkobv Pwknyarnv gv mingkimiayak namgo mvtoku okv milpvvmisila vvpvtoku. Pvby jikunamv anying lvngpi gula chaom gobv riro koching bvku, oogv Pwknyarnv gv mingkimiayakla okv milv pvvmisikunam um yvvka mvyakmvchak lamare okv kayu lanyuka mare. **18** Ogulgavbolo Pwknyarnv gv amin jinamv Pvby lo doodubolo vbvrikubolo ninyigv milvkunam lo vdwloka duku mare. Vbvrijvka Pwknyarnv oogv amina ninyigv milvkunam lokv Abrahamnyi jitoku. **19** Vbvrikunamv, Pvby doonam gv anyung ngv oguvdw? Rimur rikor am kaatam nvdubv um jitoku, okv Abraham gv husi oogv milpvvkunamv aama lo gobv soogv Pvby si doobvre. Pvby nga nyidogindung vdwv nyitampingko gylo laklwk toku. **20** Vbvritola vdwlo nyidum akin mvngchikv ridungbv riredw hoka gindung gv rilwdolwk jiku kaama, okv Pwknyarnv akinnv risure. **21** Svby rinam si Pwknyarnv gv milpvvnam am nyiru minsu nambv riduai? Maa, vbm! Holvgabv nyi vv turnam am jinv Pvby nga laarwk sinv gubolo, vbvrikubolo nyi mvnwng ngv mingkubv vngku lokv Pwknyarnv gylo tarwkbak bv dooladakla dunvpv. **22** Vbvritola Darwknv kitap vby mindu nyiamooku mvnwng gv nyi ngv rimur gv jwkrw arwng lo donyadaknyadu vla mindu; okv

vkvlvgabv Pwknyarnv gv milpvvniam um yvvdw Jisu kristonyi mvngjwng la dooredw holvgabv jilwk jireku. **23** Vbbritola kvllo gv mvngtin namv dooma dvrilo, Pvbv ngv ngnua patwk arwnglo soogv aarinvgv mvngjwng nga kaatam rungla rema dvdlo gobv tomla ritoku. **24** Okv vbvrinamv Kristo gv aama daadw gobv Pvbv ngv ngnua kaayataya toku, vkvlvgavbolo mvngjwngnam lokv ngnu Pwknyarnv gvlo tarwkbak dukubv vla. **25** Vjak mvngjwng ngv ngnu lo dookunam lvgabv, Pvbv ngv ngnua rigv nyoku madu. **26** Si mvngtin sila rikunam lokv nonu mvnwng ngv Jisu Kristo gv akin gobv rilaku Pwknyarnv gv umvuu bv ridukunv. **27** Nonu vdvw Jisu Kristo gv akin gobv rinam lokv baptisma laato kubvdw, okv vjak no anwnv vji koonam aingbvku, Kristo ninyigv turnama nonuno vjibv koodu kunv. **28** Vklvgabv hoka Jius vla Jentail ngv ogu angusinv yago kaama, okv nyira gvla ajarabi kunv nyi vdwgv pingko svngv lo okv nyilo gvla nyimv vdwgv pingko svngv lo ogu angusinv yago kaama dunv; nonu mvnwng ngv Jisu Kristo gvby akin vkula. **29** Nonu mvnwng ngv Kristo gvby ridu kubolo, vBVrikunamv Abraham gv singsit vkula okv Pwknyarnv gv ogugo milpvvji kubvdw um laarwk siji kunv ngv.

**4** Vbbritola ngo mintung nga mimbv jire—yvvgv kuunyilo vv abu gv yikungyira nga laarwk sikwng lachin, hv ajwng bv ribvla riredw ho nyira aingbv ridu, vBVrijyka hv jvjklv ogumvnwng gv atubv ridu. **2** Vdwlo gobv ajwngbv ribv ridw, hoka ninyia oogv nyi kaayatayanv okv ninyigv ogumvnwng nga nyingyapaya jinv vv abu gv mvkimvak pvvnam aluv aamadw gobv ninyia kaayataya jinv nyi lo doodu. **3** Oogv apiabv, ngnuka dow lo kaama dwv aama dvdvbv riyilo chinggomooku sokv rigvvn dow vdwgv nyira bv rito. **4** Vbbritola vdwlo tarwkbak jvbw anyung ngv aaku namv, Pwknyarnv ninyigv Atubogy Kuunyilo akina vngmu

jitoku. Hv nyia anv gv kuunyilo bv rila aatoku okv Jius vdwgv Pvbv arwng lo riming gwvtola, **5** yvvdw oogv Pvbv ara lo doonv vdwa laalin dukubv, ogulvgavbolo Pwknyarnv gv kuunyilo bv ngonua rila modu kubv vla rito. **6** Kaakanamv nonua ninyigv kuunyilo bv rilanam lvgaby, Pwknyarnv ngonugv haapok aralo "Abu, ngoovg Abu," vla minggv nvnv Dow am, ninyigv kuunyilo lokv Dow am jilwk jito. **7** Vbvrikunamv, no nyira kuma, vbkritola kuunyilo jviv ngvku. Okv no ninyigv kuunyilo bv rikunam lvgaby, Pwknyarnv ninyigv kuunyilo lvgaby jidubv vla vvpvnam um nam yabv jireku. **8** Kvvlo nonuno Pwknyarnvnyi chimabv riyilo, okv vbvrinamv pwknvyarnv kaamanv vdwgv pakbu bv rila rito. **9** Vbkritola vjak nonuno Pwknyarnvnyi chinduku—vmalo minla rungdu, vjak Pwknyarnv nonua chinduku—vbvrigvrila, nonuno ogubv turkulvvku manam okv aiamar kaapabv Dow am vngkur gtvv dukunv? Ogubv oogv nyira gobv lvko rikur dukunv? **10** Nonu alvnn alu bv, poolu am okv anying am, okv jedwmodw am daadwrrw alu bv mvngap nyadu, **11** Ngo nonu lvkwng bv mvnglum Pakdu! nonu lvgabv ngoovg kudungkua rinam mvnwng ngv ogu anyung kaama nvgobv riji mari mvngdu? **12** Ngo nonua kumdu, ngoovg ajin vdwa, ngo jvbw ritoka, ogulvgavbolo, ngooka nonu jvbw ridu. Nonu ngam ogu rinying richunam kaamadu. **13** Nonu mvngpa tvka ngo nonugv so aacho hinga oguaingbv gamlv japtujapke bv japcho bvdw; ho ngo lvvma kimu nam lvgabv rito. **14** Vbkritola ngoovg awgv adung lokv nonua kairungbv hirukaya dubv rikubvkna nonu nga minala rima vbvmajeka, tulatua laka rimato. Vbvmayabv, nonu ngam nyidomooku lokv ila, nyidogindung aingbv naarwk sito; Jisu kristo aingbv naarwk sila rito. **15** Nonu vdwv himpu nyato! nonu ogu rito? Ngo minla dunv nonu atubogy nyik aka naalin nyola nvgobolo, naalin gvrila,

okv ngam ya jiya donvpv. **16** Vjak nonua jyjv ngam minji tvnam  
lvgabv ngo nonugv nyiru namgobv ridukunv? **17** Kvvbi vknvnyi  
ngv dinchikochi yaungbv gwngtamritam gvvdu, vbvritola bunugv  
dinchi adung ngv alvmadu, bunu mvnwng ngv rigvdogy namv  
ngoogv lokv nonua naapin sidubv vla mvngnyadu, vklvlgavbolo  
bunu oguaingbv dinchikochi pvdw vbvching nonua aka bunua  
dinchikochi minggv modubv vla ridu. **18** Vjak, rigv donam soogv  
ridung ngv alvnvgobv ridubolo vbv dinchi bv rinamv alvdo—so si  
jyjv rungnv gobv ribvre okv ngoogv nonu lvkobv vdwlo riming  
gvwpvdw ho rinam mvngchik lo ribv mvngchik riyoka. **19** Ngoogv  
umvuu vdww! lvkin gody, anv vdwgv kuunyilo bvngtv tvrinyi  
oguaingbv ochi chidudw, vbv chinam aingchingbv, Kristo gv  
singdung ngv nonu gvlo dooma tvvbyv ngooka nonu lvgabv  
achi chiuria la ridu. **20** Ngo nonuno lvkwng bv maatar alvbyv  
mvngdwk yadu, ogulvgavbolo ngo vjak nonu riku ho rila nvgo  
bolo, rikurdokur am angusibv rigvdubyv mvnglare! **21** Yvzbunudw  
Pvbv gv aralo risodoso mvngnv vdww nonua ngo tvka svgo  
doodu; Pvbv ngv oguv vla mindudw nonu tvka manv vlare? **22**  
Abraham gv kuunyilo ngv anyi guyu vla so vbv minto, akonv  
hvngchi nyira lokv okv akonv hvngtv lokv ngv. **23** Ninyigv kuunyilo  
gonv mvvga nyira gv adwnamar lokv bvngto vbvritola hvngtv  
lokv kuunyilo vv Pwknyarnv gv milvpvvnam lokv bvngto. **24**  
Sikvnb vdwsi aba baagonv kaaringkachi sinv dubv ridu; so  
mvvga anyi si mingkimiayak pvnam anyi gobv ridu. Soogv nyira  
bv kuunyilo bvngnv angv si anv mvvga Hagar vnamv, okv hv  
sinai moodw lo mingkimiayak pvnam aingbv ridu. **25** Hagar,  
oogv Arabia aralo Sinai Moodw ngv Jerusalem gv Pamtv nga  
kaaring sinv nvngv, nyi mvnwng gv nyira lo rinv ngv. **26** Vbvrifola  
nyido ao gv Jerusalem vv ajarabi do, okv hv ngonugv anv

ngv. 27 Holvgabv Darwknv kitap vbv mindu, “Mvngpu tvka, kuu  
ubarbarka manv nyimv no! gokla okv kapla mvngpu tvka, oogv  
kuu bvngdubv vdwloka ochi achika manv! Holvgabv nyilo gv  
vdwloka kayu manam nyimv um mamsvnga oogv nyimv kayu  
kunam angv vv kaiyago kuu doyare.” 28 Vjak, nonu, ngoogv  
ajin vdwv, Pwknyarnv gv umvuu ngvku, kaakunamv Isaaknyi  
rinam aingbv ninyigv milvpvvnam lokv ridu. 29 Vbv riching lo  
bvngnam kuunyilo angv vv Pwknyarnv gv Dow lo bvngnam um  
mvdwkmvku la mvtoku; okv oogv rinam aingbv vjvka vbv ribv  
nyadu. 30 Vbvrilola Darwknv kitap vv oguv vla mindu? Vv mindu,  
“nyira nyimv vla okv vkvgv kuunyilo nga vngpak la vngnga gvmu  
tukuka; holvgabv nyira nyimv gv kuunyilo ngv abu gv yikungyira  
nga hvngtv nvlo nyimv gv kuunyilo gv lvkobv laaming gvla  
madunv.” 31 Vbvrilnamv, ngoogv ajin vdwv, ngonu nyira nyimv  
gv kuunyilo ma vblrilola hvngtv nvlo nyimv gv kuunyilo ngvku.

**5** Ngonu gvlo ajarabi bv ridunv si—Jisu kristo gv ngonua ajarabi  
dubv laalin kunamv! vblrilnamv, ajarabinv nyi bv ribv tvku  
laka, okv nonuno atubongv nyira bv lvkodv mvsu koyoka. 2  
Tvvtoka! ngo Paul, mindunv nonu ayakmvu nvbv ridubolo, v  
Kristo nonu lvgabv ogubvka alam kaaku mareku. 3 Lvkodv ngo  
gamrw jidu yvvdw ayakmvu kodudw hv pbvb lokv risvminsv  
mvnwng am tvvdubv ridu. 4 Yvvbunu pbvb gv mingku lokv ridula  
nonu Pwknyarnv gylo tarwkbak bv doodudakdubv mvngdudw  
vv nonuno Kristo gv lokv adu dubv rilariya suduku. Nonu  
Pwknyarnv gv anyuaya nga agum lo rilin sudu. 5 Vbv ngonu  
lvgabv, ngonugv mvngtin namv Pwknyarnv ninyigv lvkobv  
ngonua tarwkbak bv doomure vla mvngdu; okv si ngonugv  
mvngjwng nam lokv Pwknyarnv gv Jwkrw lokv rila invpv vla  
ngonu doyadunv. 6 Holvgabv ngonu vdwlo Jisu Kristo gv lvkin

bv riyikudw, ayakmvu dolo vmalo mvu sima dolo ogu kvvbi angusinv yago kaama. Soogv si kvvbi yanga paknam lokv mvngjwng la kudungkua nga kaatam yala risv ngv. 7 Nonuno alv bv rila ridungto! Yvvla nonua jyjv nga tvvdung dunv nga mintur yadukunv? Oguasingbv nonua hv minyok la rito kunvdw?

8 Ooggv nonua gokdunv, Pwknyayarnv gv lokv rima dunv. 9 "Vpap achokchai mvngchik lokv vtwng dvdv nga googv la ridunv vla," bunu vbg mindu. 10 Vbvrijvka ngo nonu lvkwng lo mvngjwngla ribv dunv. Ngonugv singdung nga Ahtu gv lvkingobv rimu nama ngo mvngjwng jwnggingdu, ho nonu kvvbi angusinv mvngdung go mvngkapmvngv la rikumare okv yvvdw nonua ridwkriku dudw, vv Pwknyayarnv gylo mvriririr nama paasu rinvpv. 11 Vbbritola ngo lvgabv, ngoogv ajin vdwv, ngo ayakmvu nama rirungdubv ridu vla japbv la ridubolo, ngo vjvlodvbv mvdwkmvku nama ogubv paabyla ridunvdw? Ooggv vv jyjv vrung dunv bolo, vbvribolo kristo gv dapolo lvkwng lo japij namv ngoogv ogu adwkaku go kaama pvnvpv. 12 Ngo mvngdu yvvgv nyi ngv nonua mvngdwk dubv ridudw mvnwng nga rijv lvmu tvka; Bunua vbg ribv mootoka okv bunu aw am peeya lyje mootoka! 13 Nonu lvgabv, ngoogv ajin vdwv, nonua ajarabi bv mvngsv kaama dukubv goktoku. Vbbritola nonuno soogv ajarabi bv mvngsv kaama rikunam sum noogv adwnamar mvngnam aralo doomu kuma bvka. Vbvmayabv, nonuno pakmisila ajin anyingnga ridur minsu yatoka. 14 Holvgabv mvnwng gv Pvbv nga myomvchik tvkula gamkin gobv mvto kula doomu tvku. "Nonuno atubonga oguaingbv paksu dudw vbvching namrwk siku aka pakto laka."

15 Vbbritola nonuno mootum svnwngsvmin am rinam aingbv, mvtvvmrv minsula okv mvritmvchik minsula ridubolo, kaaka sutoka, vbvrikunamv ajin anyingnga myakmvchak la mva

minsu nyami sila rire. **16** Ngo si oguv vla mindunv si, noogv  
rinamdoonam am Dow gv mvnglwk bv rito laka, okv no nyia  
singdung gv mvngchumrichum am hang nyumchi dubv mvnglwk  
moma bvka. **17** Holvgabv nyia mvngdung lo ogugo mvngdudw  
vv yalu lo ogugo mvngdudw um kaanwng minsu mabv ridu,  
okv Yaluv ogugo mvngdudw um nyia mvngdung ngv kaanwng  
minsu madu. So anyi si nyimak bv rimi sidu, okv svbv rinam  
si no ogugo riso mvngjvka rila madu. **18** Vbvrikunamv Dowv  
nonua rigv dubolo, nonu Pvbv lo rikudoku madunv. **19** Nyia  
singdung lo ogugo ridudw, um mvnwng ngv chindubv ridu,  
vbvrinamv alvmabv rimisinam, darma pamunam, okv alvmabv  
rinam am kaatam la ridu; **20** morti kumnam lokv okv tagohinv  
lokv. Nyi vdvw nyiru bv rimi sidula okv pami sila ridu; Bunu  
kavtav minsudu, hakmi sidu, okv aw mvngchikv ogumvnwng  
nga paamwng nvpv mvngsudu. Bunu nyitwng twnggo bv okv  
apinayin sila ridu; **21** Bunu nvkmibumi sinvbv, opo tvngkium  
nvbv okv tvngkium sitola soomin karnv, okv svbv dwdvbw nvgwng  
mvnwng nga ritarrinya kaama bv rinv ngv. Vkvlgabv kvvlogv  
minam jvbw jvylka ngo nonua minbv dunvla; yvzbunudw svbv  
ogolo rigodogo karku lo ridu doodudw vbvrinv vdvw vdwloka  
Pwknyarnv gv Karv lo paala mare. **22** Vbvritola Dow gv doolwk  
kongv pakmisinam, mvngpunam, sarsopoyonam, rvtam sinam,  
mvdurridur nvpv mvngnam, mvnwng nga alvnam, mvngjwngnam,  
**23** angamai nam, okv saktvnam. Svkvnv rinampanam si pvbv  
lo ogu rining kaama dunv. **24** Okv yvvdw Jisu kristo gvbw  
ridukunv vv nyia singdung gv atugvbw ribo rilwknam okv alvmabv  
mvngnam am dapolo silik mootoku. **25** Dowy ngonua turnam am  
jitoku; hv ngonugv singdung nga riachumriai la rigvdu. **26** Ngonu

kai mvngsula vmalo dokcha moola ajin anyingnga riyoka okv ajin  
anyingnga kaanwngtanwng minsu mabv riyoka.

**6** Ngoogv ajin vdwv, akonv rimur gulo laatung kola ridung  
dukubolo, nonu yvvdw darwkchongjor bv doonv vdwv tarwkbak  
dukubv ninya miyimilap la minji tokuka; vbvritola nonuno damdv  
rungbv ritoka. Okv nonuno awv hinsukasu tvlaka, vkvlvgavbolo  
nonua ka rikamingka lwkma dubv. **2** Ajin anyinggv vge nga  
gvvdin minggv minsula ritoka, okv soogv vbvrila Kristo gv Pvbv  
nga nonuno tvvla rire. **3** Vdwlo nonu kaaje bolo oguguka kaama  
tvla awngv ogugo doonv jvbw mvngsu bolo, vv nonu atubonga  
kupsudunv. **4** Nonu atubogv rinam am jwngkadaka sucho tvka  
vv alv dubolo, vbvrikubolo nonu ogugo atunvngv ripvdw ho  
nonuno kai mvngsu ladu, vv ka kvbbyia ogugo ripvdw um minchi  
simabvka. **5** Holvgabv nonu nyichar ngv atubogv vge nga  
gvrrung sila risu tvka. **6** Nonuno Kristan doin go tamsarnv lokv  
tvvbolo, nonugv tamsarnv vkvgv oguogu minjinam um tvnam  
am mvnwng nga minji minsu tvlaka. **7** Nonu atubonga rikup  
siyoka; yvvka pvcha bv mvmare Pwknyarnv gylo. Nonu ogunv  
aliami go lilwk ridw nonuno vbvchingching paare. **8** Nonu rongo  
lo noovg adwnamar lo mvngdung aliami am lilwk bolo, oogv  
lokv nonu nvri kunyi sigvyagv nvnv apwasi am nvvkum sire;  
okv nonu rongo lo Dow gv aliami am lilwk bolo, oogv Dow  
lokv nonu nvri kunyi turbv gvnvnv apwasi am nvvkum paare.

(aiōnios g166) **9** Vkvlvgabv ngonu alvnv rinam lvgabv ngvvma  
bvjuka; holvgabv ngonu ngvvma bv ribv bolo, ngonu aliami  
linam am nvvdww vdwlo aarekudw ngonu apwasi am nvvriku.  
**10** Vkvlvgabv, ngonu kudungkua ridww vdwlo gobv dooredw,  
ngonu nyichar mvnwng nga alvnvbv rirung tvka, okv alvjvbv  
oogv ngonugv mvngjwng la doonv vpinvriap bv rikunv vdwa

alnvbv ritoka. **11** Nonu kaatoka vdwlo ngo atubogv lak lokv lvkri  
lo vdwgo ngo chartvkoyobv nonua lvkpvn! **12** Yvvgv nyi ngv  
adwnamar lo alv dunv jvbv kaatam dula nam mililala la ayakmvu  
simu dubv gwngdunv. Bunu vbvrinam gv lvgabv bunu Kristo  
gv daapolo mvdwkmvku nam lvkwng lo mvngpa la rimapama  
dubv vla ridu. **13** Vbvrijvka bunu yvvdw ayakmvu sila ribu vdwka  
pvbv mingku lo vngmadu; bunu nonua ayakmvu nwngmu dubv  
rimunam si vklvlgavbolo bunu nonua ngnugv mingkulo tulwk  
minggvla ayakmvu dunv vla googing nvla mingging nvdubv  
ridu. **14** Ngo gvbvdv, ogubvrijvka, ngo Ahtu Jisu Kristo gv daapo  
lvkwngbv kairungnv gobv mvngsure; ogulgavbolo ninyigv daapo  
lvgabv nyiamooku so ngo sito; okv ngo lvgabv nyiamookuv sito.  
**15** Ayakmvu sidulo vmalu ayakmvu sima dolo okv ogu yago  
risv kaama; vblrilola anyikjvngv si anwnv nyi bv rinam lvgabv  
mindu. **16** Yvvdw soogv ridungdodung nga riming gvvdu bolo,  
sarsopoyonam okv aya ngv bunua lvkobv dooming gvvre—bunua  
lvko okv Pwknvyarnv gv nyi mvnwng nga lvkobv doopa minggyre!  
**17** mintarminya bvku mindukunv, yvvka nga mvngdwkmvngku  
moma bvka, ogulgavbolo, adwnayak gv ungngv tarv vdws i ngo  
Jisu Kristo gv pakbu go vla kaatam simu dunv. **18** Ngoogv ajin  
vdwv, nonu mvnwng lo ngo Ahtu Jisu Kristo gv anyuaya ngv  
dooming gylaka. Amen.

# Epesian

**1** Paul lokv, Pwknyarnv gv mvnglwknam Jisu kristo gv apostol akobv rinv— Epesias lo doonv Pwknyarnv gv nyi vdwa, oogv bunugv atubogv turnam am Jisu Kristonyi mvngjwng la akingobv rila doonv vdwa. **2** Ngonugv Pwknyarnv Abu okv Ahtu Jisu kristo nonua anyuaya okv sarsopoyo nga jilwk gvi laka. **3** Ngonu Ahtu Jisu Kristo gv Abu Pwknyarnvni umbonyikv vlaju! Holvgabv kristo gylo ngonu akingobv rinam lvgabv Pwknyarnv nyidomooku karv gv dowjwklo boktalwkji nama ngonua jilwkto. **4** Nyiamooku sum pwklinyarlin madvbv, Pwknyarnv ninyigv lokv Kristo lo lvkingobv ridudakdu bv ngonua darlin chotoku, vklvlgabv ngonu darwk dukubv okv ninyigv kaagia lo amurachv kuma dukubv ritoka. Oulgavbolo ninyigv paknam lokv **5** Pwknyarnv Jisu kristo gv lokv ngonua hv ninyigv umvuu bv mvdukubv mvngpwk liintoku—soogv si ninyigv mvngpu vrung okv ninyigv rungnam vrung. **6** Kaju ngonu Pwknyarnv gv ninyigv yunglit alvbv anyuaya nam lvgabv hartv lajuka, oglulgavbolo hv ninyigv paknam Kuunyilo akin am ngonua anyu amin bv jilwk toku! **7** Holvgabv Kristo gv oyi lokv ngonu ajarabi bv rimin dukunv, sibv vbvrinam lokv, ngonugv rimur am mvngnga jila ritoku. Pwknyarnv gv anyuaya ngv vdwgo kai rungdu, **8** Hv ngonua vkvnv kairungnv kiinamhagnam go jilwkto! Ninyigv mvngki laknv okv hingki laknv nvnv mvnwng nga dootak silwk mooth, **9** okv Pwknyarnv ogugo riso mvngbvdw um hv ritoku, okv Kristo gv lokv ridubv mvngnam am umka hv ngonua chimu laka ritoku. **10** Svby mvngnam si, vdwlo oogv pwknamyarnam dvdv nga Pwknyarnv pwknyayarnya rikudw, dwv aaku bolo mvnwng nga laakumlaapa lakula, nyidomooku gv okv sichingmooku sokv ogumvnwng nga, Kristonyi dumpo

bv ridubv vla mvtoku. **11** Ogumvnwng nga mvkuriku namsi Pwknyarnv risv dvdv nga ridubv vla mvngnamv okv mvngpwk la rinamv; okv ogulgavbolo Pwknyarnv ninyigv atubogv nyi bv rimu tvla Kristo gv lvkobv akingobv ninyigv mvngnama ridubv vla ngonua gaktoku. Vbvrinam si hv kvlokvcho lokv ogugo riso mvngbvdw um ridukunv. **12** Vv kubolo, Kristo gvlo yvvbunu mvngtin sicho dudw, Pwknyarnv gv yunglit nama kaju ngonu hartv laju. **13** Okv vdwlo nonuka soogv jvjvnv doin sum tvvpa kubvdw Pwknyarnv gv nyi bv ritoku, alnv yunying nga tvvku lokv nonu turnama paatoku. Nonu kristonyi mvngjwng toku, okv hv milpvvniam darwknv dow am nonu gylo jilwk kunam lokv atubogv gvbv nonua toprw toku. **14** Darwknv Dowv Pwknyarnv gv ogugo ninyigv milpvvniam am ngonu paare vla charpv pjila rinv ngv, okv yvvdw Pwknyarnv gvbv ridu kunvdw um ajarabi bv rimin dukubv tunyachika jireku vla Pwknyarnv gv ngonua mvngging simu dubv minchar jinamv. Vkvlgabv ninyigv yunglit kunam am kaju ngonu hartv lajuka! **15** Soogv lvgabv, nonugv Ahtu Jisu Kristonyi mvngjwng nama okv nonugv Pwknyarnv gv nyi vdwa paknama kwlo lokv ngo tvvpa choto, **16** Ngo nonu lvgabv Pwknyarnvni hartvamtv jinam am apak madunv. Ngoogv kumkulo nonua mvngpadunv **17** okv Pwknyarnvni ngonugv Ahtu Jisu Kristo gv, kairungnv Abu, nonua Dow lo jitokv vla kumdunv, oogv nonua chinvgubv mvre okv Pwknyarnvni kaatamre, vklvlgavbolo nonu vdww ninya chindubv. **18** Ngo nonugv mongrumara ngv nyiktar tukula ninyigv loung nga kaapa ladu kubv vla kumdunv, vklvlgavbolo oogv nonua goklin kunam gv mvngtin sinama oguvdw um chinsu reku, ninyigv nyi vdwa vkgvgv milpvvniam boktalwkjinam vv vdwgo kaasartabo bv nyitv moduku vla chinsu reku. **19** Okv yvvdw ninya mvngjwng dudw

ngonu mvngjwng nvgv aralo ninyigv jwkrww vdwgo kairungbv  
kudungkua ritoku. Soogv ngonu gvlo kudungkua ridung dunv  
jwkrw si vBV kairungnv gwlwk am lvyin akindo, 20 oogv vdwlo hv  
kristo gvlo vBV kudungkua rito kudw ho sinam lokv ninyi turkur  
mooto kula okv nyidomooku lo ninyigv lakbik peelvlo doomu  
toku. 21 Aogv nyidomooku lo rigvvn dvdv nga, tujupkunam dvdv  
nga, jwkrw dvdv nga, okv atu dvdv nga Kristo rigvnbv ritoku;  
hv nyiamooku sokv tujupkunam kaiyachokbv amin gvvn umka  
kaiyabv ka rigvnnvng doodu okv nyiamooku so silu gvngv  
tikmabv aainvgv alu loka lvgabvka. (aiōn g165) 22 Pwknvyarnv  
ogumvnwng nga Kristo gv lvpv kampwk lo vvpv jidu okv gvrja gv  
ogumvnwng aka ninya kaiyachoknv Ahtu bv rigv modubv jitoku.  
23 Gvrja ngv Kristo gv awbv ridunv, ninyigv ripwngrinya namv,  
ogolojvka ninyi ogumvnwng nga ripwngrinya jidu kunv.

2 Kvlokvcho nonuno dowjeklo kaamabv sinam bv rito  
ogulvgavbolo nonugv tvvmabv rinam lokv okv rimur kunam lokv.  
2 Nonuno Nyiamooku sokv alvmanv lamtv lo riming gvvd; nonu  
uyudowjwklo jwkrw lo rigvvn vdwgv mingkulo vngdu, oogv jwkrww  
Pwknvyarnv gv mingkulo vngmanv dvdv nga rigvla ridu. (aiōn  
g165) 3 Alyjbv mimbolo ngonu mvnwng ngv adwnamar bv bunu  
mvngnam aingbv mvngming gvla rito, adwnamar gv okv tuktum  
lokv mvngchamricham lo rito. Ngonugv mvngdung lokv, ngonu  
kvbi aingbv riku lokv, ngonu Pwknvyarnv gv haachiagka paala  
hirukaya nga paarung jinvku. 4 Vbvrilola Pwknvyarnv gv aya  
ngv achialv bv nyitv nvgv okv ninyigv paknamv ngonu lvgabv  
achialvbv kairungnv ngv, 5 Vdwlo ngonugv mingkulo vngmabv  
ngonu dowjwklo dookumabv sikunam vvka hv Kristo lvkobv  
turnama laalwk jitoku. Vbvrinamv nonu Pwknvyarnv gv anyuaya  
lokv ringlin pvkunv. 6 Ngonugv Kristo Jisuni akingobv rinam lokv

nyidomooku lo ninyia lvkobv rigvdogv minggv dukubv hv ngonua  
ninyigv lvkobv turap mootoku. 7 Ninyigv svbv rinam si aainvgv  
aludwkibv ninyigv paknam anyuaya nga angusibv kairungbv  
kaatamritam bv hv Kristo Jisu gvlo ngonua kaatamla ritoku.

(aiōn g165) 8 Holvgabv Pwknyarnv gv anyuaya lokv nonuno  
mvngjwng nam lokv ringlinbaalin toku. Si kaanamv nonugv  
atubogv rilin vnglin sunam lokvma, vbkritola Pwknyarnv gv amin  
jinam lokv, vkvlvgabv svkv lvkwngbv yvvka googv nyola madu.  
10 Ngonuv oguaingbv ridudw Pwknyarnv ngonua vBV mvpvnV,  
okv Jisu kristo gvlo ngonu akingobv rinam lokv hv ngonua alvbv  
kudungkua rimu dubv vla ngonua pwklinyarlinto, hv ninyigv  
ngonua rimu dubv vla kvvlo lokv mvpvripv kunamv. 11 Nonu  
bvngrí lokv Jentail vmbav—Jius vdwgv “Ayakmvu manv gobv”  
minamv, yvvdw oogv bunu atubongv Ayakmvu kunambv minsu  
dunv (svbv vnam si bunugv ayakmvu sidubv vla nyi vdvw ogubv  
minto)—nonu kvvlo ogubv rinv vdw mvngpa sutoka. 12 Vbv oogv  
riyilo kristo gv lokv nonu adu nyala ritoku. Nonu nyebunyibv rito  
okv Pwknyarnv gv darlin kunam nyi ma. Oogv Pwknyarnv gv  
ninyigv nyi am milpvvnam, vkvnbv mingkimiayaknam lo nonu ogu  
aba kaama, okv nonuno nyiamooku so mvngtin kaaya manv  
gobv ritodoto okv Pwknyarnv kaamabv ritoku. 13 Vbkritola vjak,  
Jisu kristo gv lokv akingobv ripikula, oogv yvvdw adu laku riku  
nvnga, Kristo gv oyi lokv nvchibv laalwk pvkunv. 14 Holvgabv  
Kristo ninyi atubongv ngonu gvlo sarsopoyo kunama laalwk  
jilaku Jius okv Jentail am ninyi akingobv ridubv mvtoku. Kristo  
bunua apin simunv okv bunua nyiru minsu moola mvpin simunv  
vlwngsvlong nga atubogv adwnamar lokv toyaktopak jitoku.  
15 Ninyi Jius Pvbv ngam gamki kunam okv rigvdogv nvnv um  
mylamva jitoku, vBVrikunam si Jius okv Jentail opi anyi baabwng

ngam akingobv rimu dukubv vla rito vbvrinam lokv, alvnv lamtv  
lo sarsopoyo dubv mvlin jito. **16** Ninyigv daapolo sijinam lokv  
kristo bunugv nyiru minsu nam nga sipakla sia jitoku; hv daapolo  
vbvrinam lvkwng lokv opi anyi am adwnamar akingobv ridukubv  
mvдум sitoku okv bunua Pwknyarnv gvlo laalwk lakula aakur  
gvji toku. **17** Vkvlgabv Kristo aalaku okv sarsopoyo gvnv gv  
alvnv yunying nga nonu Jentail mvnwng gvlo japtoku—oogv  
yvvdw Pwknyarnv gv lokv adula rikunv vdwa, okv yvvdw ninyigv  
nvchilo doonv jius vdwaka alvnv yunying nga japji toku. **18** Kristo  
gv lokv ngonu mvnwng ngv, Jius jvka okv Jentail jvka, Dowv  
akin gvri kula Abu gv nvchilo aala dukunv. **19** Vbvrinamy, Jentail  
vdw nonuno nyebuni kuma vbvmajvka, nyien bvka rikumadu  
kunv; vjak nonuno Pwknyarnv gv nyi vdwgv lvkobv nyitwng  
vku okv Pwknyarnv gv vpinvriap lo akobv ridukunv. **20** Nonuka  
Apostol vdwgv okv nyjwk vdwgv lvngtung tunglwkla mvcho richo  
lvkunamv, oogv gwnglo lvngtung tunglwknam vv Kristo ninyi vku.  
**21** Hv oogv lvngtung tunglwk kunam dvdv nga dagv kunv bv  
ridula okv darwknv Pwknyarnvnaam bv singcha mogvrila um  
Ahtu gvlo tulwkkunamv. **22** Nonua ka ninyi gvlo akingobv mvdam  
sidukula Pwknyarnv dooku gobv ninyigv Dow lokv dooging  
lwkdu kunv.

**3** Soogv lvkwng bv, ngo, Paul, Jisu kristo gvbv patwk lo doonv  
nonugv Jentail vdwgv lvgabv, Pwknyarnvnyi kumdu. **2** Nonugv  
lvgabv soogv Pwknyarnv gv ninyigv anyuaya lokv oogv alvnv  
kudungkua sum rimudubv vla ngam jipvkunv vla nonu alvjvbw  
tvpa rungtoku. **3** Pwknyarnv ninyigv arwng lo rungkirungak  
pvvku nama nga kaatamdo okv nga um chimu laka ritoku. (Ngo  
soogv lvkwngbv asujeyo madubv lvkrwlvkpa lvkpvt, **4** okv ngo  
ogugo lvkpvdw nonu sum puribolo, ngoogv Kristo gv lvkwng

lo ogugo ngo chinpvdw mvngdin laknam am nonu rilakkaalak lariku.) **5** Kvvlogv vngyikunv dw lo nyia mvngdung ngv svkvnv chimpamanam minjinam kaamato, vbvritola Pwknvyarnv vjak ninyigv darwknv Apostol vdwa okv Nyijwk vdwa dow lokv kaatam la ritoku. **6** Chinpa modubv vla arwng chimpamanam vnam si Pwknvyarnv gv boktalwkji nama Jius vdwgv paaku lokv lvkin bv Jentail vdwa gamlv am paamudubv vla; bunu adwn akin lokv baagobv rimuduku okv oogv Pwknvyarnv gv Jisu kristo lokv milpvvniam am paaming gvreku. **7** Pwknvyarnv gv lokv asarjvnv amin jinam gamlv miyajinv pakbu ako bv mvto, oogv vkvgv ngam jinam lokv ninyigv kudungkua ridung nvdunv jwkrww. **8** Vbvritola ngo Pwknvyarnv gv nyi dvdv pingkolo miangyachoknv; vbvrijvka Kristo gv nyitv kiilakumanv lvkwnglo alvnu yuning sum Pwknvyarnv Jentail vdwgvl laalwk jimu dubv ngam vjlodvbv jitoku, **9** okv vBV nyi mvnwng nga Pwknvyarnv gv arwnglo rungpvniamv ogubv ridunvdw um kaamu dubv mvto. Pwknvyarnv, oogv ogumvnwng nga pwklinyarlinv, vngyikunv dvdlv vdwgv lokv ninyigv arwng gv vksi pvla kaching pkunam um mvnwng nga chimu toku, (**aiōn g165**) **10** vjvgv vBV mindunv si, Gvrja mvnwng gv lokv vjvgv alu so nyidomooku gv nyidogindung rigvnu vdwa okv jwkrw dvdv nga ninyigv angu angusinv chingkikpakik ka chimuto. **11** Pwknvyarnv ninyigv ribwng nvpv mvngnam am sum, hogv Ahtu Jisu Kristo gv lokv ritoku. (**aiōn g165**) **12** Kristonyi akingobv rinam lokv okv ngonugv ninyi mvngjwng nam lokv ngonu mvngpaksorak alvBV Pwknvyarnv gv duku lo ogumvnwng nga mvngging la vngla duku. **13** Vbvrikunamv, nonunam ngo mindunv, mvngjung simabv ogulvgavbolo ngo nonu lvgabv hirukaya am hinji pkunv; nonu ogumvnwng lvgabv kaiyago alv modubv vla. **14** Holvgabv Abu

gv kaagelo ngo gumbv lwkla lvbwng ngv kumpvdu, **15** hogv nyidomooku gv lokv okv sicingmooku ao sokv doonv vpinpingki vv sum jyjvnv amin minduku. **16** Ngo Pwknvyarnvnyi ninyigv nyitv gv ninyigv yunglit lokv Dow am nonugv aw aralo gwlwkrungbv doolwk jidubv vla kumlwk jidunv, **17** okv mvngjwng lokv nonugv haapok lo Jisu kristo gv naam am mvlwk jimure vla vbvchin ngo kumdunv. Nonu gvlo pakmisinam gv lvngtung ngv okv miami ngv hargap jila dubv ngo vBVKA kumdunv, **18** Vkvlgabv, Pwknvyarnv gv nyi mvnwng nga lvkingobv doobamdkbam doola, Kristo gv paknam am vdwgo taktv dudw okv asu dudw, okv vdwgo ao dudw okv arwng dudw nonu gvlo chinla gvnv gwlwk kv doola dubv. **19** Vbv, ninyigv paknam am nonu chinlaka—vbvrijka um mvnwng am vdwloka chingam nyola madu—okv vBVKA Pwknvyarnv gv mvngdungridung am ringam ladubv vla rinamgo. **20** Oogv ninyigv gwlwk kv ngonua ridunv vv ninyi ngonugv koonam am lvyyayabv okv ngonugv mvngnam am lvyyayabv rila dunv: **21** Pwknvyarnv yunglit namv gvrja aralo doolwk yilaka okv Jisu Kristo mvnwng nga dvbvdwki gv lvgabv, dvbvsingtam bv doobv yilaka! Amen. (aiōn g165)

**4** Vbvrikunamv— Ahtu gv lvgabv rijidakji kolo patwk doodunv ngo nonua kumla mindunv: vdwlo Pwknvyarnv nonua gokbvdw vkgvg kaalwk bv ridubv vla gokpvnv vbvching mvngjwk bv rijidoji laka. **2** Rvngam rilaka, damdv laka, okv saktv laka okv ajin anyingnga changgv sidula paknam am kaatam laka. **3** Nonua Dow gv sarsopoyo jinam lokv oogv akingobv ribam dubv gakching pkunam um alvBVKA achingamu ribv laka. **4** Adwnnv dinkin dunv okv Dow vka akin dunv, oogv apia bv vdwlo nam gokbvdw mvngtin namv vka akin la ridubv Pwknvyarnv goktoku. **5** Baptisma namv akin dunv, mvngjwng ngv akin dunv, Ahtuv akin

dunv; **6** Nyi mvnwng gv Abuv okv Pwknvyarnv akin mvngchik, vv  
mvnwng gv Ahtuv, mvnwng gv lokv ho ridudakdu okv vv mvnwng  
gvlo doodu. **7** Ngonu nyi nyichar mvnwng nga Kristo ogugo jiso  
mvngla amin mvngnam go jibvdw ngonu um paatoku. **8** Darwknv  
kitap vbv mindu “Vdwlo hv achialvbv aoyachok lo chaabvdw, hv  
nyira bv laaching la laapv kunam vdwgv lvkobv ritoku; Okv hv  
nyi mvnwng nga anyubv amin jitoku.” **9** Vjak “Hv aobv chanyi  
kubv” vnam si oguvdw? Vbv minam si manv sicingmooku  
gv arwngchikwng yachok bv hv hicho toku. **10** Vbvrinamv,  
oogv yvvdw ao lokv lkwng hibvdw hv vbvching aoyachok bv  
chalaku, aoyachok bv chaanv angv, okv nyidomooku lkwng  
lo, chinggodogo mvnwng vv ninyigv nvchilo dooreku. **11** Hv  
mvnwng nga hogv vkvnv “amina jito” Hv kvgonyi Apostle gobv  
mvto okv kvgonyi Ebenjelist gobv okv kvgonyi pastor gobv okv  
kvgonyi nyijwk gobv okv kvgonyi tamsarnv gobv mgvrla jito.  
**12** Hv vbvrikunam si, Pwknvyarnv gv nyi mvnwng ngv, kristan  
kudungkua lvgabv ridula, kristo gv aw am mvchingmvmu jikunam  
lvgabv rito. **13** Okv vklvgabv ngonu mvnwng ngv aakumre  
vbw ngonugv mvngjwng ngv akingobv rire okv Pwknvyarnv gv  
Kuunyilo gv lkwngbv ngonugv chinapanamv akingobv ridum  
sire; kokwng lo ngonu gvlo mvngchin kunv nyi gobv ridula,  
Kristo gv monogramara lokv mvngnamsaknam mvnwng nga  
chinchipachi nvbv rireku. **14** Vbvrirkubolo ngonu umvuu jvbw  
ribv kumare, vsi sibv nugvvnam okv doori gv riigvvnam aingbv  
nyi kvvbi gv alvmabv tamsar koola kupnv hogv bunu vdwgv  
minggvrivgnam aingbv rimare. **15** Vbvmayabv, jvjrungbv minam  
yalu lo pakmisinam lokv, lamtv dvdvlo dumpoyachok bv rinv kristo  
gvlo ngonu singcharicha rungtoka. **16** Ninyigv rigodogoku ara lo  
adwnayak lokv ajikabik dvdv vka akingobv ridum sitola doodunv,

okv hogv asikamik sinv lvkobv jirwk sidubv adwnayaklo ajikabik dvdv ngv akingobv kaarwk sila ridum sidu. Holvgabv anguangu sinv gv rijivngji nama ridula, aw mvnwng nga singcharicha mola okv pakmisinam lokv um alvyabv mvla yarchum sichala la ridu.

**17** Vbvrikunamv, Ahtu Jisu gv amin lokv ngo nonua gamrw dunv, oogv mvngnam lo anyung kaama nvgy, kristan rimanv aingbv ribvyoka. **18** Okv oogv mongromara ngv kanv lo doonv bv riyoka, bunu oogv Pwknvyarnv gv turnam jiku lo rilwdolwk mado, ogulvgavbolo bunu oguguka tvvchinkapa madu okv mvngdin nyumabv ridu. **19** Bunu vdwv hinyinghiru svgo kaamadu; bunu adwnayak nga alvmaby riku lo tulwk sila ridu okv anguangu sinv rimanam mvnwng lo hinsukasu mabv ritarrinya kaama bv ridu. **20** Nonu Kristo gv lvkwnglo chinamv vv vbvma! **21** Nonu jvjvrungbv ninyigv lvkwng lo tvvcho rungto, okv Jisu gv jvjv ngam ninyigv riming gvnv vrungbv nonua tamsar rotoku. **22** Vkvlgabv nonu kvvlo gv atu ridungsingdung am apak tvkuka, oogv nonugv ribvdobv la ridubv mvnam um—kvvlogv atugv mvngmur la kupdunv lokv atu aw nga ngoomu doonv. **23** Nonugv haapok okv mongramara vv ogumvnwng ngv anw nvbv rirung toku laka, **24** okv Pwknvyarnv gv aingchingbv darwk rungbv pwknamyarnamv okv jvjv rungnv turnam bv kaatam sinam um tarwkbak rungbv okv darwk bv ridubv nonu atubongv anw nvbv rirung sutolaka. **25** Vbvrikubolo, mvvdvrudv kumare! nonu mvnwng ngv kvvbi nyichar mvngjwngnv vdwa jvjvklvbv minji rungto kuka, ogulvgavbolo ngonu Kristo gv adwn dinkin bv mvnwng ngv akingobv ridukunv.

**26** Nonu aachiak la ridubolo, nonugv aachiak am rimur gv aralo rigvvnggy kola riyoka, okv aludwkibv haachi chibv la doyoka. **27** Uyua lvkoka moma paadubv jiyoka. **28** Nonu dvcho la ridubolo, dvcho la rinam a apak tvkuka okv nytingrap la

ritokuka, vbvridula no atubongy nyingla rinvgovb risu tukuka okv  
vbvrikubolo nyimaopin aka ridur lariku. **29** Tvvnying tvvru dubv  
gaam raami siyoka, vbvritola ridur minsu jinam, okv ogugo dinchi  
pvdw um jimi sidubv tvvpukainv gaambv mimi sitolaka, vbvridula  
no ogugo mirvdw tvnnvkaanv nyi vdwv alvnam lvgabv mintoka.

**30** Okv Pwknyarnv gv Darwknv dow am mvngru dubv riyoka;  
ogulvgavbolo darwknv doww nonua Pwknyarnv ninyi vdwlo tulin  
rikudw, alu gunyi Pwknyarnv gv ninyi gvngv vla kaachin nvvdu  
kubv mvu nvla rinv vkula. **31** Kvchakbviak nam, haknampaman  
okv haachiak nam. Yamisinam, vmajvka riningriru minsu nam,  
hinwngkaanwng minsu manam vkvnv oguguka rigoriro kuma  
bvka. **32** Vbvmayabv, akinakina aya minsu tvka, okv Kristo  
gv lokv Pwknyarnnv gv nonua mvngnga kunam aingbv ajin  
anyingnga tvakaa minsulaka.

**5** Nonu Pwknyarnv gv umvuu bv ridula, ninigv aingbv  
bv rirungdubv gwngtoka. **2** Nonugv turnam lo pakmi sidula  
saktung sitoka, vBV ngonua kristo gv paknam aingchingbv okv  
vBV nampu nvgo ngonu lvgabv jinam aingchingbv jitola okv  
vBV Pwknyarnvnyi mvngpu dubv erin lwksula jinam aingbv  
bv ritolaka. **3** Nonu Pwknyarnv gv nyi bv ridula, alvmanv  
yomurchomur minsu dubv vmalo gompwng dubv vmalo alvmabv  
kaadubv rinam nonugv aralo vBV rirung yoka. **4** So gaam  
sum kasingkanyak nvBV okv nyiposoyobv okv tvvlwkkaalwk  
madubv japyoka. Vbvsnga, vBV mintoka nam vdwgo umbonyikv  
mvngdunv vla hartv gyala ritoka. **5** Nonu chirung dunvpv  
yvvdw yomurchomurnv okv darwkmanv okv kabiotarinv (vv murti  
kumnam aingbv ridunv) vdwv Pwknyarnv gv okv Kristo gv karv  
lo ogu aba baagoka yvwka paamare. **6** Nonu gylo nyiposoyo  
gaambv rinv vkvnv yvnyika kuplwk koyoka; ogulvgavbolo vkvnv

oguogu mvvgvrugvla riku lo oogy ninyigv gaam am tvvma nvgy  
aolo Pwknyarnv gv haachi vv aare. 7 Vkvlgabv vbvrinv nyi  
vdwgv lvkobv ogubvrijeka lvkingobv riyoka. 8 Nonuno awv kanv  
lo rinvgobv rito, vblrivka nonu Ahtu gv nyi gobv rila riduku, nonu  
loung lo ridukunv. Vkvlgabv nonu rinamdknam am oogy loung  
lo rinv nyi vrung vdubv ritokuka. 9 Holvgavbolo loung ngv nvgwng  
mvnwng gv alvny, darwkchonjornv okv jviv nga nyitv rungbv  
nyingkamla laalwk dunv. 10 Ahtunyi mvngpu modubv ogu risvdw  
um nonu chindu bv gwngtaka. 11 Ho nyi vdwgv oguogu arv  
kaamanv rinam um lvkobv rimingdakming gvyoka, ho gv oguogu  
vv kanvparam lokv la, vbmayabv, bunua loung lo laalin yatoka. (

12 Bunugv risi la ara lokv rinam kudungkua lvkwng lo milin namv  
maatar alvbv hinyinghiru namv.) 13 Okv vdwlo anyung kaamanv  
mvnwng nga lounglo laalin rikudw, vblrubolo bunugv jvivnv  
ridungsingdung am rvbwngching bv kaapa lareku; 14 Holvgabv  
ogumvnwng nga rvbwngching bv kaatam kubolo loung bv riduku.  
Vkvlgabv si vby minto “Godung tkuka, yupnv vdwv, okv sinam  
lokv turkur tkuka. Okv Kristo nonua loung am ungkare.” 15  
Vkvlgabv nonu oguaingbv doosvdaksv vdw hinsukasu tvvlaka.  
Chimapamunv nyi aingbv doyodakyoka, vblrubola chinvpanv  
aingbv dooladakla ka. 16 Nonu alvny dw paanam mvnwng  
nga um alvngobv rinv ntto laka oglulgavbolo, soogy alu si  
alvmanv bv riduku. 17 Vbrikunamy, picha nvbv riyoka, vblrubola  
Pwknyarnv ogugo nam ridubv mvngdudw vblching mala rijidubv  
gwngto laka. 18 Opo tvngyoka, oogy nam simungoomu mvngchik  
jinvnga; vbmayabv, Pwknyarnv gv darwknv dow am pwlwk  
koitolaka. 19 Ajin anyingnga hartvnam gaam lokv, mirimimpak  
lokv, minji mingkiuk nam lokv okv darwknv mirimimpak lo gaana  
gaala; nonugy haapok lokv harty la Ahtunyi kumnam gaam

lokv okv kumnam mirimimpak lokv gaagv laka. **20** Ngonu Ahtu Jisu Kristo gv amin lokv, Pwknvyarnv Abunyi ogumvnwng lo umbonyikv vbvlaka. **21** Kristonyi mvngdvnam lvgabv nonyi anyiv tulwk minsulaka. **22** Nywng vdwv, atubogv nyilua Ahtunyi tulwk sinam aingbv tulwk sutoka. **23** Vkvlgavbolo Kristo gv gvrja gv aolo rigv ladubv atubv tujupkunam aingbv nyilo vdwvka nywng gv ao lo rigv ladubv atubv tujupkunamv; okv Kristo ninyi atubongv gvrja gv ringnvbaanv ngv, ninyigv awv. **24** Holvgabv nywng ngv atubogv ogumvnwng nga bunugv nyilu gv arwng lo tulwk sila ritoka oguaingbv gvrja ngv Kristo gv arwng lo tulwk sila ridudw. **25** Nyilu vdwv, nonugv nywng vdwa alvbv paktoka oguaingbv Kristo gvrja nga pakdudw okv ninyigv turnam am jilwk tokudw. **26** Hv sum isi lokv darwk dubv harkak choto kula hokoching bv ninyigv gaam lokv Pwknvyarnv gvlo gvrja nga tulwk jidubv vla ritoku, **27** Hv atubongv gvrja ngam svbv rinamv kaapu—darwk okv gungnying kaama, ungnvtarv kaama okv tikumtilum nam kaama okv oguguka kaavk svgo kaama tvla tulwk sidubv vla rito. **28** Nyi vdwv atugv adwnayak am atubongv oguaingbv paksu dudw vbvching atugv nywng am paksu rungtoka. Yvvnyiv atugv nywng am pakdudw vv atubonga ka paksudu. ( **29** Yvvka ngonu atubogv adwnayak am kaanwng maby rimadu. Vbvmayabv, Kristo gv gvrja ngam rinam aingchingbv bunua ngonu jichahocha sula okv bunua ringchamriai sula riyadu; **30** holvgavbolo ngonu ninyigv adwn lo atung gunvbw ridunv.) **31** Darwknv kitap lo vbv mindu, “Vkvlgabv si mindu nyilo ngv ninyigv abu okv anv nga kayu tvkula okv ninyigv nywng gv lvkobv rila, anyiv akin gobv ridukunv.” **32** Soogy Darwknv Kitap lo ungrwng rungny chinchi nyomanam jvjbv nga kaatam jilindu, vbvritola sum ngo chindu si Kristo okv gvrja lvgabv mindunv. **33** Vbvritola si nonuaka

mindunv: nyilu dvdv ngv atugv aw am paksu aingbv atugv nywng aka pakto laka, okv nywng vdvvka ninyigv nyilu nga mvngdv tvlaka.

**6** Umvuu vdwv, abuanv mingku lo vngnam si nonugv kristan ridungsingdung ngv ogulvgavbolo soogv si tarwkbaknv kudungkua ngv. **2** “Nonugv abu okv anv nga mvngdv laka” vnam si atuake kv gamkinam milvpvnam lvkyonam akobv ridu: **3** “Vkvlgabv nonu alvbv vnglarila rikunv, okv kvdwmooku so alvbv singsu la ritv rikunv.” **4** Abuanv vdwv, nonu umvuu vdwa haachiak dubv riyoka. Vbvmayabv, bunua kristan ridung yabv gwngsarrisar chaamu tvka okv tamsarkinula richatoka. **5** Nyira vdwv, nonugv adwnamar lo atu am busula okv hvkdinsvkiak gvrila mingkubv vngtoka; okv vvb nonugv Kristonyi rijidakji nam aingbv, mvngtwkkrwkla haapok lokv rijidakji tvlaka. **6** Bunugv kaagia lo alv mvngchik bv rimwng yoka, ogulvgavbolo bunu gvlo alvpvkv vnam am paanam mvngchik lvgabv; Vbvrutura Kristo gv kudungkua nga rinv vrungbv noogy haapok mvnwng lokv, Pwknyarnv ogugo mvngdudw vvb no rijidoji tvlaka. **7** Mvngpunv nyira gobv rigvrla nonugv kudungkua nga ritoka, vvb nonu nyia ridung bv ritv mabv okv Kristonyi riji rungnam aingbv ritoka. **8** Mvnggap tvlaka Ahtu ngonua, nyira dolo nyira madulo ngonugv rijo amin am paamu riku, ogulvgavbolo alvbv kudungkua rinamdonam lvgabv. **9** Atu vdwv, nonu nyira vdwa huklamhukchum la rinama kayu lakuka okv karingsichingbv pakmi sitoka. Mvnggap tvlaka nonu okv nonugv pakbu vv nyidomooku tology Ahtu akin gvngv la, oogv nyi mvnwng nga lvyinakinbv jwngkadakanv akinnv. **10** Minyungminya bv mindu, Ahtu gvlo akingobv ridula okv ninyigv kainv jwkrw daadw lokv nonugv gwlwk am mvto laka. **11** Oogv Pwknyarnv gv idu jinam mvnwng um nonu gvtto laka,

ogulvgavbolo nonu Uyudvbv gv alvmanv ruunam am dakrap  
minsu lareku. **12** Holvgabv ngonu nyi anyingnga nyimak rumi  
sidubvma vbvritola nyidomooku karv gv dowjwklo alvmanv  
sipai vdwa, rigvdogvnv vdwa, tujupkunam vdwa okv vjvgv  
chinggodogo so kanvparam lo jwkrw vdwa rumi sidunv. (aiōn g165)

**13** Vkvlgabv vjak Pwknyarnv gv idu am gvvtoka! vbvribolo  
vdwllo alvmanv alu v aaridw, ho nonu nyimak am rukmisila  
payalaya lareku; okv pami sila panyungpamnya kokwng lo gobv,  
nonu vjylodv gobv nonugv riku hoka gwlwkrungbv doobvdakbv la  
rire. **14** Vkvlgabv vngdwngprungbv dakyatoka, jviv am tainchopo  
aingbv adakbv nonugv harnyik lo pucharpuyar sitoka, oogv  
lvkinbv darwkchongjor am saruk huksnam aingbv nonugv hakwng  
lo huktoka, **15** okv nonugv lvkiam am gvvkigvak kunam aingbv  
sarsopoyo gv Alvnv Yunying am minggo jitoka. **16** Satam  
bvnngnam aingbv aludwkibv mvngjwng tvvlaka; ogulvgavbolo  
Akingonv Alvmanv gv vmv gunv opok apkunam mvnwng lokv  
nonu mvngit minsu lariku. **17** Okv ringlinbaalinam am sipinbiotung  
aingbv laarwk sitoka, okv Oogv nonua Dow jinam Pwknyarnv  
gv gamchar am riokse aingbv bokto laka. **18** Soogy dvdv  
sum kumnam lokv, Pwknyarnv gvlo ridur koodubv kooto laka.  
Dow nga ridur kodubv, doopumdakpum nyikilo kumla ritoka.  
Ogulvgabv svkvnv si vbole hardv alvbv chrvv dubv okv vdwloka  
kayula rima dubv; Pwknyarnv gv nyi mvnwng lvgabv kumbv  
tvvlaka. **19** Okv ngo lvgabvka kumlaka, oogv Pwknyarnv gv  
doin go nga mindubv jikulo vdwlo ngo miredw, vkvlgabv ngo  
busukano kaama bv minji lareku okv doin gv chinchi manam am  
chingam dubv mvreku. **20** Holvgabv vjak Patwk so doodu laka,  
gamlv lvgabv ngo nyitompingko akobv ridunv. Vkvlgabv ngo  
minji svngaka busukano kaamaby mirung ladubv kumgurrigur

jilaka. **21** Taikikas, ngonugv kaanwngnam achiboru okv Ahtu gvlo kudungkua mvngtin sila Pakbu bv rinv, hv ngoogv yunying dvdv nga minjire, ho nonu mvnwng ngv ngo ogugo ridudw chinchipachi reku. **22** Vkvlgabv ngo ninyia nonu gvlo ngonu ogugo rila ridudw um minji modubv okv nonuam mintvmiru modubv vngmu jidunv. **23** Pwknyarnv Abu okv Ahtu Jisu Kristo gv mvngjwng la paknamv, okv sarsopoyo ngv Kristan ajin mvnwng lo doolwk yilaka. **24** Ngonugv Ahtu Jisu Kristonyi oogv yvvdw pakdunv, um Pwknyarnv gv anyuaya ngv vdwloka sika manv paknamv paknamv doolwk yilaka.

# Pilipian

**1** Jisu Kristo gv pakbu akobv rinv Paul okv Timoty bunyi gv lokv— Oogv Kristo gvlo akingobv rinv Pilippi lo doonv Pwknyarnv gv nyi vdwa, gvrja nga rigvdogvnv okv ridorminggvnv vdwaka mintak sila: **2** Ngonugv Abu Pwknyarnv okv Ahtu Jisu kristo nonua ayanam okv sarsopoyo nama jilwk yilaka.

**3** Ngo Pwknyarnvni umbonyikv vla kumrap dwkibv nonua mvngpadunv. **4** Okv ngo kumyi dwkibv mvngpu dula, nonu mvnwng lvgabv ngo kumla ridunv. **5** Ogulgavbolo riturike lokv rila yikula vjvlodvbv nonuno ngam gamlv gv kudungkua lo ridur la lamtv nga kaatam la ridu. **6** Okv vbvrinamv nonu gvlo soogv alvnv kudungkua sum rirapgvnv Pwknyarnv, oogv Jisu Kristo gv aluv aanya ma dvdbv so gv sum no gakbwng chikwngla riredore vla ngo alvrungbv mvngdunv. **7** Nonua ngoogv hapok aralo mvngpa dvdbv kidunv! Okv vkvlvgabv nonugv lvkwnglo ngoogv vBV mvngnam si mvngrung dubv rrirungdunv mvngdu. Ogulgavbolo nonuno svkvnv kudungkua ogumvnwng sum ridur dula Pwknyarnv gv nga orpinorin sidubv jitoku, vjak ngo anyi baabwng nga patwk lo doodu laka, okv vdwlo ngo ajarabi bvka ridula gamlv am karingsiching bv okv gwlwkrungbv mvkukrikuk la riduku. **8** Ngo vdwlo nonu mvnwng lvgabv achialvbv ngo haapok sokv mvngnamv Jisu kristo ninyigv atubogv aw lokv aavn ngv vla mindudw okv jvjvrungbv minam am Pwknyarnv ngo gvBV miria jinv ngv. **9** Ngo nonugv pakmisinam am jvjvklvbv chinapanam lokv okv rvbwngching jwngkadaka nam lokv lvkin gobv kai lo kaiyaya bv ribamdobam la ribvre vla kumdu, **10** vkvlvgavbolo nonuno ogunv alvyachok nvngvdw um gaklare. Vbribolo nonuno arwanyu nvBV rimare okv Kristo gv alu am alvmabv nvvlwknam gobv riku mare. **11** Jisu Kristo mvngchik gv rilen gvylanamv,

Pwknvyarnv gylo hartvnama okv paknama laalwk dubv nonugv  
gwngnamsingnam lo jvjvrungnv ngv alvjvbv doolwk la rire. **12**  
Ngoogv ajin vdwa, ngam ogugo ripvdw vbvrinam oogv gamlv  
ngv jvjvrungbv ridur la alyyabv rinvvngnv nvgobv rito, um ngo  
nonua chintoka vla mvngdunv. **13** Vbvrijo ngv kaakunamv,  
dvbvkarv lo dakyav okv nyikvvbi dvdv ngv ngam Kristo gv  
pakbu bv rinam lvgalo ngo patwk doopvnv vla chintoku. **14** Okv  
ngoogv Patwk aralo doonam lokv mvngjwngbu twngtv yanv  
vdwv kaiyago Ahtu gylo mvngjwng svlwkla rito, vkvlgabv ogu  
guka busukano kaamabv pwktvrungbv bunu vdwv twngtvyanv  
Doin am aludwkibv japgo yaya karla rito. **15** Ridungrima gvby  
Kvvgonv kristo gv lvkwnglo ngam kaanek la okv minwng la japgo  
karnia la ridu, vbvritola Kvvgo nvgv rinamv alvby mvngnam lokv  
kudungkua nga rito. **16** Soogv rinam si paknam lokv ripvnv,  
ogulvgavbolo bunu vdwv ngam gamlv nga jvjv ngvrung vla rinvnv  
kudungkua nga Pwknvyarnv gylo gvngv jipvnv vla chindu. **17**  
Kvvbi vdwv, Kristonyi jvjv alvby japgo jimadu, vbvritola bunu  
awgv yalu lokv mvngchik mvngdu; bunu ngoogv patwk aralo doilo  
maatar alvby mvrikmvchik modula erit emu dubv vla mvngdu. **18**  
Siidv ogugula! So lvkwng lo ngo mvngpudu—ogulvgavbolo alvny  
lamtv lokv mindulo vmalov alvmanv lamtv lokv mindulo, Kristo gv  
gamlv am japgo kardu. Okv vkvlgabv ngo mvngpu la ribvre. **19**  
Ogulvgavbolo nonugv kumnam lokv okv Jisu Kristo gv Dow gv  
ridurnam lokv ngam laalin pkunv vla ngo chindu. **20** Ngoogv  
arwngrungbv mvngnamv okv ngo mvngtin dunv si ngoogv  
kudungkua lo vdwloka remabv doonam kaamare mvngdunv,  
vbvritola oogv dw mvnwng lo, okv jvjvkvbv yjak daadwka, ngo  
mvngtvmvngru gv chrvv ngv lvvpuk dvdvre, vkvlgabv, ngo  
turjyka okv sijyka, ngoogy adwnayak am Kristonyi hartv nyla

ribvre. **21** Holvgabv turnamv ogudw? Ngoogv lvgabv, Kristo nv. Vbvrikunamv, sinamv, alvyabv turnam laalwk yareku. **22** Vbvrijvka ngo turla dubv dvdv bolo ngo kaiayabv arv doonv kudungkua lo rila tvnvpv, vbvrikubolo oguguniyi gakla riyidw um ngo mila nyuya ma. **23** Ngam aba anyi gobv putoku. Ngo soogv adwnamar bv turnam sum achialvbv kayu nwngdu okv Kristo gvloya akingobv riming gvnwng yaduku, hoka ngoogv lvgabv ogumvnwng ngv alvyanv gobv ridu; **24** Vbvrilola nonugv lvgabv ngo turla doonam si achialvgo dinchiyanv ngv. **25** Sum ngo jyjvklv hinrungsidu, okv vklvlgabv doodvre vla ngo chinsudu. Nonu mvnwng gv lvkobv ngo doore, nonugv alvbv rinamdknam am kaiayabv ripwngrita dvdubv okv mvngjwng lo himpure. **26** Vklvlgabv vdwlo nonu lvkobv ngo lvkodv doodv ridw, nonugv turnam lo Jisu Kristo gvlo akingobv rikulo nonu ngam kaiayabv goovg sinvnam gobv rire. **27** Vjakgv, dinchirungnam si um nonugv turnam lamtv lo Kristo gv gamlv mingku jvbw vngrungtoka, vklvlgavbolo ngo nonu gvlo vngla okv kaala mabv rijvka, nonugv mvngjwng ngv vngdvng la gamlv lvgabv nonuno rungkirunglak gvrila akingobv dakrap minsula okv um mvngnamv akingobv turbumlarbum nama ngo tvpa tvnvpv. **28** Nonuno nyimak vdwa busu yoka; haapok am pwktvpwkru la ribv laka, okv vbvrinam lokv bunugv rilamanam am okv nonu rigumriya yareku vla bunu chinsukaasu riku, ogulvgavbolo nonua rigumriya yadubv jinv ngv Pwknyarnv ngv jidu. **29** Oguvgavbolo nonua Kristo gv kudungkua nga ridubv jito, ninyia mvngjwng mvngchik la rimwng yoka, vblrilola ninyigv lvgabv hindarkaso aka hindubv jito. **30** Vjak nonu ngoogv yalungnyimak damku lo damning gyla do. Soogv yalungnyimak damkwng minsu dubv ngam nonugv kaanam si kvlo gv damro

akinnv, okv vbvching nonu tvvsudu, oogv akin am ngo vjvlodvbv  
damkwng minsu dvvla ridungdu.

**2** Kristo gv aralo turnamv nonua gwlwksopa dubv mvdu, okv  
ninyigv paknamv nonua himpukain la rimudu. Nonuno Dow  
nga lvkobv ribamdu, nonuno ayanvnv ngv okv ajin anying  
lvgabv aya minsu namv doodu. **2** Vbvrinamv, ngo nonua  
kumdunv, mvngnam okv saknamv am akin gobv ridukalamla  
okv pakmisinam am ivyin akinbv ridukalamla okv akin gobv  
mvngdukalamla okv lvkingobv tulwk sidukalamla rinam lokv  
nga mvngpu punyachika molaka. **3** Ogumvnwng nga atubogv  
lvgabv rinv mvngchik gobv riyoka vbvmajvka anyung kaama bv  
gooyoka, vrvitola ajin anyingnga angamai minsulaka, atubonga  
mamsv nga kvvbi yanga alv yadubv mvngya toka. **4** Okv nonu  
atubogv lvga mvngchikbv mvngtvritv mabvy, ajinanying gv  
mvngchamricham koloya kaajitaji la ritoka. **5** Nonugv mvngdung  
nga Jisu Kristo gv mvngdung akinbv mvngrung toka: **6** Hvkgv  
gvlo Pwknyarnv gv ridung ngv doodu, vrvrijvka Hv vdwloka  
Pwknyarnvnyi karingsiching dubv mvngla rililala la ridukalam  
rungnvpv mvngmato. **7** So vbvmabvy, hv mvngsunam lokv  
ninyi gvlo doonv mvnwng nga kayu yala rito, okv atubongvya nyi  
pakbu gv ridungrima yanga laage sula rito. Hv nyi gobv rito okv  
nyi adwnamar bv ritola nyi aingbv kaatam sitoku. **8** Hv rvngam  
nvgorv rito okv sidulo gobv minam mvnwng nga tvnnvrinv bv  
rila— ninyigv daapo lo silwk lo gobv tvnnv rinvgorv ribwngtoku.  
**9** So gv holvkwng bv Pwknyarnv ninyia aoyachoknv mooku  
dumpom lo laacha la rito okv kvvbi gv amin amam svnga kaiyabv  
ninyia kaiyarungnv amin gobv jitoku. **10** Vbvrinamv Jisu gv amin  
am mvngdv gvdula nyidomooku gv mvnwng ngv, sichingmooku  
lokv mvnwng ngv, okv nyiamooku sokv arwng lo doonv mvnwng

ngv, vkgvg lvbwng lkwng lo guba lkwla rire, **11** Okv nyi mvnwng  
ngv Jisu Kristo Ahtuv vla tvvpakapa dubv japgo kare, Pwknvyarnv  
Abu gv yunglit lvgabv. **12** Vklvgabv, ngoogy ajin vdwv, vdwlo  
ngo nonugv lkobv ribamdkbam la riyilo nonu ngoogy gaam  
mingkulo tvvla ribv kito, vbg dvdvbg vjakka ngo adula riduka  
nonu ngoogy gaam am tvvdunv si maatar alvbv alvrungnv gobv  
ridu. Nonugv ringlinbaalin am paanya chikia dubv busula okv  
hvkdwnsikiak gvila kudungkua nga ribv laka. **13** Ogulvgavbolo  
Pwknvyarnv nonugv aralo mvnggya dadubv nonua kudungkua  
ribyla ridungdu okv ninyigv atubogv mvngku nyikibv tvvla dubv  
ridu. **14** Larmisinam vmalo japurjabur minsunam kamabv  
ogumvnwng nga ritoka. **15** Vklvgavbolo nonu nyiabvda bv rila  
alvmanv rinam kamabv riri nvpv okv nyiamooku gv alvmanv okv  
rimurnv nyi vdwgv duku ara so Pwknvyarnv gv rvbwngchingnv  
umvuu gobv riri nvpv. Nonu nyidomooku tologv takar ungnv  
aingbv bunugv pingkolo ungtoka. **16** Turnam gv gaam am nonuno  
bunua japij gvila vbvching unggv nvbv ritoka. Nonuno vbvching  
rijibolo, Kristo gv lotarlonya alua ngo googing nvnvgobv rire,  
ogulvgavbolo ngoogy ripv namv okv kudungkua rinam mvnwng  
ngv aya kamabv riomanyi vla kaatamre. **17** Nonugv mvngjwng  
namv Pwknvyarnv gvlo erinpeelwk jila daan lwnam aingbv  
ngoogy turgv nvnv oyi am biilin jisv yikv. Vbvrinamgo dubolo,  
ngo mvngpudu okv nonu mvnwng lkin gobv ngoogy mvngpua  
orpin sidu. **18** Vbvching apiabv, nonuka mvngpu rungsv yikv okv  
nonugv mvngpua ngoogy lkobv orpin sirung svngkv. **19** Si  
Ahtu Jisu gv mvnglwnam vbolo, ngo Timotinyi baapu alvbv  
vngmu jirung nvpv mvngdunv, vklvgavbolo nonugv lkwng lo  
yunying lokv ngo pvtvpwkru lari nvpv mvngdu. **20** Hv akinnv  
mvngchik ngoogy mvngnam am orpin sila jinv ngv okv oogv

nonu lvgabv jvjvklvbv mvnggap yajinvngv. **21** Nyi dvdv ngv ogumvnwng nga bunugv atubogv mvngnam lo rimwngdu, Jisu Kristo gv mvngnam bv rimadomadu. **22** Okv ninyigv alvbv rinam am hv oguaingbv himbwngrvkwng dubv kaatam dudw nonuno um atubongv chinsudu, oguaingbv nw la ngo, gamlv gv lvgabv, Kuunyilo gunv gvla okv hkvvgv abua kudungkua nga ribam kunam aingbv. **23** Vkvlgabv ngo gvbv ogunvgo rilin tvvdunvdw ngo chindanam gula ninya nonu gylo baapubv vngmu nvpv vla mvngtin dunv. **24** Okv ngo atubongv awv nonu gylo baapu alvbv vngurvngyin lare mvngla Ahtu gylo mvngjwngdu. **25** Nonu ngam ridur nvpv mvngla jokriaparia dubv vngmunam okv ngo lvgabv yalung damyanv, kudungkua rinv okv rijivngji yanv ngonugv achiboru Epaphroditusnyi nonu gylo vngmu jirung dukubv vla ngo mvngdu kunv. **26** Hv nonu mvnwng nga achialvbv kaanwngdu okv mvngru la ridu ogulvgavbolo nonu hv lvvmapv vla tvpadu. **27** Jvjvklvbv achialvbv lvvma maatar la rito okv sinam tungbv ritoku. Vbvrilola Pwknyarnv ninya aya la rito, okv ninya tikma vbvrilola ngaka, aya la rito okv kairungnv go mvngdwk tvnam lokv ngam ringlin la ritoku. **28** Vbvrinamv, ngoogv nonu gylo vngmu dubv mvnglwk kunamv, nonu mvnwng ngv ninya kaarwk sila mvngpu dukubv okv ngoogv mvngru mvngya mvnwng ngaka kaaku madubv. **29** Vbvrinamv, ninya laarwk sitoka, Ahtu gylo mvngjwngla rinv ajingony mvngpu gvdula turwk sitoka. Ninyigv rinam aingbv rinv vkvnv nyi dvdv nga mvngdv tylaka, **30** ogulvgavbolo hv ninyigv singdung nga mvngnga sidula okv Kristo gv kudungkua lvo sitardortar lwkla, nonugv awgv ngo lvgabv rila jima svnga ngam ridurvngdur jila ritoku.

**3** Mintarminya bvku, ngokv ajin vdw, Ahtu gv lvkobv nonugv lvgin gobv rinamv mvngpu bv riyilaka. Lvkcho bv ogugo lvkro

pvkudw um ngo lvktin dubv mvngku madu, okv ngo soogy ridunv  
si, nonugv awgv lvgabv alv svnga minchingmimunam gomwng.  
**2** Oogv alvmabv oguogu rinv iki vdw um okv atubogv ayak  
peesula rinv vdw um alvbv inkur kaarwk sitolaka. **3** Ngonu laka  
oogrjvjkvbv ayakmvu sidubv laarwk sinv ngv, bunu makv,  
ogulgavbolo Kristo gv gvlo akingobv ridula okv mvngpu dula  
ninyigv Dow lokv Pwknyarnvnyi kumnvjonv ngv. Ngonu kvvbi  
agumai ridungripa lo ogu mvngjwng namgo kaama. **4** Vbvka, ngo  
riladunv, ngoogv mvngjwng nga vknvlo jwnglwk ladunv. Nonu  
akonv agumai gv ridungripa lo mvngjwng ladu nvlo, ngo umka  
kaiyago oogrjvjkvbv nga mvngjwng sidubv risvgo doyadu.  
Nonu yvv gonvka ayakmvu sinam lo mvngjwng sidubv risvgo doyadu.  
Nonu akonv agumai gv ridungripa lo mvngjwng ladu nvlo, ngo umka  
kaiyago oogrjvjkvbv nga mvngjwng sidubv risvgo doyadu.  
**5** Vdwlo ngo alu lok kanw kubvdw ho ngo ayakmvu la  
ritoku. Ngo Israel nyi bv agargarlin namgo, Benjamin gv husi  
lokv liny, Hebrew oyi jvjjv lokv ngv. Jius pbv lo ribv kunv vbolo,  
ngo yadv parasi bv riya nvgokv, **6** okv achialvbv kaanek la  
gvrja nga mvdkmyku nvgobv rito. Moses gv Pvbv mingkulo nyi  
vdvw tvvla kaala darwk nvgobv rila nvngv bolo, ngo rimur la  
rigakpanam kaama pvnvpv. **7** Vbvritolu ngoogv ogumvnwng  
nga rilapala paabin kunam dvdv nga vjak ngo alvguiyi mvngla  
mvngsv ngvi vjak kaakunamy vv Kristo lvgabv amaaya kaama  
mvngdu. **8** Oogrjvjkvbv arv doyanvbv mvngdu kunv. Holvgabv  
ninyigv mvngnam am ogumvnwng nga ngo orpakpaga nyami  
pvkunv; Ngo vknv dvdv nga achuaya yaakunv bv mvngdu

kunv. Ogulvgavbolo Jisu Kristonyi paadu kubv vla. **9** okv ninyigv  
lvkobv akingobv rimichiki lwkrungre. Moses gv Pvbv mingkulo  
vngla awv darknvbv mvsunam ho gv darknv vv vjak ngo gvlo  
dookuma. Jisu Kristonyi mvngjwng nam lokv ngo vjak darwk  
nama paapvnv, Pwknyarnv gv lokv okv mvngjwngnam lokv  
darwnam si aadunv. **10** Ngo akin go chinwngdo vv Kristo  
okv ninyigv turkur kunam gv jwkrw nga hingkwakw minggvso,  
ninyigv hinching chingnam am chingdum mingvso okv ninyigv  
siku lo lvkobv siming gvvdubv, **11** oogv vbv mvngtinnam lokv ngo  
awv atubongv sinam lokv turkur riku. **12** Ngo mvnwng nga ringam  
tokubv vla vmalo rvbwngching dukunv vla mvngsu madunv.  
Ngo oogv amina paarung dubv rikw dunv Jisu Kristo oogv amin  
lvgabv nga darpvkunv. **13** Vv jvrung, ngoogv ajin vdw, ngo amin  
paaji nvnga paangam tokubv vla minsu madunv; Vbvrijvka,  
ngo rinamgo ridu, ngo vngrokunv rinamv ogu gubvyva dw um  
mvngpa kuma dukunv okv oogv risv yanga umya lvgvlvma bv  
ridubv mvngdunv. **14** Vkvlgabv ngo amin paaji nvnga paadubv  
mvngla sida klabv joklwk jikubv jokdunv, oogv aotolo gv turnam  
Jisu Kristo gv lokv Pwknyarnv gv goknam am padubv vla. **15**  
Ngonu mvnwng ngv yvvdw darwkchongjor bv kamchikla ripvkudw  
mvngnamsaknam sum lvyinakin bv rirungdubv ridu. Vbvritola  
nonu kvvgo nvgonv mvngnam am lvyin akin mabv angusibv  
ridubolo, Pwknyarnv sumka rvbwngching alvbv nonua mvbwk  
jire. **16** Vbv svbv ogubvrijvka, ngonu vjvlodvbw ridung sidunv  
sum klai vjakka ngonu ribvdakbv sula juka. **17** Ngam kaagv sila  
ritoka, ngoogv ajin vdw. Nonugv lvgabv ngonu ogugo kaagv simu  
dubv rikiriak pvji nama yvvbunudw um riming gvdunv ho vdwa  
nonu alvbv tvvgap kaagap laka. **18** Ngo nonua aikilo svkvnv sum  
achialvgo minji pvkunv, okv vjakka ngo lvkodv kapdula mindw

jidunv: Hoka hoogv doonv nyimeego Jisu Kristo gv daapo lo silwk jinam am ninya nyiru la ribv nyadu. **19** Bunu vdwv oyumooku lo nyelwk nyami tvvduku, ogulgavbolo bunugv Pwknvyarnv bunugv adwnamar lo mvngnam bv rinya duku. Bunu vdwv ogugunyi hinyinghiru la rirung nvsv vdw umya bunu goonv nyalaya rinvdu, okv bunu soogv nyiamooku sokv oguogu mvngchik ka mvngbv la riduku. **20** Ngonu, ogubvrijvka, nyidomooku gv nyi vkula, okv ngonua turgvvn, Ahtu Jisu Kristo, nyidomooku lokv ireku vla, kaanwng rungbv dooyakaya la dooduku. **21** Hv ngonugv turkulvvku manv sjiyyaaji kunv adwnamar sum mvkupmvv jireku okv bunua ninyigv aw yungla kunv adwnamar aingbv mvre, ho gv jwksw nga rinvnvla nw ogumvnwng nga ninyigv ara lo laalwk reku.

**4** Vbvrikunamv, ngoogv ajin vdw, ngo vdwgo nonua pakdu okv ngo nonua vdwgo mvngpa laka ridu! okv vdwgo nonu ngam mvngpu mooth, okv ngo nonua vdwgo googing nvdu!—ngoogv ajin vdw, ngo svbv mindunv sum, nonu vdwgo turdudakdudw Ahtu gvlo alv rungbv doobvdakbv la rirung tvlaka. **2** Euodia okv Syntyche, nonyia ngo kumla mindunv, Ahtu Jisu gvlo nonyino anyibormv bv turwk sila akingobv ritokuka. **3** Okv ngoogv mvngjwngnv ajin nooka, soogv nyimv vdw sum mvdurridur jilaka vla ngo mvngdu; Oulgavbolo bunu vdwv ngoogv gamlv japgokolo ngo lvkobv rilv kumabv ridumripa minggv toku. Klement gv lvkobv okv ngoogv kvvbi ribam ajin vdwv, bunugv aminv Pwknvyarnv gv turgvvn kitap lo lvklwk duku. **4** Alu lodak dwkibv nonu gvlo Ahtu gv lvkobv himpuv dubv yilaka. Ngo lvkodv mindv dunv: himpu yilaka! **5** Nyi mvnwng nga angamai bv rinamdknam am kaatam laka. Ahtu gv aadw aluv nvchi duku. **6** Oguogu lvo mvngrunguya mabv ka, vbvritola nonugv kumku mvnwng

lo ogugo nonu mvngdudw um Pwknyarnv gvlo kumto laka,  
ninya haapok lokv harty dula kooto laka. **7** Okv Pwknyarnv  
gv sarsopoyonamv, nyia gv chinam lo mvngchisakchi manam  
bv adula rikunv vv, nonugv haapok okv tuktumlo Jisu Kristo  
gv aralo akingobv rimula alvrungbv vvpvre. **8** Minyungminya  
bvku, ngoogv ajin vdw, nonugv tuktumlo oogv oguogu alvvn  
dvdv nga okv harty dubv rinv: yikungyira jyjvbv rinv, kaintapakla  
pakdubv rinv, tarwkbak, daadwwrw nvlo, kaapu nvlo, okv mvngdv  
dubv rinv lo mvlwk mootoka. **9** Risarsila pvtoka ogugo ngokv  
lokv chinpvdw okv laarwk sipvdw, anyi gv lokv ngoogv gamchar  
minam lola okv rinam lo. Okv Pwknyarnv ngonua sarsopoyo  
nga jinvngv nonua lvkobv doi laka. **10** Ngoogv singnam lo Ahtu  
gv lvkobv akin dula rinam si ngo gvlo kairungnv mvngpu nvgobv  
ridu oogv vdwnv vngrokunv alu gv kokwng loku nonu ngo lvgabv  
kacharkayir la lvkodv kaatam la riraptoku. Svby rinam si nonu  
ngam ngo lvgabv chigudabia kuma dvnv vla mima dunv—nonu  
gvlo chigudabia dubv ogu dw go paamato. **11** Okv ngo si  
achialin himpama vla mima dunv, oglulgavbolo ngo atubogv  
gvlo ogugo doodudw um ngo hang nyumchi sila mvnggurusok  
sisv am chindu. **12** Oguguni chiidubv mvngdudw okv oguguni  
kaiyaje lakula lvyya yadu kudw um ngo chindu. Ngo svkvnv  
arwng nvnga chinro dukunv, vkvlvgabv ogolovka, vdw lojvka,  
ngo hang nyumchi svnga, vbvmajvka ngo ako duku nvdw okv  
ako mabv kano dunvdw, vbvmajeka, ngo gylo chiilvmin duku  
nvdw vmalo chiima duku nvdw vkv nvnga ngo chinsudu. **13**  
Kristo gv Jwkrw jinam lokv himpuhiru mvnwng am kaatam sula  
dubv ngo gvlo gwlwk vv doodunv. **14** Vbvrijvka nonu ngoogv  
maatar jvby hirukaya bv hinchorilo ridur la rinamv achialvbv  
alvby ritoku. **15** Nonu Pilippian nyi vdwv alv rungbv chindu ngo

vdwlo Mesedonia lokv vnglin jikula Alvnv Yunying am minggo la mincho karilo, um nonugv gvrja mvngchikv ngam mvdurridur mvngla rito; ngoogy pwbinpaabin nam ala okv nyenamngoonam lo ridumkaadum nvngv nonu mvngchik. **16** Vdwlo ngo Tesalonika loka dootola ridur nama paala rijeka chiima namgo doorinyi nonu gylo ngam ridur bvbv la jilwkto **17** Vbvrinam si ngo anyu bv laarwk sinam mvngchik nwngnam twkma; um yamam svnga, ngo nonugv sapnam kitap lo kaiyago doodv dubv mvngdunv. **18** Vbvrinamy, svka, ngoogy lvgaby laarwk sidubv nonugv jilwk kunam ogumvnwng si—okv achialv bv lvbin yaje duku! Ngoogy ogumvnwng chiiimapamu nvnga, oogy amin nonugv jilwk kunam mvnwng um vjak Epaphroditus ngam gvwlwk jila gva lwkji duku. Bunu Pwknvyarnvnyi namtinama rungnv, ninyigv mvnglwk koodubv okv laarwk siyin koodubv daan aingga jilwkto. **19** Okv ninyigv ogumvnwng nyitv ngv Kristo Jisu gv lokv okv ngoogy Pwknvyarnv ngv nonugv dinchinam dvdv nga jiya reku. **20** Ngonugv Pwknvyarnv okv Abu gv yunglitnamv dvbvsingtam bv doobvre. Amen. (aiōn g165) **21** Jisu Kristo gvbv rinv Pwknvyarnv gv nyi nyichar dwdlo kumrwksinam am jilwk dunv. Ngoogy riku so rinv Kristan ajin vdvv nonua bunugv kumrwksinam am jilwk nyadu. **22** Pwknvyarnv gv nyi mvnwng ngv, oogy Dvbvyachok gv karv gv naam lo rinvdaknv vdvv kumrwksinam am jilwk nyadu. **23** Nonu mvnwng gylo Ahtu Jisu Kristo gv aya ngv lvkobv dubv yilaka.

## Kolosian

**1** Paul lokv, Pwknvyarnv gv mvnglwk lokv Jisu Kristo gv apostol akobv rinv, okv ngonugv achiboru Timoti lokv— **2** Pwknvyarnv gv nyi Kolosae lo doony, ngonugv lvgabv Kristo gylo mvngjwng sinv ajin vdw: Ngonugv Abu Pwknvyarnv nonua ayanam okv sarsopoyo nama jilaka. **3** Ngonugv Ahtu Jisu Kristo gv Abua, vdwlo nonugv lvgabv kumrinyi, ngonu Pwknvyarnvnyi umbonyikv vbg jidunv. **4** Vkgvlgavbolo nonugv Jisu Kristonyi mvngjwngla okv Pwknvyarnv gv nyi vawa nonugv paknam am ngonu tvvpadu. **5** Vdwlo jvjvrungnv doin, alvnu yunying ngv, nonu gylo atuake bv aacho kubvdw, mvngtin kunam gv lvkwng lo tvpatoku. Vkgvlgabv nonugv mvngjwng okv pakmisinam lvgabv nonu ogugo mvngtin sidudw, um nonugv lvgabv nyidomooku lo pvvjidunv. **6** Pwknvyarnv gv anyuaya nam lvkwng lo tvvtutvke bv nonugv pingkolo tvvpa dw alu lokv okv si jviv gurung vla chiru lokv gamlv ngv chinggodogo mooku soka gosik karla okv boktalwkji kunam am laalwk jitoku. **7** Nonu Pwknvyarnv gv aya nga, ngonugv pakbu ribam ajin, Oogv ngonugv lvgabv mvngjwng sila Kristo gv kudungkua rinv Epapras gv lokv ngv chintoku. **8** Hv Dow lokv nonua paknam jilwk kunama ngonua mintam jitoku. **9** Soogv lvkwnglo nonu lvgabv ngonu tvvpa dala riyi lokv nonu lvgabv, ngonu kumbv jikila ridunv. Ngonu Pwknvyarnvnyi ninyigv mvnglwk lo chinapanam, mvngkimvnglak okv tvvlakbulak gvnvnv dow jilwk nama nonu gylo pwklwk jitoku vla kumdunv. **10** Vbvribolo nonu Ahtu gv mvnglwk bv nonu singla reku okv ninyigv oguaingbv mvngjwk dudw vbgching mvngpu dubv ribv jila reku. Nonugv singnamrinam lo nvgwng mvnwng gv alvnam kudungkua ngv boklinre, okv Pwknvyarnv gylo nonu chinpanv gobv singchare **11** Ninyigv yunglitnv jwkrwv mvnwng ngv oogv

aanv vv nonua gwlwksopa dubv mvgv yilaka, vklvgavbolo  
ogumvnwng gv hirukaya nam dvdv nga chitam sila ridula saktv  
lakdubv. Okv Pwknyarnv ogugo loung gv karv lo ninyigv  
nyi vdwgv lvgabv pvvchingpvvmu jinam um nonugv baak am  
paadubv mvnv, Abunyi mvngpu gvdula umbonyikv vtoka. **13**  
Kanvparam gv jwksw lokv hv ngonua ringlin toku okv ninyigv  
Kuunyilo gv karv lo laalwk laku ringlwkt. **14** Vbvriku lokv gvngv  
ngonua anyujvbv rimindakmin moduku okv ngonugv rimur am  
mvngnga jitoku. **15** Kaapa nyolany Kristo kaapa nyoka manam  
Pwknyarnv aingdo. Hv bvngtubvngke bv bvngnam Kuunyilo go,  
pwklinyarlinnam dvdv nga kaiyachok nvgo. **16** Holvgabv ninyigv  
lokv nyidomooku lo doonv okv sicingmooku lo doonv, kaapanam  
okv kaapa manam ikimora, dowjwklo jwksw, atu vdwa, rigvdonv,  
okv tujupkunam vdw aka mintakla mvnwng nga Pwknyarnv  
Pwklin. Pwknyarnv ninyigv lokv ngv chinggodogo mvnwng  
nga pwktoku okv ninyigv lvgabv pwktoku. **17** Ogumvnwng  
ngv dooma tvbv Kristo doocho linto, okv ninyi gylo akingobv  
ridula ogumvnwng ngv atubogy dooji kolo doosu toku. **18** Hv  
ninyigv adwnamar gv dumpo ngv, oogv adwnamar vv gvrja  
ngv; hv adwnamar gv turlin kobv ridunv. Hv sipikula turkur kunv,  
Hv mvngchik ogumvnwng nga doocho yachok kunam lvgabv  
Kuunyilo bvngtu bv ridunv. **19** Holvgavbolo Pwknyarnv ninyigv  
Kuunyilo nga Pwknyarnv gv ridungnga ridubv ninyi atubogy  
mvngnam lokv mimbwk toku. **20** Vbvrikunamv, Kuunyilo lokv,  
Pwknyarnv ninyi atubogy gylo chinggodogo nga laakur lwkdu  
kubv mimbwk jitoku. Pwknyarnv ninyigv Kuunyilo gv daapo lo  
oyi sarjinam lokv sarsopoyo dubv mvtoku holvgabv nyidomooku  
gv okv sicingmooku gv, anyi gv ogumvnwng dvdv nga ninyi  
gylo laakur lwktoku. **21** Lvko nonu Pwknyarnvnyi adu laku

rito okv vklvgavbolo nonugv alv manv oguogu rinam lokv okv  
mvngmur kunam lokv ninyigv nyimak bv rito. **22** Vbvrilola vjak,  
ninyigv Kuunyilo gv adwnamar am sijikunam lokv, Pwknvyarnnv  
ninyigv ajin bv mvtoku, nonua darwk dubv, darkw dukubv okv  
gungnying go kaaku madubv, ninyigv dooku lo doomu dukubv  
vla mvtoku. **23** Vv jvjvklvbv, nonuv jwkjwkvrwk bv ribv la okv  
lvngtung tunlwk runglaka, okv nonugv mvngtin sinam gamlv  
nga tvvpa laku paaku bvdw um nonu atubongv dvlobak mabv  
ritoka. Soogv gamlv nga nyiamooku mvnwng lo minggo kunam  
gv soogv pakbubv Paul ngo ripvkunv. **24** Okv vjak, ngoogv nonu  
lvgabv hirukaya bv hinam lvkwng lo ngo mvngpu bv mvngsu  
dunv, vklvgavbolo ngoogv adwnamar lo hirukaya bv hinam si  
gvrja gv lvgabv, vjvlodvbv oguaingbv Kristo gv ninyigv adwnamar  
am hirukaya bv hila ritungnga ripwngrinya ridubv ngo ridur dvnv.  
**25** Okv ngam oogv nonugv alvnam lvgabv kudungkua riya dubv  
jinv, Pwknvyarnv gv lokv ngam gvrja gv pakbu ako bv mvto.  
Hoogv kudungkua vnamv doin am japnyachika jidubv kudungkua  
jinamgo. **26** Oogv klukuchu gv vngrokunv nyia adwnamar am  
chimu mabv Pwknvyarnv gv vvching kunamgo vbvrilola vjak  
ninyigv nyi vdwa kaatam la riduku. (aiōn g165) **27** Pwknvyarnv gv  
rungnamv ninyigv arwng gv vvsí nama ninyigv nyi vdwa chimpa  
modubv vla, soogv nyitv okv vvsinam yunglit si hv nyi mvnwng  
gv lvgabv doogyto. Okv oogv vvsinam vv Kristo nonugv aralo  
doodu, vblrirkunamv vv nonu Pwknvyarnv gv yunglitnam aba lo  
rireku. **28** Vklvgabv ngonu Kristo gv lvkwnglo mvnwng gvlo  
japgo kardunv. Ngonu nyi mvnwng ngv Kristo gvlo akin gobv rila  
gvrila mvngki laknv vrungbv ritola Pwknvyarnv nvchilo laalwk  
dubv mvngkimvnglak lokv gamrw okv tamsar la bunua ridunv. **29**  
Sum ripwngrinya gvvdubv vla ngo gvlo oogv kudungkua ridunv

jwkrw lokv okv oogv kristo gv kairungnv gwlwk jinama ngo rinvla  
okv raitungtung bv ridukunv.

**2** Ngo vdwgo nonugv lvgabv okv Laodisia lokv doonv lvgabv  
okv ngam kaachin minsu la rimanv kvvbi mvnwng gv lvgabvka  
ngoogv rinam am minji nvpv mvngdunv. **2** Ngoogv svbv rinamv  
bunu gvlo pwktvpwkru dubv okv akin gobv pakmisila dubv, okv  
oogv jvjvrungbv chinampnam go laalwknamv nyitvnyigam bv  
rirungdo vla si nonua mvngchin sidubv. Svkvnv lamtv bv riku  
lokv bunu Pwknyarnv gv vysi nama chintoku, oogv vv Kristo  
ninyi. **3** Hv Pwknyarnv gv mvngkimvnglak okv chingkikpakik am  
vvchingku jampa gv chabi ikuk nvji nnvng ngv. **4** Vkvlgabv,  
ngo mindunv, nonuno nyi kvvbi am largumlarya yakula vdwloka  
kupku yoka, vdwngvo alv kaapa dubv bunu tvvpukain bv minjv ka  
tvyyoka. **5** Holvgabv ngo awv nonu gvlo dooming gvma lachin,  
ngo Dow lo nonugv lvkobv vjvlodvbv riming gvdunv, okv ngo  
nonugv Kristonyi mvngjwng la rinam am akin gobv rila vngdvng  
alvbg doonam am ngo kaala himpusiya dunv. **6** Jisu Kristonyi  
nonuno gv Ahtu gobv laarwk sidu kubolo, ninyigv lvkobv singnam  
am akin gobv ritolaka. **7** Ninyigv arwng lo nonugv miami nga alv  
rungbv rilwkla hargap lwkmu laka, ninyi gvlo nonugv singnam  
am singlwkrilwk tylaka. Okv nonugv mvngjwng nama kokwng lo  
vngdwng motolaka, nonua oguaingbv tamsar bvdw. Okv nonugv  
mvngpula umbonyikv vla hartvnama kaata sitoka. **8** Vbvrikunamv,  
sum kaatoka, Kristo gv lokv rimabv okv chinggodogo gv rigvnvn  
dow vdwgv, okv nyia nyidung lokv gv tamsar la oogv aanv,  
nyia mvngkimvnglak lokv kupgv jinv arv kaama bv minyok lwkji  
konga um nonu yvnyika nyira moku yoka. **9** Holvgabv, ninyigv  
nyia nyipw bv doori lo, Pwknyarnv gv singdung ngv kristo gvlo  
doongam sito, **10** okv ninyia lvkobv akingobv rikubvdw nonu gvlo

turnam mvnwng nga jitoku. Hv Dowjwklo mvnwng nga rigvnb  
okv tujupkunam vdwv rigvnb dumpoyachokv. **11** Nonuno vdwv  
Kristo gvlo akin kunamv ayakmvu kunam bv ridukunv, vv nyia  
adwnamar gv ridung lokv ayakmvu bv rima dunv, vbvritola Kristo  
gv lokv ayakmvu kolo mvu minggvla ridunv, soogv atubogv rimur  
kunam so gwlwk lokv ajarabi dubv laalin dukunv. **12** Holvgabv  
vdwlo no baptismal laapv kudw, nonu Jisunyi nyibong rikulo  
riming gvvku dunv, okv baptismal laadaku nonugv mvngjwng  
lokv, ninyia sinam lokv turmunv Pwknvyarnv gv jwkrwv, rirap  
gvlaku sinam lokv kristo gv lvkobv nonuaka turmu dukunv. **13**  
Nonugv rimur kunam lokv lvkingo nonu dowjwklo ngv sito okv  
vkvlvgavbolo nonu Pvbv nga chima bv rila jentail bv rinam lvgabv  
rito. Vbvrijvka Pwknvyarnv vjak nonua Kristo gvlo turdu kubv  
laalwk toku. Pwknvyarnv nonu mvnwng gv rimur am mvngnga  
jitoku. **14** Hv daapolo taki kodula Pvbv lo rima bvkv vnam  
ngonugv gunying rila dorsv nga mvnwng nga laapak jitoku.  
**15** Okv Kristo daapo hoka ninyigv Atubogv rigvvnv dowjwklo  
jwkrw am okv tujupkunam am tulin sutoku; Hv nyimak am  
mvgam tvla rinam aingbv rumdu gokrv kola bunua lvvgv kola  
mvnwng gv nyi kaagelo kaamin kolo vnggv kola riku tvku. **16**  
Vkvlgabv, nonu ogunv dvnamtvngnam lvkwng loma jvka, Jius  
doonualu lvkwng loma jvka, poolu karlin la dvmintvngmin lvkwng  
loma jvka, alu kanwnv lvkwng loma jvka ogu angusinv pbv  
rinamdknam go mvlwk koyoka. **17** Svkvnv ogumvnwng si  
kokwng gv aainvgv lvgabv oguogu doonyum ako mvngchik gobv  
ridunv; jvjvklv jvngv si Kristo **18** Nyidogindung am kumnam  
okv oogv nyi alv kaapa dubv reniakpvchak bv rila alvmanv  
lo kaatam gvnv okv nyikrw kaanam vkvnv riku lokv minggo  
gvrila kai bogobv mvngbo sula yvnyika nonuno atubonga

miyakaya koodubv riyoka. Ogulvgavbolo svkvnv nyi adwnamar gv mvngbosakbo lokv oguguka kaama tvvlaka mvngbosakbo sula ridu. **19** Okv yvvdw adwnamar lokv dumpo bv ridunv, vv Kristonyi gakbwng la risv nga apak la ridu. Adwnayak mvnwng ngv Kristo gv arwng lokv singcha dunv asikamik sitola akingobv aadum sidu okv Pwknyarnv gv mvngkubv singcharicha tvkv vkubv vbvching singcharicha toku. **20** Nonu Kristo gv lvkin bv sitoku okv vv chinggodogo gv rigvnnv dow vdwgv lokv lindukunv. Vbvrikunamv, nonu ogubv nyiamooku sokv gybv mvngbvla ribv ridunv? Ogubv sikvnnv pbvbv nga tvvla ribv donvla? **21** “Sum gakbwngching la doyoka,” “Sum dwkwrikw laka riyoka,” “kvvbi aka mvsik mabvka”? **22** Svkvnv oguogu minggv dunam mvnwng si lvko bunu rinvvngnv kubolo aluguni ogu arv kaaku mabv nyenamnyepak dukunv; vknv vv bunu nyia vdwgv tamsarnam okv pbvb mvnam mvngchikgo. **23** Vbvrinam gybv svkvnv pbvb vdwgv mingku sum tvnamv nyidogindung vdwgv kumla bunugv mvngkimvnglak bv tvdu kaadu bv kaatam namgo, okv bunugv mvnam lokv ribambamli lala gyla ridu, okv bunu adwnamar am tulwk sumabv ridu; vbvrijvka adwnamar lokv bunu oguguchin rila gvnyu sula mare.

**3** Nonu Kristo gvlo lvkin bv turkur pvkunv, vklvgabv nonugv haapok am nyidomooku lo oguogu yabv mvngto laka, Pwknyarnv gv lablik peelv gv dotum lo dooming gvnn Kristo gv dooku lokv gvngvku. **2** Nonugv tuktumlo oguogu mvngnamrinam am tolo gvbv mvnggap tvlaka, sichingmooku so gvbv mvngku yok. **3** Holvgabv nonu sitoku, okv nonugv turnamv Kristo gvlo akin gobv rilwk dukula Pwknyarnv gv aralo doodu kunv. **4** Nonugv turjv jeji kunamv Kristo okv vdwlo hv kaatam rikudw, vbvribolo nonuka ninyigv lvkin bv kaatam ngurv riku okv

ninyigv ungnam akinbv ungreku. 5 Vkvlgabv nonugv arwng  
lo sicingmooku sokv kudungkua mvngdunggridung am nonu  
um sipaksirak moorung dubv rirungtoka, vBV mindunam v  
yonambunam gwngmursingmur, mvngru kasarnam, yonwngnam,  
alvmabv mvvbomvlknam, okv kabiotarinam (holvgavbolo morti  
am kumnam aingbv ridunv). 6 Vkvnv oguogu alvmabv vbvrinv  
oogv yvvdw ninyigv mingkulo vngma dudw vbvrinv lvgabv  
Pwknyarnv gv haachi namv vkvgvlo aalwkre. 7 Vdwlo nonugv  
turnam lo bunua vBV rigvdogy la ribvdw, lVkin gv lvgabv nonu  
oguaingbv vbvching mvngdudw nonugv vBV mvngkulo rila doola  
do. 8 Vbvrijvka vjak nonuno vkvnv oguogu mvnwng sum kayu  
tvkuka: vBV mindunamv haachinam, saktvnam, okv kaanwng  
manam. Mvngyakaya okv noogv naptap lokv anyingaru paami  
sijinam vkvnv gaam vdwloka milin mabvka. 9 Nonu ajinanyingnga  
mvvmi siyoka, oglvlgavbolo nonu kvvlogv atubogv ribvnam  
akuaram am kayu pvkunv 10 okv vjvgv anw kunv aw am gvpv  
kunv. Nonua soogv Pwknyarnv gv anwnv si, ninyia alvbv nonua  
chingpwngchinya la chingku dubv vla, Pwknyarnv gv ninyigv  
aingbv ridubv anw bv mvbwng dunv. 11 Vbv Kaakunamv, so  
Jentail gula Jius yago vla minsv kaama, ayakmvu dolo okv  
ayakmvu madulo, chimapaamunv, nyira, okv ajarabi bv ridulo,  
vbvritola Kristo mvnwng gvngv, Kristo mvnwng gylo doodunv.  
12 Nonu Pwknyarnv gv nyi ngv; hv nonua pakdu okv ninyigv  
atubogv nyi bv rinam lvgabv gakdu. Vkvlgabv, nonuno svkvnv  
vdw sum dinchikochi bv ridula nonugv awlo vji koonam bv  
koottolaka, ayanam, angamai minsunam, damdvnam, saktvnam,  
svkvnv sum doomu tvvlaka. 13 Ajinanying gv lVkbv saktvla  
ritolaka okv vdwnvgo ajinanying gonv nyiru gaambv nonugv  
lVkwngbv oguogugo minjyka mvngnga jitolaka. Nonua Ahtu gv

oguaingbv nonugv rimur mvnwng nga mvngnga jipvdw vbvching  
nonuno ka ajinanying gv rimur mvnwng aka mvngnga jito laka. **14**  
Okv so paknam sum soogv so mvpwng laka, oogv pakmisinam  
lokv rvbwng alvbv ogumvnwng nga akingobv gakdam simure.  
**15** Jisu gv sarsopoyo gvnv jilwknamv nonugv mimbwk nvnam  
lvgabv jito; holvgabv soogv sarsopoyo bv riku sokv Pwknvyarnv  
nonua adwndinkin gobv ribam dubv goknv la goktoku okv  
vkvlvgabv umbonyikv vtoka. **16** Kristo gv doinv nonugv haapok  
mvnwng lo akomaring lwdubv doolwk rungmu dubv ridu.  
Mvngkimvnglak mvnwng am ajin anyingnga tamsarkinu minsu  
laka. Mirimimpak miminla, nitin miminla, okv darwknv gaana  
lo gaatoka; nonugv haapok lokv Pwknvyarnvni mirimimpak  
bv umbonyikv vto laka. **17** Vbvrinamv, nonu ogumvnwng nga  
rijka okv minjvka, Jisu Kristo gv amin lokv rirungdubv ridu  
vbvching nonuno ninyigv lokv Pwknvyarnv abuni umbonyikv  
vla mintolaka. **18** Nywng vdvv, nonu atubogv nyilu gv arwng lo  
tulwk sila ritoka, ogulvgavbolo vv ogugo risv vdw nonugv kristan  
rinv vdvgv rirung svngvka. **19** Nyilu vdvv nonu, atubogv nywng  
nga alvbv paktolaka okv vdwloka bunua mintvmirv mabvka. **20**  
Umvuu vdvv nonu, nonugv anvabu gaam mingkulo vngto laka  
vv nonugv kristan bv rinam gv riching vrung ngv, ogulvgavbolo  
vbvrinamv Pwknvyarnv gv mvnglwk bv ridunv. **21** Anvabu  
vdvv, nonuno umvuu am tvkyong pakdubv minchimiyi mabvka  
vbvmajeka bunu vdvv kokwng lo mvngjong silaka riyi nvpvka.  
**22** Nyira vdvv, nonuno nyia sokv atuayu gv ogu ogugo risvngsv  
go doodudw mingku mvnwnglo vngto laka, bunu vdwlo kaaredw  
oogv kaagelo kaaku mvngchik dubv riyoka ogulvgavbolo bunua  
kaajwk kodubv vla; vblrivola haapok lokv dinchi dula ritolaka  
ogulvgavbolo Ahtu gv lvgabv busu dula kaajwk kodubv ritolaka.

23 Ogugo nonu ridudw, kudungkua nga hapok lokv mvnwng nga ritolaka, nyi vdwgv lvgabv rimabv okv Ahtu Jisu Kristo gv lvgabv rrijinam aingbv nonu ritoka. 24 Mvnggap tvlaka hv ogugo ninyigv nyi vdwgv lvgabv amin vvpv jipvdw oogv vvpv jinam um Ahtu nonua jire. Oulgavbolo nonugv rrijivngji nam Ahtu jyjvklv jvngv Kristo. 25 Okv rimurnv dvdv ngv bunu oguogugo rimur pvdw um rijo ngam paakur sureku, oglvgavbolo Pwknyarnv mvnwng nga karingsiching bv jwngkadaka dunv.

**4** Atu vdvv, nonugv nyira nga anyakayak bv okv minchimiyi mabv rigv tvlaka. Mvnggap tvlaka nonuka nyidomooku lo Ahtu svdv go doopv nvla. 2 Kumnam am kumbv tvlaka, okv nonugv kumla riyini chrvsopa bv kumtolaka, Pwknyarnvni umbonyikv vla kumto laka. 3 Vbv dvdbv vdwlo nonu kumredw ngonu lvgabvka kumji laka, vklvgavbolo Kristo gv arwng kokwngnv ninyigv doin sum gamdak alvbv japgo karnv nvnv nga Pwknyarnv ngonua jire. Vklvgabv vjak ngoogv pachipatwk doodung dunv si holvgabv doodunv. 4 Vbrikunamv, ngoogv minsdpasv am, ngo rvbwng alvbv minla dubv, kumto laka. 5 Ogolo lamtv chinglo mvngjwng manv dookulo nonu mindu padudw um nonu alvbv chinpanv bv mintorito laka, nonu gvlo ogunv gamdak go rinvngnv paadudw um alvbv kaatamritam nvto laka. 6 Nonugv minam am tyenkapak dubv okv tvnwng dubv mirung tvlaka, okv nonu nyichar mvnwng nga ogunvgo mirwktamrwk svngvdw um chindu bv rirung tvlaka. 7 Ngonugv aya minsunam ajin Taichikus, oogv jwkjwkvrwk dubv kudungkua rinv okv Ahtu gvlo pakbu bv kudungkua ribam ajin, vv ngoogv lkwnnglo yunying nga nonuam mintam jire. 8 Vklvgavbolo ngonu mvnwng ngv oguaingbv ridungdakdung dunvdw, um nonua mvngpu monam lvgabv mintvmiru jimu dubv vla ngo ninya nonu gvlo vngmuto. 9 Ninyigv

vngkulo onesimusnyi lvkobv vngming gvvmu dunv, oogv nonugv apumara lokv achialv bv aya rungnv okv mvngjwng rungnv rinv ajingo. Bunu vdvw soogv ridungdakdung nam dvdv nga um nonua minjire. **10** Ngam patwk dooming gvvn Aristarkas, okv Barnabas gv nyiningbwng, Mark bunu vdvw soogv kumrwklwtak sinam gaam sum nonua jilwk dunvka. (Mark gv nonu gvlo aalwk lakula riyikunyi nonuno alvbv kumrwklvtak silaka vla minam gaam sum alvbv tvvcho tvku.) **11** Justus vla minam, Josua ka nonua kumrwklvtak sinam gaam sum jilwk dunv. Hoogv Pwknyarnv gv karv lvgabv ngoogy lvkobv kudungkua rinv ngv soogv nyidum aom mvngchik si riming gvvtku, okv bunu vdvw ngam maatar alvbv modur toku. **12** Nonugv atwng lokv akingonv okv Jisu Kristo gv kudungkua am rinv, Epapras gv lokvka alvbvkv vla kumrwklwtak sinam gaam go jilwkdu. Hv nonugv lvgabv dinchi rungbv, nonugv Pwknyarnv gvlo vngdvng alvbv doodubv, kamchik kunv gobv okv Kristan vrungbo mvngsu ladukubv, Pwknyarnv gv mvnglwk dvdv ngaka tppwngtvnya la ridubv vla kumbv la riduku. **13** Nonugv lvgabv okv Laodisia okv Hierapolis niyi vdwgv lvgabv ninyigv kudungkua rijinam um ngo ngw awv minji ladu. **14** Ngonugv ayanam ajin daktor, luk okv Demas ka bunugv kumrwklwtak sinam gaam am nonua jilwk la ridu. **15** Ngonugv alvbvkv vla milwknam um Laodisia gv mvngjwngnv vdwa okv Nymppany okv vkvgv naam lo gvrja doodumdopa sinv vdwa minji laka. **16** Nonuno soogv siti sum rironam kokwng bv, Laodisia gv gvrja ara loka sum rimu rungdubv riji tvlaka. Vbvripia chingbv, Laodisia ara lokv mvngjwngnv vdwgvlo jilwk jinam siti umka nonu puri rilaka. **17** Okv Arkippusnyi mindu, “Ahtu gv kudungkua ridubv jinam am alvbv ringam nyato laka.” **18** Awgv laak daadw lokv ngo lvkdunv: Paul lokv kumrwklwtak sinam

Ngoogv rvngja gvniam am mvngpa mabv riyoka! Pwknyarnv gv  
anyuaya namv nonu gylo doomin gvi laka.

# 1 Tesalonian

**1** Paul, Sailas okv Timoti gvlokv Tesalonika lo Pwknyarnv Abu okv Ahtu Jisu Kristo gvbv doonv gvrja nyi vdwa lvkdunv: Aya ngvla sarsopoyo ngv nonu gvbv rilaka. **2** Ngonu nonu mvnwng gv lvkwnglo Pwknyarnvnyi umbonyikv vdunv okv ngonu kumri gv dwkia nonua kumpa bwdunv. **3** Nonu gv mvngjwngla risarima sunama, pakla raaitungtung bv kudungkua rinam ha, okv ngonugv Ahtu Jisu Kristonyi nonugv kwngkwng bv mvngtin nama ngonu Pwknyarnv Abu gv kaagialo nonua mvngpa dunv. **4** Ngonugv achiboru vdwa, ngonu chindu Pwknyarnv nonua pakdu okv ninyi gvbv nonua darpvku. **5** Ogulvgavbolo ngonu Alvnv Yunying nga nonu gvlo aagv toku, hv gaam nyumbv aama, vbvritola jwkrw okv Darwknv Dow lokv, okv so gv jvjv lo dwkdwk rungbv mvnglwk sunam lokv. Vdwlo ngonu nonugv rikulo ririlo ngonugv rinam daknam ha nonu chinsudo; ho ngonu rinam hv nonugv alvnam lvgabv ngonu ritoku. **6** Nonu ngonuala okv Ahtunyi kaagv sila rinv bv ripvku; Okv nonu maatarbv hiru kaaya hinlachin Darwknv Dow lokv mvngpula doin ha alvbv torwk sitoku. **7** Vkvlgabv nonuno Mesedonia okv Akaia lo doonv mvngjwngnv mvnwng gv kaagv sinam gubv ripvku. **8** Ogulvgavbolo nonugv lokv Ahtu gv doin linv ngv Mesedonia okv Akaia lo dusit karmwngma, vbvritola nonugv Pwknyarnvnyi mvngjwng ngv mooku mvnwnglo dupwng karpvku. Vbvrikunamv ngo ogu minseya kaama. **9** Ngonu nonua kaalwkla aari ho nonugv ngonua naarwk sunam gv lvkwng nga nyi mvnwngngv minyadu. Okv nonugv morti nga kayu tokula turnv Pwknyarnvnyi kumdu kubv aaku nama bunu minyadu **10** okv ninyigv Kuunyilo nyidomooku tolo kongy aaji kunvnga kaaria dubv—ninyigv

Kuunyilo Jisu, siku nvnga ninyigv turkur mokunam angv okv hv  
Pwknvyarnv gv haachi-haak aaji kunv loka ngonua ringyadu.

**2** Ngonugv achiboru vdwa ngonugv nonua kaalwkla aanam hv  
anyung kaamanvgobv rima vla nonuno chinsudo. **2** Nonugv  
Tesalonika hoka ngonugv aatv madvbv Pilippi lo rinikla okv  
rinyingrirula hinnying paamunam ha nonuno chinsudo. Okv alo  
haaknv achialv jeka Pwknvyarnv ngonua mvngrw dubv jila  
ninyigv lokv aanv Alvnv Yunying nga nonua minji moto. **3**  
Ngonugv nonua kumla minam hv rimur riki vmalo darwkmanvbv  
ridubv, hv majeka yvv akonyika mvvkup dubv ngonu gwngma.  
**4** Vmabvy, ngonu Pwknvyarnv gv ngonua vbv minsego vla  
mvngku lokv ngonu lokia mindunv, ogulvgavbolo nw jwngkadaka  
la ngonua Alvnv Yunying nga japgo kardubv dartoku. Ngonu  
nyi vdwa mvngpu modubv vla rikw madunv vbvritola ngonugv  
haapok ka chinv kaanv Pwknvyarnvnyi mvngpu modubv ridunv  
**5** Nonuno alvrungbv chinsudo ngonu nonu gvlo aala nonua  
minjo minlap yama, vBV rimajeka ngonugv kaabiу nama mintam  
mimam sila ka mimapvn—Pwknvyarnv um kaaya tayala chinv  
ngv **6** Ngonu nonu gvlokv vmalo kvbi gvlokv hartv paanam  
lvgabv rikw mapvnv, hyyv gvloka rikw mapvnv, **7** Ngonu Kristo  
gv Apostol gubv ridaka ngonu nonua koonam mego koolato.  
Vbvritola ngonu nonua anv ngv kuu vdwa ringchumriai nam jvBV  
rila ngonu nonua lvkobv ritoku **8** Ogulvgavbolo ngonugv nonua  
paknam lokv ngonua Pwknvyarnv gvlokv Alvnv Yunying ormi  
sidubv rimwngma ngonu nonua ngonugv singnam aka ormi  
sidubv rito. Nonuno ngonugv achialvbv paknam gubv ritoku! **9**  
Ngonugv ajin vdwa, jvjbv nonu mvngpa nyadu nvpv ngonugv  
gwngnam rinam ma! Ngonu Pwknvyarnv gvlokv Alvnv Yunying  
nga japji dula nonua adwkaku dubv rimu nwngma mvngla aluayu

bv kudungkua nga raitungtung bv ribwng supvnv. **10** Ngonu vdwlo nonu mvngjwngnv vdwa lvkobv ririlo ngonu darwkbv, alvyauingbv, okv rimur kaamabv ngonu ripv dakpv kunv, um nonu kayatayanv okv Pwknyarnv ka um chindunv. **11** Nonu chindu anvabuv kuu vdwa oguaingbv mvdu ridudw vBV ngonu nonu akin-akinha mvto ritoku. **12** Ngonu nonua mintvmiruto, ngonu nonua minyokto, okv ngonu nonua Pwknyarnv mvngpu modubv rila doolakv vla miyarto, nw nonua ninyigv Karv nga okv kairungnamha nonua ka paamu dubv vla goklin kunvngv. **13** Okv ngonu Pwknyarnvni lokia umbonyikv vdunv ogulgavbolo nonugv ninyigv doin ha torwk sunam gv lvkwnglo, nonuno um tvtokula ngonugv doin gubv naamabv okv Pwknyarnv gv doin gubv naarwk sutoku. Okv si Pwknyarnv gv doin vrung, nonuno sum mvngjwng duku nonugv pingkolo Pwknyarnv kudungkua ridu. **14** Ngonugv ajin vdwa nonuno Judia lo Jisu Kristo gylokv Pwknyarnv gv gvrja vdw aingbv ridu, nonua nonunogv Atunyi vdwv maatarbv alvmabv mvpv, Judia lo Pwknyarnv gv nyi vdwa kvvbi Jius nyi vdwgv mvnam apiabv, **15** bunu Ahtu Jisunyi okv nyijwk vdwaka mvki toku, okv ngonua ka mvritmvka toku. Bunu vdwnvggo Pwknyarnv gv kaalwk maanam gubv ridunv! Vdwgo nyichar mvnwng gvka nyiru kunam gubv ridunv! **16** Bunu ngonua Jentail vdwa ringnam gv doin ha japji momare vla mintor dubv rikw toku. Vbvrila bunu lokia rimur kaiayabv rilwk sutoku. Vbrikunamv ataranya lo Pwknyarnv gv haachi hv bunu gvlo aalwk dukunv! **17** Ajin vdwa, ngonu gvbv, vdwlo ngonu achukgo nonua adu tokudw—ngonu mvngnam lokvma vbvritola ayak lokv mwng—Vdwgo ngonu nonua lvkodv paami sudubv rikw pvkudw okv vdwgo ngonu nonua kaapa minsu kumabv ripvkudw! **18** Ngonu nonu gvlo vngkur kunvpv vla mvngtoku. Ngo atubongv

vngkur kunvpv vla lvko lvvyago rikwto, vbvritola Uyu ngv ngonua  
vbw rimuma. **19** Vdwlo ngonugv Jisu Kristo aari kudw ninyigv  
kaagialo ngonugv mvngtin namv, ngonugv himpu namv okv  
ngonugv Rigumyala goosula riging ngv kvvbi vdwwma, nonuno  
yamabv. **20** Nonuno jyjbv ngonugv googing ngv okv himpu v!

**3** Koching so ngonu um saktv lama toku. Vkvlgabv ngonu  
Atens lo doolwk mvngdu kubv vla minbwk minsu toku **2** Ngonugv  
boru Timoti ngonugv lvkobv Pwknvyarnv gv lvgabv Jisu Kristo  
gv Alvnv Yunying nga japgo karnvnyi vngmu rilo. Ngo ninyia  
nonugv mvngjwng nga hvngdwngbv dobwng monam lvgabv  
vngmupvnv. **3** Ogulvgavbolo nonuno so gv mvdwkmvku sum  
hinla ikula akonvka kekor madu kubv. Nonuno atubongv chinsudo  
svkvnv mvriririt si ngonu gvbv Pwknvyarnv gv mvngnambv  
ridunv **4** Ngonu nonua lvkobv doorilo nonua ngonu mincho  
jitoku ngonua mvriririt namgo ritv tvdu vla; vbvrinamv hv vjak  
jvjkvbv rilin kunamv nonu alvbw chinya duku. **5** Ho lvkwngbv  
ngo Timotinyi vngmu pkunv, ngo um saktv nyula kumabv rila,  
vkvlvgabv ngo ninyia nonugv mvngjwng lvkwng nga chimunam  
lvgabv ninyia vngmupvnv. Jvjbv Uyudvbw ngv nonua pokayarka  
manv guibolo, ngonu mvnwng gv kudungkua rinam dvdv ngv  
anyung kaamanvgobv ripvnvpv. **6** Timoti vjak nonugv hokv kongv  
ngonugv si aakur duku, okv nw nonugv alvbw mvngjwng nama  
okv pakmi sunama ngonua minji pkvku okv ngonu nonua vdwgo  
kaanwng pvdw vbw nonugv ngonua kaanwng ngorv nama ka  
ngonua minpa jitapv. **7** Vkvlgabv ngonugv mvngru mvngyala  
doorinyi nonugv lvkwng ngv ngonua mvngrw modu, so si nonugv  
mvngjwng ngv ngonua mvngrw mopvnv, **8** Ogulvgavbolo vjak  
ngonu singreku nonuno Ahtu Jisu gylo tolwk sila akin gubv  
dobwng bolo. **9** Nonunogv lvgabv vjak ngonu Pwknvyarnvnyi

umbonyikv vlare. Nonu gv lokv ngonu nwgv kaagialo ngonu himpu kunam lvgabv ngonu ninyia umbonyikv vdunv. **10** Aluayu bv ngonu ninyia haapok raying lokv kumbwng dunv nonua lvkodv kaarwksimu labkv vla. Okv nonugv mvngjwng ngv gvlwk kunam lvkwnglo ogugo dinchi dudw um ngonu jiria dukubv. **11** Ngonugv Abu Pwknyarnv nw atubongv okv ngonugv Ahtu Jisu Kristo ngonua nonu gvlo aala dubv lamtv nga mvkimvak jilaka! **12** Ngonugv nonuam paknam aingbv Ahtu nonu gvlo pakmi sinam ha kaiyaya molaka okv nyi mvnwnglo yarpok molaka. **13** Ngonugv Ahtu Jisu gvbvrinv mvnwngnga aagvla vdwlo aarikudw ngonugv Pwknyarnv okv Abu gv kaagialo rimur gungnying kaamabv okv darwkbv redubv vla nonugv haapok ha pwktvpwkru motoka.

**4** Ngonugv achiboru okv anyibormv vdwa, vjak ngo nonua mindv svgoka doodu. Ngonu nonua Pwknyarnvnyi oquaingbv mvngpu dubv risedaksvdw um ngonu nonua risar minsar toku. Okv nonuno vBV ngonugv mingku lamtvlo ridudakdu. Vjak ngonu nonua tvvkala okv mintvmiru dunv Ahtu Jisu gv amin lokv mindunv nonuno rinamdknam ha vBV kaiyayabv ritodakto laka. **2** Ogulgavbolo nonuno chindu ngonugv nonua ritokv vla minam vdwv Ahtu Jisu gv jwkrw lokv minpvnv. **3** Pwknyarnv nonua nyimv nyilo rimur sinam lokv adu tvka okv darwk bv retoka vla mvngdu. **4** Nyiga vdw nonu akin-akin v atu-atugv nywng nga darwkbv okv mvngdv bv rigvdakgv svnga chirung tvka, **5** Pwknyarnvnyi chimanv nyi vdwgv rinam apiabv, ayakka mvngbiula mvngringgoma minsunam nyumbv riyoka. **6** Vbrikunamv, so gaam so yvka atugv kristan ajin nam rimur minchi yoka vbvmajeka ninya rikup minkup yoka. Ngonugv nonua kvllo lokv mincho jinam aingbv, svkvnv rimur gungnying

mvnwng lvgabv vbvrinv nyi anga Ahtu ninyi darpakla mvrit reku.

7 Ogulvgavbolo Pwknyarnv ngonua darwk mabv gwngmur svngmur la reto dakto lakv vla gokma, vbkritola darwkbv rere dakre nvpv vla goktoku. 8 Vbvrikunamv yvvdw so gv tamsarnam sum tvvmabv ridunv hv nyi nga tvvmabv rima, vbkritola Darknav Dow jinv Pwknyarnvnyi tvvmabv ridunv. 9 Nonua kristan ajin vdwa pakmi silakv vla lvkkwng sego kaama. Nonu atubonga Pwknyarnv tamsar ropvkunv, oguaingbv akin-akinha pakmi sise ngvdw. 10 Okv nonuno alvbv ridu Mesedonia mvnwng gv ajin vdwa. Vkvlgabv ngonugv ajin vdwa ngonu nonua humka kaiyabv ritokv vla kodwkkrwkla mindunv. 11 Ngonugv minchonam aingbv nonugv retungdaktung nga yumchum bv rila, atugv gwngserise nga mvnggapla, okv nonu atugv laak lokv gwngla rila tursu nvpv vla mvngtoka. 12 Vbvrila nonuno mvngjwng manv vdwgvllo mvngdv nama paare, okv nonugv dinchi nama nonu yvvnyika mvngginng dubv rimare. 13 Ngonugv ajin vdwa, ngonu nonua sikunv nyi vdwgv jviv nga chimuso mvngdu, ogulvgavbolo nonuno kvvbinyi mvngtin kaamanv vdwgv aingbv mvngru madubv. 14 Ngonu mvngjwngdu Jisu sitoku okv lvkodv turkur toku, okv vkvlgabv ngonu mvngjwngdu yvvdw mvngjwngla sidu kunv um Pwknyarnv bunua Jisu gv lvkobv naakur reku. 15 Ngonu nonua ogugo tamsar sardung dudw si Ahtu gv tamsar namv: Ahtu gv aari alu lo ngonu turla doonv vdww sikunv vdwa vngcho yamare. 16 Ho alu hokaka goknam go goklinre, nyidogindung kaikunv gv vlv go, Pwknyarnv gv pungli adu go, okv Ahtu atubongv nyidomooku tolo gvngv ireku. Yvzbunudw Kristonyi mvngjwngla sikunv vdww turrap choreku;

17 Vbvrikunamv ho gv dw lo ngonua turla doonv vdwa naakum lakula bunugv lvkobv doomwk doori tolo Ahtunyi kaarwk simu

kunam lvgabv naacha reku. Okv vklvgabv ngonu lokia Ahtunyi  
lvkobv reming gvreku. **18** Vklvgabv svkvnv gaam vdwlokv  
ajinanyingnga mintvmiru minsu laka.

**5** Ajin vdwa vdwlo so vdw si ritv dunvdw ho gv ridw okv alu  
gv lvkwng nga lvkdv sego kaaku ma. **2** Ogulgavbolo nonuno  
atubongv alvbv chinsudo Ahtu gv aanam alu v dvcho nvvg  
ayunyi rulwknam aingbv rila aareku. **3** Vdwlo nyi vdw, "Ogu  
mvnwngngv alpv okv sinam nyenam go kaaku mare," vla  
minri kudw dvmimabv sinam nyenam v bunu gvlo aalwk reku!  
hv anvnyimv gv huchi chilwknam apiabv dvmimabv rire okv  
nyi vdwv hum kiu lamare. **4** Vbvrilola ajin vdw nonuno kanv  
arwnglo dooma, okv ho gv Alu hv nonua dvchonv apiabv lamdok  
padubv mvmare. **5** Nonu mvnwngngv loung gv nyi vku, okv  
alu gyngvku. Ngonu ayu gvngvma vmalu kanv arwnglo doonv  
ma. **6** Vklvgabv ngonu kvvbi vdwgv apiabv yupla doyo juka;  
ngonu huladarla okv chrvrbv doorung lajuka. **7** Ayu lo nyi  
vdww yupnya dunv; ayu lo nyi vdwv tvngkium nyadunv. **8**  
Vbvrilola ngonu alu gvngvku okv ngonu chrvv nvbv rirung laju.  
Ngonu mvngjwng ngala okv paknam a sarok gubv gvvrung  
laju, okv ngonu ringlinbaalin kunamgv mvngtin am biotung bv  
gvvrung laju. **9** Pwknvyarnv ngonua ninyigv haachi chinam lo  
hirukaya paanv gubv darma pvnv, vblrilola Ahtu Jisu Kristo  
gvlokv ringlin nama paaya laka vla darpv kunv, **10** ninyigv aari  
kunyi ngonu sikujeka turku jeka ngonu ninyia lvkobv doonam  
lvgabv nw ngonu gvbv siji pvkunv. **11** Okv vklvgabv vjak nonugv  
ridungnam aingbv nonuno ajinanyingnga mintvmiru minsu laka  
okv ridurkaadur minsu laka. **12** Ngonugv ajin vdwa ngonu nonua  
koodwkrwkla mindunv nonua lvkobv kodungkua ribamnv vdwa  
kristan singdung lo nonua kaalatala okv minsartamsar la rinv

vdwa alvbw mvngdv jirung laka. **13** Bunugv kudungkua rinam lvga  
lo bunua kairungbv paknam okv ayanam ham kaatam tolaka.  
Nonugv ara lo yumchum alvbw dooto laka. **14** Ngonugv ajin  
vdwa, ngonu nonua mintvmiru dunvla, nonuno sepelakrenv vdwa  
gamrw toka, busukanonv vdwa mintvmiru laka, gungmahaaria  
nvnga ridur laka, mvnwngnga lvkobv saktv laka. **15** Yvvnyika  
rimur ha rimur minsu madubv kaato laka, vbvritola lokia akonv  
akonyi okv nyi mvnwnglo alvbw ridubv kaato laka. **16** Lokia  
himpu nvgobv rilaka, **17** Dw mvnwnglo kumlaka, **18** himpu dvlo  
hiru dvlo mvnwngnga umbonyikv vlaka. Si nonugv Jisu Kristo  
gvlo akin gubvila singnamlo Pwknvyarnv gv mvnglwk kunamv.  
**19** Darwknv Dow nga ritum mintam siyoka; **20** alvvn doin vdwa  
miakaya mabyka. **21** Atok lo ogumvwnng nga hinkwkaakw gvrila:  
alvvnnga vvpv tolaka **22** okv alvmanv mvnwngnga kayulaka. **23**  
Ahtu Jisu Kristo gv aarikunyi Pwknvyarnv ngonua sarsopoyo nga  
jinv angv nonugv ayak mvnwngnga—dow, yalu okv ayak— um  
rimur lokv adu molaka. **24** Yvvdw nonua gokdunv hv um rireku,  
ogulvgavbolo hv mvngging dubv rinv ngv. **25** Ajin vdwa, ngonugv  
lvgabvka kumlaka. **26** Mvngjwngnv mvnwngnga moopupdvtak  
la kumrwk laka. **27** Ngo nonua Ahtu gv jwkrw lokv mintvmiru  
dunvla nonu so siti sum mvngjwngnv mvnwngnga puri ritam  
jilaka. **28** Ahtu Jisu Kristo gv aya ngv nonua lvkobv doi laka.

## 2 Tesalonian

**1** Paul, Sailas okv Timoti gvlokv—Tesalonika gv gvrja gv nyi yvvbunudw Abu Pwknyarnv okv Ahtu Jisu Kristo gvbvrinv vdwa jidunv: **2** Pwknyarnv Abu okv Ahtu Jisu Kristo nonua aya okv sarsopoyo nga jigg nyika. **3** Ngonugv ajin vdwa, ngonu nonugv lvgabv Pwknyarnvnyi dw mvnwnglo umbonyikv vdubv rirung dunv. So si ngonugv vbvridubv alvnv dw vku, ogulvgavbolo nonunogv mvngjwng ngv achialbv kaiyaya duku okv nonuno akin-akinhv kvvbi am paknam rinam gvnam hvka kaiyaya duku. **4** Vkvlgabv ngonu atubongv Pwknyarnv gv gvrja vdwlo ngonu goosu dunv. Ngonu nonunogv mvritmvka okv hirukaya mvnwngnga saktv sula okv mvngjwng bvngla rikunama ngonu goosu dunv. **5** Svbvrinam mvnwng sokv gaklin duku Pwknyarnv gv jwngkadaka ngv jviv duku, vbvrinam lokv kaapa duku nonugv hirukaya hinla rinam hv nonu Pwknyarnv gv Karv lo aala dukubv riduku. **6** Jviv ngv ogu vdw um Pwknyarnv rire: nonua hirukaya monv nga hv bunua hirukaya naalwk jire. **7** Okv hv nonu ngonua hirukaya kunvnga saknu nama jireku, vdwlo Jisu nwgv kairungnv nyidogindung nga lvkobv nyidomooku tolo daklin rikudw hv so vdw sum rireku, **8** okv hv vmv nga gudor dukubv bvngla ikula Pwknyarnvnyi toa kunv vdwlo okv Ahtu Jisu Kristo gv lkwngbv Alvnb Yunying nga tvvmanv vdwlo mvrit dukubv rireku. **9** Bunua hirukaya himbwng jikulo mvrit riku, okv Ahtu gv nvchi okv kairungnv gwlwk lokv adu moreku, (*aiōnios g166*)

**10** Vdwlo nwgv nyi vdwlo naarwk tvbv ho Alu lo aarikudw ninyi mvngjwngnv nyi mvnwng lokv hartvnama okv mvngdv nama paareku. Ho nonuka reming gwre, ogulvgavbolo nonu ngonugv minji kunam doin am jviv ngv vla mvngjwng toku. **11** Vkvlgabv ngonu lokia nonugv lvgabv kumdunv. Ngonugv Pwknyarnv gv

nonua singlakv vla goknam lo singla dubv rimutvka vla ngonu ninya koodunv. Nonugv alvnam gv lvgabv mvngnam ha hrichi molaka okv nonugv mvngjwngla kudungkua rinam ha rinya molaka. **12** Vbvrila Ahtu Jisu gv aminv nonu gvlo hartvnama paadubv okv nonu ninyi gylokv paadubv, ngonugv Pwknyarnv gyla okv Ahtu Jisu Kristo gv aya lokv.

**2** Ngonugv Ahtu Jisu Kristo gv aakur kuse gv lvkwng nga okv ngonugv ninya lvkobv doopam pamse nga minriny: ngoogv ajin vdwa ngo nonua koodwkrwkla mindunv, **2** nonugv mvngnamlo mvngpumvngpa bv mvngbwkgolo manv gubv riyoka vmalv Ahtu gv Alu hv looro pvku vla mvngru mabvka. So si mvngka kunamv vbvka ripvnvpv nyikrw kaarilo vmalv japkar rilo minpvnvpv vmalv ngonu siti loka lvkpvnv vla kvvbi gunv minpvnvpv. **3** Nonuno yvnyika kupku yoka. Vdwlo ataranyabv Nyiru rumisinamv rilin maredw okv Alvmanv Angv uyumooku bolo dooji kunv angv daklwk maredw ho Alu hv loomare. **4** Hv pwknvyarnv gubv rinv mvnwngnga vmalv kumnamjonam dvdv nga rikin reku okv atu hv ho mvnwngnga kaiyanv gubv minsureku. Hv Pwknyarnv gv Pwknyarnvnaam lo vnglwkla okv doolwdula okv Pwknyarnv gubv minsure. **5** Nonuno mvngpa malare? Ngo nonua lvkobv doorilo so mvnwng sum nonua minpa jipv kunv. **6** Rigvrila vjak sum rilin moma dubv rinv vkv doodu, okv si ogu vdw um nonuno chindu. Vbvrikunamv ridw lo Alvmanv Angv daklwk reku. **7** Chinyumanam Alvmanv gv jwkrw hv kudungkua nga rirapla ridungduku. Vbvrilola ogugo ritv dukudw hv rikumare, okv um lamtv loka naalinla naa ma dvdvlobv. **8** Vbvrikunamv Alvmanv Angv daklwk reku, vbvrilola vdwlo Ahtu Jisu aari kudw ninyigv gaam gv saknam lokv ninya sakki reku okv ninyigv loung unglit lokv ninya ungyak reku. **9** Alvmanv Angv Uyu gv

jwkrw nga lvkobv aagvlai kula mvvnamrunam bv nvgwngnv  
lamirpanam okv kaasartabobv rila kaatam reku, **10** okv ngeji  
kunv nyi vdwa nvgwngnv kupnv nvnv rinvla kupre. Bunu nyerek  
ogulvgavbolo bunu Ringjikunv jvfv nga alvbv torwk sima. **11**  
Vkvlgabv Pwknyarnv bunu gylo mvvnam gv jwkrw nga jilula  
bunua mvvnam ha mvngjwng motoku. **12** Vbvrinam gv anyung  
ngv mvnwngngv yvzbunudw jvfv nga mvngjwng manv, vbkritola  
rimurlo himpu pumin karnv vdwa ngoomu dukubv ritoku. **13** Ahtu  
gv paknam ajin vdwa, ngonu nonugv lvgabv Pwknyarnvnyi  
alu gv dwkia umbonyikv vrung sego ogulvgavbolo nonugv jvfv  
nga mvngjwng lokv Pwknyarnv nonua Dow gv jwkrw lokv  
ninyigv darwknv nyi bv mvnam lvgabv ringlin kunamlo nonua  
darcho linpv kunv. **14** Ngonugv nonua Alvnv Yunying japji kolokv  
Pwknyarnv nonua gokpv kunv; Pwknyarnv nonua goknam  
mv Ahtu Jisu Kristo gv yunglinamlo nonugv baag ka paamu  
dubv vla goktoku. **15** Vkvlgabv ngonugv ajin vdwa nonuno  
ngonugv japijila okv siti bv lvkla rinam ho gv jvfv lo bikubiv maby  
gakbwngla doonya laka. **16** Ngonugv Ahtu Jisu Kristo atubongv  
okv ngonugv Pwknyarnv Abu, ngonua paknv okv ninyigv ayalo  
ngonua mvngrw ha jibwngnv okv biv manv mvngtin ha jinv,  
**(aiōnios g166)** **17** nonua mintvimirula alu gv dwkia alvnv ogu vdw  
um mindu ridubv gwlwk a jilaka.

**3** Ataranyabv, ngonugv ajin vdwa, ngonugv lvgabv kumlaka,  
Ahtu gv doinv nonugv hoka rinam apiabv baapubv dusik kardubv  
okv nyi vdwv doin ha mvngdla naarwksinam lvgabv. **2** Okv  
ngonua Pwknyarnv alvmanv nyi loka ringya dubv kumji talaka;  
ogulvgavbolo doin ha tvvnv nyi dvdv ngv mvngjwng dunv vnam  
kaama. **3** Vbkritola Ahtu mvngtin dubv rinv ngv, okv nw nonua  
Alvmanv Angv loka ringyare okv mvngrw dubv mvre. **4** Okv

Ahtu ngonua jidu nonua mvngtin dubv, okv ngonu nonua ogugo  
mindudw um nonu ridungdo okv ribwngre vla ngonu nonua  
mvngtin dunv. **5** Ahtu nonua rigvdakgyla Pwknyarnv gv paknam  
ha okv Kristo gv saktv jinam ha kaiyayabv chindubv jigv nyika.  
**6** Ngonugv ajin vdwa, ngonu nonua Ahtu Jisu Kristo gv amin  
lokv mindunv nonuno vkvnv ajin vdwa adu silaka yvvbunudw  
sepelakrela okv ngonugv minam ha tvla rimanv vdwa. **7**  
Nonuno atubongv alvbv chinsudo ngonu ogugo ripvdw um  
nonu riming gvrung svngv. Ngonu nonua lvkobv rirelo ngonu  
sepelakre matoku. **8** Ngonu arv jimabv yvv gvka ridur ha anyubv  
naarwk simato. Vmabvya ngonu atubongv raaibv kudungkua nga  
gvlwkbv rise nga risuto; ogulgavbolo ngonu nonua yvvnyika  
ngonugv lvgabv dormu nwngma mvngla kudungkua nga aluayu  
bv risuto. **9** Ngonugv vbvrinamv ngonu nonua ridur go koonyu  
rinyu manamgo doola ripvnv vnam kaama; ngonugv vbvrinamv  
nonua kaagvla riming gvmu dubv vla ripvnv. **10** Ngonugv nonua  
lkobv doorilo, ngonu nonua vBV minkito, “Yvvdw kudungkua  
riji makv vdunv um dvnam dvmu yoka.” **11** Ngonu vBV minto  
ogulgavbolo nonugv ara lo nyi mego sepelakrela oguguka  
rimabv dominla kvvbinyi vdwgv korvpachu riku lo mingominpin  
rialra ridu vla ngonu tvvpado. **12** Ahtu Jisu Kristo gv amin lokv  
ngonu so nyi vdwa dinda bv singla atubogv singdung lvgabv  
pwla paala relaka vla mindunv. **13** Vbvrilola ajin vdwa nonuno  
alvnv kudungkua rikulo agarapi rungyoka. **14** Ngonugv nonua siti  
jinam so gv doin a akony tvvmabv rinv ngv doi nvpv. Vbvrinv go  
dobolo, ninyia oguguka ribamdkbam yoka kaagapla kaapv laka,  
vkvlvgavbolo ninyia hinying modubv. **15** Vbvrilola ninyia nyirunv  
aingbv riyo miyoka; vmabvya ajinamin bv gamrw yalaka. **16** Ahtu  
atubongv, ngonugv sarsopoyo gv lvtwngbv rinv, dw mvnwnglo

okv lamtv mvnwnglo nonua sarsopoyo nga jigy nyika. Ahtu nonu mvnwngnga lvkobv dooming gylaka. **17** Ngo atubogv laak lo sum lvkdunv: Paul lokv kumrwknama jidunv, svbv ngo lvknam ha ngo svbv dwdvbv lvkdunv. **18** Ahtu Jisu Kristo gv aya ngv nonu mvnwnglo dooming gylaka.

# 1 Timoti

**1** Ringnv Pwknyarnv gv orto lokv okv ngonugv mvngtin kunam Kristo Jisu gv apostol akobv rinv Paul gvlok— **2** Mvngjwng lokv ngoogv jvjvnv kuunyilo bv rinv Timotinyi: Ngonugv Abu Pwknyarnv okv Kristo Jisu ngonugv Ahtu nam anyubv aya nga okv sarsopoyo nga jigv nyika. **3** Ngo Mesedonia bv vngla lamtvlo nam minam apiabv, ngo nam Epesus lo dootoka vla mvngdunv. Nyi mego vka mvvnam doin vkv tamsar nyadu, okv no bunua mingku mabvka vla orto jirung toka. **4** Bunua krim gv minjarminbo bv minam higu okv abuapa nwdw lvkkum pvvnam vdwa kayu toka vla mintoka, hv nyi vdwa larmi simu nyumdo, Pwknyarnv gv rungnam lo rijivngji madu, um mvngjwng lokv chindu. **5** So ortojinam gv lvkwng ngv haapok darwknv lokv, mongrumara abwknam lokv okv tarwkbaak bv mvngjwngnam lokv aanv pakmi sinam ha kaiyaya modubv rinam go. **6** So vdw sokv nyi mego vngkur nyapvku okv pvchabv gaam raaku lokv bunugv lamtv nga ngoomu nyaroku. **7** Bunu Pwknyarnv gv Pvbv nga tamsarnvbv ridubv mvngdu vbvritola bunu atugv gamchar vdwa vbvmajeka bunugv jvjvnv aingbv mvngpakla raagvdvnam gaam humka bunu chima. **8** Ngonu chindu Pvbv si alvnvngv um oguaingbv rinv svngvdw vbvrinv nvbolo. **9** Si mvngpa rungsego, Pvbv si alvnv nyi vdwgv lvgabv mvma, vbvritola Pvbv nga mvwkmvrwknv okv dvchotvnglanv nyi vdwgv lvgabv, Pwknyarnvni chimanv okv rimurnv okv yvvbunudw dormo mani madunv okv vmalo yalu lvgabv mvngmanv, anvabu ha pakipamarnv vdwgv lvgabv, gwngrw gwnv vdwgv lvgabv, **10** yoomurchomurnv vdwgv lvgabv, nyimv anying nyilo anying rimisinv vdwgv lvgabv, nyi naasinv vdwgv lvgabv, yvvbunudw nyi gv lvgabv mvvla mirianv vmalo yvvdw jvjvnv doin ha akusubv

kudungkua rinv vdwgv lvgabv. **11** Ho gv doin ha gamlv lo paadu um nga minggo kardubv mintoku, kairungnv okv bokta rungnv Pwknyarnv gylokv Alvnv Yunying ngv. **12** Ngo Kristo Jisu Ahtunyi umbonyikv vdunv, nw ngoogv kudungkua lvgabv nga gwlwk ha jiyadu. Ngo ninyia ngam ninyigv nyi gubvrila dubv okv ninyia rijikodubv naalwk kunam lkwngbv umbonyikv vdunv, **13** kvlo kvcho ngo ninyia alvmabv minla okv mvdwkmvku la okv nyarjikaula rinv gubv rijeka. Vbvratola Pwknyarnv ngam paknyu bv pakla ogulvgavbolo ngo hoka mvngjwng dootv madvto okv vklvgabv ngo ogugo ridu nvdw um chimato. **14** Okv ngonugv Ahtu kairungnv gv aya nga ngoogylo pwlwk jitoku okv Kristo Jisunyi akin laikula ngonu gvbvrinv mvngjwng okv paknama ngam jitoku. **15** Si jyvby minamy, mvnwngnga torwk sise ngv okv mvngjwng rungse ngv: Kristo Jisu nyiamooku so itoku rimurnv vdwa ringdubv. Bunugv lokv ngo alvmaya choknv, **16** Vbvratola Pwknyarnv ngam achialvbv ayato, vbvrinam hv Jisu Kristo gv ngam ninyigv saktv mvnwngnga lkvby kaatam modubv alvmaya choknv nga, kochinglo yvzbunudw ninya mvngjwng redw turbwngnv singnam ha paamu dukubv kaagvsidubv rinam goku. (aiōnios g166) **17** Turbwngnv Kvvbinyi, vdwloka simanv okv kaapa manam, Pwknyarnv akin—ninya mvngdv kunam mv okv kaiyachok namv dvbvsingtambv doobwng laka! Amen. (aiōn **g165**) **18** Ngoogv kuunyilo Timoti nga nam ngo so gaam sum mindunv no alvby mvmi sunam lvgabv kvlo gv nogv lkwnglo nyikrw gaam minam vdwa no minla rila yidu gubv minv nvlaka, **19** okv nogv mvngjwng okv mvngdarsakdar sinamlo pvbwng suto laka. Nyi tunggonv bunugv mvngdarsakdar haatin simanam lokv okv mvngjwng ngv haatin simanam lokv bunugv mvngjwng nga ngemu nyadu. **20** Bunugv ara lokv Haimenias okv Alekjendar,

bunyia ngo Uyu gv laaklo laklwk la mvrit pvnv; svbvrinam si bunyia lvkodv Pwknyarnnyi minyingmiru mimu kuma dukubv ripvnv.

**2** Vbvrinamv ngo mintumingke bv mintvmirula lbulala mindunv, kumnam ha kumji nama okv umbonyikv nga nyi mvnwng lvgabv Pwknyarnv gvlo tolwk jilaka vla mindunv; **2** dvbv vdwgv lvgabv okv yvvbunudw rigvdakgv nvbv ridunv ho vdwgv lvgabv vklvgavbolo ngonu mvnwng gv renamdonam mv Pwknyarnnyi mvngdla yumsum okv sarsopoyola alvyauingbv rebamdaekbamla singbam dubv. **3** Si alvnvngv okv si Pwknyarnv nyila ngonua ringlin kunvnyi mvngpu more, **4** hv mvnwngnga ringlin kunam gubv risego okv jvfv lo aalakula chinsego vla mvngdu. **5** Vklvgva Pwknyarnv ngv akin okv Pwknyarnv nyila nyiakuu vdwa naadum sinv akin nyi go, ho nyi angv Kristo Jisu, **6** hv atubongv nyia kuu vdwa rvvlin dukubv tolwk sitoku. Vbvrinam hv Pwknyarnv alvnv dw lo nyichar mvnwngnga turmu dukubv ripv vla kaalin moduku, **7** okv vklvgabv nga apostol akobv okv tamsarnvbv Jentail vdwgvl vngmupvnv, mvngjwng okv jvfgv doin ha japgo modubv. Ngo mvvla mima; ngo jvfv nga mindunv! **8** Gvrja lo kumnamjonam mvnwnglo Pwknyarnv gvlo tolwklaklwk sinv nyiga vdvw haachinam vmalo larmi sunam kaamabv laak kv idung gvrila kumto laka vla ngo mvngdu. **9** Ngo nyimv vdwaka vjvbee nga darwk alvbv hinlakaala kaalwkaak bv gvtoka vla mvngdu; jeenamngamnam bv dumpo dwmw am gvmabvka vmalo gvvmingvyin bv gvniam am ain lokv gvyoka, vmalo kaibv arv doonv kooji gvyoka vmalo achialvbv arv doonv vjvbee gvyoka, **10** vbvritola dormo rinamdknam lo alvnvgobv mvngsuv nyimv vdvw, alvnv kudungkua rinam lokv kaalwkaak nam gubv ridu. **11** Nyimv vdvw nyaknyibv okv choibv tvvsar

sirung laka. **12** Ngo bunu vdwa tamsar dubv vmalo nyilo vdwa rigvdubv jima dunv; bunu choi rungto laka. **13** Ogulvgavbolo Adamnyi pwkcho tvla kochingbv lyipnyi pwkto. **14** Okv Adamnyi kupnam kaama; lyip nyiya kuptoku okv Pwknvyarnv gv pbvbv nga dartung motoku. **15** Vbvrilola nyimv ngv kuu bvngnam lokv ringnam ha paareku, hv hinlakaala alvbv mvngjwng bolo, okv pakbolo okv nyaknyila darwk bolo.

**3** Si jyjvnv gaam mv: yvvdw gvrja nga rigvdogv nvgobv rinwng doodw, hv achialvbv alvnbv kudungkua nga rinwng kunam mv.  
**2** Gvrja nga rigvdogvnn nyi hv rigakpama nvgobv rirungdubv ridu; hv nywng akin mvngdubv ridu, hv himasunv gubv, saktv nvgobv okv hinlwkaalwk nvgobv rirungdubv ridu; hv nyebunyi a atubogv naam lo alvbv aamu nvgobv rirungdubv ridu; hv tamsar lanv gobv rirungdubv ridu; **3** hv tvngkium dvkium nvgobv vmalo yalungyachung dunv gubv rirung mase ngv, vbvrilola damdv okv sarsopoyo nvgobv rirungdubv ridu; hv morko nyilin nvgobv rimarungdubv ridu; **4** hv atubogv vpin ha alvbv nytingji lanv gubv rirungdubv ridu okv ninyigv kuu vdwa ninyia ogumvnwnglo mvngdv jinam gubv rirungdubv ridu. **5** Vkvlgva nyiga gunv atubogv vpin ha nytingji nyuma nvngv hv ouquaingbv Pwknvyarnv gv gvrja nga rigvdogv nyuladubv? **6** Hv mvngjwnglo kamnv gubv ridubv rirungdunv, ogulvgavbolo hv Uyudvbv aingbv rila goosula miakaya koola gilu nvgobv rima dubv. **7** Hv hining paamanam lvgabv bv okv Uyudvbv gv amin lo holwk manam lvgabv hv gvrja arwnglo okv agum lojka nyi vdwgv mvngdvnamb gubv rirungdubv ridu. **8** Gvrja lo riduryanv ka alvnbv nyi bv okv hindum sinv gubv rirungdubv ridunv; bunu achialvbv anggor ala tvngkium nvbv morko dvgum nvbv rima rungdubv ridu; **9** Bunu ogu mvngbwkgolo manam kaamabv

mvngjwng gv jyv ng a kaatam nama gakbwngchvkwn g nvbv  
rirungdubv ridu. **10** Bunua gwngkarika gvrila kaakw chorung  
laka okv v bvrlikunamv bunu gvlo ogu alvmanv go himpakaapa  
mabolo bunua gvrja lo riduryanv gubv rimutvka. **11** Bunugv  
nywng vdwvka himasunv gubv rirung dubv ridu okv rwsitanu  
japma nvgobv ridubv rirungdo; bunu ogumvnwnglo nyaknyi okv  
mvvmaruma nvbv ridubv rirungdo. **12** Gvrja ng a riduryanv nyi  
ngv nywng akin mvngdubv rirungdo, okv atugv vpin okv kuu  
vdwgv lvgabv alvbv nyingle nvgobv rirungdo. **13** Vbvrinv gvrja lo  
riduryanv nyi ngv bunu atugv kudungkua ng a alvbv risu bongv  
nyi alvnvgobv rinya la bunugv Kristo Jisunyi mvngjwng namgv  
lvkwng ng a busukano kaamabv minladunv. **14** Ngo nam baapubv  
kaarwk sidubv vla mvngtin dula sum siti sum nam v bv lvkdunv.  
**15** Vbvrilola ngoogv aanam mv tapv nambv ridaka, si siti si ngoru  
oguaingbv Pwknyarnv gv vpinlo ouguaiingbv risedakse ngvdw  
nam chimure, ho vpin hv turbwngnv Pwknyarnv gv gvrja ngv,  
jyv ng a turbudalv yanv gv gvngnga pongv. **16** Ngonugv dormo si  
arwnglo vdwgo kairungnv gubv ridudw, hum yvvka mia lama: Hv  
nyi amarbv kaatam sito, Dow lokv tarwkbak dunv vla kaatam  
sito, okv nyidogindung vdwv ninyia kaapato. Ninyigv lvkwng  
ng a chvnggodogo lo mingojito, chvnggodogo mvnwngngv ninyia  
mvngjwng nyato, okv nyidomooku tolo naacha toku.

**4** Kochinglo nyi vdwv megonv mvngjwng ng a ngoomu nyare vla  
Darwknv Dow hv rvbwngv rwngbv mindo; bunu mvvnrunv dow  
ng a tyyare okv uyuvram vdwgv tamsar namlo vngya reku. **2**  
Mvvnrunv vdwv vkvnv tamsar ha dusit karmu reku, bunugv  
mongrumara ngv riokdar agu nvlo baanam apiabv, atamanam  
riku. **3** Vkvnv nyi vdwv v bv tamsar nyado nywngnyilu naami  
sunam si rimur v okv dvnamtvngnam dvmatvngma svngv ka

doodunv vla, vbvritola Pwknvyarnv ho dvnamtvnngnam vdwa  
dvdutvngdubv pwkpvnv, mvngjwngnv vdvv okv jviv nga chin  
nyi vdwgv umbonyikv vla kumro bv dyla dunv, **4** Pwknvyarnv  
gv pwknam ogumvnwng ngv alvdo; akoka toa jinam kaama,  
vbvritola ogumvnwngnga umbonyikv vla naarwk sidubv ridu,  
**5** ogulvgavbolo kumnam okv Pwknvyarnv gv gamchar hv um  
Pwknvyarnv gv torwksinam gubv mvdukunv. **6** So gv minam vdw  
sum no mvngjwngnv vdwa alvbv minji dubolo, vbv no atubogv  
yalu gv singdung gv gamchar lokv dvmwkrimwk sula okv jviv nga  
tamsar nama riminggvdubolo, no kristo gvlo alvnb pakbu gobv  
rire. **7** Vbvrilola krim gv anyung kaamanv higuhirak vkvnv lokv  
no adu sito laka. No atubongv yalu gv singdung yalo risarrima  
suyala reto laka. **8** Amar lokv gwlk rungbv kudungkua rinam mv  
arv mego doodu, vbvritola yalu lo gwlk rungbv kudungkua rinam  
mv mvnwnglo arv doyado, ogulvgavbolo si vjak gyla kokwng gv  
lvgabv singdung go milv jidu. **9** Si jvjbv minamv, mvnwngnga  
torwk sise ngv okv mvngjwng rungse ngv. **10** Ngonu rilv kumaby  
ridu okv raaitungtung bv kudungkua ridu, ogulvgavbolo ngonugv  
mvngtin ha turnv Pwknvyarnv gvlo tinlwkdu, hv mvnwngnga  
Ringnv go vbvritola jvjbv minbolo yvzbunudw ninyia mvngjwng  
dukunv ho vdwgvbv. **11** So gv minam vdw sum okv tamsarnam  
vdw sum bunua jito laka. **12** No nyipayapa bv ridu vla yvnyi  
yvnyika kaajaptariap koyoka, vbvritola no gv japnam lokv, no gv  
rinam doonam lokv, no gv paknam lokv, mvngjwng lokv, okv  
darwknam lokv mvngjwngnv vdwa kaagv kodubv rito laka. **13**  
Ngoogv aama dvdvlobv, no noogv dwa nyi vdwa Darwknv Kitap  
ha puri rijila, doin ha japjinam lo okv tamsar namlo jilwkla rito  
laka. **14** Mvngjwngnv chinvmanv vdvv laak kv ipo tvla okv nyijwk  
kv gaam bv minla yalu gv jinyubv amin jinam ha jilwk mola no

gvlo doolwk nvnga no mvtor siyoka. **15** No gv alvby rinam ha mvnwngnga kaapa monam lvgaby, no so vdw sum risarrima la mvnggap dvdv laka. **16** No atubongy la okv no gv tamsar nama hinlakaalaka. Vbvdvdbv ribwng tolaka, ogulvgavbolo no vbvdvdbv ribolo, no atubongy la okv nam tvyyanv vdwaka ringnam gubv rire.

**5** Nyiga yanv nga yamma bvka, vbkritola ninyia no gv abu aingbv mvnggv rila alvby minto laka. Nyipayapa yanv vawa no gv boru aing gubv mvnglaka, **2** hungu vawa anv aingbv, okv mvagado vawa bormv aingbv mvngla darwkbv reladolaka. **3** Rinamdknam mvnwnglo akin bv rinvdaknv hvngmi vawa mvngdv kaatam laka. **4** Vbkritola hvngmi ngv kuu vmalo kuu gv kuu sida go doodu bolo, hv bunu atuakebv bunugv dormo ridung nga chirung segorung bunu atugv vpin lvgaby okv vbvrila bunugv anvabu vmalo atuayu gv ritungvngtung nga richivngchi gvdu kubv, ogulvgavbolo vbvrinamv Pwknyarnv gv kaalwk namv. **5** Hvngmi ngv yvvdw, ninyia rigurriyin yanv kaamabv ajinkaama doodunv, ninyigv mvngtin nga Pwknyarnv gvlo tinlwkla, okv ridur nam lvgaby koola okv aluayo bv kumbvla ridu. **6** Vbkritola hvngmi ngv yvvdw atubogv hvriok lvgaby rinv angv turla doojekuka hv siro pvkunv. **7** So gv minam vdw sum bunua minji toka vbvrila yvvka bunugv lvkobv rimur go kaapa madubv. **8** Vbkritola yvvka bunugv haalung nga kaayataya madunv, minjvjybole bunugv vpinvriap vdwv, bunu mvngjwng nga toa duku okv mvngjwng manv yanga alvmaya duku. **9** Hvngmi hv vdwlo ninyigv singnam mv anying chamkvma dvdylo hum hvngmi vawa lvkkum kolo lvklwk mabvka. Mindvdunv, hv nyilu naanam mv lvkin mvngnv goka **10** okv alvby rinamdknam ha tvvpakaapa kunam gubv rinv gorungbv: ninyigv kuu vawa alvby sochanv nyimv gubv rinvgurungbv,

ninyigv naam lo nyen ha alvbv naarwk sinv gubv, kvvbi kristan vdwa nyaknyi alvbv kaatam ritam kunvgobv, nyi vdwgv adwkaku akolo ridur nvgobv, okv atubongv alvnv kudungkua lo tolwklaklwk sinv gubv rirung nvgobv. **11** Vbvritola hvngmi nyijar bv rinv nga hvngmi vdwa lvkkum kolo lvklwk mabvka; ogulvgavbolo vdwlo bunugv mvngjimvngro ngv bunua lvkodv nyilu naanwng mobolo, bunu Kristo gvlokv adu duku, **12** okv vbvrila kvvlogv ninyia milv kunam vdwa mvyaklakula rimur duku. **13** Bunu naam gonv lokv naam gonylo vnggokarla dw nga ngoomu nama ka risarsidu; vbvrila umka alvmayabv, rwsj japnam okv atugv ayak ha doonudaknu jimabv rila, mima sengaka minam vdwa risarsidu. **14** Vkvlgabv hvngmi nyijar vdwa nyilu naala, kuu doola, okv bunugv naam ha ringchumyala, ngonua nyirunv vdwa alvmanvbv minku mabvka vla ngo mvngdunv. **15** Ogulvgavbolo hvngmi megonv Uyu nyi vngmi gydu kubv vla dakkur nyaroku. **16** Vbvritola kristan nyimv gonv vpinlo hvngmi mego doodubolo, hv bunua kaayataya runglaka okv ho vdwa gvrja nga parlwk yoka, vbvrila hvngmi ajin kamabv doonv vdwa gvrja ngv kaayataya nyudukubv. **17** Chinvmanv vdww yvzbunudw rigvdogv nvgobv rila japgola okv tamsarla alvnv kudungkua nga raitungtung bv ridunv, hv bunu dorma nga anyigo paala dunv. **18** Ogulvgavbolo Darwknv Kitaplo mindu, "Vdwlo no hvpu ha aam swkmu tvrinyi gaam a puutum mabvka" okv "Kudungkua rinv nga dorma nga jirung sego." **19** Tvyakayanv nyidum anyi gomalo achialv nvgobv rima loka chinvmanv akonyi gungnying milwkla minam ha tvjwng mabvka. **20** Rimurnv mvnwngnga kvba tvvpamlo yamtoka, vkvlgavbolo kvbi vdwka busu dukubv. **21** Pwknyarnv gyla Kristo Jisu gyla okv darwknv nyidogindung vdwgv kaagialo ngo nam dinchirungby mindunv no yvnyika mvngdv mvngsa namgo

kaamabv so gv minam vdw so tvla rirunglaka. **22** Pwknyarnv  
gv kudungkua nga rimunam lvgabv nyi vdwa baapubv laak kv  
laklin dala tolwk dubv riyoka. Kvbi gv rimur a riming gvmabvka;  
atubongv darwkchongjor bv vvpv sulaka. **23** Noogv ayak kv  
lvma maadv-maadv gvre, vkvlgabv no isi ha tvngmwng  
mabvka, noogv dvnamtvngnam hv ayak aanam lvgabv no anggor  
ala lo achukgo tvnglaka. **24** Nyi megonvgv rimur v kaadatara  
dubv rido, okv bunugv rimur v vngchoyala jwngkadaka dubv  
vnglkchodu; vbvritola kvbi gv rimur vdwv kokwnglo kaapa  
mvngdo. **25** Vkv aingbv alvbv kudungkua rinam hv kaapa lolindo,  
okv kvgonv kaapa loolin majeka um vsi nyula madu.

**6** Nyira vdwv bunugv atu vdwa renamdonam mvnwnglo mvngdv  
rungdubv rirungdo vla mvngto laka, vbvribolo ngonugv doin minam  
ha okv Pwknyarnv gv amina yvvka alvmabv minyingmirunv  
kaamare. **2** Kristan rinv atu vdwgv nyira mvnwngngv atu vdwa  
miakaya rungyoka, ogulvgavbolo bunu vdwvka achiboru aingbv  
ridu. Vkvlgabv bunu kvlo gv rikunam humka kaiyayabv atu  
vdwa rijivngji rungse ngv, ogulvgavbolo bunugv kudungkua  
rinamvngnam lo paabin yala rinv atu vdwv bunugv paknam  
mvngjwngnv vdwv. So vdw sum no japsar okv tamsar runglaka **3**  
Yvvdw ngonugv Ahtu Jisu Kristo gv gamchar vdwa okv ngonugv  
dormo gv tamsar nama akin madubv akusinv dormo vdwgv  
tamsar nama tamsarla ridunv **4** hv oguguka chimabv okv goola  
goobor jinjinla doodunv. Hv gamchar lvkwnglo minamminsubv  
minla larmi sidubv mvngnv, okv vblrila kavtarv nga naalwkdo,  
yalung dumudo, nyarjital modo, alvmabv mium modo, **5** okv  
jvJV lo dooka manv vdwa okv mongrumara mvngdar manv  
vdwa lardv-lardv minsu monv. Bunu mvngdu dormo si nyitv  
monv lamtv ngv. **6** Alvdo, dormo si ngonua achialvbv nyitv

modu, vdwlo ngonu ogugo doopvdw um nyumchi bolo. 7  
Ngonu nyiamooku so ogugo bvnglwka aapv? Ogugukama!  
ngonu nyiamooku sokv ogugo naala vngtvrikunv? Oguguka! 8  
Vkvlgabv ngonu vjivbee okv dvsetvngse go doomum bolo hv  
ngonu lvgabv nyumchi kuse ngv. 9 Vbvrilola yvvbunudw nyitv  
dubv mvngdunv hv bunu pokayarka lo holu dunv okv pvchabv  
okv alvmanv mvngnamsaknam gv amin mvnamlo naatung koodu  
ho vdww bunuam kiampwk bv pulula rimu-ngoomuduku. 10  
Vkvlgabv morko nga paknam mv nvgwngnv alvmanv mvnwng  
gv koolv ngv. Nyi mego vvb achialvbv paanwng kunam lvkwngbv  
mvngjwng lokv adu nyapvku okv bunugv haapok lo nvgwngnv  
mvngrunguya nga naalwkla boktakbokyak moduku. 11 Vbvrilola  
no, Pwknvyarnv gv nyi ngv, svkv nvlo adu laka. Lvgvlvma lokv  
tarwkbak ha, pwknvyarnv aingbv rinam ha, mvngjwng nga,  
paknam ha, saktv ha, okv damdv ha paarung dubv rikwla ribwng  
tolaka. 12 Noogv mvngjwng gv jokksinam lo lvgvlvma bv jokcho  
yadubv joktoka, okv atubogy lvgabv turbwngla singnam ha paato  
laka; ogulvgavbolo noogv Pwknvyarnvnyi jvjbv mvngjwng nama  
nyi vdwgv tvvpamlo minpa sipvdw hogv turbwngnv singnam  
lvgabv Pwknvyarnv nam goktoku. (aiōnios g166) 13 Oguvnwng  
nga singnam ha jinv Pwknvyarnv gv kaagialo, okv Pontius  
Pilot gylo ninyigv mvngjwng nga minbwng jikunv Kristo Jisu gv  
kaagialo, ngo nam gamki dunv 14 ngonugv Ahtu Jisu Kristo gv  
aalwk ma dwdvlobv nam ortojinam vdwa no alvbv tvlarilaka okv  
jwkjwkvrwk bv vvpv laka. 15 Chinggodogo nga Rigvdogvla okv  
hartv mvngji kunamv, dvbv vdwlok Dvbv, okv Ahtu lokv Ahtu,  
ninyigv aakur kuse nga Pwknvyarnv gv minrwpvla vvpvnam dw  
lo Pwknvyarnv ninya daklwk moreku. 16 Sika manv nw akin  
mwng; hv yvv gvka aanwk nyula many lounglo doodunv. Yvvka

ninyia vdwloka kanv go kaama; yvvka vdwloka ninyia kaakw nyulanv kaama. Mvngdv namv okv doobwngnv jwkrw ngv ninyi gylo doobwng laka! Amen. (aiōnios g166) 17 Nyiamooku so turla ririlo so gv yikungyira lo nyitvnv vawa gooma bvka vla mintoka, vbvritola bunugv mvngtin ha doobwng majinv yikungyira nyitv lo tinlk mabvka, vbvritola ngonugv himpukain lvgabv ogumvnwng nga jinwngla jinv Pwknyarnv gylo tinlk yalaka vla mintoka.

(aiōn g165) 18 Alvnvnga ritoka, alvnv kudungkua lo nyitv toka, okv jinwng toka, okv kvvbi mvnwnglo yikungyira nga ormi sidubv dobv laka vla bunua mintoka. 19 Vbvrila bunuv atubogv lvgabv yikungyira nga vvrum sire okv so vdw si bunugv aainv dw lvgabv haatin rungnv lvngtung gubv rire. Okv vbvrila bunuv jvvnv turnama paala reku. 20 Timoti, nam ogunvgo kaayataya dubv jipvdw um alvbv ringla pvtl laka. Kasingkanyak okv pvchabv larmisinam nyi vdwgv mimurla "chinapanam" vla minam gaam vawa topak laka. 21 Vklvga kgongv um paapvku vla mintoku, okv vklvkwngbv bunu mvngjwng gy lamtv nga ngoomu nyatoku. Pwknyarnv gy anyubv aya ngv nonu mvnwng gylo lkvbv dooming gylnaka.

## 2 Timoti

**1** Jisu Kristonyi akin laikula milv kunam turnama ngonu paareku vla japo modukubv Kristo Jisu gvlo apostol gubv rikunv Paul gvlokv sum siti sum lvkdunv— **2** Ngoogv aya kunam kuunyilo, Timotinyi: Ngonugv Abu Pwknyarnv okv Jisu Kristo ngonugv Ahtu nonua anyubv paknam ha, aya nga, okv sarsopoyo nga jigv yika. **3** Ngoogv abuapa vdwgv rinam apiabv, ngoogv mongrumara lokv mvngdarsakdarla rijivngji kunam Pwknyarnvnyi ngo umbonyikv vdunv. Ngo aluayu bv kumku lo nam mvngpala ngo ninyi umbonyikv vdunv. **4** Ngo no gv nyikla sarnam ha mvngpa dunv okv ngo nam kaanwng dukunv himpu hv ngoogvlo doolwk dukubv. **5** Ngo no gv albv mvngjwng nama mvngpa dukunv, no gv ayu Lois okv no gv anv Eunis ka vBV mvngjwng dootoku. No ka vBvridu vla ngo mvngjwkJwrk dukunv. **6** Vkvlgabv ngo nam minpa jidunv vdwlo ngoogv laak kv nam lakpo bvdw Pwknyarnv nam anyubv amin jitoku ho jinam ha no turbwng molaka. **7** Vkvlgva Pwknyarnv gv ngonua Dow jinamv ngonua busu gvdubv jima; vmabvy a ninyigv Dow ngv ngonua jwkrw dubv, pakdubv okv atuv saktv sidubv mvya dunv. **8** Ngonugv Ahtu gv lvgabv ogu minse rise nga no hinyinghiru mabvka; okv Kristo gv lkwngbv patwk doonv ngoogv lkwng bvka ogu minse rise ngaaka hinying mabvka. Pwknyarnv nam gwlwk ka jipv, vbvrila no Alvnv Yunying lvgabv hirukaya nga hindula no gv rise nga rilaka. **9** Hv ngonua ringtoku okv ninyigv nyi vdwbv goktoku, ngonugv rinam lokvma, vbvritola ninyigv mvngnam lokv okv anyubv aya lokv sum ritoku. Dw gv aatv madvbv Kristo Jisu gv lokv Pwknyarnv ngonua ninyigv so anyubv aya nga jitoku, (aiōnios g166) **10** vbvritola ngonua Ringjikunv Kristo Jisu gv aanam lokv um kaapa mopvku, hv sinam gv jwkrw nga ngoomu pvku

okv gamlv ngv turnama kaatam duku. **11** Pwknvyarnv nga Alvnv Yunying nga japgo kardu kubv apostol okv tamsarnv akobv tolwk pvkunv, **12** okv vklvkwngbv ngo svkvnv hirukaya nga hindukunv. Vbkritola ngo vjaklodvbv mvngtin bwdunv, ogulvgavbolo ngo yvnyi mvngjwng dudw um ngo chindu, okv ngo jvjbv mvngdu hv ngam ogugo ridubv minpvdw ho Alu lobv nga ringla doolin more. **13** No gv kaaring sila riming gvniam lvgaby, ngoogv naa jvjvnv gaam tamsarnam vdwa rwkrwkbv gakbwng laka, okv Kristo Jisuni akin laikula ngonu gvbv rikunv mvngjwng okv paknam lo doobwng laka. **14** Ngonu gvlo doony, Darwknv Dow gv jwkrw lokv nonua ogunvgo minpvkudw hoogv alvnvnga vvpv laka. **15** Pigelus okv Hermogenes bunyia mintala, Asia mookugv nyi mvnwngngv, ngam topak kunam ha no chindu. **16** Pwknvyarnv Onesiporus gv vpin ha aya kaatam runglaka, ogulvgavbolo hv ngam awgo mvngpu dubv mvtoku. Hv ngam patwklo doopv vla hinying mato, **17** vblrutola vdwlo nw Rom lo aachi tokudw, nw ngam mapama lodybv makar toku. **18** Pwknvyarnv ho Alu lo ninya aya jilaka! Okv no alvbv chindu Epesus lo hv ngoogv lvgaby achialvgo riji toku.

**2** Kristo Jisu nyi akin gubv rilaikula anyubv aya paanam lo, ngoogv kuunyilo nga, no gwlwk rungbvka. **2** Ngoogv nyi tvyakayanv vdwgv kaagialo tamsarla japgo jiku nama no tvvpv kunv, ho tamsar nama no naalaka, okv ho vdwa nyi mvngging kunam yvbbunudw kvvbi vdwaka tamsar nyula dunv ho vdwgvlo tolwk jilaka. **3** Kristo Jisu gvlo no bivmanv sipai bv rila, hirukaya nga hindubv mvngto laka. **4** Sipai akonv alvbv kudungkua rikulo orto jiyanv nyigam ha mvngpu dubv ridubv mvngla sipai rimanv kvvbinyi vdwgv kudungkua rinam apiabv rila riorichi madunv. **5** Jokkwsinv ngv ho gv pbv nga tvvma bongv amina paanyu

madunv **6** Rongo rinv yvvdw rongo nga raaibv rilwk dunv hv  
nvvkum rikunyi paatupaake bv baak go paarung dukunv **7** Ngo  
ogunvgo mindudw no mvngdi kaatoka, ogulvgavbolo Ahtu nam  
ho mvnwngnga chindu kubv mvre. **8** Ngoogv Alvnv Yunying japji  
kunamv si, Dabid gv husi bv rikunv, sinam lokv turkurla gudung  
kunvngv Jisu Kristo, um no mvnggap tvvlaka. **9** Ogulvgavbolo  
ngo Alvnv Yunying nga japgo dunv, ngo hirukaya dunv, okv  
ngo minggiolegionv nyi aingbv lvpia ngaaka gvdunv. Vbvritol  
Pwknvyarnv gv gamchar vdwa lvpia lwkla vvpvma, **10** okv  
vkvlvgabv ngo Pwknvyarnv gv darkunam nyi vdwgv lvgabv  
ngo saktv dukunv, vkvlvgavbolo bunuka Kristo Jisu gvlo aanv  
ringlinbaalin nama paamu dukubv okv hv ngemanv yunglit ha  
naalwk duku. (aiōnios g166) **11** Si jvjbv minamv: “Ngonu ninyia  
lvkobv sikubolo, ngonuka ninyia lvkobv turming gvreku. **12**  
Ngonu saktv nama ribwng bolo, ngonuka ninyia lvkobv rigvdogv  
minggv reku. Ngonu ninyia toa kubolo, hv ka ngonua toa tareku.  
**13** Ngonu jwkjwkvrwk bv rima jeka hv jwkjwkvrwk bv ribwngnv,  
ogulvgavbolo hv atubongv mvvnyu lamadunv.” **14** Sum noogv  
nyi vdwa minpa jilaka, okv Pwknvyarnv gv kaagialo bunua  
gaam gv lkwngbv padar minsu mabvka vla gamrw tolaka.  
Vbvrinamv ogu alvnvgobv rima, tvnnvkaanv vdwa alvmoma  
mvngdu. **15** No noogv lvgvlvma bv Pwknvyarnv gv kaalwk bv  
ridubv mvngla rilaka, kudungkua rinv gv ninyigv kudungkua  
nga hining manv aingbv rilaka, Pwknvyarnv gv jvjnv doin a  
lodataka bv japnv gobv rilaka. **16** Minyingmiru okv pvcha gaam  
raakulo adu tvvlaka, hvkvnvngv nyi vdwa Pwknvyarnv gvlokv  
adu yaya modunv. **17** Vkvnv tamsar hv vbvridu ungv kaapanv  
ayakka dvmechekenv aingbv ridunv. Nyi anyigo hvbv tamsar  
bongv Haimenias okv Piletus buni. **18** Bunu jvjvgv lamtv nga

kiyu lakula vbv mindu ngonugv turkurkunam mv riro pvkunv  
vla minla, mvngjwngnv nyi vdwgv mvngjwng nga mvngrugoya  
modu. **19** Vbbritola Pwknyarnv gv hvngdwngnv lvngtung ngv  
vdwlaka biv nyumare; okv hoka gamchar vdwa svbv lvkp: "Ahtu  
chindu yvvbunudw ninyi gybvrinv nga" okv "Yvv bunu Ahtu gv nyi  
bv ridunv vla mindunv bunu rigakpanam a topak lakuka." **20**  
Naam namtv kolo pvchwng odung nvgwngnv achialvd: kvgonv  
raaji okv ain lokv mvnam go, kvvbi vdwv vsing okv takam lokv  
mvnam go; kvgonv dinchinv kudungkua lo rinv dubv okv kvgonv  
dinchimanv lo rinv nvdubv. **21** Yvvbunudw darwkbv risudaksu  
dunv, bunua alvnvl rinv nvre, ogulgavbolo bunu Ahtu gvlo tolwk  
sila okv ninyigv dinchinv nyi bv rila alvnv kudungkua mvnwnglo  
rinv nvdubv ridunv. **22** Singchanvgv mvngnamsaknam ha topu  
tokuka, okv tarwkbaak, jwkjwkvrwk, mvngjwngnam, paknam, okv  
sarsopoyo nga ho vdwa paadubv rikw laka, yvvbunudw haapok  
sin v darwk dunv ho lvkobv Ahtunyi ridurkoodubv kooto laka. **23**  
Vbbritola pvchabv okv chimapamubv larmi sunam lo adu tvlaka;  
no chindu vkvnb yalung dunam lo gomwng dunv. **24** Ahtu gv  
pakbu bv rinv, no yalung durung mabvka. No mvnwngnga aya  
nvgobv rito laka, alvnvgobv okv saktvnv tamsar nvgobv, **25** nam  
nyirunv vdwa minbwkmilo jitv rinyi damdv bv rilaka lvkonyika  
Pwknyarnv bunua alvnv dw nga jila mvngdin mola okv jyjv nga  
chimunam guka doolare. **26** Okv vbvrikubolo mvngbwk laikula  
bunua naatungla mvngwngbv riminnv Uyu gv amin mvnamlo  
aaku mareku.

**3** Mvnggap tvvlaka ataranya alu vdwlo hirukaya yayabv rire  
**2** Nyi vdwv nabung nyareku, dvgum nyareku, goolingua reku,  
okv hartvbamtv sure; bunu nyaritari re, bunugv anvabu minam  
ha tvvmare, nyi nga umbonyikv mvngnam kaaku mare, dormo

rimanybv rire; **3** bunu aya mvngpa kumare, hilok minsi namgo kaaku mare, meyem minsire, paminaami sireku, okv byokchare; bunu alvnvnga kaanwng mareku; **4** Bunu gwngkup nvgobv rire, ritormintor nyuma nambv rire, okv goolinguala kaimvngsure; bunu Pwknyarnvnyi svnga himpukain yanga pakyare; **5** Bunu ngnugv dormo so gv jwkrw jvjb yanga toa gvrila, agumlo alvbv rinv aingjvb rila kaatamre. Vkvnv nyi vdwlok adu tvlaka. **6** Bunu kvgonv nyi vdwgv naam lo vngre okv yvv nyimv vdwv atubogv rimur gv vge nga gvvdudw okv nvgwngnv mvngnamsaknam mv ninyia pula vnggvdrukudw vkvnv lvvkumanv nyimv nga chaatinkorbo nyadu. **7** Nyimv vdwv alu gv dwkia chindubv rikwdv vbritola bunu vdwloka jvjb nga chinyu mato **8** Jannes okv Jambres buniyigv Mosesnyi riningriru nam aingbv, so nyi vdwsi jvjb nga riningrirudu—nyi vdwgv dumpo ngv adarapa kuma okv mvngjwnglo ajwkalak kuma nyany. **9** Vbritola bunu achialvbv adu jego vngyo mare, oguglgavbolo mvnwngngv bunua achialvbv pvcha nvgobv kaareku. Jannes nyila okv Jambresnyi vbdvdv ritoku. **10** Vbritola no ngoogv tamsar kolo, ngoogv rekordokor, okv ngoogv turnam gv lkwngbv mvngnamsaknam um no tvvmikaami gvdu; ngoogv mvngjwng nga, ngoogv sakty nama, ngoogv paknam ha, ngoogv himv nama, **11** ngoogv mvdwkmvku hinam ha, okv ngoogv hinching chingnam ha no kaakitao pvkunv. No chindu vBV nga rikuv Antiock lo, Ikonium lo, okv Listra lo, hilvkumanam mvdwkmvku vdwa ngo himv pvkunv! Vbritola Ahtu ngam bunugv lokv ringya pvkunv. **12** Nyichar mvnwngngv yvzbunudw Jisu Kristonyi akingobv rinv dakkvpv vla Pwknyarnv jvjb turdubv mvngnv vdwv mvdwkmvku nama paarung dunv; **13** alvmanv nyi vdwv okv kupnv riapnv vdwv abuyayabv alvmbay ribwng dvdvre, kvvbia kuplariapla rire okv

atubongvka kupsu nyare. 14 Vbvrilola nonua jyjv nga tamsarkinu  
pvkunv okv hvngdwngbv mvngjwng mopvkunv, ho doobwng  
dvv laka, okv nam tamsarnv vdvw yvvbunudw um no chindu, 15  
okv no mvngpadu noogv vmi anga rilokv rila, no Darwknv kitap  
ha chimpvkunv, hv nam mvngkimvnglak ha jila nvngv okv Jisu  
Kristonyi mvngjwng lokv ringlinbaalin lo vnggvnv. 16 Darwknv  
kitap mvnwng si Pwknyarnv gv saklwknamv okv si jyjv nga  
tamsar sarnvnv, rimur ha yamnvnv, rigakpanam a rijwk nvnv, okv  
tarwkbaakbv rinamdoonam lvgabv tamsarkinunv, 17 vkvlgavbolo  
yvvdw Pwknyarnvnyi rijivngjinv hv alvnv ogugumvnwng nga  
rinam lvgabv mvpvripv sila riyin nvgobv ridukubv.

4 Pwknyarnv gvla okv Kristo Jisu gv kaagialo, yvvkudw sinv  
ngala okv turnv vdwa jwngkadaka kujinv, okv oguglgavbolo nw  
Dvbv gubvrila rigvdogv tvbv aariku, ngo nonua dinchirungbv  
mintvmiru dunv 2 doin a japji laka, (japdw hv aadu lo aama dvlo)  
um no japgwng laka, miayadubv, yamdin dubv, okv mintvmiru  
dubv, noogv ogumvnwng nga kvnwkrwk mabv tamsarnam jvbw  
japgwng jilaka. 3 Vkvnv dw hv aariku nyi vdvw alvnv doin ha  
tvvnwng kumare, vbvrilola bunu atubogv mvngkulo vngya reku  
okv bunu atubogv lvgabv tamsarnv kai yayago naakum reku hv  
bunu nwbutugv tvvnwng ngv aakbriak nama minji moreku. 4  
Bunu jyjv yanga tvvmabv mookor reku okv krim gv higuhirak  
yanga dinchi yabv tvvriare. 5 Vbvrilola no atubongv svkvnv  
adwkaku himpukain mvnwng lokv naatung sulaka; hinching nga  
himv sulaka, Alvnv Yunying nga japjinv gubv ribvla kudungkua  
nga ritolaka, okv Pwknyarnv gv pakbu gubv noogv risevngse  
mvnwngnga rito laka. 6 Ngo gvbvdv, siring jidubv dwv aaduku;  
nyiamooku so turla singnam sum topudw ngv si aapvku. 7  
Ngoogv jokkwse ngam ngo alvyachokbv jokpv kunv, ngoogv

jokse mvnwngnga joknya pvkunv, okv ngo mvngjwng nga topak mato. **8** Rigumyala Pwknyarnv gylo tarwkbak kunamgv aminv ngam kaayadu, Ahtu, jvjvby jwngkadaka yanv gv ngam ho Alu lo jiji kunamv—okv ngam mwngma, yvvbunudw paknam gv lkvobv ninyigv aaku jinam ha kaayala doonv mvnwng ngaaka. **9** No ngoogv soka baapubv aagornam lvgabv lvgvlvma bv gwngto laka. **10** Demas nw vjakgv nyiamooku sum mvngbiu yalakula ngam topak roku, Tesalonika vngyu roku. Kresens Galatia bv vngroku, okv Taitas Dalmatia bv. (aiōn g165) **11** Luk mvngchik ngam lkvobv doodu. Marknyi paamisilayila no lkvobv aagvlaka, ogulgavbolo nw ngam kudungkua lo ridur nyure. **12** Taikikasnyi ngo Epesus bv vngmupvn. **13** Vdwlo no aarikudw Karpasnyi lkvobv Troas lo ngoogv vngyu kunam vji laklwk ha bvnglwk jilabv; kitap vdwaka bvnglwk jilabv, okv apin lokv mvnam kitap anga dinchi yabvka. **14** Alekjendar riokdar kudungkua rinv angv ngam hinchap namgo ripv; Nw ogugo ripv kudw Ahtu ninya rirwk sire. **15** No ninya atubongy hima sulaka, ogulgavbolo hv ngonugv doin japrinyi mintor ritor dubv achialvbv yalungyachung bv ridunv. **16** Atuake ho yvvka ngam ridummindumnv kaamato ngo atubongy mvnging sula risupvn; mvnwngngv ngam toapagga nyato. Pwknyarnv vkvnv hum kila bunua rinying mabvka vla kumdunv! **17** Vbvrilola Ahtu ngam lkvobv dootoku okv ngam gwlwk a jitoku, vkvlgabv ngo doin ha kairungbv Jentail vdwa tvvdubv japgo nyulato; okv ngam sidukubv minbwk kunam a ringtoku. **18** Okv Ahtu ngam alvmanv mvnwng loka ringre okv ninyigv nyido Karv lo ngam ringchumriaila vnggvreku. Dvbvsingtambv yunglit namv ninyi gvbv doobwng yilaka! Amen. (aiōn g165) **19** Ngo Prisila nyila Akuilanyi okv Onisiporas gv vpin ha ngoogv kumrwklvtak ha jidunv. **20** Erastus Korinth lo doolwkro, okv Tropimusnyi ngo

Miletus lo vngyu tvbv, ogulvgavbolo nw lvmato. **21** Noogv  
lvgylvma lokv rila svkar poolu hv kartv madvbv aadu bv rilaka.  
Eubulus, Pudens, Linus, okv Klaudia bunu kumrwklytak ha  
jilwk nyapv, okv Kristan kvvbi vdwvka vbvdvdbv jilwknyapv. **22**  
Ahtu nonugv dow a lvkobv rilaka. Pwknvyarnv gv aya ngv nonu  
mvnwngnga lvkobv reming gvlaka.

## Taitas

**1** Paul lokv, Pwknvyarnv gv pakbu akobv okv Jisu kristo gv Apostol akobv rinv ngv. Ngo darlinkunam okv Pwknvyarnv gv darlinnam mvngjwngnv vdwa rigur yadubv vngmu kunamv okv bunua dormo ngam jvjvrungbv tamsar la rigv dukubv. **2** Turbwngjiku lvgabv mvngtin dubv mvlinrelin jito. Pwknvyarnv mvvmanv, kvlo atuake lokv ngv soogv turnam am ngnoua milvpvvkunamv. **(aiōnios g166)** **3** Okv tarwkbak dw loku ninyigv doin lo hv kaatam toku. Sum nga ritoka vla parlwk toku, okv ngooka ngonugv ringnvbaanv Pwknvyarnv gv mingkulo ngo japgo kartoku. **4** Taitusnyi ngo siti go lvkto, ngonugv mvngjwng lvyinakinv ngokv jvjvrungnv kuunyilo. Pwknvyarnv Abu gv okv ringnvbaanv Ahtu Jisu kristo gv Anyuaya okv sarsopoyo nonu gvlo jilwk yilaka. **5** Nam ngo Kret mooku so doomu gvrinv, ogulvgavbolo vjvgv so risv rijinam mvnwng gv rilakv vnam ridung dunv sum riapaya dubv okv banggu mvnwng gv gvrja lo rigvdogv nvlo laalwk yadobv mvngla vkvlvgabv so nam doomudunv. Ngoogv minsarpvnam sum mvnggap pvvlaka: **6** Rigvdogv nvgobv ribolo oguguka rimur kaama rungnv gobv rirungdunv; vv nywng akin mvngchik nvgorv rirungtoka, okv vkvgv umvuu ngv mvngjwng nvgorv rirungtoka okv alvmanv yalungyachung amin gvnv gobv rirungmabvka okv tvvma nvgo bvka rirung mabvka. **7** Vklvlgabv Pwknvyarnv gv gvrja kudungkua nga rigvdogvnv um kaayadubv klu lokv jilwk dunv, hv rimur nam kaama rungdubv rirungtoka. Hv vdwloka kaimvngsu vmalo biokybiokcha nvgorv, vmalo tvngkium nvgorv, vmalo tvngngur nvgorv vmalo, morko lvgabv nyilin nvgorv rimare. **8** Hv nyen chigamrainv nvgorv okv ogugonv alpvwdw um paknv gobv rirungtoka. Hv saktv nvbv, alv nvbv, darwk nvbv, okv kachingkamu sunv gobv ritoka. **9** Hv

mvngjwng nyola dubv okv oogv doin nga vngdwngbv gakbwngla ritoka okv vv arinjvnv gaambv ridu. Vbvrila vkvnv lamtv lo jvjvnv tamsarnam lokv hv kvvbia mintvmiru jila dubv okv yvvdw um alvmabv mindudw umka alvmanam am kaadin la kaatam rungtoka. **10** Ogulvgavbolo ho hoka achialvggo, asarjvbv bunugv kvbi nyiposoyo vdwa kupnv okv turmilarmi sinv, judaism lokv aanv vdvw rito. **11** Bunugv mindunam sum mintor dukubv rirungdu, ogulvgavbolo bunu rima tvsv yanga rila bunugv tamsarnam lokv vpin dvdv nga mvngru mola riduku, okv hinyinghiru dubv rinam aka morkoain lvgabv bv rinya duku. **12** Vv ninyi atubongv kretan go, bunugv atubogv aralo nyijwk akobv rinvgo, vv soogv jvjvnv gaam sum mindu, "Kretan vdvw rukimvvki la ridu, alvmanv svnwngsvmin bv ridu, okv svpelakre la dvdwdvkyit nvbyka ridu." So lvgabv no dinchirungbv bunua yamtoka, vklvgavbolo bunu gylo mvngjwng ngv vngdwngnam lvgabv. **14** Okv kvvlogv jius vdwgv higuhirak okv nya gamki lokv aanv oogv jvjv nga laarwk simu manv nyi gobv ridu. **15** Bunu atubongv yvvdw darwk dunv ogumvnwng vka darwk dunv; vbvritola bunu yvvdw alvmadunv okv mvngjwng madunv oguguka vka darwk madunv, ogulvgavbolo bunugv mongramara okv mvngdw nvnv ngv darwk madu. **16** Bunu vdvw mindu bunu Pwknvyarnvnyi chinpvnv vdu, vbvrijvka bunugv gwngdungridung lo rijwkmadu. Bunu kaanwng manamv okv tvvnwng manamv dodu, ogumvnwng alvnvngv ogu vdw um riyin manv ngv.

**2** Vbvritola alvbv arwngrungbv mvngjwk dadubv um nonu tamsar rungtoka. **2** Nyimin nvgobv, tvvba nvgobv, okv saktv nvgobv; Bunugv mvngjwng lo alv nvgobv, Paknam gobv, okv himvlaknv gobv nyikam vdwa minsar jirung toka. **3** Oogv apiabv nyimv ungu vdwaka oogv darwkbv rinvdknv nyimvnmvga gobv ridubv

tamsar la rirung tvka. Bunu minyingmiru kuma nvgobv rirung dukubv vmalo opogv nyira bv rima rungdu kubv. Alv nvngv ogugudw um bunu vdwa tamsar rungtoka. 4 Soogv minsar nam lokv mvvgagaado bormvyanv vdwv bunugv nyilu okv umvuu nga pakdukubv, 5 Saktung sunv gobv, okv darwk nvgobv okv oogv ninyigv atubogv nyilulo tulwksula alvnu naamnywng gobv rila dukubv, vkvlvgavbolo Pwknvyarnv lokv aanv doin am yvka alvmabv mimare. 6 Hoogv apia bv nyipayapa vdwaka saktung sunv gobv ritokv vla mintvmiru jilaka. 7 Ogumvnwng dvdvlo no atubongv alvnu kaaring namgobv ritoka. Hindumsula okv noogv tamsarkinu nama mvnggap chirvtvka. 8 Miyakaya madubv alvbu arwngrungbv gamchar sum minv vngnv tvlaka, vkvlvgavbolo nonugv nyimak kv nonugv lvkwnglo oguguka alvmanv minsogo kaamabv hinying paasu riku. 9 Bunu nyira vdwv atugvlo tulwk sulaka okv bunua ogumvnwng nga mvngpu motoka. Bunua minkurla bunua mirwk simu mabvka 10 vbvmajeka bunu gvlo dvcho goka chomuyoka. Vbvmayabv, bunu vdwa kaidwkibv alv nvbv okv jwkjwkvrwk rungnvby kaatam dubv bunua rimolaka, vbvrila bunu vdwgv rinam dvdvlo ngonugv ringnvbaanv Pwknvyarnv gv lvkwnglo tamsarkinu jila rinamv hartvnam paariku. 11 Holvgabv Pwknvyarnv ninyigv anyuaya nga nyi mvnwng gv ringlinbaalin lvgabv kaatam toku. 12 Oogv anyuayanam vv ngonua vby tamsardu, pwknvyarnv kaamabv rinamdknam, okv nyiamooku hvriokpajaknam sum kayu tokuka, okv atubongv saktung sunam, tarwkbaknam, okv darwknvbv nyiamooku so ritoka, (aiōn g165) 13 ngonugv mvngtin sinam ngonugv boktalwdw alua kaayadoya dunv si, vdwlo ngonugv kairungnv Pwknvyarnv okv ringnvbaanv Jisu kristo gv yunglit ngv kaatam looriku. 14 Hv atubongv ngonu lvgabv jilu sutoku,

alvmanv dvdv lokv ringlinto okv oogv ninyi mvngchik gvbv dookudaku nvnga okv alvbv rinwng mola ngonua darwknv nyi gobv mvtoku. 15 Svkvnv sum vBV tamsar tvka, akomaring bv tujupkunam rinvnv lokv mintvmiru jila okv yamla nonugv tvvrianv vdwa ritoka. Vbribolo yvvka nam mvngyakaya kumareku.

**3** Nonugv nyi vdwa mindwmiying jila rigvdogvnv okv tujupkunam gv aralo tulwksula, bunua mingku bv vngmu tvka, okv alvnv lamtv dvdvlo ridubv mvngpvripv motoka. 2 Yvvnyika alvmanv gaam mima bvka vla bunua minji tvka, vbvritola sarsopoyo yabv okv ajin yabv jimi sitoka, okv kaidwkibv nyi mvnwng gv kaakulo damdvbv kaatam dubv mvngtoka. 3 Holvgabv alu gulo ngonuka lvko atubongv nyiposoyoto, tvvmato, okv rigakrirakto. Ngonu vdvv heriokpajok gv pakbu bv rila okv nvgwng mvnwng gv rinwng nama riminto. Ngonugv turnama ngonu kvsar sarnam okv alvmabv kavtav nyato; Ngonua kvvbiv kaanwng mato okv ngonuka bunua kaanwng kalam mato. 4 Vbvritola vdwlo ngonugv ringnvbaanv Pwknyarnv gv ayanam okv paknam am kaatam kubvdw, 5 hv ngonua ringlin toku. Si ngonugv atubongv rilakdolak nam lokv rimato, vbvritola vv ninyigv aya lokv si ngonua ringlin pvkunv, oogv Darwknv Dow lokv, ngonua anw bv kuu bvngdw motoku okv anw bv ngonua harkak toku. 6 Ngonugv ringnvbaanv Jisu kristo lokv Darwknv Dow am achialv kaigo Pwknyarnv ngonu gvlo pwlwk toku, 7 vkvlgabv ninyigv anyuaya lokv ngonu Pwknyarnv gv lvkobv tarwkbak bv doodu okv turbwng jiku lo aadu kubv mvngtin nam lvgabv rila dukunv.

(aiōnios g166) 8 Si jvjvrungnv go mindungdu. Ngo nonua svkvnv sum asarjvbw rijisvgo mvngdu, vkvlgavbolo Pwknyarnvnyi mvngjwgnv vdvv bunugv ridw lo lvkobv alvnv ridunglo rilwk yala riku, alvyachok nvbv okv mvnwng gv lvgabv arinyachoknv gobv

rireku. **9** Vbvritola nyiposoyo bv larmisinam, abuapa asukoyobv  
nvdw kiinam, yalung dunam, okv Pvbv lvkwnglo yalung dunam  
am kayu tvkuka. Vkvnv vv bunu arinkaamanv okv alvmanv ngv.  
**10** Taknyitagam gobv rimu tvdunv sum maanyingkinyingka lvnyi  
go gamrw pvvotoka okv um oguguka lvko mintinmiyin kuyoka. **11**  
Vkvnv nyi am no chindu vv alvmadunv vla, okv bunugv rimur  
am bunu rigak parung dunv vla kaachin modu. **12** Vdwlo ngo  
Artemas vmallo Takikus nyi no gylo vngmu ridw, noogv lvgvlvma  
lo nikopolis lo ngo gylo aamu laka, ogulgavbolo ngo dvra anying  
nga doodubv vla mvngdunv. **13** Zenas loyer okv Apollos bunugv  
mooying vngrapda okv bunugv gvvsv nga kaagv rila dinchi  
dudw nonugv lvgvlvma bv mvdur laka. **14** Ngonugv nyi vdww  
alvbv ridubv moma nga jilwkla tvvsar sidubv rirungdu, dinchinam  
am mingkulo jila nam lvgabv; Bunu rinam lo arin kaama kolo  
riku marung reku. **15** Ngam yvvdw dooming gvnv mvnwng ngv  
nonua kumrwksinam am pao jidu. Ngonugv kumrwksinam am  
mvngjwng lo doony ngorugv ajin vdwgvljilwk dunv. Pwknyarnv  
gv anyuaya ngv nonu mvnwng gv lvkobv doolwk yilaka.

# Pilemon

**1** Paul lokv, Jisu Kristo lvgabv pachipatwk doonv, okv ngonugv achiboru Timoti lokv— Ngonugv ajin okv ribamdkbam nam ajin Pilemon, **2** okv nonugv naam lo gvrja ribusilakaarwksinam vdw, okv ngonugv anyibormv Appia, okv ngonu ribamnam ajin sipai Archippu: **3** Ngonugv Pwknyyarnv Abu okv Ahtu Jisu Kristo gv anyuaya okv sarsopoyo ngv nonu gvlo jilwk yilaka. **4** Achiboru Pilemon, ngo aludwkibv, noogv amin am laala okv ngoogv Pwknyyarnv gvlo umbonyikv vla kumlwk jidunv. **5** Vkgabv nonu vdwgv Pwknyyarnv gv nyi mvnwng nga pakjinam lvgabv okv Jisu lo nonugv mvngjwngnam am ngo tvvpa doodunv. **6** Ngonugv kristo gvlo turnam am akin dula kumbamjobam dubv boktalwnam sum mvngjwngnv gobv ridula arwngrungbv tvvpikaapi lakdu bv ngo kumnam si kumdunv. **7** Noogv paknamv, ayanam achiboru, ngo gvlo kairungnv himpu am okv mingtvmirunam am achialvbv laalwk jidu! no Pwknyyarnv gv nyi mvnwng gv haapok ka habitata motoku. **8** Vklvkwngbv ngo chrvr rungdubv, kristo lo noogv achiboru bv rinam lokv, ogu risvdw ngo nam orto jila dunv. **9** Vbvrivka ogulgavbolo ngo nam pakdunv, nam ngo lvgabv minam yangv si hv alvyagobo mvngdunv. Vbvrivka Paul ngo svbv ridu, Jisu kristo gv nyitampingko bv ridu, okv vjvka ninyigv amin lvgabv pachipatwk lo doodunv. **10** Vkgabv onesimus gv peelvbv ngo nam lvgabv mindunv, ngoogv atunvgv kuunyilo bv kristo lo ridunv; pachipatwk arwng lo doori hoka ngo ninyigv dowjwklo gv abu bv ripv kunv. **11** Alu gulo no lvgabv oguguchin richindakchin mato, vbritola vjak alv rungbv rilakvnglak duku no gvbvka okv ngo gvbvka anyi gvbv alvjvnv gobv riduku. **12** Vjak ninya lvgabv no gvlo ngo vngkur mogv ikunv okv ngoogv haapok vka ninyigv lvgabv vngming gvvdunv. **13** Ngoogv lvgabv ninya

so doomu nwngto nvi, Gamlv gv lvgalo ngoogv pachipatwk doi dvdv so, vklvlgavbolo noogv mooku hoka ninya modurvngdur yadubv. **14** Vbvrijvka, ngam ridurnam lvgabv ngo nam raitongtong nwngmado; Vbvyamabvdv, no lvgabv ngo noogv mvngnam bv um rimu nwngdunv. Vklvlgabv no mvnglwk suma bolo ngo oguguchin rimu nyoya madunv. **15** Onesimus gv achukgo no gvlo gvngv kiyu namsi alvyago aakur lakula doobwng minggv yajikuladv vklvlgabv kiku nvgoi. (*aiōnios g166*) **16** Okv vjak ninyi nyira mvngchik bvkuma, vbritolu nyira am alv yasin nvbvu: Kristo lo hv ayanam achiboru ngvku. Hv ngam vdwgo pakdudw vkgvo namka kaiyago pakri nvpv, nyira bvkula okv Ahtu Jisu gvlo achiboru bvku. Anyi baabwng ngv nyira bv mvngma bv achiboru bv Ahtu Jisu gvlo ritoka! **17** Vklvlgabv no ngam ajin bv mvngdu bolo, ngam umbonyikv vla laarwk sinam aingbv ninya laarwk sutoka. **18** Vdwlo ninyi ogugo rimur pvdw vmalo ogugo jikurrikur svgo doodudw um ngo gvlo sapnumbunam am saplwk tvka. **19** Soka, ngo atunvgv laak lokv si lvkdunv: Paul ngo nam dorji riku. (Nam ngo lvko mvngpa dadubv rima svngv, vbrrijvka, no atubongv ngoogv rigurriyin nvnga mvngpa ridu.) **20** Vklvga, ngokv achiboru, kaju ngokv tongbv mvnglwk gvrila Ahtu gv amin lo ritoka; kristo lo achiboru bv ngam habiatata jitoka. **21** Ngo mvngjwngdu, ngoogv lvknam sum, oguaingbv ngo tvvka pvdw no vbcning rire—nam chinrungdu ngo minam dvdv sumka um no kaiyasin bvka riri nvpv. **22** Gaamgodv mindvdv, ngo lvgabv karchung lo ako mvpv jilaka, ngo mvngdu nonu mvnwng gv kumnam am Pwknvayarnv ngv tvvlaku okv ngam svbv nonu gvlo aakur modu kobv rireku. **23** Epapras, ngoogv lvkobv pachipatwk lo Jisu kristo gv amin bv doonv, vdwka tulwk minggv gvrila ninyi gybvka nam kumrwklwtak nama jilwk jidunv,

**24** okv ngo gv ribamdkbam nam Mark, Aristarkas, Demas, okv  
Luk bunu vdwka vbv jilwk minggvdu. **25** Nonu mvnwng lo Ahtu  
Jisu Kristo gv anyuaya ngv dooming gvilaka.

# Hebru

**1** Pwknvyarnv krim ngonugv abuapa vdwa nyijwk vdw gvlokv achialvgo okv aku-akusinv lamtv lokv gaam japtoku, **2** vbvritola ataranya alu vdwso nw ninyigv Kuunyilo gv lokv ngonua japduku. Nw hvkvnv nyi ako ninyigv lokv Pwknvyarnv chinggodogo nga pwklinyarlin pvkunv, okv ataranya alu lo ogumvnwng nga paamu dukubv Pwknvyarnv ninya darpvkunv. (*aiōn g165*) **3** Nw Pwknvyarnv gv achialvbv Yunglit kunam ha unglit kargojito okv Pwknvyarnv oguaingbv ripvdw vbv aringchingnv, ninyigv jwksw doonv gamchar lokv chinggodogo nga turmudu. Nyia nyi mvnwng gv rimur vdwa mvngnga dukubv rijiyo kochingbvku, nw nyidomooku tolo Kaiyachokbv jwksw bv rinv, Pwknvyarnv gv lakkik tangvlo doolwk pvku. **4** Kuunyilo nga nyidogindung vdwa kaiyanv gubv mvpnv, Pwknvyarnv gv ninya amin jinamv bunu vdwgv amin hv kaiyanvngv. **5** Vkvlgabv Pwknvyarnv ninyigv nyidogindung vdwa vdwloka vbv mimato “No ngoov Kuunyilo ngv; Silu ngo noov Abu bv ridu.” Pwknvyarnv nyidogindung vdwa vBVKA mima, “Ngo ninyigv Abu bv rire, okv nw ngoov Kuunyilo bv rire.” **6** Vbvritola Pwknvyarnv vdwlo ninyigv Kuunyilo bvngtua nyia mooku lo vngmu tvikulo nw vBVKA minto, “Pwknvyarnv gv nyidogindung mvnwngngv ninya kumrungjorung laka.” **7** Vbvritola nyidogindung gv lvkwnglo Pwknvyarnv vBVKA minto, “Pwknvyarnv ninyigv nyidogindung vdwa doori bv mvto, okv ninyigv pakbu vdwa vMV gv mvriakbv mvto.” **8** Kuunyilo gv lvkwnglo, ogubvrijeka, Pwknvyarnv minto: “Ho Pwknvyarnv ngam, noov karv ngv dvbvsingtambv ataranya gobv doobwngre! No noov nyi vdwa jvJV lokv rigvdogvre. (*aiōn g165*) **9** No jvJV nvnga pakdu okv rimur nvnga no kaanwng madu. Vkvlgabv Pwknvyarnv, noov Pwknvyarnv, nam darpvkunv

okv noogv richam ajin vdwa kaiyago nam hv mvngdv okv mvngpusakpua jiyapvn." **10** Nw vBVKA mintato, "Ahtu, no, atuake ho sicingmookua pwklinto, okv no atubogy laak lokv no nyidomooku vdwa mvpvkunv. **11** Bunu nyeriku, vBVritola no doobwngre; bunu vji nyenam aingbv nyeare. **12** No bunua jvtvlaklwk ha tinam aingbv tireku, okv bunu vji aingbv akusubv ridinre. VBVritola no vBVvdvbv doobwngre, okv noogv svngtung ngv vdwloka nyemare." **13** Pwknvyarnv ninyigv nyidogindung vdwa vdwloka vBV mimato: "Ngoogv lakkik tangvso dootung tvka ngo noogv nyimak vdwa noogv lvpa lkwnglo vvpvma dvdylo." **14** VBVrikunamv nyidogindung vdwv oguv? Bunu dow bV rila Pwknvyarnvnyi rijianv okv yvzbunudw ringlinbaalin nama paajikunv vdwa nw bunua ho vngmula ridur yamudu.

**2** Vkvlgabv ngonugv jvJV nvgo tvnam a ngonu kaiyasinbv gakbwngla rirung tvka, vBVribolo ngonu jvJnv lamtv nga vnggak pamare. **2** Ngonugv abuapa vdwa nyidogindung vdwgv doin jinammv jvJV rungbv kaatam duku, okv yvzbunudw hoogv minkulo vngming gvmanv vmalo tvvmanv vdwv bunugv mvriririt paasenga paanyato. **3** VBVrinamv ngonu svkvnv kairungnv ringlinbaalin nama tvvmbv ritola ngonu oguaingbv riyvriko sinyure? Ahtu nw atubongv so gv ringlinbaalin nam sum minpa jichoto, okv yvzbunudw ninyi gvlo um tvvnv vdwv si jvJV ngvrung vla minpa jitoku. **4** VBVririlo Pwknvyarnv ninyigv nvgwngnv kaasartabony okv lamrwanam rinam lokv bunugv aolo kaatam dula okv ninyigv mvnglwkbv Darwknv Dow gv amin am jito okv mincho namv vv rung vla vBVrla kaatam toku. **5** Pwknvyarnv aajinv anwnv nyiamooku ha nyidogindung vdwa rigvdogy modubv tolwkma—ngonugv minggvdvnam mooku homnv. **6** Vmabvy, Darwknv kitaplo ako-akonvlo vBV mindu: "O

Pwknvyarnv, noogv bunugv lvgabv mvngya gvdunamv, nyi vdw si oguv; Noogv kaayataya gvdunamv, nyi vmwng gumalare? 7  
No bunua nyidogindung vdwa achukgo miyang yadubv mvtoku; no bunuam yunglit gvnvgv okv mvngdv gvnvgv biotung nga pilwk toku, 8 okv bunua ogumvnwng nga rigvdogv modubv mvtoku.” Ho mindu Pwknvyarnv bunua mvpvnv “Ogumvnwng nga rigvdogv nvgobv”; si ogumvnwng nga miominchik laikula minbwk jidu. Vbvrijvka, nyi vdw sum ogumvnwng nga rigvdogv dubv vjak ngonu kaapa yamadu. 9 Vbvrilola ngonu Jisuni kaapa dunv, ninya achukchanyi gv lvgabv nyidogindung vdwa miangyadubv mvpvnv, vklvgavbolo Pwknvyarnv gv ayakolokv nw mvnwng gv lvgabv siji rungdukubv vla. Ninyigv hinching chinla sinam lokv ngonu ninyi vjak kairungnv okv mvngdvrungnv gv biotung nga gvla doodu kubv kaapa duku. 10 Pwknvyarnv pwklinyarlinn okv ogumvnwng nga vvpvnv, ninyigv kai kunam a baak dukubv kuu achialvgo naalwk kunam lvgabv Jisuni hinching chingnam lo rilak nvgobv rimula rinam si rijwkkv. Vklvgabv Jisu mvngchik bunua ringlinbaalin kolo vnggv kujinv. 11 Nw nyi vdwa bunugv rimur loka kakdar dukubv mvdunv, okv kakdarkunam mvnwngngvla okv nw la anyi gv Abuv akin dukunv. Vklvkwngbv Jisu bunua ninyigv achiboru gubv minam lvgabv hinying matoku. 12 Nw Pwknvyarnvnyi mintoku, “No ogugo ripvkudw ngo ngoogv achiboru vdwa minpa jireku; bunu vdwgv doopam lo ngo nam harty reku.” 13 Nw vbv mintato, “Ngo ngoogv mvngjwng nga Pwknvyarnv gvlo jwnglwk reku.” Okv nw vbvka minta tuku, “Ngo svka Pwknvyarnv gv ngam vmi jinam vdwa lvkobv doodunv.” 14 Ninyigv vmi vdwv vla mingv dynam hv adwn bvla oyi bv rinv nyi vdwa mindunv, Jisu nw atubongv bunugv apiabv rila okv bunugv nyi nyipw bv rimingvto. Nw gv vbvrinam si

nw gv sinam lokv Uyudvbvnyi myyakmvchak dubv ritoku, sinam  
gv aolo rigvyanv anga, **15** okv vbv rigvrila yvbbunudw sinam  
ha busu laila svngam mvnwngnga nyirabv rinv vdwa ringlin  
dukubv. **16** Si minbwk jila mindu nyidogindung vdwa nw ridorma.  
Vmabvy Darwkvn Kitap hv vbv mindu, "Nw Abraham gv husi  
vdwa ridur yadu." **17** Vbvrinam hv manv nw rinam mvnwnglo  
nw gv achiboru vdwgv apiabv ridubv ritoku, Pwknvyarnv gv  
kudungkua rinamlo nw bunu vdwgv lvgabv jwkjwkvrwk okv ayanv  
Butvyachok gubv rinam lvgabv, vkvlvgavbolo nyi vdwgv rimur hv  
mvngnga kunam lvgabv. **18** Okv vjak nw pokayarka kunam vdwa  
ridur nyulare, ogulvgavbolo nw atubongv pokayarka kunamv okv  
hinching chingkunv.

**3** Pwknvyarnv gv gokta kunam ngoogv kristan ajin vdwa!  
ngonugv mvngjwng kunamlo Pwknvyarnv gv Butvyachok  
gubv vngmukunam Jisuni nonu mvngka toka. **2** Moses gv  
Pwknvyarnvnaam lo kudungkua nga jwkjwkvrwk bv rinam apiabv,  
nw Pwknvyarnv gvlo jwkjwkvrwk nvgobv ritoku, Pwknvyarnv  
ninya so gv kudungkua nga ridubv jitoku. **3** Naam ha svnga  
mvnv nyi angv kaiyago mvngdv nga paadunv. Ho apiabv Moses  
nyimam svnga Jisu achialvbv mvngdvnang gubv ridunv. **4** Mvnang  
gvbv naam mvnwngnga mvnv akonv mvdunv—okv ogumvnlwng  
nga mvnv ngv Pwknvyarnv akin. **5** Moses Pwknvyarnv gv naam  
lo Pakbu gubvrila jwkjwkvrwk nvgobv ritoku, okv Pwknvyarnv  
gv aainvgv lvgabv minse nga nw mintoku. **6** Vbvrilola Kristo  
jwkjwkvrwnv Kuunyilo gubvrila Pwknvyarnv gv naam ha rigvdogv  
nvgobv rito. Ngonu mvngpak nvgobv rila mvngtinnam lo doobwng  
bolo ngonu Pwknvyarnv gv naam bv ridunv. **7** Vkvlvgabv,  
Darwkvn Dow hv vbv minto, "Nonu silu Pwknvyarnv gv vlv nga  
tvvpadubolo, **8** nonugv abuapa vdwgv Pwknvyarnvnyi rinyingriru

riło rinam apiabv nonu vlnghapok bv gyyoka, bunugv ninyi rikwripakri alulo bunu chukrimooku lo renya toku. **9** Pwknyarnv mindu, bunu ngoogv anying champigo ogu—ogu rinam ha kaapv tvlaka, hoka bunu nga rikwripakla okv rikw nyatoku. **10** Okv vklvgabv ngo ho nyi vdwa haachi laku okv minto, ‘Bunu alu gv dwkia nga pakmarisubv rinyadu okv ngoogv gamki nama tvjimakv vnyadu.’ **11** Ngo haachila okv milv toku: ‘Ngoogv bunua doonu modubv jinam mookulo bunu vdwloka aanyu kumare!’” **12** Ngoogv ajin vdwa nonugv lokv yvv akonvka haapok v alvmabv rila okv mvngjwng mabv rila turnv Pwknyarnvnyi dakkur nyola adu manam lvgabv himasuto laka. **13** Vmabvya, vbvrinam lvgabv nonugv lokv yvv akonvka rimur gv kubnam gubv okv vlnghapok bv rimabvka, Darwknv kitaplo “Sili” vla ngonua minbv dvdvlobv nonu ajinanyingnga ridur minsu laka. **14** Ngonugv kvlo gv mvngtin nama ataranya lobv hvngdwngbv vvbwg dubolo ngonu Kristonyi lvkobv richam gubv ridunv. **15** Darwknv kitaplo svbvhing mindu: “Nonuno silu Pwknyarnv gv vlv nga tvvpadubolo, nonugv abuapa vdww vdwlo bunu Pwknyarnvnyi rinyingriru tokudw bunu vlnghapok bv rinya toku vbv nonuno vbv vlnghapok bv rinya mabvka.” **16** Yvv bunula Pwknyarnv gv vlv nga tvvtola ninya rinyingrirunv vdww? Moses gv ljipt lokvnga linggy kunam mvnwngngv. **17** Yvv bunuala Pwknyarnv anying champigo haachi kunamv? Rimur nyala yvzbunudw chukrimooku lo sinya tokudw ho nyi vdwa. **18** Vdwlo Pwknyarnv ninyigv dinchirungbv milv nama mvtokubvdw, “Ngoogv bunua doonu dubv jinam mookulo bunu vdwloka aanyumare”—vbw minam si yvv bunua minpvnv? Rinyingrirunv vdwa mintoku. **19** Vbvrirkunamv ngonu kaapa duku bunu ho mooku lo aapa nyumato ogulgavbolo bunu mvngjwng matoku.

**4** Vjak, Pwknyarnv ngonua milvnamgo jiduku ngonua ninyigv doonu vla minkunam anga paamu dukubv vla. Vbvrikunamv, klai ngonu hinlakaala rilajuka, nonugv lokv yvv akonvka hoogv milv kunam doonu vnam anga paama nvgoka kaama dubv. **2** Bunugv rinam apiabv, ngonuka Alvnv Yunying nga tvvpv kunv. Bunu doin ha tvvtoku, vblrutura hv bunua oguguka anyung kaama, ogulgavbolo vdwlo bunu um tvvtokudw, bunu mvngjwng gv lvkobv torwk simato. **3** Vbvrikunamv ngonu yvzbunudw mvngjwng dukunv, Pwknyarnv gv milv kunam doonu nga paadu kunv. So si ninyigv vbv minambv ridu, "Ngo haachila okv milvnam go mintoku: 'Ngoogv bunua doonu modubv mooku jinamlo bunu vdwloka aalamare!'" Nw gv nyiamooku ha pwklinyarlin rilokv ninyigv kudungkua nga rime ropy tvlaka nw sum mintoku. **4** Darwknv kitap gv kgongvlo so si alu kanw nvnvgv lvkwng nga mindu: "Alu kanw nvnvl Pwknyarnv ninyigv kudungkua mvnwngnga riku mabv doonu toku." **5** Lvkodv so gv gaam akin sum mindvto: "Ngoogv bunua doonu modubv jinam mookulo bunu vdwloka aanyumare." **6** Yvv bunu Alvnv Yunying nga tvvchonv vdwv ho doonu nama paamato, ogulgavbolo bunu mvngjwng mato. Vbvrikunamv hokaka kvvbi vdwa um paamu namvka doodu. **7** So si Pwknyarnv kvvbi alu yago mvpv pvku, so si "silu" vnammv si jyjv ngv. Achialvnv anying gv kochinglo nw Dabid gvlokv mintoku Darwknv kitaplo sum lvkpvdoku: "Sili nonu Pwknyarnv gv vlv nga tvvpa pvbolo, vlwnghapok bv riyoka." **8** Josua Pwknyarnv gv milv kunam doonu vnama nyi vdwa jiro nvgoilo, Pwknyarnv koching soka kvvbi alu gv lvkwngbv mima dvnvpvi. **9** Pwknyarnv alu kanw nvnvl doonu toku vkv aingbv so si Pwknyarnv gv nyi vdwgv lvgabv doonu go doobwng dunv. **10** Yvv bunu Pwknyarnv gv milv kunam

doonu ha naarwksipv kunv ninyigv doonunam aingbv bunugv  
kudungkua lokv doonu nyadu kunv. **11** Vbvrikunamv, klai ngonu  
ngonugv lvgvlvma lokv ho gv doonu nama naarwksinam lvgabv  
rikwlaju, vklvlgavbolo bunugv mvngjwng manam lokv naarwk  
sinyu mato vkv aingbv ngonu gvlo yvv akonvka naarwk sinyu  
manamgo kaama dubv. **12** Pwknvyarnv gv gamchar hv turnv  
okv kudungkua ridu, Riokse tagotaksak bv arik nvngaka rippu  
yanv. Si yalu gvla dow gv gvvkiap sikua, loobung gvla lochin gv  
geekiap sikua peepwk nyuladu. Si haapok gv mvngjimvngro la  
mvngnam ha jwngkadaka dunv. **13** Pwknvyarnvnyi kaapa moma  
dubv ogugoka vvsivrum sego yikungyira kaama; pwknamyarnam  
mvnwngngv ninyigv nyik kaagia lo kaadatara dubv ridunv. Okv  
ngonu alu gunyi ngonu atuv turla singrilo ogugo ripvdopv kudw  
ho mvnwngnga sapkumla ninya kaatam dukubv rirung reku.  
**14** Vbvrikunamv klai ngonu ngonugv mvngjwng nama haatin  
yayabv rilaju. O gulvgavbolo ngonu Kaiyachoknv Butvyachok go  
doodu, nw Jisu Pwknvyarnv gv Kuunyilo ngv, nw Pwknvyarnv  
gv dooku nvchilo vnglwkroku. **15** Ngonugv nyibu Butvyachok  
angv ngonugv lvvku marinyi aya mvngpa manyunv gubv rima.  
Vbvmabvdv ngonua rinam apiabv ngonugv Butvyachoknyi lamtv  
mvnwnglo pokayarka toku, vbvritola nw rimur go rimato. **16**  
Vbvrikunamv, klvi ngonu mvngjwngjwngrw laju, okv Pwknvyarnv  
gv doginglo aanwk laju, ogolo aya doodudw. Hoka ngonu aya  
nga naarwk sire okv vdwlo dinchikochi ridw ngonua ridurdubv  
anyuaya nga paayare.

**5** Butvyachokbv rinv dvdv nga ninyigv nyibu ajin vdwgv aralokv  
dargvrila okv bunugv amin bv Pwknvyarnv gv kudungkua nga  
riya modubv, okv erinpeelwk yadubv okv rimur vdwgv lvgabv  
erinpeelwk la riyamodubv mvgvdnam hv. **2** Nw atubongvka

lvvkumanv gubv rijeka, nyi rimurnv okv chimapamunv vdwgvbv  
damdvyanv gubv rilare. 3 Ogulvgavbolo nw atubongvka  
lvvkumanv gubv ridu vkvlvgabv nw nyi vdwgv rimur lvgabv  
erinpeelwk mwngmare, vbvritola nw atubogv rimur lvgabvka rire.  
4 Yvvka atubongv mvngdv rungnam Butvyachok gubv ridubv vla  
darsu madunv. So si Aaronnyi mvnam aingbv—Pwknvyarnv gv  
goknam nyi anga mwng Butvyachok gubv mvdunv. 5 Ho apiabv  
Kristo nw atubongv mvngdv rungnam Butvyachok gubv mvsu  
mapvnv. Vmabvyia, Pwknvyarnv ninyia mintoku, “No ngoogv  
Kuunyilo ngv; silu ngo noogv Abu bv ripvku.” 6 Nw kvvbi gunv loka  
vby mintato, “Melkijedek gv nyibu buli lokv, no dvbvsingtambv  
nyibu akobv ribwngre.” (aiōn g165) 7 Jisu nw gv Sichingmooku so  
ririlo ninyia rimu maby ringji bongv Pwknvyarnvnyi, gamtv rungbv  
okv nyikla sarla lvbula kumto. Ogulvgavbolo nw nyaknyi nvgo  
okv dinchikochi nvgo vbvrikulokv Pwknvyarnv ninyia tvvtoku. 8  
Vbvrifola nw Pwknvyarnv gv Kuunyilo bv rito laka nwgv hinching  
chingku lokv mingkulo vngnam ha chintoku. 9 Vdwlo ninyia  
rilakriku nvgobv mvtokudw, nw ninyigv minamha tvnnv vdwgv  
lvgabv turbwngnv ringlinbaanam gv kolv gubv ritoku, (aiōnios  
g166) 10 okv Pwknvyarnv ninyia Melkijedek gv nyibu buli lokv  
nyibu Butvyachok gubv mvtoku. 11 So gv lvkwng nga minse  
ngv aigo doodu, vbvrifola si nonua minbwk jidubv minla madu,  
ogulvgavbolo nonu chingtwng madu. 12 (Nonua tamsar dubv  
dw ngv nonugv lvgabv mego vngtoku.) Nonuno tamsarnvgobv  
ridukubv dw ngv achialv tuku—vjvlodvbv nonu Pwknvyarnv  
gv doin mincho jinam ha kvvbi gunv nonua tamsar dvdubv  
ribwngdo. Achin chimpw nga dvku svnga nonu vjaklodvbv achu  
tvngdubv ridu. 13 Yvvdw achu tvngdunv hv vjaklodvbv anga  
ngv, alv poma gv lvkwng nga hingkwkaakw manvngv. 14 Achin

chimpw si minbolo nyi kaikunv vdwgv, yvvbunudw risarvngsar silaikula alvnvnga la okv alvmanv nga chinlakunv.

**6** Vbvrikunamv, kvllo gv kristan doin tvvcho nama ngonugv kochinglo kayu gvrila kaiyayabv chinlpalv yanamlo vnglv yalaju. Ngonu anyung kaamanv kudungkua nga kayu nama okv Pwknyarnvnyi mvngjwng kunam a; **2** baptisma gv lvkwng nga tamsarnam okv laak iponam gv lvkwng nga tamsarnam; sinv gv turkurkunam gv lvkwng nga tamsarnam okv dvbvsingtambv jwkadakanam lvkwng nga tamsarnam; ho minam mvnwngnga naalaila ngonu anw lvngtung go mvrung kumare. (aiōnios g166) **3** Pwknyarnv ngonua rila dubv jibolo, ngonu vvb rirungreku, klai ngonu vnglv lakuju! **4** Vklvgabv yvvbunudw bunugv mvngjwng nga kayu pvkudw bunua oguaingbv lvkodv mvngdin modukubv naakur nyureku? Bunu Pwknyarnv gv lounglo lvko dookwkunv; bunu nyidomooku gv amin jinam ha dvkw kunv okv Darwkvn Dow gv baag jinam ha naarwk sika kunv; **5** bunu Pwknyarnv gv gamchar hv alvnv vla rikadokala chimpvkunv okv aainvgv dw gv jwksw ha himpa toku. (aiōn g165) **6** Okv ho kochingbv bunu bunugv mvngjwng nga kayu roku! bunua lvkodv naakur lakula mvngdin modukubv rinyukuma namgo, ogulgavbolo bunu Pwknyarnv gv Kuunyilo nga lvkodv daapo lo takki duku okv nyi mvnwng gv kaagialo hinying modu. **7** Pwknyarnv kvdw nga bokta lwkjila hvkvgv aolo nyido holunam dvdv nga tvngmula okv yvvdw um rongo mvlwkla mvria dunv hvkvgv lvgabv anyung doomu dubv nvmwng nga boklin jimudu. **8** Vbkritola hv tvv okv nvmwng boklin jibolo, hv ogu anyung kaakumanv; hv Pwknyarnv gv beenam gubvrila maatarbv alvmanv ngv hum vmvbv ramyok riku. **9** Vbkritola ayanam ajin vdwa ngonu svbv minjeka, ngonu nonugv lvkwng nga jvjvbv rirungre vla mvngjwng

dunv. Nonugv ringlinbaalin paanam v nonua alyyanv bokta go doodu vla ngonu chindu. **10** Pwknyarnv mvngkiammvngriam manv ngv. Nw nonugv kudungkua rinam ha vmalo ridur gvrila ninya paknam ha kaatam nama okv vjak kvvbi kristan vdwa jibwng nama vdwloka mvngpa mabv rimare. **11** Ngonugv kaibv mvngjimvngro namv nonugv dinchibv mvnggap nama ataranya alu lobv rilin laka vbribolo nonugv mvngtin namv jyjv nvgovb rilin jiriku. **12** Ngonu nonua sepelakre nvgovb rima svgo vla mvngdunv, vbritola mvngjwng yala okv saktvnv vdwgv aingbv risego vla, okv vbvrla Pwknyarnv gv milv nama naarwksinv gubv risego vla mvngdunv. **13** Vdwlo Pwknyarnv Abrahamnyi milv tokudw, nw ninyigv milv nama rirungre vla milvla mintoku. Ninya kaiyanv kaamanam lvgabv, vdwlo nw milv tokudw nw atugv gv amin lokv minvla milv toku. **14** Nw minto, "Ngo milvdunv nam ngo boktalwkjire okv achialvbv kuu husi doolin more," **15** Abraham saktv nvgovb rito, okv vkvlvgabv nw Pwknyarnv gv milv nama paatoku. **16** Vdwlo ngonu milvnam go minredw, ngonu ngonua kaiyanv akogv amin lokv milv nvdu vBV milv kolokv larmi sunama minjup dunv. **17** Pwknyarnv gv milv kunam a naarwk sijinv vDWa, Pwknyarnv nwgv ridubv mvngnam a um vdwloka mvkumv madunv vla minbwk jidubv mvngdu; vkvlvgabv hv nwgv milv kunamlo akodv milvnamgo mintam lwkdvd. **18** Vbrikunamy, Pwknyarnv gvlo so baanyi si doodunv hv nw mvvla manammv okv akuav nyuma namv. Vklvgabv ngonu nw gylo ringria nama paanv vDWv ngonugv kaagialo mvngtin pvvji nama hvngdwngprungbv gaktwkkvrwk ladubv kairungnv mintvmiru ha jidu. **19** Ngonugv mvngtin v ngonugv singnam lvgabv svbv toochi jvBV rila doodunv. Sum ogugoka rika nyumare, okv nyidomooku tology pwknvyarnvnaam arwng gv vji torpin

sinam a vngpik laila Darwkyachok kolo vnglwkre. **20** Ngonu  
gvbv Jisu ngonua vngchoyala hoka vnglwktoku okv dvbvsingtam  
lvgabv, Melkijedek gv nyibu butung bv Butvyachok nvgobv  
ripvkunv. (**aiōn g165**)

**7** So gv Melkijedek vnam nyi angv si Salem gv dvbv  
ngv okv Kaiyachoknv Pwknyarnv gv nyibuv. Abraham gv  
dvbv apiha nyimak myayala aakur rikulo, Melkijedek ninya  
kaarwksuto okv boktalwkji toku, **2** Abraham nyimak pakulo  
vdwgo yikungyira naakum pvkudw mvnwng lokv vrīng lokv akin  
gonyi ninya jitoku. (Melkijedek gv aminv mintubv minchonam  
angv "Darwkchongchongnv Dvbv" vla minamv; ogulvgavbolo  
nw Salem gv dvbv bv rinam lvgabv nw gv aminv "Sarsopoyonv  
Dvbv" vla minta namv) **3** Melkijedek gv abuv vmalo anv ngv  
vmalo nw gv abuapa vdwa yvnyika lvkgapla vvpvnamgo kaama;  
ninya bvnglin nama vmalo ninyigv sinam a lvkgap pvvnamgo  
kaama. Nw Pwknyarnv gv Kuunyilo aingnv; nw dvbvsingtambv  
nyibubv rila doobwngnv. **4** Vbvrikunamv, nonu kaatoka, nw  
achialvbv kainvgo. Ngonugv yunam abuapa Abraham nw gv  
nyimaklo paanam ogumvnwng loka vrīng lokv akin gonyi ninya  
jitoku. **5** Okv Lebi gv husi nyibubv rinv vdwa, bunuka Abraham  
gv Husi bv rikujecka, Pvbv lo bunugv Israel nyi vdwgvlō vrīng  
lokv akonyi naakum yadubv minto. **6** Melkijedek Lebi gvlokv  
linvma, vbvritola nw Pwknyarnv gvlokv milvkunam paanv  
Abraham gvlokv vrīng lokv akonyi naakum yatoku, okv ninya  
boktalwkji toku. **7** Boktalwkji nama paanv amam svnga, jinv  
angv kaiyadunv, ho lvkwngbv ogu mvngngum sego kaama. **8**  
Darwknv Kitaplo minam apiabv, nyibu vdwa minrinyi yvvbunudw  
vrīng loka akin gonyi naanv vdwv sijikunv vdwv; vbvritola  
Melkijedek gvbv minrinyi vrīng loka akin gonyi naanv si turnv

angv. 9 Okv, vBVka minlado, Abraham vring lokv akin a jitoku, Lebi (Ho gv husi vdwv vring loka akin gonyi naakumyanv) jita toku. 10 Vdwlo Abraham Melkijedeknyi kaarwksitokudw Lebinyi ho bvngtv madvto, nw ninyigv abuapa Abraham gv ayak lo doomwngto. 11 Lebi vdwgv nyibu buli lokv Israel nyi vdwa PvBV nga jitoku. Vjak, Lebi vdw gvlokv nyibubv rila rinamlo jvjbv rvbwng nvgobolo, hv Aaron gvBV mimabv, PvBV gv lVlam ha manv Melkijedek gv buli lokv angusinv nvgwngnv nyibu go kaatamla daklwk dubv dinchi madunvpv. 12 Ogulvgavbolo vdwlo nyibu buli a mvkupmv rikudw, hoka PvBV loka mvkupmv dukubv ridu kunv. 13 Okv ngonugv Ahtu, vla minggvdvnam si, aku sinv haalung lokv, okv ninyigv haalung lokv vdwloka yvVka nyibubv rikama. 14 Vkvlgabv mvnwngngv alvyauingv chindu, ninyia Juda gv haalung lokv bvnglin kunamv; okv vdwlo Moses nyibugv lvkwng nga minkubvdw nw so gv haalung sum minpa mato. 15 Melkijedek aingnv kvvbi nyibu go aalwk kunamv, gaamv maataryajebv minpok yaya duku. 16 Ninyia nyibubv mvtoku, hv nyia nyi gv pbv lokv mvma, vBvritola dvbvsngtambv turnam gv jwkrw lokv mvpvkunv. 17 Vkvlgva Darwknv kitaplo mindu, "Melkijedek gv nyibu buli lokv no dvbvsngtambv nyibubv rire." (aiōn g165) 18 Vbvrirkunamy, kvlo gv pbv nga kayutvkula, ogulvgavbolo hv lVvkumanam bv rito okv anyung kaaku matoku. 19 Vkvlgva Moses gv pbv ngv ogumvnwng nga rvbwngching bv mvla gvmato. Okv vjak ngonugv Pwknyarnvnyi nvchi ladukubv alvyanv mvngtin ha jipvku. 20 Okv ho gv aolo hoka Pwknyarnv gv milv kunam go doodvdo. DvBV ha nyibubv mvri hoka svkvnv milvnam go kaamato. 21 Vbvritol, vdwlo Pwknyarnv ninyia svbv milvto, "Ahtu dinchinv milv kunam go mintoku okv um naakur kumare: 'No dvbvsngtambv nyibubv rire,'" vBV milvla

mingkunam lokv Jisu nyibubv ritoku. (aiōn g165) 22 Vbvrikunamv, so gv aku sunam si Jisunyi alvyanv milv kunamgv minchar kunam gubv mvtoku. 23 Hoka akusunam akodv doodvdо: hoka kvvbi nyibu vkv achialvgo doonyato, bunu sinya lakula kudungkua nga ribwng nyuma toku. 24 Vbvrilola Jisu dvbvsingtambv torbwngdu, okv nwgv nyibubv rila kudungkua nga yvvnyika jisik sima. (aiōn g165) 25 Okv vkvlvgabv nw rilanv, vjakka okv alu gv dwkia yvvbunudw nwgv lokv Pwknyarnv gvlo aadunv nw ho vdwgv lvgabv Pwknyarnvnyi kumbv jire ogulvgavbolo nw dvbvsngtambv turbwng nvngvku. 26 Vbvrikunamv, Jisu nw ngonugv dinchi nama kaaji kunv Butvyachok hv. Nw darwknv; nw rigakpanam go kaama vmalo ninyi gvlo rimur kaama; nw rimurnv vdw gvlokv akusubv rikunv okv nyido mookugv aolo naacha kunam angv. 27 Nw kvvbi Butvyachok apiabv rimanv; nw alu gv dwkia nw gv rimur lvgabv erinpeelwk rinchola okv ho kochingbv nyi vdwgv rimur haka erinpeelwk ria jila rikwng svgo kaama. Nw vdwlo atubongv erinpeelwk subvdw lvkinlo dvbvsingtam gv lvgabv erinpeelwkla ria jitoku. 28 Moses gv Pvbv lokv nyi Butvyachok bv ribwk manv nga dartoku; vbvrilola, Pwknyarnv gv milv ngv um kaiyago milv kunam lokv, Pvbv gv kochingbv aany milv kunam lokv Kuunyilo nga dartoku, ninyia dvbvsingtam gv lvgabv rilak nvgobv mvtoku. (aiōn g165)

**8** Ngonugv minggvdvnam mvnwng so gv anyung ngv ngonu svkvnv Butvyachok go doodu, nw nyidomooku tologv Darwkrungnv Dvbw dooging gv lakk tangvlo doodu. 2 Nw nyi gv laak lokv mvmanam vbvrilola Ahtu gv mvkunam jvjvnv tombu gv Darwkyachok kolo Butvyachok gubvrila riria jidu. 3 Butvyachok dvdv ngv Pwknyarnvnyi svnwngsvmin erinpeelwk yadubv tolwkkunam vdwv, okv vkvlvgabv ngonugv Butvyachok hvka

erinpeelwk jirungdubv ogugo doorungre. **4** Nw sicingmooku so rinv guibolo nw nyibu gubv rima rungre, ogulvgavbolo Jius vdwgv Pvbv lo dinchinv amin jinam vdwa erinpeelwk yajinv nyibu vdww doonyado. **5** Bunugv nyibubv rila ridungripa rinam mv jvjbv nyido tolokv rinam am riringrima riala rinam go. Vbdvdvb Moses nyika ritoku. Vdwlo nw darwknv Tombu nga mtv tvtokudw, Pwknyarnv ninyia minto, "Moodw tolo nam kaatam kunam ho gv alambv ogumvnwng nga no mvrung tvlaka." **6** Vbvrilola vjak, Jisunyi nyibugv kudungkua nga bunua kaiyanv gubv jipvku, Pwknyarnv gvla ninyigv nyi vdwgv pingkolo nw gv milv minsu dubv mvpvripv kunam angv alvyanv go hvkv aingbv, ogulvgavbolo so si alvnbv oguogu gv lvgabv milv kunamlo minggingdo. **7** Milv lvcho kunam ho mimurnam oguogua kaama bolo, lvnyi nvbv milv nga dinchi madunvpv. **8** Vbvrilola Pwknyarnv ninyigv nyi vdwgvlo rimur go paalaku nw vby minto, "Ahtu mindu, ngoogv Israel gv nyi vdwala okv Juda gv nyi vdwa anw bv milv minsudw gv alu vdww aariku. **9** So gv milv minsu jinam si ngoogv bunugv abuapa vdwa ngoogv laak lokv gakbwngla lijpt loka linggy rilo milv kunam ayumbv bv rimare. Bunu ngoogv bunua lvkobv milv kunam a bunu jwkjwkvrwk nyakuma, okv vklvgabv ngo bunua tvria kaaria kuma. **10** Ahtu mindu, vjak aarinv alu tolo so gv milv kunam sum ngo Israel gv nyi vdwgv lvkobv mvreku: Ngo bunugv mongrumara lo ngoogv pbv ngalwre okv bunugv haapok vdwlo lvklwk re. Ngo bunugv Pwknyarnvbv rire, okv bunu ngoogv nyi bv rireku. **11** 'Ahtunyi chinlakv' vla yvvka bunugv ajin vdwa vmalo namrwk vdwa, tamsar sego kaamare. Ogulvgavbolo bunu mvnwngngv nga chinreku miangyachok lokv naalaila kaiyachok lobv. **12** Ngo bunugv rimur vdwa mvngnga jireku okv bunugv rigakpanam

vdwaka mvngpa kumare." 13 Anw bv milv kunamgy lvgabv minla, Pwknyarnv minchola milv kunam anga akuaram motoku; okv ogu oguv akukunv okv ainapin kunvngv baapubv nyeedukunv.

**9** Milv chonam angv kumnamjonam lvgabv pbvb ngv doosuto okv kumnamjonam lvgabv nyi gv mvnam kumkujoku hvka dootoku.  
2 Tombu nga mvtoku, agum ya gv angv Darwknv karchung vla minto, hoka mvdurvpum tongianvnv ngv okv tvbul vla Pwknyarnv gvlo kumlwk kunam vtwng ngv dooto. 3 Anyinvbv vji torpin nvnvgv koching gv Tombu hum Darwkyachoknv karchung vla mintoku. 4 Ho hoka nampunv mwkwlmwa mwwku ain yugwng ngv dooto, okv hoka ain taktwng lo Manna ngv dootola, Aaron gv bangngi ngv anv vkv harlin tvla, okv vlwng lvngtak taknyi gulo gamki nama lvktokula, ho mvnwngngv ain lokv mvrum kunam Milvkunam Jampa gv arwnglo dootoku. 5 Jampa gv aolo cherubim vdwv dooto hvbv mvnam hv Pwknyarnv svbv dooming gvdunv vnammv, bunugv laap lokv rimur vdwa mvngnga jiku hum lapyum toku. Vbvrilola vjak ogumvnwgngna mingkimio la mindw ngema. 6 Svkvbv ho gv yikungyira vdwa mvkimvak pvtoku. Nyibu vdwv agum yangv gv Tombu lo bunugv ridungripa nga ridubv alu gv dwkia hoka aakito, 7 vbvrilola Butvyachok mvngchik Tombu gv arwng yalo aaladunv, okv nw vvbv anying nga lvkin go aadunv. Nw hoka nw gvla nyi vdwgv chimabv rimur kunamgy rimur vdwgv lvkwngbv Pwknyarnvnyi jidubv oyi ha bvngla yila aadunv. 8 So gv mvkimvakpvnam mvnwng lokv Darwknv Dow ngv rvbwngbv minbwk jido agum gv Tombu ngv doobwng dvdv redw arwng gv Darwk yachokku lamtv nga mvkok jimato. 9 Si vjakgv dw gv lvgabv kaaring sise go. So gv minam si Pwknyarnvnyi daan jinam okv svnwngsvmin erinpeelwk jinam vdw si kumnvjonv nyi vdwgv haapok ka jviv rvbwng dukubv

mvnyu mare vnammv, **10** ogulvgavbolo bunu dvnam, tvngnam,  
okv aku-aku sinv aba lokv darkak sudubv rito. So mvnwng si  
agum lo kaatamnam pbvb ngy, Pwknvyarnv gv anw bv pbvb  
mvlirilin ma dvdvlobv si pbvb doobwngre. **11** Vbvrilola so alvn  
oguogu doonv vdwgv Butvyachok gubv Kristo rila aapv kunv.  
Nw gv kudungkuariku tombu ngv kai yado okv rvbwngchingka  
yado; so gv tombu si nyi laak lokv mvma namv, hv mannv,  
si pwknamyarnam nyia mooku so gv aba gunvma. **12** Vdwlo  
Kristo Tombu lo vngtokudw okv lvkin lo dvbvsingtam lvgabv  
Darwyachok kolo aarinyi nw yabin okv svv gv oyi bvngla  
yila erinpeelwk dubv aamato; vmabvya, nw ngonugv lvgabv  
turbwngnv ringlinbaalin ha naaji tvibv atubogv oyi ha bvngla  
aayato. (*aiōnios g166*) **13** Yabin vdwgv okv svv vdwgv oyi hv okv  
svvkuu ramyok namgv mvchu ha arwanyunv nyi vdwa paksak  
rinyi, okv hv bunua arwanyula darwkmanv nga naa jilaku darwk  
dukubv mvdukunv. **14** Si jviv ngy, vkvlvgabv Kristo gv oyi lokv  
sum kaiyago darwdubv mvla dunv! turbwngnv Dow lokv nw  
atubongv Pwknvyarnv gvlo rvbwngchingnv erinpeelwk gubv  
rinlwk sitoku. Ngonu turnv Pwknvyarnvni riji ladukubv nw gv  
oyi hv ngonugv mongrumara lo arwanyu anyung kaama nvnga  
darwk dukubv mvreku. (*aiōnios g166*) **15** So lvkwngbv Kristo anw  
bv milv kunam a mvkimvak kunv angv, vkvlvgavbolo Pwknvyarnv  
gv goknam vdvw Pwknvyarnv gv milv kunam doobwngnv bokta  
nga naarwk silare. Milv lvcho nama rigvrilo nyi mvnwngngv  
rigakpatoku okv bunua naalin dukubv nyi ako sitoku vkvlvgabv  
hum rila toku. (*aiōnios g166*) **16** Seennyilen gaam lvkwngnga  
minbolo, milvkunv angv siro pvku vla kaatam rungdukubv rirung  
dukunv, **17** seen gaam minv nyi angv turdubolo, seen gaam hv  
ogu anyung kaama, siro kubolo ho kochingbv anyung dooreku.

**18** Vkvlvkwngbv milv chonam angv oyi lokv mwng rinv nvla ripv kunv. **19** Moses Pvbv lo gamkinam gaam mvnwngnga nyi vdwa japtam jichoto. Vbvrikunamv nw svv okv yabin oyi ha naala isi mvyo tvla tajar svngkio okv svlar amw tanu yalwng dubv mvnam ha rinvnvla Pvbv kitap hala okv nyi mvnwngnga paksak toku. **20** Nw minto, “So oyi si Pwknyarnv gv nonua gamki nama tvyla rilakv vla milv nama mvu pvnam hv.” **21** Vbvdvdbv Moses ka Darknv Tombu hala okv kumnvjonvnv yikungyira vdwa oyi paksak toku. **22** Rinam gvbv, Pvbv gv milam lokv kaarinyi ogumvnwng nga oyi lokv mvdar ridar toku, okv oyi lokv rimur ha mvngnga mwngtoku. **23** So oguogu vdw si nyidomooku tolokv doolin sinv jvjvnv oguogu nga mvrimgmvma namv vBV mvkakrikak dubv ritoku. Vbvrilola nyidomookugv oguogu ngv um alvyabv erinpeelwk jidubv ritoku. **24** Oulgavbolo Kristo nwgv laak lokv mvnam Darknv karchung lo aamato, hv nyidomooku tologv jvjv nvnga mvrimgmvma la mvnam hv. Nw nyidomooku tolo dadi chatoku, vjak nw ngonugv lvgabv Pwknyarnv gv kaagialo dakdunv. **25** Jius nyi vdwgv Butvyachok angv anying dwkia svnwngsvmin oyi ha bvngla yila Darwkyachoknv karchunglo aakito. Vbvrilola Kristo atubongv erinpeelwk tvbv hoka aakimato, **26** Oulgavbolo nyiamooku ha pwklinyarlin rilokv nw hindv-hindv la awgo hirukaya nga hindubv rire. Vmabvya, vjak vdwlo dw mvnwngngv nyeedu kubv nvchi tokudw nw lvkin lo dvbvsingtam lvgabv aatoku, nyia nyi gv rimur a naa jidukubv nw atubongv erinpeelwk jitoku. (aiōn g165) **27** Nyi mvnwngngv lvko sirungre okv ho kochingbv Pwknyarnvnyi jwngkadaka koreku. **28** Vbvdvdbv Kristo mvnwng gv rimur lvgabv lvkin gubv erinpeelwk jila ria jipvkunv. Nw lvkodv aareku rimur ha naa dubvma, vblrilola ywbbunudw ninya kaayala doodunv bunua ringdubaadu kubv.

**10** Jius vdwgv Pvbv ngv ogumvnwng mangv okv jwkjwkvrwk bv jvjvnv oguogua mvring namv; Si aainv alvjvnv oguogu ngam mvringlea mvnam vmwng. Anying-anying nga erinpeelwk rinam akin a ribwngla, dvbvsngtambv rinji bwngdu. Vbvrinamv oguaingbv Pvbv lo erinpeelwkku lokv Pwknyarnv gvlo aanv nyi vdwa rvbwngching nvgobv mvnyu dubv? 2 Nyi vdww Pwknyarnvnyi kumnamjonam lokv rimur aje nga jvjvbv darwk dubv mvpvkubolo, bunu rigakpala rimurnv gubv lvkodv hinsu mare, okv erinpeelwknam mvnwngngv riku mare. 3 So si vbvridu anying-anying nga erinpeelwknam si nyi vdwa bunugv rimur vdwa mvngpa modubv. 4 Ogulvgavbolo svv gvla yabin gv oyi hv vdwloka rimur vdwa naa nyula madu. 5 Vkvlgabv so gv lvkwngbv, vdwlo Kristo nyiamooku so itv tvriha nw Pwknyarnvnyi minto: "No erinpeelwk jinama okv daan jinam vdwa mvngmadu, vbritola no ngoogv lvgabv ayak amar ha mvpvripv jipv. 6 No svnwngsvmin ha apwbv yugwnglo ramji nama vmalo rimur vdwa erinpeelwklia ria jinam ham mvngpu mado. 7 Vbvrlikunamv ngo mintoku, 'Ho Pwknyarnv, ngo sinv, Pvbv kitaplo ngo lvkvng nga lwknam apiabv, ngo no gv mvngnam ha ridubv vla si doodunv.'" 8 Nw mincho toku, "No erinpeelwk rijinama okv daan jinam ha vmalo yugwnglo svnwngsvmin ramji nama okv rimur vdwa erinpeelwk nama mvngmado vmalo mvngpuka mado." Pvbv gv minam lokv soogy erinpeelwknam mvnwngnga ritoku vblrivka nw svbv minto. 9 Vbvrlikunamv nw mintoku, "O Pwknyarnv, noogv mvngnam a ridubv vla, ngo si doopvnn." Vkvlgabv Pwknyarnv kwlo gv erinpeelwknam mvnwngnga mva tokula okv hoka Kristo gv erinpeelwk nama mvlwk yapvkunv. 10 Ogulvgavbolo Jisu Kristo Pwknyarnv ninyia vbv risego vla mvngnama nw ritoku, nw gv ayakka lvkin lo

dvbsingtam lvgabv erinpeelwk jikulokv ngonu mvnwngngv rimur lokv darwk dukunv. **11** Jius vdwgv nyibu dvdv ngv alu gv dwkia nw gv ridung nga ridu okv erinpeelwknam akin ha rimbwg dvvdvo; vbvritola so gv erinpeelwknam vdvv vdwloka rimur vdwa naa nyula madu. **12** Rigvrila Kristo rimur vdwgv lvgabv akin go erinpeelwk jito, nwgv vbv rinsu namv dvbsingtam lvgabv doobwngre, vbvrikunamv nw Pwknyayarnv gv lkbik tangvlo doolwk duku. **13** Hoka nw vjak Pwknyayarnv nwgv nyimak vdwa ninyigv lypa lkwnglo lypa daging gubv naalwk ma dvdvlobv doyado. **14** Vbvrikunamv, erinpeelwknam akin lokv, yvv bunua rimur loka darwk dukubv mvkunam vdwa dvbsingtam gv lvgabv rvbwngching nvgobv mvpvkunv. **15** Okv Darwknv Dow ngv ngonua ninyigv lkwng nga minjito. Nw minchobv minto, **16** Ahtu mindu, "Aainv alu lo ngo bunua so sibv milv minsureku: Ngo bunugv haapok dvdvlo ngoogv pvbv vdwa lkwreku okv bunugv mongrumara dvdvlo lklwkla vpvreku." **17** Okv vbvrikunamv nw mindu, "Ngo bunu vdwgv rimur vdwa okv rinyingriru vdwa vdwloka mvngbwng kumare." **18** Vklvgabv vdwlo so nyi vdwgv rimur vdwa mvngnga rokunamv, rimur vdwa naa dukubv daan jinam angv vdwloka dinchi kuma. **19** Vbvrikunamv, ngoogv ajin vdwa, Jisu gv sinam lokv ngonu Darwkyachok kolo aadu kubv ajarabi ha paangam pvkunv. **20** Nw torpin sinvnv vjia—hv ninyigv ayak amar hv ho gv lokv ngonugv lvgabv anwnv okv turnv lamtv go mvkok jipv. **21** Ngonu Pwknyayarnv gv naamha kaaya kunv kairungnv nyibu go doodu. **22** Vklvgabv klai ngonu hindumnv haapok bv okv jvjvnv mvngjwng lokv mvngnying mvngsu haapok ka mvkakrikak tokula okv ayak vdwa darwknv isi lokv harkak tokula Pwknyayarnv gv nvchilo aala kuju. **23** Klai ngonu ngonugv mvngtin kunamlo hvngdwngby gakbwngchvkwng

laju, ogulvgavbolo Pwknyarnv nw gv milv kunamlo jvjvbv  
rirungre vla ngonu mvngjwng nyulanv. **24** Klai ngonu akin-akin  
nam dinchikochi bv mvngmi silaju, akin-akin a ridur minsunam  
lvgabv pakmi sinam okv alvnama kaatam silaju. **25** Klai ngonu  
kvbi vdwgv apiabv rima bvju, ngonugv kaarwk tarwk sibwng  
nama topu mabvju. Vmabvya ngonu akin-akin ha mintvmiru  
minsu laju, ogulvgavbolo nonuno chinsudo Ahtu gv aadw Alu  
hv nvchibv aanwk yaya duku. **26** Vkvlgabv ngonua jvjv nga  
chimuro kochingby, ngonu rimur ha rirung nvpv vla ribwng bolo,  
ho gv rimur aje nga naa nyulanv erinpeelwk riseyago kaakuma.  
**27** Vmabvya, busu rungbv kaaya svngv aainv Jwngkadakadw  
aluv okv Pwknyarnv gv nyimak vdwa vmv achialv gukulo  
ramyok svnga. **28** Yvvdw Moses gv Pvbv nga tvvmabv rinv  
nga jwngkadaka gvrila rimur ha kayatayanv anyi gumalo hum  
kaiagobv ribolo ho nyi tvvmanv anga aya mvngpa namgo  
kaamabv mvki riku. **29** Vbvrikunamv, yvbbunudw Pwknyarnv  
gv Kuunyilo nga toa laku, Pwknyarnv gv milv kunam oyi hv  
bunua rimur loka darwknv gobv mvkakrikak kunvnga miang  
nvgobv mvnglarila okv Dow gv anyubv aya nga miyakayala rinv  
nyi ogubv mvreku kudw? Mvngka toka vdwgo mvngchi manam  
alvmanv mvrit riritla risego nw rilwk sipvku! **30** Ogulvgavbolo,  
“Ngo mvrwk sire, ngo mvttv ngurvre”; okv vBVKA mintato, “Ahtu nw  
nwgv nyi vdwa jwngkadaka reku,” vla minv anga ngonu chindu.  
**31** Turbwngnv Pwknyarnv gv laaklo holwk kunam si achialvbv  
busu rungnam gubv ridu! **32** Vngnyi kunv anying alu lo oguaingbv  
nonu ripvdakpv kudw mvngka tokuka. Pwknyarnv gv loung ngv  
nonua ungkaroo kochingby, nonu achialvbv hirukaya nga hintoku,  
rigvrla nonu ho gv hirukaya nga riya yaku matoku. **33** Nonua alu  
golo nyi vdwgv kaakulo rinyingriru bv rilwkla okv hinying rilwkla

ritoku, alu gunv golo kure nonu ho gv hinyinghiru svbv hin  
vdwgvlo aapwngla lvkobv reming gvnwng laku mvkimvak pvla  
dootoku. **34** Nonu patwk tumnam vdwgv hirukaya nga himing  
gvto, okv vdwlo nonugv yikungyira nga dvrit ropv kudw, nonu ho  
ngoonam ha mvngpu yala saktv toku, ogulgavbolo nonu alvyanv  
okv doobwng jinv yikungyira go ngonu paayadu vla chinsudo. **35**  
Vbvrikunamv, nonu mvngrw nama nyemu mabvka, ogulgavbolo  
hv kairungnv amina lvkobv gvlwkla aadunv. **36** Nonu Pwknyarnv  
gv mvnglwkbv rinam lvgabv okv ninyigv milv nama naarwksinam  
lvgabv saktv yanam hv dinchi dunv. **37** Vkvlgva Darwknv Kitaplo  
mindu, “Achukgo ayungjvma nga, yvvdw aadungdunv aare; nw  
ajvamv nvgorv rimare. **38** Ogubv rijeka, ngoogv darwknv nyi  
vdwv, mvngjwngre okv turreku; vbvritola bunugv lokv akonv  
dakkur kubolo, ngo bunu gylo mvngpu kumare.” **39** Ngonu  
dakkur la okv ngookunv nyi ngvma. Vmabvya, ngonu mvngjwng  
doonv okv ringnam a paakunv.

**11** Mvngjwng doodubv rinam si ngonugv mvngtin nama  
paarungre vla mvngnam mv, ngonugv kaapa nyula manam  
oguogua jyjvbv dorungdunv vla mvngnamv. **2** Krimklu gv nyi vdwv  
bunugv mvngjwng kolokv Pwknyarnv gv torwksinama paayatoku.  
**3** Mvngjwng lokv ngonu chindu Pwknyarnv gv gamchar lokv  
chinggodogo nga pwklinyarlin pvnv, vklvlgavbolo kaapanam vdw  
si kaapa manam lokv mvlin pvnv. (aiōn g165) **4** Mvngjwng ngv  
Abelnyi Kein nyimam svnga alvyabv Pwknyarnvnyi erinpeelwk  
jimoto. Ninyigv mvngjwng lokv nw Pwknyarnv gylo darwknv  
nyi gubv torwksinama paayatoku, ogulgavbolo Pwknyarnv  
atubongv ninyigv erinpeelwk jinama torwk sitoku. Abel siro  
kujeka, ninyigv mvngjwng ngv vjaklodvbv gaam raadungdo. **5**  
Mvngjwng ngv Enoknyi simu mato. Vmabvya, ninya Pwknyarnv

gvlo naacha toku, yvvka ninyia mapa matoku, ogulvgavbolo  
Pwknyyarnv ninyia naacha rotoku. Darwknv kitaplo mindu ninyia  
naacha madv yika Enok Pwknyyarnvnyi mvngpu dubv ritoku.  
**6** Mvngjwng kaamabv yvvka Pwknyyarnvnyi mvngpu dubv  
rinyu mare, yvvdw Pwknyyarnv gylo aadudw hv Pwknyyarnv  
doorungdo vla mvngjwng rungtoka okv yvvdw ninyia makar  
dunv um amina jire. **7** Mvngjwng lokv Noah Pwknyyarnv gv  
gamrw vdwa aainvlo, nwgv kaapa manam oguogu gv lvkwng  
nga tvvpa toku. Nw Pwknyyarnv gv minam ha tvvtoku okv svpw  
go pwktoku ho nw la okv nw gv vpin v ringnam ha paatoku.  
Vbvrikulokv nyiamooku hv miyakaya kotoku, okv mvngjwng lokv  
aanv darwkchongjor ha Noah Pwknyyarnv gvlo naarwk sitoku. **8**  
Mvngjwng lokv Abraham Pwknyyarnv gv ninyia diringmooku  
jinvpv vla milv kunam diringmooku lo vnglin yikv vla kanamla  
minam ha tvvtoku. Nw ogolo vngtv dunvdw um chimatola  
atubogv diringmooku nga vngyula vngtoku. **9** Mvngjwng lokv nw  
Pwknyyarnv gv ninyia milv kunam diringmooku lo nw nyebunyi  
gubvrila dootoku. Nw tombu lo dootoku, Isaak ka okv Jakob ka,  
bunyi Pwknyyarnv gylokv milvnam akin ha paatoku. **10** Abraham  
Pwknyyarnv gv doobwng dubv lvngtung dwlwkla, kaapu tain dubv  
mvlwk rilwkla pamtv mvnam ha kaayala dootoku. **11** Mvngjwng  
kolokv Abrahamny abu gubvrila moto, nw achialvbv nyikam  
kubvka okv Sara ka nyirium nvgorv rikubvka. Nw Pwknyyarnv gv  
milv namarirungre vla mvngjwng toku. **12** Abraham sikunv jvbw  
rikubvka, so nyi akin lokv nyido gv takar vdw jvbw okv svmasa gv  
adarai lo kila manam chokri aingbv husi hv doolin pvkunv. **13** So  
nyi mvnwng si mvngjwnglo sinya toku. Bunu Pwknyyarnv gv milv  
kunam yikungyira vdwa naarwk sima toku, vbvritola adu lokv  
bunu kaapato okv bunu torwk sitoku, okv bunu sicingmooku

so nyebunyi gubv okv ngookarkunv nyi gubv mvngbwk sutoku.

**14** Yvvbunudw svkvnv vdwa mindunv bunu atubogv lvgabv  
diringmooku ako makardu vla minbwk jitoku. **15** Bunu bunugv  
vngyu rokunam diringmooku gv lvgabv mvngbvmato; bunu vbv  
mvngnv guilo, bunu vngkur dukubv agi paapikui. **16** Vmabvya,  
bunugv paadubv vla mvngdv-mvngdv kunam diringmooku angv  
alvyauung nvgo, hv nyidomooku tology diringmooku go. Okv  
vkvlvgabv Pwknyarnv bunugv ninya ngonugv Pwknyarnv vla  
minjeka nw hinying matoku, ogulvgavbolo nw bunugv lvgabv  
pamtv go mvpvripv jitoku. **17** Vdwlo Pwknyarnv Abrahamnyi  
rikwripak tokudw mvngjwng ngv Abrahamnyi nw gv kuunyilo  
Isaaknyi erinpeelwk segubv mvla jitoku. Abraham Pwknyarnv  
gv milv jikunam angv, vbvritola nw atubogv kuunyilo akin a  
erinpeelwk riji dubv doya toku. **18** Pwknyarnv ninya minto,  
“Ngoogv naa husi doolinre vla milv kunam anga Isaak gvlokv  
doolinre.” **19** Pwknyarnv Isaaknyi sinam loka turkur moreku vla  
Abraham mvngtinto—okv, vbv mvngku lokv, Abraham Isaaknyi  
sinam loka paakor toku. **20** Mvngjwng ngv Isaaknyi Jakob gvla  
lsau gv aainvlo bokta paaji nama milv motoku. **21** Mvngjwng  
ngv Jakobnyi ninyigv sitv madvbv Josep gv kuunyilo vdwa  
bokta jilwk moto. Nw atubogv bangngi nga kvtor sila baabw  
tola Pwknyarnvni kumtojotoku. **22** Mvngjwng lokv, Josep nw  
gv sitv tvrilo, Israel nyi vdwgv ljipt lokv vnglin kuse nga minto,  
okv ninyigv svma nga ogubv rise ngvdw um gaam minla vvpv  
jitoku. **23** Mvngjwng lokv Moses gv anv-abua ninya bvngro  
kochingbv poolu pwvngo vvsı nyutoku. Ninya bunu kaapunv  
kuunyilo gubv kaanyato, okv bunu dvbv gv orto nga tvvmabv  
rise nga busu matoku. **24** Mvngjwng lokv Moses vdwlo kai  
tokudw nw dvbv gv kuunyijar gv kuunyilo gubv minku svnga

maakv vtoku. **25** Nw rimur rila achukgo ayungjvma go himpukain bv svngse yanga kayu tvla Pwknyarnv gv nyi vdwa lvkobv hirukaya yabv svngse nga mvngyato. **26** Nw ljipt gv nyitv nyigam nvnv yikungyira ngam svnga Kristo gv lvgabv hinching chingya svnga arv doya nvgobv mvngyato, ogulvgavbolo nw nyik v aainv amina kaagapto. **27** Mvngjwng ngv Mosesnyi dvbv gv haachi a busu madubv mvtola ljipt mooku a vngyu motoku. Ho nw kaapa lamanam Pwknyarnvnyi kaapanam aingbv, nw vngkur kuse nga maakv vtoku. **28** Mvngjwng ngv ninyia Israel nyi vdwgv kuunyilo bvngtu vdwa Sinv Nyidogindung vdww mvki madubv naam agi gwngtung lo oyi paksak lakv vla mimula vbvrila vngbo dvmmin ha rilin motoku. **29** Mvngjwng lokv Israel nyi vdww lwngchingnv svmasa nga dvpw lo vngnam apiaby vngbola vngrap toku; vdwllo ljipt nyi vdww vBV ritv tvvtokudw, bunua isi hv dvmit toku. **30** Mvngjwng lokv Israel nyi vdww alu kanw go bunu Jeriko gv vlwng svlung vdwa vngyt karto kudw vlwng svlung vdww yaktoku. **31** Mvngjwng ngv Yooriak karnv Rahabnyi Pwknyarnvnyi tvvmanv nyi vdwa lvkobv siming gvmumato, ogulvgavbolo nw Israel nyimak makru runv vdwa ajin-amin aingbv alvbv torwksinam lvgabv. **32** Ngo mindv dubvre? Ngo Gidion, Barak, Samson, Jepta, Dabid, Samuel okv nyijwk vdwgv lvkwng nga mindubv dw ngv chiyoma. **33** Mvngjwngnam lokv bunu diringmooku mooku mvnwng dvdv nga nyimak pala paaya yatoku. Bunu tarwk nvnga rinyato okv Pwknyarnv gv milv kunam ha naarwk sinya toku. Bunu abwngapa vdwgv gaam ha mvttum nyatoku, **34** maatarbv gunv vmv nga mvngit nyatoku okv riokse lokv paki koomabv kitoku. Bunu lvvkumanv vdww, vBvritola gwlwk nyatoku; bunu nyimaklo torbin lvvbin yanv gubvrila okv nyebu nyi vdwgv sipai vdwa myva yatoku. **35** Mvngjwng lokv

nyimv vdwv bunugv amiasa sikunv vdwa turkur dukubv paatoku. Kvbi vdwv, ajarabi nama torwk simare vla turkur lakula alvyabv svngyakunam lvgabv mvdwkmvku kolo sinya toku. **36** Megonv vdwa nyarjikaula okv svnyak patoku, okv kvbi vdwv jaako lwkla okv patwklo boolwk nyatoku. **37** Bunua vlwng orki nyato, bunua hari lokv tungnyi gubv peetung nyatoku, bunua riokse lokv paki nyatoku. Bunu svlar okv yabin gv apin vdwv vji bv kotola vnggo karnyato—heema nyato, mvdwkmvku nyato, okv mvjikmvbik minto. **38** Tanyi mooku si bunugv lvgabv alvnvgobv riyomato! Bunu diringmooku mooku kaamanv nyi jvbw rinyaala chukrimooku lo okv moodw vdwlo ngookar nyatoku, lvngpwk vdwlo okv kvdw ungrung vdwlo doonya toku. **39** So gv lvkpvla pvvnam dvdv si bunugv mvngjwng lokv yaanam dvdv ngv! Rigvrila bunu Pwknyarnv gv milv nama naarwk sima toku, **40** ogulvgavbolo Pwknyarnv ngonugv lvgabv alvyanv rungnam go rungpv jiyato. Ninyigv mvngnam mv ngonu lvkobv rila bunu rvbwngchwgng kunv gubv rire vla mvngtoku.

**12** Ngonua lvkobv svkvnv kayatayanv kairungnv nyipam gobv ngonua dooyumdo. Vkvlgabv ngonugv lamtvlo ogugo mvtumritum dudw ho vdwv mvala okv rimur hv ngonua jarbwngla rwkrwk mvla gakbwngla doodunv vdwv mva silaju, okv ngonu lamtv joktu jokse nga haapok jila jokla juka. **2** Klai ngonugv nyikkv Jisuni rogap laju, ninyi gylo ngonugv mvngjwng ngv atok lokv ataranya lobv mvngging dunv. Nw gv aainvlo mvngpu paase nga, nw daapo gv lvkwngbv topak matoku! Vmabvyu nw daapo lo hinyinghirula sise lvkwngbv ogubvka mvngmato, okv nw vjak Pwknyarnv gv dvbv dooging gv lakkik tangvlo doodukunv. **3** Nw ogugo ripv kudw um mvngkato, rimurnv nyi vdwgv achialvbv kaanwng mabv rinam a oguaingbv nw

saktvla rito kubvdw! Vkvlgabv nonuno atubongv mvngju sila topu mabvka. 4 Nonugv rimur ha turmilarmi sikulo nonu sinam nyenam gubv rimi siyo madv. 5 Pwknyarnv gv nonua ninyigv kuu aingbv mintvmirula minam gamchar vdwa nonu mvngpa kuma lare? "Ngoogv kuu anga nga vdwlo Ahtu nam minsar nama tvvgap laka, okv vdwlo nw naa yamredw no mvngju simabvka. 6 Ogulgavbolo Ahtu nw gv paknam mvnwngnga nw minsar dunv, okv nw gv kuu anga jvbw torwksinama nw mvriririt dunv." 7 Nonunogv hinching chingnam a abu gv mvririritnam gubv no saktv laka; nonugv hinching chingnam lokv kaapadu Pwknyarnv nonua nw gv kuu ayingbv mvgvdu. Abu gv mvdkmvku manam kuu anga go dobv lare? 8 Nonuno nw gv kuu mvnwng vdwa mvnam apiabv, nonua mvriririt madubolo hv many nonu nw gv jvjvnv kuu vdwwma, vbvritola dvchoyirv nvgv kuu vdww. 9 Tanyi amar lokv ngonugv abu vdwlo minbolo, bunu ngonua mvdkmvku do okv ngonu bunua mvngdv dunv. Vbvrikunamv, ngonugv yalu gv Abu lo ngonu vdwgo tolwklaklwk sirungla ridudodu kubv ridukunv! 10 Ngonugv tanyi amar abu vdww ngonua dw achuk gv lvgabv mvdkmvku namv, kaarinyi bunu riinbv ridu; vbvritola Pwknyarnv um ngonugv alvnam lvgabv ridu, vklvgavbolo ngonu ninyigv darwk nama baak paamwng gvdubv. 11 Vdwlo ngonua mvriririt rikudw, kaarinyi hv ho dw lo mvngpu lvgabvma, ngonua mvngru monam lvgabv. Vbv yvv bunua mvririritla tamsarnam vdww aainvlo tarwkbaakbv turnam okv sarsopoyo gv amina paariku. 12 Vbvrikunamv, nonugv laakyu kunv laak kv idung toka, okv nonugv jinjinrumrumnv lvgwng ngv gwlwk motokuka! 13 Sorchinv lamtv vdwlo vngkar dvdv toka, vklvgavbolo lvpiknv lvpv ngv vngnyu mabv rima dubv, vbvritola poyadukubv. 14 Mvnwngnga sarsopoyo bv ribam

dubv rikw laka, okv darkbv turdubv rikw laka, ogulvgavbolo vbv  
rimabv yvvka Ahtunyi kaapa mare. **15** Pwknyarnv gv anyuaya  
lokv dakkur svnga hima sutoka. Yvvnyika kvvchaknv singnv ngv  
svngchala okv chumdwk lokv achialv gonyi adwkaku monam  
aingbv rimu mabvka. **16** Yvvnyika lsau gv jvby gwngngmurla  
vmalo darwkmanv gubvrila, lvkin go achin dvnam mvngchik gv  
lvgabv nw gv achi gubvrila kaiyabv yikungyira paase nga pyogga  
sinv aingbv rimu mabvka. **17** Nonuno chindu, ho kochingbv nw  
abu gv bokta nga naark sidukubv mvngtoku; nw nyikla sarla  
makar kubvka abuv ninyia hvngkur toku, ogulvgavbolo nw riro  
kunam ha lvkodv ridin dukubv lamtv kaaku matoku. **18** Nonu  
Israel nyi vdwgv aanam aingbv aama, nonugv hinla jinamy, Sinai  
Moodw lo vmv gugo dybv, kanv pulwkla okv kanv jikriak to,  
doogumdoori rila, **19** pungli tapu akogv dunam v, okv vlv gv adu  
v, vdwlo nyi vdwv vlv adua tvtokudw, bunu gamchar gudv tvvmu  
kumabvkv vla kootoku, **20** Oulgavbolo "Svnwngsvmin gunvka  
moodw am mvsit bolo, um vlwng orki runglaka." Vla ortojinam  
ha bunu tvvnyu kuma toku. **21** Bunu kaanamv achialvbv busu  
kaapa toku vbvrila Moses mintoku, "Ngo busula okv jinjinrumrum  
pvnv!" **22** Vbvrilola, nonu Jayon Moodw lo okv turnv Pwknyarnv  
gv pamtv nyido mookugv Jerusalem lo, hoka hejar-hejar bv  
nyidogindung vdwgv doopam kolo, hoka nonu aatoku. **23**  
Pwknyarnv gv kuunyilo bvngtu mvnwng gv amina nyidomooku  
gv kitaplo lvkp duku ho vdwgv himpu mvngpula doopam kolo  
nonu aaduku. Pwknyarnv gvlo aadu yvvdw nyi nga jwngkadaka  
dunv, okv alvnv nyi vdwgv dow nga rvbwng mokunam vdwgvlo  
nonu aalwk duku. **24** Anw bv milv kunam ha mvkimvak pvkunv  
Jisu gvlo nonu aadu, okv Abel gv oyi sarnam ha alvyanyv ogu  
milvla oyi paksakku ho aalwkduku. **25** Vbvrirkunamv, nonu

hima sulaka, okv yvv japdudw ninyi tvyya mabv riyoka. Yvvdw akonvgv Sichingmooku so darwknv doin japnam ha tvvmabv toa kunv vdwv ringsu lamanyato. Vbvrikubolo, nyidomooku tologv japnv anga ngonu dakkur kubolo achuk guka ringsu lajiku kaama! **26** Ho gv dw lo Ninyigv vlv ngv Sichingmookua hwkdinto, vbvritola vjak nw milv toku, “Ngo lvkodv Sichingmookua hwkdn mwngmare nyidomooku haka hwkdn re.” **27** “Lvkodv” vnam gamchar lokv kaatamdu pwknamyarnam oguogu vdw si hwkdn reku okv naala naa riku, vbvrikubolo hwkdn nyumanv oguogu vdwv doobwngre. **28** Vbvrikunamv, klai ngonu umbonyikv vla kuju, ogulvgavbolo ngonu hwkdn nyumanv karv nga naarwk supvku. Klai ngonu Pwknyarnvnyi busula achialvbv mvngdvla, ogunv lamtv lokv ninya mvngpu dubv rise ngvdw umbonyikv vla ninya kumlajola kuju; **29** ogulvgavbolo ngonugv Pwknyarnv jvjjv bv mvyakmvchaknv vmv ngv.

**13** Kristan nyi vdwbv akin-akinha pakmi sibwng laka. **2** Nonugv naam lo nyi kaachin manam vdwa aamunam lvgabv mvngpa mabv riyoka. Nyi megonv kvlo vbvrila oguchimabv nyidogindung vdwa aamula ritoku. **3** Yvvbunudw patwklo doodudw, nonuno bunua lvkobv patwklo dooming gvniam aingbv mvngpa laka. Yvvbunudw hinching chinla doodudw, nonuno bunua lvkobv hinching chingmin gvniam aingbv mvngpa laka. **4** Nyida nga nyi mvnwng gv mvngdvnam gubvka, okv nywngnyili vdwv jwkjwkvrwk minsu dubv rimi sirung laka. Yvvbunudw gwngmur dunv okv yvvbunudw nywng nyilubv ritola kvvbi vdwa doogvkargv dunv Pwknyarnv bunua jwngkadaka reku. **5** Nonugv singnamlo morko nga mvngbiu namlo adu laka, okv no hvkamgo doopvdw hum nyumchi nvgobv rito laka. Okulvgavbolo Pwknyarnv mintoku, “Ngo vdwloka nonua vngyu mare; ngo vdwloka nonua

topak mare." 6 Vbvrikunamv, klai ngonu mvngrw dvla vbv minlaju, "Ahtu nga ridur rianv, Ngo busu mare. Yvv nga ogu rila rinv?" 7 Nonua Pwknyyarnv gv doin a jajikunv kkvlo gv rigvdogvnv vdwa mvngpa laka. Mvngkor kaatoka bunu oguaingbv svngpvripv kudw okv sipv kudw, bunugv mvngjwng nga riming gtvo laka. 8 Jisu Kristo meru jeka, silu jeka, okv dvbvsingtam lojvka akin v. (aiōn g165) 9 Nonua angu-angusinv tamsar vdww jvjvnv lamtv loka vnggv koma bvka. So si Pwknyyarnv gv anyuaya lokv ngonu arwng gwlwk naarwksinam si alvdu, okv dvnamtvnngnam gv lvkwngbv pbv nga tvvnam lokvma, yvwbunudw so pbv sum tvvdunv ho vdww bunu gvlo ridur paamato. 10 Jius vdwgv kumkujoku mooku lo nyibubv rila ririanv vdww ngonugv erinpeelwk lwkku yugwng lokv ogugoka dvla madunv. 11 Jius Butvyachoknv angv svnwngsvmin vdwgv oyi a rimur vdwgv lvgabv erinpeelwk jidubv Darwyachoknv Karchung lo bvnglwkd; vbvritola svnwngsvmin gv ayak vdwa tombu gv agum lo vmv ramyok do. 12 Vklvkwngbv Jisu ka nw atubogv oyi lokv nyi vdwa rimur loka darwk dukubv mvnam lvgabv, pamtv gv agum lo sitoku. 13 Vbvrikunamv, klai ngonu ninya lkvobv tombu agum lo vngla okv ninyigv hiningv nga gvpingvin minggv laju. 14 Vklvlgavbolo ngonugv lvgabv Sichingmooku so doobwng jinv pamtv kaama; pamtv aaajinv anga ngonu makar dunv. 15 Vbvrikunamv, Jisu gv amin lokv ngonu Pwknyyarnv gv amina kaimonamv hv ngonugv erinpeelwk gubv mvla alu gv dwkia ninya jire, ho daan hv nabor lokv jinamv, yvvdw ninya Ahtu vdnu. 16 Alvnv kudungkua rinam okv akin-akin a ridur minsu nama mvngpa mabv riyoka, ogulgavbolo svbvrinam si Pwknyyarnvnyi mvngpu dubv erinpeelwknam vdww. 17 Nonua rigvdogvnv vdwgv minam ha tvilarilaka okv bunugv mingkulo vngming

gvlaka. Bunu doonudaknu mabv nonugv yalu a kayatayado, ogulvgavbolo bunu bunugv kudungkua rinam ha lvkp v nama Pwknyarnvnyi jidukubv rirungdu. Nonuno bunua tvvboribolo, bunu kudungkua nga mvngpula rire; vbvmabolo, bunu um mvngru dula rire, okv hv nonugv lvgabv ridurnam gubv rimare.

**18** Ngonugv lvgabv kumbv laka. Ngonu jvjvb mongrumara ngv mvngbwk dunv, ogulvgavbolo ngonu dw mvnwnglo jvjv nvnga ridubv mvngdunv. **19** Okv ngo nonua achialvbv koola mindunv Pwknyarnv nga nonu gylo baapubv vngkur monam lvgabv kaiyayabv haapok jila kumto laka. **20** Ninyigv erinpeelwk sula siji kunam gv oyi lokv kairungnv svlar kaaya nvbv rinv ngeonugv Ahtu Jisuni Pwknyarnv siku nvnga turkur motoku, vbvrinam hv doobwngnv milv nama mvu pvvnam mv. (*aiōnios g166*) **21** Sarsopoyonv Pwknyarnv nw gv mvnggiabv rinam lvgabv nonua alvnv ogumvnwgngna jigg yika, okv Jisu Kristo gv lokv nw gv mvngpubv ngonua rilaka. Okv Kristo dvbvsingtam bv yunglit nvgobj ribv laka! Amen. (*aiōn g165*) **22** Ngoogy ajin vdwa ngo nonua kodwkrwkla mindunv, so gv mintvmirunam doinha saktv tyla tvyya laka; ogulvgavbolo ngoogy nonua siti lvknam si awgo asuma. **23** Ngo nonua ngeonugv boru Timoti patwk lokv linpvku vla chimuso mvngdu. Nw baapubv aaku namgo kaabolo, vdwl ngo nonua kaarikudw ngo ninya ngo lvkobv aagvriku. **24** Ngeonugv kumrwklvtak ka rigvdogvnn vdwa okv Pwknyarnv gv nyi vdwa jiji laka. Itali lokv mvngjwngnv vdww nonua bunugv kumrwklvtak ha jilwk nyadu. **25** Pwknyarnv gv anyuaya ngv nonu mvnwng gylo lvkobv doolaka.

## Jems

**1** Ahtu Jisu Kristo gv okv Pwknyarnv gv pakbu akobv rinv, Jems lokv: Pwknyarnv gv nyi bv rinvdonv nyiamooku mvnwng lo tolobolo bv doogodoyit karnv vdwa kumrwlvtaksinam gaam am jilwk dunv. **2** Ngoogv ajin vdw, vdwlo nonugv lamtv lo nvgwng mvnwng gv hindwkkaku ngv aaajvka um alv yanvbv mvngpu gyva tvlaka, **3** Vkvlgavbolo nonu chindu vdwlo nonugv mvngjwng namv jwngjwk dubv ritvrinyi vkvnv hindwkkaku namv doodu, kaakakunamv vv nonugv rilagvnb am paamu dunv. **4** Hinchingla rinamv nonugv lamtv mvnwng lo gimup momabv vnggvla ridubv mvrung dunv, vklvlgavbolo hoka nonu rvbwngching laduku okv ripwngrinya laduku, oguguka achialin manamgo kaama laduku. **5** Vbvratola nonu gvlo mvngkimvnglak madu bolo, Pwknyarnvnyi kumrung tvlaka, hv nonua jire; ogulgavbolo Pwknyarnv jinwngnam dvdv nga okv mvnwng nga jinv ngv. **6** Vbvratola vdwlo nonu kumredw, nonu mvngjwng rungto laka okv ogumvnwng nga mvngngum dvdvla riyoka. Yvvdw mvngngum la ridudw hv svmasa lrvlpva lo doori mila oogv sibu nuunam aingbv ridunv. **7** Nonu oogv aingbv ridubolo, nonugv mvngrum aralo mvngla manv okv rinam dvdlo mvngpi lakmanv, Ahtu gvlokv nonu oguguka paanvpv mvngla rungmare. **9** Heema bv rinv kristan vdvv vdwlo Pwknyarnv heema lokv nyitv dukubv bunua laacha rekudw um mvngpu rungto laka, **10** okv nyitv bv rinv kristan vdvv vdwlo Pwknyarnv heema dubv bunua laalu rikudw vvka mvngpu rungto laka. Vkvlgavbolo nyitv vdvv mootum apung gv siriuria nam aingbv riri nvpv. **11** Doonyi gv chaatarchanya ikunyi agurusok lakula okv nvsinnvmwng nga sinsuk mola kaayuk duku; ho apung ngv hoolahuaa duku, okv vkgv kaapu vka nyeduku. Oogv aingbv bunu korvpachu rikwng

jvka nyitv ngv nyenam bv nyerek. **12** Hindwkkaku nga hinjeka yvvdw mvngjwng nga vngdwng bv vvpvla ridunv hv himpu am paare, vkvlvgavbolo vdwlo bunu vkvnv rikwhingkw namv vngbo rikudw, Pwknyarnv gv paknam vdwa jidubv vla milpvvnam oogv turnam amin am bunugv paasvnga bunu paareku. **13** Ngonu svkvnv pokayarka namgo aajvka, "si Pwknyarnv gvlo aadunv vla mirung mabvka." Vklvgavbolo Pwknyarnv alvmanv lokv pokayarka madunv, okv nw awv yvvnyika pokayarka madunv. **14** Vbbritola ngonua pokayarka la ridunam si vdwlo ngonu mvngjimvngro la okv atubogv alvmanv mvngnam lokv kuplwksudu. **15** Vbvrinamv ngonugv alvmanv mvngjimvngro nama gvvbum pvvku lokv okv rimur am kuu bv bvnglin duku; okv rimure, vdwlo akomaring rikudw, vv sinam bv bvngdu kunv. **16** Ngoogv ajin vdwv, Kupku yoka! **17** Alnv amin dvdv ngv okv ogumvnwng vjvgv rilak rikunamv nyidomooku lokv aadunv; vv Pwknyarnv gv lokv aadunv, nyidomooku gv ungbiatata gvnv nga Pwklinyarlinnv ngv, oogv vdwloka akupav manv vmajvka kanv kaamanv. **18** Vklvgavbolo ninyigv pwknamyarnam dvdvlo ngonuv atuake lo dooch modukubv vla, ninyigv awgv mvngnam lokv ngv vkvgv jvjvrungnv gaam lokv ngonua laalwk toku. **19** Ngoogv ayanam ajin vdwv, sum mvnggap tvlaka! nyi mvnwng ngv nonu baapu alvbv tvvgap rungto laka, vbkritola gaam minam am tapv bv minto laka okv dokchachaba nvgobv riyoka. **20** Nyia haachi gv sakcha namv Pwknyarnv gv darwkchongjor mvngdung nga paama dunv. **21** Vklvgavb gv ogumvnwng gv kasingkanyak okv alvmanv rigvdogvnam dvdv nga um kayu tvkuka. Oogv nonua ringlin lajikunv, Pwknyarnv gvlo laklwk sutoka okv nonugv haapok lo vkvgv gamchar jilwk nama laarwk suto laka. **22** Nonuno ninyigv gamchar am tvvny mvngchik gobv

ridula atu nvnga kupsu yoka; vbvmayabv gamchar yanga tvvla  
rinvdagnv gobv rito laka. **23** Nonu gamchar am tvvngobv ridula,  
vbvritola rinvdaknv gobv rima dubolo nonuno vkvnv nyi aingbv  
ridu oogv tumuyalu lo awv nyukmu am bunu atubogv oguaingbv  
ripvdw kaasu mvngchik sunam aingbv ridu. **24** Bunu atubogv  
aw am lvkingo alvjvbv kaasu pikula okv vngreku okv vjakpiak  
bv bunugv aw kaasu nama oguaingbv ripvdw um mvngpa  
sukumare. **25** Vbvrilola oogv nyi am ajarabi bv rimu kujinv  
Pvbv rvbwngchingnv um alvjvbv kaanvk chikvk la, okv alvjvbv  
tvvgap la okv tvvnam mvngchik bv tvvmabv okv vBV mvngpa  
mabv rimabv okv vbvritola rinvdaknv gobv ribolo—nonuno ogugo  
ridudw Pwknyarnv nonua boktalwkjire. **26** Nonu yvvla mvngdunv  
nonuno dormo ridunv? Nonugv riu am laatung sima dubolo,  
nonugv dormo rinamv anyung kaama nvbv ridu okv nonuno  
atubonga kupsu dunv. **27** Pwknyarnv Abu gv mvnglwk bv  
darwvla okv dormo rijwknam si: opin okv hvngmi vdwa bunugv  
hindarkaso am kaagurnam okv nyiamooku sokvgv alvmanam  
am atubongv kaachingkaamu sinam um rijwk nvbv tulwkdu.

**2** Ngoovg ajin vdw, ngonugv Ahtu Jisu Kristo gv yunglit gv  
Ahtunyi mvngjwngnv gobv ridula nonuno vdwloka nyi vdwgv aolo  
gvnambunam am kaala vBV angusibv riyoka. **2** Nyitv nyi go ain  
lakchap gvvnv okv alvnv vji koov go, okv heema nyi vji jeinjipen  
koov go doopam lo aabolo **3** um nonuno oogv vji alvbv koov  
um alvyasin bv mvngdv la, ninyia mindu, “alvychoknv dotum so  
dootoka vdu,” vbvritola heemanv nyi am mindu, “alo daktoka vdu,  
vmalo nyopia sika ngoovg lvpv kampwk lo dootung tvka vdubolo,”  
**4** vBVrikunamv nonugv aralo atubongv akiumariam la rigak  
palindu okv alvmabv mvngnam lo jwngladala riduku. **5** Ngoovg  
aya minsunam ajin vdwv, tvvgap sitoka! nyiamooku soogv

heema nyi vdwa, mvngjwng lo nyitv dubv okv oogv yvvdw ninyia pakdudw karv lo doopa dubv hv milpvvla rikunam um paamu dukubv vla Pwknyarnv darpv kunv. **6** Vbvritola nonuno heema nga mvngdv madu! yvvdw nonua heema vdwa minjapminrap jinv okv nonua jwnkadaka jinv gv kaagialo svvlin kujinv? nyitv vdw! **7** Vv bunu laka oogv nonua alvnv amin jinam am alvmabv minjinv ngv. **8** Nonu Karv gv Pvbv am tvvdu bolo vv nonu alvnv kudungkua nga ridungdu, oogv Darwknv kitap lo kaapanam aingbv, “nonugv aw am paksunam aingbv namrwksuku aka paktoka.” **9** Vbvritola nonuno nyi gv aolo gvnambuknam am kaala ridubolo, nonuno rimur lo rigak paklwkdu, okv Pvbv ngv nonua pbv mvkmvrwk yanv ako bv miyakaya la riduku. **10** Yvvdw Gamkinam akin gonyi mvkmvrwk jipvdw vv Gamkinam mvnwng nga mvkmvrwk yanv gobv ridunv. **11** Hogv minv akinnv minto, “yojuk nvgobv rimabvka,” vbvka mindvto, “nonuno gwngrw gwkyoka.” Nonuno yojuk nvgobv rima jvka, gwngrw gwknv gobv ribolo vvka Pvbv mvyak nvgobv rire. **12** Nyi vdwgv oogv pbv lokv ngonua anyutaku bv taalin dukubv jwngkadaka la rinam aingbv mintoka okv ritoka. **13** Holvgabv yvvdw ayanam kaamabv vdwlo hv nyi am jwngkadaka la ridudw um Pwknyarnv aya ngam kaatam la rimare; vbvritola aya ngv anyungjenga jwngkadaka nga rigum yadunv. **14** Ngoogv ajin vdw, nonu nyigonv mindu nonu gvlo mvngjwng dunv vla mintola gwngnamsingnam go nonu gvlo kaatam mabolo vv alvnam vri? Hoogv mvngjwng namv ninyia ringla redw? **15** Achiboru gony majvka anyibormv gony vji kosv go koopa manv okv dvnamtvngnam dvsvo kaama nvgo dobolo. **16** Nonuno bunua mdurridur matola vvb mire, “Pwknyarnv nonua boktalwkji laka! aw am hagurusuk bv dooladakla ka okv alvbv dvlatwnglaka!”—vla vvb mimbolo vv alv

nvngvdw? 17 Vkvlgabv mvngjwng mvngchikla: vv rimwng bolo,  
rinamgwngnam go dootak mabolo, vBVrikunamv sinamv. 18  
Vbbritola nyigonv mire, “akonv mvngjwngla rinamv doodu, akonv  
gwngtamritam la rinamv doodu vnam sum” ngoogv mirwdunv si,  
“gwngtamritam madula mvngjwng mvngchiknv yvvdw doodunv  
ngam kaatam laka. Ngo gvbv ngoogv mvngjwng sinama nonua  
ngo gwngtamritam nam lokv kaatamre.” 19 Pwknyarnv akin  
mvngchikgo doodunv vla nonuno mvngjwng dunvre? Alvdo!  
uyuvram vka mvngjwng dunv—okv busu dula hvkdwsekyakdu.  
20 Nonu nyiposoyo vdw! Gwngtamritam namgo kaama tvla  
mvngjwng namv anyung kaama vla kaatam nwngdu nvre?  
21 Ngonugv abuapa Abraham oguaingbv Pwknyarnv gvlo  
tarwkbak bv doopvn? Vv ninyigv kuunyilo akina Isaaknyi hv  
vdwlo Pwknyarnv gvlo erinpeelwk jidubv yugwngmvrwng hoka  
jilwkla gwngtamritam nam lokv tarwkbaknam am paatoku. 22  
Nonu kaachin sila nyomare ai? Ninyigv mvngjwng vla okv  
ninyigv gwngtamritam namv lvkingobv karingsiching bv ridu;  
Ninyigv gwngnamrinam lokv ninyigv mvngjwng am rvbwngchwng  
modu. 23 Okv darwknv kitap gv vBVching minamv jvvtoku, um  
minto, “Abraham Pwknyarnvnyi mvngjwng rungto, okv vkvgv  
mvngjwng nam lvgabv Pwknyarnv ninya darwkhonjor nvgobv  
laarwk sitoku.” Okv vklvgabv Abrahamnyi Pwknyarnv gv ajin  
gobv vdu kunv. 24 VBVrikunamv, nonuno kaatoka, ngonugv vBV  
gwngnamrinam lokv um ngonu Pwknyarnv gvlo tarwkbak bv  
dooladakla dunv, okv ngonugv mvngjwng mvngchiknam lokvma.  
25 Yolaplapnv Rahap ka vBVching rito. Ninyigv gwngnamrinam  
lokv Pwknyarnv gv tarwkbak dubv ritoku, ogulgavbolo Israel  
nyimakmakru vdwa laarwk sila okv bunua mvdurridur gvdula  
lamtv kvvbi gulo kidu kubv kaatam jito. 26 Holvgabv, adwnamar

lo yalu kaama bolo sinam bv ridukunv oogv aingbv, mvngjwng  
namv ka gwngnamrinam go kaamabolo sinam bv riduku.

**3** Ngoogv ajin vdw, nonu nyi achialvgonv tamsarnv gobv  
singdu mvngma bvka. Vbv nonu chinsudu, kvvbi amum svnga  
ngonu tamsarnv vdwa maatar alvbv kairungbv jwngkadaka la  
rire. **2** Ngonu mvnwng ngv rigakpanam am ribvdu. Vbvritol  
nyigonv ogugo mindudw hv vdwloka rigakpanam go kaama  
dubolo, hv rvbwngchingdu okv ninyigv atubogv singnam dvdvlo  
saktungsakpv siladunv. **3** Ngonu gora gv naptup lo mingkulo  
vngla dubv ngonu saasoki am mvlwk la ridu, okv ogolo vnggv so  
mvngdudw ho vnggv dubv mvladu. **4** Vbvmajvka svpw svnam  
akonyi mvngka tvka: vv achialvbv kai nvgo okv vkvnv gwlwknv  
doori lokv mila vnggvdu, umka miang achoknv bangidaching gonn  
dorla vnggv ladu, okv um parnv ngv ogolo vnggso mvngpvdw  
ho vnggv ladu **5** Holvgabv riu so lokvka vbvridu, si ka miang  
achokchai nvbv ridu, vbvrijvka si kairungnv oguogu am googv  
siladunv. Vmv mvri charching achokchai lokv mootum tumra  
apum gonyi vdwgo gupakgurak ladunv sum mvngka tvka! **6**  
Okv riu si ka vmv aingbv ridunv. Si rigakpaku gv nyiamookuv, si  
ngonugv adwnamar so doolwkla okv ngonu gvlo doolwk dula  
adwnayak mvnwnglo alvmanv lo vngsik karmudu. Uyumoora  
lokv vmvbv gucha dunv vv ngonugv turla risv mvnwng nga  
vmvbv gupak la guajila ridu. (**Geenna g1067**) **7** Ngonu nyia si  
Pwknamyarnam dvdv nga— mootum gv svnwngsvmin, okv pvt,  
tabwtai nga, okv lsi blogv rinv ngui mvnwng nga mvnyuk la  
mvtumritum la rigv ladunv. **8** Vbvritol yvvka riu sum mvnyuk  
lama dunv. Si alvmanv ngv okv mvtoritor lamanv, sigv nvnv  
gv chumdwk kv akomaringdu. **9** Ngonu riu sum Ahtunyi okv  
Abunyi umbonyikv vla mindu okv oogv Pwknyarnv ninyigv

aingbv pwknamyarnam, nyi kvvbi aka beenvpanv laka ridu. **10**  
Gamchar vdw sokv umbonyikv vdu okv hoogv gaam akin lokv  
beenam aka milindu. Ngoogv ajin vdw, sum ngonu vbvrirung  
moma bvka! **11** Sirung rungkin lokv chipunv isi gola kvchaknv isi  
go biipv silin madunv. **12** Ngoogv ajin vdw, takuk singnv ngv,  
olibz apwasi seela madunv; okv anggur amia lokv, takuk apwasi  
seela madunv, vbvmajvka alu chipu manv isi ngv chipunv isi biilin  
madunv. **13** Nonugv aralo mvngkimvnglak nvgo okv tvvchinlaknv  
go doodure? Um nonugv alvbv singnam lokv, alvbv rinam lokv  
angamai bv haapok aami sinam okv mvngkimvnglak nam lokv  
kaajwk simu sutoka. **14** Vbvrilola nonugv haapok arwng lo  
kavtavnam, kvchakchakmi sinam okv atubogv lvga mvngchikbv  
mvngdula nonuno mvngkimvnglak am kaimvngsu gvla jyjv gv  
nyirubv rila rimur murgv siyoka. **15** Vkvnv mvngkimvnglak nam  
vv nyidomooku lokv imaa dunv; vkvnv vv nyiamooku sokv  
gvbv ridunv, vv alvmanv dow lokv okv uyuvram lokv ridunv. **16**  
Holvgavbolo ogolochinglo nonu gvlo tanium gvvni sidudw, okv  
atubogv lvga mvngchik mvngdudw, ho jupjinam okv alvmanv  
nvgwng mvnwng ngv doodu. **17** Vbvrilola Pwknyarnv gv lokv  
jinam mvngkimvnglak namv mvnwng nga darwk yarung chodunv;  
si sarsopoyo laka rimu dunv, damdvnam, okv ajinaramnam  
dodunv; so si aya ngv akomaringdu okv alvnv kudungkua  
mvnwng ngaka rilin modu; si kiamnam okv kaadubv rimwngnam  
vkvnv lokv adu mola ridu. **18** Okv alvnam si sarsopoyo lo  
sarsopoyo monv gv ali lilwk kunam lokv boklin nvnga nvvching  
kunamv.

**4** Nonugv aralo dvngmi sinam okv yamisinam mvnwng ngv  
ogolokv aadunv? Vv bunu hvriokpajaknam lvgabv nonugv haapok  
ara ngv mvngjimvngro nam lokv aadunv, vv nonugv aralo yalung

bv pabvribv minsu modunv. **2** Nonuno ogu ogugo mvngdu, vBVrijvka nonuno um paala madu, vkvlgabv nonuno mimilami siduku bv mvngduku; Nonu achialvbv oguogu lvgabv mvngbiudo, vBVrijvka nonu um paala madu, vkvlgabv nonuno yamisila okv yalung gobv ridu. Nonuno ogugo um jvdv mvngdudw um paala madunv vv ogulgavbolo nonu um paarung nvpv mvngla Pwknyarnv gylo koomadu. **3** Okv vdwlo no kooredw, um no paamadu, ogulgavbolo noogv mvngnam saknam hv alvmadu; Nonu ogu ogua atubogv hviokpjaknam lvga mvngchikbv koodu.

**4** Mvngjwng manv nyi vdw! nyiamooku gv ajin bv ridunv vv Pwknyarnv gv nyiru nam nyimakv vnama nonuno chima lare? Nonuno nyiamooku gv ajin bv rinwng dubolo nonuno atubongv Pwknyarnv gv nyimak bv mvsu dunv. **5** Darwknv kitap lo, "Pwknyarnv gv Dow am ngonu gylo doolwk monam si maatar alvbv mvngbiu monvgo," vla minam sum jviv nvgo by nonuno mvngma dunvre. **6** Vbkritola Pwknyarnv gv oogv jinam anyuaya ngv kaibv gwlwk yaya nvgo. Darwknv kitap lo vBV mindu, "Pwknyarnv kaimvngsu nvnga nvngtor pvvdu, vBkritola anyuaya am rvnyak la rinv nga jidu." **7** Vkvlgabv, Pwknyarnv gylo tulwk sutoka. Uyudvbv nga chartoka, okv hv nokv gylo gyngv kelin riku.

**8** Pwknyarnv gv nvchilo aanwk tvka okv Pwknyarnv ka nonugv nvchilo aanwkre. Rimurnv vdwno, nonugv laak am lasuk tokuka! aolo kaaku mvngchik dubv rinv, nonu vdwgv haapok am darwk mooto kuka! **9** Mvngdwk tokuka, kapto kulaka, okv nyiksinyikla biito kulaka; nonugv nyarminsomin nama kapnam lo lvkmi sitoka, nonugv mvngpua mvngru lo lvktoka! **10** Nonu atubongv Ahtu gv kaagialo rvnyak tolaka, okv Pwknyarnv nonua kai more.

**11** Ngoogv ajin vdw, ajin anyingnga minjimio mabvka. Nonu kwbi mvngjwngnv ajin am minjimiyo jila vbvmajvka, jwngkadaka

jila ribolo, vv nonuno Pvbv nga minjimiyo jila okv jwngkadaka jila ridu. Nonuno Pvbv nga jwngkadaka la ribolo, vBVrikubolo nonuno Pvbv gv mingku lo vdwloka tvvngobv rimare vBVritola, um jwngkadaka yanv akobv ridu. **12** Pwknyarnv mvngchik Pvbv jinv ngv okv Jwngkadaka jinv ngv. Hv akin mvngchik ringla dunv okv mvyakmvchak laka rila dunv ngv. Nonuno ogunvbv mvngsu dunv, kvvbi am jwngkadaka yajinvngv? **13** Vjak ngam tvvgap tvka, "Silu majvka aaruni ngoru pamtv gulo mooying vngre, hoka ngoru anying nytinggo doore okv kurvpachu lo rila okv morko ain lo achialvgo pwkarpaakar dubv rire," vla minv nonu. **14** Nonugv singtungritung ngv aaruni ogunvbv riyikudw um nonuno chinsuma! nonuno aapumtalum gv mwkwma aingbv ridu, vjv lvgabv kaapa la ridu okv vBVripikula nyenam bv nyelaku kaapa kumare. **15** Nonugv minrung svngv si: "Ahtu mvnggi bolo, ngoru turricho okv sum vmajvka um ridubv rire." **16** VBVritola nonuno kaimvngsudu, okv goolinguadu; vBV goolinguua nam dvdv ngv rigakpanam vrung. **17** VBVrikunamv, ngoru vBV alvnv kudungkua risv nga chirung lvjv tvlaka um rimabv ridubolo, vv ngoru rigakpala rimurdu.

**5** Okv vjak, nonu nyitv nyi vdwv, nga tvvgap tvlaka! nonuno gvlo maatar alvbv chimbuluya goaatv dunv lvgabv mvngrula okv kapla ritolaka! **2** Nonugv nyitv ngv yalayaa roku, okv nonugv vji am tagit ngv chelachia nyami roku, **3** Nonugv ain okv raaji am chinglwng ngv dvmi roku, okv soogv chinglwng dvnv si nonugv lvkwng lo minjyanv akobv rireku okv nonugv adwnayak ka vMV gukunam aingbv dvmichiki la rireku. Nonugv nyitvai am vjak gv anyung achok so pvvkum nyadu. **4** Nonugv rongo lo oogv kudungkua rinv nga rvklap lapnam am jiji kumadu. Nonuno bunugv kapnam minam am tvvtoka! Nonugv rongo lo aliam i gvchinggvmu jinv gv

kapnam rinamv, maatar alvbv Kaiyachonv Ahtu Pwknvyarnv gv nyarung lo tvvpala riduku. **5** Sichingmooku so nonugv singnam si hvriokpajak namv okv himpukain kunamv akomaring duku. Nonugv aw am vbv pootv mola rinamv erinpeedw gv alu lvgabv mvsudunv. **6** Nonuno nyabvdanv nyi vdwa miyakaya lachin okv gwngrw gwklachin okv bunu vdwv nonua ritor sula madu. **7** Vbkubolo, ngoogv ajin vdw, Ahtu gv aama dvdv gobv, Saktv tvlaka. Kaaka tvka rongo mvnv vdwgv rongo nga mvlwk tokula bunu kvdw lo aamtami mvlinkunam lindw am kaayakunam aingbv ridu. Bunu vdwv dvrw nyido okv dvra gv nyido am kaaya dula saktvla doodu. **8** Nonuka vBV saktvla doorung tvka. Nonugv mvngtin nama aokoko motoka, holvgavbolo Ahtu gv aadw aluv nvchi duku. **9** Ngoogv ajin vdw, ajin anying gv lvkwnglo pordvr minsu yoka, vBVrikubolo Pwknvyarnv nonua jwngkadaka mare. Jwngkadaka svngv nvchi duku, kaatam dukubv doya duku. **10** Ngoogv ajin vdwv, oogv Ahtu gv amin lo nyijwk vdwgv japji kunam um mvnggap tvlaka. Bunugv hirukaya bv hindu laka saktvla rinampanam am hingvkagv sitoka. **11** Bunugv chitam sikunam lvgabv ngonu bunua himpuv vduku. Nonu Job gv saktv sila duku nama tvtoku, okv Ahtu gv anyunganya aku ninyigv lvgabv jilwk kunam am nonuno chindu. Vkvlgavbolo Ahtu ayanam lokv okv arwngjvbv paknam amin lokv yarbingdu. **12** Ngoogv ajin vdw, mvnwng gv aolo, vdwlo milpvvnam go dooredw ho nonuno milpvvla beeingbuging nvnngo beetak nvma bvka. Nyidomooku lokvka ogugo beetak nvla vbvmajvka sichingmooku sum beetak nvla vbvmajvka ogunv yikungyira go beetak nvla beeyoka. Vbv mvngchik mintoka, “umkv” okv “maakov” Vdwlo nonu umkv vsvgo dubolo umkv vla minchar jitoka, okv maakov vsvgo dubolo maakov vla minchar jitoka, okv

vbvribolo nonuno Pwknyarnv gv jwngkadaka nam arwnglo aamare. **13** Nonugv aralo mvngru mvngnvgo doodure? Vv bunu kumsu rungtoka. Nonugv aralo mvngpu nvgo doodure? Vv bunu hartvbamtv nvnv mirimimpak mirung dubv ridu. **14** Nonugv aralo lvvma nvgo doodure? Bunu vdwgv lokv gvrja nyigagatv vdwgvlo vngmu rungtoka, holvgavbolo bunua kumji monam lvgabv okv olib tvvli go Ahtu gv amin lokv bunua piakmu laka. **15** Soogv mvngjwngla kumku lokv lvvma nvnga mvpu reku; Ahtu bunua adwnamar nga gwlwk moreku okv rimur la bunugv rikunam um mvngnga jila rireku. **16** Vkvlgabv, nonugv ajin anying lo rimur minsukunam am mvngnga minsu dukubv minji minsu tvkuka okv ajin anyingnga kumgur minsu tvkuka, vbvribolo nonu vdwv um poya moriku. Alvnv nyigonvgv kumnamv achialvbv jwkrwrwtv gobv ridu. **17** Elija ka ngonugv aingbv nyinyupada gobv ridunv. Hv nyido homa dubv vla dinchirungbv kumto, okv vBV kumnamv jvjvrungbv anying nyingum gola patak gobv kvdw so nyido holwk jimu matoku. **18** Lvkodv hv kumdv kunamv, okv ao tlogv lokv nyido nga holwk molakula rito okv kvdw lo rongo nampo ngv alvrungbv aliamiv boklin molakula ritoku. **19** Ngoogy ajin vdw, nonugv lokv akonv jvjvnam lokv ngakla ngaga kubolo okv um kvbi gonv akonv nam aakur mola ridu, **20** sum mvnggap tvlaka: yvvdw rimurnv um rimur lamtv loka laakur dukudw oovg rimur nvgv yalua sijikunam lokv ringdu kunv okv rimur meego rikunama mvngnga jidukubv laalwk jiduku.

# 1 Pitar

**1** Jisu Kristo gv Apostol akobv rinv, Pitar lokv— Pwknvyarnv gv darlin kunam nyebunyi bv tlloblobv doosik sikunv, Pontus, Galasia, Kapadosia, Asia okv Bithynia lo doonv vdwa kumrwkltaksinam siti am lvkdunv. **2** Nonua Pwknvyarnv Abu gv mvngnam lokv darlin pvnv okv ninyigv Dow lokv nonua darwknv nyi bv ridukubv mvtoku, vv Jisu Kristo gvlo nonua mingku lo vngmu dokubv okv ninyigv oyi lokv sarkak modu kubv vla ritoku. Anyuaya okv sarsopoyo ngv nonugvlo akomaring bv doolwk yilaka. **3** Klai ngonu Ahtu Jisu Kristo gv Abu okv Pwknvyarnvni umbonyikv vlaju! Vkvlgavbolo ninyigv kairungnv ayanam lokv Jisu Kristonyi sikunvnga turkur mokunam lokv hv ngonua anwnv turnam am jila ritoku. Si ngonua turnv mvngtinam lokv pwlk jidu, **4** okv vbvrinamv ngonu Pwknvyarnv gv nyi vdwa nyitvrungbv boktalwkji pvnama laarwk sidubv kaaya dunv. Vkvnv vdw sum ninyi nonugv lvgabv nyidomooku lo, ogolo bunu vdwloka yaaka nyomadudw, vbvmajvka nyeka madudw, vbvmajvka kaapa nyomadudw hoka pvvching jidu. **5** Oogv boktalwkjinam vdwv nonu gvngv, nonu mvngjwngla Pwknvyarnv gv Jwkrw lo kaachingkaamu dukunv, so si ringlinbaalinam gv lvgabv vvpv pvkunv vv ataranya alu lo kaatam dukubv mvpvripv duku. **6** Vbvrijvka vjvgv so nonuno lvgabv mvngru rungdubv ridu nvpv vkvlgavbolo hirukaya nam nvgwngnv adwkaku vv nonuno enduku, vbvrijvka nonuno ho lvknglo sum himpu sitoka. **7** Bunugv svbv rinam si nonugv mvngjwng nama jvfv dunvdw um kaabwkrwsik nvnbv ridu. Ain aka, mvyakmvchak dunv umka vmv lokv ramkwrampak la ridu; okv oogv apiabv nonugv mvngjwng aka, oogv ain aka arv doyanv umka, hingkw rungto, vbvribolo vv hirukaaya hinjvka chetamrvnam gvlareku. Vbvribolo Jisu Kristo gv kaatam sidw alu

am Pwknvyarnv gylo nonuno hartvnama paareku okv paknam gorungbo mvngdv rungnam gobv laarwk sireku. **8** Nonuno ninyia kaapa makwng jvka, ninyia nonuno pakdu, okv nonuno ninyia vjv kaapa majvka, nonuno ninyia jvjvrungnv ngv vla mvngdu. Vbvrinamv oogv gaam lokv minji lamanam achialvbv kairungnv gobv mvngpunam okv Yunglit kunv um nonugv haapok lo mvngpu mola ridu, **9** vkvlvgavbolo nonugv ninyia mvngjwng sijo am nonu yalu gv turku nama laarwk sitv duku. **10** Ringbaalinnam soovg lv gabv nyijwk vdwgv kaachartayarla makimaidu okv tvcharkayar la ritoku, okv bunu vdww nonua oogv Pwknvyarnv gv jisv amin lvkwng lo mincho jitoku. **11** Vdw nyibvdw okv oguaingbv aaredw um bunu vdww malin nvpv vla rikwto. Soovg dw sum kvlo Kristo gv yaluv bunu gylo doolwkla, Kristo gv hindarkaso hinsv nga okv yunglit kusv nga kaatamla riku nama um bunu mincho pvtoku. **12** Pwknvyarnv nyijwk vdwgv bunugv oogv kudungkua rinamv bunugv atubogv pwbinpaabin yanam lvga bvma, vbvritola nonugv lv gabv vla kaatam toku, oogv nyido lokv imunam Darwknv Dow gv jwkwr lokv oogv alvnv yuning go gindungpingko vdwgv lokv bunugv vbg oogv lvkwnglo japij kunama um vjak nonuno tvvduku. Svkvnv jvjvnv oguogu soka Nyidogindung vdwwka chinwngla ritoku. **13** Vklvgabv, nonugv mongrumara lo kudungkua ridubv doya tvka. Nonu chrvv rungbv doya laka, vdwlo nonua Jisu Kristo gv kaatam rekudw oogv boktalwkji jitv kunam um nonugv mvngtin sinam mvnwng nga tinlwk laka. **14** Pwknvyarnv gylo tynvrinv gobv ritoka, okv vdwlo nonu gylo chingkupaaku mabv ribvdw um nonugv mvngnam lokv rigvdagvny um nonugv singnam lo rimu koyoka. **15** Vbvmabvya, nonua goklinnv Pwknvyarnv gv darwknv aingbv, nonugv rinam mvnwng lo darwk nvby rito laka. **16** Darwknv kitap vv mindu,

"Darwk tylaka ogulvgavbolo ngo darwk nvngvla." 17 Vdwlo nonu Pwknyarnvnyi kumyidw, nonuno ninyia Abu vla mindu, akin akingv ogubv ripvdw vbvrinam lokv, nyi mvnwng nga lvyinakin bv jwngkadaka dunv; Vklvgabv nonugv sicingmooku so turdunam soogv lvvnv tungv sum ninyigv lvgabv busu la mvngdv kaadvla rilaka. 18 Holvgavbolo nonu abuapa vdwgv lokv arv kaama bv rigv nam lokv ogugo jila rvvlin kubvdw um nonu chindu. Vkvnv vv bunu ain vmalo raaji aingbv rinv ogu mvyakmvchak dubv rila jinv yikimora mago; 19 so si ungnvtarv kaamanv vmalo tarintatv kaamanv svlarkuu aingbv, Kristo gv erinpeelwk sunamv maatar alvbv arv doyachoknv gobv rikunamv. 20 Hv Pwknyarnv gv nyiamooku am pwklinyarlin madvyilo gvngv gaklin chonamv okv ataranya alua nonu lvgabv kaatam la ritoku. 21 Ninyigv lokv nonu Pwknyarnvnyi mvngjwng do, yvvdw ninyia sinam loka turkur molaku yunglit dubv jikunv; okv vklvgabv nonugv mvngjwng okv mvngtinv Pwknyarnv gylo mvnggap lwdku. 22 Vjak nonugv jvjjv am tvvlapala rinam lokv nonu atubonga darkw dubv mvsu duku okv nonugv kvvbi ajin vdwgv lvgabv dinchikochi bv aya minsu duku, vbvrinam lokv ajin anyingnga dinchi rungbv aya minsudu. 23 Holvgabv vbvrinam lokv turdunv okv Pwknyarnv gv gamchar doobvny lokv nonuno anw bv kuu bvngdw kunam, Sikamajinv abu gv umvuu gobv ridukunv. (aiōn g165) 24 Darwknv kitap vBV mindu, "Nyia mvnwng ngv Nvsingnvmwng aingbv ridu, okv bunugv yunglit namv mootum gv apungana aingbv ridu. Nvsingnvmwng ngv singkup duku, okv apungana ngv holu duku, 25 Vbvrilola Ahtu gv gamchar ngv dvbvdwkibv doobvdv." So gamchar si Alvñv Yunying ngv um nonua japgo jitoku. (aiōn g165)

**2** Vbvrirkunamv, alvmanv mvnwng lokv; mvvnam lokv vmajvka kaadutadubv rinam lokv vmajvka kaanektanek nam lokv vmajvka

miyimimbong nam gaam lokv nonu vdwv vkvnv rinam um kayu tokuka. **2** Anga ajwng bvnglin sonam aingbv ritoka, darwknv dowjwklo gv achu mvngchik lo tvngnwng dvdvla ritoka, vBV tvngla rinam lokv nonuno singcharicha reku okv ringnam bvka reyiku. **3** Darwknv kitap vBV mindu, “nonu vdwv atubongv chinsudu Ahtu ninyi vdwgo alvdu vla.” **4** Nyi vdwgv anyung kaamanv dara kunam bv rijvka, Pwknyarnv gvlo anyung doonv turnv vlwng darnambv, Ahtu gvlo aatoka. **5** Turnv vlwng vdwgv aingbv ritola aatoka, okv nonuno atubongv Dowjwklo pwknvyarnvnaam gobv mvnvrinv kotoka, nonuno ogolo darwknv nyibu gobv dowjwklo jilwk la okv Jisu Kristo gv lokv Pwknyarnv gvlo erinpeelwkla laarwk sinam am riya nvgorv rire. **6** Vkvlgabv Darwknv kitap vBV mindu “Ngo alam doyachoknv vlwng am dardunv, um ngo Jayon gv chenyung agumai lo lvngtung gobv tunglwk jidu; Okv yvwdw ninyia mvngjwng dudw vv vdwloka mvngjung sula rimare.” **7** Alvjvbv nonu mvngjwng sinv vdwgv lvgabv soogv vlwng si kairungnv anyung doyachoknv gobv ridu; Vbvitola oogv yvwdw mvngjwng madudw: “Naam mvnv vdwgv vlwng darpak la dara kunam anyung kaama nvgorv ora kunamv mvnwng dvdvgy lokv alvyachok nvgorv ritoku.” **8** Okv darwknv kitap so akonvlo mindu, “Soogv vlwng si nyi mvnwng nga dwktup pukmap modubv mvre, Oogv lvngtv pvngv vv bunua gimup lodubv mvre.” Ogulvgabv bunu gamchar minji nvnga mvngjwng mabv ritola bunu dwktupla ritoku; Vbvching ridubv vla Pwknyarnv gv bunugv lvgabv mvngrung namv. **9** Vbvitola nonuno darlin kunam opi ngv, DvBV gv nyibu bv rinv vdwv, darwknv nyitwng ngv, Pwknyarnv gv awgv nyiv, Pwknyarnv gv kaasartabo dubv rinam am japgo kardubv darnamv, oogv kanvparam lokv nonua atubogv angusinv kaasartabo jvnv loung lo goklin toku. **10** Kvylo nonu Pwknyarnv

gv nyi bv rimato, vbvritola vjak nonuno vkvgv nyi bv riduku; kvvlo  
nonuno Pwknyarnv gv aya nga chima bv rito, vbvritola vjak  
nonuno vkvgv aya nga laarwk siduku. **11** Ngoogv ajin vdwa,  
nyiamooku soogv nyebunyi gobv okv nyen kelwk la rinvgovb vla  
minchumire bv minjvka! oogv adwnamar gv yalu am nyiru kibv  
gvnv maatar alvbv mvngjimvngro namlo jilwk suma bvka, vla ngo  
nonua mindunv. **12** Vdwlo Pwknyarnvnyi chimany vdww nonua  
alvmanv gobv minjvka, nonugv gwngdunggwngpa nga bunugv  
pingkolo alvnvbv kaatam sito laka, vbvribolo bunu Pwknyarnv  
gv ninygv aakur dw alua nonugv alvnbv kudungkua rinam am  
kaachin silai ikula okv Pwknyarnvnyi hartvamtv la rireku. **13**  
Vkvlgabv Ahtu gv lvgabv nyi vdwgv tujupkunam arwng lo aw am  
tulwk sutoka: oogv kai yabv rigvdubv tujupkunam Dvbyyachok  
gvloka, **14** okv oogv gobunor vdww, oogv alvmanv kudungkua  
rinv nga mvrit dubv okv alvbv kudungkua rinv um hartyla ninygv  
parlin kunam um gobv tulwk sutoka. **15** Holvgabv Pwknyarnv  
nonua alvnbv kudungkua riku lokv ridula oogv pvchaaria bv  
japsingjabav nyi gaam minv um mintor jitoka vla mvngdu. **16**  
Ajarabinv nyi gobv singto ritoka; ogubv rikwngjvka, noogv ajarabi  
bv ridunv um rimur bv rinvla rigv nnyoka, vbvritola Pwknyarnv  
gv nyira aingbv singtolaka. **17** Mvnwng nga mvngdv tvlaka, kvvbi  
mvngjwngnv vdwa paktoka, Pwknyarnvnyi ayum tvlaka, okv  
Dvbyyachoknyi mvngdv tvlaka. **18** Pakbu vdww nonuno awgv atu  
gylo atubonga tulwksula okv mvngdv kaadvla rinam am bunua  
kaatam sula ritoka, yvvdw ayala okv tulwkla rinv um mvngchik  
tikmabv, vbvritola yvvdw hirukaya mola ridunv umka mvngdv  
laka. **19** Nonugv hirukaya paamasvgo paamu jvka um saktvla  
ribolo, Pwknyarnv gv aya nga boktalwkjire ogulvgavbolo nonu  
ninyigv mvnglwk ka chindu. **20** Holvgabv nonugv rigakpanam riku

Ivgabv dvngsv go doola dvngku dula um chetamrvnam la ribolo nonu ogugo paare? Vbvrilola nonu alvnu kudungkua Ivgabv hirukaya am hinla ridubolo, Pwknvyarnv oogv vbvrinam Ivgabv nonua aya nga boktalwkjire. **21** Svkvnv um Ivgabvdv nonua Pwknvyarnv goktoku, ogulgavbolo Kristo ninyi awv nonu Ivgabv erit am hintoku okv vklvgavbolo nonuno ninyigv lvchu kurpv kolo kurpv minggv dubv vla nonua kaaring sidubv rijitoku. **22** Hv rimur namgo rima, okv yvvka ninyigv riu lokv mvnamrunam gaam go vdwloka aadu bv tvvpamato. **23** Vdwlo ninyia minjimiyo kubvdw, vbvrijka Hv minjimiyo nam gaam minamgo mirwk simato, vdwlo ninyia hirukaya dubv mvrit bvdw, vbvrijka hv alvmabv ritv ngurv mato, vbvrilola takdamvra bv jwngkadaka jinv, Pwknvyarnv gylo mvngtin sila ritoku. **24** Kristo ngonu rimur am gvvla ninyigv adwnamar lokv daapolo gvvlwk jito, vklvgavbolo ngonu rimur lo sirung reku okv darwkchonjor nvlo turreku. Vbv ninyigv ungtarv gvniam lokv ngonugv lvvma nga pomu pvkunv. **25** Nonu ho gv svlar go ninyigv lamtv vngtung nga nyemu tvla ngakramnv aingbv ridu, vbvrilola vjak nonu Svlarkayanv okv yalua Kaachingyanv gv vngkulo vngming gydubv vjak laakur kunamv.

**3** Oogv aingbv nywng vdwv nonu nyilu lo tulwk sirung laka, vklvgavbolo bunu vdwv ako gylo Pwknvyarnv gv gaam mvngjwng manam go doojvka, nonugv alvbv rinam lokv bunua mvngjwng dubv riya yareku. Vbvrilolo nonugv ogu gaam mingkwng svgo kaamare. **2** Oulgavbolo bunu vdwv nonua vdwgo darwk bv okv mvngdvla rigvnam am bunu kaare. **3** Nonu awgv adwnamar gv agumai mvngchika kaapu mvngchik dubv oogv dwmw tuklap simwngnam vmajvka tasinglaktv gvniam lo, vmajvka vjivbe gvjegvpak mvngchik la rimabvka. **4** Vbv kaaputain

dubv vla rimum svnga, nonu kaaputain am nonugv jvjvrungnv mongrumara arwng lo kaaputain am rito laka, arwnglo kaaputain bv doobvnu rvniak okv sarsopoyonv dowv, Pwknyarnv gv kaagelo kairungnv anyung doyachoknv gobv ridu. **5** Holvgabv kvlo lokv rungrwngnv nyimv Pwknyarnv gylo mvngtinla ribu vdwv bunugv nyilu vdwgv lo tulwksudu la kaaputain nvgobv mvsu nyatoku. **6** Sara ka vbvrinv nyimv gobv rito; Hv Abraham gv gaam mingkulo vngnv gobv rito okv ninyia atubogv nyilu atuv vla minto. Vjak nonu vdwv ogu guka busukano kaamabv okv nonu alvnu kudungkua ridubolo nonu vkvgv kuunyimv bv ridukunv. **7** Oogy aingbv nonu nyilu vdwka nonugv nywng ngv lvvkumaya nvgo vla chindula lvkobv doobam tvlaka. Bunua mvngdv gvrila paktoka, ogulvgavbolo Pwknyarnv gv turnam amin jinam am, vv bunuka nonua lvkin gobv doobamdakbamla laarwk sire. Vkvlgabv svbvching ritoka ho nonugv kumnam lo oguguka risiriyak kaamare. **8** Minyungminya: bvku, nonu mvnwng gv mvngnam okv hinamkaanamv lvyinakin runglaka; ajin anyingnga pakmi silaka, okv aya la, okv ajin anyingnga angamai minsu laka. **9** Alvmanv nga alvmanv bv rirwk siyoka vmajvka, beenv nga beerwk siyoka; Vbvrimatvya, boktalwkji nama jikur jiya tvkuka, vkvlgavbolo boktalwkjinam si vdwlo Pwknyarnv gv nonua gokyilo jidubv vla milpvvkunamv. **10** Darwknv kitap vBV mindu, “Nonu himpu bv singnwng dubolo okv alvnu alu am kaanwng dubolo nonu alvmanv japdunam lokv kayu tokuka okv alvmanv mvvdung dunam am kayu tokuka. **11** Nonu alvmanv lokv linto kulaka okv alvnu rito kulaka; Nonugv haapok mvnwng lokv sarsopoyonam lvgabv rito laka. **12** Holvgabv Ahtu darwkchongjor nvnga kaaya dunv okv bunugv kumnam am tvvdunv; vBvritola yvvdw alvmanv ridunv um hv kaanwng

madunv." **13** Nonu alvnv kudungkua ngv ogudw um ridubolo yvvla nonuam alvmabv rijinv? **14** Vbvritola alvnv ogudw um rinam lvgabv hindarkaso go hindubolo, vv vdwgo nonu lvgabv mvngpu nambv ridukunv! Yvvnyika busu mabvka okv mvngdwk mabvka. **15** Vbvritola nonugv haapok arwng lokv Kristo lvgabv mvngdv namgobv rilaka, okv ninyia Ahtu gobv mvngdv tvlaka. Nonugv arwnglo mvngtin nama yvvdw tvka dunv um minchar jila mirwk sila dubv mvngkimvngak pvla dw mvnwng nga doya kilaka, **16** vbvritola damdv gvrila okv mvngdv gvrila ritolaka. Nonugv mvngnam am mvngbwkchirwk tvlaka, vkvlvgavbolo nam minvkmirwk la, Jisu Kristo gvlo riming gvniam am yvvdw alvmabv minjvka nonugv alvbv rigvnam lokv kokwng lo ogugo bunu mimpvdw hining lakula rireku. **17** Holvgabv Pwknyarnv gv mvnglwk bv ridu mvngdubolo, alvmanv kudungkua rimum svnga alvbv rinam lvgabv hiruhinam si alvyachok nambv ridu, **18** Holvgabv Pwknyarnv gvlo nonua aalwk gvvji nam lvgabv Kristo mvnwng rimur lvgabv, alvnv nyi akobv ritola rimurnv vdwgv sidubv lvkin lo, okv sijitoku. Jisuni adwnamar bv simuto, bvrijyka Dowjwklo lokv turkur motoku, **19** okv ninyigv Dowjwklo lokv doodula, patwk lo apv kunam dowjwklo vdw Noah gv ninyigv svpwa pwkla riyi alu lo Pwknyarnv saktvla doyanam vdwv Pwknyarnv gv gaam minama tvvmabv ribu vdw vmabv. Svpw lo nyi twngchingto— piinw mvngchikgo— isigv lokv ringlin kunamv, **21** oogv nonugv baptisma laala ringlin kunam am paadukunv, oogv kaarwsinv nvnv am kaatam sinc dukunv. Si adwn awgv takit am sukak sunam lvga bvma, vbvritola alvbv mvngdvr kunam lokv Pwknyarnv gvlo milv kunamv. Si Jisu Kristo gv turkur kunam lokv ringlin kunam am paamuduku, **22**

oogv nyidomooku bv chaatoku okv Pwknyarnv gv lakkik lo  
doodu kula, nyidogindung vdwa okv nyidomooku gv rigvnvn  
tujupkunam okv jwkrw mvnwng am rigvdogy duku.

**4** Kristo adwnayak lo hirukaya am hinjito, oogv vbvrinam aingbv  
nonuka atubongv maatar alvbv vbg vngdwng rungbv mvngla  
doottoka; Ogulvgavbolo yvvdw adwnamar lo hirukaya hindunv  
vv rimur lo rima dunv. **2** Vbvrikunamv, vjak lokv, nonuno  
sichingmooku soogv singdung nga ridv svnga Pwknyarnv  
gv mvnglwk bv ritoka okv nyia mvngdung bv mvngjimvngro  
yoka. **3** Nonuno kvlo gv richodocho lo Pwknyarnvnyi  
chimabv ogubv mvngpvdw vbg nonuno awgo ritoku. Nonugv  
rinamdknamv hinyinghirunam, yonwngnam, tvngkiumnam,  
apamara lo rimisinam, vsiopo lo tvngkamdvkam nam okv  
kaanwngtanwng manam murti kunam vkvnv singdunglo ritoku. **4**  
Okv vdwlo nonu Pwknyarnvnyi chimanv vdwgv rikulo lvkinbv  
rikumabv aachiaak la okv kaami sila rikunamv bunu lamka singak  
la ridu, okv nonua minvmirvla bunu alvmabv riduku. **5** Vbvrijvka  
oogv turnv okv sinv vdwgv jwngkadakala ridukubv doyala ririkunyi  
vv bunu Pwknyarnv gvlo bunu awv kiakahaka la jilwk jireku. **6**  
Vkvlgabvdv siku loka alvnv yunying nga japgo kardunv, oogv  
yvvdw bunugv adwnamar lo rinamdknam am jwngkadaka la  
rinam aingbv, vbg mvnwng nga jwngkadaka dukunv; vkvlgabv  
bunu dowjwklo gv rinamdknam lo Pwknyarnv gvlo vbg alvbv  
dooladakla dubv bunu gvlo sum japgo kartoku. **7** Ogumvnwng  
gv ataranya ngv nvchi duku. Nonu atubongv kumla sinam  
lvgabv saktv sula okv hingusula dooto laka. **8** Ogumvnwng am  
lvyabv, ajin anying am alvbv pakmi sitoka, ogulvgavbolo pakmi  
sinamv rimur achialvgo mamlup la ridu. **9** Purmi sinam kaamabv  
nonugv naam riapgu am kvvbi lvgabv chikuk pjila rito laka. **10**

Pwknvyarnv gv angu angusinv amin jinam am alvby rungriaparia  
nvgobv, nyichar dvdv ngv bunu Pwknvyarnv gylo angusibv amin  
paanam am kvvbi ajin vdwgv alvnam lvgabv rinvvngnv rungtoka.

**11** Yvvdw japgo kardudw vv, Pwknvyarnv gv doin am japgo karto  
laka; yvvdw kudungkua ridunv, Pwknvyarnv gv jinam kudungkua  
lokv gwlwkrungbv rito laka, vbv riku lokv mvnwng yikungyira  
lvgabv Pwknvyarnvnyi Jisu gv lokv umbonyikv vla hartv nvla  
dubv, hartvnamv okv jwkrww Jisu Kristo gylo doobv yilaka. Amen.

(aiōn g165) **12** Ngoogv ajin vdw, vbv nonugv achiapik hindung dunv  
um, nonu vdwloka hinkw manam ogugo ridunvgo vla lamyoka. **13**  
Kristo gv hirukaya hingkulo nonugv himing gvdunam am mvngpu  
yala riya tvlaka, ogulvgavbolo vdwlo ninyigv kairungnv turnamv  
yunglit lwkri kudw um nonu gylo himpuv akomaring lwkreku. **14**  
Nonua minjimio dubolo nonu mvngpu laka, ogulvgavbolo nonu  
Kristo gv rikulo riming gvnv ngv; soogv si Pwknvyarnv gv Dowv,  
yunglitnv Dowv, nonu gylo doolwkdu. **15** Nonu gylo hirukaya  
namgo hindu bolo vv nonugv minvlynv gobv vmajyka dvchonv  
akobv, vbvmajyka dvgiolagionv, vmajyka nyi kvvbigv ritung nga  
rigoripen jinam lokv bvma. **16** Vbvrijyka nonugv Kristan akobv  
riku lokv hirukaya hindubolo, um nonu hinyinghiru mabyka  
vbvritola nonu kristo gv amin am gvniam lvgabv Pwknvyarnvnyi  
umbonyikv vya tvka. **17** Jwngkadaka rirap dwv aaduku, okv  
Pwknvyarnv gv atubogv nyi am jwngkadaka chori nvpv. Ngonu  
gylo rirap chobolo, Pwknvyarnv gv alvny yunying am tvla  
mvngjwng simanv vdwv anyunganya nyiku ogunvbv riyikudw?  
**18** Darwknv kitap vbv mindu, “Alvnv nyi am ringnam lvgabv si  
achialgo adwkaku namgo; vbvrikubolo Pwknvyarnvnyi chimabv  
rimurnv vdwv kokwng lo ogubv rireku?” **19** Vbvrinamv, yvvdw  
hirukaya hindudw vv bunu Pwknnyarnv gv mvnglwk bv ridubv

bunu atubonga Pwklinyarlinv gylo mvngtin sinam am jilwk sidula  
alvnv kudungkua ridubv rirung tvlaka.

**5** Ngo gvrja gv nyigagatv akobv, nonugv gvrja nyigagatv  
vdwgv aralo lvbu dunv. Ngooka Kristo gv hirukaya hinam am  
kaayanv akobv rinv ngv, okv oogv kaatamritam la ririkunyi  
ngo ka hoka yunglit am paaming gvvreku. Ngo nonua lvbu  
dunv, **2** oogv Pwknyarnv svlarlartwng nga kaaya dubv jinam  
am kaaya nwngdula kaaya tvka, vbv Pwknyarnv gv nonua  
ritoka vla mvngnama, okv kaaya nwngmanv aingbv rimabvka.  
Nonugv kudungkua ritoka, rijo lvgabv mvngla rimabv, vbvritola  
alvjvbv mvngla rinwng dula ritoka. **3** Nonugv aralo yvvnyi  
ringchumriai dubv apvpvdw um nonuno vkvgv aolo chatinkurbo  
dubv gwngyoka, vbvritola svlarkaayanv Kaiyachoknv aaredw, nonu  
vdwlka nyeeka majinv oogv unglitnv biotung nga laarwk sireku.  
**5** Oogv apiabv boruya nyi vdw nonu awv abwng yanv vdwgv aralo  
tulwk sila ritoka. Okv nonu mvnwng ngv ajin anyingnga nyanyak  
minsula riji minsu la rirungtoka; holvgabv Darwknv Kitap vbv  
mindu “Pwknyarnv kai mvngsu nvnga kaanwng madu, vbvritola  
rvnyak nvnga aya nga kaatam la ridu” **6** Vbvrikunamv nonuno  
awv Pwknyarnv gv kairungnv lak aralo rvnyak sunv gobv rito  
laka, vbvribolo ninyigv atubogv alvnv alu lo nonua kairungnv  
paknam gobv svvdungsrap chaareku. **7** Nonugv lamnambunam  
am Pwknyarnv gylo apak jito laka ogulvgavbolo Pwknyarnv  
nonugv lvgabv ringchamriai la ridu. **8** Chrvsopa tvlaka, hingga  
suto laka! Nonugv nyimakv, Uyudvbw ngv, abvngapa gv gamla  
dvsv godaka vla harhar la ngago karnam aingbv, nyi gonyi  
mvki dubv mago karla ridu. **9** Nonugv mvngjwng am hvngdwng  
rungto laka, okv ninya charpak minsu tvlaka, ogulvgavbolo

nonu chindu nyiamooku mvnwng so mvngjwngnv vdwv nonugv  
hirukaya hinam lyinakin bv hindu. **10** Vbvrijvka nonugv hirukaya  
hironam kokwng bv, Pwknyarnv gv anyuaya mvngwng ngv,  
oogv nonuam Kristo gvlo akin gobv ridula ninyigv turbwngnv  
anyuaya nga paaming gvmu dubv goklin pkunv, ninyi atubongv  
nonua rvbwngching more okv adwngchingnam, gwlwknam  
okv alvrungnv lvngtung bv dwlwk jirungre. (**aiōnios g166**) **11**  
Ninyigv jwkrww dubv yilaka! Amen. (**aiōn g165**) **12** Ngoogv Kristan  
jwkjwkvrwknv boru gobv mvngnam Silas gv ridurnam lokv  
soogv siti burching go ngo nonuam lvkdunv. Sum ngo nonuam  
mintvmiru nvso mvngla okv si Pwknyarnv gv jvjvrungnv anyuaya  
ngv vla mintam sidunv. Vdwloka dylobak yoka. **13** Pwknyarnv  
gv darlin nam, nonugv anyibormv gvrja Bebilon, ngv nonua  
kumrwklvtak gaam am jilwkdu, okv ngoogv kuunyilo mark ka  
nonuam kumrwksinam am jilwkdu. **14** Ajin anyingnga Kristan  
pakmi sinam bv mopopdytak nam am jimisidu. Kristo gvby doonv  
mvnwng gvlo sarsopoyo namv lvkingobv nonu gvlo doolwk  
minggv yilaka.

## 2 Pitar

**1** Jisu Kristo gv pakbu akobv rinv okv ngo Apostol Simon Pitar lokv— Ngonugv aingbv Pwknyarnv gylo tarwkbak yachoknv lamtv lokv okv ngonugv ringnbaanv Jisu Kristo gv lokv arvdoya choknv mvngjwng jinam vdwlo kumrwksinam gaamv:  
**2** Pwknyarnv okv ngonugv Ahtu Jisunyi nonugv chinam lokv nonu gylo akomaring bv anyuaya namv okv sarsopoyo namv doolwk yilaka. **3** Yvvdw ngonua ninyigv yunglit okv alvnam baak dubv vla ngonua goknv, um ngonu chinggv rila jvjvn dormo singdunglo singnam lvgabv ogu ogugo dinchi pkudw ho mvnwng nga Pwknyarnv gv kairungv jwkrwa ngonua jitoku. **4** Svkvnv lamtv lo hv milvkunam lo arv doyachoknv okv achialv bv kainv amin am jitoku, svbv amin jiku sokv nonu nyiamooku sokv yonwngla mvyakmvchak nam lokv kilin dukubv, okv Pwknyarnv ridung nga paaming gvvdu kubv. **5** Holvgabv vbvrinamv nonugv lvgvlvma lokv nonugv mvngjwng lo alvnam am lwkpwng toka; nonugv alvnu chingkikpakik nama lwkpwng toka. **6** Nonugv chingkikpakik nam lokv saktv nvnvlo lwkpwng toka; nonugv saktvnam lokv himv gvnvlo lwkpwng toka; nonugv himvnam lokv Pwknyarnv mvngnam am lwkpwng toka; **7** nonugv Pwknyarnv mvngnam lokv kristan pakmi sinama lwkpwng toka; okv nonugv kristan pakmi sinam lokv paknama lwkpwng toka. **8** Sikvvnv alamai am nonu dinchi svngv, okv nonu gylo bunua doolwk mobolo, vv bunu nonua ngonu Ahtu Jisu Kristo gv chingkikpakik am nonu gylo asaryaung more okv chrv more. **9** Vbvritol soogv vdws i yvzbunu gylo dooma dudw bunu abwkajek maby ho nonu kaapa nyomadu okv nonugv kwlo rimur rikunam am kakpung kunam am mvngpa kuma duku. **10** Vklvgabv, ngoogy ajin vdw, nonua Pwknyarnv gv goknam am okv ninyigv gaknam

am doobwng rungdubv ritolaka; holvgabv svkvnv sum nonu  
vbvribolo nonugv mvngjwng nam sum vdwloka kayu mare. **11**

Svkvnv riku lamtv lokv nonugv Ahtu okv ringnv Jisu Kristo gv  
turbwngjiku karv lo aala dubv Pwknyarnv jire. (aiōnios g166) **12**

Okv nonu vdwv jyjvrungnv sum adakrungbv hargap pvvla laarwk  
pvvsudu okv bunua chinpvla doodu vbvrijvka svkvnv sum ngo  
nonua mvngpa la ribvre. **13** Ngoogv turyi dvdv so svkvnv vdw  
sum nonuam mimpa yala miyar yanam si ngoogv tarwkbaknv  
kudungkua ngv vla mvngsu dunv. **14** Ngonugv Ahtu Jisu gv nga  
mindalvpa bv minjinam aingbv, ngoogv so nyejikunv adwnamar  
sum kayu yiku nvpv vla ngo chinsudu. **15** Vbvrikunamv, ngoogv  
siro kokwng lojvka svkvnv sum nonu lvgabv mvngpa bvbv sila  
dubv, ngo vdwgo lvgvlvmabv risv vdw vkvgo rila vvpv jire. **16**  
Ngonu Ahtu Jisu Kristo gv kairungbv aasv nga chimu dubv vla  
mvnammvsubv higu mvnam vdwva mvngging madunv. Ninyigv  
Kairungnv am ngonu nyikdadw lo kaatar lwknam lokv minji  
doonv. **17** Vdwlo hv mvngdv okv yunglit nama, Pwknyarnv  
Abu gv lokv jito kubvdw ngonu hoka dooto, vdwlo ninvia vlvgo  
aala Kaiyachokbv Yunglit kunv gv lokv bvb minjila, "Si ngoogv  
Paknam Kuunyilo ngv, ngo ninyia alvrungbv mvngpu dunv!" **18**  
Vdwlo ngonu darwknv moodw lo ninyigv lkobv doola riyilo,  
ngonu atubongv awv soogv vlv nga nyidomooku lokv aadu bv  
tvvtar lwkt. **19** Vbvrikunamv nyijwk vdwgv doin japgo kunama  
ngonu alvyabv mvngjwng yaya duku. Nonu svkvnv sum alvjvbv  
tvvgap suto laka, ogulvgavbolo Sikvnv si mvdurupum aingbv ridu  
oogv kanvparam lo loung bv arupua lobv hunglwknam apiabv  
okv nonugv haapoklo arukamchi gv karlumpumbum loung ngv  
hunglwkd. **20** Ogubvrijvka, mvnwng gv aolo sum mvnggap  
tvlaka yvvka Darwknv Kitap lo nyijwk vdwgv nyikrw kaanama

atubogv yvvka minbwk jila nyumare. **21** Vkvlgavbolo nyijwk vdwgv doin milwk minamv vdwloka nyia mvngnam lokv aamato, vbvritola Pwknyarnv gylokv aanv doina nyi vdwgv japyilo japnv vdwv Darwknv Dow gv arwnglo doonyato.

**2** Nyijwk mvvnrvunv vdwv nyi vdwgv pingkolo kvlo lokv aacho toku, okv oogv apiabv tamsar sarmurnv vdwka nonugv pingkolo aare. Bunu vdwv mvvkrmvrk nam, jyjvmanv doin mintam nvnga aagvre, okv bunua oogv ringlin kunv Ahtu um minala rire, okv vkvlgbv bunu awv atubogv aolo dvmminmabv mvyakmvchak nama laalwk sure. **2** Vbvrikwng jvka achialvgonv bunugv gwngmur singmur lamtv lo vngming gwvla rire; okv bunu ogu ridudw vkvlvkwnglo, kvvbi nyi vdwgv Jvjvnv Lamtv am alvmanv bv mvvnam mvvreku. **3** Bunugv kabiotarinv lokv miriukminda la higunai vngji dula soogv mvvla tamsar sarmurnv vdwv nonuam boksi minlin la rire. Holvgabv klu lokv lalayikula vjvgobv bunu vdwa Jwngkadaka jinv ngv mvpvripv duku, okv bunugv mvyakmvchak kuji nvngv yumabv uula doyalu riduku! **4** Oogv rimurnv nyidogindung vdwa Pwknyarnv yvvnyika kayu mabv, vbvritola bunua uyumooku gv kanvparam bolo leetola, Jwngkadakadw aluv aama dadw lo gobv, bunua paalwk nyala ritoku. (**Tartaroō g5020**) **5** Pwknyarnv klugv akunv nyiamookua kayula rimato, vbvridula oogv darwkmanv nyi vdwgv nyiamookua svdwng nga tvvlu jila r imu toku; vbvritola oogv darwkchongjor nama japgola rinv akingo Nua, okv kvvbi nyi kanw mvngchikgo ringlin mvngchik toku. **6** Pwknyarnv Sodom okv Gomorra pamtv am mvyakmvchak la rito, bunua vmv lokv taayuk jukjuk toku, okv vbg Pwknyarnvni chimabv rinv vdwa ogubv ritv dunvdw um bunua kaagy sinv dubv mvtoku. **7** Okv alvnu nyi go Lotnyi oogv pbvkaamanv nyi vdwgv gwngmurrimur rigvnam

lokv mvngdwk yanv um Pwknvyarnv ringlin jilaku ritoku. **8**  
Oogv alvnv nyigo bunugv aralo doonamv, bunugv alvmabv  
rinam am twla okv kaala yikula hv aluguya guya mvngdwk yala  
ridu. **9** Okv holvgabv Ahtu darwknv nyi vdwa adwk akunam  
lokv oguaingbv ringlin svngvdw okv oguaingbv alvmanv vdwa  
Jwngkadakadw alulo mvrit nam lvgabv arwnglo apv svngvdw um  
chindu, **10** yvvdw Pwknvyarnv gv tujupkunam am tvvma yabv  
okv adwnamar gv dvnwngyonwng lo riming gvvuduw um bunua  
vvpvre. Soogy tamsar sarmurnv vdwsı busukano go kaamadu  
okv mimbo sulaka ridu, okv aolo doonv yunglitnv vdw lvgabvka  
mvngdv namgo kaatam jimadu; vbvmayabv, bunua nyarjitarı la  
riyadu. **11** Nyidogindung vdvw, oogv tamsar sarmurnv vdwa  
gwlwkyadu okv kaiyanv bvka ridu vbvrijvka, bunu vdwa Ahtu  
gv kaagelo yamla minjimiyo la rinamgo kaamadu. **12** Vbvrıtola  
oogv nyi vdvw kudungkua yartak nambv rirungdu, mootum lokv  
svnwngsvmin anga aingbv laatung la okv pakila rinyato; Bunu  
mvnmvmrvla ogumvnwng nga mvki dubv ridu bunu mvngchin  
madu. Bunu vdwa mootum gv svnwngsvmin aingbv mvki riku, **13**  
okv bunu alvmabv rinv lvgabv alvmabv ridu kalamre. Bunugv  
mvngpu nam lvgabv ogumvnwng am alu gv loung lo ogu ridudw  
ho bunugv adwnamar gv nyumchi namv; Bunugv kupnam  
lamtv mvnwng am himpu sigv dula, nonugvlo lvkingobv aala  
dvbamtvngbam la rinamv nonugv hinyinghiru namgobv ridu! **14**  
Bunu yvnyika mvnggya madu vbwritola randwbajilo rinv nyimv  
nga mvnggya la ridu; Bunu gvlo rimur sinam lvgabv kano ngv  
vdwloka nyumchi madu. Bunu agiam anyum dunv nyi am amin  
lo rikup lwkdu. Bunugv haapok am gumpwng dubv risarsila ridu.  
Bunu Pwknvyarnv gv beenam arwnglo doodukunv! **15** Bunu  
sursinv lamtv nga kayuto okv bunugv lamtv ngam nyeemu tvku;

Bunu oogv alvmanv kudungkua lo rigyla morko gv paanam  
kudungkua nga alvbv yabv mvngnv, Beor gv kuu Balaam gv  
lamtv vngkulo vngming gvvto **16** okv ninyigv svnwngpvcha  
ngv nyi ako gv gaambv milin jidula nyijwk vdwgv svrudurak la  
kudungkua ritvkunam am mintor toku. Okv ninyigv rimur kunam  
lvgabv mintor la ritoku. **17** Soogv nyi vdwv isi sigung lo sintar  
kunam aingbv ridukunv, doogumdori gv mibv nam doomwk bv  
ridunv; Pwknvyarnv bunu lvgabv kanvparam arwngnv mooku go  
laapv jito. (**questioned**) **18** Bunu vdwv kaimvngsuto okv pvchaaria  
gaambv mindu, okv oogv alvmabv rinv nyi vdwgv pingko lokv  
vjakpiak bv kisuk linpinv vdwa adwnamar bv dvnwngyonwng  
rimurriche lo rinvvngnv dubv vla kupla ridu. **19** Bunu sijiku kogv  
lamtv ridung gv nyira bv ridula bunua ajarabi jimu nvpv vla milv la  
ridu—vkvlvgavbolo ngonu yvvdw ogumvnwng nga riyayaku dudw  
ngonu oogv nyira bv ridukunv. **20** Nyi vdwv Jisu Kristonyi ringnv  
okv ngonugv Ahtu gobv bunugv vbv chingku lokv nyiamooku  
sokv alvmanv gv nyi vdwgv lokv kisuk lindu kula, okv bunu  
lvkodv rigum yakula ribolo, vkvnv nyi vdwv kvvlo lokv richo yanv  
amum svnga alvmaya rinvpv. **21** Bunua darwknv rinam lamtv  
nga chimula rimu tvkula, darwknv orto jiku nama bunugv vngkur  
gvla rimum kusvnga, vdwloka bunua darwkbv rinam lamtv nga  
chimu manamv alvyago kunyikv. **22** Bunua ogugo ripvdw kaatam  
namv oogv minjwk minkiuq namv jyjvdu: “Ikiv atubogv bvvnam  
am lvkodv dvkor siduku” okv “vrik v sokpung mola rijeka eeriung  
lo durbok dvdv duku.”

**3** Ngoogv ajin vdwv, vjak ngoogv siti si nonuam lvnyinvbv  
lvkdunv. Ngoogv siti taknyigo lvknam si nonugv haapok gv  
mvngnam baangv so mvngdar la prototo nam lvgabv mimpa  
dvdunv. **2** Nonua kvlogv darwknv nyijwk vdwgv gamchar mincho

kunam vdwa mvngpa tvkv vla ngo mvngdu okv Nonugv Apostol  
vdwgylo oogv Ahtu okv ringnvbaanv gv orto jilwk kunam um  
mvnggap dvdv laka vla mvngdunv. **3** Mvnwng gv atuakebv,  
anyung anya gv alunyi bunu awgv dvnwngyonwng nam lokv  
rinv nyi meego kaapa rinvpv vla nonu chirung laka. Bunu  
vdvw nonua nyarjitarire **4** okv tvjikao la rire, “Jisu aare vla  
milv pvvnamv, Hv aama ai? Hv ogo lokula? Ngonugv abuapa  
vdvw siyu roku, vbvritola sicingmookua pwkrilo pwknamyarnam  
dvdv ngv ogumvnwng ngv klu lokv doonv ngv vjaklodvbv hvrek  
bv doobvdu.” **5** Bunu klulo sicingmooku okv nyidomooku  
am Pwknyarnv gamkigo jirungla pwklin pvnv vla, bunu jvjvby  
chingrung tvla okv chimav aingbv rirungdu. Sicingmooku sum  
isi agum lo laalinla okv isi lokv pwklin, **6** okv si ka isi lokv gvngv  
rungto, svdwng tvvlu nvngv aku kunv nyiamookua tvyak toku. **7**  
Vbvrilola nyidomooku gvla okv sicingmooku gv vjvgv doodunv  
sika Pwknyarnv gv gamki kunam akin lokv doodunv, soogv  
doodunv si vmv lokv gupak la gua modu kubv vla dooduku.  
Vdwlo Pwknyarnvni mvngjwng mabv doonv vdwa jwngkadaka  
yikudw okv um bunua nyeetak simu dukubv vla kaachingkaamu  
la vvpvtoku. **8** Vbvrilola ngoovg ajin vdw, nonu so angv sum  
mvngpa mabv riyoka! Ahtu gv kaagia lo alu lookin vla okv hejar  
anying ngv ogu angusiya nvgo kaama dunv; ninyigv lvgabv  
soogv anyiv lvyin akinnv. **9** Kvvgo nvgv vvbv mvngnam aingbv,  
Ahtu Jisu ogugo hv milvpvdw um ridubv haatvgoyula rimadunv.  
Vbvmayabv, hv nonua lvkobv saktv minggvdu, ogulgavbolo  
hv akin goka sitoka vla mvngmadu, vbvritola bunugv mvnwng  
nga rimur vdwlokv mvngkurla mvngdin modu kubv mvngdu. **10**  
Vbvrilola Ahtu gv aadw Aluv dvchonv aanam aingbv aare. Oogv  
Alunyi nyidomooku aduv tvtak kumabv dula nyere, nyidomooku

gv doonyi poolu, takar vdwv vmvbv guyakgupakla okv guyok  
riku, okv sichingmooku gv ogumvnwng ngvka mvyakmvchak  
reku. **11** Sibv rila ogumvnwng ngv mvyakmvpak rokubolo, nonu  
ogunv nyi bv riku svngvdw? Nonugv singdung nga darwk nvbv  
rirung tokuka okv Pwknyarnv gylo tulwksula ritoka, **12** vBV  
nonu Pwknyarnv gv aadw Alua kaayala doodubv baapubv  
aagor monam lvgabv nonugv lvgvlvma lokv rilaka—Alu lo  
nyidomookuv vmvbv gupak reku okv mvyakmvpak reku, okv  
nyidomooku gv doonyi, poolu, takar vdwv hagula jimwkjimak  
reku. **13** Vbvrilola Pwknyarnv ogugo milvpvdw um ngonu kaaya  
du: vv anwnv nyidomooku okv anwnv sichingmooku go vv  
darwkchongjornv naam bv rire. **14** Okv vbvrlikunamv, ngoogv  
ajin vdw, nonu vkvnv alu am kaaya dunvdw, Pwknyarnv gv  
kaagialo nonu Darwkyachok nvbv okv alvyachok nvbv ritoka okv  
ninyigv lvkobv sarsopoyo minggv tylaka holvgabv lvgvlvmabv  
rilaka. **15** Ngonua ringnam lvgabv ngonugv Ahtu gv saktv nama  
alvnv gamdak am kaato laka, ngonugv aya minsunam Paul  
Pwknyarnv gv mvngkimvnglak jinam am rinvla nonua lvknam  
apiabv. **16** Vkv aingbv ninyigv siti lvkyi dwkibv oogv lvkwng  
bv vBVching naala lvkdu. Vbv lvknam lo chinyu manam vkv  
doodu, um chimapamunv vdwv okv kiamkarnv nyi mvnwng ngv  
Darwknv Kitap am baago—baago nvlo mimurla minam aingbv  
so siti sum mimurla minji nyadu. Vkvlgabv bunu vdwv bunugv  
mvyakmvchak svnga naalwk sidu. **17** Vbvrivka, ngoogv ajin  
vdw, nonu sum chinro duku. Vbvrlikunamv, nonu atubongv hima  
sulaka, vBVribolo PvBV chimanv alvmanv nyi vdwgv rigakpanam  
lokv nonua riye gyla vnggyv lamare okv nonu ringlin kunam lokv  
holu laku mare. **18** Vbvrilola ngonugv Ahtu okv Ringnvbaanv Jisu

Kristo gv chingkikpakik namlo okv anyuaya namlo kaiyaya laka.

Vjak okv dvbvdwkibv yunglitnamv ninyi gvbvka. Amen. (**aiōn g165**)

# 1 Jon

**1** Klug gv doodung sunv singdung gv Gamchar lvkwnglo, ngonu nonua lvkdunv. Ngonu um tvvpaato, okv ngonu nyik lokvka kaato; um, ngonu kaapv kunv, okv ngonugv laak lokvka mvsit laka rito.

**2** Vdwlo turnam si kaapa dubv rikubvdw, um ngonu kaatoku; vklvlgabv Abu gv lvkobv doonv oogv turbwngjinv singdung okv ngonua chimu kunam lvkwng lo oogv mintv dunv um, ngonu nonua minji dunv. (**aiōnios g166**) **3** Ngonu ogugo tvvbvdw okv kaabvdw ngonu nonua minji dunv, vklvlgavbolo nonu ngonugv lvkobv akingobv ridu kula Abu gvla okv ninyigv Kuunyilo Jisu Kristo gv lvkobv ribam reku. **4** Ngonugv mvngpuv paapwngpanya dukubv vla sum ngonu lvkdunv. **5** Ninyigv Kuunyilo gvlo tvvnam ngonugv vjvgv nonu gvlo minggo karjinam doin minam si: Pwknyarnv ngv loung ngv, okv ninyi gvlo ogu kanv nam goka kaama dunv. **6** Vbvrikunamv, ngonu mindu ngonu ninyigv lvkobv ribam donv vtola ngonu kanv lo ridubolo, ngonugv gaam mingkulo okv gwngkuriku lo ngonu mvvji rijidu. **7** Vbvritola ngonu loung lo ridubolo—nw gv loung lo rinam aingbv—vbvrikubolo ngonu ajin a lvkin gobv ribam duku, okv ninyigv Kuunyilo, Jisu gv oyi lokv ngonua rimur mvnwng lokv kakpung dukunv. **8** Ngonu gvlo rimur kaama vla ngonu mindu bolo, ngonuv atubonga kupsu dunv, okv ngonugv arwng lo jyv ngv kaamado. **9** Vbvritola ngonugv rimur am ngonu Pwknyarnvnyi mingkukla minji yabolo, Hv ninyigv milvpvvji nama vvpvjire okv tarwkbak nvngv ogudw um ribvjire: Hv ngonugv rimur vdwa mvngnga jire okv ngonugv rimur kunam mvnwng lokv harkak jireku. **10** Ngonu rimur mapvvn vla ngonu mindu bolo, ngonu Pwknyarnvnyi mvvjidu, okv ninyigv gamchar vv ngonugv aralo doomadu.

**2** Ngoogv umvuu vdwv, ngoogv sum lvkdung dunv si, ngo nonua rimur moku mare vla; vbvrijvka yvvdw rimur ridubolo, ngonu lvgabv Abua minji jinv akin go ngonu gvlo doodu— vv Jisu Kristo, darwkchongjornv angv. **2** Okv Kristo atubogv vbvrinam vv ninyi ngonugv rimur am mvngnga jinam lvgabv, okv ngonugv rimur mvngchik um twkma, vbvritola mvnwng gv rimur mvnwng aka mvngnga jiduku. **3** Ngonu Pwknyyarnv gv gamki nama tvvdu bolo, vbvribolo vv ngonu ninya jvjvklvbv chinrungdu **4** Ngonu ninya chirungdunv vla mindula vbvritola ninyigv gamki kolo tvvmabv ribolo, ngonu mvvnrunv gobv ridukunv okv oogv jyjv ngv ngonugv arwng lo dooma dunv. **5** Vbvrinam ninyigv gamchar am tvvdu bolo, vv Pwknyyarnvnyi paknamv jvjvklvbv rvbwngchingnv akobv rirungdunv. Ngonu Pwknyyarnvnyi akingobv ridunv vnam sum vbv ngonu alvbw ngonu chinsu lareku: **6** Ngonu Pwknyyarnv gvlo akingobv ribvdoobv doonv vla mindunv, ngonu Jisu Kristo gv rinam aingchingbv rirungdubyv ridu. **7** Ngoogv aya minsunam ajin vdwv, soogv nonua lvkdungnam gamki si anwnv gaam ma; si kvvlogv nonugv akunv gamki go, akunv gamki si klu lokv nonugvlo dooto. Nonugv tvvrokunam doin angv hv akunv gamki ngv. **8** Vbvrrijvka, ngoogv vjakgv gamkinam lvknam si anwnv, ogulvgavbolo soogv jvjvnam sum Kristo gvlo kaapado okv nonugv ara loka sum kaapado. Vkvlgavbolo kanv ngv nyeto kula okv jvjvrungv loung ngv ungtoku. **9** Ngonu mindu ngonu loung lo ridunv vdula, vjvlodvby kvvbia kaanwng madubolo vv vjakka kanvparam lo ngonu doobv dvdv dunv. **10** Ngonu kvvbia pakdu bolo, ngonu loung lo ridunv, okv vbvrinamv ngonu yvvnyika oguguka rimur dubv mvlwk lamare. **11** Vbvrinamv ngonu kvvbia kaanwng mabv ribolo, vv ngonu kanv lo doodunv; ngonu hogv aralo vngdula okv

ngonu ogolo vngdung dunvdw um ngonu chimadu, ogulvgavbolo kanv ngv ngonua nyikching mola ridu. **12** Ngoogv umvuu vdvw, Kristo gv amin bv nonugv rimur am mvngnga jitoku vkvlvgabv ngo so nonua lvkdunv. **13** Abu vdwa, ngo nonua lvkdunv, ogulvgavbolo kvlo lokv doodungnv yvvdw, um nonu chindu. Ngo nonua lvkdunv, nyipayapa vdwa, ogulvgavbolo nonu Alvmanv Anga rigum yatoku. **14** Ngoogv umvuu vdwa, ngo nonua lvkdunv ogulagavbolo, nonu Abunyi chindu. Abu vdwa, ngo nonua lvkdunv, ogulvgavbolo ninya kvlo lokv doodung nvngv vla nonu chindu. Nyipayapa vdwa, ngo nonua lvkdunv, ogulvgavbolo nonu gwlwknvbv riduku; Pwknyarnv gv gamcharv nonu gvlo doolwkdu okv nonu Alvmanv Anga rigum yatoku. **15** Nonuno nyiamooku sum, vmajeka nyiamooku soogv ogumvnwng nga pakyoka. Nonu nyiamooku sum pakdu bolo, Abunyi paknamv nonu gvlo kaama. **16** Ocumvngmwng ngv nyiamooku gvby ridunv—ogugo atubogv lvgabv mvngmurla mvngdudw, ogugo nyiv kaadudw okv mvngbiu dudw okv nyi vdwgv kai mvngsunam ogumvnwng si nyiamooku sokv gvby ridunv—si Abu lokv aama dunv; Soogv ogumvnwng si nyiamooku so lokv aadunv. **17** Nyiamooku vla okv soogv ogumvnwng ngv nyi vdwgv mvngbiu namv nyedukunv; vbvritola yvvdw Pwknyarnv gv mvnglwk lo ridunv vv doobwngre. (aiōn g165) **18** Ngoogv umvuu vdvw, ataranya aluv nvchi duku! Nonu vbv mindu Kristo gv nyimak vv aarikv vbtv; okv vjak Kristo gv nyimak vv achialvbv aalwk pvku, okv vbvrinamy ataranya aluv nvchi dukunyi vla ngonu chinduku. **19** Soogv nyi vdwsj jvjkvbv ngonugv ribam akin mago, okv vkvlvgavbolo bunu vdvw ngonua kayutoku; bunu ngonu gvby rila ribam nvgobv ribolo, bunu ngonugv lvkobv doobamla ripv nypv. Vbvrifyka bunugv kayu pikula kilin kunamv

bunua jvjvklvbv ngonu gvbv rima dukunv vla mimbwkvrwk nvdu kubv riduku. **20** Vbvritola nonu vdwylo Darwknv Dow am Jisu Kristo gv lokv pwlwkt, okv vkvlvgabv nonu mvnwng ngv jvjv nama chindu kunv. **21** Vbvrikunamv, ngoogv nonua lvknam si nonu jvjvnga chima vla lvkma; Vbvmabyya, nonugv sum chinam lvgabv, okv nonuka sum chinsudu, mvvnam si vdwloka jyjv lokv lima dunv. **22** Vbvkulolo, mvvnv ngv yvvkudw? So si Jisunyi Messiah makv vnv vdwv. Vkvnv vBV mindunv nyiv Kristo gv nyimak bv ridunv—bunu Abu okv Kuunyilo am anyi baabwng nga tulatua du. **23** Holvgabv yvvdw Kuunyilo am tulatua dudw vv Abu nyika tulatua dunv; yvvdw Kuunyilo am turwksidunv vv Abu nyika turwksidu. **24** Vbvrikunamv, rirap lokv nonugv doin tvvnam am nonu haapok lo rvbwng alvbv kaaching pvvtk. Nonu hogv doin am kaaching pvbolo, vBvribolo Kuunyilo gylola okv Abu gvlo akin gobv doobvre. **25** Okv si Kristo ninyigv ngonua turbwng nama jinvpv vla milpvvnamv. (aiōnios g166) **26** Ngoogv nonua lvknam si yvbbunudw nonua kupduby gwngdudw ho lvkwngbv si lvkdunv. **27** Vbvrijvka nonugv lvgabv, Kristo ninyigv Darwknv dow am nonugv aolo pwlwk jito. Vdwlo gobv ninyigv darwknv dow nonu gvlo dubv ridw, yvka nonua tamsar dubv rinam kaamare. Ogulvgavbolo ninyigv darwknv dow nonua ogumvnwng nga tamsarla rire, okv ogugo hv tamsar pvdw vv jvjvngv, vv mvvnam kaama. Dow gv tamsarnam um tvlaka, okv Kristo gvlo vngdwng la akingobv ribv tvlaka. **28** Okv ngoogv ayanam umvuu vdwv, ninyi gvlo akingobv doobv tvlaka, vkvlvgabv vdwlo hv atubonga kaatam la riyikudw ngonu achialvbv pwktpwkru riku okv hvkvgv aadw lo ngonu ninyia hinyinghirula toosila rikurgo kaaku mare. **29** Nonu chinsudu Kristo Darwk nvgo vla; Vbvrikunamv, yvvdw

tarwkbak namv ogudw um ridunv vv Pwknyarnv gv umvuu bv  
ridunv vla nonu chirung tvlaka.

**3** Kaatoka Abu ngonua vdwgo pakdu! ninyigv paknamv  
achialvbv kainamv ngonu Pwknyarnv gv umvuu gobv minla  
sudukunv—okv vbvrinamv, jvjvklvbv, ngonuv vbvrije duku.  
Vkvlgabv sichingmooku si ngonua kaachin madunv: soogv  
vdwv Pwknyarnvnyi chimadu. **2** Ngoogv ajin vdwv vjak ngonu  
Pwknyarnv gv umvuu vkula, vbvrijvka ngonu ogubv riyidw  
vjaklodvbv rbwng bv chinbwk madu. Vbvrilola ngonu um chindu  
kristo vdwlo atubonga kaatam redw, ngonu ninyigv aingbv rire,  
ogulvgavbolo hv oguaingbv jvjvklv dudw ninya ngonu vbvching  
kaapa sire. **3** Kristo gvlo yvvdw vbv mvngtin sidudw, Kristo gv  
darwknam aingbv bunuka awv darwk nvbv risudunv. **4** Yvvdw  
rimur ridunv vv Pwknyarnv gv Pvbv nga mvvkmrvk jidunv,  
ogulvgavbolo Pvbv nga mvyaknam si rimurv. **5** Nonu chindu  
Kristo rimur am lala laa tvvbw aato, okv ninyi gvlo oguguka rimur  
go kaama. **6** Vkvlgabv yvvdw Kristo gvlo akingobv ribam ridw  
vv rimur ribv kumare; vblrilola yvvdw rimur lo ribv dudw vv  
ninya vdwloka kaakw madu vbvmajeka ninya chimpa madu. **7**  
Ngoogv umvuu vdw, nonu yvvnyika kupku yoka! yvvdw darwknv  
kudungkua nga ridunv vv Kristo gv darwknv rinam aingbv ridunv.  
**8** Yvvdw rimur ribv dunv vv Uyudvbw gvbw ridunv, ogulvgavbolo  
Uyudvbw ngv klu lokv rimur gvnv ngv. Soogv Ivgabv Pwknyarnv  
gv umvuu am kaatamto, okv Uyudvbw gv kudungkua nga  
mvvkmrvk dukubv vla aatoku. **9** Yvvdw Pwknyarnv gv umvuu  
bv ridu kudw vv rimur riching am ribv kuma dunv, ogulvgavbolo  
Pwknyarnv gv ridungrima ngv bunu gvlo doodu kunv; okv  
ogulvgavbolo Pwknyarnv bunugv Abu bv rikunam Ivgaby, bunu  
rimur ribvla rila kuma dunv. **10** Svbw riku lokv Pwknyarnv gv

umvuu vdw okv Uyudvbv gv umvuu vdw ho angu sinam am  
pvbwngvrwng dukunv: yvvdw alvnv ogudw vkvnvnv mvnwng  
nga rimanv vmalo kvvbi aka pakma dunv vv Pwknyarnv gv  
umvuu bv rima dunv. **11** Ngonu ajin anyingnga pakmi sirung  
tvka: vnam si nonugv kvlo gv tvchonam doinv. **12** Ngonu Kein  
gv aingbv rimabvk; Hv Alvmanv Angv gvbv rito okv ninyigv  
atubogv boru Abelnyi mvki sutoku. Oulgabv Kein ninyia mvki  
toku? Vklvgavbolo ninyigv kudungkua rinamv rimurto, vbritola  
ninyigv boru gv kudungkua rinamv rijwk yatoku. **13** Ngoogv  
ajin vdvw, sichingmooku soogv nyi vdwgv nonua kaanek nama  
nonu ogubvda bvri mvngyoka. **14** Ngonu sinam lokv turnam  
lo aadu kunv vla ngonu chindu kunv; vklvgabv ngonu kvbi  
aka pakmi sidunv vla ngonu chinsudu. Yvvdw pakmi sima dunv  
vv vjylodvbv sinam gv jwkrw arwng lo dubv dunv. **15** Yvvdw  
kvbi mvnwng nga kaanek yadunv vv minvlenv gobv ridunv,  
okv minvlenv ngv bunu vdwgvl turbwng nama paama dunv  
vla um nonu chinsudu. (*aiōnios g166*) **16** Pakmi sinam si ogudw  
vv ngonugv chinamv: Kristo ngonu lvgabv ninyigv turnam am  
jitoku. Vbrikunamv, ngonuka kvbi vdwgv lvgabv turnam am  
jtv ngurv tvka! **17** Ngonu nyitv bolo okv kvbi gv chichichilin  
manv am kaadu, vblrivka ngonugv haapok mvtum sutola bunua  
rinyingiru bolo, ngonu Pwknyarnvni pakdunv vla oguaingbv  
minla dubv? **18** Ngoogv umvuu vdw, ngonugv gaam raanam okv  
minam mvngchik lokv pakmwng yoka; Sum jvvnv paknam lokv,  
gwngtumritum la kaatam tvlaka. **19** Vbrikunamv, Ngonu jviv  
lokv gvngv vla oguaingbv um ngonu chinla redw; sibv ngonu  
oguaingbv Pwknyarnv gv nvchilo vngdwngbv doolaredw. **20**  
Ngonugv mvngdung ngv ngonua miyakaya sidubolo, ngonu  
chinto laka Pwknyarnv ngv ngonugv mvngdung nga kajyanv

ngv okv hv ogumvnwng nga chindunv 21 Okv holvgabv ngoogv  
ajin vdw, ngonugv mvngdung ngv ngonua miyakaya suma  
dubolo, vv ngonu Pwknyarnv gv nvchilo mvngrw dunv. 22  
Ngonu ogugo koodudw ngonu ninyi gylo paadu, ogulgavbolo  
ngonu ninyigv mingkulo vngdu okv ninyia mvngpu dubv ridu. 23  
Kristo gv ngonua gamkinam aingbv, Hv oguv vla gamkito vv  
ninyigv kuunyilo Jisu Kristonyi mvngjwng laka okv ajin anyingnga  
pakmi silaka vto. 24 Yvvdw Pwknyarnv gv gamkinam am tvla  
Pwknyarnv gylo lvkin gobv ridudw okv Pwknyarnv bunua ka  
lvkin gobv ridu. Okv Pwknyarnv gv dowa ngonu gvlo jilwk  
kunam lokv Pwknyarnv ngonua lvkobv rimingvdu kunv vla  
ngonu chindu.

**4** Ngoogv ajin vdw, yvvdw ngonu dow lo doodunv vnv nga  
mvngjwng yoka, vbvritola Pwknyarnv lokv aanv Dow ogudw  
um bunua hingkwkaakw la malin chotoka. Ogulgavbolo mvvnv  
nyijwk kv achialvgo ogolo ogolo linduku. 2 Soogv si Pwknyarnv  
gv Dow vla um nonu oguaingbv kaachin nyola redw: yvvnyiv  
Jisu Kristonyi nyia adwnamar gobv aapvnu vla chinla mindunv vv  
Pwknyarnv lokv aanv dowa gvvdu. 3 Vbvritola yvvnyiv Jisuni  
adwnamar bv aapvnu vla mvngjwng madunv vv Pwknyarnv  
gv lokv Dow gvvma dunv. Ninyi gylo dow doodunv vv Kristonyi  
Nyimak bv rinv lokv ngv; nonu vkv nvngv aare vla minam  
um nonu tvvchoto, okv vjak vkv nvngv nyiamooku si aala  
riduku. 4 Vbvritola ngoogv umvuu vdw, nonu Pwknyarnv  
gvbv ridunv, okv nonu mvvnv nyijwk vdwa rigumriya nvngv,  
ogulgavbolo nonu gylo doonvdaknv Dow vv nyiamooku so gvbv  
rinv oogv dow am kaiyabv jwkrw doyadunv 5 Mvvnu nyijwk  
vdwv nyiamooku soogv ridung lvkwnglo japdu, okv nyiamooku  
soogv vdww bunua tvvji nyadu ogulgavbolo bunu sicingmooku

so gvbv ridunv. **6** Vbvitola ngonu Pwknvyarnv gvbv ridunv. Yvvdw Pwknvyarnvnyi chindudw vv ngonuam tvvjidu; Yvvdw Pwknvyarnv gvbv rimadudw vv ngonua tvvmadu. Vbvrikunamv, ngonu jvjvnv Dow vla okv alvmanv dow vla ngonu angu sinam am kaachin sila dukunv. **7** Ngoogv ajin vdwv, Kaju ngonu pakmi sidukalam laju, ogulvgavbolo paknam si Pwknvyarnv lokv aadunv. Yvvdw pakmi sidudw vv Pwknvyarnv gv umvuu ngv okv Pwknvyarnvnyi chindunv. **8** Yvvdw pakmi simadudw vv Pwknvyarnvnyi chimadunv, ogulvgavbolo Pwknvyarnv ngv paknv. **9** Okv Pwknvyarnv ninyigv paknam am kaatam nvdubv ngonu lvgabv nyiamooku so ninyigv Kuunyilo akina jilwkto, vklvlgavbolo ninyigv lokv ngonuam turnam am paamu dukubv vla ritoku. **10** Paknamv sibvching ridu: Si ngonugv Pwknvyarnvnyi paknam lokvma, vbvitola si ninyigv paknam lokv okv ngonugv rimur am mvngnga kunam lvgabv ninyigv kuunyilo akina jilwk kunamv. **11** Ngoogv ajin vdw, Pwknvyarnv ngonua ogubv vbv pakdu bolo ngonuka ajin anyingnga pakmi sila ridukubv rirung tokuka. **12** Yvvka Pwknvyarnvnyi vdwloka kaakanv kaama, vvvrijvka ngonu ajin anyingnga pakmi sibolo, Pwknvyarnv ngonua lvkin gobv riming gvvdu, ogulvgavbolo hv ngonua ninyigv arwnglo rvbwngmola riduku. **13** Ngonu chirung sudu ngonu Pwknvyarnv gvlo lvkin gobv riming gvdu okv ninyika ngonu gvlo lvkin gobv reming gvvdu, ogulvgavbolo hv ngonua ninyigv Dow am jitoku. **14** Okv Pwknvyarnv Abu ninyigv kuunyilo nga nyiamooku am ringnvbaanv gobv jilwk nama ngonu kaatoku okv kvvbia minjitoku. **15** Yvvdw Jisu Kristo Pwknvyarnv gv Kuunyilo ngv vla minchar jikubolo, hv Pwknvyarnv gv lvkobv riming gvvdu okv Pwknvyarnv ka ninyigv lvkobv riming gvvdu. **16** Okv Pwknvyarnv gv ngonu lvgabv oogy pakmi sidubv jinam

am ngonu atubongv chinsudu okv mvngjwngdu. Pwknyarnv  
ngv paknamv, okv yvvdw Pakmi sinamlo doodunv Pwknyarnv  
gvlo lvkin gobv riming gvvdu okv Pwknyarnv ka bunua lvkobv  
riming gvvdu. **17** Jwngkadaka dw alunyi ho ngonuv pvktvpwkru  
nyola nam lvgabv Pakmi sinamv ngonua pvbwgvrwng dubv  
mvduku; okv ngonu gvlo sum vbv paarungre ogulvgavbolo  
nyiamooku soka ngonugv turla rinamv Kristo gv rinam aingbv  
ridu. **18** Ho pakmi sinam lvgabv busukano namgo kaama;  
pvbwngvrwng bv pakmi sinamv busunam mvnwng nga charla  
chara dukunv. Vbvrikunamv, yvvgvlo busukano namgo doodudw  
vkvgvlo paknamv pvbwgvrwng namgo kaamadu, vkvlvgabv  
busunam si mrvit namlo dooming gvvdu. **19** Ngonu Pakdu  
ogulvgavbolo Pwknyarnv ngonua pakcho gvvtku. **20** Ngonu  
mindu Pwknyarnvnyi ngonu pakdu vbvritola kvvbi am kaanwng  
madubolo, vv ngonu mvvnv bv ridu. Holvgabv ngonu kaapanam,  
kvbi ajin vdwsom pakma dunv bolo, ngonu kaapa nyoka manam,  
Pwknyarnvnyi ngonu pakla nyomadu. **21** Kristo svkvnv gaam  
sum gamki jila ngonua jilwk kunam si: yvvdw Pwknyarnvnyi  
pakdunv vv kvvbi vdwaka paktoka.

**5** Yvvdw Jisuni ringnvbaanv gobv mvngjwng dudw vv  
Pwknyarnv gv kuu akobv ridu; okv yvvdw Abunyi pakdunv vv  
ninyigv kuu aka pakdu. **2** Okv so si Pwknyarnv gv umvuu am  
ngonu pakdunv vla ngonu oguaingbv chinsu dunv: vbvridunamv  
Pwknyarnvnyi Paknam lokv okv ninyigv gamki nama tvnam  
lokv. **3** Holvgabv ngonugv Pwknyarnvnyi paknamv ninyigv  
gamki nga tvnamv. Okv ninyigv gamkv ngonu lvgabv achialvbv  
rika nyoma nvgobv rima, **4** ogulvgavbolo Pwknyarnv gv  
kuu ngv sichingmooku nga rigumyala dunv. Okv ngonugv  
mvngjwng sinam lokv sichingmooku sum ngonu rigum yadunv.

5 Yvyla sicingmooku sum rigum yajinv? Yvvnyiv mvngchikv  
Jisu Kristonyi Pwknyarnv gv Kuunyilo ngv vla mvngjwng dunv.  
6 Jisu Kristo ninyigv baptisma gv isi am okv ninyigv sinam gv  
oyi am aagv la aanv akin vvnv. Hv isi mvngchik ka aagv la  
aamato, vbvritola oyi okv isi am anyibabwng nga aagvto. Okv  
Dowv sum nw atubongv jvjvngv vla mintamjidu, ogulvgavbolo  
Dow si jvjv ngv. 7 Hoka mintam jijinv aomgo doodu: 8 Dow,  
lsi, okv oyiv; okv aom vv mvnwng ngv lvyin akinbv mintamjidu.  
9 Ngonu nyia mindung bv minji nama mvngjwngdu; vbvritola  
Pwknyarnv gv mintam jinamv achialvbv gwlwkyachok dunv, okv  
hv ninyigv kuunyilo gv lvkwng lo mintamto. 10 Vkvlgabv yvvdw  
Pwknyarnv gv Kuunyilo am mvngjwng sidudw bunugv haapok  
lo mintam namsi doolwkdu; vbvrijvka yvvdw Pwknyarnvnyi  
mvngjwng madudw ninyia mvvnv gobv mvdukunv, ogulvgavbolo  
Pwknyarnv gv oguaingbv ninyigv Kuunyilo lvkwng lo mintam  
nama bunu jvjvngv vla mvngjwng madu. 11 Soogv mintam namsi  
vbvridu: Pwknyarnv ngonua turbwng nama jitoku, okv turnam si  
ninyigv kuunyilo gv lokv lindu. (aiōnios g166) 12 Yvvgylo Kuunyilo  
vv doolwk dudw soogv turnamv doodu; yvvgylo Pwknyarnv  
gv kuunyilo ngv dooma dudw vv turnama paama. 13 Ngoogv  
sum lvkdung dunv si nonuv turbwngnv singnam am paaduku vla  
chinmu dubv— Pwknyarnv gv kuunyilo nga mvngjwng kunv  
ngv nonu. (aiōnios g166) 14 Pwknyarnv gv nvchilo doodubv  
ngonu gvlo pvktvpwkru namv doodunv ogulvgavbolo ninyigv  
mvnglwk lo ngonu ogugo ninyia kooredw ngonua tvrinvpv  
vla ngonu mvngpv rungdu. 15 Ngonu vdwgo ninyia koojvka  
hv ngonua tvdu; okv si jvjvngv vla ngonu chindu, okv ngonu  
ogugo ninyi gvlo koodudw hv jidunv vla umka ngonu chindu. 16  
Nonu mvngjwngnv ako rimur go ridubv kaadu bolo, vv sinam

lo vnggv jeyomadu, Pwknyarnv gylo nonu kumrung tvlaka  
vkvgvlvgabv turnam jire. Svkvnv minam si rimurla siji kolo  
rilwk manv nga mindu. Vbvritola rimur gony vkvnv siji kolo  
vnggv jinvgo doodunv, okv ngo vkvnv vdw um Pwknyarnvnyi  
kumrung tvka vla mima dunv. **17** Rigakpanam dvdv ngv rimure,  
vbvritola rimur gony sikungoku lo vnggv manv goka doodunv. **18**  
Pwknyarnv gv umvuu ngv rimur ribv mare vla ngonu chindu,  
vkvlgavbolo Pwknyarnv gv Kuunyilo ngv bunua ringchum la  
ridu, okv bunua Alvmanv Angv oguguka rinap lwknyu lama dunv.  
**19** Nyiamooku soogv dvdv ngv Alvmanv gv rigvdogv kongv bv  
rijvka ngonu Pwknyarnv gvby ridunv vla ngonu chindu. **20**  
Pwknyarnv gv kuunyilo ngv aala okv ngonua tvvchin nvnv nga  
jipvnv vla ngonu chindu, vkvlvgabv ngonu jvjvnv Pwknyarnvnyi  
chindu. Ngonu jvjvnv Pwknyarnv gv lvkobv akingobv rinam  
lokv—ninyigv kuunyilo Jisu kristo gv aralo akin gobv doodu.  
Si jvjvnv Pwknyarnv ngv okv si turbwngnv singnam jiku ngv.  
**(aiōnios g166) 21** Ngoogy umvuu vdwv, nonuno atubongv mvvnv  
pwknyarnv vdwa hima sula ritoka!

## 2 Jon

**1** Abwng Jon lokv— Ayanam dvnbuyu okv bunugv umvuu vdwa, okv ngoogv jvjvrungbv paknam. Okv ngo akin twkma, vvvritola yvvdw jvjvnga chinv vdwv mvnwng ngv nonua pakdu,  
**2** ogulvgavbolo jvjvngv ngonu gvlo doodunv okv ngonu gvlo dvbvsingtambv doobvre. (aiōn g165) **3** Pwknyarnv Abu, okv Abu gv kuunyilo Jisu Kristo, ngonua anyuaya, aya okv sarsopoyo nga jinamv doyi laka; okv jvjv okv paknamv bunu ngonu gvbv doolwk yilaka. **4** Abu gv ngonua gamkinam aingbv, nonugv umvuu meegonv jvjvlo ridubv tvvpa nam lvgabv vdwgo ngo himpu siyato. **5** Okv vvvrikunamv, ayasinam dvnbvvyu: kaju ngonu mvnwng ngv ajin anyingnga pakmisila juka. Ngoogv nonua lvkdung dunam si anwnv gamki yagoma; si ngonu gvlo klu lokv gamki la doobwng kunam go. **6** Ngoogv pakmi sidubv mindunv si ngonu Pwknyarnv gv gamki kolo tvvla doorung tylaka vnamgo. Klu lokv, nonu mvnwng gv tvvnam gamki si, nonu mvnwng ngv pakmi sinam lo doto laka vnamgo. **7** Nyiamooku so nyi meego mvvnv ngv vnglin doku, oogv nyi vdwv Jisu Kristonyi nyiamooku so nyi nyidung bv aapvnv vla mimanv, oogv nyi mvvnv ngv okv Kristo gv Nyimak bv rinv ngv. **8** Vvvrikunamv ngonu ogunv kudungkua ripvnam ngv nyema nam lvgabv, nonu awv hingga sula doto laka, vvvribolo nonugv Amen am paareku. **9** Yvvdw Jisu Kristo gv tamsar kolo dooma dunv, vvvritola, ribovngbo yadunv vv Pwknyarnv gvlo paaya mare. Yvvdw so tamsar kolo doodudw vv Abu nyila okv Kuunyilo anyibawng nga paare. **10** Vvvrinamv, yvvdw nonu gylo aadula soogv tamsarnam sum aagv la aama dubolo, um nonugv naam lo aadu bv ninya kumrwklvtak siyoka; “Nonu gylo sarsopoyo namv doylakv vla vvvka miyoka.” **11** Holvgabv yvvdw bunua sarsopoyo nga nonu lvkobv doylakv

vla mindunv, kokwnglo bunugv alvmanv gv rinam lo ajin gobv  
ridunv. **12** Ngo nonua minsv meego doodunv, vbvrijvka pvt a soka  
okv sai lokv lvkmare; vbvmayabv, ngo awv kaalwkla okv gaam  
yangv mirwksiya nvpv mvngla mvngtindu, vbvribolo, ngonugv  
mvngpuv pumichiki yariku. **13** Nonugv ayanam anyibormv vdwgv  
umvuu vdvv bunugv kumrwksinam go jilwk dunv.

## 3 Jon

**1** Abwng lokv— Ngoogv jvjvrungbv paknam, ayanam Gaiusnyi.  
**2** Ngoogv ayanam ajin, noogv Dow lo alvdunv vla ngo chinam  
aingbv—ogumvnwng ngv alvminggv yilakv okv noogv adwnayak  
vka alv yilakv vla ngo kumdunv. **3** Noogv jvjlo ribvdoobvnam  
aingbv—vdwlo kristan meego aadula okv no jvjlo vdwgo  
jwkjwkvrwk la ridu vla nga minam am ngo achialvbv mvngputo. **4**  
Ngoogv umvuu vdvv jvjlo ridudodu kv vnam am ngo tvppanam  
si oguguka mvngpu yanvgo kaaku madu. **5** Ngoogv ayanam ajin,  
nonuno kvbi kristan ajin vdwgv lvgabv vdwlo bunu nyien bv rijeka  
kudungkua riji kolo nonu achialvbv jwkjwkvrwk bv ridu. **6** Bunu  
gvrja lo nonugv paknam lkwnglo japlal ridu. Pwknyarnvnyi  
mvnglwk koodubv bunugv mooying vngtung nga vngbv dubv  
bunua mvdurridur laka. **7** Vklvgavbolo mvngjwngmanv vdwgvlo  
oguka ridurnam kamabv Kristo gv kudungkua lvgabv bunu  
mooying vnglintoku. **8** Vbvrikunamv, ngonu kristan vdwy, sikvnyi  
vbw sum ridur tvka vbvribolo ngonu bunua jvbj gv lvgabv  
kudungkua nga ridur minggv lare. **9** Ngo gvrja lo siti takching  
achukgo lkvto; vbvritola Diotrepes, oogv rigvdubv mvngnv, vv  
ngo ogugo mimpvdw um tvvgap jima. **10** Vbvrikunamv, vdwlo ngo  
aarekudw vkvgv ripvkunam ogumvnwng nga ngo aagv jireku:  
Busunam gaam si hv vdwgo ngonu lkwnglo mimbvdw okv hv  
mvvla minku bvdw! vbvritola ninyi lvgabv vv mvngchik chima;  
ngonugv kristan ajin vdvv bunu aajvka umka laarwk simare, okv  
laarwk sinwngv vdwaka bunua mintur yala ridu okv bunua gvrja  
lokv charlin yadubv gwngduku! **11** Ngoogv ajin vdw, alvmanv  
nga kaagv la riyoka, vbvritola alvnvngv ogudw um kaagv la  
ritoka. Yvvdw alvnvbw ridunv vv Pwknyarnv gvbw ridunv; Yvvdw  
alvmanv oguvdw um ridunv vv Pwknyarnvnyi kaama dunv. **12**

Dementrius gv lvkwnglo nyi mvnwng ngv alvnvbv mindu; jvjvklv  
ngyka ninyia alvnvbv mindu. Okv ngonuka bvngtam minggv  
dunv, okv nonu chindu ngonu ogugo mindudw vv jyjvdu. **13**  
Ngo gylo nonua achialvgo minsv ngv doodu, vbvrijvka ngo  
koolum okv sai lokv lvknya jilama. **14** Nonua ngo baapubv  
kaarwk sinvpv mvngtin sidu, okv vbvrikubolo ngonuv doorwk  
sitola atuanying ngv japrk sipa reku. Sarsopoyo ngv nonu gylo  
dooming gvyilaka. Ngoogv ajin vdww kumrwksinam am jilwkdu.  
Nonugv ajin mvnwng ngv kumrwksidu.

# Jud

**1** Jisu Kristo gv pakbu, okv Jems gv achiboru, Jud lokv—  
Pwknvyarnv gv goknam, oogv Pwknvyarnv Abu gv paknam lo  
doonv vdwa okv Jisu Kristo gv ringrya kunam vdwa lvkdu: **2**  
Ayanam, sarsopoyonam okv Pakmi sinamv nonu gylo akomaring  
bv sapla kuma dubv doolwk yilaka. **3** Ngoogv ajin vdwv, ngonu  
paabam kunam ringlinbaalin nam lkvng lo ngo nonua alvbv  
lkjinvpv mvngla lvgvlvmabv ridung la rito, vdwlo ngo lvdubv  
mvngkunam vv Pwknvyarnv gv nyi vdwa lkin lo dvbdwki  
gv lvgabv mvngjwng sinam am jlwk kunam gv lvgabv dami  
sidubv mintvmiru la lvrung dubv rito. **4** Holvgavbolo ngonugv  
pingkolo chimpa madubv Pwknvyarnvnyi chimanv nyi go aato,  
oogv nyi vdwv ngonugv Pwknvyarnv gv anyuaya doin am bunu  
milomiyikla bunugv gwngmur singmur vdwa mintum mimum  
sidubv rito, okv vv bunu ngonugv Ahtu akin, Jisu Kristonyi  
tuanv. Bunugv vbg miyakaya nama paasv nga darwknv kitap lo  
klokcho lokv mincho jitoku. **5** Holvgabv nonu soogv mvnwng  
sum chinla doosu jvka, Ahtu gv oguaingbv Israel gv nyi vdwa ljipt  
mooku lokv laalin kubvdw, vbkritola kokwng so yvvdw mvngjwng  
madunv um mvyakriyak la rikubvdw um nonua ngo chimu so  
mvngla mimpa dukunv. **6** Nyidogindung vdwv yvvdw bunu  
atubogv rigvdogv dubv tujupkunam riji jeku lo gomwng mabv,  
vbkritola awgv dookulo doomabv kayu pikula rinv um mvngpa  
tvlaka: bunu vdwa kanvparamku lkvng lo dvbvsingtam bv  
doobwngnv jaako lokv leetola apvdu, Pwknvyarnv gv kairungnv  
Alu gv lvgabv apvtla ho alunyi bunua miyakaya riku. (**audios**  
**g126**) **7** Sodom okv Gomorrah okv agumaigv banggu gv nyi vdwa  
oogv Nyidogindung vdwgv vbg rinamdknam aingbv ribvdw um  
mvngpa tvka okv oogv nyi vdwv nyimvnyilo rimisila gwngmur

singmur la okv rinamrisu bv rinam lokv: vbvrikunamv bunugv  
vdwloka nyeka manv vmbvbv gubvku lo mvrirrit la mvnwng nga  
gamrw jinam lvgabv mvtoku um mvngpa tvka. (aiōnios g166) 8 Ho  
gv apiabv soogv nyi vdws, oogv bunu atubogv aw am rimur  
sinam lo rilwk sidubv nyikrw kaala doodu; Bunu Pwknyarnv gv  
tujupkunam am laarwk simadu okv ao tologv yunglitnv vdwa  
nyarjitar yingla ridu. 9 Dumpoyachok bv rigvnbv nyidogindung  
Maikel ka svbvching rimato. Vdwlo Moses gv awa yvv gvvridw  
vla ragoraapin minsula vvb Maikel Uyudvby nga larmi sikubvdw;  
Maikel Uyudvby am miyakaya la minjapminrap gaamgo minyu  
mato, vbvritola minto, “Ahtu nam yamla yampak gviika!” 10  
Vbvrinam Soogv nyi vdws, bunu oguguka tvchinkaapak matola nyi  
am minda kla bv minying minchola mindu; okv bunu mootum gv  
svnwngsvmin aingbv oguguka mvngchin kaachin nvnv kaamadu,  
ringonam lokv bunu vbvridunv, vbvrinam lokv bunua sigvngogv  
jinv ngv. 11 Bunu lvgabv vdwgo busunamgo bv riredw! Bunu  
Kein gv ribv riming gvvdu. Holvgabv bunu Balaam gv rilwkdlwk  
nambv bunu morko gv pwnam paanam lokv jitola awa rimur lo  
riduku. Bunu Kora gv yalung rinam aingbv yalung gobv rito, okv  
ninya mvyakriyak kunam aingbv bunu vdwa mvyakriyak toku.  
12 Bunugv dvbamtvngbam kolo hinyingiru kaamabv dvkium  
tvngkium la rinam si nonu kasingkanyak go doolwk kunam  
aingbv ridu. Bunu atubonga mvngchik hinggaagu simwngdu.  
Bunu doomwk ka doori gv rila riya nam aingbv ridu, vbvritola  
nyido laalwk madu. Bunu apwasi svvmanv singnv aingbv ridu,  
dvrwdvrapinko lojvka, singnv miami am buulin tvkula okv sinsuk  
kunv aingbv ridu. 13 Bunu svmasa gv mvtor nyomanam sibu  
tvlin nam aingbv ridu, bunugv hinyingiru kaamabv kudungkua  
rinamv isi gv sipiktait kaapanv aingbv kaatamdu. Bunu takar

ngakarnv jvb ridu, ogulvgavbolo Pwknyarnv bunugv dooku  
go kanvtungkia lo hvbjinamv. (aiōn g165) 14 Kvvlo lokv bunua  
soogy lkwnglo Adam lokv lalayikula singtam kanwnvnv lo gobv  
Enok soogv gaam so mincho jitoku: "Ahtu ninyigv darwknv  
nyidogindung achialv hejarhejar vdwgv lkvobv aagv la aare  
15 mvnwng nga jwngkadaka la, bunugv Pwknyarnv chimabv  
darwkmanv kudungkua rimurnv vdwa okv Pwknyarnv chimabv  
busunam gaam am ninyigv lkwnglo japla rimurnv vdwa miyakaya  
reku." 16 Soogv nyi vdws i grunggrang bv minbvla okv kvvbiya  
gungnying lkwila ridu; Bunu vdwv bunugv atubogv alvmabv  
mvngnam lo rinwng nyadu; bunu atubogv lkwnglo bunu kai  
mvngsudu okv bunugv atubogv mvngnam mvnwng nga ridubv  
vla kvvbiya japiukla ridu. 17 Vbvrilola ngoogv ajin vdw, ngonugv  
Ahtu Jisu Kristo gv Apostol vdwgv lokv vngyikunv lo ogugo  
minji kubvdw um mvngpa tvlaka. 18 Bunu vdwv nonua vbv  
minjito, "Vdwlo lotarlonya alu ngv aaredw, nonua nyarjitarinv  
nyi vdwv mire, nyi ngv Pwknyarnv chimabv bunu atubogv  
mvngnambv rinv vdwv." 19 Soogv nyi vdws i miyakmvpak dubv  
rigvnv, oogv darwknv Dow kaama bv atubogv adwnamar lokv  
mvngdung am rigvdogv kunv. 20 Vbvrilola ngoogv ajin vdw,  
nonugv darwknv mvngjwngnam lokv nonu atubongv vngdwng  
rungbv svyinsvrup sulaka. Darwknv Dow gv jwkrw lokv kumto  
laka, 21 okv ngonugv Ahtu Jisu Kristo gv aya lokv turbwngnv  
singdung am jiku dubv kaayala dookulo Pwknyarnv gv paknam  
lo doobvdakbv laka. (aiōnios g166) 22 Yvvbunudw mvngum dunv  
ho vdwv aya nga kaatam tvlaka; 23 Kvvgonv bunu vdwv vmv  
lokv svli lala linla ringto laka; okv kvgonyi aya mvngpa la  
okv busu yingla ritolaka, vblrilola bunugv rimur lokv rigvnnv  
bunugv yjjvbe umka kasingkanyak tvlaka. 24 Nonua olu jiku

lokv gaktungla, okv rigakpama nvgobv okv mvngpu am ninyigv  
yunglitku kaagia lo laalwk lanv ninya— **25** Ngonua ringnvbaanv  
Pwknvyarnv mvngchik lo, ngonugv Ahtu Jisu Kristo gv lokv,  
yunglitnv, kairungnv, gwlwknv, okv tujupkunamv, klukrium lokv,  
okv vjakka, dvbvsingtam gv okv dvbvdwki lo gobv doobv minggv  
yilaka! Amen. (**aiōn g165**)

## Nyikrwkaatamnam

**1** Soogv kitap si Jisu Kristo gv kaatamnam am lvgap pvvto.

Pwknvyarnv baapu alvbv ogugo rilinnglin tvvdunv vdw sum kaatam nvvdu kubv vla ninyigv pakbu am ninyigv soogv nyikrwkaatamnam sum jitoku. Kristo ninyigv nyidogindung nga vngmunam lokv svkvnv ogu ouga ninyigv pakbu Jonnyi chimuto,

2 okv Jon ninyigv kaanam dvdv nga ogumvnwng nga minji toku.

Soogv mimpa jila rinam si Pwknvyarnv gv lokv okv Jisu Kristo ninyigv jviv nga kaatam kunam lokv jinam doin gv lvkwng ngv. 3

Yvvdw soogv kitap sum puridunv vv mvngpuv, okv yvvdw soogv nyijwk doin gamchar sum tvvgap dunv okv ogugo soogv kitap ara so lvkpvdw tvvnv vdwgv lvgabv vv mvngpuv! ogulgavbolo so mvnwng si rikunam lvgabv dww nvchi duku. 4 Asia gv mooku lo gvrja kanw am Jon lokv lvknam: Pwknvyarnv, yvvla, yvyla, okv yvvla aatv dukunv, okv ninyigv dvbvdoatumnnv adarai gv Dow kanw gv lokv, 5 okv Jisu Kristo jwkjwkvrwk bv minjiriji kunv, sinam lokv atuake bv turkur kunv okv yvvdw nyiamooku gv dvbv dvdv ngaka rigvdogv kujinv gv lokv ayanamv okv sarsopoyonamv nonu gvbvka. Hv ngonua pakdu, okv vkvgv erinlwkjila sijikunam lokv ngonu rimur vdwlokv linpv kunv 6 okv karv gv nyibu gobv

mvla kula ninyigv Pwknvyarnv okv Abu gv kudungkua nga ngonua rimu duku. Yunglit vla jwkrww dvbvsingtam bv Jisu Kristo

gvbv riyilaka! Amen. (aiōn g165) 7 Kaatoka, Hv doomwk tolo gvngv

aareku! Nyi dvdv ngv ninya nyik daadw lokv kaapa reku, ninya

nvki nvngvka kaapareku. Siching soogv nyi mvnwng ngv ninyigv

lvgabv kapreku. Vkvlgabv vbvching rirungre! 8 Pwknvyarnv

Kairungnv Ahtu, yvvla, yvyla, okv yvvla aatv dukunv ngv

hv mindu, "Ngo atuake ngv okv ataranya ngv." 9 Ngo nonugv

achiboru, Jon, okv Jisu gvlo riminggvnv gobv rikunam lvgabv

ninyigv Karv gvbv rikunv vdwgylo hindarkaso aanam am nonugv  
lvkobv ngo chitamrvnam mingvkunv. Ngo Jisu gv kaatam nam  
jvjvnv okv Pwknyyarnv gv gamchar am japgo jinam lvga lo nga  
Patmos gv bokpin golo vvpvtoku. **10** Ahtu gv alu lo ngam Dowv  
rigvdakgvto, okv ngo ngoogyv kokwng peelvby, adu duutvrungbv  
dunam vlgvo tvgpato, hv tapu minam gv adu aingbv duto. **11** Ho  
vlv ngv vbg minto, "No ogugo kaadudw lvkgap pvvvoka, okv ho  
kitap am pamtv kanw gv gvrja: Epesias, Smairna, Pergamum,  
Tiatira, Sardis, Philadelphia, okv Laodisia lo jilwk tvlaka." **12** Ngo  
ngam mindunv yvzbvri vla kaakur kunamv, vvvrikunamv ngo ain  
mvdurupum tungpvnnv kanwgo kaato, **13** okv bunugv aralo nyi  
jvbgv rinvgo kaato, okv vkgv vji v lvchu lo soochi nvgo okv ain  
hokpo go ninyigv haakwnglo gvnv go. **14** Ninyigv dvmww hultanu  
vmalo moodw tapam jvbgv pungputojito, okv ninyigv nyikv vmv  
aingbv hungto; **15** Ninyigv lpa ngv pitol am lvngka posok dubv  
pyaklapnam aingbv unglit toku, okv ninyigv vlv ngv isi dvngdo gv  
adudunam aingto. **16** Hv ninyigv lkbik peelvlo takar pwkkawgo  
bvngto, okv ninyigv gaam lokv tagotaksak bv riukse ripujenv  
go lintoku. Ninyigv nyukmuv doonyi gv alu lopo lo ungnam  
aingbv ungto. **17** Vdwlo ngo ninyia kaabvdw, ngo ninyigv lvchu  
kampwk lo sikunv nyi aingbv gipv toku. Hv ninyigv lkbik langv  
ngoogyv aolo lkpv tvla minto, "Busu yoka!" Ngo atuake okv  
ataranya ngv. **18** Ngo turnv akinnv! Ngo sitoku, vvvritola vjak ngo  
dvbsingtambv turbv duku. Sinam okv sinv vdwgv mooku gv aolo  
ngo rigvdogv ladu kunv. (aiōn g165, Hadēs g86) **19** Vvvrikunamv,  
ogugo no kaapvdw, vjak ogugo ritvdonvdw, okv kokwng lo ogugo  
ritvdonvdw soogv baanyi am lvkgap pvvla ritoka. **20** Noogv  
ngam lkbik peelvlo takar Pwkkanwgo bvngdubv kaanamv;  
okv ain mvdurupum tungpvnnv kanwgo bvngduby kaanam si

arwngjvnv gobv ridu: takar pwkkanw mindunam si gvrja kanw  
gv nyidogindung vdwa mindunv, okv mvdurupum tungpvnnv  
kanwgo mindunam si gvrja kanw am mindunv.

**2** “Epesias aralo gvrja gv nyidogindung nga lvto:” “Soogy doin  
si nyi ako ninyigv lakkibik peelvlo takar pwkkanwgo bvngnv okv  
ain mvdurupum tongpvnnv kanw lo vnggokarnv lokv doin si  
mindu.” **2** Ngo chindu nonu ogugo rito kubvdw; Nonuno vdwo  
rai alvbv kudungkua rikubvdw okv nonuno vdwo saktv kubvdw  
ngo chindu. Vdwgo alvmanv nyi vdwgv rinam lo saktv laku  
mabvdw ngo chindu okv apostol mabv vbvritola apostol gobv  
mwla yvvdw minsu nama nonuno hingkwakw sibvdw, okv bunu  
mvvdu kunyi vla okv hinchinla malin kunama ngo chindu. **3** Nonu  
saktvla rito, nonuno ngoogy lvkwnglo hirukaya nga hintoku, okv  
nonuno apakmato. **4** Vbvritola ngoogy nonua hakdunam si:  
Nonu kwlo gv atuake lo apiabv vjak nga pakku madu. **5** Nonu  
vdwnv adu lokv holula ridu! nonugv rimur lokv mvngdw tvkuka  
okv atuake lo oguaingbv ripvdw vbvching rito kuka. Nonu rimur  
vdwlokv mvngdw kuma bolo, ngo nonu gvlo aala okv nonugv  
mvdurupum tongpvnnv nga dooku lokv am laala laa reku. **6**  
Vbvritola ngo vdwo Nikolitan gv kudungkua rinam am hakdudw:  
nonuka vbv hakming gvniamv, si nonu mvngkiam namgo ridu. **7**  
“Vbvrikunamv, nonu nyarung doodubolo, Dowv gvrja nga ogugo  
mindudw tvvtoka! Yvvdw rigum yadudw um ngo Pwknyarnv  
gv nayam lo singcha nvvgv turnam singnv gv apwasi am pula  
dvdbv jire. **8** “Smairna aralo gvrja gv nyidogindung nga lvto:  
“Soogy doin si atuake okv ataranya ngv, oogv sipikula okv turkur  
kunv gv lokv ngv”. **9** Ngo nonugv mvngdvrnmvngso nga chindu;  
ngo nonugv heema nga chindu—vbvrijvka jyjvklybv mimbo  
nonu nyitvdu! Yvvdw jius bv rimatola jius gobv minsula rinv vdww

nonua alvmabv haklapala rinam am ngo chindu; Bunu vdwv Uyudvbv gvbv rinv atwng go! **10** Nonugv hindarkaso lvgabv oguguka nonuno busu yoka. Tvvtoka! Uyudvbv ngv nyigonv nonua hinkakaaka dubv patwk aralo tumlwk mola rire, okv vv alu looring gobv nonua hirukaya nga imure. Sinam gobv rijvka, nga mvngjwng namv vngdwngbv doobv laka, okv nonugv rigum yanam lvgabv ngo nonua turnam gv arv nga jire. **11** “Vbvrikunamv, nonu nyarung doodubolo, Dowv gvrja vdwa ogugo mindudw tvvtoka!” “Yvvdw rigum yadunv Lvnyinvbv sinamv ogu rikumare.” **12** “Pergamum aralo gvrja gv nyidogindung nga lvkto: “Soogv doin si riokse tagotaksak bv ripunv doonv vkv gvngv.” **13** Nonu ogolo doodudw ngo chindu, Uyudvbv ninyigv dootum doogingkolo doodu. Uyudvbv ho dootola, ngoogv doin minjinv mvngjwngnv Antipas nyika, vdwlo mvkila ribvka, nonugv mvngjwng namv tupak mabv rito, okv nonu nga mvngjwng la ribvto. **14** Vbvritola ngo nonua achukgo mvngnyinghachi namgo doodu: nonugv pingkolo meegonv Balaam gv tamsar nama tvvla, oogv Balak gv Israel nyi vdwa murti lo erinlwknam adwn nga dvmu dubv okv yumoryoche minsu dubv rila tamsar nama tvvla rinv ngv doodu. **15** Oogv apiabv, Nikolitan gv tamsar nama tvvla rinv ngv nonugv pingko aralo ribamla ridu. **16** Vjak nonuno rimur lokv mvngdw tokulaka! Vbv nonu rimabolo, ngo nonu gvlo baapubv aagor reku okv ngoogv gaam sokv linv riukse lokv oogv nyi vdwa pami sireku. **17** “Vbvrikunamv, nonuno nyarung gvvdubolo, Dowv gvrja vdwa ogugo mindudw tvvtoka! “Rigumyanv vdwa, dvnam manna nga jire. Laarwk sinv mvngchikv chimpa dubv yapungnv vlwng lo anw bv amin lvknam umka ngo bunua mvnwng nga jire. **18** “Taitira aralo gvrja gv nyidogindung nga lvkto:” “Soogv doin si Pwknyarnv gv Kuunyilo

lokv gvngv, vkvgv nyikv vmv jvbw bioknvgo, okv vkvgv lvpa  
ngv brass pyaklapnam aingbv unglit la ridu.” **19** Nonuno ogugo  
ridudw ngo chindu. Ngo nonugv paknam, nonugv mvngjwngnam,  
nonugv kudungkua rinam, okv nonugv saktvsunam ngo chindu.  
Kvlo gv ritu gv rinam um svnga vjygv alvyabv kaiyabv ridung  
dunv umka ngo chindu. **20** Vbvrilola ngoogv nonua mimbv svngv  
si: nyimvmvvga Jejebel gv, ninyigv Pwknyarnv gv yunying  
gvyanv akobv minsu nama um nonugv tvvmv yala doomu nama  
ngo nonua haachidu. Ninyigv tamsar sarmur nam lokv hv ngoogv  
pakbu vdwa yomurrimur minsu gvla okv murti lo erinlwknam  
am dvmur gvla risar gvvdu. **21** Ngo ninyigv rimur am mvngdw  
dubv dw am jito, vbvrijvka ninyigv alvmanv rimur kunam lokv  
hv mvngdw dukubv mvngmadu. **22** Okv vkvlvgabv ngo ninya  
gadw yuppingnv hoka orlk reku okv ninya okv ninyigv lkobv  
yomurrimur minggvnvdwa achialvbv hirukaaya more. Bunu  
vdwv vkvnv alvmanv rinamlo ninyigv lkobv rinam am mvngdw  
maredw ngo vjak sum ribvdvdre. **23** Ngo vkvgv riminggvn aka  
mvkire, okv vbvrikubolo mvnwng gv mvngnam okv mvngchum  
nama chindunv ngo mwng vla gvrja dvdv ngv chinreku. Okv  
nonu ogugo ribvdw oogv rinam lokv rijo nga ngo nonua lkodv  
jireku. **24** “Vbvrilola nonugv taitira aralo doonv Kvvgonv soogv  
alvmanv tasarnam sum tvvla riming gvmato;” nonu ‘Uyudvbv  
gv arwngrungbv vvsinam’ kvvbi go vnam am chiming gvla  
rimato. Ngo nonua mindunv ogu kvvbi vgego gvvmu kumareku.  
**25** Vbvrilola ngo aama lo gobv, nonu gvlo ogugo doodudw,  
vngdwngbv gakbwngla dotolaka. **26** Yvvdw rigum ridw, yvvdw  
ritarrinya lo gobv ngo mvngnam am ridudw, ngoogv Abu gvlo  
laarwk sikunam tujupkunam am ngo nonua jireku: **27** Ngo bunua  
diringmooku nga rigydubv tujupkunam am jire, bunua riokdwr

lokv rigv nvmore okv takam pvchwng nga svmwk monam aingbv  
bunua svmwk more. **28** Ngo bunua aru gv karlumpumbum aka  
jire. **29** "Vbvrikunamv nonu nyarung gvvudubolo, Dowv gvrja nga  
ogugo mindudw tvvtoka."

**3** "Sardis aralo gvrja gv nyidogindung nga lvkto:" "Soogv doin  
si Pwknyarnv gv Dow kanwgo doonv okv takar pwkkanwgo  
doogvvn agv lokv milwkdu." Nonuno ogugo ridung dunvdw ngo  
chindu; Nonuno turdunv vla aminv doodu, vbvrijyka nonu sidu! **2**  
Vkvlgabv nonu gvlo vjak sinyachika madvlo, gudung tokuka,  
okv gwlwk tvkuka. Vkvlgavbolo ngo kaanamv nonu ogugo  
ridudw ngoogv Pwknyarnv gv kaagia lo vjvka rvbwng madu. **3**  
Vbvrikunamv, nonua ogugo tamsar bvdw okv nonugv ogugo  
tvvbvdw um mvngpa tvlaka; sum tvvto la okv nonugv rimur dvdv  
lokv mvngdw tokuka. Nonuno uula doomabolo, ngo nonu gvlo  
dvcho nvgv aingbv aare, okv ngo aadw lo aareku nonu um  
chimare. **4** Vbvritola sardis aralo nonu pingkolo miang gonv vji  
am harkak sila rinv ngv doodu. Nonuno jipung vji nga gvvtola,  
ngoogv vngkulo vngming gvvre, ogulvgavbolo nonu vbv ridubv  
rirungnvgo. **5** Yvvdw rigum dunv um soogv vji yapungnv koonam  
aingbv gvvmore, okv ngo bunugv amina turnam kitap lokv  
tilatia Jimare. Ngoogv Abu gv kaagelo okv ninigv nyidogindung  
vdwgv kaagelo ngo bunua ngo gvbv ridukunv vla ngo mingkuk  
jireku. **6** "Vbvrikunamv, nonuno nyarung doodubolo Dowv gvrja  
vdwa ogugo mindudw tvvtoka!" **7** "Philadelphia aralo gvrja gv  
nyidogindung nga lvkto." "Soogv doin si darwknv okv jvjnv akin  
go vkvgv lokv gvngv milwkdu". Dabid gvbv rinv chabiv ninyi  
gvlo doodu, okv vdwlo hv riapgu nga chikuk bolo, yvvka um  
kuktum lama dunv, okv vdwlo hv riapgu nga kuktum bolo um  
yvvka chikuk lama dunv. **8** Nonuno ogu ridudw ngo chindu;

nonu gylo jwkrw meechinggo doodunv vla ngo chindunv; nonu ngoogv tamsar kobv vngming gvvdu okv ngam mvngjwng toku. Ngo nonugv kaagia lo yvv gvka chiktum lamanam riapgu nga chikuk pvkunv. **9** Tvvgap tvvlaka! Yvvdw jius mabv bunu jius gobv minsu dunv, vBV oogv mvvnrunv atwng ngv Uyudvbv gybv ridunv, um ngo nonugv lvchu kampwk lo bunua guplwkla aadu bv mvre. Okv ngo nonua pakdunv vla bunu mvnwng ngv chinreku.

**10** Ogulvgavbolo nonu ngoogv gamki nama saktvla doodu, ngooka sicingmooku sokv doonv nyi dvdv nga, hingkwakaw dubv nyiamookulo adwkaku gv aarinyi nonua ringling lakula pvcching pvvmu riku. **11** Ngo baapu alvbv aagaraayin rikunv. Nonu ogugo doodudw alvbv richingrimu pvvla, vklvgavbolo nonugv rigumila amin paapv nama yvvka choka mare. **12** Yvvdw rigum doonv um ngoogv Pwknvyarnv gv Pwknvyarnvnaam lo ngo gwngnga pogobv mvre, okv hv vdwloka um kayu mare. Ngo ninyigv aolo Pwknvyarnv gv amin am okv ngoogv Pwknvyarnv gv pamtv, oogv nyidomooku gv ngoogv Pwknvyarnv lokv aanv anwnv Jerusalem gv amin nga lvklwkre, okv ngoogv anwnv amin aka ninyigv aolo lvklwkre. **13** “Vbrikunamv, nonuno nyarung doodubolo, dowv gvrja nga ogugo mindudw tvvtoka.” **14** Laodisia aralo gvrja gv nyidogindung nga lvkt: “Soogy doin si Amen lokv gyngv, vv jwkjwkvrwknv okv jvjbv minjinv, Pwknvyarnv gv pwklinyarlinnam dvvgv lingku ngv. **15** Nonu ogugo ripvdw ngo chindu; Nonu harik laka rima vmalo hagu laka rimanam am ngo chindu. Nonuno akonyi vmalo akonyi rinv gubolo ngo alvdv mvngdu! **16** Vbvrilola nonu guumgulum mvngdu, ogulvgavbolo hagu laka rima okv harik laka rima, vbvrinam lvgabv ngoogv gaam lokv ngo nonua tachur bv chura tvvdu kunv! **17** No mindu, ‘Ngo nyitv dukunv, okv himpukain dukunv; ngo gylo ngoogv

mvngnamv doodunv vdu.' Vbvritola nonu chinsu madu vdwgo no gama nvgobv okv ayakaapa namgobv ridu! nonu heema nvgobv, abinbilin nvgobv, okv nyikching nvgobv ridu. **18** Vbvrikunamv, ngo nam minsar dunv, nyitv nam lvgabv ngo gvlo ain lo, kiakakmvrak jvnv ain lo rvvlaka. Vji jipung loka atubogv lvgabv rvvtoka okv hinyinghiru kaapanv awaro nga komam sitoka. Nonugv nyik loka toolwk sinv dubv pyaknam loka rvvtoka, vbvribolo nonu alvbv kaapa lareku. **19** Yvvnyi ngo pakdudw um ngo mvnwng nga yamdunv okv mvrit dunv. Vbvrikunamv, mvnggap rungtoka okv rimur lokv mvngdw tvkuka. **20** Tvvto laka, riapgu si daktola okv takdwn dunv; yvvdw ngoogv vlv nga tvvchin dula chikuk redw, ngo bunugv duku naam lo aare okv bunua lvkobv dvming gvre, okv bunuka ngoogv lvkobv dvming tvngming gvre. **21** Ngoogv rigum lakula okv Abu gv dvbvdogingnvnv nvchilo dookunam aingbv yvvdw rigum lakula ridudw um ngoogv dvbvdooingnvnv gv dooku lo ngo doomu dubv jire. **22** "Vbvrikunamv, nonuno nyarung doodubolo, dowv gvrja vdwa ogugo mindudw tvvtoka!"

**4** Soogv kokwng lo ngo kvvbi nyikrw godv kaato namv nyidomooku tologv riapgu ako chikuk dubv kaato. Okv bikartapu minam aingbv vlggo duunamv, nga kvvlo lokv mimbv dunvbv ngo tvvto, okv minto, "soka chaatoka, okv soogv kokwnglo ogugo rirung tvvdunvdw ngo nam kaatamre." **2** Vjakgobv dowv ngam laatung dato. Nyidomooku ao tolo dvbvdotumnvnv akolo nyi go dootung dubv kaapato. **3** Ninyigv nyukmu ngv yalwngbiok pato kula jaspar okv karnelian vlwng arv doonv yaji yalwng la kaapunv aingbv rito, okv vkvgv dotumnvnv agumailo rung emerald vlwng rong gobv okritago akobv goyumto. **4** Oogv dvbvdooingnvnv um kvvbi doogingnvnv chamnyi gola apigo dvvchardvyir pvvt, chamnyi gola api dotumnvnv hoka nyigagatv

chamnyi gola api go ain biotung bintola okv yapungnv vji vkv  
gvvtola doitsitungto. 5 Dvbvdooingnvnv duku okvching dooriak  
riaklinla, okv doogum gv vdu vka gumlinto. Dvbvdooingnvnv gv  
duku haabo peelv hoka vmv mvru pukkanwgo gudurto, oogv  
mvru kanvv Pwknyarnv gv dow kanw nga mindu. 6 Oogv  
Dvbvdooingnvnv gv kaagia lo sisa gv svmasa jvbw kraistal  
vlwng kaar la kaanam nam aingga dooto. Dvbvdooingnvnv oogv  
agumai hoka nangku okv haabo takbv turnv pwknamyarnam  
apigo nyik blvbw gvnv vknv dookardovr gvvto. 7 Kaatukake  
angv abwngapa jvbw kaato; anyinvbv kaanamv svv vvpv ako  
jvbw kaato; aom nvbv kaanamv nyukmu angv vv nyi nyukmu  
jvbw kaato; okv api nvbv angv vv kiokum jarnv aingbv kaato.  
8 Turnv pwknamyarnam apiv akin akinnv laap lapkv sakbv  
gvvto okv bunu gvlo nyik blvbw arwng loka okv agum loka  
takmum sila rito. Bunu vdwv alu lojvka ayu jvka vdwloka gaana  
gaangin mabv gaadu: "Darwknv, Darwknv, Darwknv, Ahtuv  
Pwknyarnv Kaiyachokv, Yvvyila, yvvla, okv yvvla aajinv." 9  
Oogv dvbdootumlo doonv, oogv dvbvsingtam bv doobwngnv um  
turnv Pwknamyarnam apiv ninyia yunglitnam okv mvngdvnam  
okv umbonyikv vla mirimimpak gokla rito. Vdwlo bunu vbv  
ribvdw, (aiōn g165) 10 vblrinamv chamnyi gula api nyigagatv ngv  
oogv dvbdootumlo doonv gv kaagia hoka gimupto, okv oogv  
dvbvsingtam bv turbwngnv um kumlajola ritoku. Bunugv atubogv  
dvbvbiotung am dvbvdooingnvnv gv kampwk hoka horpv tokula  
okv minto, (aiōn g165) 11 "Ngonugv Pwknyarnv Ahtu! no rung  
jwkrw, okv yunglitnam, mvngdvnam, okv jwkrw turnam am paala  
rungnv ngv. Holvgavbolo no ogumvnnwng nga pwklinv nvngv, okv  
noogv mvngnam lokv bunua doobv sunv gobv okv turnam jito."

**5** Dvbvdootumnvnv lo doonv agv lakbik peelvlo kitap tibungnam  
ako bvngdubv ngo kaato; vv takgotaksak bv lvkto okv siel kanw  
lokv tupto. **2** Okv ngo gwlwk rungnv nyidogingdung go kaato, vv  
vdu gamtv rungbv gokgo karla vbv minto, "Yvyla siel tubnam sum  
mvko nyola okv tibungnam kitap sum taakuk laka rila jinv ngv?"  
**3** Vbvrilola nyidomooku hoka vmalo sicingmooku aoloka vmalo  
nyiamooku lvkwng bloka tibungnam kitap sum yvvka taakuk la  
okv arwng nga kaala jinv kaamato. **4** Yvvka ako daka tibungnam  
kitap sum taakukla okv arwng nga kaala jinvgo kaama nam  
lvgabv ngo yidwkmarkula kapto. **5** Vbvrirkunamv nyigagatvv lokv  
akonvnga minto, "No kapyoka. Kaatoka! Dabid gv kairungnv  
singsit, Juda gv haalung lokv paatv ako vv rigum toku, okv hv siel  
kanw nga myyak lakula okv tibungnam kitap sum taakuk lareku."  
**6** Vbvrirkunamv ngo Dvbvdootumnvnv gv lvpaching lo Svlarkuu go  
dakduby kaato, um turnv pwknamyarnam api ngv goyumto okv  
nyigagatv vdwka dakyumto. Svlarkuu angv lvko paki rokunam  
gobv kaatoku. Vv rungbung kanw gvvnv go okv nyik kanw gvvnv  
go, vv Pwknvyarnv gv dow kanwgo, sicingmooku mvnwng lokv  
vngmu kunamv. **7** Svlarkuu ngv vnglaku okv dvbvdootumnvnv  
gv lakbik peelv gv doonv tibungnam kitap um laatoku. **8** Hv  
vbvrirkunamv, turnv pwknamyarnam api okv chamnyi gola api  
nyigagatv vdwv Svlarkuu agv kaagia lvpa kampwk lo guba lwkla  
kumtoku. Bunu gvlo nyichar ngv harp bajanvnv okv ain talu  
lo amuk nampunv vkvnv bvngto, vbvrinamv Pwknvyarnv gv  
nyi vdwgv kumnam bv ridunv. **9** Bunu anwnv gaanago gaato:  
"No tibungnam kitap am laalanv okv siel vdwa myyakla mvkuk  
ladunv. Ogulgavbolo nam pakitoku, okv noogv siringla sijinam  
lokv no Pwknvyarnv lvgabv halung dvdvgv nyi vdwa, gaam dvdv  
nga, diringmooku, okv opi dvdv nga rvvlin toku. **10** No bunu

mvnwng nga nyibu gv karv gobv ngonugv Pwknvyarnvnyi riji  
dubv mvtoku, okv bunu sicing sum rigvre.” **11** Lvkodv ngo  
kaato namv, okv nyidogindung atwnggo, hejar okv milion gobv  
bunua ngo tvvpa toku! Bunu dvbvdotumnvn lo doonv um,  
pwknamyarnam turnv api um okv nyigagatv vdwa, dakyum  
toku, **12** okv gamtv rungbv gaana vlv gokdubv tvvpa toku:  
“Svlarkuu paki pvvnamv, jwkrw nga, nyitv nga, mvngkimvnglak,  
okv gylwknam, mvngdvnam, yunglitnam okv hartvnam am paayin  
rungnv ngv.” **13** Okv nyidomooku, sicingmooku, nyiamooku  
gv arwng lo, okv svmasa gv arwng lo—pwknamyarnam dvdv  
nga chinggodogolo—okv gaana gaadu bv bunu vdwgv vlv nga  
ngo tvvpato: “Dvbvdootumlo doonv ninya okv Svlarkuu nga,  
hartvnamv okv mvngdvnamv, yunglitnamv okv gwlwk namv,  
dvbvsingtambv doobwng yilaka!” (**aiōn g165**) **14** Pwknmyarnam  
turnv apiv mirwkt, “Amen!” Okv nyigagatv vdvv lvbwng kumpv  
tvla okv Kumtojotoku.

**6** Vbvrikunamv ngo siel kanw lokv atuake anga Svlarkuu  
mvyakla taakuk dubv kaato, okv turnv pwknamyarnam api  
lokv akonv vv vlv ngv doogum gumnam aingbv, “aalakv!”  
vdubv ngo tvvto. **2** Okv ngo kaanamv, yapungnv gora ako  
hoka kaapato. Vkgv aolo doonv vv vrigo bvngto, okv hv  
dvbvbiotung ako jikunam go. Rigum nvvg rigumnam aingbv  
hv rigum dubv vnglintoku. **3** Vbvrikunamv Svlarkuu anyinvn  
siel um mvyakla taakukla rikunamv; okv anyi jinv gv turnv  
pwknamyarnamv “aalakv!” vdubv ngo tvvto. **4** Hokochingbv gora,  
lvngchingnv akodv linto. Hogv gorajoknv um sicingmooku so  
yalungnyimak rimisumu dubv jwkrw jilwkto, vkvlgavbolo nyi  
am paki minsu modubv vla. Hv riukse sootv bogo jikunamv. **5**  
Vbvrikunamv Svlarkuu angv vv siel aumnv um mvyakla taakuko;

okv aomnv turnv pwknamyarnamv minto, "aalakv!" vdubv ngo  
tvvto. Ngo kaanamv, okv hoka yakenv gora ako dakto. Oogv  
gorajoknv vv ninyigv laklo kiikanvnv vpipiitak tago bvngto. **6**  
Turnv pwknamyarnam api gv aralokv vlgvo adu dulin dunv aingbv  
tvvpato, vbv minto, alu lookin gv lvgabv rvklaplapjo ngv "Ampu  
gv nyilapdumtup akinnv, okv alu lookin gv lvgabv rvklaplapjo ngv  
radv gv nyilapdumtup aom ngv. Vbvritola olib singnv nga okv  
anggur rongo nga mvpak mabvka vto!" **7** Vbvrikunamv Svlarkuu  
siel apinv um myvakla taakuk namv; okv ho turnv pwknamyarnam  
apinvnv vv minto, "Aatokv!" vla ngo tvvpato. **8** Ngo kaato namv,  
okv hoka ungmv unglvnn gora go dakto. Ho gorajoknv gv aminv  
Sinam, okv sikunv vdwgv mookuv, Bunu vdwa sicingmooku gv  
aolo Api lokv akin gunyi tujupkunam am jitoku, yalungnyimak  
lokv, yarwngdvrw lokv, lvvma lokv, okv mootum svnwngsvmin  
vdwllokv mvkire. (**Hadēs g86**) **9** Vbvrikunamv siel angunvnn um  
Svlarkuu pukola taakukto. Yogwngmvrwng gv kampwk hoka  
Pwknyarnv gv gamchar am japgo karnv vdwa okv jwkjwkvrvkbv  
minjiyanv vdwa mvki namgv yajiyalu vdwa doodubv ngo kaato.  
**10** Bunu vdww adudutv rungbv gokto, "Gwlwkyachoknv Ahtu,  
darwknv, okv jvjvn! Sicingmooku lo nyi vdw sum ngonua  
mvkinv vdwa jwngkadaka la okv mvrit dwv vdwching nyikula?"  
**11** Bunu nyichar vdwa yapungnv vjipakria borsakgo jito, okv bunu  
vdwa pakinam aingbv kvibi pakbu vdwaka okv mvngjwngnv  
vdwaka paki nyami ma lo gobv, bunua achukgo doonula doya  
chotoka vtoku. **12** Okv siel akvnvv um Svlarkuu taakuk dubv  
ngo kaato. Hoka maatarrungbv mobi go hvkto, okv doonyi ngv  
vji kyaanv aingbv yakiato, okv poolu ngv lvngchingla oyi jvbw  
ritoku. **13** Takuk nyimanv asi gv ritvvdori riyinyi singnv lokv  
holunam aingbv takar ngv nyido lokv sicingmooku so ooluto. **14**

Nyidokolo ngv tibungnam kitap aingbv tibung lakula nyeriku, okv moodw mvnwng ngv okv bokpin mvnwng ngv aigv duku akin lo doomabv vngkupvngv riku. **15** Vbvrikunamv sicingmooku gv dvbv vdww, rigvdogvnv, okv militari abwngyachoknv, nyitv vdww, okv jwkrwyachonv, okv kvvbi nyi mvnwng vka, nyira vdwka okv ajarabinv vvka, bunu awv hungrunglo okv moodw gv lvngrak arwnglo, toosi nyala rito. **16** Bunu moodw vdwa okv lvngrak vdwa goktoku, "Ngonua dvbvdoottum lokv doonv gv nyukmu okv Svlarkuu gv haachinam lokv toosinam lvgabv aolo homam bvka! **17** Bunugv maatarrungbv haachi chidww silu kula, okv yvvka um dakrap minsu lama dunv?"

**7** Soogv kochingbv sicingmooku gv chenyung api lo nyidogindung api go ngo dakdubv kaapato, vv ritvdori api nga bvngto ogulvgavbolo sicingmooku so vmalo svmasalo vmalo singnv gunyika ritvdori ngv rilwk madubv vla daktumto. **2** Okv akonv nyidogingdung gunv turnv Pwknyarnv gv siel nga bvngtola doonyi chagia peelvbv aadu bv ngo kaato. Hv vlv gamtv rungbv gokla oogv sicing sumla okv svmasa nga mvyakriyak nvdubv jikunam nyidogingdung api nga goklinto. **3** Nyidogindung angv minto, "sicingmooku nga, svmasa nga, singnv vdwa, ngonugv Pwknyarnv gv pakbu vdwa ngonu siel go bunugv tuktumlo mvu ma dvdvlo gobv bunua mvtvmvrv mabvka." **4** Okv Oogv bunugv tuktumlo Pwknyarnv gv siel lokv mvu namv 144,000 go vla nga minjito. Bunu vdww Israel gv halung vring gula anyi lokv gvngvto, **5** Heejar vring gula anyigo halung gv nyiki lokv ngv: Vv Juda, Reuben, Gad, Asher, Naphtali, Manasseh, Simeon, Lebi, Issachar, Zebulun, Josep, okv Benjamin lokv ngv. **9** So koching bv ngo kaato namv, okv hoka kiila kumanam nyitwnggo dooto—oogv nyi mvnwng

nga yvvka kila nyuma nvgobv rito! Bunu vdwv vpinvpin lokv halung lokv, diringmooku lokv, okv angu angusibv gaam minv vknvlokv dvbvdootumlo doonv okv Svlarkuu vkvgv kaagia lo bunu yapungnv laklwk kotola okv bunugv laaklo tali linv vknvlokv bvngtola hoka dakyiriging pvnyato. **10** Bunu gamtv rungbv gokla vbv minto: "Ringlinbaalin namv Svlarkuu gv lokv okv oogv dvbvdootumlo doonv, ngonugv Pwknyarnv gv lokv aadunv!" **11** Nyidogindung mvnwng ngv dvbv dotumnvnv ngam, nyigagatv vdwa, okv turnv pwknamyarnam api nga dakyum dakchito, Vbrikunamv bunu atubongv dvbvdotumnvnv gv kaagia lo nyukmu ngv choobup tvla okv Pwknyarnv nga kumlajola, **12** vbv minto, "Amen! Hartvnamv, younglit namv, mvngkimvnglak namv, umbonyikv vnamv, mvngdvnamv, jwkrw ngv, okv gwlwk vv ngonugv Pwknyarnv gvngv! Amen!" (*aiōn g165*) **13** Nyigagatv akonvnga tvkato, "Oogv vji laklwk yapungnv gvnv nyi vdws i yvv bunula, okv ogolokv aadu nvdw?" **14** "Ngo chima laka, nyigam bonyi. No yadv chinya dunvpv," ngo vbv mirwksito. Hv nga minto, "Soogv nyi vdws i oogv mvngjwngnam lokv mvdwmvku kunama ringlin sulakula linkunv vdwv. Bunu vdwv bunugv vji laklwk am yapung dubv Svlarkuu oy i lokv harkakla pungpu mootoku. **15** Vkvlgabv bunu Pwknyarnv gv dotumnvnv agumai lo daktola okv ninyigv Pwknyarnvnaam lo alu ayubv ninyia kudungkua rijila ridu. Yvvdw dvbvdotum lo doodunv hv ninyigv dookulo bunua chigudabiala riya jire. **16** Vdwloka bunu lvkody kano nam okv isi tvngnwng kumare; vmal Doonyi vmajeka ogu hagu gunvgoka bunua guka mare, **17** vkvlgavbolo Svlarkuu, oogv dvbvdotumgv aralvpalo doony, vv bunugv svlarkaya nvbv rire, okv Hv bunua turnam jinv isi sigung lo opchum riayila vnglwk

gvre. Okv bunugv nyiklo nyiksinyikla mvnwng nga Pwknyarnv tikak jireku."

**8** Vdwlo Svlarkuu siel kanwnv um taakuk bvdw, nyidomooku tolo ada gunta gobv jimijima toku. **2** Vbvrikunamv oogv Pwknyarnv gv nvchilo nyidogindung kanwgo dakdubv ngo kaato, okv bunua tapu minvnvnv kanwgo jito. **3** Nyidogingdung akonv, nampunv ramnvnv ain takbvr go bvngtola, aato okv yogwngmvrwng hoka dakto. Dvbvdotumnvnv agumai lo namnwnama ramnvnvnv ain takbvr lo Pwknyarnv gv nyi vdwgv kumnam ma vdwgo amuk namnvnv am lwnka dvdubv ninjia jito. **4** Pwknyarnv gv nvchilo daknv nyidogindung vdwgv laak lokv Pwknyarnv gv nyi vdwgv kumnam lvkobv namnwnama ramnam ngv mvkwbv naung ngv unghadu. **5** Vbvrikunamv nyidogindung ngv namnwnama ramnvnvnv takbvr nga laatoku, yogwngmvrwng lokv vmv go mvlwkto, okv sicingmooku svka orlwkt. Hoka doogum ngv gumin gumyin la rito, dooriak ngv riakla, mobiv hvkla ritoku. **6** Vbvrinamv nyidogindung kanw ngv tapu kanw nga minvpv vla bunu ritoku. **7** Atukchuchok gv nyidogindung angv ninjigv tapu nga mitoku. Tvv okv vmv ngv, oyi ayoachik tvla aala, sicingmooku lo pwlwk loto. Sicingmooku taaum lokv taagonyi, singnv apum gv paaum lokv pamgonyi vmvbv gula gua nyami toku, okv nwsinnwji gv jijipapi baak aom lokv baago nyika gupak nyami toku. **8** Hokoching bv anyi nvnv nyidogindung angv vv ninjigv tapu nga milinto. Ho moodw jvbw kaaring nvgo vmv mvdur gunv go svmasa gv silolvpv bv holwkto. Svmasa gv tagum lokv tagonv oyi bv ritoku, **9** sinv svmasa aralo doonv turnv pwknamyarnam lokv akonyi simuto okv svpw aom lokv akonyi amwk toku. **10** Hokochingbv aumnvnv nyidogindung ngv ninjigv tapu nga milinto. Ho dootvtakar kartv bogo, mvru pugo

gudunv jvbv nyidokolo gv ngv, sikogr koum nvnv lokv koogonyi okv sichaksinyak aom nvnv lokv akonv ho holwkto. **11** (Takar aminv vnam si “kvvchaknv”) isi gv aomnv lokv akonv kvvchakto, okv vdwnv nyi vv oogv isi am tvngtola sito, ogulvgavbolo vv kvchakkunv gobv rito. **12** Okv apinvnv nyidogindung angv ninyigv tapu nga milinto. Ho doonyi gv nyukmu akina aom gobv mvnam lokv akonv, okv poolu akin am mvnam lokv aum gobv mvpin sinam lokv akonv okv takar dvdvgv aom gobv mvnam aom lokv pamgonv tuptur sito, vklvlgavbolo bunugv loung unggvnvnv aom lokv akonv nyetoku; alu gv loung baom lokv baagonv nyetoku. Okv ayu gv loung baom lokv baagonv nyetoku. **13** Vbvrikunamv ngo kiokum nvgo ao tolo jarkar dubv kaato, okv gamtv rungbv vdugo dula vbv mindubv ngo tvvto, “Busu vdavn! Busu vdavn! vdwnyi nyidogindung aom gonv gv tapu nga migv ridw, sicingmooku sokv nyi rinv mvnwng gv lvgabv si vdwgo busukano namgobv ridunv!”

**9** Vbvrikunamv nyidogindung angunvnv vv ninyigv tapu nga milinto. Ho ngo takar nga sicingmooku lo olu kunam am kaato, okv ho dootarkamanv ungrung gv chabi nga jilwkto. (*Abyssos g12*)  
**2** Takar angv vv dootarkamanv ungrung nga ikukto, okv kairungnv vmv mvriak lokv mvkw sukchanam aingbv, mvkw ngv soksok pabv soklinto; Doonyi loung okv doori ngv dootarkamanv lokv mvkw sokchanv kanv ngv dwk pato. (*Abyssos g12*) **3** Takam vdw sum mvkw lokv sicingmooku so limu toku, okv modwdwkong gv jwkrw sum karing sibv bunua vdwaka jwkrw aka vBVching jidu kalumto. **4** Bunua vBV minto singnvsingu sum vmalo singnv vdwva vmalo kvvbi nvsinnvmwng vdwaka oguguka twkma dubv minto; vBVritola yvvdw bunugv tuktumlo Pwknvyarnv gv siel lokv tupnam kaama pvdw vknv nyi mvngchik ka bunua chetwkkvrwk

dubv tulwkto. **5** Takamkamar vdw sum oogy nyi vdwa mvki dubv jimato, vbkritola poolu pwkngu gv lvgabv bunua mvdwkmvku rungdubv tulwk jito. Oogy mvdwkmvku la achinamv modwdwkong gv cheetwk tvla achinam aingbv rimuto. **6** Oogy poolu pwngu lo bunu sinam lvgabv mare, vbkritola bunu paamare; bunu vdwv sinwngre, vbvrijvka sinamv bunua kiyure. **7** Takam vdwv kaanamv nyimak vngtvnv gora aingbv ridung nyadu. Bunugv dumpo lo bunu vdwv ain biotung bimpvnv jvbw kaato, okv bunugv nyukmu ngv nyi aingbv ridu. **8** Bunugv dvmw ngv nyimv vdwgv dvmw jvbw rito, bunugv hijung ngv abwngapa gv hijung jvbw rito. **9** Bunugv hakwng lo riokdvr saruk aingbv kaanv vkvnv hokto, okv bunugv lap lokv lapdwn la vdu dunv ngv goragari atwng go nyimak lo jokdunv jvbw tvvto. **10** Bunu vdwgv nyabung gvvnamv, okv dwkong gv nyabung gv lvtak jvbw ridu, okv bunugv nyabung ngv vkvnv jwkrw ngv doodu nyi vdwa hirukaya modubv poolu pwkngu lo gobv nvkwng more. **11** Bunu gvlo ka bunua rigv jinv dvbv go doodu, vv dootarkamav ungrung nga kaayatayanv nyidogindung ngv. Vkgv amina Hebrew lo Abaddon gobv mindu; Okv Greek lo Apollyon gobv amin am mindu (vbw mindunam v "Mvyakriyakyanv" ngv vdu). (*Abyssos g12*) **12** Soogy busu sucho jinamv vngroku; soogy kokwngbv um busu yaya dubv rimu jinv ngv anyigo aare. **13** Akvnv nyidogindung angv vv ninyigv tapu nga mito. Ho Pwknvyarnv gv dooku agumai gv doonv namwnama ramnnvngv ain takbvr gv chenyung api lokv gaam vdugo aadu bv ngo tvvpato. **14** Vdu ngv nyidogindung akv nga minto, "Kairungnv Euphrates siko lo, nyidogindung api go kintung pvnama tulin jito kuka!" **15** Nyidogindung api nga tulin jitoku; ogulvgavbolo hogv anying chinglo hogv poolu chinglo hogv aluchinglo hogv dw chinglo bunu nyi mvnwng

nga apum aom gobv mvnam lokv apum gonnnyi mvki dukubv  
mvpv ripvla vvpvtoku. **16** Ngo gorajoknv sipai vdwa kiitokula  
mintam jitoku: Vv lvngnyi milion gobv ritoku **17** Ngo nyikrw  
kaakulo gora achialvgo kaato okv vkv aolo bunugv oogv doonv  
nyi aka kaato: bunu vmv mvru jvbv kaanv lvngchingnv saruk go  
kooto, yabubulu tvla sapire vlwng ainggo, okv yage tvla salpar  
amwk ainggo. Gora gv dumpo ngv abwngapa vdwgv dumpo  
jvbv rito, okv bunugv gaam lokv vmv ngv soksok lindu. Mvkw  
ngv soksok lindu okv salpar amwk vkvnv linto. **18** Nyiamooku  
sokv nyi nyitwng aom lokv akonyi: bunu napa lokv linv vmv,  
mvkw, okv salpar amwk vkvnv aomgo linv vkvnv lokv, chilichilam  
aingbv mvki nyami toku. **19** Oulgavbolo gora gv jwksw ngv  
bunugv napa lola okv nyabung lo doodu. Bunugv nyabung ngv  
tabw gv dumpo aingbv ridu, okv bunu um mvnvrinv la nyi vdwa  
achialvby achi dubv mvdu. **20** Oogv chilichinam lokv, yvvdw  
nyia opi simabv doobvla ribvdw oogv doonv dvdv ngv, bunu  
atubogy vkvnv mvsu risunam lokv mvngdinla lingku mato. Bunu  
uyuvram am kumnam um kayu mabv kumbv la ridu, vmajkva ain  
lokv, Raaji lokv, tamba lokv, vlwng lokv, okv vsing lokv, mvnam  
morti oogv nyik kaala manv nyarung tvvla manv, vmajkva vngla  
manv vkv nvnga kumbvla ridu. **21** Vbvmajvka bunu mvkipaki  
minsunam lokv, bunugv lamahinv lokv, bunugv yomurminsunam,  
vmallo bunugv choonam lokv bunu mvngdin kumaduku.

**10** Vbrikunamv ngo kvvbi kairungnv nyidogindung akodv nyido  
ao lokv hila aadung dubv kaato. Ninya doomwkgo goyum dubv  
okv ninyigv dumpo lo okritago ngv goyumto; ninyigv nyukmu  
ngv doonyi gv jvbv rito, okv ninyigv lvpa ngv vmv biokdung  
chala lvngtung aingbv rito. **2** Vkgv laaklo t tibungnam kitap  
taakuknam dapchinggo dooto. Hv svmasa gv aolo ninyigv lvpa

Ivvbik ngv lvpvto okv ninyigv lvpchi ngv sicingmooku lo lvpvto, **3** okv gamtv rungbv abwngapa gv haa ha la haanam jvbw vdu vlv ngv huklinto. Vbv hvkvgv huklin ronam kokwng bv, doogum kanwgo gumrwk sila minto **4** Bunu doogum bv gumrwk sila mirwk siro kokwngbv, ho ngo lvknvpv mvngla lvktvto. Vbvrinamv nyido tolo gvngv vlgvo gaam minamgo ngo tvvpato, “doogum kanw ngv ogugo mimbvwd sum angusibv vvsila vvching pvvtko; lvkpvla riyoka!” **5** Vbvrikunamv ngoogv svmasa gv ao lola okv kvdw dwpw gv ao lo dakdubv kaanam nyidogindung angv vv ninyigv lakbik nga nyidokolo bv hidung dubv ngo kaato **6** okv oogv dvbvsingtam turnv Pwknyarnv, nyidomooku nga, sicingmooku nga, okv svmasa nga, okv ogumvnwng nga pwklinyarlinnv Pwknyarnv gv amin lo bunua nyidogindung ngv milv jila vbv minto, “Vjak tapv kumare! (**aiōn g165**) **7** Vbvrilola vdwlo nyidogindung kanwnv angv ninyigv tapu nga miredw, vbvrilikolo ho Pwknyarnv ninyigv pakbu bv rinv nyijwk vdwa oguaingbv mimpa jicho mopvdw hogv pvvchingnam um ripwngrinya jireku.” **8** Vbvrikunamv oogv gaam mindunv vbv lvkodv nyidomooku lokv nga mindv dubv ngo tvvpa dvto, vbv minto, “Svmasa gyla okv sicingmooku gv aolo daknv nyidogindung gv laaklo tibungnam kitap um taakukla rinam um vngyla okv laatoka vto.” **9** Vbvrikunamv ngo nyidogindung gvlo vngla okv miangnv tibungnam kitap am nga jila bvkv vla ngo ninyia kooto. Hv nga minto, “sum lala okv dvtoka; si noogv leitlo kungsukre, vbvrijka noogv napalo si tangutii jvbw chiipure.” **10** Ngo ninyigv laak lokv tibungnam kitap dapching am laala okv um dvtoku, okv vv dvkw namv ngoogv napalo tangutii jvbw tipula ritoku. Vbvrilola ngoogv dvmitla rironam kokwnglo, vv ngoogv leitlo kungsok toku. **11** Vbvrikunamv nga mintoku, “no

Pwknvyarnv gv doin am diringmooku lo, opi mvnwnglo, nvgwng  
gv gaam minv dvdvlo, okv dvbv vdwgvlo lkvodv japgo karji tvka  
vtoku."

**11** Vbvrikunamv ngam kiinvnvnv vpi jvbw kaanv singkio songa  
ainggo jitola, okv vBV minto, "vngyilaka okv Pwknvyarnv gv  
Pwknvyarnvnaama, okv oogv Pwknvyarnvnaam arwng gv  
erinpeeing lwnvnv um kiika tvka vto. Okv Pwknvyarnvnaam lo  
kumnvjonyv vdwa kiito laka. 2 Vbvrilola agum gv dookum kongv  
um kiika mabvka, ogulvgavbolo Pwknvyarnvnyi chimanv vdwgv  
lvgabv jitoku, vv bunu Pwknvyarnv gv darwknv pamtv nga poolu  
champi gula pwknyi go samtin samlin reku. 3 Ngo kaayatvyanv  
anyigo tagiam laklwk koomu tvla aamure, okv bunua Pwknvyarnv  
gv doina alu 1,260 gobv japgo karmure." 4 Tvvakayanv anyiv  
olib singnv nvvnyi vv okv sicingmooku nga Ahtu nvgv kaagelo  
dagv jinv vv mdurupum pwknyi ngv. 5 Yvv nyigonv ninyia  
mvvmvrv ridw, vMV ngv ninyigv gaam lokv linre okv bunugv  
nyimak vdwa gukire; okv vbvrila yvvdw bunylia mvvmvrv dubv  
gwngdudw umka gukire. 6 Bunu anyi gv Pwknvyarnv gv doina  
japgo kardwnyi nyido homa dubv nyidokolo nga mvttum nvnv  
tujupkunam am bunu anyi gvlo doodu. Isi gv sirung aka, bunu  
gvlo oyi gobv rila dubv mvla gvnvnvnv tujupkunamv doodu; Bunyi  
anyi ngv vdwgo mvngdudw vBV sicingmooku so chilichilam  
nvgwng aka rimu ladubv rila gvnvnv tujupkunamv doodu. 7  
Vdwlo bunugv doin am mingam rikudw, dootarkamanv ungrung  
lokv svnwng ngv bunua nyimak rimisire. Hv bunua mvya yariku  
okv bunua paki riku, (Abyssos g12) 8 okv bunugv svma ngv  
kairungnv pamtv gv lamtv lvpalo, bunugv Ahtu am ogolo kili takla  
mvki lwkpvdw hokaching dooreku. Oogv pamtv kainv um aminv  
mirring sinvlaku sidom vmalo ljipt gobv mindu. 9 Diringmooku

mvnwng ngv, halung mvnwng ngv, nvgwng gaambv minv dvdv  
ngv, okv opi dvdv ngv, bunugv svma nga rimu kumabv mintur  
tvla, okv alu loum gula okv lopo patung gobv kaakwng la rire.

**10** Bunyi anyi gv sinam lokv sicingmooku soogv nyi mvnwng  
ngv mvngpu pumin yare. Bunu harjuk jukminla nyi vdwv amin  
jimi sinyala rire, ogulvgavbolo nyijwk anyiv mvnwng gv nyia  
halung dvdv nga mvngdwk mvngku paamuto. **11** Alu loum  
gula okv lopo patung gv kokwng loku turnama jinv saknamv  
Pwknyarnv gv lokv aato okv bunu gvlo aalwk toku, okv bunu  
dakrap nyato; okv bunu mvnwng ngv yvvdw bunua kaabvdw vv  
bunu busu nyatoku. **12** Vbvrikunamv nyijwk anyi gony nyido  
tolo gvngv bunua gamtv rungnv go, “soka chaato kuka!” vdubv  
tvpatoku. Bunugv nyimak vdwa dakpv tvla kaaya daduby, bunu  
nyidokolo bv doomwk arwngbv chaalwk toku. **13** Hogv vbv riyilo  
moobigo hvktv alv rungbv hvktoku; Pamtv akina vring gobv  
mvnam lokv akonyi amwkamak nyami toku, okv hajar kanw nyi  
gonyi myki nyami toku. Turnv dvdv ngv busula lamngak palaku  
okv nyidomooku aogy Pwknyarnv gv kainama hartybamtv  
la ritoku. **14** Busunamv anyi gony vngroku, vbvritola lvum  
nvbv busunamv ayongjvmabv aadvre! **15** Vbvrikunamv kanwnv  
nyidogindung angv vv ninyigv tapu nga milinto. Okv vbvrinamv  
um nyidomooku tolo gvngv adu duutvrungnv go dulin la, vbv  
minto, “nyiamooku sum rigvdogy laknv jwkrw ngv vjak ngonugv  
Ahtu okv ninyigv Messiah gvbv ridunv, okv hv dvbvsingtambv  
rigvdogy la ribv gvvreku!” (aiōn g165) **16** Vbvrikunamv nyigagatv  
chamnyi gula apigo Pwknyarnv gv kaagelo doonv vv bunu  
atubogv dvbdootumlo doonv vdwv vv bunu atubogv nyukmu nga  
nyingbub lotola okv Pwknyarnvni kumla ridula, **17** vbv minto:  
“Achialv Kairungv Pwknyarnv Ahtu, yvila okv yvyyila! Noogv

kairungnv jwkrw nga laakunam lvgabv okv rigvdogy dubv rirap  
gvvkunam lvgabv ngonu umbonyikv vdunv! **18** Pwknyarnvnyi  
chimanv vdwv haachi toku, ogulgavbolo noogv haachi chidw  
ngv aadu kunv, sikunv vdwaka jwngkadaka svngv aadu kunv.  
Noogv pakbu, nyijwk vdfa, okv noogv nyi vdwgv yvvdw noogv  
lvgabv kainv lokv lala ila miangnv lo gobv mvngdv dunv vkvgv  
rjo amin am jidw ngv aaduku. Sichingmooku sum yakmunv vdfa  
yakmudw ngv aaduku!" **19** Pwknyarnv gv Pwknyarnvnaam gv  
riapgu nga nyidomooku lo chikuk pvtoku, okv hogv ara hoka  
mingkimiay nam Jampa nga doodubv kaapato. Vbvrikunamv  
doogum dooriak kv riakto, doogummv gumsin gumyinla sito,  
mobimok kv hvkto, okv kairungnv singnv lvngnv ngv dartoku.

**12** Vbvrikunamv kairungnv okv kaakwmanam jenv kaanamgo  
nyido tolo linamgo kaato. Ho hoka nyimvmvga nvgo, vv doonyi  
am vjibv kooto okv poolu nga ninyigv lvpv arwnglo okv takar  
pwkring gula pwknyi nga ninyigv dumpo lo biotung bv binvgo  
vkvngvo doodubv kaato. **2** Hv kuu bvngda dvsvbv rinvgo, okv hv  
uchichila anga am bvngtv tvvnam lokv ninyia kapgok limuto.  
**3** Akodv kaakwmanam godv nyido ao tolo kaapato. Ho hoka  
kairungnv lvngchingnv Sichingpanv ako dumpo ngv pwkkanwgo  
gvnvgvo okv rungbung bungringgo gvnv okv ninyigv dumpo  
pwkkanw lo biotung pwkkanwgo binto. **4** Hv ninyigv nyabung  
lokv nyido tologv takar karpam aom lokv karpam pamgonyi  
sichingmooku bv paaluto. Hv nyimvmvga nvgv nvchilo dakgu  
yala rito vklvgavbolo vkgv kuu bvnglin sopikda dvya dubv vla  
mvngto. **5** Vbvrikunamv hv chingga mvnwng nga riokdwr pogobv  
bvngtola rigv jinv, kuunyilo go bvnglin toku. Vbvritola anga nga  
baapu alvbw dvrikto okv Pwknyarnv gvlo ninyigv dvbdootum  
dooku hoka bvnglwkt. **6** Nyimvmvga nvgv lvgabv, Pwknyarnv

gv dookudaku go mvpvripv jinam, oogv chokrimooku bv 1,260  
alu gobv ninyia kaagur kaayen gynam lvgabv nyimvmvvga  
nvngv kelwk gvvtoku. 7 Vbvrikunamv nyidomooku tolo gvngv  
nyimak pami sinamv linduku. Maikel la okv ninyigv nyidogindung  
ngv Sichingpanv am nyimak pami sila rito, okv Sichingpanv  
vla ninyigv nyidogindung vdvw parwk minsula rito; 8 vbvrijvka  
Sichingpanv am paya yatoku, okv nw okv ninyigv uyugindung  
am nyidomooku tolo achok goka rimudomu matoku. 9 Kairungnv  
Sichingpanv songa orla ora toku—krimklu gv hogv tabw angv,  
aminv Uyudvbv, vmaloo Uyu vlaka mindu, nyiamooku nga kupnv  
ngv. Nw nyila okv ninyigv ajin mvnwng nga sicingmooku lo lvkin  
gobv orluto. 10 Vbvrikunamv ngo nyidomooku lokv vkvnv vlvgo  
gamtv rungbv mindubv tvvpa toku, “Pwknvyarnv gv ringlinbaalin  
namv vjakaaduku! Pwknvyarnv ninyigv jwkrw nga vjak dvbv  
gobv ritola kaatamdu! Vjak ninyigv Messiah ninyigv tujupkunam  
am kaatamto! Vkvlgavbolo Pwknvyarnv gv nvchilo dakdula  
okv ngonu mvngjwngnv ajin am alu ayubv gungnying milwk  
jinv vdwa nyidomooku lokv orpak lintoku. 11 Bunugv jvjvnv  
doin am japgo karnam lokv okv Svlarkuu gv oyilokv bunu  
ninyia rigum yatoku; okv bunu tursvdaksv yanga kayu tvkula  
okv silwk jiya laka rinwng toku. 12 Okv vklvlgabv nonugv  
nyidomooku vdvw okv oogv doonv bununo vdwka mvngpu yilaka!  
Vbbritola sicingmooku okv svmasa lvgabv vdwgo busukano  
namgobv ridu! ogulvgavbolo nonu gvlo Uyudvbv ngv ilwk toku,  
okv achialv bv haachi chinwngla moolvngmoyadu, vklvlgavbolo  
bunu chinsudu bunugv aluv miang go doomwng duku.” 13 Vdwlo  
Sichingpanv angv vv ninyia sicingmooku lo orlu pvkunv mvngla  
mvngkubvdw, hv kuu yame ako bvngnv nyimvmvvga anga marap  
toku. 14 Schingpanv gv nyimak riku lokv ringlinnam lvgabv, ninyi

anying nyingam gola anying patung gobv, chokrimooku ninyigv  
dookulo hoka jarkunam lvgabv, kiokum nvvtv rungnv gv laap  
lapnyigo ninya jitoku. **15** Okv vbvrikunamv hogv nyimvmvvga  
agv vngronam kokwng loku Sichingpanv angv ninyigv gaam  
lokv svdwng vysi a tvylin mootoku, ogulgavbolo ninya nunbla  
vnggv modubv vla. **16** Vbvrijvka nyimvmvvga anga sicingmooku  
ngv ridur tvku; vv gaam am gamda tvla Sichingpanv gv gaam  
lokv linv sidvng nga dvmik yatoku. **17** Sichingpanv angv vv  
nyimvmvvga anga achialv bv haachi laku okv ninyigv kuu husi  
vdwa okv Pwknyarnv gv gamkinam am tvnnv vdwa okv Jisu gv  
kaatam nama mvngjwngnv jwkjwkwirkv bv rinv nyimakrimi siku  
nvpv vla vnglin toku.

**13** Okv svmasa gv agumai lo Sichingpanv angv ridudakdu.  
Vbvrikunamv ngo svnwng ako svmasa lokv lindubv kaato. Vv  
rungbung bungringgo okv dumpo pwkkanwgo gvvto; rungbung  
bongkinbongkin lo bolup pwksakgo gvvto, okv dumpo pwkinpwkin  
lo Pwknyarnv gv amin am chiyamiya nam vkvnv gvvto. **2**  
Svnwng angv kaanamv svnyu ako jvbw kaato, lvpa ngv svtam  
lvpa jvbw kaato okv gaamv abwngapa jvbw kaato. Sichingpanv  
angv ninyigv atubogv jwkrw nga, ninyigv dvbvdooing ngv okv  
ninyigv kairungnv tujupkunam am jito. **3** Svnwng agv dumpo  
pgonv ungngv ngtv bogo gvpvnv jvbw kaato, vbvrijvka ungngv  
vv geetoku. Sichingmooku dvdv ngv achialv bv lamla okv svnwng  
agv vngkulo vngming gvvto. **4** Mvnwng ngv Sichingpanv am  
kumla rinya toku vkvlgavbolo hv ninyigv tujupkunam am svnwng  
nga jito. Bunu svnwng ngaka kumla ridula, vbv minto, “yvvla  
svnwng jvbw rinv ngv? Yvvdw um mvmi sila jinv ngv?” **5** Svnwng  
vv kaibojo bv googvla Pwknyarnvni chiyamiya la japkar moola  
rito, okv vv poolu champi gula pwknyi gv lvgabv tujupkunam am

jilwk jito. **6** Vv Pwknvyarnv gv amin am, ninyigv dookudaku am, okv nyidomooku lo yvvdw doodunv oogv vdwa beela riraptoku.

**7** Okv vv Pwknvyarnv gv nyi am nyimakrimi simu dubv jilwk jitoku okv bunua riyayala rimu toku, okv mvnwng gv halung dvdv nga, diringmooku nga, gaam nvgwng nga, okv opi dvdv nga atu tola rigv ladu kubv jitoku. **8** Sichingmooku soogv doonv dvdv ngv ninya kumto, vbkritola nyiamooku sum kvlo gv pwklin yilo turnam kitap lo amin lvklvnam oogv mvki kunam Svlarkuu gvbv rinv dvdv vv mvngchik kumato. **9** “Vbvrikunamv, nonuno nyarung go gvvdu bolo tvvtoka! **10** Yvvnyi dvrik svngvdw um dvrik rungre; yvvnyi riukse lokv paki svngvdw um riukse lokv paki rungre, svkvnv si Pwknvyarnv gv nyi vdwgv chetamrvnam sila okv mvngjwngla rirung svngv.” **11** Vbvrikunamv ngo kvvbi svnwng ako kaadvto, vv soogv sicingmooku lokv linvgo. Vv Svlarkuu gv rungbung jvbw kaanv rungbung bungnyigo gvvto, okv vkvgv gaam minamv Sichingpanv gv vlv jvbw minvgo **12**

Vv kvvlogv lincho kunv gv svnwng tujupkunam um ninyigv kaagialo rinvdaknv toku. Ungngv ngv pola rikunv svnwng um, sicingmooku okv oogv rinv doonv mvnwng nga kumrung toka vla mili lalato. **13** Soogv svnwng anyinvnv vv kairungnv lamrwpanam vkvnv rinam am kaatamto; vv mvnwng gv nyik kaagia lo nyidomooku lokv sicingmooku so vmv nga imu jila dubv mvtoku. **14** Atuake svnwng gv kaagelo lamrwpanam vkvnv rinam um kaatam la sicingmooku soogv rinv doonv nyi mvnwng nga kupla rito. Vbvrikunamv Riukse lokv ungnv gvdu bv mvnam okv vjvgobv turla doobnv um mvngdv dubv murti akobv mvduby bunua svnwng anyinvnv angv mintoku. **15** Anyinvnv svnwng angv v turnam saknam go atuake svnwng gv murti lo saklwkt, vbvrikunamv vv gaam jiplina toku okv yvvdw svnwngsvmin gv

murti am kuma dudw um mvki dubv rimu toku. **16** Svnwng angv nyi mvnwng nga miang dolo okv kai dolo, nyitv dolo vmalo heema dolo, nyira dolo vmalo ajarabi dolo bunugv dumpo lo vmalo lakkibik peelvlo mvu lvkdubv mili lalato. **17** Bunu mvnwng gvlo mvu namgo kaamabv, bunu oguguka rvla mare vbvmajeka pioklaka mare. Sikvnv mvunam si, svnwng gv amin bv lvkmuto okv ogumvnwng lo vkvgv amin am numbur bv lvklwkto. **18** Si mvngkimvnglak svgo doodu. Yvvdw chingkikpakik lakdunv vv svnwng soogv amin numbur am mvlin laare, vklvlgavbolo numbur si ako gogv amin am mvging la mvnvt. Oogv numbur am 666 vdu.

**14** Vbvrikunamv okv ngo kaato kunamv, jayon moodw lo Svlarkuu ako dakto; vkvkv lvkin bv 144,000 nyi blvgo ninyigv amin am okv ninyigv Abu gv amin am bunugv atubogv dumpo lo lvksu tvla dakto. **2** Okv nyidomooku lokv isi dvngdo tvlunv jvbw tvvnv okv doogum gumnam jvbw tvvnv vknv adu duutvrungbv dunvgo ngo tppato. Vv myujik bajala bunugv harp lokv bajanam adu jvbw tvvto. **3** Nyi 144,000 vdww dvbv dotumnvnv gv, turnv pwknamyarnam api gv, okv nyigagaatv vdwgv kaagia hoka dakto; Bunu mvngchik vdwgv lvgabv chimu dubv bunu anwnv mirimimpak gaana nga gokmin la ridungto. Bunu oogv nyia opi vdwgv lokv bunu ringlin kunam mvngchikv. **4** Bunu vdww nyimv lo riburburtwng simabv atubonga kachingtamu sula darwknv nyi ngv; bunu vblrila, bunu nyimv doogvkargv kwmanv. Bunu Svlarkuu gv ogolo vngdudw ho vngkulo vngming gvvdu. Bunu nyia halung lokv arv jila ringlin kunamv okv Pwknvyarnv gvlola okv Svlarkuu gvlo daan lvkcho yachoknv akobv jilin kunamv. **5** Bunu vdwlka mvvnam go bunua tvpanam kaamato; Bunu rigakpanam kaamato. **6** Vbvrikunamv kvvbi nyidogindung ako

aolo jarkar dubv ngo kaato, okv sicingmooku soogv, opdv  
dvdv nga, halung dvdv nga, nvgwngbv gaam minv dvdv nga,  
diringmooku dvdv nga Pwknyarnv gv turbwng jinv alnvn doin  
am ninyigv lvkobv mimpa jidubv vla. (aiōnios g166) 7 Hv gamtv  
rungbv gokla minto, "Pwknyarnv nga okv vkvgv kairungnv ngam  
hartv tvvlaka! Ogulvgavbolo ninyigv lvgabv nyi mvnwng nga  
Jwngkadakadw alu ngv aaduku. Nyidomooku am, Sichingmooku  
am, svmasa am, okv isigv oolin konga mvnv nga kumtojotoka!"  
8 Nyidogindung dosinsinv angv atuk gv anga riming gvdula,  
minto, "Hv olu toku! Kairungnv Bebilon ngv olu roku! Hv nyi  
mvnwng nga ninyigv Anggur ngurla nga tvngmu toku—Ninyigv  
maatar jvnv anggur ngurla ngv gwngmursingmur mvngbio  
ngv!" 9 Aumnvnv nyidogindung angv atuk anyi nga riming  
gvdula, gamtv rungbv minto, "Yvvdw svnwngsvmin am okv vkvgv  
murti am kumlajola okv bunugv tuktumlo vmalo lakkil peelvlo  
mvu nvnga laarwk siredw, 10 bunu atubongv Pwknyarnv gv  
anggur ngurla nga tvngre, ninyigv haachiak nvnv anggur ngurla  
nga, vv vkvgv achialvbv haachi chinv nvnv nga akomaring bv  
ninyigv anggur ngurla kobi lo pwklwk kunamv! mvnwng ngv  
yvvdw vBV rivedw Darwknv nyidogindung gvla okv Sylarkuu  
gv kaagialo vmbv gunv okv sulphur bv rinv lo hirukaya more.  
11 Vmvgv mvkw ngv bunua mvrivnv vv dvbvsingtambv ao bv  
amcha dvdvre. Yvvdw svnwngsvmin am okv vkvgv murti nga  
kumdunv okv vkvgv amin am mvu lwkku dunv vv bunu ogu  
himpu namgo alu logo daka vmalo ayu yupgo daka saknu namgo  
kaama." (aiōn g165) 12 Si yvvdw Pwknyarnv gv gamkinam am  
tvvdunv okv Jisunyi jwjkjwkrwk padunv, Pwknyarnv gv nyi  
vdwgv lvgabv chitam sila doosv gobv ridunv. 13 Vbvrikunamv  
nyidomooku lokv gaamgo ngo vBV mindubv tvvpato, "sum

lvkpvptoka: Yvvdw vjak Ahtu gv kudungkua lvgabv sitamdurtum dukudw vv mvngpu nam ngv!" "Rinamgvbv vvrung!" vla Darknv Dow ngv mirwk sito. "Bunu rai alvbv riku lokv alvbv doonudaknu nama paasure, ogulvgavbolo bunugv kudungkua rijo ngv bunua vngming gvla rirung riku." **14** Vbvrikunamv okv ngo lvkodv kaadv kunamv, hoka yapungnv doomwkgo doodubv kaapato, okv nyi aingbv kaanamgo doomwk gv aolo doodubv kaato, vv ninyigv dumpo lo ain biotunggo binto okv laak lo ripu rungnv riokchukgo yumbwgto. **15** Hokoching bv kvvbi nyidogindung go Pwknyarnvnaam lokv linto okv doomwk tolo doonv um gamtv rungbv minto, "Noogy riokchuk am bvngtola okv aam am geeching geemu tokuka, ogulvgavbolo sicingmooku gv aamv nyinduku; vbvrila geeching kusv aluv aaduku!" **16** Vbvrikunamv doomwk tolo doonv vv ninyigv riokchuk am sicingbvmooku bv lvnglu tvla okv sicingmooku soogv geeching svnga geetoku. **17** Hokokwngbv ngo nyido tolo Pwknyarnvnaam lokv nyidogindung akodv lindubv kaato, okv vvka ripunv riukchok ako bvngto. **18** Vbvrikunamv kvvbi nyidogindung akodv, vmv nga rigvduby jinam, erinpeelwkku yugwngmvrwng lokv aadu bv kaato. Hv ripunv riukchok ako bvngnv anga adu dutv rungbv dula vBV minto, "Noogy riukchok am rinvvngnv toka okv sicingmooku soogv anggur nayam vdwa geeto kuka, ogulvgavbolo anggur vdvw nyinduku! **19** Vbvrikunamv nyidogindung angv ninyigv riukchok am sicingbv lvnglu to, okv anggur singnv lokv anggur am geetoku, okv bunua Pwknyarnv gv haachi gv anggur menjap kolo urlwk jitoku!" **20** Banggu agumai gv anggur minjup linnv am anggur nga nyumjit linto, okv oyiv svdwng bv tvvlinla lvngnyi go (200 miles) asu koyo nvgo okv (5 feet) lvdu angu go ungrwng dukubv anggur minjup nvnv lokv biilintoku.

**15** Vbvrikunamv nyido tolo kairungnv okv angu sirungnv, kvvbi kaakwmanam akodv kaato oogv nyidogindung vdwv kanw gobv rito vv chilichilum lvmma kanwgo aagv la aato, vv ataranya gv chinyungchinya akin vmwngku, ogulvgavbolo bunu vdwv Pwknyarnv gv haachi nama anyunganya bv kaatam nvnv vku. **2** Hokokwng lokuring ngo lvko kaadv tunamv glass gv svmasa akolo vmv dooyo sinam aingbv kaapato. Yvvbunudw svnwng am okv ninyigv murti okv amin am numbur bv lvklwk konv am rigum yala ripvdw ho vdwaka ngo kaato. Pwknyarnv gv bunua jikunam harp bajanvnv am bunu vdwv bvngtola okv glass gv svmasa adarlo dakto. **3** Okv Pwknyarnv gv pakbu, Moses gv mirimimpak gaana nga okv Svlarkuu gv mirimimpak gaana nga vbv gaadungto: "Gwlwyachoknv Pwknyarnv Ahtu, noogv kudungkua rinam si vdwgo kairungnamgo okv kaasartabo rungnamgo! Diringmooku mvnwng gv Dvby, Noogv lamtv dvdv ngv vdwgo sursinv okv jvjvn! **4** Ahtu, nam yvvla busu maby rire? Nam yvka miang nvgobv vla mila mare? No mvngchik kv Darwkyachok nvngv. Diringmooku mvnwng ngv nokv lo aare okv nam kumrejore, Oulgavbolo noogv jvjvbv rinam dvdv nga mvnwng ngv kaapa roku." **5** Soogv kokwngbv chikuknam nyidomooku tolo, Pwknyarnvnaam am ngo kaato hogv lkobv Darwknv Tombu vka dooto. **6** Chilichilum lvmma kanw nga aagvny nyidogindung kanww, darwknv unglitnv vji am gvtoku okv haakwng lo ain hokpo puching sito kula Pwknyarnvnaam lokv linto. **7** Vbvrikunamv oogv turnv pwknamyarnam api lokv akin gonv nyidogindung kanw am ain talu pwkkanwgo jito, um talu pwkkanw lo turbwngnv Pwknyarnv gv haachiv akomaring toku. (aiōn g165) **8** Pwknyarnvnaam lo Pwknyarnv gv yunglitnam lokv okv Jwkwrw lokv mvkwmyya ngv akomaring pvtoku, okv

nyidogindung kanw vdwgv lokv chilichilum kanwgo aagv nam vdwv kudungkua nga rinyama dvdvlo yvvka Pwknyarnvnaam lo aala mato.

**16** Vbvrikunamv Pwknyarnvnaam lokv vlgvo nyidogindung kanw vdwa gaamgo ngo vBV mindubv tvvto: "vngyika okv Pwknyarnv gv haachi talu pwkkanw am sicingmooku soka pwwlu jitvka!" 2 Atukchochok gv nyidogindung angv vngla okv ninyigv talu am sicingmooku lo pwwlu jitoku. Yvvdw svnwng gv amu mvunam doodudw okv vkvgv murti nga kumnyajonya dudw bunugv awlo maatarbv okv vkvnv achinv ungv nga paamu toku. 3 Hokoching bvkurin anyinvnv nyidogindung angv ninyigv talu am svmasa aolo Pwwlu jito. Isi ngv kokwng loku sinv nyi akogr oyi jvBV ritoku, okv svmasa hoka turnv pwknamyarnam dvdv ngv singam toku. 4 Hokoching bv aomnvnv nyidogindung angv ninyigv talu am svko lo okv isi sigung lo pwklwk jito, okv isi vv bunu oyi gobv ringam toku. 5 Oka isi am rigvyanv nyidogindung ngam vBV mindu bv ngo tvvto, "Yvila okv ywyila no jvJV lokv jwngkadakanv, Darwknv Akinnv! 6 Bunu Pwknyarnv gv nyi vdwgv okv nyijwk vdwgv oyi am pwwlu jito, okv oogv aingbv nonuno oyi am jila bunua tvngmu toku. Bunu ogugo paasv vdw um bunu paadung siduku!" 7 Vbvrikunamv ngo vlgvo yogwngmvrwng lokv milin dubv tvvtoku, "kairungnv Pwknyarnv Ahtul! noogv jwngkadaka namv Jvjvdu okv kiamkurkiamrwk madunv!" 8 Vbvrikunamv apinvnv nyidogindung angv ninyigv talu am doonyi lo pwklwk jito, okv vv nyi vdwa doonyi gv hagu lokv gula gua mootoku. 9 Bunu vdwa doonyi hagu lokv baayuk jitoku, okv chilichilum aolo rigv kunv tujupkunam Pwknyarnv gv amin am bunu beeto. Vbvrijvka bunugv rimur lokv mvngdin kumadu okv ninyigv achialv bv kairungnam am hartv madu. 10

Hokoching bvkuring angunvnv nyidogindung angv vv talu am svnwng gv dvbvdooginvnv dookulo pwlwk jito. Svnwng gv karv lo kanv ngv nvwlwk toku, okv nyi vdwv atubogy riu am achialvbv chiinam lokv gamtwk sila ritoku, **11** okv bunugv ungnv okv achinam lvgabv nyidomooku gv Pwknyyarnvnyi beeto. Vbvrjjvka bunu alvmanv lamtv lokv mvngdin mabv ridu. **12** Hokokwng bvkuring akv nvnv nyidogindung angv vv kairungnv Euphrarates svko lo ninyigv talu am pwwlk jito. Oogv donyichaagia peelv gv lokv aavn dvbv vdwgv lamtv rapku lvgabv, svko ngv pvtwngtakar toku. **13** Vbvrikunamv darwkmanv dow aom gunyi tatwk jvbw kaanv go ngo kaato. Bunu Sichingpanv gv gaam lokv linto, svnwng gv gaam lokv okv mvvnvrund nyijwk vdwgv gaam lokv linto. **14** Bunu vdwv uyuvram gv dow lokv lamrwanam kudungkua nga ridu. Oogv dow aom vv nyiamooku soogv dvbv mvnwng lo, bunua gwlwyachoknv Pwknyyarnv gv kairungnv alu lo nyimakrimi simu nam lvgabv laakumlpa dobv vngtoku. **15** "Twtoka! Ngo dvcho nvvg aingbv aare! Yvvdw vji am alvbv kooto la okv uula doobvnn vv mvngpuv, ogulvgavbolo vv abinbilin bv vngkarchakar mare okv nyi mvnwng gv dookumdakum lo hinying paamare!" **16** Vbvrikunamv Hebrew lo Armageddon vnam mooku lo dow vdwv dvbv dvdv nga gokkum la ritoku. **17** Vbvrikunamv kanwnvnv nyidogindung angv ninyigv talu am doori tapi lo pwlwk jito. Pwknyyarnnaam arwng lo doogingnvn lokv adu dutv rungnv go dulin la, vbv minto, "si rinya roku!" **18** Hokokwng bv dooriakv riaklinla, dooridoogumv, gumsin gumyinla, okv maatar rungbv busunam, moobimok ngv hvkto. Nyi am Pwklinyarlin yilo kongv vdwloka svkvnv aingbv moobimok go hvkkw mato; Mvnwng gv lokv mamsvnga alvmaya choknv mobi bv rito! **19** Kairungnv pamtv ngv aom gobv apinayin sitoku, okv diringmooku

mvnwng gv pamtv vdwv takchitakyi nyami toku. Pwknyarnv  
ngv kairungnv Bebilon am mvnggaptv okv ninyigv koobu lokv  
opo nga tvngdubv mvtoku—ninyigv haachi chinam am opo bv  
tvngmu toku. **20** Bokpin dvdv ngv, okv moodw mvnwng ngv  
nyemi nyatoku. **21** Nyido tolo gvngv nyi vdwgv aolo tvv pwktv  
rungnv ngv olu to, apw pwktv ngv kungka rinyi kg chamngu  
gobv rito. Tvv nga bunu oomu dunvnyi vla Pwknyarnvnyi beeto,  
ogulvgavbolo vkvnv chilichilum si busunamgo bv rito.

**17** Vbvrikunamv talu kanwgo doonv nyidogindung kanw gv lokv  
akin gonv ngoogv duku aala okv minto, “aatoka, okv ngo nam  
yunying jardubv yojokarnv anga mvrit jijinam am kaatamre, vv  
oogr siko vdwgv agumai lo kairungnv pamtv mvnam am mindunv.  
**2** Sichingmooku gv dvbv vdwv ninyigv lvkobv yomuryoche  
gwngmursingmur risarsila rito, okv vblrinamv nyiamooku gv nyi  
dvdv ngv kokwng loku ninyigv gwngmursingmur gv opo tvngdung  
kunam lokv alvmabv tvngkium dooji karnvgobv ritoku.” **3** Dowv  
ngam rigvdogvto, okv nyidogindung ngv chokrimooku gulo ngam  
vnggv toku. Hoka ngo kaato namv lvngchingnv svnwng agv aolo  
Pwknyarnvnyi miyakayanam amin am lvknamgo vkvgv aolo  
nyimvmvga anga doodubv kaato; vv svnwng angv vv dumpo  
ngv pwkkanwto okv rungbung ngv bungringto. **4** Nyimvmvga  
angv yabubulunv okv yalwngnv vjigo gvvtoku, okv oogr lvkobv  
ain tasinglaktv go gvvto, arvdonv vlwng vkvnv, okv tasing go  
gvvto. Hv ninyigv laklo ain koobulo alvmanv okv kasingkanyaknv  
akomaringnam vkvnv bvngto, kaakunamv vv ninyigv yojokarnv  
lokv paanam go. **5** Ninyigv tuktumlo chinchipachi manam vkvnv  
amin go lvklwk pvtv: “vv kairungnv Bebilon, mvnwng gv yojokarnv  
okv nyiamooku sum alvmanv lo rilum gvnv anv gobv rito.” **6**  
Okv oogr nyimvmvga angv vv Pwknyarnv gv nyi vdwgv oyi

am okv oogv bunugv mvki kunam gv oy am tvngkium kootola  
doodubv ngo kaato ogulvgavbolo bunu Jisunyi mvngjwng la  
rinv vdwv. Vdwlo ninyia ngo kaabvdw, ngo achialv bv lamtoku.  
**7** Nyidogindung ngv nga tvvkato. "Nonuno ogubv lamdunv?"  
"Ngo nonuam Dumpo pwkkanwgo okv rungbung bungringgo  
gvnv svnwng, nyimvmvga anga gvvnv um, okv amin chinchi  
manam um ngo nam minjire. **8** Oogv svnwng vv kvlo turto,  
vbvrijvka turbv kuma; vv dootarkamanv ungrung lokv linnv ngv  
okv sijingooji kolo nyedu kubv vngreku. Sichingmooku so dunv  
nyi vdwv yvvdw turnam gv kitap lo pwknamyarnam dvdv nga  
pwkma yarma yilo lokv amin lvkmanam vdwv, svnwng nga  
kaatola lamngak la rire. Vv kvlo turto, vbvrijvka vjak turbv kuma,  
vbvritola lvko aakur dvre. (*Abyssos g12*) **9** "Si mvngkimvnglak  
okv chinsv pasvgobv rirungdu. Nyimvmvga gv dooginnam  
dumpo pwkkanw vv, moodw dwk kanw ngv. Bunu dvbv kanw  
gobvchin ridu: **10** Bunugv angu gonv olu toku, akonv vjv gobv  
rigv dvdu, okv kvbi akin gonv vjaklodvbv aamadv; vdwlo hv  
aari kudw, hv achok go rigv mvngrung yinpv. **11** Okv svnwng  
ngv kvlo lvkingo turto, vbvritola vjak turbv kuma, vv dvbv piinw  
nvbv ridu oogv kanw lokv akin gonv okv vv atubongv sidukubv  
vngdung duku. **12** "Nonugv kaanam rungbung bongring ngv  
dvbv vrng ngv oogv vjvlodvbv rirap gvma dvnv ngv, vbvritola  
svnwng nga lvkobv gunta akin gv lvgabv dvbv aingbv rigvdubv  
bunu vdwa tujupkunam jireku. **13** So vrng soogv mvngdung  
sakdung ngv lvyin akinbv ridu, okv bunu vdwv bunugv jwkrw  
nga okv tujupkunama svnwng nga jireku. **14** Bunu svlarkuu am  
yalung dami sire; vbvritola Svlarkuu ngv ninyigv, goknam vdwa,  
darnam vdwa okv jwkjwkvrwk bv riming gvvn vdwgv lvkobv  
bunua damya yare, ogulvgavbolo Hv Ahtu vdwgv lokv Ahtu

ngv okv dvbv vdwgv lokv Dvbv ngv.” **15** Nyidogindung ngvka ngam vBV mindvto, “nonu isi kaanam vkv aolo yojokarnv ngv dooto, diringmooku ngv, nyi dvdv ngv, opi dvdv ngv okv gaam minv dvdv ngv. **16** Rungbung bungringgo nonugv kaanamv okv svnwng vv yojokarnv um kaanwng mare; Vkgvlo oguogu doonv dvdv nga bunu dvrik riku okv abinbilin bv ninyia kayu reku; Bunu ninyigv adwn am dvre okv vmv lokv ninyia baayuk reku. **17** Holvgabv Pwknyarnv ninyigv ridubv mvngdam nama lvkingobv rinam lvgabv bunugv haapok lo rinwng mooth okv Pwknyarnv gv gaamv jvjbv ripwngriya ma lobv svnwng lo bunugv jwkrw am jitola rigvdogv more. **18** “Nyimvmvga go nonugv kaanamv kairungnv pamtv ngv, vv sicingmooku gv dvbv vdwa rigv duku.”

**18** Soogv kokwng lo ngo nyidomooku tolo gvngv kvbi nyidogindung ako idubv kaato. Ninyi gylo kairungnv tujupkunamv doodu, okv ninyigv kyaklakyaklin namv sicingmooku mvnwng lo unggoto. **2** Hv gamtv rungbv goklinla minto: “Hv gimup loduku! kairungnv Bebilon ngv gimup loduku! Hv vjak uyuvaram gv naam bv riroku okv darwk manv dow gv dukubv riroku; nvgwngnv kasingkanyaknv okv kaanwng manam pta mvnwng ngv ninyigv aralo ricing doogingbv riroku. **3** Holvgabv ninyigv gwngmur singmur lo mvngbiu monv maatar rungnv opo nga— diringmooku mvnwng ngv tvngtola tvngkium nyaduku. Sicing soogv dvbv ngv ninyigv lvkobv alvmbav mvngbiula gwngmur singmur am risar sitoku, okv ninyigv achialv bv mvngbiula sirudraknv aingbv rinam lokv mooku soogv kurvpachu rinv mvnwng ngv nyitv nyaduku.” **4** Vbvrikunamv ngo kvbi vlv gaam godv nyido tolo gvngv, mindubv tvvpato, linto kulaka, ngoogv nyi vdww, ninyigv ara lokv linto kulaka! “Nonuno ninyigv aralo vkvnv rimur aba nga riming gyoka; Nonuno ninyigv mvritrit paaji nama orpinorin

siyoka! **5** Ho ogulgavbolo ninyigv rimur rinamv dosindoyinla nyidokolo chaachi duku, okv Pwknvyarnv ninyigv alvmabv rimur rinam lamtv nga mvngpadunv. **6** Hv nam oguaingbv ribvdw vbvchingching ninyiaka ritv ngurv tvka; Hv oguaingbv jibvdw vBV um kaiyabv anyi yago jikur toka. No lvgabv oguaingbv tvngmu dubv rungji pvdw vbvchingching ninyigv kobu lo maatar bv anyi yago dwkdubv pwkbiung lwkjilaka. **7** Ninyi vdwgo atubongv yunglit dukubv okv jemin dubv jipvdw vbvchingching achialv bv hirukaya nga okv mvngrunguya nama ninyia jitoka! Ogulgavbolo ninyi atubongv minbwngto: ‘Ngo svka, dvnv akobv doodunv! Ngo hvngmi ma, ngo vdwloka mvngrunam chimare!’ **8** Vkvlgabv, Hv alu gunyi chilichilum lokv ninyia dvngre— vv lvvma ngv, mvngrunguya, okv dvmayarwng ngv. Okv ninyia vmvlo baayuk reku, vkvlgavbolo Pwknvyarnv Ahtu, ninyia jwngkadakanv vv gwlwkyachok nvngv.’ **9** Ninyigv mvngbiu okv gwngmur singmur riming gvvnv sicingmooku gv dvbv vdwv bunu vdwlo ninyia vMV ramnam gv mvkwmvya nga kaatola pamtv oogy lvgabv nyikla sarla okv kapla rireku. **10** Ninyigv hindarkaso hingkulo himing gvsV nga bunu busu la rinam lokv bunu adu lo dakdu. Bunu vBV minre, vdwgo busunamgo bv ridu! vdwgo mvngdwk namgobv ridu! kainv okv gwlwknv Bebilon pamtv ngv! nonua gunta akin lo mvritririt roku. **11** Sicingmooku gv kurvpachu mvnv vka ninyigv lvgabv kapla okv mvngruto, ogulgavbolo bunugv yikungyira nga yvvka rvvjinv kaakuma; **12** Yvvka bunugv ain am, raaji am, kurvdonv vlwng am, okv tasing am; bunugv pakria, lwngbubulu vji, alapnv tanu, okv lvngdwkkwswnv vji; paala nyumanv singda, okv svtv hijung lokv mvnam nvgwngnv, okv maatar alvbv arv doonv singdasingpo, daaching riokdwr, riokdwr, okv marbol; **13** okv namnnwnv sinamon vsing, nvgwngnv namnw, nampuny,

namunama bv mvnam, okv singlumlumbak; anggur ngurla, okv teli, ata okv gehu, svv okv sylar, gora, okv yira gvnv gari, nyira, okv vv tigmabv nyia turnv vkvnv um yvvka rvvnv kaamare. **14**  
Kurvpachu mvnv vdwv ninyia minre, “noogv atubogv lvgabv alvnb yikungyira mvngnamv nyeroku, okv noogv nyitv tvgvnv dvdv ngv okv vkvnv kaaputain nam dvdv ngv nyeroku, okv no lvgoka um mapa kumare!” **15** Kurvpachu mvnv vdwv, oogv pamtv lo yvbbunu kurvpachu rila nyitv kubvdw ho vdwv, adu bv dakreku, ogulvgavbolo bunu vdwv ninyigv hindarkaso nga paaming gvjikv vla busuto. Bunu vdwv kapre okv mvngrure, **16** okv minre, “vdwgo busunamgo bv ridu! kainv pamtv lvgabv vdwgo mvngru namgobv ridu! Hv maatar alvbv arv doonv vji am gvla rito, lvngbubulunv, lvngdwkkvswkny, okv ain tasing vkvnv gvla, arv doonv vlwng, okv moti tasing vkvnv gvla rito! **17** Okv vjak gunta akin gobv ninyigv nyitv ngv sibv nyengam roku!” Svpw mvnwng ngv rigvnb vdwv okv hoka vngnvchanv vdwv, svpw svnv vdwv okv svmasa gv hoka yvbbunu kudungkua rila pwlapaala turnam lvgabv rinv kvvbi vdwvka adu lo dakreku, **18** okv ninyia vmv lokv ramla mvriak taachanam mvkwmva nga kaatola bunu kapgokla kaptoku: “Vkvnb pamtv aingbv kvvbi pamtv yago doomato!” **19**  
Bunugv dumpo aolo pvmvr nga jongpv modula, bunu kapla okv mvngrula, mindungdu, “vdwgo busunamgo bv ridu! kainv pamtv lvgabv vdwgo mvngru namgobv ridu! Hv vkvnb pamtv bv rito ninyigv yikungyira lokv svpw svnv vdwvka kokwnglo nyitv tvlin nvla ritoku! Okv vjak gunta akin lo vkvgv ogumvnwng ngv nyengam roku!” **20** Nyidomooku ngv, ninyigv mvyakriyak kunam lvgabv, mvngpu laka! Pwknyyarnv gv nyi vdwv okv Apostol vdwv okv nyijwk nyikiuk vdwv! mvngpu laka, ogulvgavbolo nonua oguaingbv hv mvpvdw Pwknyyarnv ninyia miyakaya duku! **21**

Vbvrikunamv nyidogindung kairungnv akonv vlwng lvngdo Pwktv rungnv go laarapto okv svmasa bv orlwk dula, vBV minto, "Svbv nam pamtv kairungnv Bebilon am orli lala lwkreku okv lvkoka kaapa kumareku. **22** Harp baja namgv miujek okv nyia vdwgv adu dunam, pungli tapnam okv tapu minam vdwa nonugv aralo vdwloka lvkodv tvvpa kumare! Kurvpachu mvnv kudungkua rinv nyi vdwgv; okv tami aam garmvnam lvngcho adu goka noogv ara lokv vdwloka tvvpa kumare! **23** Vdwloka mvdurupum gv loung goka noogv ara lokv kaapa kumare; Vdwloka nyimv okv nyilo laami sinam vkvnv adu goka noogv ara lokv tvvpa kumare. Noogv kurvpachu rinv ngv nyiamooku so mvnwng gv kaiyachok bv rito, okv noogv lama himur namv mooku soogv nyi mvnwng nga gwngkupto!" **24** Nyijwk vdwgv oyi am okv Pwknyarnv gv nyi vdwgv oyi am pamtv ara hoka paatoku; vvjemabv, sicingmooku soogv nyi vdwa pakipamar kunam gv oyi am paakulo Bebilon pamtv nga mvriririt toku.

**19** Soogv sum tvpanam kokwng lo nyidomooku tolo gvngv nyi nyitwng gv rumdu dunam ainggo tvvpato, vBV minto, "Pwknyarnvnyi hارت laka! ringnambaanamv, yunglitnamv, okv jwkrvv ngonugv Pwknyarnv gv ngv! **2** Ninyigv jwngkadaka namv jyjv dunv okv sursimai dunv! Ninyigv lvkobv gwngmursingmur la sicingmooku sum alvmabv rigvnv yojokarnv um hv miyakaya toku. Pwknyarnv ninya mvriririt toku ogulvgavbolo hv ninyigv pakbu vdwa mvki sito." **3** Bunu lvkodv gokrvdvt, "Pwknyarnvnyi hارت laka! Mvriak taachala kainv pamtv nga guyuknam mvkwmvya ngv dvbvsingtambv sokchaa dungdu!" (aiōn g165) **4** Nyigagatv chanyi gula api okv turnv pwknamyarnam api ngv oogv dvbv dotumlo doonv Pwknyarnvnyi bunu gublwk dula okv kumlajola rito. Bunu minto, "Pwknyarnvnyi hارت laka!

Amen!" 5 Vbvrikunamv dvbvdotumnvnv lokv vlv gaam go aala, vBV minto, "ninyigv pakbu dvdv ngv okv nyi mvnwng ngv, kai nvngv jvka okv miang nvngv jvka, yvvdw ninyia mvngdv dudw ngonugv Pwknyyarnvnyi hartv laka!" 6 Vbvrikunamv ngo nyitwng mvnwng gv gaam adu ainggo tvvpato, vv isi dvngdo adu aingbv, okv doogumgumnam jvbv, ngo tvvpato. Ngo bunua vBV mindubv tvto, "Pwknyyarnvnyi hartv laka! ogulvgavbolo Ahtu, ngonugv kairungnv Pwknyyarnv dvbv ngv! 7 Klai ngonu harjuk milaju okv mvngpu laju; Kaju ngonu ninyigv kainama hartv laju! Ogulvgavbolo Svlarkuu gv nyida ridvw aaduku okv nyida lvgabv nyimv nyamji nvngv atubongv ripvdakpv sutoku.

8 Darwknv ungnv vji am ninyia koomu toku." (Kaapunv vji vdvw Pwknyyarnv gv nyi vdwgv alnv kudungkua ngv.) 9 Vbvrikunamv nyidogindung ngv nga minto, "lvktoka sum: yvvni Svlarkuu gv nyida dvpam lo gokpa pvdw vv bunu mvngpuv." Okv nyidogindung ngv mindvto, "soogv minam si Pwknyyarnv gv jvjvnv gaamv." 10 Ngo ninya kumnamjonam lvgabv ninyigv lvchu kampwk lo guba lwkto, vbvrinamv hv nga minto, "no vbvriyoka! Ngo noogy lvkobv okv kvvbi mvngjwngnv ajin Jisu gv kaatam nama jvjv nga gakbwng la rinv vdwgv lvkobv ridum minggvnv pakbu akonv. Pwknyyarnvnyi kumtojoto laka!" Ogulvgavbolo Jisu gv jvjvnv kaatamnam si nyijwk vdwgvl dow jilwkkunam ngv. 11 Vbvrikunamv ngo nyidomooku nga chikuk dubv kaato, okv hoka yapungnv gora aka dooto. Hogv gorajoknv um jwkjwkvrwknv okv jvjv ngv vto; hv jvjv lokv jwngkadakadu okv vBV vv ninyigv nyimak aka rimisidu. 12 Ninyigv nyikv vmvgv mvriak jvbw ridu, okv hv ninyigv dumpo lo dumluv achialvg bintoku. Hv ninyigv aolo amin lvknam go doodu, vbvritola ogugo lwkpvdw um yvvka kaachin ma vbvritola ninyi atubongv mvngchik um chinsudu. 13

Vkvgv vji gvvnamv oyi gobv ridu. Vkgv aminv “Pwknvyarnv gv Gamchar.” **14** Nyidomooku gv sipai vdwv darwknv yapungnv vji vkv gvvtola okv yapungnv gora lo dootola ninyia vngming gvvdu. **15** Diringmooku mvnwng nga paya yanvnv riukse ripu nvgo, ninyigv napa lokv lindu. Hv riokdwr riokda lokv bunua rigv nvre, okv Hv kairungnv Pwknvyarnv gv haachi gv opo minjup nvnv lo opo nga menjapla limure. **16** Ninyigv vji lola okv harpo lo vBV lwknam amin go gvvdu: “dvbv vdwgv lokv Dvbv ngv okv atu vdwgv lokv Ahtu ngv.” **17** Vbvrikunamv ngo doonyi gv aolo nyidogindung ako dakdubv kaato. Ninyi dopintain tvso pta jarnv mvnwng am adu dutv rungbv gokto: “Pwknvyarnv gv kairungnv dvpam pamdubv aadum sidubv aatoka! **18** Aatoka okv dvbv vdwgv adwn, sipai am rigvnv vdwgv adwn, okv sipai vdwgv adwn, okv gora vdwgv okv gorajoknv vdwgv adwn, okv nyi mvnwng gv adwn, okv nyira vdwgv adwn, okv ajarabi bv rinv adwn, okv kainv okv miangnv vdwgv adwn am dvdubv aatoka.” **19** Vbvrikunamv kuring ngo svnwng okv sicingmooku gv dvbv vdwa okv bunugv sipai vdwa adum sitola hogv gora aolo doonv um la okv vkvgv sipai nga yalung bv padap minsu dubv vla aakum dubv ngo kaato. **20** Svnwng am patwk lo bootoku, ninyigv kaagia lo kaasartabo bv rila mvvla rinv oogy nyijwk kupnv umka laadumsila bootak svto. (Vbv lamrwpanam bv rila hv bunua svnwng gv mvunam okv murti am kumlajola rinv bunu vdwa mvvkup rukupto.) Svnwng umla okv mvvnv nyijwk um anyia sulphur gv vmvgv svmasa bolo turduby orlwkt. (**Limnē Pyr g3041 g4442**) **21** Bunugv sipai vdwa oogy gora aolo doonv gv gaam lokv linv riukse lokv paki toku; okv bunugv svma adwn am pta mvnwng ngv dvnya nyoku madu bv dvmin toku.

**20** Vbvrikunamv nyidomooku tolo ngv nyidogindung ako idubv  
ngo kaato, ninyigv laaklo dootarkamanv ungrung gv chabi am okv  
ai rungnv jaako sogo bvngto. (*Abyssos g12*) **2** Hv singchingpanv  
nga laatungto, kvvlo gv abuapa tabwgo—vv Uyudvbv, vmal  
um Uyu vlaka mindu—okv hejar akin anying lokv jaako leela  
apv kunamgo. **3** Nyidogindung angv dootarkamanv ungrung lo  
orlwk tvla, um tala yitam pvtv, okv siel tuprw pvtv, vkvlgavbolo  
hejar akin anying ngv vngma dvdvlo gobv hv diringmooku dvdv  
nga kupma dubv vla. Hoogv kokwng loku ninya dw achok gv  
lvgabv tulin jireku. (*Abyssos g12*) **4** Vbvrikunamv kuring ngo  
dvbdotumnvnv vdwa kaato, okv hoogv dotumnvnv lo doonv  
bunu vdwa jwngkadaka nvnv jwksw am jito. Jisu gv kaatamnam  
jvjjv okv Pwknyarnv gv gaam am minggo karnam lvgabv  
pakikunam vdwgv yalu am ngo kaato. Bunu vdwv svnwng okv  
bunugv murti am kumajomadu, vmaijka bunugv dumpo lo okv  
bunugv laak lo svnwng gv muunam goka laarwk simato. Bunu  
turnam lo aadu kula okv hejar akin anying gv lvgabv dvbv bv  
ritola Jisu gv lvkobv rigv minggv riku. **5** (Sinv Kvvgonv turkur  
madvnv vdwv hejar akin anying ngv vngma dvdvlo gobv turkur  
kumato.) Soogy si sinv vdwgv chaacho chochok ngv. **6** Sinv  
vdwgv tututurke so yvvdw turkur minggv dunv vv mvngpu okv  
kairungbv boktalwknamv. Lvnyinvbv sinv vv bunua rigv lamare;  
Bunu Pwknyarnv gyla okv Kristo gv nyibu gobv rireku, okv  
bunu ninya lvkobv anying hejar akin lvgabv rigv minggvre. **7**  
Anying hejar akin gv kokwng lokuring, Uyudvbv nga patwk lokv  
tulin la rireku, **8** okv hv sicingmooku gv diringmooku tloblobv  
doonv nga kuptv bv vngre, vv Gog okv magog nga mindunv.  
Uyudvbv ngv bunu vdwa yalung damisinam lvgabv laadam sire,  
vv bunu svmasa gv chokri kiilakumanam gv aingbv rire. **9** Bunu

sichingmooku mvnwng lo doosik kartoku okv Pwknyarnv gv nyi  
vdwgv keem nga okv ninyigv paknam pamtv nga goyum toku.  
Vbbritola nyidomooku tolo gvngv vmv ngv oolula bunua guyuk  
toku. **10** Vbvrikunamv oogv bunua kupnv, Uyudvbv um kvvlo  
gv svnwng okv mvvnv nyijwk am orlwk roku hoka orlwktoku,  
okv oogv orlwkku vv sulfur okv vmvgv svmasa ngv; okv bunu  
alu okv ayu bv hirukaya nga dvbvsingtambv paabvla riku ngv.

(aiōn g165, Limnē Pyr g3041 g4442) **11** Vbvrikunamv kairungnv  
yapungnv dvbvdotumnvnv ako okv vkvgv aolo doodunv um ngo  
kaato. Sichingmooku okv nyidomooku ngv ninyigv duku lokv  
Vjakgobv kiyu toku okv lvkodv kaapa kuma. **12** Okv ngo sinv  
vdwaka kainv okv miang nvngaka dvbvdogingnvn vkaagia hoka  
dakduby kaato. Kitap vdwa taakuk pvvto, okv kvvbi kitap goka  
taakuk pvvto, vv turnam gv kitapv. Sikunv vdwgv bunu ogugo  
ripvdw, kitap lo lvklwk kunam aingbv, um jwngkadaka toku. **13**

Vbvrikunamv svmasa lo yvzbunudw silwk pvkunv ho vdwa isi  
ngv lvkodv tvlin jitoku. Sinam okv sinv mvnwng gv nyiamookuv  
bunu vdwvka sinv dvdv nga jilin jitoku. Okv mvnwng ngv bunu  
ogugo ripvdw um vbvrinam lokv jwngkadaka toku. (Hadēs g86) **14**  
Vbvrikunamv sinam okv sinv vdwgv mooku am vmvgv svmasa lo  
orlwk nyatoku. (Soogv vmvgv svmasa si situm lvnyinvn vku.)  
(Hadēs g86, Limnē Pyr g3041 g4442) **15** Soogv turnam gv kitap  
so yvnyi amin lvklwk mapvdw bunu vdwa vmvgv svmasa lo  
orlwktoku. (Limnē Pyr g3041 g4442)

**21** Vbvrikunamv ngo anwnv nyidomooku go okv anwnv  
sichingmooku go kaato. Atukchochok gv nyidomooku ngv okv  
Atukchochok gv sichingmooku ngv nyetoku, okv svmasa ngvka  
nyetoku. **2** Okv Darwknv Pamtv vv, anwnv Jerusalem ngv,  
Pwknyarnv gv nyidomooku lokv, nyimv nyamnv gv, gvkigvak

tvla okv ninyigv nyilu nga kaarwk sitvnam aingbv anwnv  
Jerusalem ngvka mvpvripv tvkula ninya, idubv ngo kaato. 3  
Ngo dvbvdotumnvnv tolo gvngv gaam adu dutv rungnv go  
vbw mindung dubv tvvpato: "Vjak Pwknvyarnv gv naamnasung  
ngv nyi vdwgv lvkobv dooduku! Ninyi bunua lvkobv dooming  
gvriku, okv bunu vdvv ninyigv nyi bv rireku. Pwknvyarnv nw  
aww bunua lvkobv dooreku, okv Nw bunugv Pwknvyarnv bv  
rireku. 4 Nw bunugv nyiklo nyiklo dwkla kapnama tikak reku.  
Hoka sinamyanam ngv, tinggwnyilin ngv, vmalo kapnamrinam  
vmalo achiapik go kaakumare. Vkvlgavbolo Kvvlo gv akunv  
ogumvnwng ngv nyetoku." 5 Vbvrikunamv hogv dotumnvnv lo  
doonv ngv mintoku, "Vkvlgavbolo vjak ngo ogumvnwng nga  
anw nvbv mvreku!" Hv ngam vbvka mindvto, "sum lvkpvtvka,  
ogulvgavbolo soogv gaam si jviv ngv okv vv mvngjwng nyoladu."  
6 Okv hv minto, "Sum riroku! Ngo atukchochokkv okv ataranya  
ngv, rirapnv okv ripinnv. Yvvdw isi tvngnwng dunv um ngo sirung  
lokv holinnv turnam gv vsi am tvngdwlo tvngjo kaamabv anyubv  
tvngmure. 7 Yvvdw rigum yadunv um ngokv lokv sum laarwk  
simure: Ngo ninyigv Pwknvyarnv bv rire, okv vv bunu ngoogv  
umvuu bv rire. 8 Vbvrilola mvngbid ribid manv, rukupmvvkupnv,  
rima svnga rinv, minv lvnv, gwngmursingmur, vBV yvvdw lama  
hisarsinv, yvvdw murti kumdujodunv, okv mvvnvrurnv mvnwng  
ngv— Sulfur bvla okv vmv lokv gula svlv bv rinv vv, bunugv lvgabv  
dookudaku ngv, so si lvnyi nvnbv sikunam vku." (Limnē Pyr g3041  
g4442) 9 Nyidogindung kanw gv lokv talu pwkkaw lo akomaring  
bv chilichilum kanwgo doonv hogv akonv vv ngo dookubv aato  
okv minto, "aatoka, okv nyimv nyamnv, Sylarkuu gv nywng nga  
kaatamre." 10 Dow lokv nga rigv dula, okv nyidogindung ngv nga  
moodw dwtv yachok nvgv dumpum tolo jarcha gvtvto. Hv nga

Jerusalem, darwknv Pamtv nga, Pwknyyarnv gv nyidomooku lokv idubv kaatamdo **11** okv Pwknyyarnv gv yunglit lokv ungkato. Pamtv yunglitnamv arv doonv vlwng aingbv, jaspar aingbv, rvbwngvrwng bv kraistal vlwng aingbv. **12** Vv achialvbv kairungnv aokokonv vlwng singlung agi geering gula geenyi go dooto okv hogv agi am nyidogindung vring gula anyigo rigv mooto. Hogv agi hoka Israel nyi vdwgv vpin vring gula anyi gv amin am lvklwkto. **13** Hogv atungasak lo agi am geom go doomuto: agi geeom gonv donyichaagia peelvlo doodu, geeom gonv ako peelvlo doodu, agi geom gonv adum peelvlo doodu, agi geom gonv doonyi aagia peelvlo doodu. **14** Hoogv pamtv gv vlwng svlung ngv lvngtung vring gula anyi gv aolo mvtoku, vlwng lvngtung tungpvnam hoka Svlarkuu gv Apostol vring gula anyi gv amin am lvklwkto. **15** Nyidogindung ngam gaam minamv pamtv okv pamtv gv agi vdwa okv vlwng svlung nga kiika nvduby ain vtak tago bvngto. **16** Pamtv nga atung asak bv agingayur bv karing sichingto. Nyidogindung ngv pamtv nga ninyigv kiinvnv vpi singkio lokv kiikanamv: Apv, ayur, ao am okv adam am kiika la rinamv two thousand four hundred kilometre; fifteen hundred miles mvnwng ngv karing sichingto. **17** Nyidogindung ngvka vlwng svlung nga kiikato, okv ninyigv kiibv nvnv lokv kiikanamv vkvgv jwngcham ngv 216 feet; 60 metres gobv ritoku. **18** Vlwng svlung vv jaspar vlwng lokv mvto, okv pamtv nga ain jyjv mvngchik lokv mvto vv sisa gv aingbv kaarpaparto. **19** Pamtv gv vlwng svlung gv vlwng lvngtung tungnam am arv doonyv vlwng lokv mvrwmvgo nvto. Lvngtung tungchonam vlwng ngv jaspar vlwng lokv mvto, anyi nvnv sapire vlwng nga mvnvto, aumnvnv egate vlwng lokv mvnvto, apinvnv emerald vlwng nga mvnvto, **20** angunvnv oneks vlwng nga mvnvto, akvnvnv karnelian vlwng nga mvnvto,

kanwnvnnv kuarch vlwng nga mvnvto, piinwnvnnv berils vlwng  
nga mvnvto, kianvnnv ngv topaj vlwng nga mvnvto, vringvnnv  
kalsidoni vlwng nga mvnvto, vring gula akinnvnnv turkois vlwng  
nga mvnvto, vring gula anyinv emetes vlwng nga mvnvto. **21** Agi  
vring gula anyiv mooti vlwng lokv; agi geingekin nam mooti  
vlwng akin lokv mvnvto, Pamtv gv lamtv nga sisa kaorpapvr bv  
ungla dubv ain jviv lokv mvngchik lokv mvto. **22** Pamtv aralo ngo  
Pwknyarnvnaam go kaapama, ogulvgavbolo Pwknyarnvnaam  
si Ahtu Pwknyarnv kairungnv ngv okv Svlarkuu ngv. **23**  
Pamtv nga doonyi vmaloo poolu gv loung go ungka svgo kaama  
ogulvgavbolo Pwknyarnv gv yunglit gv loung ngv um ungdakadu  
okv Svlarkuu ngv vkvgv mvdurupum bv risudu. **24** Nyiamooku  
soovg nyi vdww soovg loung so vngkar riku, okv sicingmooku  
soovg dvbv ngv bunugv yikungyira vdwa so bvngnga lwkjire.  
**25** Pamtv gv agi ngv aludwkibv chikuk tyla doobvre; bunu  
vdwloka chiktum kumare, ogulvgavbolo hoka vdwloka kanvnam  
kaakumare. **26** Diringmooku gv Kainam okv yikungyira mvnwng  
nga pamtv so bvngnga jireku **27** Vbvrilola darwkmanv vmaloo  
yvvdw hinyinghiru nam ridudw vmaloo mvvnarmunam ngv soovg  
pamtv so aala mare. Yvvgv amin am Svlarkuu gv turnv kitap lo  
lvklwk pvdw vv mvngchik pamtv hoka aalare.


**22** Nyidogindung ngv Pwknyarnv okv Svlarkuu gv dotumnvnnv  
lokv, Kraistal aingbv klingklaknv, turnam jinv isi svko um nga  
kaatamto **2** okv Pamtv gv lamtv lvpa jelo biiko lodu. Isi gv  
Tagotaksak bv turnam gv singnv ngv, vv anying nga lvrings  
gula lvnyi go asi svvnnv ngv, poolu dwkibv lvkolvko svvdu; okv  
vkvgv anv ngv diringmooku vdwgv lv gabv mvpunv. **3** Pamtv ara  
hoka vdwloka Pwknyarnv gv beenam vkvnnv oguguka mapa  
mare. Pwknyarnv gv dotumnvnnv okv Svlarkuu ngv pamtv ara

hoka doore, okv ninyigv pakbu vdwv ninyia kumlajola rire. 4

Bunu ninyigv nyukmu am kaapare, okv ninyigv aminv bunugv tuktumlo lvklwk pvvre. 5 Hoka ayukanv kaaku mare, bunu mvdurupum bvngdubv riku mare vmalo doonyi loung dubvka rikumare ogulvgavbolo Pwknvyarnv Ahtu bunugv loung bv rireku, okv bunu dvbv gv aingbv dvbvsingtambv rigvriku. (aiōn g165) 6

Vbvrikunamv nyidogindung ngv ngam minto, "Soogv gaam si jvjv ngv okv mvngjwng svvngv. Okv Pwknvyarnv Ahtu oogv nyijwk vdwa ninyigv dowa jjinv vv, ninyigv nyidogindung nga gugur alvby ogugo ritv tvvdu kunvdw ninyigv pakbu vdwa kaatam dukubv imuto." 7 Jisu minto, "tvvgap laka!" "Ngo baapubv aadung dukunv! Soogv kitap aralo yvvdw nyijwkgaam vdwgv mingkulo tvvdunv vv mvngpuv!" 8 Ngo, Jon kv, soogv ogumvnwng dvdv sum tvvnv okv kaanv ngv. Okv vdwlo ngo tvvdung nama tvvnya kubvdw okv bunua kaadung nama kaanya kubvdw, soogv ogumvnwng nga kaatam nvvgv nyidogindung gv lvpalo, ngo gumpv tvla ninyia kumtvto. 9 Vbvrijyka hv minto, "vbvriyoka! Ngoooka no lvkobv pakbu akobv ribam dubv okv nonugv achiboru nyijwk vdwgv lvkobv ribam dubv okv mvnwng ngv yvvdw soogv kitap so gaam am tvvdunv um ribamnv ngv mvngchikgo. Pwknvyarnv yanyidv kumtojoto laka!" 10 Okv hv ngam minto, "soogv kitap soogv nyijwkgaam sum vvsila rimabvka ogulvgavbolo vdwlo soogv mvnwng si ritvwngtv dunv si ridwv achialvbv kvnvk duku. 11 Yvvdw alvmanv kudungkua ridung sududw, vv alvmabv ribv sirungpv lage okv yvvdw kasingkanyaknv kudungkua ridudw vv kasingkanyaknv kudungkua lo ribv sirungpv lage; yvvdw alv dudw vv alvnyv kudungkua lo ribv sirungpv lage, okv yvvdw darwdunv vv darwkbv ribv sirungpv lage." 12 Jisu minto, "tvvgap tvka!" "ngo baapu bv aadung dukunv! Ngoogy amin jisv nga

ngo gvvla aagv rikunv, nyichar dvdv ngv vkgvg atubogv rinam lokv um jireku. **13** Ngo atukchochokkv okv ataranya ngv, okv rirappv okv ripinnv." **14** Yvvdw bunugv atubogv vji nga rvvkak kakpung sudunv vv mvngpu namv okv turnam jinv singnv lo asi svvnv nga dyla dunv, okv Pamtv aralo agi lokv aala dunv. **15** Vbbritola pamtv agum lokv doonv vv rima svnga rinv ngv okv lamahinv, gwngmursingmurnv, okv pakipamarnv, yvvbunu murti kumnvjonyv okv gaam lokvka okv kudungkua lokvka mvvkup rukupnv vv agum lo ridu. **16** "Ngo, Jisu, ngoogy nyidogindung nga nonu gvlo soogv ogumvnwng sum mimpa jimu dubv gvrja dvdv gv aralo aamuto. Ngo Dabid gv vpin lokv husi linv ngv; Ngo lvgu takar lo karlum pumpumv." **17** Dow vla okv nyimvnyamnv ngv minto, "aatoka!" Yvvdw sum tvnvv dvdv ngvka mirungto, "aatoka!" Aatoka, yvvdw tvngnwng dudw; turnam jinv isi am jinyu gobv jinam am, yvvbunu mvnggi dudw laarwk sitoka. **18** Ngo, Jon, kitap soogv nyijwkgaam sum tvvgapnv mvnwng nga gamrw dunv: Yvvdw soogv sum ogu achukguka lvktamyaya lwkredw, bunu vdwa soogv kitap sokv lvklwknam chilichillum am mvriririt nam lvgaby Pwknyarnv lvktamyaya jire. **19** Okv yvvdw soogv kitap sokv nyijwkgaambv minjinama laapak jiredw, Pwknyarnv turnam jinv singnv gv asi am okv darwknv pamtv lo aapa dubv bunugv baak am kitap sokv lvklwknam laapak la laa jireku. **20** Yvvdw ninyigv sikvnv gaam minjinam dvdv sum minji dudw, hv mindu, "jvjvklv ngv! ngo baapu alvbv aadung duku!" Vbvchingching yilaka. Ahtu Jisu a, aatoka! **21** Ahtu Jisu gv aya ngv mvnwng gvlo dooming gvi laka.



Okv Darwkny Pamtv vv, anwnv Jerusalem ngv, Pwknyarnv gv nyidomooku loki, nyimv nyamnv  
gv, gvkigvak tvla okv ninyigv nyilu nga kaarwk sitvnam aingbv anwnv Jerusalem ngvka mvpvripv  
tvkula ninya, idubv ngo kaato. Ngo dvbvdotumnvnv tolo gyngv gaam adu dutv rungnv go vbv  
mindung dubv tvvpato: "Vjak Pwknyarnv gv naamasung ngv nyi vdwgv lvkobv doodusku! Ninyi  
bunua lvkobv dooming gvriku, okv bunu vdwv ninyigv nyi bv rireku. Pwknyarnv nw awv bunua  
lvkobv dooreku, okv Nw bunugv Pwknyarnv bv rireku.

Nyikrwkaatamnam 21:2-3

# Reader's Guide

Tagin at [AionianBible.org/Readers-Guide](http://AionianBible.org/Readers-Guide)

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, "*As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him.*" Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, "*And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned.*" So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, "*Do your best to present yourself approved by God, a worker who does not need to be ashamed, properly handling the word of truth.*" 2 Timothy 2:15. "*God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,*" 2 Peter 1:4-8.

# Glossary

Tagin at [AionianBible.org/Glossary](http://AionianBible.org/Glossary)

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

## **Abyssos** g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

## **aidios** g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

## **aiōn** g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

## **aiōnios** g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

## **eleēsē** g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See [ntgreek.org](http://ntgreek.org).

**Geenna** g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

**Hadēs** g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonomous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

**Limnē Pyr** g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

**Sheol** h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

**Tartaroō** g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

# Glossary +

[AionianBible.org/Bibles/Tagin---Tagin-First-Bible/Noted](http://AionianBible.org/Bibles/Tagin---Tagin-First-Bible/Noted)

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. \* The note placement is skipped or adjusted for verses with non-standard numbering.

## **Abyssos**

|                      |                  |                      |
|----------------------|------------------|----------------------|
| Luk 8:31             | Nyingnam 3:21    | 1 Pitar 1:25         |
| Roman 10:7           | Nyingnam 15:18   | 1 Pitar 4:11         |
| Nyikrwkaatamnam 9:1  | Roman 1:25       | 1 Pitar 5:11         |
| Nyikrwkaatamnam 9:2  | Roman 9:5        | 2 Pitar 3:18         |
| Nyikrwkaatamnam 9:11 | Roman 11:36      | 1 Jon 2:17           |
| Nyikrwkaatamnam 11:7 | Roman 12:2       | 2 Jon 1:2            |
| Nyikrwkaatamnam 17:8 | Roman 16:27      | Jud 1:13             |
| Nyikrwkaatamnam 20:1 | 1 Korintian 1:20 | Jud 1:25             |
| Nyikrwkaatamnam 20:3 | 1 Korintian 2:6  | Nyikrwkaatamnam 1:6  |
|                      | 1 Korintian 2:7  | Nyikrwkaatamnam 1:18 |
|                      | 1 Korintian 2:8  | Nyikrwkaatamnam 4:9  |
|                      | 1 Korintian 3:18 | Nyikrwkaatamnam 4:10 |

## **aïdios**

|            |                   |                      |
|------------|-------------------|----------------------|
| Roman 1:20 | 1 Korintian 8:13  | Nyikrwkaatamnam 5:13 |
| Jud 1:6    | 1 Korintian 10:11 | Nyikrwkaatamnam 7:12 |


## **aiōn**

|             |                   |                       |
|-------------|-------------------|-----------------------|
| Metiu 12:32 | 2 Korintian 11:31 | Nyikrwkaatamnam 14:11 |
| Metiu 13:22 | Galasian 1:4      | Nyikrwkaatamnam 15:7  |
| Metiu 13:39 | Galasian 1:5      | Nyikrwkaatamnam 19:3  |
| Metiu 13:40 | Epesian 1:21      | Nyikrwkaatamnam 20:10 |
| Metiu 13:49 | Epesian 2:2       | Nyikrwkaatamnam 22:5  |
| Metiu 21:19 | Epesian 2:7       |                       |
| Metiu 24:3  | Epesian 3:9       |                       |
| Metiu 28:20 | Epesian 3:11      |                       |
| Mark 3:29   | Epesian 3:21      | Metiu 18:8            |
| Mark 4:19   | Epesian 6:12      | Metiu 19:16           |
| Mark 10:30  | Pilipian 4:20     | Metiu 19:29           |
| Mark 11:14  | Kolosian 1:26     | Metiu 25:41           |
| Luk 1:33    | 1 Timoti 1:17     | Metiu 25:46           |
| Luk 1:55    | 1 Timoti 6:17     | Mark 3:29             |
| Luk 1:70    | 2 Timoti 4:10     | Mark 10:17            |
| Luk 16:8    | 2 Timoti 4:18     | Mark 10:30            |
| Luk 18:30   | Taitas 2:12       | Luk 10:25             |
| Luk 20:34   | Hebru 1:2         | Luk 16:9              |
| Luk 20:35   | Hebru 1:8         | Luk 18:18             |
| Jon 4:14    | Hebru 5:6         | Luk 18:30             |
| Jon 6:51    | Hebru 6:5         | Jon 3:15              |
| Jon 6:58    | Hebru 6:20        | Jon 3:16              |
| Jon 8:35    | Hebru 7:17        | Jon 3:36              |
| Jon 8:51    | Hebru 7:21        | Jon 4:14              |
| Jon 8:52    | Hebru 7:24        | Jon 4:36              |
| Jon 9:32    | Hebru 7:28        | Jon 5:24              |
| Jon 10:28   | Hebru 9:26        | Jon 5:39              |
| Jon 11:26   | Hebru 11:3        | Jon 6:27              |
| Jon 12:34   | Hebru 13:8        | Jon 6:40              |
| Jon 13:8    | Hebru 13:21       | Jon 6:47              |
| Jon 14:16   | 1 Pitar 1:23      | Jon 6:54              |

## **aiōnios**

|            |             |
|------------|-------------|
| Metiu 18:8 | Metiu 19:16 |
|            | Metiu 19:29 |
|            | Metiu 25:41 |
|            | Metiu 25:46 |
|            | Mark 3:29   |
|            | Mark 10:17  |
|            | Mark 10:30  |
|            | Luk 10:25   |
|            | Luk 16:9    |
|            | Luk 18:18   |
|            | Luk 18:30   |
|            | Jon 3:15    |
|            | Jon 3:16    |
|            | Jon 3:36    |
|            | Jon 4:14    |
|            | Jon 4:36    |
|            | Jon 5:24    |
|            | Jon 5:39    |
|            | Jon 6:27    |
|            | Jon 6:40    |
|            | Jon 6:47    |
|            | Jon 6:54    |
|            | Jon 6:68    |

|                      |                       |                     |
|----------------------|-----------------------|---------------------|
| Jon 10:28            | Mark 9:45             | Psalms 116:3        |
| Jon 12:25            | Mark 9:47             | Psalms 139:8        |
| Jon 12:50            | Luk 12:5              | Psalms 141:7        |
| Jon 17:2             | Jems 3:6              | Proverbs 1:12       |
| Jon 17:3             |                       | Proverbs 5:5        |
| Nyingnam 13:46       | <b>Hades</b>          | Proverbs 7:27       |
| Nyingnam 13:48       | Metiu 11:23           | Proverbs 9:18       |
| Roman 2:7            | Metiu 16:18           | Proverbs 15:11      |
| Roman 5:21           | Luk 10:15             | Proverbs 15:24      |
| Roman 6:22           | Luk 16:23             | Proverbs 23:14      |
| Roman 6:23           | Nyingnam 2:27         | Proverbs 27:20      |
| Roman 16:25          | Nyingnam 2:31         | Proverbs 30:16      |
| Roman 16:26          | 1 Korintian 15:55     | Ecclesiastes 9:10   |
| 2 Korintian 4:17     | Nyikrwkaatamnam 1:18  | Song of Solomon 8:6 |
| 2 Korintian 4:18     | Nyikrwkaatamnam 6:8   | Isaiah 5:14         |
| 2 Korintian 5:1      | Nyikrwkaatamnam 20:13 | Isaiah 7:11         |
| Galasian 6:8         | Nyikrwkaatamnam 20:14 | Isaiah 14:9         |
| 2 Tesalonian 1:9     |                       | Isaiah 14:11        |
| 2 Tesalonian 2:16    |                       | Isaiah 14:15        |
| 1 Timoti 1:16        | Nyikrwkaatamnam 19:20 | Isaiah 28:15        |
| 1 Timoti 6:12        | Nyikrwkaatamnam 20:10 | Isaiah 28:18        |
| 1 Timoti 6:16        | Nyikrwkaatamnam 20:14 | Isaiah 38:10        |
| 2 Timoti 1:9         | Nyikrwkaatamnam 20:15 | Isaiah 38:18        |
| 2 Timoti 2:10        | Nyikrwkaatamnam 21:8  | Isaiah 57:9         |
| Taitas 1:2           |                       | Ezekiel 31:15       |
| Taitas 3:7           |                       | Ezekiel 31:16       |
| Pilemon 1:15         | Genesis 37:35         | Ezekiel 31:17       |
| Hebru 5:9            | Genesis 42:38         | Ezekiel 32:21       |
| Hebru 6:2            | Genesis 44:29         | Ezekiel 32:27       |
| Hebru 9:12           | Genesis 44:31         | Hosea 13:14         |
| Hebru 9:14           | Numbers 16:30         | Amos 9:2            |
| Hebru 9:15           | Numbers 16:33         | Jonah 2:2           |
| Hebru 13:20          | Deuteronomy 32:22     | Habakkuk 2:5        |
| 1 Pitar 5:10         | 1 Samuel 2:6          |                     |
| 2 Pitar 1:11         | 2 Samuel 22:6         | <b>Tartaroō</b>     |
| 1 Jon 1:2            | 1 Kings 2:6           | 2 Pitar 2:4         |
| 1 Jon 2:25           | 1 Kings 2:9           |                     |
| 1 Jon 3:15           | Job 7:9               | <b>Questioned</b>   |
| 1 Jon 5:11           | Job 11:8              | 2 Pitar 2:17        |
| 1 Jon 5:13           | Job 14:13             |                     |
| 1 Jon 5:20           | Job 17:13             |                     |
| Jud 1:7              | Job 17:16             |                     |
| Jud 1:21             | Job 21:13             |                     |
| Nyikrwkaatamnam 14:6 | Job 24:19             |                     |
|                      | Job 26:6              |                     |
| <b>eleēsē</b>        | Psalms 6:5            |                     |
| Roman 11:32          | Psalms 9:17           |                     |
|                      | Psalms 16:10          |                     |
| <b>Geenna</b>        | Psalms 18:5           |                     |
| Metiu 5:22           | Psalms 30:3           |                     |
| Metiu 5:29           | Psalms 31:17          |                     |
| Metiu 5:30           | Psalms 49:14          |                     |
| Metiu 10:28          | Psalms 49:15          |                     |
| Metiu 18:9           | Psalms 55:15          |                     |
| Metiu 23:15          | Psalms 86:13          |                     |
| Metiu 23:33          | Psalms 88:3           |                     |
| Mark 9:43            | Psalms 89:48          |                     |




## Abraham's Journey


Mngiwng lokv Abraham Pwknyamv gv ninyia diringmooku jinypv vla milv kunam diringmooku lo vnglin yikv vla kanamla minam ha tvvoku.  
Nw ogolo vngt vndvd um chimatola atubogy diringmooku nga vngyula vngroku. - Hebru 11:8

## Israel's Exodus


N ▲



"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt'" Exodus 13:17



Nyirå Kuunyilo jesing ngv riijikodub aama; Nw riijitebv aato okv ninyigv singtung ngaa mvngnga yarta achiav nyi go ringlin dikuubv." - Mark 10:45



## Paul's Missionary Journeys

Paul lokv, apostol atkobu gaknam Kristo Jisu gv pakbu akobu rinv okv alnnv yunying minggo kardubu Pwknyamv gv gotkin kunamv - Roman 1:1

## **Creation 4004 B.C.**

- Adam and Eve created  
Tubal-cain forges metal
- Enoch walks with God
- Methuselah dies at age 969
- God floods the Earth
- Tower of Babel thwarted
- Abraham sojourns to Canaan
- Jacob moves to Egypt
- Moses leads Exodus from Egypt
- Gideon judges Israel
- Ruth embraces the God of Israel
- David installed as King
- King Solomon builds the Temple
- Elijah defeats Baal's prophets
- Jonah preaches to Nineveh
- Assyrians conquer Israelites
- King Josiah reforms Judah
- Babylonians capture Judah
- Persians conquer Babylonians
- Cyrus frees Jews, rebuilds Temple
- Nehemiah rebuilds the wall
- Malachi prophesies the Messiah
- Greeks conquer Persians
- Seleucids conquer Greeks
- Hebrew Bible translated to Greek
- Maccabees defeat Seleucids
- Romans subject Judea
- Herod the Great rules Judea**

**Jesus Christ born 4 B.C.**  
(The Annals of the World, James Usher)

## **New Heavens and Earth**

- Christ returns for his people
- Jim Elliot martyrdom in Ecuador
- John Williams reaches Polynesia
- Zinzendorf leads Moravian mission
- Japanese kill 40,000 Christians
- Jesuits reach Mexico
- Martin Luther leads Reformation
- Gutenberg prints first Bible
- Franciscans reach Sumatra
- Ramon Llull trains missionaries
- Crusades tarnish the church
- The Great Schism
- Adalbert martyred in Prussia
- Bulgarian Prince Boris converts
- Boniface reaches Germany
- Alopen reaches China
- Longinus reaches Alodia / Sudan
- Saint Patrick reaches Ireland
- Carthage ratifies Bible Canon
- Ulfila reaches Goth / Romania
- Nicæa proclaims God is Trinity
- Denis reaches Paris, France
- Tertullian writes Christian literature
- Titus destroys the Jewish Temple
- Paul imprisoned in Rome, Italy
- Thomas reaches Malabar, India
- Peter reaches Gentile Cornelius
- Holy Spirit empowers the Church**

(Wikipedia, Timeline of Christian missions)

**Resurrected 33 A.D.**

|                           |                                                                           |                                                                                                                                                                     |
|---------------------------|---------------------------------------------------------------------------|---------------------------------------------------------------------------------------------------------------------------------------------------------------------|
| <b>What are we?</b>       | ▶ Genesis 1:26 - 2:3                                                      | Mankind is created in God's image, male and female He created us                                                                                                    |
| <b>How are we sinful?</b> | ▶ Romans 5:12-19                                                          | Sin entered the world through Adam and then death through sin                                                                                                       |
|                           |                                                                           | <b>When are we?</b> ▼                                                                                                                                               |
| <b>Where are we?</b>      |                                                                           | Innocence Fallen Glory                                                                                                                                              |
|                           | Eternity Past Creation 4004 B.C.                                          | Fall to sin No Law 1500 B.C. Christ 33 A.D. Church Age Kingdom Age                                                                                                  |
| God                       | Father John 10:30 God's perfect fellowship                                | 1 Timothy 6:16 Living in unapproachable light<br>John 8:58 Pre-incarnate Psalm 139:7 Everywhere John 1:14 Incarnate Luke 23:43 Paradise                             |
|                           | Son Genesis 1:31 God's perfect fellowship with Adam in The Garden of Eden | Ephesians 2:1-5 Serving the Savior or Satan on Earth<br>Luke 16:22 Blessed in Paradise<br>Luke 16:23, Revelation 20:5-13 Punished in Hades until the final judgment |
| Mankind                   | Living Deceased believing Deceased unbelieving                            | Hebrews 1:14 Serving mankind at God's command<br>2 Peter 2:4, Jude 6 Imprisoned in Tartarus                                                                         |
|                           | Holy Genesis 1:1 Imprisoned No Creation No people                         | Revelation 20:13 Thalaasa                                                                                                                                           |
| Who are we?               | Fugitive Angels First Beast False Prophet Satan                           | Matthew 25:41 Revelation 20:10 Lake of Fire prepared for the Devil and his Angels                                                                                   |
|                           | Genesis 1:31 No Fall No unholy Angels                                     | 1 Peter 5:8, Revelation 12:10 Rebelling against Christ Accusing mankind                                                                                             |
|                           |                                                                           | Revelation 20:2 Abyss                                                                                                                                               |
| <b>Why are we?</b>        | ▶ Romans 11:25-36, Ephesian 2:7                                           | For God has bound all over to disobedience in order to show mercy to all                                                                                            |

# Destiny

Tagin at [AionianBible.org/Destiny](http://AionianBible.org/Destiny)

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, "*the gates of Hades will not prevail,*" Matthew 16:18. Paul asks, "*Hades where is your victory?*" 1 Corinthians 15:55. John wrote, "*Hades gives up,*" Revelation 20:13.

Jesus comforts us saying, "*Do not be afraid,*" because he holds the keys to *unlock* death and Hades, Revelation 1:18. Yet too often our *Good News* sounds like a warning to "*be afraid*" because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, "*out of the frying pan, into the fire?*" Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, "*Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'*" Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. Jesus said, "*You did not choose me, but I chose you,*" John 15:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



## World Nations

Vbvrirkunamv, nyi vdvw mnwnng gylo vngnyika okv bunua ngoogv lmbwlaksubv mvtterekuka: bunua Abu gyl/a, Kuunyijo gyl/a, okv Dam/knv Dow qv amin bv baptisma ji/laka,  
- Metiu 28:19